



K 209.813  
3

საქართველოს  
მ  
ისტორია


საქიბაძე  
წიგნი

# საქართველოს ისტორია

საკითხავი წიგნი

შედგენილი

აკად. ს. ჯანაშიასა და აკად. ნ. ბერძენი-  
შვილის რედაქციით გამოქვეყნებული სახელმძღ-  
ვანელოების მიხედვით



მეცნიერება

9 (C 41)  
 ББ.К 63.3 (2 Г)  
 9 (47.92r)  
 სპ 23

წიგნში პოპულარულადაა მოთხრობილი საქართველოს ისტორია უძველესი დროიდან. იგი შედგენილია აკად. ს. ჯანაშიასა და აკად. ნ. პერძენიშვილის რედაქციით გამოქვეყნებული საქართველოს ისტორიის სახელმძღვანელოების მიხედვით, რომლებიც თავის დროს დიდი პოპულარობით სარგებლობდნენ მკითხველთა შორის. მასში გაშუქებულია ქვეყნის პოლიტიკური და სოციალურ-ეკონომიკური ისტორიის, აგრეთვე კულტურის საკითხები. წიგნი განკუთვნილია საშუალო სკოლის უფროსკლასიელთათვის და საქართველოს ისტორიით დაინტერესებულ მკითხველთა ფართო წრისათვის.

შემდგენელ-რედაქტორი  
 ვ ი თ რ გ ი მ ე ლ ი ქ ი შ ვ ი ლ ი

მისამო ბამოშვიტა

საქართველოს  
 კარლამინტი  
 ბიბლიოთეკა

## წიგნის ოტყვაობა

1205
 ცნობილია, რომ კარგი სახელმძღვანელოს შექმნა მეტად რთული საქმეა. თუ ეს მოხერხდა, საჭიროა გავუფრთხილდეთ მას და დავიწყებას არ მივცეთ. მე მიმაჩნია, რომ სახელმძღვანელოს შედგენისას არსებითია არა ის თუ რა მასალას ვადმოვცემთ (ამას ადვილად მოევლევა), არამედ ის თუ როგორ ვადმოვცემთ. ის პოპულარობა, რაც ქართველ მოსწავლეს ახალგაზრდობასა და, საერთოდ, ქართულ საზოგადოებაში მოიპოვა საქართველოს ისტორიის საშუალო სკოლის სახელმძღვანელომ, რომელიც აკადემიკოს სიმონ ჯანაშიას ხელმძღვანელობითა და რედაქციით შეიქმნა, უკვე მოწმობს მის დიდ ღირსებას. ეს სახელმძღვანელო პირველად სამამულო ომის წლებში, 1943 წელს გამოქვეყნდა და მალე იმდროინდელი უმაღლესი სამეცნიერო ჯილდო — სახელმწიფო პრემია დაიმსახურა.

ყოველთვის მაწუხებდა, რომ ეს კარგი წიგნი ჩვენ 50-იან წლებში განზე გადავდეთ და მთლიანად ახალი სახელმძღვანელოს შექმნა ვიკისრეთ. თუმცა ეს ახალი სახელმძღვანელო, რომელიც აკადემიკოს ნიკოლოზ ბერძენიშვილის რედაქციით გამოვიდა, თავისთავად წინგადადგმული ნაბიჯი იყო — იგი შეიცავდა აგრეთვე XIX–XX საუკუნეების საქართველოს ისტორიას, რაც ს. ჯანაშიას რედაქციით გამოსულ წიგნში არ მოიპოვებოდა. განსაკუთრებით ცოცხალ და საინტერესო თხრობას XIX საუკუნის ამსახველ მონაკვეთში შეიცავდა ამ სახელმძღვანელოს არა საბოლოო ვარიანტი, არამედ ის მაკეტი, რომელიც მას საფუძვლად დაედო. მეცნიერული თვალსაზრისით ბევრი საგულისხმო კორექტივი იქნა შეტანილი წინა პერიოდის ამსახველ ნაწილშიც ძველ სახელმძღვანელოსთან შედარებით. სამაგიეროდ ეს სახელმძღვანელო უფრო სქემატური იყო, რაც სულ უფროდაუფრო

9 (C 41)  
 ББ.К 63.3 (2 Г)  
 9 (47.92r)  
 სპ 23

წიგნში პოპულარულადაა მოთხრობილი საქართველოს ისტორია უძველესი დროიდან. იგი შედგენილია აკად. ს. ჯანაშიასა და აკად. ნ. ბერძენიშვილის რედაქციით გამოქვეყნებული საქართველოს ისტორიის სახელმძღვანელოების მიხედვით, რომლებიც თავის დროს დიდი პოპულარობით სარგებლობდნენ მკითხველთა შორის. მასში გაშუქებულია ქვეყნის პოლიტიკური და სოციალურ-ეკონომიკური ისტორიის, აგრეთვე კულტურის საკითხები. წიგნი განკუთვნილია საშუალო სკოლის უფროსკლასელებათვის და საქართველოს ისტორიით დაინტერესებულ მკითხველთა ფართო წრისათვის.

შემდგენელ-რედაქტორი  
 ვ ი თ რ გ ი მ ე ლ ი ქ ი შ ვ ი ლ ი

მისამო ბამოშმობა

საქართველოს  
 კარლამუნდის  
 ბიბლიოთეკა

1604  
 195—90  
 M 607 (06)—90

## წიგნის ოტყვაობა

ცნობილია, რომ კარგი სახელმძღვანელოს შექმნა მეტად რთული საქმეა. თუ ეს მოხერხდა, საჭიროა გავუფრთხილდეთ მას და დავიწყებას არ მივცეთ. მე მიმაჩნია, რომ სახელმძღვანელოს შედგენისას არსებითია არა ის თუ რა მასალას გადმოვცემთ (ამას ადვილად მოევლევა), არამედ ის თუ როგორ გადმოვცემთ. ის პოპულარობა, რაც ქართველ მოსწავლეს ახალგაზრდობასა და, საერთოდ, ქართულ საზოგადოებაში მოიპოვა საქართველოს ისტორიის საშუალო სკოლის სახელმძღვანელომ, რომელიც აკადემიკოს სიმონ ჯანაშიას ხელმძღვანელობითა და რედაქციით შეიქმნა, უკვე მოწმობს მის დიდ ღირსებას. ეს სახელმძღვანელო პირველად სამამულო ომის წლებში, 1943 წელს გამოქვეყნდა და მალე იმდროინდელი უმაღლესი სამეცნიერო ჯილდო — სახელმწიფო პრემია დაიმსახურა.

ყოველთვის მაწუხებდა, რომ ეს კარგი წიგნი ჩვენ 50-იან წლებში განზე გადავდეთ და მთლიანად ახალი სახელმძღვანელოს შექმნა ვიკისრეთ. თუმცა ეს ახალი სახელმძღვანელო, რომელიც აკადემიკოს ნიკოლოზ ბერძენიშვილის რედაქციით გამოვიდა, თავისთავად წინგადადგმული ნაბიჯი იყო — იგი შეიცავდა აგრეთვე XIX—XX საუკუნეების საქართველოს ისტორიას, რაც ს. ჯანაშიას რედაქციით გამოსულ წიგნში არ მოიპოვებოდა. განსაკუთრებით ცოცხალ და საინტერესო თხრობას XIX საუკუნის ამსახველ მონაკვეთში შეიცავდა ამ სახელმძღვანელოს არა საბოლოო ვარიანტი, არამედ ის მაკეტი, რომელიც მას საფუძვლად დაედო. მეცნიერული თვალსაზრისით ბევრი საგულისხმო კორექტივი იქნა შეტანილი წინა პერიოდის ამსახველ ნაწილშიც ძველ სახელმძღვანელოსთან შედარებით. სამაგიეროდ ეს სახელმძღვანელო უფრო სქემატური იყო, რაც სულ უფროდაუფრო

გაღრმავდა შემდგომში ტექსტის განუწყვეტელი შემოკლები-  
სა და გადამუშავების პროცესში.

მუდამ მეჩვენებოდა, რომ ჩვენი საშუალო სკოლის უფ-  
როსკლასელ მოსწავლეებს და, საერთოდ, საქართველოს ის-  
ტორიით დაინტერესებულ მკითხველთა ფართო წრეს გარ-  
კვეთულ სამსახურს გაუწყვედა ჩვენი ქვეყნის ისტორიის პოპუ-  
ლარული თხრობა, გადმოცემული ამ სახელმძღვანელოების  
მიხედვით. ამან გაგვაბედინა მკითხველთათვის შეგვეთავაზე-  
ბინა წინამდებარე წიგნი საქართველოს ისტორიაში საკითხა-  
ვი წიგნის სახით.

მასალა მთლიანად ჩვენ დავამონტაჟეთ. წიგნის ის ნაწი-  
ლი, რომელიც XIX საუკუნემდე საქართველოს ისტორიას  
შეიცავს, ამოღებულია უმთავრესად აკად. ს. ჯანაშიას რედაქ-  
ციით გამოქვეყნებული სახელმძღვანელოდან<sup>1</sup> (ავტორები:  
ნ. ბერძენიშვილი — ჩვენი წიგნის §§ 64—88, ი. ჯავახიშვი-  
ლი — §§ 39—51, 53—63, ს. ჯანაშია — §§ 1,2,5—8,12—15,21 —  
38,52), გარდა ზოგიერთი ნაწილისა (§§ 3,4,9—11, 16—20), რო-  
მელიც შეტანილია მასში აკად. ნ. ბერძენიშვილის ხელმძ-  
ღვანელობით შედგენილი სახელმძღვანელოდან<sup>2</sup> და § 37-ისა<sup>3</sup>  
(ამ პარაგრაფების ავტორია გ. მელიქიშვილი). § 80 შეტანილია  
„საქართველოს ისტორიის ნარკვევების“ IV ტომიდან (გვ.  
429—432). XIX საუკუნის საქართველოს ისტორია კი (ავტო-  
რები: მ. დუმბაძე — §§ 89—94, პ. რატიანი — §§ 95—101), წიგ-  
ნში შეტანილია აკად. ნ. ბერძენიშვილის ხელმძღვანელობით  
შედგენილი სახელმძღვანელოდან ან კიდევ ამ უკანასკნელის  
მაკეტიდან, რომელიც ხელნაწერის უფლებით გამოიცა 1956  
წელს. მთელი მასალის მონტაჟი და ყოველგვარი ცვლილება  
თავის დროს ავტორთა ხელიდან გამოსულ ტექსტში, როგორც  
ვთქვით, ჩვენ გვეკუთვნის და, რა თქმა უნდა, ამისი მთელი  
პასუხისმგებლობაც ჩვენ გვაკისრია.

ჩვენს ქვეყანაში მიმდინარე გარდაქმნათა პროცესმა აუცი-  
ლებელი გახადა უახლესი პერიოდის — XX საუკუნის ისტო-

<sup>1</sup> იხ. საქართველოს ისტორია უძველესი დროიდან XIX საუკუნის  
დამდეგამდე, აკად. ს. ჯანაშიას რედაქციით, სახელმძღვანელო საშუალო  
სკოლის უფროსი კლასებისათვის, თბ., 1943.

<sup>2</sup> იხ. საქართველოს ისტორია, სახელმძღვანელო საშუალო სკოლის  
უფროსი კლასებისათვის, შექვესე გამოცემა, თბ., 1966.

<sup>3</sup> პირველად გამოქვეყნდა გაზ. „კომუნისტში“ 1989 წ. 25 მარტს.

რის არსებითი გადამუშავება, ახლებური გააზრება. ამას დრო  
უნდა. ამიტომ საკითხავი წიგნის ამ გამოცემაში ჩვენ თავი  
შევიკავეთ ამ პერიოდის ისტორიის შემოტანისაგან. ვფიქ-  
რობთ, წიგნის ეს ხარვეზი მომავალ გამოცემაში გამოსწორ-  
დება და XX საუკუნის მოვლენათა ამსახველი ნაწილიც წარ-  
მოდგენილი იქნება.

გ. მელიქიშვილი ;



## თ ა ვ ი

### საქართველო უკველესი დროიდან ელინისტური ხანის დასაწყისამდე

#### § 1. პირველყოფილი საზოგადოება საქართველოს ტიპოლოგიაში

მრავალი მილიონი წლის წინათ ახლანდელი კავკასია თითქმის მთლიანად ზღვით იყო დაფარული. მაგრამ ნელინელ, უთვალავი საუკუნეებია განმავლობაში, წყალი ხმელეთს უთმობდა ადგილს. ზღვიდან ამოიწია კავკასიონმა და სხვა მთაგრებილებმა, დასასრულ, კასპიის ზღვა მოსწყდა შავს და მათ შორის კავკასიის ყელი გაჩნდა.

მაღალი ქედების წარმოშობას შემდეგში გამყინვარება ზედ დაერთო. ერთ დროს მყინვარები მთის კალთებზედაც ჩამოდითოდა, ზოგან შთების ძირობამდე. შემდეგში ისინი მწვერვალებსლა შემორჩნენ. ხმელეთის გაჩენასთან ერთად თანდათან მოშენდა და მომრავლდა მცენარეულობა და ცხოველები.

ბოლოს აქ გაჩნდა ადამიანიც. საქართველოში რამდენიმე ადგილას არის ნაპოვნი ამ პირველყოფილი ადამიანის კვალი: ზემო იმერეთში, ქვემო იმერეთში, სამეგრელოში, აფხაზეთში, თრიალეთში. სოხუმის რაიონში ნაპოვნი იმდროინდელი ზოგი ნაშთი კველაზე ძველია საბჭოთა კავშირში. ამ უძველესი ადამიანის სადგომებს ზოგჯერ გამოქვაბულებში ვხვდებით. მაშინდელი ადამიანი სიცივე-ავდრისაგან თუ საშიში მხეცებისაგან თავს ხშირად გამოქვაბულში იცავდა.

მაშინდელი ბუნება განირჩეოდა ჩვენი ქვეყნის დღევანდელი ბუნებისაგან. ტყეები იყო ბევრად უფრო მეტი და ხშირი, მდინარეებიც უფრო წყალმრავალი. მცენარეებშიაც და ცხოველებშიაც მას შემდეგ ბევრი რამე გამოიცვალა. ასე,

მაგალითად, მაშინ ჩვენში იყო გამოქვაბულის დათვი, რომელიც ახლა უკვე აღარ გვხვდება. გადაშენდა მას აქეთ ბევრი სხვა ცხოველიც. სამკვიდროდ, განადა ზოგიერთი ახალი ცხოველი და მცენარე.

უმწეო და განუვითარებელი იყო იმდროინდელი ადამიანი. მას არც მიწის დამუშავება შეეძლო, არც შინაური ცხოველი ჰყავდა. იგი თავს ირწენდა მხოლოდ ტყის ნაყოფითა და ნადირის ხორციით. იარაღიც მას ისეთი ჰქონდა, რომ ბუნებასთან ბრძოლაში ბევრს ვერაფერს გახდებოდა — კაჟისა და თბსიდიანის (ვულკანური მინაა) ნამტვრევები, წვეტიანი ძვალი, ხის კეტი. ქვასა და ძვალს ადამიანი ტკეცავდა და ჩორკნიდა ისევე ქვით, მოსახმარ ფორმას აძლევდა მათ და ასე ამზადებდა საჭრისებს, საფხეკებს, სახვრეტებს. აკეთებდა ის აგრეთვე ხელის ცულს. ასეთი ტლანქად დამუშავებული იარაღის ნაშთები ბლომად არის ნაპოვნი დასავლეთ საქართველოში, განსაკუთრებით გამოქვაბულებში, მაგალითად — გამოქვაბულ „დევის-ხვრელში“, ხარაგოულის მახლობლად.

ცხოვრობდნენ მაშინ პატარ-პატარა ჯგუფებად. ეს ჯგუფები ერთად მიდიოდნენ სანადიროდ, რაკი იარაღი ისეთი სუსტი ჰქონდათ, რომ მარტოხელა კაცი ვერასგზით დიდ ნადირს ვერ მოერეოდა. ყოველგვარ სხვა სამუშაოსაც ადამიანები მაშინ მეტწილად საერთო ძალით ასრულებდნენ.

ტანისამოსით ვერ დაიკვეხნიდა იმდროინდელი ადამიანი, ტანის დასაფარავად მაშინ ჩვეულებრივად ნადირის ტყავს ხმარობდნენ.

თიხის ჭურჭლის გაკეთება ჯერ არ იცოდნენ. იმდროინდელი ადამიანის ენაც განუვითარებელი იყო.

ეს პირველყოფილი ადამიანი საქართველოშიაც, ისევე როგორც სხვაგან, იცნობდა და ხმარობდა უკვე ცეცხლს.

ამ ხანას „ძველი ქვის“ ანუ „პალეოლითის“ ხანას ეძახიან. თანდათან ადამიანმა გააუმჯობესა თავისი იარაღები, თავისი მიუზნეობა. კულტურა ახალ საფეხურზე ავიდა. ეს იყო უკვე „ახალი ქვის“ ანუ „ნეოლითის“ ხანა.

მრავალმა ათასმა წელმა გაიარა, ვიდრე ადამიანი პალეოლითისაგან ნეოლითზე გადავიდა. ნელინელ ადამიანმა ისწავლა ქვის ხევა, ხერხვა, ხვრეტა და გაკრიალება. კაჟზე

უფრო რბილი რიყის ქვისაგან ის ახლა აკოპიტებდა დიდ ცულებს, რომელსაც ყურს უხვრეტდა ხის ტარისათვის, აკეთებდა აგრეთვე სატეხებს, ხერხებსა და ბევრს სხვა იარაღს. ახლა მშვილდ-ისარი იქცა ადამიანის მთავარ საბრძოლო-სანადირო იარაღად. ისარს უკეთებდნენ მაგარ წვერს, მეტწილად კაჟისაგან, აგრეთვე ძვლისაგან.

განდნენ იარაღის ოსტატები და მათი სახელოსნოები, რადგანაც ამგვარი იარაღის გაკეთებისათვის დახელოვნება იყო საჭირო.

ქვის ცულით, ხერხითა და სატეხით ადამიანი უფრო კარგად ამუშავებდა ხესაც. ხისას აკეთებდნენ შინაურ ჭურჭელს, მარხილებს, ნავებს, ძელურ (ჯარგვალა) სახლებს.

ადამიანმა ნეოლითის ხანაში ისწავლა კალათების წვნა, ქსოვილების ქსოვა, თიხის ჭურჭლის კეთება.

ახლა ადამიანი უფრო ძლიერი იყო ბუნებასთან ბრძოლაში, ვიდრე პალეოლითის დროს. ის ნადირსაც უფრო ადვილად ერეოდა და უსულო ბუნებასაც.

მონადირეობის წყალობით ადამიანმა თანდათან მოაშინა ცხოველები, ყველაზე ადრე — ძაღლი, შემდეგ — ირემი, თხა და ცხვარი, ღორი, ზროხა (ხარ-ძროხა). შინაურ საქონელს ადამიანი ხმარობდა თავდაპირველად ხორცად (საჭმელად) და შესაბამელად (ძაღლი, ირემი, ზროხა). შემდეგში წველაც ისწავლეს.

თანდათან შეითვისა ადამიანმა მიწათმოქმედებაც. წვეტიანი ჯოხისა და სადა თოხის (ქარჩის) საშუალებით ამუშავებდნენ მიწას და სთესდნენ ქერს, ფეტვს, ხორბალს.

ნეოლითური იარაღები ნაპოვნია იმერეთში, სამეგრელოში, რაჭა-ლეჩხუმში, აფხაზეთში. სამეგრელოში, სოფელ ოდიშში, აღმოჩენილა ნეოლითური ხანის სადგომ-სახელოსნოთა ნაშთი.

ნეოლითური ხანის მეურნეობის წყალობით ადამიანი უფრო ადვილად იკვებავდა თავს და უფრო ადვილადაც მრავლდებოდა. მოსახლეობა ვახშირდა და ერთ ადგილას დაბინავდა. ხალხი ახლა სოფლებად ცხოვრობდა.

## § 2. პირველყოფილ-თემური წყობილების დარღვევა. საზოგადოებრივი კლასებისა და სახელმწიფოს წარმოშობა

თანდათან გამოიცვალა ჩვენი წინაპრების პირველყოფილ-თემური ცხოვრება. შემოვიდა ლითონის იარაღი ჯერ სპილენძის, შემდეგ — ბრინჯაოსი (სპილენძისა და კალის შენადნობი) და, ბოლოს, რკინისაც. ქართველმა ტომებმა ძალიან ადრე ისწავლეს ლითონის დამუშავება. ამიტომ ქართველი ტომების ისტორიაში ლითონის იარაღის გავლენა უფრო ადრე გამოჩნდა.

ბრინჯაოს და, განსაკუთრებით, რკინის იარაღმა ადამიანის შრომა უფრო ნაყოფიერი გახადა. ვისაც ახლა ხელში ასეთი იარაღი ეჭირა, ის ბუნებასთან ბრძოლაშიაც უფრო ღონიერი იყო, ვიდრე ძველად — ქვისა და ხის იარაღების დროს. ამიტომ ხალხი უფრო შეძლებული და მდიდარი გახდა და უფრო ადვილადაც მრავლდებოდა.

ჩვენი ქვეყნის იმდროინდელ კულტურაზე ჩვენ არქეოლოგიური მასალის საშუალებით ვმსჯელობთ. საქართველოს ნიადაგში აუარებელი ძეგლი და ნივთია ჩამარხული, ჩვენი წინაპრების ნახელავი და ნაკვალევი. ზოგი მათგანი საფლავში ჩაუტანებიათ, ზოგი განძად შეუნახავთ, ზოგიც სხვა შემთხვევის გამო არის გადარჩენილი. დიდმა გათხრებმა მცხეთაში, გათხრებმა კოლხეთის დაბლობში, თრიალეთში, ჩვენ უმდიდრესი მასალა შეგვძინა. ნივთიერი კულტურის ეს ნაშთები წარსულის უტყუარი მოწმეა.

თრიალეთში, 1936—1939 წწ. გათხრების დროს, გახსნილ იქნა სხვადასხვა დროის მრავალი სამარხი. მათ შორის განსაკუთრებით საყურადღებოა ყორღანული (ამთბორცვილი) სამარხები მეორე ათასწლეულის პირველი ნახევრისა, ძვ. წ. ამ უზარმაზარ საფლავებში (ზოგჯერ — 100—175 კვადრატული მეტრის ფართობისა) იმდროინდელი წარჩინებული ხალხია დაკრძალული, შესაძლოა — ბელადები და მათი ოჯახის წევრები. ერთ სამარხში აღმოჩნდა ოთხთვლიანი ხის ეტლი, რომლითაც, ჩანს, მიცვალებულის ნეშტი იყო საფლავში ჩასვენებული. მიცვალებულთათვის თან ჩაუტანებიათ უძვირფასესი ნივთები — ოქროს, ვერცხლისა და ბრინჯაოს

ჭურჭელი, იარაღი და სამკაული, თიხის მოხატული ჭურჭელი და სხვა. ლითონისაგან გაკეთებული ნივთები შემკულია ნაირ-ნაირი ორნამენტით, ფერადი თვლებით (ფირუზით, სარდიონით და სხვ). და რელიეფურად შესრულებული სურათებით, რომლებშიაც ადამიანები, სხვადასხვა ცხოველი და მცენარეა გამოსახული. თრიალეთში ნაპოვნი როგორც ოქრომჭედლობის ნივთები, ისე თიხის ჭურჭელი, ხელოსნობისა და ხელოვნების განსაკვიფრებელი ძეგლებია. ისინი თვალსაჩინოდ ამჟღავნებენ საქართველოს იმდროინდელი მოსახლეობის განვითარების მაღალ დონეს, კერძოდ — ხელოსანთა და ხელოვანთა დახვეწილ ოსტატობას.

იმ ხანაში საქართველოს მოსახლეობა უკვე ძირითადად მიწათმოქმედებას მისდევდა. მოჰყავდათ სხვადასხვა პურეული — ხორბალი, ქერი, ფეტვი. იმდროინდელი ხორბლეულის ნაშთები ნაპოვნია ჩვენს ნიადაგში.

მისდევდნენ მევენახეობასაც — განათხარ მასალებში ყურძნის წიპწაც არის აღმოჩენილი.

ფართოდ იყო განვითარებული მესაქონლეობაც. შინაური პირუტყვიდან ჰყავდათ ცხვარი, ზროხა, ღორი, ცხენი, ძაღლი.

მაღალ დონეზე იდგა ხელოსნობა. უკვე იყვნენ კარგად გაწაფული ოსტატები, რომელნიც აკეთებდნენ მშვენიერ, ზოგჯერ საუცხოოდ მოხატულ, თიხის ჭურჭელს, საუკეთესო ბრინჯაოს იარაღს, ლამაზი ორნამენტით შემკულ, მატყლისა და სელის ქსოვილებს. ხმარობდნენ ოთხთვალა და ორთვალა ურმებსა და ეტლებს. ორთვალა ეტლი, რომელშიაც ცხენს უბამდნენ, საომარი საშუალება იყო.

განვითარებული ყოფილა იმდროინდელ საქართველოში ხელოვნებაც. თითქმის ყველა ნივთს, განსაკუთრებით კი სამკაულებს, ჭურჭლეულობას, იარაღს, საყოფაცხოვრებო საგნებს (მაგ., სარტყლის ბალთებს) ალამაზებდნენ, რთავდნენ ჩუქურთმით, ადამიანის, შინაური და გარეული ცხოველების, მცენარეების გამოსახულებით. ნივთების ეს მორთულობა და მოხატულობა მოწმობს იმდროინდელ ხელოვანთა დაოსტატებისა და გემოვნების მაღალ დონეს. ამასვე ამჟღავნებს თვით ნივთების ნაკეთობაც.

ხუროთმოძღვრების კველაზე ძველი ძეგლები ჩვენს ქვეყანაში მ ე გ ა ლ ი თ ე ბ ი ა. „მეგალითი“ ბერძნული სიტყვაა

და „დიდ ქვას“ ნიშნავს. ასეთი ძეგლები დიდი ლოდებისაგან არის აგებული, მაგრამ უკიროდ და უდულაზოდ. საქართველოში, განსაკუთრებით აღმოსავლეთ საქართველოში, ბლამად მოიპოვება მეგალითური ციხე-დარბაზები, ნაქალაქარები, დოლმენები (ჩვეულებრივად ხუთი ლოდისაგან გაკეთებული ბინაა, მეტწილად — მიცვალებულისათვის; გვხვდება აფხაზეთში), მენპირები (მიწაში ჩასმული მაღალი ქვის სვეტები) და „ვეშაპები“ (მიწაში ჩასმული უზარმაზარი სალოცავი თევზის გამოსახულებანი).

მეგალითურ ძეგლებს ციკლოპურსაც ეძახიან, როგორც ვითომც ზღაპრული არსებების, ციკლოპების, მიერ აშენებულთ. ჩვენში ხალხი მათ გმირთ-ნაკვეთებს, დევთა ნასახლარებს, ქვაკაცებს უწოდებს.

ეს მეგალითები ბრინჯაოს ხანის ძეგლები უნდა იყოს.

ბრინჯაოს ხანაში ჩვენ წინაპრებს ალებ-მიცემა ჰქონიათ საკმაოდ შორეულ მხარეებთან — ხმელთაშუა ზღვის, მცირე აზიის, მესოპოტამიის ქვეყნებთან და ეგვიპტესთანაც, ფულად ბრინჯაოს რგოლებიც გამოუყენებიათ.

უკვე იმ დროს ბარის მოსახლეობაში მდიდარი ხალხი განირჩეოდა ღარიბებისაგან. საზოგადოებრივი უთანასწორობაც უკვე გაჩენილი იყო. ჰყავდათ მონები. არსებობდნენ მთავრებიც (ბელადები).

მაგრამ სიმდიდრე და სიღარიბე, დიდკაცობა და სიბეჩავე-უუფლებობა განსაკუთრებით გაძლიერდა და გავრცელდა მას შემდეგ, რაც რკინა გაჩნდა.

### § 3. უძველესი რელიგიური და მითოლოგიური წარმოდგენები

პირველყოფილი ადამიანი უმწეო იყო ბუნების ძალებთან ბრძოლაში. ბუნება, მასი ყოველი მოვლენა და თვით უსულ საგნებიც კი მისთვის საიდუმლოებით მოცულ სამყაროს წარმოადგენდა. ბუნება ზოგჯერ მოწყალე თვალთ გადმოხედავდა ადამიანს, ზოგჯერ კი დიდად გაამწარებდა. ამიტომ, ადამიანს ეგონა, რომ სამყარო სავსეა კეთილი და ბოროტი ძალებით, ანუ სულებით. ყოველ საგანში იგი ამა თუ იმ სულს

ხედავდა და ცდილობდა კეთილი სულისათვის პატივი ეცა, ხოლო ბოროტის გული მოეღბო. სულთა ასეთი თაყვანისცემა იყო რელიგიის ერთ-ერთი უძველესი საფეხური. ამგვარივე თაყვანისცემის საგნად იქცეოდა ხოლმე ზოგჯერ ესა თუ ის ცხოველიც — განსაკუთრებით ისეთი, რომელიც დიდ როლს ასრულებდა ადამიანის სამეურნეო ცხოვრებაში.

შემდგომ ადამიანის რელიგიურ წარმოდგენებში გარკვეული გარდატეხა მოხდა. თუ ძველად მთავარი ადგილი საგნებისა და ცხოველების გაღმერთებას ეკავა, ახლა უკვე ბუნების ძალების გაღმერთებას წამყვანი როლი მიენიჭა. თაყვანისცემის საგანი გახდა, მაგალითად: მიწა, წყალი, მნათობები — მზე, მთვარე, ვარსკვლავები. დიდი გახდა ნაყოფიერების იდეის გამოხატველი ღვთაებებისა და ამასთან დაკავშირებული რელიგიური წეს-ჩვეულებების მნიშვნელობა.

ყველა ტომს თავისი საკუთარი მფარველი ღვთაება ჰყავდა. მაგრამ, თუ, ერთი მხრივ, ყალიბდებოდა ერთგვაროვანი ნივთიერი კულტურის დიდი არეები, მეორე მხრივ, თანდათან დიდ ტომთა კავშირების ფარგლებში და მათ მეზობლადაც ხდებოდა რელიგიურ წარმოდგენათა შერწყმა. იქმნებოდა აგრეთვე ღვთაებათა საერთო პანთეონი. რა თქმა უნდა, რაც რამ საერთო იყო იმდროინდელ ტომთა სარწმუნოებაში, ყველაფერი როდი იყო ამ ტომთა დაახლოების შედეგი, ზოგი რამ მათი საერთო წარმაცობის შედეგიც იყო, მათი საერთო წინაპარი ტომისაგან მიღებულ მემკვიდრეობას წარმოადგენდა.

რთულდება სარწმუნოებრივი წეს-ჩვეულებებიც. ღმერთების პატივსაცემად, მათი გულის მოსაგებად იმდროინდელი მოსახლეობა მრავალ სხვადასხვა რელიგიურ წესს ასრულებდა. თრიალეთში აღმოჩენილ შუაბრინჯაოს ხანის ვერცხლის სასმისზე გაქოსახულია ერთი ასეთი სარწმუნოებრივი ცერემონია: სასმისის ზედა ნაწილზე გამოხატულია ტახტზე მჯდომი ადამიანისებრი არსება, რომელსაც ხელში სასმისი უჭირავს. მის უკან ხე დგას, ხოლო წინ — სამსხვერბლო, რომლის აქეთ-იქით ორი მხეცია გამოსახული. ტახტზე მჯდომისაკენ მიემართება მისივე მსგავსი არსებების პროცესია: ამათაც ხელში სასმისები უჭირავთ. ყველა ერთნაირადაა ჩაცმული, სახეზე იითქოს ნიღბები აქვთ აფარებული,

ხოლო უკან ნადირის კუდები ჰკიდიათ. სასმისის ქვედა ნაწილზე კი ირმების მსვლელობაა გამოსახული.

ძველ დროს ქართველ ტომებს ჰქონდათ მრავალი თქმულება, რომლებშიაც, ისევე როგორც თითქმის ყველა სხვა ხალხის ამგვარ თქმულებებში, დიდი ადგილი ეკავა კეთილი გმირის ბოროტ ძალებთან ბრძოლის მოტივს. კერძოდ, უკვე ამ დროს ქართველ ტომებში გავრცელებული იყო სხვადასხვა თქმულება, რომელთა საფუძველზე ჩამოყალიბდა ცნობილი ძველი ქართული ეპოსი ამირანის შესახებ. საქართველოს ტერიტორიაზე აღმოჩენილ, უკვე ბრინჯაოს ხანის ზოგიერთ ნივთზე წარმოდგენილ გამოსახულებებში მეცნიერები არჩევენ ამირანის ეპოსის ცალკეულ მოტივებს.

ამირანის ეპოსი გადმოგვცემს კეთილი გმირთა-გმირის ამირანის ბრძოლას ბოროტ არსებებთან და ამირანის მიერ ამ არსებათა დამარცხებას. გმირთა-გმირი ამირანი ნახევრად ღმერთია და ნახევრად ადამიანი. მამამისი ადამიანია, ხოლო დედა კი ღვთაება — ნადირობის ქალღმერთი დალი. ბოროტ სულებთან ამირანის ბრძოლის მოტივს ვარდა, ეპოსში დიდი ადგილი უჭირავს ამირანის მიერ „ღრუბელთ მეუფის“ (ცის, ჭექა-ქუხილის ღვთაების) ქალის, მზეთუნახავ ყამარის მოტაცების ამბავს. ყამარის მამა თავისი ღვთიური ლაშქრით დაედევნება ამირანს, მაგრამ მარცხდება ამირანთან ბრძოლაში. ამირანი ამ გამარჯვებას თვით ყამარის დახმარებით აღწევს. თქმულება თავდება ღმერთის მიერ ამირანის კლდეზე მიჯაჭვის ამბით. ღმერთმა ამირანი იმიტომ დასაჯა, რომ მან, თავისი ძალითა და გამარჯვებით გაამაყებულმა, ღმერთთან შებრძოლებაც კი მოინდომა.

ამირანის ეპოსმა დროთა განმავლობაში მრავალგზისი ცვლილება განიცადა. მასში ბევრი სხვადასხვა დროის ფენაა, მაგრამ, როგორც ვთქვით, თქმულებანი, რომლებიც ამ ეპოსის ჩამოყალიბებას დაედო საფუძველად, უეჭველია, უკვე ძალიან ძველ დროს, ბრინჯაოს კულტურის ხანაში უნდა ყოფილიყო გავრცელებული ქართველ ტომებში.



#### § 4. სამხრეთ-დასავლეთ საქართველოს ტომთა უკველესი გაერთიანებები

დაახლოებით ამ სამი-ოთხი ათასი წლის წინათ, ქართველი ხალხის შორეულ წინაპრებს უკვე ჰქონდათ თავისი საკუთარი სახე. ისინი ენითა და კულტურით უკვე საგრძნობლად განირჩეოდნენ კავკასიასა და მახლობელ აღმოსავლეთში მცხოვრებ სხვა მონათესავე თუ არამონათესავე ტომებისაგან. კიდევ უფრო მეტი: თვით ქართველთა ამ უშუალო წინაპარ მოსახლეობაშიც დიდხანს ურთიერთისაგან გათიშული ცხოვრების გამო ფეხი გაიდგა განსხვავებამ ენის, ზნე-ჩვეულებისა, მატერიალური და სულიერი კულტურის მხრით. განსხვავება ისახებოდა არა მარტო ქართველი ტომების ისეთ დიდ ჯგუფებს შორის, როგორც არიან ქართველი, მეგრულ-ჭანები და სვანები, არამედ თვით ქართველის, მეგრულ-ჭანებისა და სვანების ცალკეულ ტომებს შორისაც.

საქართველოს ტერიტორიაზე ძველად სხვა მოდგმის ტომებსაც უცხოვრიათ. მათ შორის იყვნენ აფხაზურ-ადიღეურ, ვეინაზურ, დაღესტნურ და სხვა ენებზე მოლაპარაკე ცალკეული ტომებიც. ამ მოდგმის ტომები იმ დროს ფართოდ იყვნენ გავრცელებული უმთავრესად საქართველოს მეზობლად — ჩრდილო კავკასიაში, აგრეთვე თანამედროვე აზერბაიჯანის ტერიტორიაზე.

სამხრეთიდან ქართველ ტომებს ემეზობლებოდნენ ძველი აღმოსავლეთის დიდი სახელმწიფოების შემქმნელი ხალხები — ხურიტები (მითანის სამეფოს ძირითადი მოსახლეობა), ხეთები (მცირე აზიაში), ურარტუელები (ხურიტების მონათესავე ხალხი, რომელმაც ვანის ტბის რაიონში შექმნა ჩვ. წ. აღ-მდე IX საუკუნეში ძლიერი სახელმწიფო ურარტუ), ძველთაგანვე ქართველი ტომების უშუალო მეზობლები იყვნენ აგრეთვე სომეხი ტომებიც, რომლებიც იმ დროს მცირე აზიის აღმოსავლეთ პერიფერიაზე ცხოვრობდნენ.

ამ ხანაში, როგორც ზევით დავინახეთ, საქართველოს ტერიტორიაზე იწყება ტომთა დიდი კავშირების ჩამოყალიბება, სამხრეთ-დასავლეთ საქართველოს ტომთა ერთი ასეთი დიდი გაერთიანება იყო დ ი ა ლ ხ ი, რომლის სახელიც შემდგომ საქართველოს ერთ-ერთ ოლქს, ტაოს, შემორჩა. სამხრეთით

დიაოხის ტომთა კავშირის ტერიტორია დღევანდელ ქალაქ არზრუმის რაიონამდე აღწევდა.

უკვე ჩვ. წ. აღ-მდე XII საუკუნის ბოლოს დიაოხი საკმაოდ გაძლიერდა. ამიტომ იყო, რომ, როდესაც ჩვ. წ. აღ-მდე 1112 წ. ჩრდილო მესოპოტამიაში მდებარე დიდი სახელმწიფოს — ასურეთის — ლაშქარმა ჩრდილოეთისაკენ გამოილაშქრა, დიაოხის ბელადი სიენი ჩაუდგა სათავეში ამ მხარეში მცხოვრები ტომების ბრძოლას ასურელების წინააღმდეგ. ბრძოლაში ასურელებმა გაიმარჯვეს. მაგრამ შორეულ ასურეთს ძალა არ შესწევდა ნამდვილად დაემორჩილებინა დიაოხი.

უფრო გართულდა დიაოხის მდგომარეობა მაშინ, როდესაც მის მეზობლად, ვანის ტბის ირგვლივ მდებარე მიწა-წყალზე, ჩვ. წ. აღ-მდე IX საუკუნეში ძლიერი ურარტუს სამეფო ჩამოყალიბდა. ურარტუს მეფეები ცდილობდნენ, რადაც არ უნდა დასჯდომოდათ, დაემორჩილებინათ მადნეულითა და ლითონით მდიდარი ეს ქვეყანა. შავი ზღვის სამხრეთ-აღმოსავლეთ კუთხეში მცხოვრები ტომები ძველთაგანვე განთქმული იყვნენ ლითონების დამუშავების ოსტატობით. ამ დროს კი აქ ფართოდ იწყებს განვითარებას რკინის მეტალურგია. ძველი ბერძნები ამ ადგილებში მცხოვრებ ზოგიერთ ტომს „რკინის გამოშვებლად“ თვლიდნენ.

ურარტუს მეფეებმა მრავალგზის ილაშქრეს დიაოხის „ძღვევამოსილი ქვეყნის“ წინააღმდეგ, როგორც თავიანთ წარწერებში უწოდებენ მას. რამდენჯერმე დაამარცხეს მისი მეფე უტუფურში, რომლისაგანაც ერთდროული ხარკის სახით დიდძალი პირუტყვი (ცხენი, ხარი, ძროხა, ცხვარი) და აგრეთვე რამდენიმე ათეული კილოგრამი ოქრო-ვერცხლი და ტონობით სპილენძი მიიღეს; ყოველწლიური ხარკის სახით კი დიაოხს უნდა ეხადა 5 ტონაზე მეტი სპილენძი, აგრეთვე ოქრო, პირუტყვი და სხვ. ურარტუელებმა შეძლეს დიაოხისათვის სამხრეთი რაიონები მოეწყვიტათ და ისინი თავიანთ სამეფოს შეუერთეს.

ჩვ. წ. აღ-მდე მე-8 საუკუნის შუახანებში დიაოხის ეს დიდი გაერთიანება გაანადგურეს, ერთი მხრივ, ურარტუმ და, მეორე მხრივ, სამხრეთ-დასავლეთ საქართველოს ტომთა მეორე დიდმა გაერთიანებამ — კოლხამ.

კოლხა შავი ზღვის სამხრეთ-აღმოსავლეთ კუთხეში მცხოვრები ტომების გაერთიანება იყო, რომელიც ძალიან ადრე ჩამოყალიბდა. მან დიდი როლი შეასრულა შავი ზღვის სამხრეთ-აღმოსავლეთ და აღმოსავლეთ სანაპიროებზე მცხოვრები ტომების ისტორიაში. მოაქცია რა ისინი თავისი გავლენის ქვეშ, ამით მან დიდად შეუწყო ხელი აქ მცხოვრები ტომების დაახლოებას, მათ კულტურულ მონაპოვართა ურთიერთგაზიარებას და გვიანი ბრინჯაოს ხანის ერთგვაროვანი მატერიალური კულტურის დიდი არის შექმნას.

ბერძნები ამ ადგილებს სწორედ კოლხური ტომების ამ გაერთიანების ძლიერების ხანაში გაეცნენ.

კოლხას ამ ძლიერ გაერთიანებაზე ხსოვნამ გამოხატულება ჰპოვა ძველ ბერძნულ თქმულებაში არგონავტების შესახებ. თქმულება მოგვითხრობს, რომ კოლხეთში ერთ დროს მეფობდა ძლიერი მეფე აეტი. იგი სხვა ბევრ სიმდიდრესთან ერთად, ფლობდა ოქროს საწმისს — ზღაპრულ ოქროსმატყლიან ცხვრის ტყავს. ამ საწმისის მონაპოვებლად კოლხეთს გაემართა ორმოცდაათიოდე ბერძენი გმირი იაზონის მეთაურობით. თქმულება მათ არგონავტებს უწოდებს, რადგან მათ იმგზავრეს ხომალდით, რომელსაც სახელად „არგო“ ერქვა.

კოლხეთის მეფე აეტმა არგონავტები თავის ბრწყინვალე სასახლეში მიიღო. იაზონმა ამცნო მეფეს მოსვლის მიზანი და ოქროს საწმისის სანაცვლოდ მეზობლებთან ბრძოლაში დახმარება შესთავაზა.

აეტმა იაზონს უპასუხა: ოქროს საწმისს მოგცემ, თღონდ მანამდე სამი რამ უნდა გააკეთო: სპილენძის ჩლიქიანსა და ცეცხლისმფრქვეველ ხარებს მიწა მოათხრევირო, ურჩხული მოკლა და მისი კბილები დათესო; და, ბოლოს, იმ ნათესიდან რომ დავგმირები ამოვლენ, ისინი დახოცო.

იაზონი ვერც ერთ პირობას ვერ შეასრულებდა, აეტის ასულს, მზეთუნანავ მედეას რომ არ აღმოეჩინა მისთვის დახმარება. მედეამ ეს იაზონისადმი ტრფობის გამო ჩაიდინა. მედეას დახმარებით იაზონმა აეტის ყველა დავალება შეასრულა. მიუხედავად ამისა, აეტი მაინც არ აპირებდა მისთვის ოქროს საწმისის მიცემას. მაშინ იაზონმა და მისმა თანამგა

ზავრებმა გაიტაცეს ლქროს საწმისი — ისევე მედეას დახმარებით, რომელმაც მოაჯადოვა და მიაძინა საწმისის მცველი ურჩხული. არგონავტებმა მედეაც თან წაიყვანეს და საბერძნეთისაკენ გაემართნენ. გზაში მათ წამოეწივნენ აეტის მიერ დადევნებული მეომრები, მედეას ძმის აფსირტეს მეთაურობით, მაგრამ არგონავტებმა დაამარცხეს მდევერები და თვით აფსირტეც მოკლეს.

ზღაპრულ ამბებთან ერთად ამ თქმულებაში ისტორიული სინამდვილეც არის ასახული.

კოლხეთის სამეფოს აღწერისას აქ ნაწილობრივ აირეკლა რეალურად არსებული დიდი კოლხური გაერთიანების დიდება და ბრწყინვალეობა.

სამხრეთ-დასავლეთ საქართველოს ტომთა ეს ორი დიდი გაერთიანება — დიაოხი და კოლხა — საუკუნეთა განმავლობაში ხშირად უპირისპირდებოდა ერთმანეთს. ხშირად იყო მათ შორის შეტაკებებიც. ჩვ. წ. აღ.-მდე მე-8 ს. შუა ხანებში ურარტუსთან გამუდმებული ბრძოლით დასუსტებულმა დიაოხიმ ველარ გაუძლო ძლიერი კოლხას შემოტევას და განადგურებულ იქნა.

14209 8/13

დიაოხის მიწა-წყლის ნაწილი კოლხას შემადგენლობაში მოექცა. ურარტუ და კოლხა უშუალო მეზობლები გახდნენ. ახლა ბრძოლა მათ შორის გაჩაღდა. ამ ბრძოლებმა დიდად დაასუსტა კოლხა. მალე მას კიდევ უფრო საშიში მტერი გამოუჩნდა ჩვ. წ. აღ.-მდე მე-8 საუკუნის 20-იანი წლებიდან დაიწყო კავკასიონის იქითა მხრიდან ხალხის დიდი მასების შემოსევა. ამ შემოსევის პირველ ტალღას შეადგენდნენ კიმერიელები, რომლებიც სამხრეთისაკენ გამოიჭრნენ შავი ზღვის კოლხური სანაპიროს გამოვლით. ეს შემოსევა საბედისწერო აღმოჩნდა კოლხეთისათვის, რომლის მიწა-წყალზე გადაიარეს კიმერიელები. ამას კოლხას გაერთიანების განადგურება მოჰყვა შედეგად.

მალე ისევე ჩრდილოეთიდან შემოიჭრნენ, ახლა კასპიის ზღვის დასავლეთ სანაპიროს გზით, კიდევ ახალი ტომები — სკვითები. სკვითებისა და კიმერიელების ნაწილი ამიერკავკასიისა და სამხრეთით მის მოსაზღვრე ზოგიერთ ოლქში დამკვიდრდა. ადგილობრივ მოსახლეობასთან მათ ზოგჯერ

საქართველოს  
პარლამენტის  
კოლხეთის  
კვიციანი



მტრული ურთიერთობა ჰქონდათ, ზოგჯერ კი მათ მოკავშირეებად ხდებოდნენ გარეშე მტრებთან ბრძოლაში.

ამგვარად, ჩვ. წ. აღ.-მდე მე-8 საუკუნის მეორე ნახევარში განადგურდა სამხრეთ-დასავლეთ საქართველოს ტომთა ორი დიდი გაერთიანება (ალბათ უკვე ადრეკლასობრივი სახელმწიფო) – დიაონი და კოლხა.

§ 5. საქართველოს მეზობელი ძველები მე-7 და მე-6 საუკუნეებში კველი წელთაღრიცხვით

მე-7–მე-6 საუკუნეებში საქართველოს მეზობელ ქვეყნებში დიდი ცვლილებები მოხდა. მოიშალა და დაემხო ძველი სახელმწიფოები, მათ ადვილას კი ახალი აღმოცენდა. ბევრმა ტომმა გამოიცვალა თავისი ადგილსამყოფელი, ახალი მიწა-წყალი დაიპყრო და დაპყრობილი ტერიტორიის მოსახლეობა ან გააძევა, ან შეიერთა, ან მოსპო. მოსულებისა და დამხდურების შეერთებით საფუძველი ჩაეყარა ახალ ხალხებსაც.

ურარტუს სამეფოს მიდრეკილება მოუღეს ბოლო მეშვიდე საუკუნის დამლევს. შემდეგ მიდრეკილება შემუსრეს აგრეთვე ასურეთი, რომელიც მეშვიდე საუკუნეში წინა აზიის ყველაზე ძლიერი სახელმწიფო იყო.

მაგრამ არც მიდრეკილების ბატონობა გამოდგა ხანგრძლივი. მალე პირველობა სპარსელების ხელში გადავიდა. სპარსელების მეფემ კიროსმა ჯერ (550 წ.) მიდიის სამეფო დაიპყრო, შემდეგ ხმელთაშუა ზღვისაკენ გაიკაფა გზა, ბოლოს ბაბილონიც დაიმორჩილა. ასე წარმოიშვა სპარსეთის უზარმაზარი სახელმწიფო, რომელსაც აქემენიდების სამეფოსაც ეძახიან, იმიტომ რომ კიროსი და მისი მემკვიდრეები აქემენიდების საგვარეულოს ეკუთვნოდნენ.

მე-7–მე-6 საუკუნეებში მცირე აზიაში განსაკუთრებული მნიშვნელობა ჰქონდა ზღვისპირა ბერძნულ ქალაქებს. ბერძენი ტომები აქ საბერძნეთიდან მოვიდნენ, დიდი ხნის წინათ, და ეგეოსის ზღვისპირას დამკვიდრდნენ. ბერძენ ტომთაგან აქ განსაკუთრებით ძლიერი იყვნენ იონიელები, რომლებმაც მთელი რიგი ქალაქები დაარსეს, მათ შორის – მილეტი. მილეტი მცირე აზიელი ბერძნებისა და, საერთოდ, წინა აზიის უმნიშვნელოვანესი ქალაქთაგანი იყო. მილეტის ნაოსნადგურში თავდებოდა ძველი ქვეყნის ყველაზე დიდი

საკვტრო გზა, რომელიც შორეულ ინდოეთში იწყებოდა. აქაურ ქალაქებში, განსაკუთრებით — მილეტში, ჩაისახა და განვითარდა ბერძნული, სამეცნიერო და პოეტური მწერლობა, ბერძნული ხელოვნება.

მე-6 საუკუნის დამლევისათვის მცირეაზიელმა ბერძნებმაც სპარსელების ბატონობა აღიარეს.

კავკასიონისა და შავი ზღვის ჩრდილოეთით მე-7—მე-6 საუკუნეებში სკვითები და სავრომატები (ანუ სარმატები) პირველობდნენ. სკვითებს ეჭირათ ტერიტორია მდ. დუნაიდან მდ. დონამდე, დონიდან აღმოსავლეთით კი უკვე სარმატების მიწა-წყალი იწყებოდა. „სკვითიცა“ და „სარმატიც“ კრებითი სახელები იყო და მრავალ სხვადასხვა, ძირითადად ირანული, მოდგმის ტომს აღნიშნავდა. სარმატებად სთვლიდნენ ზოგჯერ კავკასიელ ტომებსაც — ჩერქეზებს, ქისტებსა და სხვებს.

მე-7—მე-6 საუკუნეებში განსაკუთრებით ძლიერი იყვნენ სკვითები. სპარსელებს მეფემ დარიოსმა, რომელიც დარწმუნებული იყო, დედამიწის ზურგზე ჩემი სწორი არავინ არისო, სკვითების დამორჩილება სცადა. იგი უზარმაზარი ლაშქრით შეესია სკვითეთს, მაგრამ მწარე დამარცხება იწვნია.

## § 6. ბერძნული ახალშენები შავი ზღვის სანაპიროზე

ძველთაძველი დროიდანვე კავკასია-საქართველოს ხალხებს ალებ-მიცემა ჰქონდათ ეგეოსის ზღვის ხალხებთან. ამ გაკვალულ გზებს შემდეგში ბერძნებიც მიჰყვნენ. მე-7 საუკუნისათვის ეს ვაჭრობა ისე გაფართოვდა და გაცხოველდა, რომ ბერძნებმა საჭიროდ დაინახეს შავი ზღვის სანაპიროზე მუდმივი ბინა გაეჩინათ. ისინი შეუდგნენ აქ ახალშენების დაარსებას.

საქართველოში ბერძნული ახალშენები იყო ფასიდი (ანუ ფაზისი), დიოსკურია, პიტიუნტი. ეს იყო სანავთსადგურო ქალაქები. ფასიდი დღევანდელი ფოთის ადგილას ან მის მახლობლად მდებარეობდა, დიოსკურია — სოხუმის ადგილას, პიტიუნტი, რომელსაც ჰველი ქართველები ბიჭვინტას ეძახდნენ, მდინარე ბზიფის შესართავის ახლო იყო აშენებული.

ბერძნებს ჩვენს ქვეყანაში ყველაზე მეტად ვაჭრობა აინტერესებდათ. აქ და, საერთოდ, კავკასიაში ბერძნებს ბევრი თავისთვის საჭირო საქონელი ეგულებოდათ. ბერძნებს აქედან გაჰქონდათ სელი და სელის ქსოვილები, ბეწვეული, ტყავები, ძვირფასი ხის, მაგალითად — ბზის მასალა, საშენებელი ხე-ტყე, თქრო და სხვა ლითონები. შემოჰქონდათ კიდევ თავისი ხელოსნების ნაწარმოები: ქსოვილები, სამკაულები, ჭურჭლეულობა და კვების ზოგი პროდუქტი (მაგ., ზეთი).

მაგრამ კავკასიაში დამკვიდრებულ ბერძნებს პრაქტიკულმა ინტერესებმა თანდათან ცნობისმოყვარეობა გაუცხოველა — რა ხალხები ცხოვრობენ შავი ზღვის სანაპიროზე, როგორია მათი ზნე-ჩვეულება, მეურნეობა, გზები, საზოგადოებრივი წყობილება და ისტორია, როგორია აქაური ბუნებაო. ამგვარ ცნობებს ჯერ ვაჭრები, მეზღვაურები და სამხედრო პირები ჰკრებდნენ, შემდეგ იმდროინდელი მეცნიერები ამუშავებდნენ.

## § 7. ძველი ბერძნული ცნობები საქართველოს შესახებ

ამრიგად, თუ ჩვენი ქვეყნის ისტორიას მეშვიდე-მეექვსე საუკუნემდე, ძვ. წ., უმთავრესად არქეოლოგიური მასალის საშუალებით ვსწავლობთ, ამ დროიდან მოყოლებული უკვე წერილობით ცნობებსაც ვიყენებთ. ძველ ბერძნულ მწერლობაში დაცულია ჩვენი ქვეყნის ბუნების, მოსახლეობისა და მისი კულტურის, სახელმწიფო საზღვრებისა და ისტორიის აღწერილობა. თავდაპირველად ეს ცნობები მცირე იყო, მაგრამ ისინი თანდათან გამრავლდა და გამდიდრდა.

უძველესი ბერძნული ცნობები (მე-6—მე-4 სს., ძვ. წ.) საქართველოს მცენარეულობით, ცხოველებითა და მინერალური ნედლეულით მდიდარ ქვეყნად გვიხატავენ. კულტურული მცენარეებიდან დასახელებულია ვაზი და აღნიშნულია, რომ აყენებდნენ ღვინოს. მოხსენებულია კაკალი და წაბლი. აღნიშნულია, რომ წაბლის ნაყოფს დიდი რაოდენობით ხმარობდნენ, ან მოხარშულს, ან პურის სახით გამოიმცხვარს. შავი ზღვისპირა ქვეყნების და, მაშასადამე, საქართველოს შესახებაც ნათქვამია, რომ აქ აშენებენ ყოველნაირი ჯიშისა და კარგი ხარისხის მსხალსა და ვაშლს დიდი რაოდენობით,

ბლომად ხარობს აქ აგრეთვე ლელვი და ბროწეულით. შოგი ხეხილი აქედან შემდეგში სხვა ქვეყნებშიაც გავრცელდა. მაგალითად, კოლხეთის ქალაქ კერასუნტიდან რომაელებმა პირველად შეიტანეს ევროპაში ბალი, რომლის სახელი ევროპულ ენებში კერასუნტის სახელთანაა დაკავშირებული. პურეულიდან დასახელებულია ხორბალი, ასლი და ქერი. პური ზოგიერთ რაიონში ისეთი რაოდენობით მოჰყავდათ თურმე, რომ ახალი მოსავლის აღების შემდეგაც წინა წლის მოსავლიდან დიდი მარაგი რჩებოდათ. ტექნიკური (სართავი) მცენარეებიდან უკვე მეხუთე საუკუნეში, ძვ. წ., განთქმული იყო კოლხური სელი და მისი ქსოვილი, რომელიც საზღვარგარეთ გაჰქონდათ, ჩანს მნიშვნელოვანი რაოდენობით. ფასიანური (ე. ი. მდ. ფასიდის ანუ რიონის რაიონის) თხელი სელი საუკეთესო მასალად იყო მიჩნეული აგრეთვე ბადეებისათვის. იხსენიება სხვადასხვა ბოსტნეულიც.

ცნობილი იყო აგრეთვე შავი ზღვისპირის ფუტკარი, ხშირი და მდიდარი ღალა იცისო, და აქაური „თეთრი და სქელი თაფლი“. დასავლეთ საქართველოს ამკვარ თაფლს, რომელსაც ქართულად, „კიპრუჭი“ ჰქვიან, შემდეგშიაც ყოველთვის ძალიან აქებდნენ უცხოელები. მისდევდნენ შინაურ მეფუტკარობას (ფუტკარი სკებში ჰყავდათ), და აგრეთვე ტყის ფუტკრის თაფლსაც აგროვებდნენ. შინაური ოთხფეხიდან დასახელებულია ძროხა, ცხვარი, ღორი, თხა, ცხენი, ვირი. დიდი ბერძენი ფილოსოფოსი არისტოტელე წერს: „ფასიდზე არის პატარა ძროხები, რომელთაგანაც თითოეული ბევრ რძეს იძლევა“. ეს ქართული ჯიშის ძროხა, პატარა ტანისა, მაგრამ კარგი მეწველი, დღემდე არის ჩვენში შემონახული (მაგალითად, ხევსურეთში).

ძველი ბერძნები საქართველოს ლითონებით მდიდარ ქვეყნად თვლიდნენ, ამ ქვეყანაში ბევრია ოქრო, ვერცხლი და რკინაო. მოუთხრობდნენ, რომ კოლხეთის ერთმა უძველესმა მეფემ თავის სახელმწიფოში, განსაკუთრებით — სვანეთში აუარებელი ოქრო და ვერცხლი მოიპოვაო. იუწყებიან აგრეთვე სხვა მინერალების შესახებაც. მაგალითად, როგორც კოლხეთში, ისე იბერიაში ძველთაგანვე წარმოებდა სინგურის მოპოვება (ამ მინერალიდან, რომელიც ვერცხლის წყლისა და გოგირდის შენაერთია, წითელ საღებავს ამზადებენ).



კიდევ უფრო დიდა აზრისა იყვნენ ბერძნები აქაური მკულურების შესახებ. ამ მხრივ განსაკუთრებით ბევრი ცნობა დაგვიტოვეს მათ სამხრეთის ტომების — ხალიბებისა და მოსინიკების — შესახებ. ხალიბების ქვეყანაში მდინარეებს რკინის ქვიშა ჩამოაქვს. ხალიბები ამ ქვიშას რამდენიმეჯერ რეცხავენ და აღნობენ ეგრეთწოდებულ „ცეცხლგამძლე ქვასთან“ ერთად, რომელიც ბევრია მათ ქვეყანაში. ასე ამზადებენ ხალიბები რკინას, რომელიც ბევრად სჯობია სხვა რკინას და ვერცხლში ძნელი გამოსარჩევია. მხოლოდ ამგვარ რკინას არ ეკიდება ჟანგიო. აქ აღწერილია მაღალი ხარისხის ფოლადის დამზადება. ამიტომია რომ ფოლადის ბერძნული სახელი „ხალიფს“, ხალიბების სახელწოდებისაგანაა ნაწარმოები და ხალიბურ ლითონს აღნიშნავს. ასეთივე ნახელავით ცნობილი იყვნენ ტიბარენებიც, ხალიბების მეზობლები. ხალიბების სხვა მეზობლები, მოსინიკები, განთქმული იყვნენ თავისი მაღალხარისხოვანი თითბერით. მოსინიკების სპილენძი კაშკაშა ელვარეა და მეტისმეტად თეთრი; სპილენძს მოსინიკები კალას კი არ ურევენ, არამედ ერთგვარს იქაურ მიწას, რომელსაც სპილენძთან ერთად აღნობენო. თითბერის სახელიც ზოგიერთს ევროპულ ენაში (მაგ., გერმანული „მესინგ“) მოსინიკების სახელისაგან არის წარმომდგარი. ხალიბების, მოსინიკებისა და ტიბარენების ტერიტორია, რომელიც ჭოროხის აუზზე და ტრაპიზონ-გირესუნ-ორდუს საზღვრებში მოდის, განსაკუთრებით ამ ტერიტორიის მთიანეთი, მართლაც მეტად მდიდარია ლითონის მადნებით.

ეს სიმდიდრე იზიდავდა ბერძნებს კავკასია-საქართველოსაკენ. სხვა საქონელს გარდა აქ ისინი შოულობდნენ აგრეთვე მონებსაც. აი, როგორ აგვიწერს ერთი ძველი ბერძენი მწერალი საზოგადოდ შავი ზღვისპირა ქვეყნებს: „პონტოში ბევრი რამ არის, სხვა ხალხების ცხოვრებისათვის სასარგებლო... პონტოს გარშემო მდებარე ქვეყნები გვაწვდიან, აუცილებელი სასიცოცხლო მოთხოვნილების დასაკმაყოფილებლად, პირუტყვს და უეჭველად საუკეთესო მონებს უდიდესი რაოდენობით, ხოლო ფუფუნებასა საგნებად კი უხვად გვაძლევენ თაფლს, ცვილს (თაფლის სანთელს) და დამარილებულ თევზს. ხოლო იმ ნაწარმოებიდან, რითაც მდიდარია ჩვენი ქვეყნები, იღებენ ზეთსა და ყოველგვარ ღვინოს. პურითაც აღებ-მიცემო-

ბენ ჩვენთან, ხან გვაწვდიან საჭიროების დროს, ხან იღებენ“.

დასავლეთ საქართველოს ძველად, როგორც ნათქვამია, ბერძნები კოლხეთს უწოდებდნენ, ადგილობრივ მას ეგრისი ერქვა. ამ სამეფოს შესახებ მე-7 საუკუნიდან, ძველი წელთაღრიცხვით, ბერძენი მწერლები გვიამბობენ.

ბერძნული ახალშენები დიდ სარგებელს პოულობდნენ კოლხებთან ვაჭრობაში. გაიზარდა და გამდიდრდა ეს ქალაქები. მარმარილოსაგან ნაკეთები შენობებით, კარგი წავსადგურებით, არხებითა და წყალსადენებით, მტკიცე ქალაქის კედლებით შეიმკო და გამაგრდა პიტიუნტი და დიოსკურია, ფასიდი და ტრაპიზონი. უცხოელი ვაჭრებისაგან დარჩენილს სხვადასხვა ქვეყნის ფულს დღესაც პოულობენ დასავლეთ საქართველოს ნიადაგში.

ეს ვაჭრობა სასარგებლო იყო კოლხებისთვისაც. ერთმანეთშიაც კოლხებმა ისეთი ალებ-მიცემა გააჩადეს, რომ მათ უკვე უცხოეთიდან შემოტანილი ფული აღარ ჰყოფნიდათ. მე-5 საუკუნიდან კოლხეთში ადგილობრივი ფულის ჭრა დაიწყეს. ეს ვერცხლის ფული იყო, რომელზედაც ჩვეულებრივ ერთ მხარეს ხარის თავი იყო გამოსახული, მეორე მხარეს კი — კოლხების ქალღმერთი. ფულს სხვადასხვა ზომისას ჭრიდნენ. კოლხურ ფულს ახლაც ბლომად პოულობენ დასავლეთ საქართველოში. სამკაულები იცოდნენ თქროსი, ვერცხლისა, ბრინჯაოსი — საყურე, ბეჭედი ქინძისთავეები, სხვადასხვა ცხოველის გამოსახულებანი. უყვარდათ ბრინჯაოს ფართო ქამრის თავები ანუ ბალთები, რომლებზედაც გამოსახული იყო სხვადასხვა ცხოველი. უყვარდათ სხვადასხვა მძივისაგან გაკეთებული ყელსაბამებიც. მიცვალებულებს ხშირად ასაფლავებდნენ თიხის კუბოებში ან ქვევრებში.

მკვდრებს სამარეში, ფულის გარდა, ყოველგვარ იარაღს, ჭურჭლეულობასა და სამკაულებსაც აყოლებდნენ.

როცა ძველი კოლხების საფლავებს ვსინჯავთ, ვხედავთ, რომ ზოგ სამარეში მდიდარი კაცია დამარხული, ზოგში კი ღარიბი. ზოგისათვის ბევრი თქრო-ვერცხლი, იარაღი და ფული ჩუტანებიათ, სხვებისთვის — ცოტა. ამკარაა, კოლხებში იმ დროს ქონებრივი უთანასწორობა უკვე იყო ფეხგადგმული. უფრო იშვიათად ისეთი სამარხებიც გვხვდება, რომ, საფიქრებელია, იქ მეფე ან ვინმე მთავარია დაკრძალული.

აქემენიდების დიდმა სახელმწიფომ თავისი გავლენა კავკასიასაც გადმოუწვდინა. სპარსელებმა სხვებზე ადრე ის ქართული თემები დაიმორჩილეს, რომელნიც ახლანდელი ამიერკავკასიის სამხრეთით მდებარეობდნენ. მე-5 საუკუნის პირველ ნახევარში სპარსეთის სამეფოს ორი ჩრდილოეთით მდებარე ოლქი ამ ქართულ და სხვა თემებისაგან შედგებოდა. მე-18 ოლქში, რომელიც მდ. არაქსის ხეობასა, მდ. ევფრატისა და ტიგროსის სათავეებსა და ვანის ტბის გარშემო იდო, შედიოდნენ მატეენები, სასპერები და ალაროდიები, როგორც ამას ჰეროდოტე მოგვითხრობს. მე-19 ოლქში კი, რომელიც შავი ზღვის სამხრეთ სანაპიროს ემხრობოდა, შედიოდნენ მესხები, ტიბარენები, პოსინიკები და სხვები. ეს ოლქები სპარსეთის მეფეს მიძიკ ღარკს უხდიდნენ.

შემდეგ სპარსელები ამიერკავკასიაშიც შემოჭრილან. კოლხებმა და მათმა მეზობლებმა სპარსეთის მეფის სასარგებლოდ ძღვენი იკისრეს, რომ სპარსელების შემოსევებისაგან თავი დაეხსნათ. დრო-გამოშვებით ისინი სპარსეთის მეფეს ტყვეებს უგზავნიდნენ.

ხარკზე არანაკლებ სამძიმო იყო დამორჩილებულთათვის მოვალეობა, რომ მათ მონაწილეობა უნდა მიეღოთ სპარსელების ყველა ლაშქრობაში, თუკი ამას მეფე მოითხოვდა. როცა, მაგალითად, სპარსელები საბერძნეთს შეესივნენ, მათს ჯარში ქართველი მებრძოლებიც ბლომად იყვნენ.

400 წ., ძველი წელთაღრიცხვით, ბერძენმა სარდალმა და მწერალმა ქსენოფონტემ თავისი თვალთ ნახა და დაწვრილებით ასწერა სამხრეთ-ქართული თემების, ხალიბების, მოსინიკების, ტაოხებისა და სხვების, ყოფა-ცხოვრება.

მიუხედავად იმისა, რომ ავბედობის წყალობით, ეს თემები იმ ხანად დასუსტებული იყვნენ, ქსენოფონტე მათს სოფლებში ყველგან დიდ სანთავაგესა და შინაურ საქონელსაც ბლომად პოულობდა.

ვაჭრობაც ამ თემებში გავრცელებული ყოფილა და მათ საკუთარი ქალაქებიც ჰქონდათ. ზღვისპირისაგან დაშორებით, მაგალითად, იყო გუმნიაღი, დიდი და მდიდარი ქალაქი. როცა



ბერძნებთან კარგი განწყობილება ჰქონდათ, ეს თემები მათ თავის ბაზრებს უხსნიდნენ.

აქაური ჩვეულებრივი საომარი იარაღი ყოფილა: ნაირ-ნაირი შუბები, დაწნული და ხარის ტყავგადაკრული ფარები, სარტყელზე დაკიდებული ხანჯლები და რკინის ცულები. თავს იცავდნენ ხის ან ტყავის მუზარადით, ტანს კი სელის ჯავშანით. ატარებდნენ აგრეთვე ნაბდებს. ზღვისპირელები ლითონის დამუშავებას მისდევდნენ; მაგალითად, ტრაპიზონის სამხრეთით მცხოვრები ხალიბების უმრავლესობა თავს მხოლოდ ლითონის დამუშავებით ირჩენდა. მოსინიკები ზღვაოსნობაშიაც გაწაფული ყოფილან.

ქონებრივი უთანასწორობა აქ კაცს თვალში ეცემოდა. მდიდარი მშობლების პავშევები ძალიან გამოირჩეოდნენ ღარიბებისაგან, რადგანაც ისინი თურმე განსაკუთრებულად იზრდებოდნენ და იკვებებოდნენ. ამ თემებს თავისი მთავრები ჰყავდათ. ზოგან მთავრები (ბელადები, შეიძლება უმაღლესი ქურუმები) განსაკუთრებულ კოშკებში ცხოვრობდნენ, მცველებით გარშემორტყმულნი.

ხალხი გულადი, ამაყი და დამოუკიდებლობის მოყვარული იყო. ქსენოფონტე ვაკვირვებით გვიამბობს მათი გმირობისა და თავისუფლების სიყვარულის ამბებს. როცა ქსენოფონტე და მისი ბერძენი მეომრები ტაოხების სოფლებს მიადგნენ, ტაოხებმა მათ სასტიკი წინააღმდეგობა გაუწიეს: მთელი ხალხი, ქალი და კაცი, ციხე-სიმაგრეებში ჩაიკეტა და ისე ებრძოდა ბერძნებს. როცა მტერმა დიდი გაჭირვებით ბოლოს მაინც მოახერხა ტაოხების ციხეების აღება, მას საშინელი სურათი წარმოუდგა თვალწინ: ქალები ჯერ თავის ბავშვებს ისროდნენ კლდეებიდან და შემდეგ თვითონაც ცვიოდნენ უფსკრულში. ასევე იქცეოდნენ მამაკაცებიც. ტაოხებს არ სურდათ ბერძნებს ცოცხლად ხელში ჩავარდნოდნენ, მონობას ისევ სიკვდილი სჯობიაო. ერთი ბერძენი დახარბდა ერთი ტაოხის ლამაზ ტანისამოსს და სცადა ტაოხის დაჭერა, როცა იგი უფსკრულში გადავარდნას აპირებდა. მაგრამ ტაოხმა აჯობა, ბერძენიც თან გადაიყოლა და ორივენი დაიღუპნენ.

მოსინიკებშიაც ასე მოხდა. როცა ბერძნებმა მოსინიკები დაამარცხეს, ისინი დაემუქრნენ მოსინიკების მთავრებს, გამოდით თქვენი კოშკებიდან, თორემ დაგწვავთო. მთავრებმა

დამამცირებელ ტყვეობას ცეცხლში ცოცხლად სიკვდილი ირ-  
ჩიეს, ბერძნებს მორჩილებაზე უარი უთხრეს და დაილუპნენ.

ქსენოფონტეს მიერ აღწერილი თემები შავი ზღვის სამხ-  
რეთ სანაპიროზე — ტრაპიზონის, კერასუნტისა და კოტიორას  
(ახლანდელი ორდუ) რაიონში — და ევფრატის ზემო წელზე  
მდებარეობდა. ამ თემების უმეტესობა ამ დროს სპარსეთის  
მეფეს უკვე აღარ ემორჩილებოდა, მაგრამ მათ ერთმანეთშიაც  
მჭიდრო ერთობა არ ჰქონიათ.

საქართველო ელქონსტურ და როგაულ ხანაში

§ 9. ქართლის (ობერიის) სამეფოს წარმოქმნა

საკუთრივ აღმოსავლელ საქართველოს მიწა-წყალზე მცხოვრებ მოსახლეობაშიც შორს წავიდა ქონებრივი და სოციალური უთანასწორობას გაღრმავების პროცესი. აღმოსავლეთ საქართველოში რამდენიმე ადგილას არის აღმოჩენილი იმდროინდელ წარჩინებულ პირთა სამარხები. ამ სამარხებში ნაპოვნი ნივთებიდან ჩანს, თუ რა სიმდიდრეს მოუყვრია თავი ხალხის მასაიდან გამოყოფილი ზედაფენის წარმომადგენელთა ხელში. ქსნის ხეობაში, მაგალითად, სოფ. საძეგურთან აღმოჩნდა მრავალი ძვირფასი ნივთი, რომლებიც წარჩინებული ქალის სამარხს უნდა ეკუთვნოდნენ. ეს ნივთები მოწმობენ, რომ მცველებული ნამდვილი დიდკაცური ფუფუნებით დაუმარხავთ. მისთვის ჩაუტანებიათ ოქრომჭედლობის მრავალი შესანიშნავი ნაკეთობა — სამკაული (ოქროს წყვილი სამაჯური, ყელსაბამები, ბეჭდები, საფეთქლის სამკაულები, საყურეები და სხვ.), ჭურჭელი, ცხენის აკაზმულობის ნაწილები, სარდიონის, მთის ბროლის, გიშრისა და ქარვის მძივები. ასეთი მდიდრული სამარხის მეზობლად კი არქეოლოგებმა მრავლად გამოავლინეს დარბთა სამარხების ნაშთები. ამ სამარხებში ნივთები თითქმის არ აღმოჩნდა.

სოფ. საძეგურის მდიდრული სამარხის მსგავსი და იმავედროული სამარხები აღმოჩენილია აღმოსავლეთ საქართველოს სხვა ადგილებშიც, მაგალითად, სოფ. ყაზბეგში და სოფ. წინწყაროსთან (თეთრაწყაროს რაიონი).

აღმოსავლეთ საქართველოს მიწა-წყალზე ამ დროს ტომთა დიდი გაერთიანებები არსებობდა. მათ ბრძოლა ჰქონდათ როგორც უცხოელ დამპყრობლებთან, ისე ურთიერთშორი-

საც. თანდათან ამ მხარეში სულ უფრო და უფრო მნიშვნელოვანი როლის შესრულებას იწყებს მცხეთის რაიონი. იგი სხვადასხვა მხრიდან (დასავლეთ საქართველოდან, მესხეთიდან, სომხეთიდან, აზერბაიჯანიდან და ჩრდილო კავკასიიდან მდ. არაგვის ჩამოყოფილებით) მომავალი გზების შესაყარზე მდებარეობდა.

ამას გარდა, მცხეთას და მის მიდამოებს თავდაცვის თვალსაზრისითაც მეტად ხელსაყრელი მდებარეობა ჰქონდა. ეს იყო ძალიან მოსახერხებელი ადგილი მრავალი, ურთიერთდაკავშირებული ციხე-სიმაგრის ასაგებად.

გადმოცემა ქართლის სამეფოს დამაარსებლად თვლის მცხეთის მკვიდრს ფარნავაზს, რომელსაც ქართლიდან განუდევნია უცხოელი დამპყრობლები და განთავისუფლებული ქართლის მეფე გამხდარა. ამ საქმეში მისთვის დახმარება აღმოუჩნიათ დასავლეთ საქართველოს მმართველს ქუჯის, კავკასიონის მთიანეთში მცხოვრებ ტომებს და სომეხთა რაზმებს.

## § 10. ქართლის სამეფო ჩვ. წ. აღ-მდე მე-3 საუკუნეში

ჩვ. წ. აღ-მდე მე-3 საუკუნეში, ფარნავაზისა და მისი მემკვიდრის საურმაგის მეფობაში, ქართლის სამეფო საკმაოდ ძლიერი იყო. ამ დროს იგი არა მარტო მთელ თანამედროვე აღმოსავლეთ საქართველოს მოიცავდა, არამედ მის მოსაზღვრე ოლქებსაც ფლობდა. მას ეკუთვნოდა, კერძოდ, ისტორიული ტაოსა და სპერის ოლქები.

ქართლის სამეფომ უშუალოდ შემოიერთა დასავლეთ საქართველოს ერთი ნაწილი. აქ, იმ ტერიტორიაზე, რომელიც უშუალოდ ესაზღვრებოდა აღმოსავლეთ საქართველოს სურამის უღელტეხილის მიმდებარე რაიონში, შეიქმნა ქართლის (იბერიის) ერთ-ერთი ადმინისტრაციული ერთეული — არგვეთის საერისთავო. ქართლის სამეფოს გავლენის ქვეშ მოექცა აგრეთვე საკუთრივ ეგრისის სამეფოც, თუმცა იგი იბერიის სამეფოს ჩვეულებრივ პროვინციად არ გადაჭყეულა.

ამან დიდად შეუწყო ხელი საქართველოს მოსახლეობის შემდგომ დაახლოებას და საფუძველი ჩაუყარა ერთი ძირითადი



დან წარმოშობილი ქართველი ტომების სწრაფ შეკავშირებას და ამ გზით ერთიანი ქართველი ხალხის ჩამოყალიბებას.

ქართლის სამეფო იმდენად ძლიერი აღმოჩნდა, რომ გავლენის ქვეშ მოაქცია კავკასიონის მთიანეთის იმ ნაწილის მოსახლეობაც, რომელიც აღმ. საქართველოს ბარს ემეზობლებოდა. საზოგადოებრივი განვითარების მხრივ მთიანეთის მოსახლეობა საგრძნობლად ჩამორჩებოდა ბარის მოსახლეობას. მთაში ჯერ კიდევ პირველყოფილი თემური წყობილება იყო გაბატონებული.

ქართლის მეზობლად მდებარე ჩრდილო კავკასიის მთიანეთში მცხოვრებ ტომებს ქართველები უმთავრესად „ლეკების“, „დურძუკთა“ და „დიდოელთა“ სახელით იცნობდნენ (დღევანდელ დაღისტნურ და ბაცურ-ქისტურ ენებზე მოლაპარაკე ხალხთა წინაპრები). მათ დასავლეთით აფხაზურ-ადიღური ტომები ცხოვრობდნენ.

ქართლის სამეფოსათვის მეზობელ მთიანეთზე გაბატონებას სასიცოცხლო მნიშვნელობა ჰქონდა. მხოლოდ ასეთ შემთხვევაში შეეძლო მას ჩრდილო კავკასიიდან სამხრეთში გადმომავალი გზების, კერძოდ დარიალის, გამაგრება და დაცვა. ამით ქართლის მმართველები დაიცავდნენ თავის სამეფოს მიწა-წყალს ჩრდილო კავკასიაში და სამხრეთ რუსეთის ველებზე მცხოვრები მრავალი მომთაბარე მელმარი ტომის შემოსევისაგან. კიდევ უფრო მეტი, რაკი კავკასიონის გადმოსასვლელები მათ ხელში ექნებოდათ, საშუალება ეძლეოდათ საჭიროების ჟამს შემოეწვათ ჩრდილოეთის ეს მელმარი ტომები და გამოეყენებინათ ისინი თავისი მტრების წინააღმდეგ ბრძოლაში. მეზობელმა ძლიერმა სახელმწიფოებმა კარგად იცოდნენ ქართლის მეფეთა ამ იარაღის არსებობა და ანგარიშსაც უწევდნენ მას.

ქართლის მმართველებს იმიერკავკასიის ტომები ზოგჯერ მარტო დროებით კი არ გადმოჰყავდათ ამა თუ იმ მტრებთან ბრძოლის მიზნით, არამედ გადმოჰყავდათ სამუდამოდ და თავის სამეფოს მიწა-წყალზე ასახლებდნენ.

ქართლის მმართველებმა თავისი გავლენის სფეროში მოაქციეს აგრეთვე მეზობელი ალბანეთის (თანამედრ. აზერბაიჯანი) მოსახლეობის ერთი ნაწილი. აქ ამ დროს ის ტომები



ცხოვრობდნენ, რომლებიც ერთ ყველაზე ახლოს დაღესტნის დღევანდელ მოსახლეობასთან იდგნენ. ისინი მრავალ ტომად იყოფოდნენ და ჯერ კიდევ პირველყოფილი თემური წყობილება ჰქონდათ. ქართლის სამეფომ განსაკუთრებით ენერგიულად შეუტია იმ ტერიტორიაზე მცხოვრებ ტომებს, რომელნიც უშუალოდ ეკვროდნენ ქართლს. უკვე ქართლის სამეფოს წარმოქმნისას ეს მიწა-წყალი ამ სამეფოს შემადგენლობაში შევიდა. აქაური მოსახლეობა თანდათან გაითქვიფა ქართლის დანარჩენ მოსახლეობაში.

### § 11. საბარეო პირობების გაშარმსება.

საქართველო ჩვ. წ. აღ.-მდე მე-2 საუკუნისა  
და 1-ლი საუკუნის დასაწყისში

ის ხელსაყრელი საგარეო-პოლიტიკური ვითარება, რომელიც ქართლის სამეფოსათვის მანამდე არსებობდა, ჩვ. წ. აღ.-მდე მე-2 საუკუნეში საგრძნობლად შეიცვალა.

საქართველოს მეზობლად ჩამოყალიბდა ორი დამოუკიდებელი სომხური სამეფო. ამ სომხურმა სახელმწიფოებმა ჩრდილოეთის მეზობელს — ქართლის სამეფოს — შემოუტიეს და ქვემო ქართლისა და მესხეთის მიწა-წყლის დიდი ნაწილი ჩამოაცილეს (ეს ის ოლქებია, რომელთაც ძველი ბერძნები ვოგარენეს, ხორქენეს და პარიადრის მთიანეთის სახელწოდებით იცნობდნენ). ქართლის სამეფო სომხეთის მმართველებმა არა მარტო სამხრეთიდან, არამედ აღმოსავლეთიდანაც შეავიწროეს: ისინი დაეუფლნენ იბერია-ალბანეთის შესაყარზე მდებარე ოლქს კამბისენეს, ანუ, როგორც ძველად ქართველები უწოდებდნენ, კამბეჩოვანს (შემდეგდროინდელი ქიზიყი).

ძლიერ სომხეთთან ზრძოლაში ქართლის მმართველები ზოგჯერ პართიის სამეფოს მხარდაჭერით სარგებლობდნენ, პართიის სამეფო ჯერ კიდევ ჩვ. წ. აღ.-მდე მე-3 საუკუნის შუა ხანებში ჩამოყალიბდა კასპიის ზღვის სამხრეთ-აღმოსავლეთით მდებარე მიწა-წყალზე. აქ არშაკიანთა დინასტია დამკვიდრდა. ჩვ. წ. აღ.-მდე მე-2 საუკუნის მეორე ნახევარში პართია უძლიერესი სახელმწიფო შეიქმნა და სომხეთის მეტად საშიში მოწინააღმდეგე გახდა.

დასავლეთის სომხური სახელმწიფოს — ე. წ. „მცირე სომხეთის“ — ხელისუფლებამ კი ამავე ხანაში შეძლეს შავი ზღვის სამხრეთ-აღმოსავლეთ კუთხეში მცხოვრები ქართველი ტომებით დასახლებული ზოგიერთი ოლქის დაუფლება. ამ ადგილებში, როგორც ზღვის სანაპიროზე მდ. ჰალისის აღმოსავლეთით, ვიდრე ჭოროხის შესართავამდე, ისე ამ ზოლის სამხრეთით გადაჭიმულ ჩრდილო ანატოლიის ანუ პონტოს ქედის კალთებზე ძველთაგანვე მრავალი დასავლურ-ქართული (მეგრულ-ჭანური) მოდგმის ტომი ცხოვრობდა. ძველი ბერძნები მათ ბევრი სწავდასხვა სახელით იხსენიებენ. ესენი იყვნენ ტიბარენები, ხალდეები (ანუ ხალიბები), მოსინიკები, მაკრონები, სანები (ანუ ჭანები) და ა. შ. აქ მცხოვრები ტომები კოლხეთის ცენტრალურ ნაწილში მცხოვრებ დასავლურ-ქართულ მოსახლეობასთან შედარებით ბევრად უფრო ჩამორჩენილები იყვნენ საზოგადოებრივი განვითარების თვალსაზრისით; ისინი ჯერ კიდევ პირველყოფილი თემური წყობილების პირობებში ცხოვრობდნენ. ზღვის სანაპიროზე აქ უკვე ძალიან ადრე გაჩნდა ბერძნული ახალშენები (სინოპი, კერასუნტი, ტრაპეზუნტი, კოტიორა). ამ ქალაქების ბერძნულ მოსახლეობას იმთავითვე მჭიდრო ურთიერთობა ჰქონდა ადგილობრივ მოსახლეობასთან, რაც ბოლოს და ბოლოს ბერძნული და ადგილობრივი ელემენტების შერწყმას იწვევდა. შემდგომ ეს ადგილები შევიდა პონტოს სამეფოს შემადგენლობაში, სადაც ელინური (ბერძნული) და ადგილობრივი მოსახლეობის შერევის პროცესი კიდევ უფრო სწრაფად წარიმართა.

შედარებით ხელუხლებლად ინახავდა თავის ტომობრივ თავისთავადობას მთიანეთში მცხოვრები თავისუფალი თემების მოსახლეობა (ჭანები).

რაც შეეხება საკუთრივ ახლანდელ დასავლეთ საქართველოს, მისი ერთი ნაწილი უშუალოდ შეიერთა ქართლის ძლიერმა სამეფომ, მეორე ნაწილი (ეგრისის ანუ კოლხეთის ძველი სამეფო) მანვე დაიმორჩილა. კოლხეთის ჩრდილო მთიან ნაწილში კი მრავალი ტომი ცხოვრობდა, რომლებიც ამდროსაც ინარჩუნებდნენ თავიანთ დამოუკიდებლობას. როდესაც ჩვ. წ. აღ.-მდე მე-2 საუკუნეში ქართლი დასუსტდა, დასავლეთ საქართველოზედაც მისი ძალაუფლება საგრძნობ-

ლად შეირყა. დასავლეთ საქართველოში გავრცელება იწყობდა მეზობელი პონტოს სამეფოს გავლენამ. ეს უკანასკნელი ჯერ კიდევ ძვ. წ. აღ.-მდე მე-3 საუკუნეში ჩამოყალიბდა შავი ზღვის სამხრეთი და სამხრეთ-აღმოსავლეთი სანაპიროების მახლობლად. პონტოს სამეფო დიდ ძალას წარმოადგენდა უკვე ჩვ. წ. აღ.-მდე მე-2 საუკუნის შუა ხანებში, ხოლო განსაკუთრებით გაძლიერდა მითრიდატე VI ევპატორის (ჩვ. წ. აღ.-მდე 111-63 წწ.) დროს. ამ უკანასკნელის მეფობის დასაწყისშივე კოლხეთი პონტოს სამეფომ დაიმორჩილა. მითრიდატე აქ თავის ნაცვალს აგზავნიდა ხოლმე მმართველად. ჩვ. წ. აღ.-მდე 83 წ. კოლხებმა ბოსფორელებთან ერთად (ასე უწოდებდნენ ყირიმში ბერძნული ქალაქების მეთაურობით შექმნილ სახელმწიფოს, რომელიც აგრეთვე მითრიდატეს პყავდა დამორჩილებული) აჯანყება მოაწყვეს მითრიდატეს წინააღმდეგ, მაგრამ ამ აჯანყებას წარმატება არ მოჰყოლია.

პონტოს მეფისა და მისი ნაცვლის ხელისუფლება არ ვრცელდებოდა მთელ დასავლეთ საქართველოზე და უმთავრესად ქვეყნის ზღვისპირა დაბლობი რაიონებით შემოიფარგლებოდა. ქართლის სამეფო არგვეთში ნაწილობრივ მაინც ინარჩუნებდა თავის პოზიციებს. ჩრდილო კოლხეთის მთიანეთში (დღევანდელი აფხაზეთის ტერიტორიაზე) მცხოვრებ ტომებზედაც პონტოს გავლენა მეტად სუსტი იყო.

## § 12. რომის დაპყრობითი ომები აღმოსავლეთში

მე-3 საუკუნის დამლევადან, ძვ. წ., რომი ერევა მსოფლიო პოლიტიკაში, ხოლო მე-2 საუკუნის დასაწყისიდან იგი აზიაშიც იჭრება. მე-2 საუკუნის დამლევსათვის რომაელებს უკვე თავისი სამფლობელო ჰქონიათ მცირე აზიაში. რომის მიერ აქ დამყარებული წესები, დიდძალი გადასახადები, მოხელეების ძალმომრეობა სულს ხდიდა რომის ქვეშევრდომებს და წინააღმდეგობის ცეცხლს აღვივებდა მათში. ამ განწყობილებით ისარგებლა მიორიდატე პონტოელმა, რომელსაც არაფრად ებიძნავებოდა რომის ასეთი გაძლიერება თავის მახლობლად, და ომი აუტეხა. ომი პონტოელებსა და რომს შორის ოც წელზე მეტს გავრძელდა (88-65 წწ., ძვ. წ.). ამ ომში უპირატესობა ჯერ მითრიდატეს მხარეზე იყო და მან

დიდად შეავიწროვა რომაელები, რომელნიც შინაური უთანხმოებითა და ბრძოლათ იყვნენ დასუსტებულნი. მაგრამ შემდეგ უკვე ომის ბედი რომის მხარეს გადავიდა. რომაელებმა რიგრიგობით დაამარცხეს მითრიდატე და მისი მოკავშირეები.

პონტოს მეფის მოკავშირეები უკანასკნელ ომში რომაელების წინააღმდეგ იყვნენ არმენიის, ალბანიისა და იბერიის მეფეები. არმენია ანუ სომხეთი, პირველი საუკუნის პირველ ნახევარში, ძვ. წ., ძლიერი სახელმწიფო იყო. იქ მეფობდა ამ დროს ტიგრან მეორე.

66 წ., ძვ. წ., რომაელების ახალმა სარდალმა, პომპეუსმა, სასტიკად დაამარცხა მითრიდატე პონტოელი. მითრიდატემ თავს გაქცევით უშველა, რვი ჯერ კოლხეთში გადაიხვეწა, სადაც ის ზამთარი ქალაქ დიოსკურიაში გაატარა, ხოლო აქედან წრდილოეთისაკენ წავიდა ახალი ჯარის შესაგროვებლად.

პომპეუსი ამის შემდეგ მითრიდატეს მოკავშირეებს მისდგა. ჯერ სომხეთში ჰეაჭრა და დაიმორჩილა ტიგრანი. შემდეგ რომაელებმა ალბანიისა და იბერიისაკენ გაილაშქრეს. ამ ბანელებმა წინააღმდეგობა გაუწიეს, მაგრამ დამარცხდნენ და იძულებული გახდნენ ზავი ეთხოვათ რომაელებისათვის.

### § 13. რომაელები საქართველოში

ქართლში ამ დროს მეფედ არტაგი იყო. არტაგმა საჭირო წინდახედულება გამოაჩინა: ზავის შესახებ რომაელებთან მოლაპარაკება გამართა, ფარულად კი სამხედრო სამზადისს აწარმოებდა. რომაელებმა არტავს ხერხი გაუგეს, დაასწრეს და ქართლში შემოიჭრნენ.

არმაზის ციხე რომაელებმა შედარებით ადვილად ჩაივდეს ხელში, რადგანაც მოულოდნელად დაესხნენ თავს. არტაგი მტკვრის გაღმა გავიდა და ხიდი დასწვა. შემდეგ არტაგმა კიდევ უფრო შორს გაიწია. რომაელები მას ფეხდაფეხ მისდევდნენ სასტიკი ბრძოლით.

ხალხი სამშობლოს ადვილად არ ხამობდა. ქართველი ჯარი თავგამეტებით ვანაგრძობდა ომს, თუმცა მეფე მტკვრიან მოლაპარაკებას აწარმოებდა. ქართველი მეთორები, ვინც წინა ბრძოლებში გადარჩა, გარშემომდებარე ტყეებში გაი-

განტნენ, მაღალ ხეებზე ავიდნენ და იქიდან უშენდნენ რამდენიმე დღე რომაელებს ისრებს. რომაელები იძულებული გახდნენ ტყე გაეჩხათ. ქართველი მებრძოლები დაიღუპნენ, მტერს კი არ დანებდნენ.

რომაელებთან ბრძოლაში ქართველებმა ძალიან დიდი მსხვერპლი გაიღეს: ცხრაათასი კაცი მარტო მოკლული იყო.

ბოლოს არტაგი შეურიგდა თავის მარცხს და პომპეუსთან ზავი დასდო. არტაგმა რომაელებს მძევლად თავისი შვილები მისცა, პომპეუსს კი მდიდარი ძღვენი მიართვა: ოქროს ტახტი, ოქროს სარეცელი და ოქროსავე მაგიდა.

ეს ამბავი მოხდა 65 წ. ძვ. წ.

ქართლიდან პომპეუსი თავისი ჯარით კოლხეთში გადავიდა, მითრიდატეს ხელში ჩასაგდებად. კოლხეთში რომაელებს ისეთი ძლიერი წინააღმდეგობა არ შეხვედრიათ, როგორც ქართლში. მითრიდატეს ბატონობამ, ჩანს, ხალხს თავი მოაბეზრა, პომპეუსმა კოლხეთიც რომაელების მიერ დამორჩილებულ ქვეყნებს მიათვალა.

რომაელებმა კოლხეთში თავისი მმართველი დააყენეს. პომპეუსის ჯარში იყვნენ ისეთი ბერძნებიც, რომელნიც მწერლობას მისდევდნენ. იაინი წერდნენ პომპეუსის ლაშქრობის ისტორიას, თან იმ ქვეყნებსაც ასწერდნენ ხოლმე, სადაც პომპეუსი გაივლიდა. ამ მწერლებმა საქართველოც ასწერეს.

მათი აღწერილობა, უფრო ძველი ბერძენი მწერლების ცნობებთან ერთად, შეჰკრიბა და გამოაქვეყნა განთქმულმა ბერძენმა გეოგრაფმა სტრაბონმა, რომელიც პირველ საუკუნეში ცხოვრობდა.

პომპეუსის თანამგზავრთა ცნობებიდან ჩვენ ვიგებთ, თუ როგორი იყო საქართველოს ვითარება პირველი საუკუნის დამდეგს, ძველი წელთაღრიცხვით.

## § 14. საქართველოს სამეურნეო მდგომარეობა პირველი საუკუნის დამდეგს, ჩვ. წ. აღ-მდე.

საქართველოს სხვადასხვა კუთხე ერთმანეთისაგან განსხვავდებოდა თავისი მეურნეობით. დიდი იყო განსხვავება მთასა და ბარს შორის. ხალხი და მისი კულტურა ბარში უფრო სწრაფად ვითარდებოდა, ვიდრე მთაში. ბარში მისვლამოსვლა უფრო ადვილი იყო კარგი გზების გამო და ბუნებაც უფრო ემორჩილებოდა ადამიანს. რაც უფრო მაღლა მდებარებოდა მთაში ადამიანთა საცხოვრისი, მით უფრო მკაცრი იყო ბუნება და მით უფრო ძნელი იყო ცალკე სოფლების დაკავშირება ერთმანეთთანაც და ბარის დაწინაურებულ თემებთანაც.

ბარში ხმელეთის გზებს გარდა მისვლა-მოსვლისათვის მდინარეებსაც იყენებდნენ. ნაგებით დადიოდნენ რიონზე, ყვირილაზე შორაპნამდე, მტკვარზე, ალაზანზე. ბლომად და კარგად უშენებიათ ჩვერს წინაპრებს ხიდებიც, რომ მიმოსვლა არ შეფერხებულყო. მარტო მდ. ფასიდზე შორაპანს შემოთ, სადაც ნაგები ველარ დადიოდა, 120 ხიდი ყოფილა აგებული. ხიდები იყო მტკვარზე, მაგალითად, მცხეთასთან, სადაც მტკვარი საკმაოდ ვანიერია, და სხვა მდინარეებზედაც. მთიულები კი ასე ადვილად ვერ მოძრაობდნენ. ვინც ძალიან მაღლა ცხოვრობდა მთაში, როგორც სვანები, ისინი ზამთარში მთლად მოწყვეტალი იყვნენ გარეშე ქვეყანას; ზაფხულობითაც მათ უჭირდათ ხშირად ბარში ჩამოსვლა.

ამიტომ ვინც ყველაზე მაღლა ცხოვრობდა, ყველაზე დარიბიც იყო. სვანები და ღათი მეზობლები თავს თურმე უფრო ნადირობითა და მესაქონლეობით ირჩენდნენ. უფრო დაბლა, მთის კალთებზე, მოსაპლენი უკვე მიწასაც ხნავდნენ და პურს სთესდნენ, მაგრამ უმთავრესად მესაქონლეობას მისდევდნენ და ჯოგებს აშენებდნენ.

სულ სხვა იყო ბარში. აქ მთავარი მნიშვნელობა მიწათმოქმედებას ჰქონდა. კოლხეთი განთქმული იყო თავისი ხილით, სელით, კანაფით, ცვილით (თაფლის სანთელით), ფისით, ხომალდების საშენებელი ხე-ტყით. ასევე იყო ქართლშიაც. მოჰყავდათ სორბალი, ქერი, ფეტვი და სხვა პურეული, ძველთაგანვე აშენებდნენ ვაზსა და აყენებდნენ ღვინოს. ბლო-

მად ჰყავდათ შინაური პირუტყვი. იცოდნენ სხვადასხვანაირი ხელოსნობა და საუცხოო ოსტატეებიც იყვნენ.



ვაჭრობაც განვითარებული ყოფილა. კავკასიონის ყველაზე მაღალი ადგილების მცხოვრებნიც იძულებულნი იყვნენ ბარში ჩამოსულიყვნენ, მაგალითად, მარილის საყიდლად. თვითონ ბარელები ხომ უფრო მეტს ვაჭრობდნენ. საშინაო ვაჭრობის გარდა, იმდროინდელ საქართველოს საგარეო ვაჭრობაც შორს ჰქონია გაბმული. ინდოეთიდან, კერძოდ, საქონელი მოჰქონდათ კასპიის ზღვამდე, შემდეგ კასპიის ზღვაზე გამოატარებდნენ და მტკვარზე ნავით ამოიტანდნენ ქართლში. აქედან, სადაც უკვე ნაოსნობა აღარ შეიძლებოდა, ხმელეთის გზით გადაჰქონდათ ყვირილას ხეობაში, შორაპნამდე, შორაპნიდან კი ისევ ნავებით ჩაჰქონდათ შავ ზღვამდე ქალაქ ფასიდში, საიდანაც საქონელი უკვე ზღვით იგზავნებოდა დასავლეთისაკენ.

სტრაბონი ამბობს იმდროინდელ საქართველოზე: „...ეს მდიდარი ქვეყანაა, რომელსაც შეუძლია ძალიან ხშირი მოსახლეობა ჰყავდეს. და მართლაც, იბერია მშვენივრად დასახლებული მეტწილად ქალაქებითა და დაბებით, ისე რომ აქ გვხვდება კრამიტის სახურავებიც და არქიტექტურული ხელოვნების წესების თანახმად აშენებული ბინები და საზაზრო ადგილები და სხვა საზოგადოებრივი შენობები“.

ასეთი საზოგადოებრივი შენობების ნაშთები აღმოჩენილია არმაზში, — დიდი აბანოს, წყალსადენისა და, იქნებ აგრეთვე, ტაძრის ნანგრევები. სამთავროში კიდევ აღმოჩნდა საფლავის ლოდი წარწერით, რომელშიაც მოხსენიებულია „მნატვართუხუცესი და ზურთთმოძღვარი აქოლი“. ეს მცხეთის მთავარი არქიტექტორი უნდა ყოფილიყო. აქვე ნაპოვნია დიდი რაოდენობით სამშენებლო მასალა — კრამიტი, აგური.

იმდროინდელი უმთავრესი ქალაქები იყო: ფასიდი, დიოსკურია, პიტოუნტი და შორაპანი — კოლხეთში, მცხეთა-არმაზი — ქართლში.

## § 15. საზოგადოებრივი წყობილება საქართველოში პირველი საუკუნის დამდეგს ჩვ. წ. აღ-მდე

როგორც იყო მეურნეობა და ცხოვრების წესი, საარსებო სახსრის მოპოვების წესი იმდროინდელ საქართველოს სხვადასხვა კუთხეში, ისეთივე იყო ამ კუთხეში საზოგადოებრივი წყობილება.

მთიელებს უფრო ჩამორჩენილი საზოგადოებრივი წყობა ჰქონდათ. მთაში ბუნება ძალიან მკაცრი იყო; მიწის დამუშავება იქ ძნელი ზღებოდა, რაკი შრომის იარაღებიც პრიმიტიული იყო. სიმდიდრის დაგროვებაც უჭირდათ. საარსებო სახსრის მოსაპოვებლად ხალხს ერთად უნდა ებრძოლა გარემო ბუნების წინააღმდეგ. ამიტომ ერთი გვარისა და თემის შვილები მეტნაკლებად თანასწორი იყვნენ როგორც ქონებრივად, ისე უფლებრივად.

სვანებს თუმცა მთავარი ჰყავდათ, მაგრამ ის თავის ნებაზე ვერ მართავდა ხალხს. ხალხის სათავეში საბჭო იდგა, 300 კაცისაგან შემდგარი. ეს 300 კაცი ცალკე სვანური გვარებისა თუ თემების წარმომადგენლები იყვნენ. მათ ყველას თანასწორი ხმა ჰქონდათ საბჭოში. ცალკე გამოყოფილი ჯარი სვანებს არ ჰყავდათ, — როცა სვანებს სამხედრო გასაჭირი დაადგებოდა, მთავარი და საბჭო ქუდზე კაცს დაუძახებდნენ. ყველა ხალხით გადიოდა ბრძოლის ველზე, რადგანაც ყველა საერთო სახალხო საქმისათვის იბრძოდა. ხალხი და ჯარი ერთი იყო. იარაღიც თოქმის ყველას ერთნაირი ჰქონდა. ისეთივე წყობა ჰქონდათ იმ დროს სხვა ქართველ ტომებსაც, ვინც სვანებსავით მალე მთაში ცხოვრობდა.

ბარში საზოგადოებრივი თანასწორობა აღარ არსებობდა. აღარ არსებობდა საზოგადო საკუთრებაც. ან რა ტოლები იქნებოდნენ მდიდრები და ღარიბები, თავისუფალი და არათავისუფალი ადამიანები, მონათმფლობელები და მონები. სტრატონი მოგვითხრობს და სხვა ცნობებითაც უიციო, რომ იმ დროს ქართლში ხალხი ოთხ წოდებად იყოფოდა.

პირველი წოდებიდან მეფეები გამოდიოდნენ. მეფის ამ საგვარეულოს „სეფე“ ეწოდებოდა, მის წევრებს „სეფე-წულები“, ხოლო მეთაურს „მეფე“. მეფე იყო სახელმწიფოს მეთაური.



მეორე წოდებას ქურუმები შეადგენდნენ, რომლებიც წარმართულ ტაძრებს ემსახურებოდნენ და ამავე დროს მეზობელ ხალხებთან სადავო საქმეებსაც განაგებდნენ. ტაძრებს იმ დროს ქართლში დიდი მამულები და განძები ჰქონდა. მესხეთში, მაგალითად, იყო ლეკკოთეას ტაძარი, ისეთი მდიდარი, რომ მეზობელი ქვეყნების მეფეები მას გასაძარცვად თავს ესხმოდნენ ხოლმე.

მესამე წოდებაში თავისუფალი ხალხი შედიოდა, ისინი მიწასაც ამუშავებდნენ და თმშიაც გადიოდნენ, როცა მეფე დაუძახებდა. ამ წოდებას ძველებურად „ერი“ ერქვა, მაგრამ ახლა უკვე ამ ერს ის ძალა აღარ ჰქონდა, რაც პირველყოფილი თემური წყობილების დროს.

მეოთხე წოდებაში მდაბიო ხალხი შედიოდა. ისინი სეფე-სახლს ანუ სამეფო საგვარეულოს ემსახურებოდნენ ყმურად. ამ მდაბიო ხალხს მაშინ „გლეხებს“ ეძახდნენ. „გლეხები“ მაშინ მხოლოდ სეფე-სახლს ჰყავდა და ამიტომ ისინი „მესეფე გლეხებად“ იწოდებოდნენ. იმ ბეგარასაც, რომელსაც გლეხები სეფე-სახლს უხდიდნენ, „სეფობა“ ერქვა. მესეფე გლეხები მიწის მუშა სოფლელები იყვნენ, პირად თავისუფლებას მოკლებულნი.

იყვნენ მაშინ საქართველოში მონებიც, მაგრამ მონებს საზოგადოების წევრებად არ სთვლიდნენ. მონები ჰყავდათ მეფის საგვარეულოს, სხვა მდიდარ ხალხსაც. მონებს სხვადასხვა საქმეზე ამუშავებდნენ, საშენებელ ქვას ათლევინებდნენ, თიხას აზეღინებდნენ, მადანს ათხრევინებდნენ.

ძველი საქართველოს სახელმწიფო წყობილებას ჩვენ უფრო კარგად ვიცნობთ ქართლის სამეფოს მაგალითზე. ამ ორი ათასი წლის წინათ ქართლის სამეფო ძლიერი სახელმწიფო იყო. მთელი ქვეყნას პატონ-პატონად მეფე ითვლებოდა. მეფის წოდებულება ასეთი იყო: „ქართველთა მეფე, დიდი მეფე“. მეფეს ბევრი მოხელე ჰყავდა, რომელთა საშუალებითაც იგი ქვეყანას მართავდა. „ქართველთა მეფის“ უფროსი მოხელეები იყვნენ დიდი და მცირე ერისთავები, ეზოსმოძღვარი და სხვები.

აღმოსავლეთ საქართველოში ფენის ისე მტკიცედ მოკიდება, როგორც დასავლეთ საქართველოში, რომაელებმა ვერ შეძლეს. ეს ქვეყანა მათი ცენტრებიდან უფრო შორს იმყოფებოდა და თავისი მდებარეობის გამო (მთებით იყო შემოზღუდული) ძნელად დასამორჩილებელი იყო. ამიტომაც ისინი მალე იძულებული შეიქნენ ქართლის სამეფოს მოკავშირეობაც კი ეძიათ. რომისათვის ქართლის სამეფოს მოკავშირეობა მეტად საჭირო იყო. კეთილგანწყობილი ქართლი, რომლის ხელში იყო კავკასიონის გადმოსასვლელები, დაიცავდა რომის სამფლობელოებს ჩრდილოეთის მომთაბარეთა შემოსევებისაგან. მეორე მხრივ, რამდენადაც ამ დროს ძალზე გამწვავდა ურთიერთობა რომსა და პართიას შორის, ამ ბრძოლაშიც ქართლსა მოკავშირეობა რომისათვის უაღრესად სასარგებლო იქნებოდა.

რომს სურდა ქართლი გამოეყენებინა პართიასთან სომხეთისათვის წარმოებულ ბრძოლაში, ხოლო ქართლი კი ამ გზით სომხეთის დაუფლებას ცდილობდა.

ჩვ. წ აღ.-ით 30-60-იან წლებში ქართლში მეფობდა ფარსმან I. რომაელთა დასტურით იგი შეიჭრა სომხეთში. მას თან ახლდა ჩრდილო კავკასიიდან გადმოყვანილი სარმატებისა და მეზობელი ალბანელების დამხმარე ლაშქარი. ბრძოლაში პართიის ლაშქართან, რომელსაც პართიის მეფის ძე ოროდი სარდლობდა, ფარსმანის ლაშქარმა გაიმარჯვა. ფარსმანმა თვითონ დაჭრა მოწინააღმდეგის სარდალი ოროდი. სომხეთში ფარსმანმა თავისი ძმა მითრიდატე გაამეფა. უკანასკნელმა ერთხანს დაკარგა სომხეთი, მაგრამ კვლავ დაიბრუნა იგი. შემდგომ, ჩანს, მითრიდატემ ფარსმანს ურჩობა დაუწყო, რის გამოც უკანასკნელმა მას წინააღმდეგ დიდი ლაშქრით თავისი ვაჟი რადამისტო გაგზავნა, რომელმაც ტახტი წაართვა ბიძას და თვითონ გამეფდა სომხეთში. მაგრამ მალე რადამისტო სომხეთიდან გამოაძევეს. ჩანს, საკმე ეხებოდა ქართლისა და სომხეთის გაერთიანებას ერთი ხელისუფლების ქვეშ. ასეთი ძლიერი სახელმწიფოს შექმნა კი არაფრად მოეწონებოდათ რომაელებსაც. ამიტომაც მათ ახლა უკვე რა-

დამისტისა და ფარსმანის წინააღმდეგ დაიწყეს მოქმედება. ფარსმანი იძულებული გახდა თავი დაენებებინა სომხეთის დაუფლების ცდებისათვის.

ჩვ. წ. აღ-ით I ს. 70-იან წლებში ქართლის ტახტი ფარსმანის ვაჟმა მითრიდატემ დაიკავა. რომაელები ცდილობენ მეგობრული ურთიერთობა იქონიონ მასთან. მცხეთაში ისინი ვალავანს უმაჯრებენ, როგორც აქ მათ მიერ ამოკვეთილ წარწერაშია ნათქვამი, „იბერთა მეფეს მითრიდატეს, მეფე ფარსმანისა და (დედოვალ) ჰამაზასპუპის ძეს, კეისრის მეგობარსა და რომაელთა მოყვარულს“. ეს მითრიდატეც არ აკლებდა თავისი სამეფოს საზღვრების სამხრეთისაკენ გაფართოების ცდას. ერთი მისი მოხელის, პიტიახშ შარაგასის, წარწერაში მოთხრობილია სომხეთში მოპოვებულ გამარჯვებათა ამბავი. მითრიდატეს დროს უნდა მომხდარიყო იბერიელების დიდი ლაშქრობა იმიერკავკასიელ ალანებთან ერთად სომხეთში. ალანებმა, რომელთა შთამომავლები დღევანდელი ოსები არიან, ჩვ. წ. აღ-ით I საუკუნის შუა ხანებში ჩრდილო კავკასიაში დიდა გაერთიანება შექმნეს. ამ გაერთიანებაში საკუთრივ ალანებს გარდა მონაწილეობდა კავკასიის ბევრი სხვა ტომი. ქართლის ხელისუფალთად მოუყვანიათ ოსები და სხვა ჩრდილოკავკასიელი ტომები (ჯიქები, დურბუკნი, ლეკები, დიდონი) და სომხეთზე ულაშქრიათ. ეს დიდი ლაშქრობა ჩვ. წ. აღ-ით I საუკუნის 70-იან წლებში მომხდარა.

აქტიურ საგარეო პოლიტიკას აწარმოებდა ქართლი აგრეთვე ჩვ. წ. აღ-ით მე-2 საუკუნის 30-50-იან წლებში, ფარსმან II-ის მეფობის ხანაში. ფარსმანს გადმოუყვანია ალანები და მიუსევია როგორც პარტიისათვის, ისე რომის სამფლობელოებისათვის. რომის კეისრის ადრიანეს (ჩვ. წ. აღ-ით 117-138 წწ.) მოთხოვნაზე, გამოცხადებულიყო მასთან — ფარსმანს უარი განუცხადებია. რომაელები იძულებული გახდნარან ისევ საჩუქრებით ეცადათ ქართლის მმართველების კეთილგანწყობილების მოპოვება. ადრიანეს ფარსმანისათვის სამხედრო რაზმი და სპილო გამოუგზავნია ძღვნად.

ქართლის სამეფო აქ დროს დიდად იფართოებს საზღვრებს. სამხრეთის მიწებო, ერთ დროს ჩამორთმეული სომეხთა სამეფოების მიერ, ახლა კვლავ მის ფარგლებშია მოქცე-



ული. სამხრეთ საქართველოში, ჭოროხის შესართავის მახლობლობაში, იგი შავი ზღვის პირას გადის — აქ მცხოვრები ძველი რიტების ტომი ფარსმანს ემორჩილებოდა. ასევე ქართლის სამეფოში შედიოდა დასავლეთ საქართველოს ის ნაწილი, რომელიც ქართლს ეკვროდა. აქ იყო ამ სამეფოს ერთ-ერთი ადმინისტრაციული ოლქი — არგვეთის საერისთავო, რომელსაც მეფის მოხელე ერისთავი განაგებდა. ქართლის სამეფოს გავლენის სფეროში იყო ამ დროს მოქცეული მეზობელი ალბანეთის გარკვეული ნაწილი. მდ. ალაზნის დასავლეთით მდებარე მიწა-წყალი ახლა ქართლის ორგანული შემადგენელი ნაწილი გახდა, მაშინ როცა ამ ადგილების ფლობას ადრე მას სომხეთი ეცილებოდა.

ადრიანეს მემკვიდრის, რომის იმპერატორის ანტონინუს (ზვ. წ. აღ-ით 138—161 წწ.) დროს ფარსმან მეფე რომს სწვევია თავისი მეუღლით, ვაჟიშვილითა და წარწინებულთა ამალით. იმპერატორს იგი დიდი პატივით მიუღია, თვით დასწრებია ქართლის მეფის, მისი ვაჟისა და სხვა ქართველი წარწინებულების სამხედრო ვარჯიშობას და მოხიბლულა ამ სანახაობით. იმპერატორის ზრძანებით რომში აღუმართავთ ფარსმან მეფის ქანდაკება. აქ ფარსმანი ცხენზე მჯდომი ყოფილა გამოსახული. იმპერატორს „განუდიდება მისი სამფლობელო“, ე. ი. უცვნია სამეფოს შორს გაწეული საზღვრები.

§ 17. კულტურული მიმართება ძველ საქართველოში

ქართლის სამეფოს პოლიტიკურმა ძლიერებამ, მისი გავლენის გავრცელებამ აგრეთვე დასავლეთ საქართველოს მნიშვნელოვან ნაწილზე, დიდად შეუწყობ ხელი საქართველოს სხვადასხვა კუთხის მოსახლეობის დაახლოებას. ამ პერიოდში საქართველოს მოსახლეობის შეკავშირება-შედულება განსაკუთრებით ინტენსიურად მიმდინარეობდა. ამ პროცესს ადგილი ჰქონდა როგორც ენის მხრივ, ისე სულიერი თუ მატერიალური კულტურის დარგში.

ამ ეპოქის მატერიალური კულტურა კანონიერი მემკვიდრეა წინა პერიოდის კულტურისა და ადგილობრივ ნიადაგზე ჩამოყალიბებულ-განვითარებული, თუმცა მასში გარკვე-



ულად შეინიშნება ბერძნულ-რომაული სამყაროდან მომდინარე ნაკადიც, რომელიც ძირითადად საზოგადოების ზედა ფენებში იჩენს თავს.

**სუროთმოდვრება.** ამდროინდელი სუროთმოდვრების ძეგლები ყურადღებას იქცევენ თავისი გრანდიოზულობითა და დახვეწილი ფორმებით. მშენებლობას გამოცდილი ოსტატები ხელმძღვანელობდნენ. მცხეთაში, მაგალითად, ყოფილა სპეციალური თანამდებობა „სუროთმოდვრისა და მხატვართ-უსუცესისა“; ერთი ასეთი პირის, აქოლის, საფლავის წარწერამ ჩვენამდე მოაღწია.

სუროთმოდვრების ჩვენამდე მოღწეულ ძეგლთაგან ყველაზე გრანდიოზულაა არმაზციხე — სამეფო რეზიდენცია — ციტადელი. მისი შენება ჯერ კიდევ ჩვ. წ. აღ.-მდე მე-3 საუკუნიდან დაწყებულია. ძლიერი გალავნის შიგნით აგებული იყო სასახლის ტიპის მრავალი შესანიშნავი ნაგებობა. განსაკუთრებით ძლიერ შთაბეჭდილებას ახდენს „სვეტებიანი დარბაზი“, რომლის კედლებიც დიდრონი, ლამაზად თლილი ქვითაა აგებული, ხოლო შუაში სვეტების მთელი წყება მდგარა.

ამავე ტიპის ნაგებობები გამოვლინდა მცხეთისავე რაიონში, სოფელ წიწამურთან. აქ იყო დედაქალაქის მეორე დიდი ციხე-სიმაგრე, რომელსაც ადგილობრივ „ზადენციხეს“, ხოლო უცხოელი მწერლები სევსამორას უწოდებდნენ. ასეთივე ციხე-ქალაქი ყოფილა იმ დროს გორის ციხის ადგილას და სხვ. უფლისციხის კლდეში გამოკვეთილი დარბაზების დიდი ნაწილიც ამ დროისა უნდა იყოს. აქვე უკანასკნელ დროს არქეოლოგებმა გამოავლინეს ამ დროის გალავნის ნაშთებიც. დასავლეთ საქართველოში ანტიკური ხანის სუროთმოდვრების ძეგლთაგან აღსანიშნავია ვანის ძეგლები, აგრეთვე ნოქალაქევში გათხრილი ნაგებობები, სადაც, ცოტა უფრო გვიან, ლაზიკის სამეფოს მმართველთა რეზიდენცია იყო.

სასახლის ტიპის ნაგებობის ნაშთები გამოვლინდა არმაზისხევთან (მცხეთის მახლობლად). აქ განსაკუთრებით იქცევს ყურადღებას ქვის მონუმენტური სვეტისთავი და სასახლის ზოგი სხვა დეტალი. ამ ადგილას ქართლის მეფეთა დიდმოსხედეების — ერისთავების ანუ პიტიახშების რეზიდენცია ყოფილა. აქ გაითხარა იმ დროის შესანიშნავი აბანოც,

რომელიც დიდმოსხელეთა ამავე საგვარეულოს ემსახურებოდა.

**ოქრომჭედლობა და ხელოსნობის სხვა დარგები.** ნამდვილ ხუროთმოძღვრულ ძეგლებს წარმოადგენს აგრეთვე მცხეთის მიდამოებში (ბავინეთსა და მცხეთის რკინიგზის სადგურთან) გათხრილი მავზოლეუმები — აკლდამები, რომლებშიც სამეფო საგვარეულოს წევრები იყვნენ დამარხულნი. არმაზისხევთან გაითხარა ერისთავების საგვარეულო სასაფლაო. აქ მიცვალებულები დიდი თლილი ქვებისაგან აგებულ ქვაყუთებში ყოფილან ჩასვენებული. როდესაც ზოგიერთ ასეთ ქვაყუთს დიდი ქვის ფილის სახურავი ახადეს, მაყურებელთა თვალწინ ზღაპრული სიმდიდრე გადაიშალა: მიცვალებულებისათვის ჩაუტანებიათ ლალ-ფირუზით და აგრეთვე სხვა ფერადი თვლებით დამშვენებული ოქროს სამკაულები — ბეჭდები, საყურეები, სამაჯურები, ყელსაკიდები, მძივები, დიადემები (საშუბლე გვირგვინები) და სხვ. მართლ რამდენიმე ასეთმა სამარხმა, რომელიც აქ გაითხარა, უამრავი ოქროსი და ვერცხლელი მოგვცა. აქ ნაპოვნი ბევრი ნივთი ფაქიზი გემოვნებითაა შესრულებული და ხელოვნების შესანიშნავ ნიმუშს წარმოადგენს.

მაგრამ, არა მართლ ოქრო-ვერცხლის ნივთები იქცევიან ამ დროის მატერიალურ კულტურაში ჩვენს ყურადღებას; ოქრომჭედლობასთან ერთად ხელოსნობის ბევრი სხვა დარგი ჩანს აქ განვითარებული: კრამიტი, სხვა კერამიკული ნაწარმი, ლითონის იარაღები თუ საყოფაცხოვრებო ნივთები და ქანდაკებები, მინის ჭურჭელი — ყველაფერი იმ დროის კვალობაზე მათი შემქმნელების მაღალ ოსტატობასა და საერთოდ ქართლის სამეფოს მოსახლეობის კულტურის მაღალ დონეზე მიუთითებს.

**ღამწერლობა.** ქართლის სამეფოში ამ დროს ფართოდ იყენებდნენ ღამწერლობას. სამწესხაროდ, ჩვენამდე მოაღწია წარწერებმა მხოლოდ მაგარ მასალაზე (ქვაზე, ლითონზე). ესაა ჩვეულებრივ მოკლე წარწერები, რომლებიც შესრულებულია ბერძნულ, არამეულ და ებრაულ ენებზე. განსაკუთრებით ფართოდ იყო გავრცელებული იმდროინდელ სამყაროში ბერძნული და არამეული ღამწერლობა. ქართლის სამეფოშიც უმთავრესად ღამწერლობის ამ სისტემებს იყენებდ-

ნენ. ზოგჯერ წარწერას ამ ორივე დამწერლობით აკეთებდნენ. არმაზისხევეთან, მაგალითად, იპოვეს ჩვ. წ. აღ.-ით მე-2 საუკუნის ერთი ასეთა ორენოვანი (ბერძნულ-არამეული) წარწერა (ბილინგვა), რომელიც ამოკვეთილია ერთ-ერთი ერისთავის (პიტიახშის) ასულის საფლავის ქვაზე. წარწერაში ნათქვამია, რომ სერაფიტი, ფარსმან მეფის პიტიახშის ზევახის ასული და მეუღლე ფარსმანის მემკვიდრე ქსეფარნუგ მეფის „ძღვევამოსილი ჯა მრავალი გამარჯვების მომპოვებელ ეზოსმოდვრის“ იოდიანგანისა, გარდაცვლილა 21 წლისა — „ახალგაზრდა და იმდენად კეთილი და მშვენიერი, რომ არავინ იყო მისი მსგავსა სილამაზით“.

საკუთრივ ქართული დამწერლობა გარკვეულ სიახლოვეს ამჟღავნებს არამეული დამწერლობის ქართულში გამოყენებულ სახეობასთან. ამასთან, ძველი ქართული ანბანის ზოგი ასო უფრო არქაული ნოხაზულობისაა, ვიდრე არმაზში ნაპოვნი არამეული ასოები. ამიტომაც ფიქრობენ, რომ ქართული დამწერლობა ძალიან ადრე უნდა ჩამოყალიბებულიყო, მაგრამ მისი ინტენსიური გამოყენება უკავშირდება ქრისტიანობის გავრცელების ხანას. ქრისტიანული ეკლესიის ღვთისმსახურებას განსაკუთრებით ესაჭიროებოდა, რომ ადგილობრივ ენაზე ყოფილიყო მწერლობა. ჩვენამდე მოღწეული უძველესი თარიღიანი ქართული წარწერა ჩვ. წ. აღ.-ით 492-493 წწ. არის ამოჭრილი ბოლნისის ტაძრის ერთ-ერთ ხაშშენებულ ქვაზე. იგი შესრულებულია ქართული დამწერლობის უძველესი სახეობით, ე. წ. ასომთავრულით. კიდევ უფრო ადრეულ ხანაში უნდა იყოს შედგენილი ზოგიერთი იმ ძველ ქართულ წარწერათაგანი, რომლებიც აღმოჩნდა იტალიელი არქეოლოგების მიერ ამ ცოტა ხნის წინ პალესტინაში, იუდას უდაბნოში, ბეთლემის მახლობლად გათხრილ ქართულ მონასტრის ნანგრევებში. მონასტრის იატაკი შესანიშნავი მოზაიკით ყოფილა მოჭედილი. სწორედ ამ მოზაიკით მოჭედილ იატაკზე აღმოჩნდა რამდენიმე ქართული წარწერა, რომლებშიც არა-ერთი ქართველი მოღვაწეა მოხსენიებული, მათ შორის პეტრე იბერი — ცნობილი ფილოსოფოსი და ქართველი მოღვაწე აღმოსავლეთში. წარწერაში იგი „მარუანის“ („მურვანოსის“) სახელით არის მოხსენიებული, რომელსაც ის ახალგაზრდობაში ატარებდა. ქართული

მონასტერი ბეთლემის მარტოობად პეტრე იბერს V საუკუნის  
 ოცდაათიან წლებში აუშენებია და წარწერები, სადაც იგი და-  
 მისი წინაპრები იხსენიებიან, ამავე ხანისა უნდა იყოს, ე. ი.  
 ნახევარი საუკუნით მაინც წინ უსწრებს ბოლნისის ქართულ  
 წარწერას. პალესტინის ეს უძველესი ქართული წარწერებიც  
 ქართული დამწერლობის უძველესი სახეობით — ასომთავრუ-  
 ლით — არის შესრულებული. ჩვ. წ. აღ.-ით მე-7—მე-8 საუ-  
 კუნეებიდან საქართველოში ძველი ქართული დამწერლო-  
 ბის ახალი სახეობა — ნუსხური მკვიდრდება, ხოლო შემდეგ  
 თანდათან გაბატონდა ქართული დამწერლობის თანამედრო-  
 ვე სახე — ე. წ. მხედრული. ამრიგად, ქართულ დამწერლობას  
 განვითარების გრძელი გზა აქვს გამოვლილი.

რელიგიური წარმოდგენები. ღვთაებათა ძველი ქართული  
 წარმართული პანთეონი. საქართველოს იმდროინდელი მო-  
 სასაზღვრო ბუნების ძალებს აღმერთებდა: მრავალმერთოი-  
 ანობა კვლავ რჩებოდა, ამასთან ჯერ კიდევ განვლილი არ იყო  
 განვითარების ის საფეხური, როდესაც ყოველ კუთხეს თა-  
 ვისი ადგილობრივი მფარველი ღვთაება ჰყავდა. მაგრამ ქვეყ-  
 ნის გაერთიანებამ გამოიწვია ოფიციალური სახელმწიფო რე-  
 ლიგიისა და ღვთაებათა საერთო-სამეფო პანთეონის ჩამოყა-  
 ლიბება. პანთეონის სათავეში იდგა მთვარის ღვთაება. მას  
 აქ არმაზს უწოდებდნენ. სამეფო რეზიდენციაც მისი სახელის  
 მიხედვით არმაზციხედ იწოდებოდა. არმაზციხის უმაღლეს  
 ადგილას, მწვერვალზე, მდგარა არმაზის ქანდაკება — იგი  
 ბრინჯაოსაგან ყოფილა ჩამოსხმული. ხელში ხმალი სჭერდა  
 და თვალები ზურმუხტისა ჰქონია. აქ, კერპის წინაშე დიდი  
 რელიგიური დღესასწაულები იმართებოდა. მტკვარგაღმა  
 მცხოვრები მცხეთელებიც თურმე ყოველდღე, მზის ამოს-  
 ვლისას, თავიანთი სახლების ბანებზე დაიჩოქებდნენ და  
 თავჯანს სცემდნენ არმაზის კერპს. აქვე იმართებოდა დიდი  
 ბაზრობები, სადაც სამეფოს სხვადასხვა კუთხიდან მოედინე-  
 ბოდა ხალხი. მთვარის ღვთაება არმაზი ომის, ომიანობის  
 ღვთაებად ითვლებოდა. მისი კულტი ფართოდ ყოფილა გავ-  
 რცელებული ქართლს სამეფოში. როდესაც შემდგომ ქრის-  
 ტიანობა გაბატონდა, ხალხმა არმაზის თავჯანსცემის ბევრი  
 მომენტი წმიდა გიორგის თავჯანსცემაზე გადაიტანა. ჩვენ-  
 ში ძველად გავრცელებული გიორგობის დღესასწაულები (თა-





ვისი ღამის თევითა და ბევრი საკულტო რიტუალით, მაგალითად, ქადაგად დაცემის ჩვეულებითა და სხვ.) ძალზე მიაგავს იმ დღესასწაულებს, რომელთაც მართავდნენ ჩვენი უძველესი წინაპრები მთვარას ღვთაება არმაზის პატივსაცემად.

ძალიან გავრცელებული იყო საქართველოს იმდროინდელ მოსახლეობაში მზის კულტიც. თუ მთვარე და მისი განმასახიერებელი ღვთაება არმაზი მამაკაცად, მამალმერთად იყ მიჩნეული, მზე ქალად, ქალღმერთად ჰყავდათ წარმოდგენილი. მისი ტაძრები საქართველოს არაერთ ადგილას ყოფილა მაგალითად, სამხრეთ საქართველოში — მესხების მიწა-წყალზე ან კიდევ ზღვის პირას — ფაზისში (დღევანდელი ფოთში).

ძალიან გავრცელებული ყოფილა ნაყოფიერების იდგამომსატყველ ღვთაებათა კულტიც. ერთი ასეთი ღვთაება: განი, და მასთან, ერთ-ერთი უმთავრესი ღმერთი იყო ზანი, რომლის კერპიც აღმართული ყოფილა ზადენ მთაზე (დღევანდელი ზედაზნის მთას მიდამოებში).

ძველ ქართულ სარწმუნოებაში კიდევ ბევრი სხვა ღვთაების თაყვანისცემას ვხვდებით. თაყვანსა სცემდნენ, მაგალითად, ღვთაება კვირიას, ტაროსის (ამინდის, ქარიშხლის) ღმერთს ვობის, მოსავლის ღმერთს არალეს, ქალღმერთ ნანას, მიწის ღმერთს, ცის ღმერთს და ა. შ.

პანთეონში ღვთაებათა მკაცრად დადგენილი უფროს-უმცროსობა არსებობდა — უმაღლეს ღვთაებებს მოსდევდნენ მეორე რიგის ღვთაებები, კეთილი თუ ავი სულები. ღვთაებებს თავისი ღვთაებრივი ამაღაც ჰყავდათ და ა. შ.

§ 18. დასავლეთ საქართველოში ჩვენი

წელთაღრიცხვით პირველ საუკუნეში. ლაზიკის სამეფოს გაძლიერება

მდგომარეობა დასავლეთ საქართველოში უფრო არამყარ იყო, ვიდრე აღმოსავლეთ საქართველოში. დასავლეთში ადგილობრივმა ხელისუფლებამ ვერ შეძლო ისე მტკიცედ შეენახა თავი, როგორც ეს ქართლის სამეფომ შეძლო აღმოსავლეთში. აქ, როგორც ზემოთ დავინახეთ, ჯერ პონტოს სამეფო გაბატონდა, შემდეგ კი რომი, დასავლეთ საქართვე-

ქოს ერთი ნაწილი კი, რომელიც ქართლის სამეფოს ტერიტორიას უშუალოდ ესაზღვრებოდა (არგვეთი და სხვ.), ქართლის სამეფოს შემადგენლობაში იყო უმეტესწილად მოქცეული.

ძველი კოლხეთის მოსახლეობიდან უფრო დაწინაურებული იყო მისი ცენტრალური ნაწილის — თანამედროვე დასავლეთ საქართველოს ბარის მოსახლეობა. კოლხეთის სამხრეთ მთიანეთის (შავი ზღვის სამხრეთ-აღმოსავლეთი კუთხის) და კოლხეთის ჩრდილო მთიანი ნაწილის მოსახლეობა უფრო მორჩენილი იყო, ჯერ ისევ პირველყოფილი თემური წყობილების პირობებში ცხოვრობდა.

ყველაზე უფრო მტკიცედ პონტომ და შემდეგ რომმა სახმელეთ კოლხეთის დამორჩილება შეძლეს. ამ რაიონის დასახლებობა ადგილებში, ზღვისპირა ზოლში, მცხოვრები ქართველი ტომების მნიშვნელოვანი ნაწილი შეერია ბერძნულ კოლონიზატორებს და ასე, თანდათან ნარევი წარმოშობის მოსახლეობა ჩამოყალიბდა. დამოუკიდებლობა და საკუთარი ტომობრიობა მტკიცედ დაიცვა აქ მცხოვრები ქართველი ტომების იმ ნაწილმა, რომელიც მთიანეთში (პონტოს ქედზე) ცხოვრობდა. მათ ჭანებს უწოდებდნენ. პონტოს დაცემის შემდეგ (ჩვ. წ. აღ.-მდე I საუკუნის შუა ხანებში) საერთოდ კოლხეთის მიწა-წყალზე არამყარი მდგომარეობა შეიქმნა. რომაელებმა, მართალია, ზღვისპირა ქალაქებში (ტრაპეზუნტი, აფსარო ჭოროხის შესართავთან, ფაზისი, დიოსკურია) თავიანთი გარნიზონები ჩააყენეს, მაგრამ ქვეყნის შიდა ნაწილზე ეფექტური კონტროლის გაწევის ძალა მათ ნაკლებად შესწევდათ. მთიანეთის მცხოვრები ჭანები არამცთუ ემორჩილებოდნენ რომაელებს, ხარკს არ უხდიდნენ და ა. შ., არამედ მათ ტომთა დიდი კავშირი შექმნეს და სისტემატურად ესმოდნენ თავს რომაელთა სამფლობელოებს მცირე აზიაში. ამავე ხანებში ჭანები დაბლობ ადგილებში ჩამოსახლებასაც იწყებდნენ.

მთიელ ტომთა მოძალებას განიცდიდა არა მარტო სამხრეთ კოლხეთი, არამედ მისი ცენტრალური და ჩრდილო ნაწილიც. მთიელთა ჩამოსახლების შედეგად მოსახლეობა აქაც საგრძნობლად შეიცვალა. დასავლეთ საქართველოს ბარშიც მთიელთა დიდი ტალღა ჩამოსახლდა და იმავე

წარმოშობის ძველისძველ მოსახლეობას შეერია. აქ, მდ. ჭოროხის შესართავის ჩრდილოეთით მდებარე მიწა-წყალზე ჩვ. წ. აღ.-ით 1-მე-2 საუკუნეებში საკმაოდ დიდი გაერთიანება ჩამოყალიბდა, რომელსაც რომაელები ლაზების სამეფოს ანუ ლაზიკეს, ხოლო ქართლის სამეფოს მოსახლეობა ეგრთა (მეგრელების) ქვეყანას ანუ ეგრისს უწოდებდა. ლაზიკის სამეფო ძველი კოლხეთის სამეფოს შემკვიდრედ მიიჩნევა თავს. მთიანეთის მოსახლეობის დიდ ნაკადის შესვლით მასში ძველი, პირველყოფილი თემური წყობილების ელემენტები კიდევ უფრო ძლიერი გახდა. კერძოდ, აქ რიგითს თავისუფალთ კვლავ მნაშენელოვანი პოლიტიკური უფლებები პქონდათ. განსაკუთრებით დიდმნიშვნელოვანი საკითხების გადაწყვეტისას პრაქტიკაში იყო მეთემეთა თუ მათი წარმომადგენლების კრების მოწვევაც.

ლაზიკის სამხრეთით, მდ. ჭოროხის შესართავის მიდამოებში მცხოვრები მოსახლეობა ჩვ. წ. აღ.-ით მე-2 საუკუნის დასაწყისში ქართლის სამეფოს ემორჩილებოდა. მათ სამხრეთით, ზღვისპირას, დღევანდელ ათინას რაიონში, ამ დროს ჭანური გაერთიანება არსებობდა. ლაზიკის სამეფოს ჩრდილოეთით, დღევანდელ აფხაზეთსა და მის მეზობელ ადგილებში, ამ დროისათვის რამდენიმე დიდი გაერთიანება ჩამოყალიბდა; უშუალოდ ლაზების ჩრდილოეთით აფშილების გაერთიანება იყო, ხოლო მათ ზემოთ კიდევ აბაზგებისა და სანიგებისა. ჩრდილო კოლხეთში ამ დროს ძირითადად აფხაზური და სვანური ტომები ცხოვრობდნენ, ჩრდილო კოლხეთის მოსახლეობა კერ კიდევ პირველყოფილი თემური წყობილების პირობებში ცხოვრობდა, რომლის რღვევის პროცესი უკვე ძალიან შორს იყო წასული. საზოგადოების ძირითად მასას ეყოფოდა ეკონომიკურად და პოლიტიკურად ძლიერი ზედაფენა. ზემოჩამოთვლილი გაერთიანებების სათავეში ადგილობრივი წარმოშობის ბელადები იდგნენ, თუმცა მათ რომაელები ამტკიცებდნენ. ეს მორჩილება მხოლოდ სიმბოლური ხასიათისა იყო. აქაური მოსახლეობა რომაელებს ჩვ. წ. აღ.-ით მე-2-მე-3 სს-დან არც ხარკს უხდიდა და არც სხვა რამ ვალდებულებას ასრულებდა.

ასეთივე უნდა ყოფილიყო ამ დროს რომაელთა მიმართ კოლხეთის ყველაზე ძლიერი ერთეულის — ლაზიკის სამე-

ფოს დამოკიდებულება. მისი მმართველებიც ცნობდნენ რომაელთა ძალაუფლებას. მათაც ტახტზე რომის იმპერატორი ამტკიცებდა, მაგრამ ისინი არც ხარკს იხდიდნენ და არც ჯარი გამოჰყავდათ რომის ხელისუფალთათვის. ერთადერთი, რაც მათ მოეთხოვებოდათ, ეს იყო ჩრდილოეთიდან გადმომავალი გზების დაცვა, რომ იქაური მომთაბარეები კავკასიონის გზით და კოლხეთს გავლით სამხრეთში არ შეჭრილიყვნენ და რომაელთა სამფლობელოები არ დაერბიათ. ჩვ. წ. აღ.-ით მე-3—მე-4 საუკუნეებში მაინც, როცა რომი საკმაოდ დასუსტდა, იგი ლაზიკის ასეთი მოკავშირეობით სავსებით კმაყოფილდებოდა.

ლაზიკის მმართველები ამას საკუთარი მიზნისათვის იყენებდნენ. მათ თანდართან მოახერხეს ჩრდილო კოლხეთის მთიანეთის მოსახლეობას (აფშილების, აბაზგების, სვანთა ტომების) დამორჩილება. ამათგან სვანების დამორჩილება ლაზებმა ძვ. წ. აღ.-ით მე-4 საუკუნის მეორე ნახევარში შეძლეს. სვანთა მთავარს, რომელიც ადგილობრივი წარმოშობის პირი იყო, ამიერიდან ლაზების მეფე ამტკიცებდა და მთავრის ნიშნებს უგზავნიდა. სვანები, ამასთანავე, ლაზებს ხარკის სახით უგზავნიდნენ თაფლს, ტყავს და სხვ. ასეთივე დამოკიდებულებაში მოექცა ლაზების მეფეთა მიმართ აგრეთვე ჩრდილო კოლხეთის დანარჩენი მოსახლეობაც.

### § 19. ქართლის საეპისკოპოსო მე-3—მე-4 საუკუნეებში.

#### ქრისტიანული რელიგიის დამკვიდრება ქართლში

III საუკუნიდან ქართლის სამეფოს საგარეო მდგომარეობა საგრძობლად გაუარესდა მეზობელი ირანის გაძლიერების გამო. 224 წ. ირანში დაემხო პართიის სამეფო, რომელსაც სათავეში ედგა არშაკუნიანთა საკმაოდ სუსტი დინასტია: იგი ახალმა, სასანიანთა, დინასტიამ შეცვალა.

სასანიანთ ირანი პართიის სამეფოსთან შედარებით ბევრად უფრო ძლიერი სახელმწიფო იყო. სასანიანებმა სახელმწიფო რელიგიად აქციეს უძველესი ირანული სარწმუნოება, ზორთასტრიზმი, რომელიც საბოლოოდ სწორედ მათ დროს ჩამოყალიბდა. ეს რელიგია ცნობილია აგრეთვე მაზდეანობისა და ცეცხლთაყვანისცემლობის სახელით. სასანიანები

დამორჩილებულ ქვეყნებში ამ რელიგიის ძალით დანერგვის გზას დაადგენენ.

უკვე პირველმა სასანიანმა მეფეებმა სასტიკი ბრძოლა გააჩაღეს რომთან, რომელიც ამ დროს საკმაოდ დასუსტებული იყო. განსაკუთრებით გააფთრებული ბრძოლები გაიმართა მათ შორის სომხეთის გამო. ასეთ პირობებში სპარსეთის ხელისუფალთ ქართლზე ენერგიული შეტევისათვის ჯერჯერობით არ ეცალათ. ქართლის მმართველებიც ამჯერად უფრო ძლიერი მხარისათვის მხარდაჭერის გზით ცდილობდნენ თავიანთი პოზიციების განმტკიცებას. სასანიანი შაბურ I-ის თანამედროვე ქართლის მეფე ამაზასპი, მაგალითად, სპარსულ ორიენტაციას დაადგა. შაბურმა მრავალჯერ დაამარცხა რომაელები, მაგრამ მე-3 საუკუნის დასასრულს რომაელებმა, თავის მხრივ, რამდენჯერმე სასტიკად დაამარცხეს სპარსეთი და 298 წ. ნიზიბინში დღებულ ხელშეკრულებით აიძულეს იგი ქართლი და სომხეთი რომის გავლენის სფეროდ ეცნო.

ეს იყო ხანა, როდესაც რომის იმპერიის ცენტრი თანდათან აღმოსავლეთისაკენ იწინადადებდა. დასავლეთში რომი მონათა აჯანყებების თუ გერმანელი ტომების მოძალების გამო სულს ღაფავდა. აღმოსავლეთში კი მისი პოზიციები უფრო მტკიცე ჩანდა. ამისდაკავალად რომის მმართველმა წრეებმა იმპერიის დედაქალაქიც კი შეცვალეს — რომიდან სამეფო რეზიდენცია ბალკანეთის პოსფორზე, ახალშენ ბიზანტიონში გადმოიტანეს. ეს მოხდა 330 წ. იმპერატორ კონსტანტინეს დროს, რომლის სახელის მიხედვით ამ ქალაქს კონსტანტინოპოლი ეწოდა (დღევანდელი ქალაქი სტამბოლი თურქეთში). ასე მიეცა საწყისი „აღმოსავლეთ რომის იმპერიას“, ანუ როგორც მას შემდეგ უწოდებდნენ (დედაქალაქის — ძველი ბიზანტიონის სახელის მიხედვით) — ბიზანტიას.

ამ დროს მნიშვნელოვანი ცვლილება მოხდა აგრეთვე რომის მმართველთა რელიგიურ პოლიტიკაში. ამაზე დიდი ხნით ადრე რომის იმპერიის ვრცელ მიწა-წყალზე ფართოდ გავრცელდა ახალი რელიგიური მოძღვრება — ქრისტიანობა. რომში გაბატონებული პოლითეისტური სისტემისაგან (მრავალმერთიანობისაგან) განსხვავებით ქრისტიანობა მონოთეისტური რელიგია იყო; იგი ერთ ღმერთს აღიარებდა. პირველ ხანებში ქრისტიანობა გამოდიოდა ღარიბ-ღატაკთა და

შევიწროებულთა მფარველ რელიგიად და მას მომხრეები შედარებით უფრო დაბალ ფენებში ჰყავდა. რომის მმართველი წრეები სდევნიდნენ ქრისტიანებს. რომის მეტოქე ირანი კი, რომელიც თავისი სახელმწიფოებრივი ინტერესებიდან გამომდინარეობდა, მფარველობას უწევდა მათ. თანდათან ქრისტიანებმა რომის იმპერიაში მტკიცე ორგანიზაცია შექმნეს, რომელიც მასებზე გავლენას ახდენდა. ამის გარდა, ქრისტიანობა მრავალმხრივ სასურველი ჩანდა რომის იმპერატორებისათვის: ქველმოქმედებისა და საიქიოში განცხრომის მოპოვების იმედი იზიდავდა დატაკთა მასებს, ხოლო მონაწილეებისა და ქედის მოდრეკის ქადაგება მას მმართველი წრეებისთვისაც მისაღებს ხდოდა. ამიტომაც, რომის ხელისუფლებამ ქრისტიანული რელიგიისადმი დამოკიდებულება მკვეთრად შეცვალა: იმპერატორმა კონსტანტინემ (306–337 წწ.) ქრისტიანული სარწმუნოების თავისუფლება გამოაცხადა და ქრისტიანობის მფარველობის გზას დაადგა. მალე ქრისტიანობა აქ სახელმწიფო რელიგიადაც იქცა და ქრისტიანული ეკლესია სწრაფად დიდი მემამულეც გახდა.

მას შემდეგ, რაც რომის ხელისუფლება ქრისტიანობის დევნიდან მის მფარველობაზე გადავიდა, მისმა მეტოქე ირანმა მკვეთრად შეცვალა ქრისტიანებისადმი დამოკიდებულება, მფარველობის ნაცვლად მან მათი სასტიკი დევნა-შევიწროება დაიწყო.

ამიერიდან იმ ქვეყნებისთვისაც, რომლებიც ირანისა და რომის (ბიზანტიის) მეტოქეობის ობიექტს წარმოადგენდნენ, ქრისტიანობისადმი დამოკიდებულება, პირველ ყოვლისა, პოლიტიკური ორიენტაციის საგანი გახდა.

მე-4 საუკუნის პირველ ნახევარში, შაბურ II-ის მეფობის ხანაში, სასანიანთა ირანმა ახალი ენერგიული შემოტევა დაიწყო. სომხეთმა და მისმა მეზობელმა ქართლის სამეფომ სწორად შეაფასეს შექმნილი მდგომარეობა. აშკარა იყო, რომ სასანიანთა ირანი მათთვის ბევრად უფრო საშიშ საფრთხეს წარმოადგენდა, ვიდრე რომი, ამიტომაც სომხეთი და ქართლის სამეფო გადაჭრით რომის (ბიზანტიის) ორიენტაციას დაადგინენ და ირანს დაუპირისპირდნენ. ამ ორიენტაციის ერთ ერთი გამოსატულება იყო მათ მიერ სახელმწიფო რელიგიად მიღება ქრისტიანობისა, რომელსაც რომის მმართველები



მფარველობას უწევდნენ. ეს რომთან დაახლოებისა და ირანის წინააღმდეგ მასთან მტკიცე კავშირის უცილობელი გამოხატულება იყო. სომხეთშიცა და ქართლშიც ქრისტიანობა სახელმწიფო რელიგიად აღიარეს სულ მალე იმის შემდეგ, რაც ქრისტიანობა სახელმწიფო რელიგიად გამოცხადდა რომში. ქართლში ეს 337 წელს მოხდა.

რა თქმა უნდა, გარდა ამგვარი საგარეო ორიენტაციისა, ქართლის მმართველებს ქრისტიანობის მიღებისას სხვა, შინაგანი მიზეზებიც ამოძრავებდათ. ამ გზით მათ სურდათ ლახვარი ჩაეცათ ქართლის ტაძრებისა და ქურუმთა გაბატონებული წრის ძლიერებისათვის. ტაძრები ამ დროისათვის დიდ სიმდიდრესა და მამულებს ფლობდნენ. სამეფო მიწის ფონდი კი მნიშვნელოვნად შემცირდა, რადგან მეფე სისტემატურად არიგებდა მიწებს სამხედრო და სახელმწიფო სამსახურის სანაცვლოდ. ჰველი რელიგიის აკრძალვის შედეგად ტაძრების მთელი სამდიდრე მეფისა და საერო დიდებულების ხელში გადადიოდა.

როგორც ეს სხვა ქვეყანაში მოხდა, ქართლის გაქრისტიანების ამბავიც ზღაპრულ-ლეგენდარული სახით შემოგვიწახა ძველმა ტრადიციამ; ქართლის გაქრისტიანებაში ეს ტრადიცია მთავარ როლს ანიჭებს უცხოელ კაპადოკიელ ტყვექალ ნინოს, რომელმაც ქართლში იქადაგა ქრისტიანობა და მთელი რიგი სასწაულები მოახდინა. სხვათა შორის ავადმყოფობისაგან განკურნა დედოფალი და დაარწმუნა მეფე ახალი რელიგიის ჭეშმარიტებაში. ქართლში მეფედ ამ დროს იყო მირიანი, გადმოცემის მიხედვით რომის იმპერატორის კონსტანტინეს თანამედროვე. მის მიერ ქრისტიანობის მიღების ამბავი მირიანს მაშინვე უცნობებია კონსტანტინესათვის და მღვდელ-მსახურთა გამოგზავნა უთხოვია. მართლაც, ქართლს კონსტანტინემ მოავლინა ეპისკოპოსი, რამდენიმე მღვდელი და დიაკონა. მათ მასობრივი ნათლისღება მოუწყვიათ ქართლში, კერძოდ მცხეთაში, მტკვრის პირას. წარჩინებულთ ცალკე მიუღიათ ნათლობა. პირველად ნათელუღიათ თვით მეფესა და დედოფალს და მათი სახლის წევრებს. გადმოცემის მიხედვით, ქართლის ბარის მოსახლეობას წინააღმდეგობა არ გაუწევია ახალი რელიგიის მიღებისას. ქრისტიანული რელიგია აქ, ისევე როგორც მის მეზობელ

ქვეყნებში, ამ დროისათვის ხალხში უკვე საკმაოდ ფეხმოკიდებული იყო.

სამაგიეროდ, სასტიკი წინააღმდეგობა გაუწევია ქრისტიანობის დანერგვისათვის მთიანეთის მოსახლეობას. მირიან მეფემ მოინდომა ძალით მიეღებინებინა ქრისტიანობა მათთვის და ნინოსა და საბერძნეთიდან მოსულ მღვდელს ერისთავი გააყოლა საშხედრო რაზმითურთ. ერისთავს იარაღის ხმარება დასჭირდა, რომ „დაერწმუნებინა“ მთიელები (ჭართალელნი, ფხოველნი, წილკნელნი, ერწო-თიანეთელნი, გუდამაყრელნი, ყვარლელნი) ქრისტიანობის უპირატესობაში. მთიელთა უდიდესი ნაწილის გაქრისტიანება მაინც ვერ მოხერხდა. ბევრი მათგანი გაიხიზნა კავკასიონის გადაღმა. დარჩენილთათვის მირიან მეფეს ხარკი გაუდიდებია. შემდეგში ქართლის მეფეები და ქართლის ეკლესია საუკუნეთა განმავლობაში ცდილობდნენ გაექრისტიანებინათ მთიელთა ის ნაწილი, რომელიც ჯერ კიდევ წარმართულ სარწმუნოებას მისდევდა.

რა თქმა უნდა, ქართლის მმართველებს ამ შემთხვევაშიაც ქრისტიანობის განსაკუთრებული სიყვარული კი არ ამოძრავებდათ, არამედ სახელმწიფოებრივი ინტერესები. ქრისტიანობის გავრცელება მთაში საუკეთესო საშუალება იყო მთის ნახევრად დამოუკიდებელი მდგომარეობის მოსასპობად და მის გადასაქცევად სანიფოს ჩვეულებრივ შემადგენელ ნაწილად. მთა ჯერ კიდევ დოდად განსხვავდებოდა ბარისაგან: ხალხი აქ ძირითადად კლავ გვართვნილი წყობილების ტრადიციების მიხედვით ცხოვრობდა, მას საკუთარი სატომო ღვთაებები პყავდა და მთი სამლოცველოები ჰქონდა. ბარის წესები მისთვის უცხო იყო. ქრისტიანობის გავრცელება ამ ზღვარს სპობდა. კულტურულ-რელიგიურად მთა და ბარი ერთგვაროვანი ხდებოდა. ყველაფერ ამას მოსდევდა აგრეთვე მთაში პატრიარქალურ ურთიერთობათა ნგრევა და კლასობრივი ურთიერთობის დამყარება — იქ უკვე მტკიცედ იკიდებდნენ ფეხს ფეოდალებად გადაქცევის გზაზე მდგარი დიდმოსხედეები — ერისოკები, რომელთაც სოციალური ჩაგვრის მძიმე უღელი მოჰქონდათ მთიანეთის მოსახლეობისათვის. ამიტომ იყო, რომ მთა ასე სასტიკ წინააღმდეგობას უწევდა ქრისტიანობის გავრცელებას.



ქრისტიანობის გავრცელებამ ამ გზით მნიშვნელოვანი როლი შეასრულა არა მარტო ქართლის მთისა და ბარის მოსახლეობის ერთ მთლიანობად შედუღების საქმეში, არამედ საბოლოოდ იგი საკმაოდ ბასრი იარაღი აღმოჩნდა აგრეთვე საქართველოს სხვა კუთხეაა მოსახლეობის ქართლის მოსახლეობასთან დაახლოებისა და ერთიანი ქართველი ეროვნების ჩამოყალიბების საქმეში.

დასავლეთ საქართველოში ქრისტიანობის გავრცელება კიდევ უფრო ადრე დაიწყო, ვიდრე ქართლში, რადგანაც იგი უფრო ახლო და მჭიდრო ურთიერთობაში იყო რომის იმპერიის ცენტრებთან, სადაც ქრისტიანობის ძლიერი კერები არსებობდა. ამასთანავე დასავლეთ საქართველოს ზღვისპირა ზოლში მცხოვრებ ბერძნულ მოსახლეობაში ქრისტიანობას ადრე უნდა მოეკიდა ფეხი. მე-4 საუკუნეში პიტიუნტში (თანამედროვე ზიქვინთა) უკვე ეპისკოპოსი იჯდა. მიუხედავად ამისა, ქრისტიანობის თფიციალურ სარწმუნოებად აღიარება ლაზიკას სამეფოში ქართლზე ბევრად უფრო გვიან — მე-6 საუკუნის დასაწყისში მოხდა; მე-6 საუკუნეში მიიღეს ქრისტიანობა აზაზგებმაც. აქ დიდი როლი აგრეთვე მმართველი წრეების საგარეო ორიენტაციამ შეასრულა. ლაზიკის დამოუკიდებლობისათვის ირანთან შედარებით უფრო მეტ საფრთხეს ქრისტიანული რომი (ბიზანტია) წარმოადგენდა. ამასთანავე, რომ-ბიზანტიის გზით მომდინარე ქრისტიანობას უცხო, ძირითადად ბერძნული, კულტურის უფრო მეტი გავლენა მოჰქონდა თან. ბერძნული კულტურა და ბერძნული ენა აქ ძველთაგანვე მეტად მტკიცედ იყო ფეხმოკიდებული. მის გავრცელებაში განსაკუთრებით დიდ როლს ასრულებდნენ ზღვისპირა ბერძნული ქალაქები.

ქრისტიანობაშიც აქ თავდაპირველად ბერძნული გავლენა გაბატონდა. წირვა-ლოცვა ბერძნულად წარმოებდა და აქაური ეკლესიაც ორგანიზაციულად ბერძნულ ეკლესიას დაექვემდებარა.

მაგრამ, მას შემდეგ, რაც ქრისტიანობა ქართლში სახელმწიფო რელიგიად იქცა, დასავლეთ საქართველოში ქრისტიანობამ შელწევა იწყო ქართლის გზითაც. დასავლეთ საქართველოს მნიშვნელოვანი ნაწილი, როგორც აქამდე, ისე ამის შემდეგაც, დროდადრო ქართლის სამეფოს გავლენის სფე-

როში ექცეოდა. თვით ქართის ელემენტიც დასავლეთ საქართველოში დიდ ტერიტორიაზე იყო გავრცელებული. ამიტომ აქ ქართული ქრისტაინული ეკლესიის გავლენა, რომელიც წირვა-ლოცვაში ქართულ ენას იყენებდა, საკმაოდ მძლავრი ნაკადის სახით იკვლევდა გზას. შემდეგში თვით დასავლეთ საქართველოს მმართველთათვის ქართული ენა და ქართული ეკლესია საუკეთესო იარაღი შეიქმნა უცხო, ბერძნული გავლენისაგან თავის დასაღწევად და დამოუკიდებლობისათვის საბრძოლველად. დასავლეთ საქართველოს ეკლესია თანდათან განთავისუფლდა ბერძნული გავლენისაგან და ქართლის ეკლესიას დაუკავშირდა. ქართლის ეკლესიის მეთაურის — მცხეთის კათალიკოსის ხელისუფლება აღმოსავლეთ საქართველოს საეპისკოპოსოების გარდა, დასავლეთ საქართველოს საეპისკოპოსოებზედაც გავრცელდა. წირვა-ლოცვაში ყველგან ქართული ენა და ქართული მწიგნობრობა გაბატონდა. ამან ძალიან დააახლოვა საქართველოს სხვადასხვა კუთხის მოსახლეობა და ნიადაგი მოუმზადა ისტორიულად ჩამოყალიბებული მყარი ერთობის — ერთიანი ქართველი ხალხის შექმნას.

საქართველო ნა-5-მე-10 საუკუნეებში

§ 20. ფეოდალურ ურთიერთობათა განვითარება

მე-4-მე-5 საუკუნეებში სულ უფრო და უფრო თვალნათელივ იწყო გამოჩენა ახალმა მოვლენებმა ქვეყნის სოციალურ-ეკონომიკურ ცხოვრებაში. ამ ახალი მოვლენებისათვის ნიადაგი დიდი ხნის განმეკვლობაში მზადდებოდა.

ამ დროისათვის ძალაძნ შორს წავიდა ძველ თავისუფალ მიწათმოქმედთა — „ერას“ — დიფერენციაციის პროცესი. „ერი“ განუწყვეტლივ დაშლას განიცდიდა, მისი მცირე ნაწილი მდიდრდებოდა და ძლიერდებოდა, ხოლო დიდი ნაწილი ლატაკდებოდა და კნინდებოდა. მუდამ ომიანობას ყველასათვის ერთნაირი შედეგად მოჰქონდა. მეურნეობისაგან დიდი ხნით მოწყვეტა უარყოფითად მოქმედებდა მცირე შეძლების მქონე მოლაშქრე მეურნეზე, მით უმეტეს, რომ ომში ნაშთი ნადავლისა და ტყვეებისაგან მას წილად ბევრი არაფერი ხვდებოდა. უდიდესი ნაწილი იმათ მიჰქონდათ, ვინც გამარჯვების მოპოვებაში გადაწყვეტ როლს ასრულებდნენ. ესენი იყვნენ ცხენოსნები ან მიძიმედ შეიარაღებული ქვეითნი. საომარი იარაღ-საჭურველიც ამ დროს საგრძნობლად გაძვირდა: საჭირო გახდა ლითონის მუზარადის, ჯაჭვის ან ლითონის ფირფიტებიანი პერანგის და სხვათა შექმნა. ჩვენ ვიცით, რომ ომში ყველა საკუთარი იარაღით გამოდიოდა. ასე შეიარაღება კი, ისევე როგორც თავისი მეურნეობისათვის გაუმჯობესებული იარაღების შექმნა, მხოლოდ მდიდრებს შეეძლო.

სწორედ ასეთი გამდიდრებული ხალხის ფენიდან ადგენდნენ სამეფო რაზმებს, მათ ნიშნავდნენ სხვადასხვა სამხედრო და სამოქალაქო თანამდებობებზე. სარდლებსა და დიდ მოხელეებს მეფე, სამსახურის სანაცვლოდ, მიწებს ურიგებ-

და და, აგრეთვე, სამართავ-საგამგებლოდ სოფლებსა და მთელ ოლქებს აბარებდა. თავი! მიწებს ასეთი წარჩინებული ხალხი „სამეფო მონების“ ან საკუთარი მონების ხელით ამუშავებდა. შემდგომ კი აქ სულ უფრო და უფრო მეტი რაოდენობით იწყეს მუშაობა გლატაკებულმა თავისუფალმა მიწათმოქმედებმა, რომელთაც მიწა და შრომის იარაღები აღარ გააჩნდათ. ასე იქმნებოდა ყმა გლეხების კატეგორია. ამ დროს ესენი ჯერ კიდევ არ წარმოადგენდნენ მიწათმოქმედთა უმრავლესობას. მიწათმოქმედთა დიდი ნაწილი წლებზე ფეხს იდგამდა, რომ გაჩანაგებისაგან თავი დაეცვა და მიწა შეენარჩუნებინა. თემები ჯერ კიდევ არსებობდნენ, მაგრამ ისინი ახლა არა მარტო სამეფო ხელისუფლებას ექვემდებარებოდნენ და გარკვეულ ვალდებულებებს ასრულებდნენ მის მიმართ, არამედ სულ უფრო და უფრო დამოკიდებულები ხდებოდნენ ადგილობრივი ოლქისა თუ უფრო მცირე ერთეულების მმართველებისა და მეზობელი მდიდარი მემამულეებისაგან. ეს უკანასკნელნი ცდილობდნენ თემებიც თავის სამსახურში ჩაებათ, მიეთვისებინათ საერთო-სათემო საძოვრები, სარწყავი სისტემა და ჯერ კიდევ თავისუფლად დარჩენილი მიწათმოქმედნიც ისეთივე დამოკიდებული გაეხადათ, როგორც იყვნენ უკვე მათ საკუთარ მიწაზე დასმული ყოფილი მონები ან გლატაკებული მიწათმოქმედნი.

ასე ყალიბდებოდა საზოგადოებაში ორი ძირითადი კლასი — წარჩინებულნი ანუ აზნაურნი და მდბით ხალხი, რომელსაც „წერილ ერს“ უწოდებდნენ. აზნაურთა შორისაც იყო განსხვავება, ისინი რომელთაც განსაკუთრებით დიდი თანამდებობები ეკავათ სახელმწიფოში, და, საერთოდ, დიდი ეკონომიკური და პოლიტიკური ძალა ჰქონდათ, „დიდ აზნაურებად“ იწოდებოდნენ, ქრებოდა წინანდელი განსხვავებაც სამეფო წარმოსობის და არასამეფო წარმოსობის დიდებულებს შორის.

დიდებულთა შორის ყველაზე ძლიერი, უწინდელივით, ერისთავები — დიდ-დიდი ოლქის მმართველები — იყვნენ. ეკლესიაში დიდი თანამდებობების (ეპისკოპოსობისა და მისთ). დაკავებაც თანდათან დიდ აზნაურთა წრიდან გამოსული ხალხის პრივილეგია შეიქმნა.

დიდებულები, ისევე როგორც ეკლესიის მესვეურები,

ცდილობდნენ მეფისაგან სრული დამოუკიდებლობა მოეპოვებინათ თავიანთ საგამგებლო-სამწყისოს მმართველობაში. დიდმოხელეებს სურდათ თავიანთი თანამდებობები (ერის-თავობა და მისთ.) სამემკვიდრეთ უფლებად გაენახათ, ისე რომ მეფეს აღარ შესძლებოდა ამ თანამდებობის წართმევა მათთვის ან მათი მეკვიდრეებისათვის. ასევე, მათ სურდათ სრული ბატონ-პატრონობი ყოფილიყვნენ საგამგებლოდ მათთვის მიცემული მიწა-წყლისა და აქაური მოსახლეობის ექსპლუატაციაში მეფისათვის წილი არ დაედოთ. ამ საფუძველზე თანდათან მწვავედებოდა ურთიერთობა სამეფო ხელისუფლებასა და დიდებულ აზნაურთა შორის. მეფე ცდილობდა საკუთარი ძალაუფლების გადასარჩენად და დიდებულთა წინააღმდეგობის გასატეხად გამოეყენებინა ჯერ კიდევ თავისუფალ მიწათმოქმედთა მასა — „წვრილი ერი“, რომელთაც დიდებულთაგან სრული დამორჩილებისა და ყმა-გლეხებად გადაქცევის საფრთხე ელოდა. მეფის წინააღმდეგ ბრძოლაში წარჩინებულთ ხშირად ზურგს უმაგრებდნენ უცხო სახელმწიფოები (ბიზანტია, ირანი), რომელთაც ერთი მეფის ხელთ გაერთიანებულ ძლიერ ქართლის სამეფოს მცირე ერთეულებად დაქუცმაცებული ქართლი ერჩიათ.

იგივე პროცესები, ოჟმცა უფრო ნაკლები ინტენსივობით, მიმდინარეობდა აგრეთვე დასავლეთ საქართველოს უძლიერესი პოლიტიკური ერთეულის — ლაზიკის სამეფოს წიაღში.

ასეთი იყო ფეოდალურ ურთიერთობათა ჩამოყალიბების პროცესი.

## § 21. ქართლი მი-5 საუკუნეში. ვახტანგ გორგასალი და მისი ბრძოლა სპარსელების წინააღმდეგ

მე-5 საუკუნეში სპარსელები სულ უფრო და უფრო ძლიერდებოდნენ ამიერკავკასიაში. ყველაზე ადრე სპარსელებმა ფეხი სომხეთში მოიკიდეს, ხოლო შემდეგ ალბანეთსა და ქართლს მოუჭირეს ხელი. ახლა უკვე სპარსელებმა ამ ქვეყნების მოსახლეობას ხარკიც დააკისრეს. ეს პირველი შემთხვევა იყო რომ ქართლის სამეფო მტერს ხარკს აძლევდა. ქართლის მეფესაც სპარსელები ახლა უფრო ავიწროებდნენ, მაგრამ განსაკუთრებით იტანჯებოდა ხალხი — ხარკის გადამ-

ხდელი ის იყო. წარჩინებულებთან, აზნაურებთან კი სპარსელებმა საერთო ენა მონახეს.

მე-5 საუკუნის მეორე ნახევარში ქართლში ვახტანგ გორგასალი მეფობდა. ვახტანგი ვოლიათური ტანის პატრონი, თავისუფლების მოყვარე, ძლიერი და გულადი კაცი იყო. სპარსელებმა ვახტანგს „გორგასალი“, ესე იგი „მგელთავა“ დაარქვეს (სპარსულად „გორგ“ მგელსა ნიშნავს, „სარ“ — თავს), იმიტომ რომ ვახტანგი ომში თავზე მუზარადს იხურავდა, რომელზედაც მგელი იყო გამოსახული. ვახტანგმა ამიერკავკასიის ქვეყნებიდან სპარსელების გაძევება მოიწადინა და ამ მიზანს მოახმარა მთელი თავისი მხნეობა, საორგანიზაციო ნიჭი და სამხედრო გამოცდილება.

ქართველ ხალხს თავი მობეზრებული ჰქონდა სპარსელების ძალადობისა და მუხარკეობისაგან. გამწარებული ჰქონდათ ცხოვრება სპარსელებისაგან სომხებსაც. ამიტომ ვახტანგი სპარსელების წინააღმდეგ მებრძოლებს აგროვებდა საიდუმლოდ არა მარტო ქართლში, არამედ მეზობელ სომხეთშიაც. იმდროინდელი სომეხი ისტორიკოსი ლაზარე ფარბელი გვიამბობს, რომ გორგასალმა ალექსანდრე მაკედონელის სამხედრო ხერხები გამოიყენა ზოგი გულგატეხილი და უიმედო ადამიანების გასამსნეველად და ამ დიდ ბრძოლაში ჩასამეღადა.

ვახტანგს უმთავრესად ხალხის იმედი ჰქონდა. ხალხი, ერთი მხრით, სპარსელებისაგან იტანჯებოდა, მეორე მხრით — სპარსელების მოკავშირე ქართველი მთავრებისა და დიდი აზნაურებისაგან. ეს მთავრები და დიდი აზნაურები, რომელნიც სპარსელების დახმარებით ქართლის მეფეს ებრძოდნენ, იმავე დროს, ხალხის, „წვრილი ერის“, გამარცვასა და დამონებას ცდილობდნენ. ამიტომ იყო რომ ხალხს ვახტანგ მეფე თავის მხსნელად მიაჩნდა გარეშე და შინაური მტრისაგან. ამიტომვეა რომ ხალხში დღემდე დარჩა სიმღერა, რომელიც ვახტანგს აქებს და ადიდებს:

„ვახტანგ მეფე ღმერთს უცვარდა,  
ციდან ჩაიოესმა რეკა;  
იალბუზზე ფეხი შეხდგა,  
დიდმა მთებმა შექმნეს დრეკა“.

სამაგიეროდ ეპისკოპოსები და მთავრები ვახტანგ მეფეს ხელს უშლიდნენ, ან პირდაპირ ღალატობდნენ კიდეცა. ქართლის ეკლესიის მეთაურს, მიქაელ მთავარეპისკოპოსს, რომელსაც გაგებული ჰქონია, ვახტანგი სპარსელების წინააღმდეგ აჯანყებას ამზადებდა, დაუწყევლია მეფე და მისი ჯარი, ვახტანგს გულზვიადი მღვდელმთავრის შემორიგება უცდია და თვითონ მისულა მასთან. მაგრამ მიქაელი იმდენად გაბოროტებული ყოფილა ვახტანგის წინააღმდეგ, რომ დიდი შეურაცხყოფა მიუყენებია მეფისათვის — ფეხი ჩაუცია მისთვის. ვახტანგმა განდევნა მიქაელი და კათალიკოსობა დააწესა: ქართლის ეკლესიის სათავეში მთავარეპისკოპოსის მაგიერ კათალიკოსი დააყენა. პირველ კათალიკოსად ვახტანგმა დიოფიზიტობის მსაჩრე პირი დანიშნა (დიოფიზიტები ქრისტეს ორი ბუნების — ღვთაებრივისა და ადამიანურის — მქონედ თვლიდნენ) და ამით „სპარსულ“ ქრისტიანობას, აშკარა ბრძოლა გამოუცხადა (მონოფიზიტები ქრისტეს ერთ ბუნებას იხილდნენ, ღვთაებრივი ბუნების მქონედ თვლიდნენ).

სპარსეთის მომხრე აზნაურების მეთაური მაშინ ქართლში ვარსქენ პიტიახში იყო, იმ არშუშა პიტიახშის შვილი, რომელმაც სპარსეთის მეფას მოთხოვნით მამუღანობა (სპარსთა რელიგია — ცეცხლთაყვანისმცემლობა) მიიღო. ვარსქენიც, სპარსეთის მეფის გულის მოსაგებად, ქრისტიანობას გადაუდგა. ქართლში დაბრუნებულმა პიტიახშმა გამამუღანება დაუპირა თავის ცოლს, შუშანიკსაც. რადგანაც შუშანიკი ქმრის ნებას არ დაჰყვია, იგი ვარსქენმა აწამა. ეს ამბავი აღწერილი აქვს შუშანიკის მოძღვარს იაკობს. იაკობ ზუცესის ეს თხზულება ქართული მხატვრული ორიგინალური მწერლობის უძველეს ძეგლად ითვლება.

ვახტანგმა შუშანიკის წამება მოიმიზეზა და ვარსქენი მოაკვლევინა 484 წელს. ამით ვახტანგ მეფემ თავიდან მოიშორა სპარსელების მომხრე აზნაურთა მეთაური. იმავე წელს ვახტანგმა ომი დაიწყო სპარსელების წინააღმდეგ. ამხედრა სომხებიც, რომელთაც მაშინ სარდალი ვაჰან მამიკონიანი მეთაურობდა. ვახტანგის საქმე ჯერ კარგად მიდიოდა, მაგრამ მალე მოღალატეები გამოჩნდნენ, უმთავრესად აზნაურების წრიდან. ეს მოღალატეები მტრის მხარეს გადავიდნენ და თავისიანები დაამარცხეს. ქართველებისა და სომხების დამარ-

ცხებას იმანაც შეუწყო სელი, რომ მოკავშირეებს არ მოუვიდათ პუნების მეშველი ჯარი, რომელსაც ისინი ჩრდილოეთ კავკასიიდან ელოდნენ. ვასტანგი დროებით ეგრისში გაიხიზნა.

შემდეგ ვასტანგი დაბრუნდა ქართლში და კვლავ მტერს ბრძოლა დაუწყო. ერთ-ერთ თმში სპარსელების წინააღმდეგ ვასტანგი დაიღუპა, ისევ ლალატის წყალობით: ვასტანგის ყოფილმა მონამ მიპარვით ისარი ჩასცა, მოხერხებულ ადგილას, მებრძოლ მეფეს. ვასტანგი გარდაიცვალა ციხე-ქალაქ უჯარმაში, რომელიც იმ დროს კახეთის ცენტრი იყო. გმირი მეფე მცხეთაში დაკრძალეს, სიონის ტაძარში, და მისი საფლავის ლოდზე ვასტანგის ველიათური ფიგურა გამოსახეს. ვასტანგის აბჯარი და სამოსელიც საუკუნეების განმავლობაში იყო შენახული საქართველოს სამეფო საგანძურში, როგორც ძვირფასი ისტორიული ნაშთი.

ვასტანგ გორგასალის სიკვდილის შემდეგ ქართლის სამეფოს საქმე უკან წავიდა. 523 წელს ქართლში ისევ აჯანყება მოხდა სპარსელების წინააღმდეგ, რადგანაც სპარსელებს ახალი ბრძანება გამოეცათ — ყველამ მაზდეიანური წესები შეასრულეთ, მკვდრები მაწაში არ დამარხოთო. ქართლის მეფე გურგენი, რომელსაც კავშირი ჰქონდა გაბმული კეისართან და კეისრისაგან ჯარსაც ელოდა, სპარსელებს გადაუდგა. მაგრამ რომაელების მეშველი ჯარი რიცხვ-მცირე გამოდგა, გურგენი სპარსელებს კვლავ გაუმკლავდა და იძულებული შეიქნა: მთელი ოჯახითა და თავისი მომხრე დარბაისლებით ეგრისს შეჰფარებოდა. ქართლში მეფობა მოისპო და სპარსელების მმართველობა დამყარდა.

## § 22. ქართლი სპარსელების ბატონობის ქვეშ

იმდროინდელი რომელი ისტორიკოსი გვიამბობს, რომ გურგენ მეფის აჯანყების შემდეგ „არც სპარსელები აძლევდნენ ქართველებს ნებას თავისი მეფე ჰყოლოდათ, არც ქართველები ემორჩილებოდნენ სპარსელებს ნებაყოფლობით. სპარსელები და ქართველები დიდი ეჭვითა და უნდობლობით უყურებდნენ ერთმანეთს“. ეს ნათქვამი, ცხადია, ქარ-



თველ ხალხს ეხება, რომელიც იძულებული გახდა დროებით დამორჩილებოდა უხეშ ძალას, მაგრამ ელოდა ხელსაყრელ დროს, რომ ქედიდან მონობის უღელი გადაეგდო.

ქართლის მთავრები და დიდი აზნაურები თავს კარგად გრძნობდნენ. მეფობის მოსპობა ქართლში ხომ უმთავრესად მათი საქმე იყო. ძველი ქართველი მემკვიდრე ამტკიცებს, მას შემდეგ რაც ვახტანგის შთამომავლობას მეფის უფლება წაართვეს, ქართლში უკვე აზნაურები გაბატონდნენო. მართლაც, დიდი აზნაურება დვილად შეუნმატკვილდნენ სპარსელებს და ეხმარებოდნენ მათ ქართლის მართვა-გამგეობაში. სამაგიეროდ, სპარსელებიც მათ თავის წყალობას არ აკლებდნენ, მსხვილ თანამდებობებსა და ჯილდოებს ურიგებდნენ და ზოგჯერ შემკვიდრობითაც უმტკიცებდნენ მიცემულ მონებლობას.

იმ თანამდებობებთაგან, რომლებიც ქართლში სპარსელებმა ადგილობრივ აზნაურებს დაუმტკიცეს, ყველაზე დიდი იყო „ქართლის მამასახლისის“ და „ქართლის პიტიახშის“ თანამდებობანი. ამ მთავრებს ვარდა იყვნენ აგრეთვე ცალკე თემების ერისთავები; ქართლის კათალიკოსიც კარგად იყო განწყობილი სპარსელებსადმი.

ქართლის სათავეში სპარსელებს თავისი მოხელე ეყენათ, რომელიც „მარზპანის“ წოდებას ატარებდა. „მარზპანი“ სპარსული სიტყვაა და „ოლქის მმართველს“ ნიშნავს. მარზპანს დიდი უფლება ჰქონდა. მას შეეძლო ქართლის ყოველი მცხოვრების გასამართლება და სიკვდილით დასჯაც კი. მარზპანივე ჰკრებდა ხარკს ქართველი მთავრებისა და ერისთავების საშუალებით.

ქართლის დიდი ქალაქების, მაგალითად, თბილისისა და მცხეთის, ციხეებში სპარსელების ჯარი იდგა.

ქართლის მოსახლეობას სპარსელებმა, ხარკის გარდა, სამხედრო სამსახურაც დააკისრეს. ეს სპარსული ხარკი, ბევარი და უსამართლობა სულ უფრო და უფრო იზრდებოდა და აღვივებდა ქართველ ხალხში სიძულვილს დამპყრობლები-სადმი. ქართველი ხალხის წინააღმდეგობის გამო სპარსელებმა დიდხანს ვეღარ იბოვინეს ჩვენს ქვეყანაში. მაგრამ სანამ აქ იყვნენ, მათ დიდა ვნება მოაყენეს არა მარტო აღმოსავლეთ, არამედ დასავლეთ საქართველოსაც.

§ 23. ეგრისი მე-6 საუკუნის დამდეგს.  
 ქრისტიანობის სახელმწიფო სარწმუნოებად  
 გამოხსადება ეგრისში

როცა სპარსელებმა ქართლი მთლიანად დაიმორჩილეს, აღმოსავლეთ რომის მთავრობა საგონებელში ჩავარდა, ვაი თუ სპარსელები ეგრისსაც გადმოსწვდნენო. სპარსელები არც მალავდნენ თავის ასეთ განზრახვას. მით უმეტეს, რომ ეგრისის მეფე თვითონაც ცდილობდა სპარსელები გამოეყენებინა რომაელების წინააღმდეგ. სპარსელებს უნდოდათ, ჯერ ერთი, ეგრისის ხელში ჩაგდებათ გული საგულეს ჰქონოდათ ქართლშიაც. ქართლსა და ეგრისს შორის მჭიდრო კავშირი არსებობდა ძველთაგანვე, არაერთხელ დახმარებიან ისინი ერთმანეთს ვაჭირებაში, და თავშესაფარიც არაერთხელ უშოვნიათ ეგრისში ქართლიდან გახიზნულ სახელმწიფო მოღვაწეებს. ის კი არა და, სპარსელების მტარვალობისაგან გამოქცეულა სომხებიც სახიზარს ეგრისში პოულობდნენ. ამიტომ სურდათ სპარსელებს მოეშალათ ეს ბუდე, სადაც ირანის ურქა ქვეშევრდომები ახალ ძალებს აგროვებდნენ და თავსა ქვეყნის განთავისუფლების გეგმებს ამუშავებდნენ. გარდა ამისა ეგრისში დამკვიდრებით სპარსელებს უნდოდათ შავი ზღვისაკენ გზა გაეკაფათ, რომ თავისი მოსისხლე მტრისათვის, რომაელებისათვის ზღვიდანაც დაეკრათ.

ქართლის საზღვარზე ეგრისს ორი ძლიერი ციხესიმაგრე ჰქონდა — შორაპანი და სკანდა. ძველთაგანვე ამ ციხეებს თვითონ ეგრისელები იცავდნენ და კარგადაც. ახლა კი რომაელები ჩიოდნენ, ლაშებს არ სურთ თავისი ქვეყნის ჩვენი თან ერთად დაცვაო. მართლაც, როცა ეგრისელებმა შეატყვევეს, რომაელებს თვითონ უნდათ ჩვენი ქვეყანა ხელთ ჩაიგდონო, ციხეების გამაგრებაზე გული აიყარეს — ხალხს სამშობლო თავისთვის უნდოდა და არა სხვებისათვის.

კეისარმა გადაწყვიტა ჯარის გაგზავნა ეგრისში. დიდი ხანი იყო უკვე გასული, რაც რომაელების ჯარები ეგრისში არ მდგარიყო და მათი გამოჩენა ხალხმა ძალიან იუცხოვა. რომაელებმა გამოიყვანეს შორაპნისა და სკანდის ციხეებიდან ადგილობრივი მეციხოვნენი და მათ მაგიერ თვითონ ჩადგ-

ნენ შიგ, მაგრამ დიდ ხანს ვერ ვაძლეს. სურსათის ამოტანა რომაელებს აქ თვითონ არ შეეძლოთ, ეს მათ ლაზებს დაავალეს. ლაზებმა ანუ ეგრისელებმა ერთი პირობა კი უზიდეს რომაელებს სურსათ-სანოვავე, მაგრამ შემდეგ ამ სამსახურზე უარი თქვეს. რომაელები იძულებული გახდნენ ციხეები დაეცალათ და სკანდა-შორაპანი სპარსელებმა ჩაიგდეს ხელში სულ გაურჯელად.

ახლა კეისარი კიდევ უფრო შეფიქრიანდა და ეგრისის გამაგრებისათვის მეტ ზრუნვას შეუდგა. რაკი ქვეყნის შიგნით მდებარე ციხეების დაცვა მათ არ შეეძლოთ, ამიტომ რომაელებმა ზღვისა და დიდი მდინარეების ნაპირების გამაგრება დაიწყეს. უფრო მისაწვდომ ადგილებში რომაელთა ციხის ჯარი ჩადგა.

გარდა ამისა, კეისარმა საჭიროდ იცნო სხვამხრივაც შემოემტკიცებინა ეგრიისი. ეგრისში ამ დროს ის-ის იყო მეფე გარდაცვლილიყო და მისი მემკვიდრე, წათე, ტახტზე ასვლას აპირებდა. კეისარმა წათე კონსტანტინოპოლში დაიბარა და პირობა დაუდო, თუ ეგრისის მეფობა გასურს, ქრისტიანობა უნდა მიიღო. იმდროინდელ გარემოებაში წათეს სხვა რა ღონე ჰქონდა, თვითონაც მონათლა და თავისი შვილიც მონათლა. ამის შემდეგ კეისარმა წათე ეგრისის მეფედ დაამტკიცა და დიდი დიდებით სამშობლოში გაისტუმრა. ეს ამბავი მოხდა 523 წ.

ეგრისში ქრისტიანობა დიდი ხნიდანვე იყო შემოსული. ზღვისპირა ქალაქებში უკვე მე-4 საუკუნის დამდეგს ეპისკოპოსები ისხდნენ. მაგრამ ეგრისის მეფეებს არ სურდათ რომაელების სარწმუნოების მიღება, რადგანაც რომაელები არაფრად ეპიტნავენოდა და იმასაც კი ცდილობდნენ, რომ რომაელებისათვის სპარსელები დაეპირისპირებინათ, როცა რომაელებს თავს გაუდიოდათ ხოლმე. ახლა, როცა რომაელებმა სამხედრო მუხრუჭი მოუჭირეს დასავლეთ საქართველოს, ეგრისის მეფე იძულებული გახდა სარწმუნოების საკითხში დაეთმო რომაელებისათვის. ასე გადაიქცა ქრისტიანობა სახელმწიფო რელიგიად ეგრისში.

წათეს ამბავი სპარსელებს ელდად ეცათ და შაჰმა კეისარი საყვედურით აავსო. კეისრის ცბიერი პასუხი საკმაო არ აღმოჩნდა სპარსელებს დასამშვიდებლად და 528 წ. ისინი ეგრისს შეესივნენ: მეფე წათემ, რომაელების დანმარებით, სპარსელები თავის სამეფოდან განდევნა. სპარსელები ისევ-ისე შორაპანსა და სკანლაში დარჩნენ მხოლოდ. 532 წ. რომაელებმა და სპარსელებმა ერთმანეთში ზავი დადეს, რომელსაც „საუკუნო“ უწოდეს, ვითომც იგი არასოდეს არ უნდა დარღვეულიყო. „საუკუნო ზავის“ პირობით, რომაელებმა და სპარსელებმა ერთმანეთს დაპყრობილი ადგილები გაუცვალეს. სპარსელებმა სკანდა და შორაპანი დასთმეს, ამ ზავს უნდობლობა და ეჭვი მაინც არ მოუსპია; ორივე მხარე მერმისზე ფიქრობდა და ყოველი შემთხვევისათვის ემზადებოდა.

აღმოსავლეთ რომის იმპერიაში ამ დროს იუსტინიანე იყო კეისრად (527—565 წ.), ირანში კი შაჰი ხოსრო ანუშირვანი მბრძანებლობდა (531—579 წ.). ორივემ მთელი თავისი ხანგრძლივი მეფობა მულმივ ომიანობასა და ერთმანეთის მტრობაში გაატარეს. იუსტინიანემ გაამრავლა რომაული ჯარები ეგრისში.

რომაელი მეციხოვნეების განენა ეგრისელებს თავისთავადაც არაფრად ეპრიანათ. მაგრამ ამას რომაელი მოხელეების ბოროტმოქმედებაც დაემატა. იმდროინდელი რომაელი მოხელეები საერთოდ ცნობილი იყვნენ თავისი სიხარბით, თაღლითობითა და თვითნებობით. ქვეშევრდომების ყვლეფის საქმეში მათ ტოლი არ ჰყავდათ.

ასევე იქცეოდნენ რომაელები ეგრისშიაც. განსაკუთრებით შეაწუნა ხალხი სტრატეგმა ციბემ.

## § 25. ომის დაწყება ეგრისში. ომის მიზეზები

ციბემ ეგრისში თავისუფალი ვაჭრობა მოსპო. ვაჭრებს ნება არ ჰქონდათ თვათონ შემოეტანათ ეგრისში საქონელი, არც ეგრისელებს ჰქონდათ უფლება თავის ნებაზე გაეყიდათ საქონელი. როგორც შემოსატანს, ისე გასატან საქონელს ჯერ

ციბეს ხელში უნდა გაეველო და ფასებსაც მათ თვითონ ციბე უწესებდა. ეგრისელებს აიძულებდნენ ისეთი საგნებიც ეყიდათ, რომლებიც მათ სრულებით არ სჭიროდათ. ხშირად კიდევ რომაელები ფულს არ აძლევდნენ იმ საქონელში, რასაც მათგან ყიდულობდნენ.

ეგრისი ამ დროს ფართო ვაჭრობას აწარმოებდა. ბლომად გაჰქონდათ ეგრისიდან ჭყავეულობა, ბეწვეული და სხვა ნედლეული, ბევრი გაჰყავდათ მონებიც. სამაგიეროდ, ეგრისელებს დიდი რაოდენობით შემოჰქონდათ მარილი, რომელიც ადგილობრივ არ იბოკებოდა. ამას გარდა, მეფე და წარჩინებული ხალხი ადგილობრივ პურსა და ღვინოზე მეტად უცხოურს ეტანებოდა. შემოჰქონდათ ძვირფასი ქსოვილები და იარაღიც, იმავე წარჩინებული ხალხისათვის.

ვაჭრობდნენ ეგრისელები უმთავრესად შავი ზღვის სანაპიროზე მდებარე ქვეყნებთან პირველ რიგში — პონტოსა და ყირიმთან, — რომელნიც ამ დროს აგრეთვე რომაელებს ემორჩილებოდნენ. საქონელსაც ამიტომ ხომალდებით ზიდავდნენ და თვითონ ეგრისელებიც დახელოვნებული მეზღვაურები იყვნენ.

გარდა იმისა, რომ ზოგიერთი საგნის, მაგ. მარილის, შემოტანა აუცილებელი იყო, რადგანაც უმისოდ ხალხს გაძლება არ შეეძლო, — ამ ვაჭრობას დიდი სარგებლობა მოჰქონდა მისი მიმდევრებისათვის ეგრისში. ვაჭრობას უმთავრესად თვითონ მეფე ჯა წარჩინებულები აწარმოებდნენ, ისინი ყიდულობდნენ საზღვარგარეთულ ძვირფას საქონელს და ისინივე იძლეოდნენ სამაგიერო საგნებსაც. მონების გამყიდველნიც მეფე და წარჩინებულნი იყვნენ. აქ მონებად მეტწილად ტყვეები იგულისხმებიან: თავს დაესხმოდნენ მეზობელ ტომებს — ჩვეულებრივად ჩრდილოეთ კავკასიაში, — მთიტაცებდნენ იქიდან ხალხს და შემდეგ რომაელებზე ჰყიდდნენ. ზოგიერთი უფრო სასტიკი მთავრები კი, როგორც, მაგალითად, აბაზგების მთავრები, საკუთარი ქვეშევრდომების გაყიდვასაც არ თავილობდნენ. ტყვის სყიდვა წარჩინებული ხალხის ხელობად იყო გადაქცეული. ამიტომ ციბეს მიერ შემოდებულმა სავაჭრო მონობოლიამ ძალიან შეავიწროვა ეგრისის მეფე და დიდებულები. რაკი, ამასთან ერთად, რომაელები სხვა მხრივაც ძლზე აწუხებდნენ ეგრისელებს, ამი-

ტომ ევრისის მეფემ და დიდებულებმა გადაწყვიტეს თავისი ქვეყნიდან რომაელების განდევნა. დახმარების მისაღებად არჩიეს სპარსელებისათვის მიემართათ.

ევრისში ამ დროს მეფედ იყო გუბაში, რომელიც ცდილობდა მოზღვავებულ უცხო, მტრულ ძალებს შორის როგორმე დამოუკიდებლობა შეენარჩუნებინა.

გუბაში ირანის შირვანბელს, ხოსრო ანუ შირვანს, ელჩები გაუგზავნა ფარულად. ევრისის წარმომადგენლებმა ხოსროს უთხრეს: „უნდა ვთქვათ ზოგიერთი ბოროტების შესახებ, რაც ჩვენს წინააღმდეგ წყევულმა რომაელებმა ჩაიდინეს. ჩვენს მეფეს მეფობის მხოლოდ გარეგნული ნიშნები დაუტოვეს, ძალა-უფლება საქმეებში კი თვითონ მიითვისეს. მეფე მოსამსახურეს დაემსგავსა, მას განმკარგულებელი სტრატეგის ემინია. აუარებელა ჯარიც ჩაგვიყენეს, მაგრამ იმისთვის კი არა, რომ დაიცვან ჩვენი ქვეყანა შემწუხებლებისაგან, — მოსაზღვრე ხალხებიდან ჩვენ ხომ სხვა არავინ გვაწუხებდა, რომაელების გარდა; არაქედ იმისთვის, რათა დავემწყვდიეთ ჩვენ, როგორც ციხეში, და რათა ჩვენს ქონებას დაპატრონებოდნენ.“ ელჩებმა ხოსროს დახმარებოდა ევრისს ჯარით რომაელების განდევნაში. ელჩები უხატავდნენ ხოსროს იმ სარგებლობას, რომელიც სპარსეთისათვის ევრისში დამკვიდრებას უნდა მოეტანა: „სპარსელების ძალას თქვენ გაზრდით უძველესი სამეფოთი (ე. ი. ევრისით) და მისი საშუალებით განდიდდება თქვენი ხელმწიფის ღირსებაც. ჩვენი ქვეყნის ზღვით — კი რომაელების ზღვას დაუკავშირდებით. თქვენზე იქნება დამოკიდებული რომ მოსაზღვრე ბარბაროსებმა ყოველ წელიწადს არბიონ რომაელების მიწა-წყალი... თქვენ აღბათ იცით რომ ლაზების ქვეყანა დღემდე კავკასიის მთების წინააღმდეგ საფარს წარმოადგენდა“.

ხოსრო ძალიან გახარა ამ ამბებში. იმდროინდელი ისტორიკოსები ასე ასწერენ ხოსროს გულისხმადებს: „ხოსროს ღირსშესანიშნავ მონაპოვრად მიაჩნდა კოლხეთის მტკიცედ დასაკუთრება, რადგანაც, მისი აზრით, ირანის ძალა-უფლებას ეს დიდ სარგებლობას მოუტანდა. იბერიაც ხომ მომავალში სავსებით მორჩილა იქნებოდა, რადგან იბერებს აღარ ეყოლებოდათ ის ხალხი, ვისთანაც ისინი, განდგომის შემთხვევაში, თავს გადაირჩენდნენ... აგრეთვე ლაზიკის მეზობლად

მოსახლე ჰუნებიც სპარსელების სახელმწიფოს ვერასოდეს ვეღარ დაარბევდნენ, თვითონ ხოსრო კი ამ ჰუნებს გაცნობილებით უფრო ადვილად მიუსევდა რომაელების სახელმწიფოს, როცა ეს მისთვის სასურველი იქნებოდა: „კავკასიაში მოსახლე ბარბაროსების წინააღმდეგ მხოლოდ ლაზიკა არის ზღუდე... ლაზიკიდან შეტევით სპარსელები ადვილად შეძლებდნენ თავდასხმას ჩველეთითაც და ზღვითაც, ევრეთწოდებულ ევქსინის პონტოს ნაპირებზე, და მოულოდნელად დაიპყრობდნენ ბიზანტიელებს... ამიტომ უნდოდა ხოსროს ლაზიკის შემოერთება“. ეგრისის ელჩებს ხოსრომ ცბიერი თანხმობა მისცა, ვითომც მხოლოდ დახმარებას უპირებდა.

542 წ. ხოსრო უზარმაზარი ჯარით მოვიდა ქართლს და აქედან უეცრად გადავიდა ეგრისში, რითაც დაარღვია „საუკუნო ზავი“. სპარსელებმა შეგზურები თვითონ ლაზები იყვნენ. ეგრისის საზღვრები უღრანი ტყეებით იყო დაფარული და სპარსელები იძულებული იყვნენ გზა სახელდახელოდ გაეკაფათ. გუბაზ მეფე შეხვდა ხოსროს შუა კოლხეთში და ეგრისის ჯარებით სპარსელებს შეუერთდა. რადგანაც რომაელების მთავარი ძალა პეტრაში იყო დაბანაკებული, ამიტომ მოკავშირეები პირველად პეტრას ეცნენ. სისხლისმღვრელი ბრძოლის შემდეგ პეტრა აიღეს და შივ სპარსელების გარნიზონი ჩადგა.

სამაგიეროს გადასასდელად რომაელები ირანს შეესივნენ. ამიტომ თვითონ ხოსრო იძულებული შეიქმნა შინ დაბრუნებულიყო. 545–6 წელს სპარსელებმა და რომაელებმა დროებითი ზავი შეჰკრეს ზუთი წლის ვადით. ამ ზავის დროს ეგრისში ასალი ამბები დატრიალდა.

## § 26. სპარსელების ნამდვილი განზრახვის გამომავლობა. ომის გაყარობა

ხოსროს ფარული განზრახვა ის იყო, რომ მთლიანად აეყარა ეგრისის ხალხი და მის მიწა-წყალზე სპარსელები და სხვა, სანდო ტომები დაესახლებინა. ახლა ხოსრო იმასაც ატყობდა, რომ ეგრისელები სპარსელების მადლიერი სრულებით არ დარჩენილან. სპარსელების ლაზიკაში დამკვიდრებამ შეწყვიტა ლაზების ვაჭრობა რომაელებთან, რის გამოც

ეგრისის მეფე და წარჩინებული ხალხი ძალიან ზარალობდნენ. გარდა ამისა სპარსელები არც ქცევით სჯობდნენ რომაელებს. ეგრისის მეფე და დიდებულები უკმაყოფილო იყვნენ.

ხოსრომ გადაწყვიტა, დროებითი ზავი შესაფერისი დროა, რომ ჩემი გეგმა შევასრულოთ. მან ერთს თავის სარდალს დაავალა მოეკლა გუბაზ მეფე. სარდალმა თავისი მხრით ეს საქმე ერთს წარჩინებულ ლაშს, ფარსანსს, დააკისრა, რომელსაც გუბაზ მეფესთან მტრობა ჰქონდა. თუმცა ეგრისში მეფესა და აზნაურებს ისეთი მტრობა არ ჰქონიათ, როგორც ქართლში, მაგრამ მეფის უკმაყოფილო ხალხი აქ მაინც იყო, წარჩინებულთა შორის. მათ რიცხვს ეკუთვნოდა ფარსანსიც.

მაგრამ ფარსანსმა ასეთს მუხანათურ საქმეში ხელი არ გაისვარა, მან, პირიქით, ყველაფერი გუბაზ მეფეს შეატყობინა. სპარსელების ვერაგობით აღშფოთებულმა გუბაზმა კვლავ იუსტინიანე კეისარს მიმართა, თავისი წინანდელი საქციელი მოინანია და შესთავაზა — ისევ რომაელების მხარეზე გადმოვალთ, ოღონდ სპარსელები გადაგვარეკინეთ. იუსტინიანეს ეს ამბავი დიდად ეამა და ეგრისში ახალი ჯარები გამოგზავნა.

ახლა თმი ახალი სიძლიერით ატყდა. ასეთი დიდი და გამანადგურებელი თმი ანობა იშვიათად ყოფილა დასავლეთ საქართველოს მიწა-წყალზე. ეგრისში მოთარეშე სპარსელებისა და რომაელების ერთადერთი მიზანი ამ ქვეყნის დაპყრობა იყო და ამ მიზნისათვის ისინი არავითარ საშუალებას არ თაკილობდნენ — არც მოსყიდვას, არც შეჩენილ კაცისმკვლელებს, არც ორპირობასა და ღალატს. ქვეყანასაც ისინი დაუნდობლად აოხრებდნენ.

გამარჯვების სასწორი რომაელებისა და ეგრისელებისაკენ იხრებოდა. ეს უფრო ეგრისელების დამსახურება იყო: ისინი წინებული მეთორები იყვნენ, ადგილობრივ პირობებს ყველაზე უკეთ იცნობდნენ და სამშობლოსათვის გაალმასებით იბრძოდნენ. სპარსელებს აღრე გააძევებდნენ ეგრისიდან, რომ იმოთავითვე ლაშებსა და რომაელებს შორის უთანხმოება არ ყოფილიყო. ეგრისელები თავის ქვეყნის დასაცავად თავს არ ზოგავდნენ, რომაელთა სარდლები კი, რომელთაც პირადი ინტერესების გარდა სხვა არაფერი ამოძრავებდათ, გულგრი-



ლობასა და უთაობას იჩენდნენ. ეს ახელებდა ევროსელებს რომაელების წინააღმდეგ.

როცა ხოსრომ ევრისის ამბები შეიტყო, ძალიან შეწუხდა, და ახალი დიდი ლაშქარი გამოგზავნა ევრისში. სპარსელებმა სასტიკი დამარცხება იწვნიეს რიონის პირებში, მაგრამ პეტრა მაინც შეინარჩუნეს (549 წ.).

550 წ. ხოსრომ ევრისში ახალი სარდალი გამოგზავნა უზარმაზარი ჯარით. ეს ლაშქარი მუხურისის თემში დაბანაკდა, მდინარე ცხენიაწყლის ნაპირას. მტრის წინააღმდეგ დაუყოვნებლივ ამხედრდნენ მეფე გუბაზი თავისი ჯარით და რომაელები. სამხედრო თათბირის შემდეგ გადაწყვიტეს უეცარი იერიში მიეტანათ სპარსელებზე, მაგრამ აქ თავი იჩინა უთანხმოებამ მოკავშირეთა შორის. იმდროინდელი რომაელი ისტორიკოსი გვიამბობს: „ლაზები შეუძლებლად თვლიდნენ რომაელებთან ერთად დარაბმულიყვნენ. ისინი ამტკიცებდნენ, რომ რომაელები ბრძოლაში გასვლით არც სამშობლოსთვის იგდებენ თავს საფრთხეში, არც ნათესავებისათვის, მათ კი, ლაზებს, საფრთხე მოეღივებოდათ შვილებისთვის, ცოლებისთვის და სამშობლო ქვეყნისთვის. ასე რომ ლაზებს თავისი ცოლებისა უნდა ზერცხვეს, თუ მტრისაგან დამარცხებული იქნებიან... ლაზებს ძალიან უნდოდათ, რომ პირველნი და მართლ დამკერებოდნენ მტერს, რათა მათთვის საქმეში ხელი არ შეეშალათ რომაელებს, რომელნიც ლაზებსავით არ იყვნენ გატაცებულნი სახიფათო ბრძოლაში. ლაზები რომ ასე აღფრთოვანებით ლაპარაკობდნენ, გუბაზს ძალიან გაეხარა, მოუხმთ მათ რომაელებისაგან ცოტა მოშორებით და ასე მიმართა: „მე არ ვიცი, ვაჟკაცებო, საჭიროა თუ არა კიდევ დარიგებით მოგმართოთ თქვენ გასამხნეველად... არავითარი მოწოდება აღარ ესაჭიროება იმას, ვინც ჩვენსავით თვით გარემოებით არის უკვე აღფრთოვანებული. საფრთხე მოელის ხომ ჩვენს ცოლშვილს, სამშობლო ქვეყანას და, ერთი სიტყვით, ყველაფერს... ნუ გაქრება ლაზების სახელი! ძნელი არ არის, ვაჟკაცებო, სპარსელების წინააღმდეგ ბრძოლა ჩვენთვის, რომელთანაც ხშირად გაგვიმარჯვნია მათზე ხელნართულ ომში“...

მართლაც, ევრისის ცხენოსანი ჯარი პირველად ეძგერა მტერს, ატყდა ფიცხელი ომი. ომი სპარსელების სასტიკი

დამარცხებით დამთავრდა. სპარსელების სარდალმა და მეომრების უპრავლესობამ ბრძოლის ველზე დალიეს სული, სხვებმა გაქცევით თავა უშველეს. მოკავშირეებმა კი სპარსელების მთელი ბანაკი ხელში ჩაიგდეს. ამის შემდეგ სპარსელების ჯარი მხოლოდ პეტრაში იყო დარჩენილი. ლაზები მოითხოვდნენ, პეტრასაც ახლავე თავს დავესხათო, მაგრამ რომაელების სარდალი ამას ეწინააღმდეგებოდა. მაშინ ლაზებმა კეისართან იჩივლეს, შეიძლება თქვენი სტრატეგი სპარსელების მოსყიდული იყოს, ისე იქცევაო. იუსტინიანემ ეგრისში სხვა სტრატეგი გამოგზავნა. სპარსელებიც ეგრისში ახალი ჯარით შემოიჭრნენ. სპარსელებმა ახლა ახლა ტაქტიკით დაიწყეს მოქმედება: მათ ირნიეს ეგრისის ჩრდილოეთ ნაწილში, ახლანდელ აფხაზეთში, გამაგრებულ იყვნენ.

## § 27. მდგომარეობა აბაზგიაში

დღევანდელი აფხაზეთის ტერიტორიაზე, როგორც ვიცით, მაშინ სხვადასხვა ტომები ცხოვრობდნენ. მე-4 საუკუნეში, ახ. წ., ეს ტომები ეგრისის სამეფოში გაერთიანდნენ. მაგრამ შემდეგ აქ ცვლილება მოხდა. აფშილები ისევ ეგრისის მეფის ქვეშევრდომები დარჩნენ. აბაზგები კი, რომელნიც აფშილებზე ჩრდილოეთით ცხოვრობდნენ, გადაუდგნენ ეგრისის მეფეს და მე-რ საუკუნის დამდეგიდან უშუალოდ კეისრის ვასალებად ითვლებოდნენ.

აბაზგებს ძველთაგანვე ორი მთავარი ჰყავდათ, ერთი აბაზგიის დასავლეთ ნაწილში, მეორე კი — აღმოსავლეთში. აბაზგები ძალიან შეწუხებული იყვნენ თავისი მთავრების მტარვალობისა და სიხარბის მიზეზით. როცა ეს მთავრები თავის ქვეშევრდომებში ლამაზ ბავშვებს დაინახავდნენ, წაართმევდნენ მათ მშობლებს და ჰყიდდნენ რომაელებზე, ბავშვების მამებს კი ხოცავდნენ, შური არ იძიონო. აბაზგებმა ველარ აიტანეს ეს უსამართლობა და ორივე მთავარი მოსპეს.

ამასთან ერთად, იუსტინიანეს მოთხოვნით, აბაზგებმა ქრისტიანობა მიიღეს. ქრისტიანობის საშუალებით იუსტინიანეს აბაზგების შემომტკიცება სურდა. კეისრის ძალა-უფლებას ამავრებდნენ რომაელი მეციხოვნენიც, რომელნიც ბიჭვინტაში და ცხუმში (სევიასტოპოლისში) იდგნენ. როდეს

საც ხოსრო პირველად შეიჭრა ეგრისში, ამ პუნქტების რომელმაც გარნიზონებმა ძირამდე დაანგრიეს დასახელებულ ციხეები, რადგანაც ეშინოდათ, რომ სპარსელებს ვერ გაუმკლავდებოდნენ. სპარსელებმა მაშინ აბაზგიაში მაინც ფეხი ვერ მოიკიდეს.

მაგრამ შემდეგ სხვა ამბები მოხდა. რომაელმა მოხელეებმა და ჯარისკაცებმა, რომელნიც კვლავ გაჩნდნენ აქ, მოინდომეს აბაზგების სრული დაპყრობა და ისე შეაწუხეს ისინი თავისი ძალადობით, რომ აბაზგები გადაუდგნენ რომაელებს. რომაელივე ისტორიკოსი გამოტყუებით ამბობს, აბაზგებს „ეშინოდ თ რომ ამიერიდან რომაელების მონები არ გამხდარიყვნენ“. მაშასადამე, როგორც სხვაგან საქართველოში, ხალხი აქაც გააკურებიდა იცავდა თავისუფლებას.

აბაზგებმა ახალი მთავრები დაიყენეს და ფარულად სპარსელებს მიმართეს დახმარებისათვის. მაგრამ რომაელებმა დაასწრეს და დიდი ჯარით მიადგნენ აბაზგებს როგორც ხმელეთიდან, ისე ზღვიდან. აბაზგები გამაგრდნენ ერთს მიუვალ ციხეში, რომელსაც მაშინ ტრაქეას ეძახდნენ, ახლა კი გავრა ჰქვიან. რომაელებმა ციხეს ალყა შემოარტყეს, ატყდა დაუნდობელი ომი. რომაელები რიცხვით ბევრად მეტნი იყვნენ და ბოლოს ციხეში შეიჭრნენ. აბაზგები ახლა თავისი ცოლშვილით სახლებში ჩასაფრებულიყვნენ. მტერმა მათ სხვა ვერაფერი მოუხერხა და ხის სახლებს ცეცხლი წაუკიდა. მხოლოდ აბაზგების მთავარმა მოახერხა რამდენიმე კაცით ციხიდან გასვლა, „დანარჩენები კი ან ფერფლად იქცნენ გადამწვარ სახლებთან ერთად, ან მტრის ხელში ჩაგვითქნენ. რომაელებმა დაატყვევეს მთავართა ცოლები მთელი მათი შთამომავლობით, ციხის გალავანი კი მიწასთან გაასწორეს და მთელი მიწა-წყალი უდაბნოდ აქციეს“, — მოგვითხრობს რომაელი ისტორიკოსი. ცხადია, აბაზგებს რომაელები ახლა თვალთ არ დაენახებოდათ, და როცა სპარსელების ახალმა სარდალმა მათ ქვეყანას მიაშურა, აბაზგები სპარსელების მხარეს გადავიდნენ. სპარსელებმა იცოდნენ, რომ აბაზგებს არც სპარსელები ეხატათ გულზე და სიმტკიცისათვის მათ სამოცი ბავშვი გამოთარავეს მძევლად, წარჩინებულთა გვარებიდან.

ამავე დროს არეულობა მოხდა აფშილეთშიაც. ეგრისის

მეფის ერთმა დიდმა მოხელემ, რომელიც აგრეთვე გუბაზის უკმაყოფილო აზნაურების რიცხვს ეკუთვნოდა, ღალატით გადასცა სპარსელებს აფშილების მეტად მაგარი ციხე წიბილი (წებელდა). მაგრამ სპარსელების სარდალმა შეურაცხყოფა მიაყენა ციხისთავის ცოლს, ტომით აფშილს. ქალის ღირსებას ხალხი ძვირად აფასებდა და აფშილებმა ამოვლიტეს წიბილის ციხეში შესული სპარსელები.

ამრიგად, აფშილები სპარსელები ვერ გამაგრდნენ. მათი მთავარი სიმაგრე მაინც პეტრა აყო. ამიტომ ლაზებსა და რომაელებს გულიაყური პეტრასკენ ჰქონდათ მიპყრობილი.

§ 28. პეტრას აღება მოკავშირეების მიერ.  
გუბაზ ნიჟის მოკვლა

550 წ. რომაელებმა კვლავ ალყა შემოარტყეს პეტრას. ზოსროს პეტრა ძალისაგან გამაგრებული ჰქონდა, მაგრამ რომაელები ორჯერ მეტი იყვნენ და სისხლისმღვრელი ბრძოლის შემდეგ მათ მოახერხეს ციხის აღება.

ასლა ქართლიდან ეგრისში სპარსელების ახალი ჯარი გადმოვიდა. სპარსელებმა შეაკეთეს ქუთათისის (ახლანდელი ქუთაისის) ძველი ციხე და აქ გამაგრდნენ. ამით სპარსელებმა გზა მოუჭრეს ეგრისს მის თემებთან — ლენხუმთან და სვანეთთან და აგრეთვე მნიშვნელოვან ციხესთან — უქიმერიონთან.

552 წ. რომაელებმა და სპარსელებმა ისევ შეჰკრეს ხუთწლიანი ზავი, რომლითაც სპარსელებმა კარგად ისარგებლეს თავის მდგომარეობის განსამტკიცებლად ეგრისში. ამავე დროს, ეგრისის აზნაურებში ისევ გაიზარდა მიდრეკილება სპარსელებისადმი. რომაელი ისტორიკოსი გვიამბობს, რომ თუმცა გუბაზ მეფეს რომაელების მხარი ეჭირა, „ღანარჩენი ლაზები, რომელნიც რომაელი ჯარისკაცებისაგან საშინლად იყვნენ შეწუხებულნი, განსაკუთრებით კი ჯარის სარდლებისაგან იყვნენ შევიწროებულნი, მეტწილად სპარსელების მომხრეობას იჩენდნენ, არა იმიტომ რომ სპარსელობა მოსწონდათ, არამედ რომაელების ბატონობისაგან თავის დაღწევა სურდათ“. ეგრისაა ხალხი მხოლოდ საკუთარი ინტერესებისათვის იბრძოდა.

ერთმა ეგრისელმა აზნაურმა, სპარსელების მომხრემ უქიმერიონის ციხე სპარსელებს გადასცა. ეს ციხე სვანეთის გზაზე ბატონობდა და ამრიგად სპარსელებმა ახლა სვანეთ-ლენხუმის თემები უფრო კარგად დაიმორჩილეს. შორაპნის ციხეც სპარსელებს ეჭირათ მტკიცედ ხელში. გუბაზ მეფე და რომაელები ძალიან შევიწროებულ მდგომარეობაში ჩაცვივდნენ, მაგრამ გუბაზს სპარსელებთან შერიგება მაინც არ სურდა და წვრილ-წვრილი თავდასხმებით, პარტიზანული ომით, მათ მოსვენებას არ აძლევდა. 553 წელს გუბაზს რამდენიმე ბრძოლა ჰქონდა სპარსელებთან. ამ ბრძოლებში რომაელები სრულ უდარდელობასა და სილაჩრეს იჩენდნენ. გუბაზ მეფე მათზე ძალიან გაგულისებული იყო და საჯაროდ ილანძლებოდა, რომაელი სარდლები უჭკუო, უქნარა და მშიშარა ხალხიათ. ამიტომ 554 წელს რომაელმა სარდლებმა შეტყუებით მოკლეს გუბაზი, ვითომც სპარსელებთან კავშირის გამო.

## § 29. სახალხო კრება ებრისში და ბჭობა ორიენტაციის საპიოხის შესახებ

იმდროინდელი რომაელი ისტორიკოსი გადმოგვცემს, რომ გუბაზის ვერაგულად მოკვლამ „ააღელვა ლაზების მთელი ჯარი. ლაზები ისე იყვნენ აღშფოთებულნი, რომ გადაწყვიტეს აღარ შეერთებოდნენ რომაელებს და აღარ ეომნათ მათთან ერთად. როცა ლაზებმა გუბაზი დაასაფლავეს თავისი ჩვეულების თანახმად, მათ აღარ მიიღეს მონაწილეობა ბრძოლებში, რადგანაც თავს უკიდურესად შეურაცხყოფილად გრძნობდნენ და ფიქრობდნენ, ჩვენმა სამშობლომ დაჰკარგა თავისი სახელი და დიდება“.

თუ რას ნიშნავდა ლაზების ჯარის დახმარება, ეს რომაელებმა მალე დაინახეს ონოგურის ბრძოლაში. აქ 3.000 სპარსელმა სამარცხვინოდ დაამარცხა 50 000 რომაელი, რომელთაც ეგრისელები არ ეხმარებოდნენ.

თვითონ ლაზები ამ დროს თავისი ქვეყნის შემდგომ ბედზე ფიქრობდნენ. ხალხის თავკაცებმა ერთ ხეობაში დიდი საერთო კრება მოიწვიეს. აქ ბევრი სხვადასხვანაირი აზრი გამოითქვა იმის თაობაზე, თუ როგორ მოქცეულიყვნენ შემდეგში. კრების მეთაური აზნაურები ორ ჯგუფად გაიყვნენ.

ერთი ჯგუფის სათავეში აიეტი იდგა, რომაელების ძველი მტერი და სპარსელებს მომხრე.

აიეტი ამტკიცებდა, გუბაზის მოკვლა მხოლოდ დასაწყისი და რომაელებს ჩვენი მოსპობა აქვთ განზრახულიო, სპარსელები კი უფრო სანდონი არიანო. „გაქრა კოლხების ძველი ღირსება, — ამბობდა აიეტი და დღეიდან უკვე ჩვენ სხვებზე ვეღარ ვიბატონებთ... ჩვენ რომ ეს ბოროტმოქმედება უფურადღებოდ დავტოვოთ, რომაელები აღარ დაგვეხსნიან და კიდევ უფრო მეტად გაგვპახებენ ჩვენი უმოქმედობის წყალობით. რა თქმა უნდა, რომაელები იმათ კიდევ უფრო თავზედურად ექცევიან, ვინც მათ ემორჩილება, და, ჩვეულებრივად, ზევიდან ქვევით უყურებენ იმათ, ვინც მათ ემსახურება... მე მინდა რომ კოლხეთის სახელმწიფოს ჰქონდეს თავისი წინანდელი ძლიერება, რომ მას არ სჭირთდეს უცხოელების დახმარება გარკდენ, რომ როგორც თმის, ისე მშვიდობის დროს იგი მხოლოდ თავისთავს ეყრდნობოდეს. მაგრამ როცა ჩვენ ჟამთა ვითარების გამო ან ბედის უკუღმართობის წყალობით ანდა ორივე მიზეზით ისე დავუძლურდით, რომ სხვისი ხელქვეითი გავხდით, ისევ სჯობია იმის ხელში ვიყოთ, ვინც უფრო კეთილისმსურველია, ვინც დაურღვევლად იცავს კეთილ განწყობილებას თავისიანებთან და მოკავშირეებთან“.

აიეტის სიტყვამ ისე აანთო ხალხი, რომ ერთხმად იგრიანდნენ, სპარსელებს მივემხროთო.

მაგრამ მოწინააღმდეგე პარტიის მეთაურმა, ფარტაძმა, რომელსაც დიდი პატრიარქისა და გავლენა ჰქონდა კოლხებში მოხვეჭილი, შეაჩერა ხალხი. ფარტაძი ურჩევდა, საქვეყნო საქმის გულისათვის დავივიწყოთ ეს მწუხარება და წყენა და გონების ძალით საუკეთესო გზა ავირჩიოთო. გუბაზის მოკვლა სტრატეგების საქმეა და კეისარი აქ არაფერ შეაშინაო. რომაელები მაინც უფრო მასაღები არიან, რადგანაც სპარსელები ვერასოდეს შეურიგდებიან, ჩვენ რომ სხვადასხვა სარწმუნოება გვაქვსო. „სასოწარკვეთილებასა და გრძნობათა დელვას კი არ უნდა ავყუთ და მონებივით კი არ უნდა გავიქცეთ, არამედ უნდა გავიმსჭვალეთ კოლხის თავისუფლების შეგნებით, ვაჟკაცურად უნდა გადავიტანოთ უბედურება და არ ჩავიდინოთ არაფერი უღირსი და მამაკაპური წესების შემბ-

ლაღველი". შევატყობინოთ კეისარს, რაც მოხდა და ვნახოთ, რა პასუხს მოგვცემს, თუ ჩვენი სამართლიანი მოთხოვნა უარყოფილი იქნება, მაშინ ვიფიქროთ სპარსელებთან კავშირზე.

ფარტადის აზრმა გომარჯვა, შეატყობინეს იუსტინიანე კეისარს მომხდარი ამბავი, მითხოვეს მკვლელების დასჯა და სთხოვეს ეგრისის მეფედ გუბაზის ძმის, წათეს, დამტკიცება, რომელიც ამ დროს კონსტანტინოპოლში იმყოფებოდა. იუსტინიანეს კარგად ჰქონდა აწონილ-დაწონილი ლაშების მნიშვნელობა იმდროინდელ გარემოებაში და რომ ეგრისის ხალხი მას არ გადასდგომოდა, სასწრაფოდ შეასრულა ლაშების ყველა მოთხოვნა. მკვლელები დაისაჯნენ, ხოლო მეფედ ნაკურთხი წათე შეორე დიდი ზემოთა და დიდებით ჩამოიყვანეს სამშობლოში. წათე შეუდგა ეგრისის მართვას მამა-პაპური წესების თანახმად.

### § 30. მისიმიელების აჯანყება. სპარსელების საპოლო დამარცხება ეპრისში

მისიმიელები აფშილებს ზემოთ ცხოვრობდნენ, მდ. კოდორის სათავეებში. ისინი ეგრისის მეფის ქვეშევრდომები იყვნენ, თუმცა თავისი საკუთარი ენა და ადათები ჰქონდათ. 555 წელს მათს ქვეყანაში მოვიდა ერთი რომაელი სტრატეგი, რათა ყოველწლიური ხარკი გადაეცა ალანებისათვის, რომელნიც მაშინ დღევანდელი ყარაჩაის მიწა-წყალზე ცხოვრობდნენ და რომაელების მოკავშირეები იყვნენ.

სტრატეგის ქცევა მისიმიელებს არ მოეწონათ და ეჭვიც გაუჩნდათ, ჩვენი ციხის გადაცემა ხომ არ უნდა ალანებისათვისო. ამიტომ მისიმიელებმა მას მოციქულები მიუგზავნეს და ასე შეუთვალეს: „უამართლობას გვიპირებ, როგორც ჩანს, სტრატეგო. შენ არც სხვას უნდა მისცე ნება, რომ ჩვენი საკუთრება წაიღოს, არც ივითონ უნდა მოისურვო ასეთი რამ. თუ რომ მართლაც ამგვარი რამე გულში არ გიძევს, წაბარგდი ახლავე აქედან, სხვაგან დადექ და სამყოფ სასმელ-საჭმელს ჩვენ მოგიტანთ“.

სტრატეგმა ისეთი სიბრიყვე ჩაიდინა, რომ ელჩები ჯონით

აცემინა. მთიელი ხალხის აზრით, ცემა ისეთი შეურაცხყოფაა, რომელიც სისხლით უნდა მოიხრეცნოს. აქ კიდევ ხალხის ღირსება იყო გაქედილი, რაკი მის წარმომადგენლებს მოექცნენ ეგრე უდიერად. ამიტომ იმავე ღამეს მისიმიელები თავს დაესხნენ რომაელებს და მუსრი გაავლეს, თვითონ კი სპარსელების მხარეს გადავიდნენ. როცა რომაელები კვლავ მოვიდნენ აქ, ისეთი გამხეცებული იყვნენ, რომ ბავშვებსაც არ ინდობდნენ — ზოგს კლდიდან ძირს ისროდნენ, ზოგს შუბის წვერზე აცმევდნენ, მაგრამ თავისუფლების სიყვარულმა იმდენი ჰქნა, რომ ამ პატარა ტომმა სამარცხვინოდ გააქცია თავპირდაღეწილი რომაელები. ბოლოს საქმე შერიგებით გათავდა: მისიმიელებმა რომაელებს ზარალი აუნაზღაურეს, სამაგიეროდ თანხიშობა მიიღეს ეცხოვრათ თავის ნებაზე ძველებურად, მამა-პაპური ადათების მიხედვით.

ამავე 555 წ. სპარსელების სამოცათასიანმა ჯარმა იერიში მიიტანა რომაელებზე ციხეგოჯის მიდამოებში, რომაელების საქმე შეიძლებოდა ცუდად წასულიყო, მაგრამ ისინი ერთი ღაზის გმირობამ გადაარჩინა. ეს კაცი სპარსელებს დაეჭირათ, გზა გვიხვენო. მეგზურმა იმდენი მოახერხა, რომ რომაელებს შეატყობინა მტრის მოძრაობა და სპარსელები ხაფანგში შეიტყუეს. რომაელებისა და მათი მოკავშირეების უეცარი თავდასხმის გამო სპარსელები შედრგნენ და გაიქცნენ დიდად დაზარალებულნი. ამის შემდეგ სპარსელებმა ქალაქ ფასიდზე გაილაშქრეს, მაგრამ აქ კიდევ უფრო საშინელი დამარცხება განიცადეს, 12.000 კაცამდე დაჰკარგეს და სასწრაფოდ უკან დაიხიეს.

ახლა შაჰმა ეგრიანში თავისი საქმე წაგებულად ჩათვალა და ჯერ დროებითი ზავი შესთავაზა რომაელებს, შემდეგ კი, 562 წ. ქალაქ დარაში უფრო სანგრძლივი ხელშეკრულებაც დაუდო.

ქალაქ დარაში დადებული ზავის პირობით, სპარსელები უარს ამბობდნენ ეგრიანზე, მაგრამ სადაოდ მიაჩნდათ სვანეთი, ეგ კუთხე ჩვენი იყო და ჩვენ უნდა დაგვრჩესო.

სვანებიც ძველთაგანვე ეგრისის მეფის ვასალები იყვნენ. ეგრისის მეფე ამტკიცებდა სვანეთის მთავარს თვით სვანების წრიდანვე. გარდა ამისა, ეგრისის მეფე სვანებისაგან ძღვნად იღებდა თაფლს, ცვილს, ტყავებსა და სხვა ამგვარ საგნებს,





თვითონ სამაგიეროდ პურს უგზავნიდა, რომელიც სვანებს აკლდათ.

სპარსელებთან იმას დროს კი მათ შორის უთანხმოება ჩამოვარდა. სვანები იმასაც აბრალებდნენ ეგრისელებს, რომ პური აღარ მოგვაწოდესო. ამიტომ სვანებიც ერთი პირობა სპარსელების მხარეს გადასულან. უეჭველია, რომ სვანებიც ამ შემთხვევაში თავის სახალხო თავისუფლებაზე ფიქრობდნენ და იმას არჩევდნენ, ვინც იმ არეულსა და შფოთიან დროში ნაკლებად სახიფათო მოკავშირე ჩანდა. ახლა კი სპარსელები სვანეთიდან დაძვრას აღარ აპირებდნენ. მართლაც, სვანეთის საუღელტეხილო გზებს მათთვის მნიშვნელობა ჰქონდა. შემდეგ, თუ ისინი სვანეთში გამაგრებას მოახერხებდნენ, ეგრისი მულამ საფრთხის ქვეშ იქნებოდა. ამიტომ არც რომაელები სთმობდნენ სვანეთს.

ეს დავა დიდხანს გაგრძელდა, ვიდრე 575 წლის მახლობლად რომაელები სვანეთში არ შეიჭრნენ და სვანეთის მთავარი ტყვედ არ წაიყვანეს. ამის შემდეგ სპარსელების გავლენა დასავლეთ საქართველოში ძირიანად ამოვარდა.

§ 31. კულტურა და იდეოლოგია მ-4—მ-6  
საუპუნეიზმო

ისე როგორც სხვაგან, საქართველოშიაც თავდაპირველად კულტურა და იდეოლოგია უპირატესად სარწმუნოების გავლენის ქვეშ იმყოფებოდა. ეს გასაგებია, რადგანაც რაც უფრო უძველური იყო ადამიანი გარემო ბუნებასთან ბრძოლაში ტექნიკისა და მეცნიერების სუსტი განვითარების გამო, მით უფრო ცრუმორწმუნე იყო იგი.

მას შემდეგ, რაც ქართლში ქრისტიანობა სახელმწიფო სარწმუნოებად იქცა, კულტურასა და იდეოლოგიასაც საეკლესიო-ქრისტიანული ელფერი ედო მეტ-ნაკლებად. ასეთი იყო, მაგალითად, მწერლობა, ქრისტიანობამ ძველი ქართული წარმართული მწერლობა მოსპო, თვითონ კი უქთავრესად თარგმანებით დაიწყო. როგორც სხვა ქრისტიანულ ქვეყნებში, საქართველოშიაც უძველესი ნათარგმნი საქრისტიანო წიგნები სახარება და დაბადება იყო. სთარგმნიდნენ ბერძნული, სირიული და სომხური ენებიდან.

მაღე ორიგინალური მწერლობაც განხდა ჰაგიოგრაფიული ხასიათისა. ჰაგიოგრაფიულ ნაწარმოებში მოთხრობილი იყო ისეთი პირებია ცხოვრება, რომლებმაც დეწალი დასდეს ქრისტიანობას, ან თავიც კი შესწირეს მას. უძველესი ქართული ჰაგიოგრაფიული თხზულებაა „შუშანიკის მარტვილობა“ ანუ წამება, დაწერილი იაკობის მიერ მე-5 საუკუნის სამოცდაათიან წლებში. აქ აღწერილია თუ როგორ აწამა ვარსქენ ქართლია პიტიახშმა თავისი ცოლი შუშანიკი იმის გამო, რომ შუშანიკმა არ შეასრულა ვარსქენის მოთხოვნა და ცეცხლისმსახურება არ მიიღო. დაწერილია ეს ძველი მოქნილი, მომჭირნე და მდიდარი მხატვრული ენით. იგი ამავე დროს ძვირფასია როგორც ისტორიული წყარო, იმიტომ, რომ მასში კარგად არის ასახული ქართლის საზოგადოება და მისი ყოფა-ცხოვრება მე-5 საუკუნის მეორე ნახევარში. ასეთივე კარგი ისტორიული წყაროა „ესტატე მცხეთელის წამება“, რომელიც უცნობ ავტორს დაუწერია მე-6 საუკუნის შუა წლებში და რომელშიაც აღწერილია ქართლის ვითარება მარზპანობის დროს.

მწერლობა მაშინ სხვა მიზნებსაც ემსახურებოდა, როგორც, მაგალითად, სახელმწიფოებრივსა და კერძო სამოქალაქო საქმის-წარმოებას, წარწერებს აკეთებდნენ ფულებზედაც. შენახულია ერთი წარწერა, ახალციხის მხარის სოფ. წყისეში ნაპოვნი. ეს წარწერა მე-6 საუკუნის დამლევს თუ მე-7 საუკუნის დამდეგს ამოუჭრევიანებია ქვის ჯვარზე ვინმე კონსტანტის იმის ნიშნად, რომ მიწა, სადაც აღმართული იყო ეს ქვაჯვარი, ნაყიდი მამული იყო.

მწერლობას ხმარობდნენ აგრეთვე უცხო სახელმწიფოებთან ურთიერთობის დროს. ეგრისის სამეფო არქივში ძალიან ძველი დოკუმენტებიც ჰქონდათ დაცული. ასევე იყო, რა თქმა უნდა, ქართლშიაც.

იმდროინდელი ქართული პოეტური და ფილოსოფიური მწერლობიდან თითქმის არაფერია ჩვენ დრომდე შემონახული, თუმცა ამ დარგის უცხო ლიტერატურას ჩვენში კარგად იცნობდნენ. მე-4 საუკუნეში ეგრისელებს თურმე არა ერთგზის უსახელებიათ თავი მჭევრმეტყველებით ბერძნების სადღესასწაულო კრებულებზე, ბერძნები კი ამ საქმის უდიდესი ოსტატები იყვნენ, ამავე საუკუნის მეორე ნახევარში აღმო-

საგლეთ რომის იმპერიაში კარგად ყოფილა ცნობილი თავისი ჭკუით, განათლებითა და ფილოსოფიის სიყვარულით ქართველი სეფენული ბაკური.

ცხადია, რომ ძველ იბერიასა და კოლხეთში გავრცელებული იყო ძველი ბერძნული განათლება, ძველი ბერძნული ფილოსოფიისა და პოეზიის ცოდნა. მართლაც, მე-4 საუკუნეში კოლხეთში, ფასიდის მახლობლად, არსებობდა ფილოსოფიური სკოლა, სადაც ფილოსოფიური განათლების მისაღებად ახალგაზრდებს გზავნიდნენ აღმოსავლეთ რომის იმპერიის სხვა, შორეული ადგილებიდან. კოლხეთის ფილოსოფიურ სკოლაში მიუღიათ თავისი განათლება იმდროინდელს გამოჩენილს კოსტანტინოპოლელ რიტორს ევგენისა და მის შვილს თემისტის. როგორც ქართლში, ისე ეგრისში, ჩანს იცნობდნენ სპარსულ მწერლობასაც.

მწერლობა გამოყენებული იყო საზოგადოებრივსა და პოლიტიკურ ბრძოლაშიაც. როცა სპარსელები იძულებული გახდნენ უარი ეთქვათ შაზდეიანობის გავრცელებაზე ამიერკავკასიაში და, სამაგიეროჯ, მონოფიზიტური ქრისტიანობის მფარველებად იქცნენ, მათ საეკლესიო მწერლობას დაავალეს, მონოფიზიტური იდეები და სპარსეთთან განუყრელი კავშირის აუცილებლობა ექადაგა. ამ მიზნით სპარსეთის მეფის ბგენტებმა შეთხზეს ლეგენდები, ვითომც ქრისტიანობა სომხეთსა, ქართლსა და ალბანეთში ერთი პირის მიერ არის დანერგილი, რომელიც ვითომც სპარსეთთან იყო დაკავშირებული.

მონოფიზიტები შეუბრალებლად სპობდნენ დიოფიზიტების ანუ ქალკედონიტების მწერლობას. დროგამოშვებით გავლენას იხვეჭდა სხვა მიმართულებებიც, მაგალითად, მანიქეველობა, რომელიც განსაკუთრებული სარწმუნოებრივ-ფილოსოფიური მოძღვრება იყო და მესამე-მეოთხე საუკუნეებში საკმაოდ დიდი გავლენით სარგებლობდა აღმოსავლეთში. სპარსეთის მთავრობა აგრეთვე სხვა საშუალებებსაც მიმართავდა ამ იდეოლოგიური კავშირის განსამტკიცებლად. მას სურდა, მაგალითად, სომხეთის, ქართლისა და ალბანეთის ეკლესიების გაერთიანება, რომ უფრო ადვილი ყოფილიყო მათი მართვა სპარსელა მოხელეებისათვის.

ამიტომ, მოკლეს თუ არა ვახტანგ გორგასალი, სპარსე-

ლების მთავარი მტერი და მოწინააღმდეგე ამიერკავკასიაში, მაშინვე, 506 წ. სპარსელებმა სომხეთის დედაქალაქ დვინიში, მოიწვიეს სომხეთის, ქართლისა და ალბანეთის ეკლესიების საერთო კრება. ამ კრებამ, სპარსელებისავე კარნახით, ერთადერთ ჭეშმარიტ ქრისტიანობად მონოფიზიტური სარწმუნოება აღიარა. ამის შემდეგ ეკლესია სპარსელების მთავარი დასაყრდენი გახდა.

მაგრამ, როგორც კი სპარსელების გავლენამ შესუსტება იწყო, მაშინვე თავი წამოყვეს ქალკედონიტებმა, მათ უკვე 574 წ., გურგენის აჯანყებისთანავე, ძალა ჰქონდათ მოპოვებული ქართლში, მე-6 საუკუნის დამლევისათვის კი მონოფიზიტები აქ საბოლოოდ დამარცხებული იყვნენ. რადგანაც სომხეთში, რომელიც სპარსეთთან უფრო მჭიდროდ იყო დაკავშირებული, მონოფიზიტებმა მეტ ხანს გაძლეს, ამიტომ სომხეთისა და ქართლის ეკლესიებს შორის განხეთქილება მოხდა (607 წ.). ახლა ქალკედონიტებმა დაუწყეს მონოფიზიტებსა და მათ მწერლობას უწყალო დევნა. ამიტომ არის ძველი ქართული მწერლობა ასეთი დაზიანებული სახით ჩვენ დრომდე მოღწეული.

სულიერი კულტურის სფეროში დიდმნიშვნელოვანი მოვლენა იყო ამ დროს ქართლისა და ეგრისის თანდათან დაახლოება. არც მეგრულს, არც სვანურს, არც აფხაზურ ენაზე მწერლობა ძველად არ ყოფილა. როცა ქრისტიანობა შემთავიდა ეგრისში, იგი აქ ბერძნულ მწერლობას ხმარობდა. მაგრამ ბერძნული ენა გაუგებარი იყო ადგილობრივ მოსახლეობისათვის.

ამავე დროს არგვეთიდან (დღევანდელი ზემო იმერეთი), რომელიც ყოველთვის ქართლის სამეფოს საზღვრებში შედიოდა, ეგრისში მარჯვედ ვრცელდებოდა ქართული ენა, რომელიც უფრო ადვილად შესათვისებელი იყო ახლობელი ტომებისათვის. ქართულ ენასთან ერთად ვრცელდებოდა ქართული მწერლობაც. ქართულმა მწიგნობრობამ ადრე დაიჭირა ეგრისში ბერძნულის ადგილი. ქართული კულტურის ერთი ყველაზე უფრო მნიშვნელოვანი ცენტრთაგანი დასავლეთ საქართველოში იყო ქალაქი ქუთათისი (ქუთაისი). კულტურულ დაახლოებას თან მოსდევდა მოძმე ტომთა ერთობის შეგნების ზრდაც.

ნივთიერი კულტურის სფეროშიაც ამ ხანიდან მრავალი ძვირფასი ძეგლია შემონახული. უმეტეს წილად გადარჩენილია საეკლესიო ხუროთმოძღვრების ძეგლები, უფრო მცირე რაოდენობით მოღწეულა საერთო არქიტექტურის ნაშთებიც. საერთო ხუროთმოძღვრების ძეგლია, მაგალითად, უჯარმის ციხე.

იმდროინდელი საეკლესიო არქიტექტურა ორი მთავარი რიგისაა. უფრო ძველი შენობები ანტიკური ხანის არქიტექტურას უახლოვდება და ეგრეთწოდებულ „ბაზილიკას“ ანუ უგუმბათო ნაგებობას წარმოადგენს. ასეთია მესხეთე საუკუნის დიდებული ძეგლები — ბოლნისისა და ურბნისის ტაძრები და სხვები.

მე-6 საუკუნიდან გაბატონდა სხვა რიგის საეკლესიო ხუროთმოძღვრება, რომელიც თავისი წარმოშობით იმ ხანაზე უფრო ძველი იყო. ეს იყო ჯვრის ტიპის გუმბათიანი ნაგებობა, რომელიც უფრო შეეფერებოდა ფეოდალური ხანის მოთხოვნილებასა და გემოვნებას. ჯვრის ტიპის ტაძარია მცხეთის ჯვარის საყდარი, რომელიც არაგვის შესართავთან მაღალ კლდეზეა აგებული შექვეყნებულ საუკუნეების მიჯნაზე.

მცხეთის „ჯვარი“ გენიალური არქიტექტორის უკვდავი ქმნილებაა და ქართული კულტურის საამაყო ძეგლი.

საერთოდ, „ჯვარის“ არქიტექტორული ტიპი დაიბადა და განვითარდა საქართველოში ძველი ეროვნული, ხალხური ხელოვნების ტრადიციების ნიადაგზე. მისი ხალხური წინამორბედი ქართული გლეხური სახლი „დარბაზი“ ანუ „ერთობის სახლი“, რომელიც დღემდე არის შემონახული აღმოსავლეთ საქართველოში.

მე-5—მე-6 საუკუნეების ქართული ხუროთმოძღვრების ძეგლების შესწავლა ამტკიცებს, რომ საამშენებლო ხელოვნება იმდროინდელ საქართველოში მაღალ საფეხურზე იდგა.

## § 32. საძარტველოს მიზობელი ქვეყნები მე-7 საუკუნეში

საქართველოს ვარშემო მდებარე ქვეყნებში განვლილ პერიოდში დიდი ცვლადებები მოხდა. გამოიცვალა მოსახლეობა, საზოგადოებრივი ყოფა, სახელმწიფო წყობილება. ისტორიის სარბიელიდან ჩამოვიდა ზოგი ძველი ტომი, მათ ადგილას კი ახალი ხალხები გამოვიდნენ.

დიდი ცვლილება გამოიარა რომის სახელმწიფომ. მე-4 საუკუნის დამლევს იგი ორ ნაწილად გაიყო. აღმოსავლეთი ნაწილის დედაქალაქი უკვე მე-4 საუკუნის დამდევიდან კონსტანტინოპოლი იყო. მე-5 საუკუნის დამლევს მოსკობილი იქნა დასავლეთ რომის იმპერია.

აღმოსავლეთ რომის იმპერია ამის შემდეგ მარტო განაგრძობს არსებობას. მე-7 საუკუნიდან ჩვენ მას ბიზანტიას ვუწოდებთ. თუ ძველი რომი მონათმფლობელური სახელმწიფო იყო, ბიზანტია უკვე ფეოდალური ქვეყანაა. გარდა ამისა, ბიზანტიაში ბერძნულმა ენამ საბოლოოდ განდევნა ლათინური ენა.

ჩრდილოეთ კავკასიაშიც ბევრი ახალი ამბავი მოხდა. მე-4 საუკუნიდან აქ ჰუნები ბატონობდნენ, რომელნიც განსაკუთრებით მე-5—მე-6 საუკუნეებში მძლავრობდნენ. ჰუნები შეცვალეს ხაზარებმა, რომელთაც მე-6 საუკუნის დამდევიდან მოიპოვეს გავლენა ჩრდილოეთ კავკასიაში. მალე აქ მათ მეტად ძლიერი სამეფო შექმნეს, რომელიც მდ. ვოლგიდან აზოვის ზღვამდე იყო გადაჭიმული. ხაზართა სამეფოს მეთაური ხაკანის ტიტულს ატარებდა.

მაგრამ განსაკუთრებით დიდი მნიშვნელობა ჰქონდა ჩვენი ქვეყნისათვის არაბების გამოჩენას მსოფლიო ისტორიაში.

არაბების სამშობლო არაბეთის ნახევარკუნძულია. მე-7 საუკუნის დამდეგს მოხდა არაბი ტომების გაერთიანება. ახალი სახელმწიფოს მეთაური იყო მუჰამედი, რომელმაც ამავე დროს არაბებში ახალი სარწმუნოებაც გაავრცელა. ახალ სარწმუნოებას „ისლამი“ ეწოდა, რაც „მინდობას“ ნიშნავს. ისლამის მიმდევარს „მუსლიმს“ („მინდობილს“) ეძახიან. მუსლიმებს მაჰმადიანებად უწოდებენ მუჰამედის ანუ მაჰ-

მადის სახელის მიხედვით. მუჰამადის ქადაგებანი ჩაწერილია ცალკე წიგნში, რომელსაც „ყ უ რ ა ნ ი ს“ (არაბულად ნიშნავს „ს ა კ ი თ ხ ა ე ს“) სახელით არის ცნობილი.

ამრიგად, საფუძველად ჩაეყარა ახალ არაბულ სახელმწიფოს, ამ სახელმწიფოს მეთაური შემდეგში იწოდება ხალიფად, რაც ნიშნავს „მოადგილეს“ (იგულისხმება მუჰამედის „მოადგილე“). ამიტომ თვით სახელმწიფოს ხალიფატს ანუ სახალიფოს ეძახიან. რალიფები სარწმუნოების მეთაურებადაც ითვლებოდნენ.

### § 33. საძარტველო მე-7 საუკუნის პირველ ნახევარში

მე-7 საუკუნის დამლეგს სპარსეთის ძველი სახელმწიფო განადგურების პირამდე მიიყვანა ბიზანტიის იმპერატორმა ჰერაკლემ. ამ თმში ჰერაკლე კეისრის ყველაზე მძლავრი მოკავშირეები და თანაშოლაშქრეები იყვნენ ქართველები, ეგრისელები და აბაზგები. ქართველ მოკავშირეებს მაინც თავი დამოუკიდებლად ეჭირათ. ისინი თვითონ უკარნახებდნენ კეისარს ბრძოლას გეგმას და როცა ჰერაკლე ამ გეგმას არ ეთანხმებოდა, საერთოდ უარს ამბობდნენ ლაშქრობაზე.

ჰერაკლემ კავშირი გააბა ხაზარებთანაც, რომლებმაც დიდი ჯარი მისცეს ბიზანტიის მფლობელს.

ამ დროს ქართლის ერთი ნაწილი, უმთავრესად — საპიტიახში, ჯერ კიდევ სპარსელების გავლენის ქვეშ იმყოფებოდა. თბილისშიც სპარსელების ჯარი იდგა. ბიზანტიელებმა და ხაზარებმა თბილისს ალყა შემოარტყეს, ბევრი ძალაც შეაღიეს, მაგრამ ვერას გასდნენ. მეციხოვნე ქართველებმა და სპარსელებმა ჰერაკლე კეისარი და ხაზარების ხაკანი მასხრად აიუდეს: ციხის გაღავანზე გადმოდგებოდნენ სოლმე და ბიზანტიელებს მისძახოდნენ — თქვენს მეფეს თხის წვერი ასხია და ვაცის კისერი აქვსო, ხაზარებს კი დიდ კვანს უჩვენებდნენ, რომელზედაც ადამიანის სახე დაცინვით იყო გამოსახული და უყვაროდნენ, აი, თქვენი ჯიბლუ ხაკანით. კეისარი და ხაზარები მძვინვარებდნენ ამ შეურაცხყოფის გამო, მაგრამ თბილისელებს მაინც ვერაფერი უყვეს და იძულებული შეიქმნენ გასცლოდნენ ქართლის დედაქალაქს. მხო-

ლოდ მეორე წელს, როცა კეისარმა სპარსელებს ირანში ახალი დამარცხება მიაყენა, საზარებმა კვლავ ალყა შემოარტყეს თბილისს და ორი თვის სისხლისმღვრელი ბრძოლის შემდეგ ძლივს აიღეს იგი (627 წ.)

საზარებმა ქალაქი ააოხრეს, მცხოვრებნი შეუბრალებლად გაჟლიტეს და თვითონ კი უთვალავი სიმდიდრე ჩაიგდეს ხელში. ძველი ალბანელი ისტორიკოსი გვიამბობს, რომ როცა საზარებმა აიღეს „ნებიერი, მოვაჭრე, სახელოვანი დიდი ქალაქი თბილისი“, მათ ხელი მიჰყვეს ქალაქის საგანძურების ძარცვას. თქრო-ვერცხლისა და თვალ-მარგალიტით შემკული ნივთების ისეთი ზვინები დაუდგეს თავის ბატონს საზარმა მეომრებმა, რომ თვალს წყალი ელუოდა მათს ცქერაში.

როგორც ვხედავთ, მე-7 საუკუნის დამდეგს თბილისი მდიდარი და დიდი სავაჭრო ქალაქი იყო.

### § 34. არაბების შემოსვლა და გაბატონება საქართველოში. ბრძოლები მათ წინააღმდეგ

ხალიფები თავიდანვე ფართო დაპყრობითი პოლიტიკის წარმოებას შეუდგნენ. უკვე მეორე ხალიფა ომარის დროს (634—644 წწ) არაბებმა დაიმორჩილეს სირია, პალესტინა, ირანის მეტი ნაწილი. ამის შემდეგ მათ გზა გახსნილი ჰქონდათ ამიერკავკასიისაკენაც. მართლაც პირველი არაბული რაზმი სომხეთში უკვე 640 წელს გამოჩნდა, მაგრამ ეს უფრო მარბიელი ჯარის ძარეში იყო, ვიდრე ქვეყნის დაპყრობა.

ქართლსაც არაბები პირველად 642-3 წელს მოსდგომიან, მაგრამ ქართველებს ისანი დაუმარცხებიათ და თავისი საზღვრებიდან გაუდევნიათ. თანდათანობით არაბები მომაგრდნენ. 654 წლის დამდეგისათვის არაბებს უკვე მთელი სომხეთი ჰქონდათ დაპყრობილი. იმავე წელს არაბებმა აიღეს ქალ. თეოდოსიოპოლი, დღევანდელი არზრუმი, ბიზანტიელების მთავარი სიმაგრე ამიერკავკასიაში და ქართლისაკენ გამოემართნენ.

ქართლის მმართველს — პატრიკიოზს, ესე იგი, ერისმთავარს, გადაუწყვეტია, არაბებთან ბრძოლა აღარ ღირსო, მათ-



თვის თავისი ელნი ძუგებებია საჩუქრებით და ზავი და მშვიდობა უთხოვია. არაბთა სარდალს მოეწონა ქართლის ერისმთავრის საქციელი და მისცა მას ეგრეთწოდებული „დაცვის სიგელი“ ,რომელშიაც არაბ-ქართველთა ურთიერთობა იყო განსაზღვრული.

ამ სიგელის მთავარი მუნღები ასეთი იყო: 1) არაბები ქართლის მოსახლეობას სარწმუნოებას ხელს არ ახლებდნენ, ხოლო თუ ვინმე ნებაყოფლობით ისლამს მიიღებდა, ის არაბების ძმად ჩაითვლებოდა, ესე იგი, ხარკს აღარ გადაიხდიდა; 2) ქართველები იხლიდნენ არაბების სასარგებლოდ ჯიზიათს, პირად გადასახადს, თითო დინარს ანუ დრაჰმანს (ოქროს ფული იყო, წონათ ერთ მისხლამდე, რაც დაახლოებით ხუთ მანეთს უდრის ოქროთი) კომლზე; 3) ქართველებს არ უნდა შეერთებინათ კომლები, გადასახადის შესამცირებლად, არაბებს კიდევ არ უნდა დაეყოთ კომლები, გადასახადის გასადიდებლად; 4) ქართველებს ევალებოდათ არაბთა ჯარისა და, საერთოდ, მუსლიმებისათვის დასმარება; 5) სამაგიეროდ, არაბები უშიშროებას ჰპირდებოდნენ ქართლის მოსახლეობას.

მაგრამ ქართლი არაერთხელ აუჯანყდა არაბებს და ამ უკანასკნელთ არა ერთი ლაშქრობის მოწყობა მოუხდათ მის ხელახლა დასამორჩილებლად. იშვიათად დასტყდომია საქართველოს თავზე ისეთი უბედურება, როგორც 736-8 წლებში აქ არაბთა სარდალმა მურვანმა დაატრიალა. მურვანი ისედაც სასტიკი და გულქვა ადამიანი იყო, რის გამოც მას ქართველებმა „ყრუ“ შეარქვეს, ახლა კიდევ მას ქართველების სამაგალითოდ დასჯა სურდა. იმდროინდელი ქართველი ისტორიკოსი ასე აგვიწერს ამ შემოსევას: მურვანმა მთელი კავკასია დაიპყრო, დარუბანდიდან აფხაზეთამდე, მაგრამ ეს არ იკმარა, არამედ უმრავლესობა ქალაქები და ციხეები დაანგრია, მათ შორის ეგრისის სამგალავნიანი დედაქალაქი ციხე-გოჯი, აფხაზეთის დედაქალაქი ცხუმი (სოხუმი) და სხვებით. განსაკუთრებით მაინც აღმოსავლეთი ამიერკავკასია აოხრებულა — ქართლი, სომხეთი და ალბანეთი: აქ არც ნაშენები რამე დარჩა და არც კაცისა და პირუტყვის საჭმელიო. ქართლში მურვანმა დაანგრია ძველი დედაქალაქის ერთი უმნიშვნელოვანესი უბანთაგანი — არმაზი.

დასავლეთ საქართველოში არაბები მაინც ვერ გამაგრდნენ, ქართლი კი მურვანის შემოსევამ კარგა ხნით წელში გასტეხა. ამ დროიდან იწყება არაბების ნამდვილი ბატონობა ქართლში.

გასაგებია, ამიტომ, რომ სულ უფრო და უფრო იზრდებოდა ხალხის გულისწყრომა და სიძულვილი უცხოელი დამპყრობლების წინააღმდეგ. ბრძოლა ხანგრძლივი და მსხვერპლით საჯავ იყო, თუმცა ქართველებს ზოგი გარემოება ხელს უწყობდა.

ჯერ-ერთი, არაბების ძალა-უფლება უფრო ცენტრალურ თემებზე ვრცელდებოდა და მთიან რაიონებს ეგრე რიგად ვერა სწვდებოდა. ამით სარგებლობდა ხალხი, ხეობებსა და მთიანეთს თავს აფარებდა და იქიდან თავს ესხმოდა მტერს.

სიცოცხლეს უმწარუბრუნენ არაბებს საზარებიც. საზარები ხშირად კავკასიონის სამხრეთითაც ახერხებდნენ შემოჭრას და აოსრებდნენ არაბთა სამფლობელოს. 764 წ. საზარებს მოკლე ხნით თბილისიც დაუჭერიათ. ძველი ქართველი ისტორიკოსი გვიამბობს: ქართლის ერისმთავარს ჯუანშერს ჰყავდა და, შუშანი, სილამაზით განთქმული. საზართა საკანმა სთხოვა ჯუანშერს, შენი და ცოლად მომეც და არაბების წინააღმდეგ გიშველიო. შუშანი და მისი დედა ცივ უარზე იდგნენ, წარმართის ცოლობა როგორ იქნებაო. გაგულისებულმა საკანმა დაალაშქვრინა ქართლი და შუშანი და ჯუანშერი ტყვედ წააყვანინა, მაგრამ გულის წადილს მაინც ვერ ეწია: შუშანს ბეჭდის თვლის ქვეშ საწამლავი ჰქონდა, მოსწოვა ის და თავი მოიკლათ. დიდი მეფის არასასურველ ცოლობას, ქართველმა ქალმა სიკვდილი არჩია.

დიდი მნიშვნელობა ჰქონდა აგრეთვე პროვინციული არაბი ამირების ურნობას, ხალიფების მიმართ, რაც მე-9 საუკუნის დამდეგიდან იწყება. ბრძოლა ხალიფასა და ამირებს შორის ძალიან ხელს უწყობდა არაბების შინაგან დასუსტებას, რითაც დაპყრობილი ხალხები კარგად სარგებლობდნენ.

დიდი აჯანყების ცეცხლი, არაბების წინააღმდეგ, უფრო ადრე სომხეთში დაიწყო, იმიტომ რომ სომხეთში ხალხი კიდევ უფრო გაწამებული იყო. ქართველები ესმარებოდნენ სომხებს. დამარცხებული სომეხი მთავრები ქართლსა და ეგრისში პოულობდნენ თავშესაფარს. ეს გარემოებაც აღიზი-

ანებდა არაბებს, რომელნიც ლტოლვილების გაცემას მოითხოვდნენ და მათს მასპინძლებს სასტიკად სჯიდნენ ხოლმე.

იქნებ ასეთი მიზეზით დაისაჯა ქართლის ერისმთავარი ნერსე, რომელიც 772-3 წელს ხალიფას თავის სატახტო ქალაქში ბაღდადში, დაუბარებია და „ბოროტ კაცთა შესმენით“ საპყრობილეში ჩაუსვამს. ნერსე სამი წელიწადი მჯდარა ბაღდადის საპატიმროში. შემდეგ ნერსე ისევ ერისმთავრად დაბრუნებულა ქართლში, მაგრამ, ჩანს, არაბებთან შეგუება მისთვის ძნელი იყო. ნერსე იძულებული გამხდარა თავისი თჯახი და ქონება აფხაზეთში გაეგზავნა, თვითონ კი დიდი ამალით გადავიდა ჯერ ხაზარეთში და შემდეგ აგრეთვე აფხაზეთში. ეს ამბები მე-8 საუკუნის ოთხმოციანი წლების დამდეგს მოხდა.

ამ დროიდან მოყოლებული ქართლი, სომხეთი და ალბანეთი უკვე გამუდმებია აჯანყების ალსა და კვამლში იყო გახვეული. ამბოხებული იყო მთელი ხალხი. მეტი წილი მთავრები, სეფეწულები და დიდი აზნაურებიც, რომელთაც ერთი ხანობა, დასაწყისში, არაბებთან თითქოს საერთო ენა ჰქონდათ გამონახული, ასლა ცდილობდნენ ხალხს არ ჩამორჩენოდნენ მტრის წინააღმდეგ ბრძოლაში. ხალიფები ჯარს ჯარზე გზავნიდნენ, ერთიმეორეზე უფრო სასტიკი ამირების მეთაურობით, და შეუბრალებლად უსწორდებოდნენ აჯანყებულებს, მაგრამ მოძრაობა სულ უფრო და უფრო ძლიერდებოდა.

ამ დიდ სახალხო მოძრაობას ქართლში თავისი მქადაგებლები და იდეოლოგები ჰყავდა. მათ შორის პირველი იყო მე-8 საუკუნის მწერალი იოანე საბანისძე. საბანისძემ ასწერა ერთი ჭაბუკი არაბის, აბოს, ცხოვრება. აბო ქართლის ერისმთავრის ნერსეს მსახური იყო. მან ისლამს თავი დაანება და ქრისტიანობა მოიღო. 780 წ. 6 იანვარს ქართლის ამირამ აბო სიკვდილით დასაჯა, რადგანაც აბომ უარი სთქვა ისევ ისლამს დაბრუნებოდა, რასაც მისგან არაბები მოითხოვდნენ.

საბანისძემ გამოიყენა აბოს წამების ამბავი, რათა თავის თანამემამულეებში ეროვნული სიამაყის შეგნება გაეღვივებინა: აი, როგორია ჩვენი რჯული, ჩვენი წესი და ქვეყანა,

რომ გაბატონებული ხალხის შვილი ჩვენკენ გადმოდის და თავსაც კი სდებს ახალი სამშობლოსათვის.

საბანისძე მიზნად ისახავდა გაემხნევებინა მერყევი და სუსტნი, რომელნიც „შაშითა განილევიან და ირყევიან, ვითარცა ლერწამნი ქართაგან ძლიერთა“, არაბების ძალმომრეობის გამო. საბანისძეს სურდა კვლავ მშობლიურ კერას დაბრუნებოდნენ ისინი, ვინც არაბებმა უკვე „შეაცოუნეს და გარდადრიკნეს გზისაჲს სიმართლისა“ დაშინებით, ვერაგობით, მოსყიდვით, „რომელნიმე მძლავრებით, რომელნიმე შეტყუილებით, რომელნიმე სიყრმესა შინა უმეცრებით, რომელნიმე მზაკვრობით“. ლამის ჩვენი საკუთარი სახე დაგვეკარგოს და უცხო ხალხში გავითქვიფოთო, მრისხანე გულისწყხილით მოსთქვამდა საბანისძე: „აღვერიეთთ ერსა უცხოსა“.

ითანე საბანისძისა და მისი მსგავსი მქადაგებლების მოწოდება ამტკიცებდა სახალხო თვითშეგნებას, აკაჟებდა მებრძოლეთა სულისკვეთებას ეროვნული განთავისუფლებისათვის.

### § 35. არაბების დასუსტება. ახალი შერდაღსურო სამთავროების წარმოშობა საქართველოში

თუმცა არაბებმა საბოლოოდ მოსპეს ქართლის ერისმთავრობა, რომელმაც ორი საუკუნე იარსება, მაგრამ ხალხმა მაინც მოახერხა თავისი დამოუკიდებლობის შენარჩუნება ქართლის განაპირა თემებში. მათ შორის ყველაზე ადრე გაძლიერდა კახეთი, რომელიც არაგვიდან იწყებოდა.

აქ ივრისა და ალაზნის ნოყიერ ხეობებში, განსაკუთრებით ამ ხეობების ზემოთა ნაწილში, ხალხი თავს უფრო გულმშვიდად გრძნობდა, თავისუფლად ცხოვრობდა და შრომობდა. მე-8 საუკუნის მეორე ნახევრისათვის კახეთში ხალხი ძალიან მომრავლებული და შეძლებულიც იყო. მისდევდნენ კახელები მიწათმოქმედებას, კერძოდ — მევენახეობას, და მესაქონლეობას ფართოდ. კახელები საუცხოოდ ცხენებსა და ცხვარს აშენებდნენ და მრავალრიცხოვანი ჯოგ-ფარების პატრონები იყვნენ. ხარბ დამპყრობლებს კახელების სიმდიდრე ძალიან იზიდავდა ხოლმე, მაგრამ საკმარისი იყო კახეთის ხეობებში არაბები გამოჩენილიყვნენ, რომ უშიშარი და ამა-

ყი მთიელები მათ თავს ესმოდნენ და მუსრს ავლებდნენ.

მე-8 საუკუნის შუა წლებიდან კახეთი აინუნშიაც არ ავდებდა არაბებს. არაბული ცნობებით, კახელები ამ დროს ყველაზე საშიში მტრები იყვნენ არაბებისათვის ამიერკავკასიაში. მართლაც, სისხლისმღვრელ ბრძოლებში, არაბებსა და კახელებს შორის რომ ხშირად ხდებოდა, გამარჯვება ჩვეულებრივად კახელებს რჩებოდათ. მე-8 საუკუნის დამლევისათვის კახელებმა უკვე თავისი მთავარიც გაიჩინეს და საკუთარი მართვა-გამგეობა მოაწყვეს.

რიგი ცვლილებები მოხდა ამ დროისათვის დასავლეთ საქართველოშიაც. როგორც ვიცით, მე-6 საუკუნის დამდეგიდან აბაზგების სამთავრო ეგრისის სამეფოდან გამოყოფილი იყო და ბიზანტიის კეისარს ემორჩილებოდა უშუალოდ. ეს მთავრები შემდეგში კეისრებმა თავის ერისთავებად აქციეს აფხაზეთში. მე-8 საუკუნეში აფხაზეთი უკვე მჭიდროდ დასახლებული, ღონიერი და მშვიდობიანობით მოსარგებლე ქვეყანა იყო.

მე-8 საუკუნის დამლევს ბიზანტიაში დიდი შინაური შფოთი და არევ-დარეკა იყო. ამით ისარგებლა აფხაზთა ერისთავმა ლეონ მეორემ, მთირთო ძალა ხაზართა მეფისაგან, რომლის ასულის შვილიც იგი იყო, და თავი დამოუკიდებლად გამოაცხადა. ამ დროს ძველი ეგრისის სამეფო დაუშლურებული იყო. აფხაზთა ერისთავმაც ადვილად დაიპყრო ეგრისი და არგვეთი.

აფხაზთა მეფებმა თავის სატახტო ქალაქად ქუთათისი, დღევანდელი ქუთაისი, აირჩიეს: აფხაზთა სამეფოს ვრცელ ტერიტორიას ცენტრად ქუთაისი უფრო შეეფერებოდა, ვიდრე ძველი ციხე-გოჯი. გარდა ამისა, ქუთაისი მნიშვნელოვან გზებზე მდებარეობდა. ამის შემდეგ აფხაზთა ერისთავმა „მეფის“ წოდებულებაც მიიღო.

ამ გაბატონებული დინასტიის მიხედვით თვით სამთავროსაც „აფხაზთა სამეფო“ ეწოდა, თუმცა მოსახლეობის შემადგენლობაში დიდი ცვლილებები არ მომხდარა. მე-9—მე-10 საუკუნეებშიაც დასავლეთ საქართველოს მოსახლეობის უმრავლესობას ისევ საკუთრივ ქართველი ტომები — ქართვები, მეგრელები და სვანები შეადგენდნენ.

ყველაზე გვიან ახალი ქართული ფეოდალური სამთავრო  
ს ა მ ს რ ე თ ს ა ქ ა რ თ ვ ე ლ ო შ ი ჩამოყალიბდა. მისი  
დამაარსებელი აშოტ ბაგრატიონი იყო.

ბაგრატიონების განთქმული საგვარეულო წარმოსმობით  
სპერის (ახლანდელი ისპირის) პროვინციდან იყო, ამ ძვე-  
ლისძველი ქართული თემიდან. თავისი წინდახედული, მოქ-  
ნილი მოქმედებით ბაგრატიონებმა დიდი გავლენა მოიპოვეს  
მე-6—მე-8 საუკუნეებში. ერთი მათი შტო სომხეთში დაწი-  
ნაურდა, მეორე — ქართლში. ორივეგან ბაგრატიონებმა მთავ-  
რობასა და მეფობას მიაღწიეს, ხოლო საქართველოში სამე-  
ფო ხელისუფლება შეინარჩუნეს მე-19 საუკუნის დამდეგამ-  
დე.

ქართლის ბაგრატიონთა წარმომადგენელი, აშოტი, არაბ-  
თა სამსახურში ყოფილა თბილისში მე-9 საუკუნის დამდეგს.  
მაგრამ აშოტი ვერ შესწყობია არაბებს და თავისი ოჯახითა  
და ამალით ჭოროხის ხეობაში, შავშეთისა და კლარჯეთის  
თემებში, გადასულა. რადგანაც ეს ხეობა მაშინ ბიზანტიის  
საზღვრებში ითვლებოდა, ამიტომ აშოტმა თავისი თავი კე-  
ისრის ვასალად აღიარა, კურაპალატის ტიტული მიიღო და  
სამთავროს ორგანიზაცია შეუდგა.

თავის მთავარ საჯღომად აშოტმა ძველი ციხე-ქალაქი  
არტანუჯი აირჩია, რომელიც თვითონვე განაახლა. აშოტის  
მიერ დაარსებულ სამთავროს ჩვეულებრივად ტაო-კლარჯე-  
თის სამთავროს ეძახიან, იმიტომ რომ მის ძირითად ოლქებს  
ტაო და კლარჯეთი შეადგენდნენ.

აშოტ კურაპალატი მოკლეს 826 წ.

მე-9 საუკუნის დამდეგისათვის თბილისის არაბმა მმარ-  
თველებმა — ამირებმა, ისევე როგორც სახალიფოს სხვა  
ადგილობრივმა მმართველებმა განაპირა ქვეყანაში, ხალი-  
ფების ურჩობა და განზე წევა დაიწყეს. ეს ამირები ყურს  
აღარ ათხოვებდნენ ცენტრალური მთავრობის განკარგულე-  
ბას და ქვეყნიდან მოკრეფილ ხარკს ცენტრში კი არ გზავ-  
ნიდნენ, არამედ თვითონ ითვისებდნენ.

ასეთივე მიდრეკილება გაუჩნდათ თბილისის ამირებსაც.  
უკვე მე-9 საუკუნის ოციან წლებში გადასდგომია ხალიფას  
თბილისის ამირა. მაგრამ განსაკუთრებით ძლიერი აღმოჩნ-  
და მომდევნო ამირა, საჰაკი, რომელსაც კახელები უმაგრებ-

დნენ ზურგს. საჰაკის ურჩობა თითქმის თხუთმეტრ წელი გაგრძელდა. გაგულისებულმა ხალიფამ საქართველოში 853 წ. დიდი ჯარი გამოგზავნა ბულა თურქის მეთაურობით. ბულამ, ზოგი ადგილობრივი მთავრის დახმარებით, დაამარცხა საჰაკი და მისი მოკავშირეები, 5 აგვისტოს აიღო თბილისი, დასწვა იგი და მცხოვრებნი გაჟლიტა. სიკვდილით დასაჯა საჰაკიც. არაბული ცნობებით, ამ ამბების დროს თბილისში 50 000 კაცი დაღუპულა. აქედან ჩანს, თუ რამდენად დიდი ქალაქი ყოფილა მაშინ თბილისი.

ამის მოუხედავად, თბილისის ამირები მეცხრე საუკუნის დამლევებიდან უკვე ფაქტიურად აღარ ემორჩილებიან ხალიფას. მორჩილება გარეგნულად მხოლოდ იმაში გამოიხატება, რომ ერთი ხანობა კიდევ თბილისის ამირები ფულს ხალიფას სახელით შერიან.

თბილისის საამირო ამ დროს მეტად შემცირებული იყო. საამიროს საზღვრები ვიწროვდებოდა ქართული სამთავროების — კახეთის, ტაო-კლარჯეთისა და აფხაზეთის — შემოტევის წყალობით.

### § 36. პირობების მომზადება ქართული სამეფო-სამთავროების გაერთიანებისათვის

მე-9—მე-10 საუკუნეებში ჩვენი ქვეყანა გაიზარდა და გაძლიერდა ეკონომიკურად. მართალია, არაბთა შემოსევებმა მე-8 საუკუნის პირველ ნახევარში, განსაკუთრებით მურვან ყრუს ლაშქრობამ, შეამცირა მოსახლეობა და გაანადგურა მისი მეურნეობა ბარის ზოგიერთ რაიონში, მაგრამ ორასი წლის განმავლობაში ხალხმა აქაც შეძლო ხელახალი დამკვიდრება და მეურნეობის გაჩენა.

არაბებისაგან დაცულა განაპირა რაიონები კი წინ მიდიოდა უფრო სწრაფი ნაბიჯით. სიცოცხლისა და თავისუფლების სიყვარული, შრომისმოყვარეობა და ძველისძველი კულტურული გამოცდილება იყო იმის მიზეზი, რომ ხალხი ამ განაპირა თემებში ახერხებდა თავისი მეურნეობის ფართოდ გაშლას, სამოქალაქო ცხოვრების განადგობასა და მარჯვედ თავის დაცვასაც ხანდახან კარზე მომდგარი მტრისაგან.

ისიც უნდა ვიცოდეთ, რომ მე-9—მე-10 საუკუნეებში, განსაკუთრებით მე-9 საუკუნის მეორე ნახევრიდან, დიდი ომები, როგორც იყო, მაგალითად, ბულა თურქის შემოსევა, იშვიათი გახდა. ჩვეულებრივად იმდროინდელი ომები პატარა ცხენოსანი რაზმების ერთი შეტაკებით თავდებოდა ხოლმე. ამგვარი შეტაკება იშვიათად თუ გაგრძელდებოდა ერთ დღეზე დიდხანს. უცრად შემოსული მტერი ასევე ქრებოდა, რადგანაც ყოველთვის მამაცი ხალხის შეუდრეკელ წინააღმდეგობას აწყდებოდა. ამიტომ იყო რომ მე-9 საუკუნის მეორე ნახევარში და მე-10 საუკუნეში ეს ომები ეგრერიგად ვეღარ აბრკოლებდნენ მოსახლეობის სამეურნეო საქმიანობასა და მშენებლობას.

ამრიგად, კახეთი, ტაო-კლარჯეთი, აფხაზეთი გაიზარდნენ და გაშენდნენ მე-9 საუკუნისათვის. როცა, მე-9 საუკუნის დამდეგს, არაბებმა ზავი დასდეს კახელებთან, კახელებმა არაბების მოთხოვნით იკისრეს მიეცათ მათთვის სამი ათასი ფაშატი ცხენი და ოცი ათასი ცხვარი. ეს მოწმობს თუ როგორი დიდი რაოდენობით აშენებდნენ კახელები იმ დროს საქონელს. შემდეგშიაც კახეთი განთქმული იყო თავისი ცხენებითა და ცხვრით. კახური ჯიშის ჩამომავალია ახლანდელი საყოველთაოდ ცნობილი თუშური ცხვარი. კახეთის იმდროინდელი სიმდიდრის უტყვი ნაშთია სურთამოძღვრების ძვირფასი ძეგლები, რომლებითაც მოფენილია კახეთის მიწა-წყალი.

მე-9—მე-10 საუკუნეებში დასავლეთ საქართველო (აფხაზეთა სამეფო) ყველაზე მყუდროდ დაცული მხარე იყო. ხალხის გამრავლებასა და მის ცხოვრებას გარეშე მტერი ხელს არ უშლიდა. იმდროინდელი მატერიალური კულტურის ნაშთია მ ა რ ტ ვ ი ლ ი ს შესანიშნავი ტაძარი ჭყონდიდში, განახლებულ-გადაკეთებული აფხაზეთა მეფის კიორგის მიერ მე-10 საუკუნის პირველ ნახევარში, მოქვის დიდებულ ტაძარი, აშენებული აფხაზეთა მეფის ლეონის მიერ მე-10 საუკუნის შუა წლებში და სხვა ძეგლები.

აფხაზეთს წააცილებდა თავისი სიმდიდრით ტაო-კლარჯეთი. ერთი აქაური ქართველ ტომთაგანი, მესხების სახელით ცნობილი, როგორც ვიცით, უძველეს დროშიაც განთქმული იყო თავისი მიწათმოქმედებით. პური, მაგალითად,



მესხებს და ტაო-კლარჯეთის სხვა ქართველ ტომებს (კლარჯებს, შავშებს...) იმდენი მოჰყავდათ, რომ საზღვარგარეთაც გაჰქონდათ. მისდევდნენ ისინი მევენახეობა-მელვინეობასაც და ბლომად აშენებდნენ აგრეთვე შინაურ საქონელს.

იმდროინდელი ტაო-კლარჯეთის ქონებრივი შეძლებისა და კულტურული განვითარების ცოცხალი მოწმეა ისეთი შესანიშნავი ძეგლები არქიტექტურისა, როგორცაა ოშკის, იშხანის, ბანას, ხახულის ტაძრები. რა სახსარი სჭიროდა ასეთი ტაძრების აშენებას, ეს კარგად ჩანს ოშკის ტაძრის წარწერიდან. ამ წარწერაში ნათქვამია, რომ კალატოზების, მუშებისა და მუშა-საქონლია ქირა ყოველწლიურად შეადგენდა ოცი ათას დრამას. დრამა ვერცხლის ფული იყო და უდრის დაახლოებით 20—25 კაპიკს ოქროთი. 20 000 დრამა 4.000 მანეთზე მეტია ოქროთი, ამასთან უნდა გვახსოვდეს, რომ იმ დროს ფული ბევრად უფრო ძვირი იყო, ვიდრე ახალ ხანაში. გარდა ამ ფულისა, ღვინო დაუხარჯავთ ყოველწლიურად სუთი ათასი საწყაო, ხორბალი 250 გრივი (დაახლოებით — 10.000 კილოგრამი) და რკინა 50 ლიტრა (დაახლოებით — 20 კილოგრამი). შემდეგ წარწერა გვაუწყებს, რომ ტაძრის მშენებლობაზე მუდმივად მუშაობდათ 70 კალატოზი, სურო და მჭედელი, ქვისმზიდავი ხარი — 30, ჯორი და სხვა საკიდარი საქონელი — 30 და სხვ.

მოსახლეობის გამრავლება და მისი მეურნეობის გაფართოება იწვევდა სხვადასხვა კუთხეების დაახლოების საჭიროებას. ერთი კუთხე ერთი საქონლით იყო მდიდარი, მეორე — სხვა რამით. ზოგან საუკეთესო ჭურჭელს აკეთებდნენ, მეორე ადგილას კარგ შალის ქსოვილებს ქსოვდნენ, მესამეგან — მადანს თხრიდნენ და იარაღს ჭედდნენ, სხვები კიდევ საშენ მასალას ამზადებდნენ, წისქვილის ქვებს თლიდნენ და მრავალ სხვა ზელობას მისდევდნენ. განვითარდა ხელოსნური წარმოება. ძთიელები ბარში ჩადიოდნენ პურისა და ღვინისათვის და თან მათ თავისი მეურნეობის ნაყოფი ჩაჰქონდათ. მესაქონლეობაც ხელს უწყობდა მოძრაობას: ჯოგებს საზაფხულო საძოვრები ერთ ადგილას ჰქონდათ, საზამთრო კი — მეორეგან. „ჩინოს ცხოვრებაში“, რომელიც ამ დროს არის დაწერილი, აღწერილია თუ როგორ ამოვებენ ჯავახეთში თავის ჯოგებს არაგველი მწყემსები. ყოველივე ეს

იწვევდა საქართველოს სხვადასხვა თემების ურთიერთობას, შინაგან გაცვლა-გამოცვლასა და აღებ-მიცემას.

ფართოდ იყო იმ დროს განვითარებული საგარეო ვაჭრობაც. ქართულ სამთავროებს მაშინ სავაჭრო კავშირი ჰქონდათ მრავალ უცხო ქვეყანასთან. ბიზანტიური ცნობით, მე-10 საუკუნის პირველ ნახევარში კლარჯეთის დედაქალაქი არტანუჯი ძალიან ძლიერი სიმაგრე და დიდი ქალაქი იყო. აქ მოაქვთ საქონელი ტრაპიზონიდან, იბერიიდან, აბაზგიიდან, მთელი სომხეთიდან და სირიიდანო. არტანუჯი მეტად ფართო ვაჭრობას აწარმოებს ამ საქონლით; თვითონ კლარჯეთიც დიდი და უხვი ქვეყანაა და გასაღებია იბერიისა, აბაზგიისა და მესხეთისათვისაო.

თუ როგორ შორსმდებარე ქვეყნებთან ჰქონდათ ქართველებს კავშირი იმ დროს, გვინვენებს ის ფაქტი, რომ ქართული ფული, ტათ-კლარჯეთში მოჭრილი მე-10 საუკუნეში, ნაპოვნია რუსეთის ჩრდილოეთ რაიონებში და ბალტიის ზღვის ნაპირებზე.

ასეთი გაცხოველებული საშინაო და საგარეო ურთიერთობისათვის დიდი დაბრკოლება იყო მრავალი სამთავროს არსებობა საქართველოში. ყოველ სამთავროს საკუთარი საზღვრები ჰქონდა, ყოველ მთავარს — თავისი საკუთარი საბაჟო. ამიტომ ვაჭრებს ბაჟი რამდენიმე ადგილას უნდა გადაეხადათ, ისევე როგორც ხელოსნებსა და სოფლის მეურნეებს, რომლებსაც საქონელი, სხვისი თუ საკუთარი ნაწარმოები, ერთი კუთხიდან მეორეში გადაჰქონდათ. მეჯოგეებიც კი, რომელნიც საქართველოს ერთი თემიდან მეორეში გადადიოდნენ საზაფხულს თუ საზამთრო სამოვრების გულისათვის, ასეთივე მდგომარეობაში იყვნენ.

ამიტომ იყო რომ მრავალი სამთავროს არსებობა ხელს უშლიდა ჩვენი ქვეყნის განვითარებას და უკმაყოფილებას იწვევდა მოსახლეობაში. აუცილებელი იყო ერთიანი სახელმწიფოს შექმნა, რომელიც უფრო კარგად დაიცავდა ქვეყანას გარეშე მტრისაგან, მოსპობდა დაქსაქსულობას და შინაგან მტკიცე წესრიგს დაამყარებდა.

X საუკუნის ბოლოს, ამ 1000 წლის წინათ, მოხდა ისტორიული მნიშვნელობის მოვლენა ქართველი ხალხის, მთელი საქართველოს მოსახლეობის ცხოვრებაში — შეიქმნა მყარი პოლიტიკური გაერთიანება — ერთიანი ქართული სახელმწიფო, რითაც საწყისი მიეცა საქართველოს ისტორიის სახელოვან ხანას, როდესაც მალე, XI–XII საუკუნეებში, იგი კავკასიისა და მახლობელი აღმოსავლეთის უძლიერეს სახელმწიფოდ იქცა. ხშირად ამ ხანას ქართველი ხალხის ისტორიაში „ოქროს ხანას“ ეწოდებენ, რაც გამართლებული ჩანს იმდენად, რამდენადაც საქმე ეხება არა მარტო პოლიტიკურ გაძლიერება-აღმავლობას, არამედ დიდ კულტურულ აღმავლობას, ქართული მატერიალური და სულიერი კულტურის არაერთი შედეგის შექმნას, რომელთაც აგვირგვინებს შოთა რუსთაველის გენიალური ქმნილება „ვეფხისტყაოსანი“.

ერთიანი ქართული სახელმწიფოს შექმნისაკენ მიმავალი გზა გრძელი, ხანგრძლივი და მძიმე იყო. იგი ჩვენ წარმოგვიდგება საუკუნეების მანძილზე ქართული სახელმწიფოებრიობის განვითარებია პროცესის სახით.

უძველესი ქართული სახელმწიფოები, როგორც ვიცით, ქვეყნის სამხრეთ-დასავლეთში ჩამოყალიბდა. გვიანდელი ტაოს ტერიტორიაზე უკვე ამ 3000 წლის წინათ არსებობდა ძლიერი გაერთიანება — დიაოხი (მისი სახელი შემორჩა ძველ ქართულ პროვინცია „ტაოს“). მისი პირველი მოხსენიება ასურულ ლურსმულ წარწერებში ძველი წელთაღრიცხვის 1112 წელს განეკუთვნება. ამ წელს დიაოხი სათავეში ედგა სამხრეთ ამიერკავკასიისა და კიდევ უფრო სამხრეთით მცხოვრები ტომების დიდ გაერთიანებას, რომელსაც ბრძოლა მოუხდა აქ შემოჭრილ ასურულ დამპყრობლებთან. დიაოხი განაგრძობს არსებობას ძველი წელთაღრიცხვის VIII საუკუნის შუახანამდე, როდესაც იგი განადგურდა მეზობლების — ურარტუსა და კოლხას (ე. ი. კოლხეთის) მიერ. ეს უკანასკნელი მეორე დიდი ქართული გაერთიანება იყო ისტორიული საქართველოს დასავლეთ რეგიონში. სწორედ მისი ოდინდელი ძლიერება და ბრწყინვალეობა აისახა (რა თქმა უნდა, ლეგენ-

დარული სახით) ძველ ბერძნულ თქმულებაში არგონავტების შესახებ.

როგორც დიახი, ისე კოლხა საბჭოთა (ქართველი, რუსი) ისტორიკოსების აზრით უკვე ადრეკლასობრივ სახელმწიფოებს წარმოადგენდნენ — ამაზე მიგვითითებენ ასურულ და ურარტულ ლურსმულ წარწერებში დაცული ცნობები ამ ერთეულების ეკონომიკისა და მმართველობის სისტემის შესახებ. არც ის არის შემოხვევითი, რომ უძველესი სახელმწიფოები სწორედ სამხრეთით (კოლხას — ამ ე. წ. „ძველკოლხურ სამეფოს“ ცენტრსაც ისტორიკოსები სამხრეთით, ჭოროხის აუზში ვარაუდობენ), ძველი დროის დიდი ცივილიზაციების (ხეთები, ზურიტები, ურარტელები) სიახლოვეში წარმოიშვნენ. ეტყობა აქ თავისი როლი ამ მაღალგანვითარებულ ცივილიზაციებთან ურთიერთობამაც შეასრულა.

„ძველკოლხური სამეფო“ VIII საუკუნის ბოლოს განადგურდა ჩრდილოეთიდან შემოსეული კიმერიელების მიერ. მისგან განსხვავებით VI—IV საუკუნეებში ძირითადად კოლხეთის დაბლობის ფარგლებში არსებულ პოლიტიკურ ერთეულს ჩვენ „ახალი კოლხური სამეფო“ შეიძლება ვუწოდოთ. ისიც სახელმწიფოებრივა გაერთიანება იყო — ამას მოწმობს მისთვის დამახასიათებელი ბევრი ისეთი ნიშან-თვისება, რომელიც სწორედ სახელმწიფოებრივი წარმონაქმნისათვის არის დამახასიათებელი (ფულის ინტენსიური მიმოქცევა, ეკონომიკის მაღალი დონე, სოციალულობის მკვეთრი ქონებრივი დიფერენციაცია...).

ბნელითაა მოცული ამავე ეპოქაში აღმოსავლეთ და სამხრეთ საქართველოში არსებული ვითარება. უნდა ვიფიქროთ რომ აქაც არსებობდა ამ დროს არაერთი მცირე ადრეკლასობრივი სახელმწიფო ანდა სახელმწიფოებრიობის ზღურბლზე მდგომი გაერთიანება და სწორედ მათ შორის ჰეგემონობისათვის წარმოებული ბრძოლის ვითარებაში შეიქმნა მთელი ამ რეგიონის მომცველი დიდი პოლიტიკური ერთეული ცენტრით მცხეთაში, რომელსაც ძველი ქართული ტრადიცია „ქართლის“, ხოლო უცხოელები „იბერიის“ სახელით იცნობენ. ეს მოხდა ძველი წელთაღრიცხვის IV—III საუკუნეოა მიჯნაზე და მის ჟუსემდებლად ქართული ისტორიული ტრადიცია მეფე ფარნავაზს მიიჩნევს. ეს იყო ნამდვილად

ახალი ეტაპი ქართულ სახელმწიფოებრიობის ზრდა-განვითარების ისტორიაში. აქამდე არსებული არცერთი ქართული სახელმწიფოს ფარგლებში, კერძოდ, არ გაერთიანებულა ისეთი ვრცელი ტერიტორია, არც ერთ მათგანს არ მიუღწევია ისეთი სიძლიერისათვის, როგორსაც მიაღწია ფარნავაზისა და მისი უშუალო უემკვიდრეების დროს (ძველი წელთაღრიცხვის III საუკუნე) ქართლის სამეფომ (იბერიამ). უკვე ფარნავაზის დროს, ძველი ქართული საისტორიო ტრადიციის თანახმად, ამ საქმის ფარგლებში ერთიანდებოდა მთელი აღმოსავლეთი (შიდა ქართლი, ქვემო ქართლი, კახეთი, აღმოსავლეთ საქართველოს მთიანეთი) და სამხრეთი (სამცხე, ჯავახეთი, კოლა, არტაანი, კლარჯეთი) საქართველო. ძველი ბერძენი ავტორის სტრაბონის ცნობის თანახმად, ძველი წელთაღრიცხვის II საუკუნეში ჩამოყალიბებული სომხური სამეფოების მიერ ამ სამეფოს ჩამოეჭრა სამხრეთით მდებარე მიწები — გოგარენე (ქვემო ქართლი), სორძენე (კლარჯეთი) და „პარიადრის მთის კალთები“ (ესაა გვიანდელი პარხალი) — სატალასა და ბაიბურთის ჩრდილოეთით გადაჭიმული მთის ქედი, რომელიც ზღვის სანაპიროს პარალელურად მიიმართება შებინყარაპისარიდან მდ. ჭოროხის შესართავისაკენ. პარიადრის მთიანეთი, ცნობილი სომეხი მეცნიერის ნიკოლოზ ადონცის მიხედვით მოიცავს ტათსა და სპერის (დღევანდელი ასპირის) ოლქებს. რაკი ძვ. წ. II საუკუნიდან ეს მიწა-წყალი ქართლის (იბერიის) მეფეებს დაუკარგავთ, უნდა დავასკვნათ, რომ უფრო ადრე, პირველ ფარნავაზიანთა ხანაში (ძვ. წ. III საუკუნე) იგი მათი სამეფოს შემადგენლობაში შედიოდა. ამრიგად, ეს უკანასკნელი ამ დროს შორს, სამხრეთ-დასავლეთით იყო გადაჭიმული. ამას გარდა, საკუთრივ ფარნავაზის მოღვაწეობის აღწერისას მის მიერ წარმოებული ომების ასპარეზად იხსენიება ისეთი შორეულ სამხრეთში მდებარე ოლქები, როგორცაა „ანძიანძორა“ და „ეკლეცი“ (ანტიკური წყაროების აკილისენა — მდ. ეფრატზე მდებარე რეკონი). ტრადიციას დაუცავს გადმოცემა ფარნავაზის უშუალო კონტაქტებზე პონტოს, სელევკიდების სამეფოებსა და მათ მმართველებთან, რაც აგრეთვე სამეფოს სამხრეთით შორ მანძილზე გავრცელებაზე მეტყველებს.

ამჟამად, ერთიანი ქართული სახელმწიფოს წარმოქმნა-  
წამოყალიბების საკითხთან დაკავშირებით, ზვენს ყურადღებას  
უფრო მეტად იქცევს საისტორიო ტრადიციის ის ცნობები,  
რომლებიც ფარნავაზის სამეფოს გავლენის სფეროში და-  
სავლეთ საქართველოს რიგი რაიონების შემოსვლაზეც მიგ-  
ვანიშნებს. ტრადიცია ქართლის სამეფოს ადმინისტრაციულ  
ოლქებად —საერისთავოებად ასახელებს, სამხრეთ და აღმო-  
სავლეთ საქართველოს ოლქებს გარდა, დასავლეთ საქართვე-  
ლოს ისეთ ოლქებს, როგორცაა არგვეთი, აჭარა. ფარნავაზის  
სუვერენობა, ტრადიციის თანახმად, სცნო აგრეთვე ეგრისის  
მმართველმა ქუჯიძემ.

ასეთი დიდი და ძლიერი სახელმწიფოს შექმნას, უნდა  
ვიფიქროთ, დიდად ხელი შეუწყო გვიანაქემენიდურ და აღ-  
რეელინისტურ ხანაში ნექმნილმა ხელსაყრელმა საერთა-  
შორისო ვითარებამ — სამხრეთში საკმაოდ არასტაბილური  
ვითარების არსებობამ, აქ არსებული დიდი სახელმწიფოების  
დასუსტებამ ან ჯერ კიდევ სტაბილურობას მოკლებული ახა-  
ლი სახელმწიფოების შექმნამ.

მართალია, მალე ეს ვითარება ქართლის (იბერიის) საზი-  
ანოდ შეიცვალა, მაგრამ პირველი ფარნავაზიანების ეპოქის  
ძლევამოსილებამ მნიშვნელოვანწილად განსაზღვრა ქართუ-  
ლი სახელმწიფოებრიობის შემდგომ განვითარებაში აღმო-  
სავლურ-ქართული გაერთიანების წამყვანი როლი. იგი გა-  
მონისატებოდა არა მარტო პოლიტიკურ ძლიერებაში, არამედ  
კულტურული თავისთავადობის დაცვასა და მაღალ განვითა-  
რებაში. უკანასკნელი ათეული წლების არქეოლოგიური სა-  
მუშაოები სულ უფრო უკეთოდ ავლენს ძველი იბერიის კულ-  
ტურის ბრწყინვალეობას.

ე. წ. ელინისტურ და მომდევნო — „რომაულ“ ხანაში და-  
სავლეთ საქართველოში შექმნილმა არასტაბილურმა მდგო-  
მარობამ (ერთიანი კოლხური სახელმწიფოს დაცემა და აქ  
უცხო სახელმწიფოებას — პონტოს, რომის — გაბატონება,  
მთიელი ტომების ჩამოსახლება...) კიდევ უფრო გამოკვეთი-  
ლი გახადა ქართლის (იბერიის) სამეფოს წამყვანი მდგომარე-  
ობა საქართველოს მიწა-წყალზე. ამ სამეფოს ახალი აღ-  
მავლობის ხანა ემთხვევა ახალი წელთაღრიცხვის პირველ-  
მეორე საუკუნეებს, განსაკუთრებით მეფე ფარსმან II-ის

დროს (II საუკუნის 30-იანი — 50-იანი წლები). ჩვენთვის ცნობილია, რომ ამ დროს ქართლის სამეფოს საზღვრები მეტად შორს იყო გაწეული სამხრეთ-დასავლეთით. ამ მიმართულებით სამეფოს ტერიტორია შავი ზღვის სანაპიროზე გასულა. ამით იგი სოლიდით შეიჭრა რომაელთა სამფლობელოში და ერთი მეორისაგან გათიშა ისინი სამხრეთ-აღმოსავლეთ შავიზღვისპირეთში და თანამედროვე დასავლეთ საქართველოს ტერიტორიაზე. დასავლეთ საქართველოდან ამ დროს ქართლის სამეფოში მტკიცედ შედიოდა არგვეთიც ცალკე საერისთავოს სახით. საერთოდ, ფარსმან II-ის დროს ქართლი უკვე ყოველგვარი შენიღბვის გარეშე ებრძვის რომს და ცდილობს მის განდევნას კოლხეთიდან და სხვა მეზობელი ადგილებიდან. ჩრდალეთ კავკასიაში მცხოვრებ მეთმარ ალანებთან (დღევანდელი ოსების წინაპრებთან) მტკიცე კავშირი ქართლის მმართველებს საშუალებას აძლევს ერთდროულად დაუპირისპირდნენ იმ დროს ძლევამოსილ სახელმწიფოებს — რომსა და პართიას. რომთან, სადაც ამ დროს იმპერატორად ადრიანე იყო, ფარსმანს გამწვავებული ურთიერთობა ჰქონდა და არც რეაგირებდა ადრიანეს ცდებზე გაუმჯობესებინა ეს ურთიერთობა, თავი დამოუკიდებლად ეჭირა და დათმობებზე წასვლას არ აპირებდა. მან ქედმაღლურად, როგორც ამბობს რომაელი ისტორიკოსი ელიუს სპარტიანი, უარი თქვა ადრიანეს მიწვევაზე მასთან გამოცნადებულიყო, მხოლოდ მომდევნო იმპერატორის, ანტონინუს პიუსის დროს ფარსმან II დიდი ამალით გაემგზავრა რომს, სადაც მას საზეიმო შეხვედრა მოუწყვეს — საპატიო სტუმარს ნება დართეს მსხვერპლი შეეწირა კაპიტოლიუმში, თვით იმპერატორი დასწრებია ფარსმანის, მისი ძისა და სხვა იბერიელი დიდებულების სამხედრო ვარჯიშობას, რომის ერთ-ერთ ტაძარში დაუდგამთ ცხენოსანი ფარსმანის ქანდაკება, და რაც მთავარია, იმპერატორს, როგორც მემატიანე ამბობს, „უცვნია იბერიის შორს გაწეული საზღვრები“. ქართლის (იბერიის) ამ ძლიერების ხანაში (I-II საუკუნეები) მან მართლაც დაიბრუნა სამხრეთით ადრე მის მიერ დაკარგული ბევრი ტერიტორია და მტკიცე პლაცდარმი ეპყრა დასავლეთ საქართველოშიც.

ძველი ქართული ისტორიული ტრადიცია დასავლეთ-სა-

ქართველოს მთელ რიგ რაიონებს, მათ შორის „ევრისს“ ქართლის სამეფოს შექადგენლობაში მყოფად მიიჩნევენ III ს. ქართლის ბლეირი ხელისუფლების მეფე ამაზასპის, IVს-ის პირველ ნახევარში მეფე მირიანის, მეფე ვარაზ-ბაკურის დროსაც (IV ს. მეორე ნახევარი) და სხვ.

აღმოსავლურ-ქართული სახელმწიფოს მესვეურებმა კიდევ ერთხელ სცადეს ქართული მიწების გაერთიანება როგორც ჩანს სახელოვანი ვახტანგ გორგასლის დროს, V საუკუნის მეორე ნახევარში. ბუნებრივია, რომ ეს ბიზანტიელთა („ბერძენთა“) წინააღმდეგ მიმართული აქცია იყო. რომაელთა მემკვიდრენი დასავლეთ საქართველოს თავის სამფლობელოდ თვლიდნენ. „ქართლის ცხოვრებამ“ დასავლეთ საქართველოსათვის ვახტანგ გორგასლის ბრძოლის არა ერთი ეპიზოდი შემოგვინახა. აფხაზეთში „ბერძენები“ (ბიზანტიელები) მტკიცედ ფეხმოკიდებულები ჩანან. ვახტანგის ბავშვობისას მათ ახალი წარმატებისათვის მიუღწევიათ: „გამოვიდეს ბერძენნი აფხაზეთით — ამბობს მემატთანე — რამეთუ ბერძენთა ჰქონდა ევრის-წყალს (ისტორიკოსები აიგივებენ დასავლეთ საქართველოს სხვადასხვა მდინარესთან — ენგურთან, ოხოჯასთან ან კიდევ ღალიძგასთან) ქუემოთი კერძი ყოველი, და დაიპყრეს ევრის-წყლითგან ვიდრე ციხე-გოჯამდე“ (დღევანდელი ნოქალაქევი სენაკის რაიონში). შემდგომ მეფე ვახტანგი ჩრდილო კავკასიაში — „ოსეთში“ გადავიდა და იქიდან, ჩრდილოეთიდან შეიჭრა აფხაზეთში და მთელი ეს ტერიტორია წაართვა ბიზანტიელებს. უნდა ვიფიქროთ, რომ ციხე-გოჯის აღმოსავლეთით დასავლეთ საქართველოს მიწები მთელი ამ დროის განმავლობაში იგულისხმება ქართლის სამეფოს შემადგენლობაში. ვახტანგის გამარჯვებებმა ბიზანტიის კეისარი აიძულა დათმობებზე წასულიყო — მან დაუბრუნა ვახტანგს საქართველოს რიგი ოლქებისა, აგრეთვე აფხაზეთის ნაწილი, სამაგიეროდ ამ უკანასკნელმა სცნო ბიზანტიელთა მფლობელობა აფხაზეთის დანარჩენ ჩრდილოეთ მხარეზე.

ამრიგად, უკვე ანტიკურ ხანაში და ადრეულ შუასაუკუნეებში მიმდინარეობდა საქართველოს სახელმწიფოებრივი გაერთიანებისკენ მიმართული პროცესი. ამ ეტაპზე წამყვან როლს ამ პროცესში ქართლის (აღმოსავლურ-ქართული, იბე-



რიის) სამეფო ასრულებდა. საბოლოო ჯამში ამან განსაზღ-  
ვრა ქართლის წამყვანი როლი ერთიანი ქართველი ხალხის  
წამოყალიბების პროცესშიც. ყველაფერ ამას თავისი საფუძ-  
ველი ჰქონდა. პირველ ყოვლისა ხაზი უნდა გაესვას იბერიის  
ეკონომიკურ სიძლიერეს. იგი თავის ფართოდ განვრცობილ  
საზღვრებში მაინც, მეტალურგიის, მიწათმოქმედების სხვა-  
დასხვა დარგების, მესაქონლეობის განსავითარებლად უფრო  
მეტ შესაძლებლობებსა და რესურსებს ფლობდა, ვიდრე კოლ-  
ხეთი, რომლის არა მარტო მთიანეთი, არამედ ბარის რაიონ-  
ებიც, დიდი ფართობას დაჭაობიანების გამო, შეზღუდული  
ეკონომიკური ბაზის მქონე რეგიონს წარმოადგენდა. სხვა  
შედეგებს შორის ამას ოემის დაშლისა და ქონებრივი და  
სოციალური დიფერენციაციის პროცესის შენელებაც უნდა  
გამოეწვია. მეკობრეობა, ტყვეებით ვაჭრობა, რომელიც ასე  
ფართოდ იყო გავრცელებული დასავლეთ საქართველოში არა  
მარტო ანტიკურ ხანაში, არამედ შუასაუკუნეებშიც, აგრეთვე  
იმ დროს ამ რეგიონის შეზღუდული ეკონომიკის ერთ-ერთ  
გამოვლინებას წარმოადგენს. ანტიკურ ხანაში კოლხეთის მო-  
სახლეობის მხოლოდ მცირე ნაწილი ავიდა კლასობრივი  
ურთიერთობის, სახელმწიფოებრიობის დონეზე. ეს იყო გან-  
ვითარებული ცხოვრებას ერთგვარი კუნძული, რომელიც გარ-  
შემორტყმული იყო ჯერ კიდევ ტომობრიობის პირობებში  
მცხოვრები მთიელთა მხით. მათზე ეფექტური კონტროლის  
დაწესება კოლხურმა სახელმწიფოებრიობამ ვერ შესძლო.  
პირიქით, აქ ბარი განაცდიდა მთიელთა მხრით მოძალეებას  
და შემოღწევას, რაც ხშირად თემური ტრადიციების აღორ-  
ძინებასაც უწყობდა ხელს ბარის განვითარებულ რაიონებ-  
ში.

სხვა ვითარება იყო ანტიკური ხანის იბერიაში. ეს იყო  
ძლიერი, საკმაოდ ცენტრალიზებული სახელმწიფო, რომელ-  
მაც ადვილად შეძლო ეფექტური კონტროლი დაეწესებინა  
აღმოსავლეთ საქართველოს მთიანეთის მოსახლეობაზე, სა-  
დაც მოსახლეობა, მართალია, განაგრძობდა თემური წყობი-  
ლებების პირობებში ცხოვრებას და ინარჩუნებდა ერთგვარად  
ავტონომიურ არსებობას აღმოსავლურ-ქართული სახელმწი-  
ფოს ფარგლებში, მაგრამ არა მარტო საფრთხეს არ უქმნიდა  
ამ სახელმწიფოს, არამედ ცენტრალური ხელისუფლების და-

საყრდენის როლს ასრულებდა მისი როგორც შინაგანი (ერის-  
თავები და სხვ.), ისე საგარეო მტრის წინააღმდეგ ბრძოლა-  
ში.

კოლხური (დასავლურ-ქართული) სახელმწიფოებრიობის  
შედარებითი სისუსტე განსაზღვრა აგრეთვე გარეშე ძალის  
(ელენისტური ხანის პონტოს სამეფო, რომი, ბიზანტია) თით-  
ქმის განუწყვეტელმა ბატონობამ ამ რეგიონში. ეს უკანასკ-  
ნელი უარყოფით როლს თამაშობდა კულტურულ განვითარ-  
ების ასპექტშიც — მაღალგანვითარებული ბერძნულ-რომა-  
ული კულტურა აშკარად ბოჭავდა აქ საკუთარი კულტურის  
წინსვლას, მაშინ როდესაც მეზობელი იბერია უკეთ ინარ-  
ჩუნებდა კულტურულ თავისთავადობას და უმკლავდებოდა  
უცხო კულტურის (ძირითადად ირანულის) მოძალეებას. ამი-  
ტომ იყო რომ ეროვნული (ქართული) ენის გამოყენებაზე აგე-  
ბული ეკლესიაც აღმოსავლეთ საქართველოში დამკვიდრდა  
(IV ს.) და მდიდარმა ქართულმა ლიტერატურამ იწყო განვი-  
თარება, მაშინ როდესაც დასავლეთ საქართველოში რამდე-  
ნიმე საუკუნის მანძილზე ქრისტიანულ მღვდელთმსახურება-  
ში მოსახლეობისათვის უცხო ბერძნული ენა იყო გაბატონე-  
ბული. შემდეგში ეს ვარემოებაც ერთ-ერთი დამატებითი  
ბერკეტი გახდა იმისათვის, რომ ქართველთა კონსოლიდაცია  
და ერთიანი ქართველი ხალხის ჩამოყალიბება ქართული ენის  
უპირატესობით წარმართულიყო. თუ გავიხსენებთ აღმოსავ-  
ლეთ საქართველოს შმართველთა ცდებს თავის გამგებლობის  
ქვეშ მოექციათ დასავლეთ საქართველო, აგრეთვე ამ რეგი-  
ონის მოსახლეობის მნიშვნელოვანი ნაწილის ქართულენოვ-  
ნებას, უნდა ვიფიქროთ, რომ ქართული ენის პოზიციები საკ-  
მაოდ მტკიცე უნდა ყოფილიყო რეგიონში უკვე ანტიკურ  
ხანაში, რომ იგი ბერძნულს წარმატებით უწევდა მეტოქე-  
ობას საურთიერთობო ენად გადაქცევაში. ალბათ ამით აიხ-  
სნება, რომ მალე (VIII—IX სს.) დასავლურ-ქართული ეკლესია  
ასე უმტკივნეულოდ გადავიდა ბერძნულიდან ქართულ ენაზე  
მღვდელთმსახურებაზე, ურარქიულად ბიზანტიურ ეკლესიას  
ჩამოშორდა და მცხეთის საკათალიკოსოს დაუკავშირდა.

ვახტანგ კორგასაღის მეფობა ქართლის სამეფოს უკან-  
ასკნელი ძლიერი გაბრძოლება იყო არა მარტო ერთიანი  
ქართული სახელმწიფოს შესაქმნელად, არამედ, როგორც მა-

ლე გამოირკვა, თვით ქართლის სამეფოს დამოუკიდებლობისა და ერთიანობის შესანარჩუნებლად. სულ უფროდაუფრო მძლავრად უტევდა ქართლს სასანიდური ირანი. მეორეს მხრივ, ბიზანტიამაც მალე აღუკვეთა ფენი ქართლის მმართველებს დასავლეთ საქართველოში და საკუთრივ იბერიის დაუფლების იმედებსაც არ კარგავდა. იმავედროულად ფეოდალიზაციის პროცესი იქ ემდენად შორს წავიდა, რომ მომძლავრებული ფეოდალური ზედაფენა ვეღარ ეგუებოდა ცენტრალურ ხელისუფლებას და სამეფოს ცალკეულ საფეოდალოებად — საერისთავოებად დანაწილებაზე ოცნებობდა.

ქართლის სამეფო სოციალურად საქართველოში უეჭველად ყველაზე განვითარებულ რეგიონს წარმოადგენდა. ასე იყო უკვე გვიანანტიკურ ხანაში. აქ ჩვენ სამეფო საგვარეულოს გვერდით ვხვდებით სამხედრო და სამთხელეო არისტოკრატიის ძლიერ ფენას. ორივენი, ქურუმობასთან ერთად, სულ უფროდაუფრო იქვემდებარებდნენ და ექსპლუატაციას უწევდნენ უშუალო მწარმოებელთა ფართო მასას. ვითარდებოდა მსხვილი კერძო ძიწათმფლობელობა — სამეფო საგვარეულოსა და სამხედრო-სამთხელეო არისტოკრატიის წარმომადგენლებს სამსახურისათვის სამემკვიდრეთ მფლობელობაში ეძლეოდათ მიწები. ანტიკურობიდან შუასაუკუნეებზე გარდამავალ ეპოქაში. სოციალურ ურთიერთობათა ეს სისტემა რაიმე კატასტროფას კი არ განიცდის, არამედ ტრანფორმაციას — გადადის ფეოდალურ ურთიერთობაში. იქმნება პრივილეგიური ფენა სამხედრო წოდების — აზნაურობის სახით. აზნაურობაშიც დიდი გრადაცია იყო. პირამიდის სათავეში იდგნენ ერისთავები — სამეფოს ცალკეული ოლქების („ქვეყნების“) მმართველები. „ქართლის ცხოვრება“ სწორედ მათ მიიჩნევს დამნაშავეებად ქართლში მეფობის ინსტიტუტის ლიკვიდაციასა და სამეფოს ფაქტობრივ დაშლაში, რათქმა უნდა, მეზობელ დიდ სახელმწიფოებთან — ირანთან და ბიზანტიასთან კავშირში. VI საუკუნის ამბების გადმოცემისას წყარო მოგვითხრობს, რომ ქართლის ერისთავნი ერთობლივ სთხოვენ „ბერძენთა მეფეს“ (ე. ი. ბიზანტიის კეისარს) გამოუგზავნოს მათ მმართველად ვინმე ქართლის მეფეთა ნათესავთაგან, „რათა იყვნენ ერისთავნი იგი თვის-თვისა საერისთავოსა შეუცვალებლად“. და მართლაც მათ მმართველად

მოვევლინა ქართველ ბაგრატიონთა საგვარეულოს მამამთავარი გურამ კურაპალატი. იგი „კეთილად და უშფოთველად“ მეფობდა, თუმცა „ერისთავნი ქართლისანი ვერ სცვალნა საერისთავოთაგან მათთა, რამეთუ სპარსთა მეფისაგან და ბერძენთა მეფისაგან ჰქონდეს სიგელნი მკვიდრობისათვის საერისთავოთა მათთა“ — ამრიგად ერისთავები თავიანთ საერისთავოებში მემკვიდრეულ მმართველებად და მფლობელებად იქცნენ. ბაგრატიონთა საგვარეულოს მემკვიდრეულ სუბბატ დავითის ძე ამავე ეპოქაზე ლაპარაკისას აღნიშნავს: „ხოლო ვინაითაგან მოაკლდა მეფობა შვილთა გორგასლისათა, მით ჟამითგან ეყვრა უფლება ქართლისა აზნაურთა...“, მთელი ქართლის მასშტაბით მეფის ინსტიტუტი შეცვალა ერისმთავრის ინსტიტუტმა. ერისმთავრები არა ერთმმართველებს, არამედ „ტოლთა შორის პირველებს“ (primus inter pares) წარმოადგენდნენ. ისინი, როგორც წესი, ბიზანტიურ ტიტულებს (პატრიკიოსი, კურაპალატი) ატარებდნენ. ბუნებრივია, ამ პოლიტიკურ მოვლენებთან ერთად ფართოვდებოდა და ღრმავდებოდა აზნაურების მიერ მწარმოებელი საზოგადოების დაყმევება-დამორჩილების პროცესი. VIII ს-ში ქართლის მმართველმა არჩილმა აღიარა ერისთავთა „ხელმწიფობა“ საერისთავოებში. ქვეყნის ერთი ნახევარი მან საკუთრებად დაიტოვა, მეორე კი ერისთავებს გადასცა, მაგრამ არა პირობით და დროებით, არამედ მკვიდრად და სამამულოდ. სპეციალისტები საქართველოს ამ რეგიონში ამ დროისათვის უკვე განვითარებული ფეოდალური ურთიერთობის არსებობას ვარაუდობენ.

ასეთმა საგარეო და საშინაო ვითარებამ ქართლის სამეფო დიდი ხნით გამოორიცხა ქვეყნის გაერთიანების პრეტენდენტთა წრიდან. ამისი ინიციატივა სხვა, უფრო ახალგაზრდა პოლიტიკური წარმონაქმნების ხელში იწყებდა გადასვლას.

სწორედ ამ მხრივ იქცევს ამიერიდან ყურადღებას დასავლეთ საქართველოში არსებული ვითარება. ეს რეგიონი მნიშვნელოვანწილად გადაურჩა იმ ძნელბედობას, რომელიც თავს დაატყდა ქვეყნის აღმოსავლეთ ნაწილს, ჯერ ირანის, ხოლო შემდეგ არაბთა ზატონობის სახით. მართალია დასავლეთ საქართველოში ბიზანტია ვაბატონდა, მაგრამ, მისი უღ-

ლის ქვეშ მყოფთა აღიარებითაც, მისი ბატონობა ბევრად ადვილი შესაგუებელი იყო, ვიდრე აღმოსავლეთის ისეთი დიდი იმპერიებისა, როგორც ჯერ ირანი და შემდეგ არაბთა სახალიფო იყო.

ახალი წელთაღრიცხვის დასაწყის საუკუნეებში დასავლეთ საქართველოში არსებობთ ცვლილებები ხდება. ადგილი აქვს მთიელი ტომების მასობრივ ჩამოსახლებას და მათი აქტიური მონაწილეობით ახალი ადრეკლასობრივი წინაფეოდალური პოლიტიკური ერთეულების ჩამოყალიბებას — ასეთებია, კერძოდ, ლაზთა სამეფო, აფშილების, აბაზგების და ზოგი სხვა სამთავროები. ამათგან IV საუკუნისათვის დიდად დაწინაურდა ლაზთა სამეფო. მათი მმართველები იმორჩილებდნენ ჩრდილოეთ კოლხეთის მთიელ ტომთა გაერთიანებებს (აფშილებს, აბაზგებს, სვანებს). ფეოდალიზაციის პროცესი აქ შედარებით ნელი ტემპით მიმდინარეობდა. ამის ერთერთი მიზეზი უნდა იყოს ზემოთ უკვე აღნიშნული ეკონომიკურად ამ რაიონების შედარებითი სიმწირე, რასაც საგულდაგულოდ ზაზს უსვამენ VI ს. ბიზანტიელი ავტორები (მაგალითად, პროკოპი კესარიელი). უშუალო მწარმოებლის — მიწისმოქმედის ექსპლუატაციის შესაძლებლობა აქ, ჩანს, საკმაოდ შეზღუდული იყო. ამიტომ ლაზთა სამხედრო-გვაროვნული არისტოკრატია თავის გაზრდილ მოთხოვნილებას სხვა გზებით იკმაყოფილებდა, კერძოდ ხარკავდა მათ მიერ დამორჩილებულ მეზობელ გაერთიანებებს, თავს ესხმოდა სუსტ მეზობლებს და ეწეოდა ტყვეებით ვაჭრობას. ზოგიერთი ცნობა ჩვენ მიგვანიშნებს ლაზებს შორის გვაროვნული წყობილების ცალკეული ინსტიტუტების შემორჩენაზე — ასეთია „სახალხო კრების“ ინსტიტუტი (გავიხსენოთ ამგვარი კრების მოწვევა ბიზანტიელი სარდლების მიერ ლაზთა მეფის გუბაზის ვერაგულად მოკვლის გამო საგარო-პოლიტიკური ორიენტაციის საკითხის გადასაწყვეტად არქეოპოლისში — ძველ ციხე-გოჯში (ახლ. ნოქალაქევი). ასევე ამ თვალსაზრისით ნიშანდობლივია ლაზთა სამეფო ტახტის მემკვიდრეობის არც თუ მტკიცედ დადგენილი წესი, რაც საერთოდ დამახასიათებელია განუვითარებელი კლასობრივი საზოგადოებისათვის, როდესაც სამეფო საგვარეულო სამეფოს უყურებს როგორც თავის საგვარეულო საკუთრებას. ამიტომაც ტახტზე

უფრო ხშირად გარდაცვლილი მეფის ძმები ადიან, ვიდრე შვილები. ივ. ჯავახიშვილი ამ მხრივ ლაზთა სამეფოში VI-ს-ში არსებულ ვითარებას უდარებდა სტრაბონის ცნობით იბერიაში დიდი ხნის წინ (ქველი წელთაღრიცხვას III-II საუკუნეებში დამოწმებულ ვითარებას.

კიდევ უფრო „ახალგაზრდული“ უნდა ყოფილიყო ვითარება სოციალური განვითარების თვალსაზრისით ლაზების ჩრდილოეთის მეზობელთან — აფშილებთან და განსაკუთრებით, აბაზგებთან — აფხაზების ამ წინაპრებთან. აბაზგებს VI ს-ში ორი მთავარი ფოლიათ, ერთი ქვეყნის დასავლეთ ნაწილში, მეორე აღმოსავლეთში. ორივენი ძირითადად თანამემამულეთა რომაელთა ქვეყანაში გაყიდვით იყვნენ დაკავებულინი, რის გამოც აბაზგებმა „ორივე მეფე მოსპეს და გადაწყვიტეს თავისუფლად ეცხოვრათ“ (პროკოპი კეისარიელი). შემდეგ, ბიზანტიელი მმართველების მიერ შევიწროებულებმა, რომლებიც მათ „ახალ-ახალ რაღაც წესებს ემყარებოდნენ“, აბაზგებმა იმიამ „შიშით, რომ ამიერიდან რომაელთა მონებად არ გამხდარავენ“, კვლავ დაიყვნეს. მთავრები ამრიგად, ჩვენს წინაშე რიგითი მეთემეების ისეთი აქტივობა, რომელიც ყველაზე უფრო სახელმწიფოებრიობის ზღურბლზე მდგომ საზოგადოებას შეპყრის. VII ს-ში კი ყალიბდება უცილობლად ერთიანი, საკმაოდ მძლავრი და დამოუკიდებელი აფხაზთა საზოგადოება — უეჭველია, ადრეკლასობრივი სახელმწიფო ერთეული. ასეთი სახელმწიფო იმითაც ხასიათდება, რომ ხელისუფლებას ჯერ კიდევ ფართო დასაყრდენი გააჩნია თავისუფალ მეფემთა მრავალრიცხოვანი მასის სახით. აფხაზთა საზოგადოებაში თემური საკუთრებისა და თემობრიობის ტრადიციების ხვედრითი წონის განმტკიცებისათვის ხელი უნდა შეეწყოს მის შემადგენლობაში ჩრდილოეთით მდებარე და სოციალურ-ეკონომიკური ნიშნით კიდევ უფრო „ახალგაზრდული“ საზოგადოებების მომცველი ვრცელი რეგიონის შესვლას. VIII ს-ში აფხაზეთის საზღვარი ჩრდილოეთით ნიკოცოხამდე აღწევდა (ტუაფსეს ჩრდილოეთით, დღევ. ნენეფსუზოს შესართავთან) და, შეიძლება, კიდევ უფრო ჩრდილოეთითაც მდებარეობდა (ქართულ წყაროებს ეს საზღვარი გაჰყავთ „ხაზარეთის მცირე მდინარეზე“, ე. ი. ყუბანზე).

სწორედ ამ ფაქტში უნდა ვეძებოთ აფხაზეთის მთავრების ძალა. სწორედ ფეოდალური ურთიერთობის შედარებითი განუვითარებლობა, სოციალურად მცირედდიფერენცირებული საზოგადოების და თავისუფალ მწარმოებელთა ფართო მასის არსებობა განსაზღვრავდა აფხაზთა მთავრების დასაყრდენი ბაზის სიფართოვეს. ამან, უნდა ვიფიქროთ, გადამწყვეტი როლი შეასრულა აფხაზთა სამთავროს შემდგომ წარმატებებში — მთელი დასავლეთი საქართველოს გაერთიანებაში მათი ჰეგემონობით.

აფხაზთა სამთავროს ამ წარმატებას ხელი შეუწყო ბიზანტიასთან ჭიდილში ლაზთა სამეფოს დასუსტებამ. ბიზანტიელებმა აქაც მეფის ხელისუფლების გაუქმება მოახერხეს. აფხაზთა სამთავროს წარმატება: განსაზღვრა აგრეთვე მჭიდრო მეგობრული ურთიერთობის დამყარებამ ჩრდილო კავკასიის მიწა-წყალზე არსებულ ხაზართა ძლიერ გაერთიანებასთან. სწორედ მათი დახმარებით აფხაზთა მთავარმა ლეონ II-მ 786 წელს მოახერხა მთელი დასავლეთ საქართველოს განთავისუფლება „ბერძენთაგან“ (ე. ი. ბიზანტიისაგან) და მთელი ამ რეგიონის გაერთიანებას ჩაუდგა სათავეში „აფხაზთა მეფის“ ტიტულით. ცნობილი ძველი ქართული საისტორიო წყარო „მატიანე ქართლისა“ აღნიშნავს: „ხოლო რაჟამს მოუძღვრდეს ბერძენნი, გადგა მათგან ერისთავი აფხაზთა, სახელით ლეონ, ძმისწულა ლეონ ერისთავისა, რომლისად მიეცა სამკვიდროდ აფხაზეთი. ესე მეორე ლეონ ასულის წული იყო ხაზართა მეფისა, და ძალითა მათითა გადგა ბერძენთა, დაიპყრა აფხაზეთი და ეგრიისი ვიდრე ლიხამდე, სახელ-იდვა მეფე აფხაზთა...“ თავისა სამეფოს დედაქალაქად ლეონ II-მ ქუთაისი გაიხადა.

სამეფოს მოსახლეობა უპირატესად ქართული იყო (მეგრელ-სვანები, ქართვები) და, ბუნებრივია, იგი ქართულ პოლიტიკურ ერთეულს წარმოადგენდა, თუმცა აფხაზები და მათი ჩრდილოკავკასიელი მეზობლებიც მასში აქტიურ როლს ასრულებდნენ. ბერძენებთან ბრძოლაში განთავისუფლებული ქვეყანა კულტურულადაც ქართული უნდა ყოფილიყო. სხვა ალტერნატივა არ არსებობდა. დასავლეთ საქართველოს ქრისტიანული ეკლესია გაქართულდა, მოიცვილა ბერძნულ ეკლესიისაგან დამოკიდებულება, სამეფოში ურთიერთობის, სა-

იმავდროულად, სამხრეთ-დასავლეთ საქართველოში ჩამოყალიბდა მეორე დიდი ქართული პოლიტიკური ერთეული, რომელმაც „აფხაზთა სამეფოსთან“ ერთად გადამწყვეტი როლი შეასრულა ერთაწა ქართული სახელმწიფოს შექმნაში. ეს იყო ტაო-კლარჯეთის სამეფო. ქართლის უკანასკნელი ერისმთავარი აშოტ ბაგრატიონი გამოექცა არაბთა ხელისუფლებას და არტანუჯში დამკვიდრდა. მან დაიქვემდებარა მეზობელი თემები, ბიზანტიის მფარველობაში შევიდა და ჩამოაყალიბა ახალი სამთავრო, რომელსაც ქართველთა სამთავრო (საკურაპალატო, სამეფო) ეწოდა — ბიზანტიის კეისარმა აშოტს კურაპალატის მაღალი წოდება უბოძა. იგი დღეს უფრო მეტად ცნობილია ტაო-კლარჯეთის სამეფოს სახელწოდებით. ეს ამბავი VII-IX საუკუნეთა მიჯნაზე მოხდა.

აქ, ამ პოლიტიკურ ერთეულში, ისევე როგორც ქართლში, რომლის გამონაყოფსაც იგი წარმოადგენდა, განვითარებული ფეოდალური ურთიერთობა იყო გამეფებული. თანდათან მასშიც შემდგომი ფეოდალური დეცენტრალიზაციის პროცესი მიმდინარეობდა. სამთავრო ორად გაიყო — ტაოსა და კლარჯეთის სამთავროებად. ბიზანტიის კეისართაგან ტაო-კლარჯეთის ხელისუფლისათვის ბოძებული „კურაპალატის“ ტიტული ამის შემდეგ ტაოს მმართველ სახლში დამკვიდრდა. ისინი ატარებდნენ აგრეთვე უმაღლეს ადგილობრივ ტიტულსაც — „ქართველთა მეფის“ ტიტულს. ტაოს ცენტრი ბანა გახდა, ხოლო კლარჯეთის ცენტრად დარჩა გაერთიანებული სამთავროს დედაქალაქი არტანუჯი. უფროსობა ტაოს აქვს და ნომინალურად ტაოს სახლი ითვლება უფროსად, თუმცა კლარჯეთი მისგან ფაქტობრივად სრული დამოუკიდებლობით სარგებლობს. კურაპალატს გარდა ბიზანტიელები გულისხვად ურიგებენ თავის საკარისკაცო ტიტულებს (მაგისტროსი, ანტიპატოსი, პატრიკიოსი) ამ სამთავროთა მფლობელი სახლის წევრებს. შემდეგში, თვით ძლევამოსილი დავით კურაპალატის დროს (IX ს-ის მეორე ნახევარი) ტაო-კლარჯეთის ბაგრატიონთა სამფლობელო ფაქტობრივად უკვე სამად იყო გაყოფილი და თითოეულ მათგანს ბაგრატიონთა საგვარეულოს გარკვეული შტოს წარმომადგენელი მართავდა. იმ დრო-



ის მხატვრული ლიტერატურის ძეგლებიდან, სხვა დოკუმენტებიდან ცნობილია თუ რა ენერგიით იღვწოდნენ ტაო-კლარჯეთის ფეოდალები აქაურ მიწისმოქმედთა დაყმევებისათვის. ერთი სიტყვით, ტაო-კლარჯეთი („ქართველთა სამეფო“) სოციალური განვითარების თვალსაზრისით შიდა და ქვემო ქართლთან ერთად ერთ რეგიონს ქმნიდა, სადაც განვითარებული ფეოდალური ურთიერთობა იყო დამკვიდრებული.

ცალკე სამთავრო ჩამოყალიბდა იმავე VIII-IX საუკუნეთა მიჯნაზე კახეთში. აქ ეს, ჩანს, მთიელი წანარების ჰეგემონობით მოხდა. კახეთში აქამდეც ძლიერი იყო თემური ან სამეფო მიწისმფლობელობის პოზიციები. მთიელთა ჩამონერგვამ, იგი, უნდა ვიფიქროთ, კიდევ უფრო გააძლიერა. ფეოდალურ ურთიერთობათა დონით და მაღალი პოლიტიკური ცენტრალიზაციით კახეთი აფხაზთა სამეფოსთან უფრო ახლო იდგა, ვიდრე ტაო-კლარჯეთთან და ქართლთან.

ასეთი იყო საქართველოს ტერიტორიაზე IX საუკუნისათვის ჩამოყალიბებული ძირითადი პოლიტიკური ერთეულები, რომელთა შორის მომდევნო პერიოდში გაიშალა ჭიდილი ქვეყნის გაერთიანებისათვის, ერთიანი ქართული სამეფოს შექმნისათვის.

პირველ ხანებში კახეთის სამთავრო აქტიურობდა, ხოლო შემდეგ დიდხანს ამ პროცესში „აფხაზთა სამეფო“ პირველობდა. ეს სწორედ ორივე ამ ერთეულის მეტი ცენტრალიზაციით, მათი დასაყრდენი ბაზის სიფართოვით იყო განპირობებული, ფეოდალიზაციის შეზღუდული ხასიათით — თავისუფალი უშუალო მწარმოებელთა ფენის მრავალრიცხოვნებით, თავისუფალ მთიელთა აქტიური მონაწილეობით ქვეყნის სამხედრო-პოლიტიკურ ცნოვრებაში.

ბრძოლები თავდაპირველად უპირატესად შიდა ქართლის დაუფლებისათვის სწარმოებდა. აშოტ ბაგრატიონის აქედან გახიზვნის შემდეგ ამ რეგიონის მფლობელები აქაური აზნაურები ჩანან, რომლებაც ხშირად კოლექტიურად გამოდიან ამა თუ იმ საგვარეულოს, ჩვეულებრივ ტბელთა საგვარეულოს მეთაურობით. ხან ამ „ქვეყანას“ ტაო-კლარჯეთის მმართველები იბრუნებენ, ხან მის ნაწილს კახეთის სამთავრო იერთებს, უმეტეს წილად კი იგი „აფხაზთა სამეფოს“ გამგებ-

ლობაშია ხოლმე. ამ ბრძოლებში დროდადრო, როგორც ცნობილია, მონაწილეობდნენ თბილისის საამიროც და სომხური გაერთიანებებიც.

გაერთიანებისათვის ბრძოლების ფინალი, როგორც უკვე აღვნიშნეთ, X საუკუნას უკანასკნელ მეოთხედზე მოდის. საბედნიეროდ ჩვენ ბევრი რამ ვიცით, როგორც ქართული, ისე უცხოური წყაროებიდან მომხდარი ამბების პერიპეტეიებისა და მასში მონაწილე პიროვნებების შესახებ. სამი დიდი პიროვნება წამოიმართება ჩვენს წინაშე ამ დიდი აქტის აქტიურ მონაწილედ — ტაო-კლარჯეთის განთქმული მმართველი დავით კურაპალატი, ქართლის მმართველი — აფხაზთა მეფის ნაცვალის იოანე მარუშის ძე და გაერთიანებული საქართველოს პირველი მეფე — ბაგრატ III. მათ შორის განსაკუთრებულ ზოტბას ასხავს ჩვენი დიდი ისტორიკოსი ივანე ჯავახიშვილი იოანე მარუშის ძეს — აღნიშნავს, რა რომ ქვეყანაში აშლილობა სუფევდა, აფხაზთა ძლიერ სამეფოს სათავეში ედგა ძალაუფლებას ფაქტობრივად ჩამოცილებული უსინათლო თეოდოსი, იგი დასძენს: „მმართველ მოწინავე წრეში საბედნიეროდ მაინც აღმოჩნდა შეგნებულთა ჯგუფი, რომელსაც ქვეყნის კეთილდღეობისათვის გული შესტკიოდა. ამ წრის საუკეთესო წარმომადგენელი, მისი სულის ჩამდგმელი და წადიერებათა თავგამოდებული განმახორციელებელი იოანე მარუშის ძე ყოფილა... მას „საქართველოს გაერთიანების გარკვეული და მტკიცე სურვილი ჰქონდა და ამის განსახორციელებლად საუკეთესო გზაც აირჩია. ტაოს მფლობელს დავით დიდ კურაპალატზე უკეთესად არავის შეეძლო ეს განხორციელებინა: იგი სააუღვანოქმული იყო ყველგან, როგორც შინ საქართველოში, ისე გარეთ სომხებსა, ბერძნებსა და არაბებს შორის ძლიერებით; და მაღალი სულიერი და ზნეობრივი თვისებებით; ამასთანავე მტკიცე და ძლიერი ხასიათის პატრონი იყო და თავის თავს არავის დააჩაგვრინებდა. რაკი მას შეიძლია არ ებადა, ამიტომ თავისი მახლობელი ნათესავი „ბაგრატ ძე გურგენისი გაეზარდა შვილად თვისად“; მაშასადამე, იგი არამც თუ ქართველთა მეფეთა სამფლობელოს მემკვიდრე იყო, არამედ ჭაოსაც; ხოლო თუ აფხაზთა მეფეების ტახტზე მართლაც ბაგრატს დასვამდნენ (დედით იგი აფხაზთა სამეფო კარსაც უკავშირდებოდა — გიორგი აფხაზთა მე-

ფის ასულის ძე იყო), მაშინ იგი გახდებოდა თითქმის მთელი გაერთიანებული საქართველოს ხელმწიფედ...”

იოანე მარუშის ძის მიწვევით დავით კურაპალატმა ილაშქრა ქართლზე და აქ მმართველად დასვა თავისი შვილობილი ბაგრატი, ბაგრატიონთა საგვარეულოს წევრი. აქედან წასვლისას თავაშვებულ ქართლის აზნაურებს მან უბრძანა: „ესე (ბაგრატი) არს მკვიდრი ტაოსა, ქართლისა და აფხაზეთისა, შვილი გაზრდილი ჩემი, და მე ვარ მოურავი მისი და თანაშემწე, ამას დაემორჩილენით ყოველნი“. ეს მოხდა 975 წელს. სამი წელი გაატარა აქ ბაგრატი, თუმცა ერთხელ მის მფარველს დავით კურაპალატს კვლევ მოუხდა აქ გამოლაშქრება, რადგანაც ქართლის ურჩმა აზნაურებმა კახელების დახმარებით დაატყვევეს ბაგრატი დედ-მამითურთ და კახეთში წაიყვანეს. დავით კურაპალატმა გაანთავისუფლებინა ტყვეები და კვლავ მმართველობის საჭესთან დააყენა ისინი.

ამასობაში იოანე მარუშის ძემ, ჩანს, მოამზადა ნიადაგი ბაგრატის „აფხაზთა სამეფოში“ (ე. ი. დასავლეთ საქართველოში) გასამეფებლად. მან დაიყოლია იქაური დიდებულები და ბაგრატი ახლა აფხაზთა მეფედ გამოაცხადა. ამრიგად 978 წელს ბაგრატი III გახდა ქართლთან ერთად მთელი დასავლეთ საქართველოს მმართველიც. თანდათან მტკიცდებოდა და ფართოვდებოდა მისი ძალაუფლება. 980 წელს თავისი უსინათლო ბიძა თეოდოსი — „აფხაზთა მეფე“ მან ტაოში დავით კურაპალატთან გააგზავნა და, როგორც ივ. ჯავახიშვილი დაასკვნის, „თითონ ქართლისა და აფხაზეთის (ე. ი. დასავლეთ საქართველოს, გ. მ.) ერთადერთ ბატონად გახდა... ამიერითგან საქართველოს გაერთიანების საქმე მტკიცე ხასიათისა და შეუდრეკელი ნების პატრონს მეფეს ჩაუვარდა ხელში“. შემდეგშიც არაერთი დაბრკოლების გადალახვა მოუხდა ბაგრატს — კვლავ შეეტაკა და სძლია ქართლის აზნაურებს, 989 წელს სძლია თრიალეთის, მანგლისის ხევის, სკორეთის, ატენის ციხის მფლობელს — ურჩ ფეოდალ რატის, რომელიც „არა მორჩილუდა ბაგრატი მეფესა“, მშვიდობიანად მოაგვარა გართულება დავით კურაპალატთან და მის მოკავშირეებთან (988 წ.).

გაუცნრუვდა ბაგრატს ტაოს მფლობელის დავით კურაპალატის მდიდარი მემკვიდრეობის მიღების იმედი. როგორც

ცნობილია, 979 წელს, ბასილი კეისრისათვის ბარდა სკლი-  
 აროსის აჯანყების დროს: აღმოჩენილი დახმარების სანაც-  
 ვლოდ კეისარმა დავითს კიდევ დიდი მიწა-წყალი უბოძა, მაგ-  
 რამ როდესაც ბასილი კეისრის წინააღმდეგ ფოკას აჯანყე-  
 ბის დროს (989 წ.) მან არასწორი არჩევანი გააკეთა — ამ  
 უკანასკნელის მხარეზე დადგა, მისი მოულოდნელი სიკვდი-  
 ლის შემდეგ იძულებული გახდა ბასილისათვის აღეთქვა, რომ  
 მთელი მისი სამფლობელოები მისი სიკვდილის შემდეგ მას,  
 ბასილი კეისარს, გადაეცემოდა. 1001 წ. დავით კურაპალატი  
 გარდაიცვალა. აღთქმა ასრულდა და ბაგრატმა ვერაფერი მი-  
 იღო კეისრისაგან გარდა ბიზანტიური ტიტულისა (კურაპა-  
 ლატი). სამაგიეროდ, შიმის — გურგენის გარდაცვალების შემ-  
 დგ 1008 წელს მის მფლობელობაში გადმოვიდა ტაოს ის  
 ნაწილი, რომელსაც გურგენი ფლობდა და ამასთან ერთად  
 ტიტული „მეფე ქართველთა“. 1008—1010 წლებში ბაგრატ  
 III-მ შეიერთა კახეთ-ჰერეთიც. ამას გარდა იგი მთლიანად  
 დაეუფლა კლარჯეთსაც, როდესაც მისი მფლობელნი — თა-  
 ვისი ნათესავნი „კლარჯეთნი ხელმწიფენი“ სამუდამოდ ცი-  
 ხეში გამოჰკეტა. დაიმორჩილა მან რანის მმართველი — გან-  
 ძის ამირა ფადლონიც, რამაც უფლება მისცა თავის ტიტუ-  
 ლატურაში „რანის მეფობაც“ შეეტანა. ამიერიდან იგი იწო-  
 დებოდა „მეფედ აფხაზთა, ქართველთა, რანთა და კახთა“.

ასე გაერთიანდა ქვეყანა — შეიქმნა ერთიანი ქართული  
 სახელმწიფო. მის გაჩეხე დარჩა ფაქტობრივად მხოლოდ  
 თბილისი, სადაც კვლავ არაბი ამირა იჯდა. იგი, როგორც  
 ცნობილია, მხოლოდ დადმა დავით აღმაშენებელმა დაუბრუნ-  
 ნა ქართულ სახელმწიფოს და მის დედაქალაქად აქცია (1122  
 წ.). მანამდე ერთიანი ქართული სახელმწიფოს დედაქალაქად  
 ქუთაისი რჩებოდა.

„ბაგრატ მეფის მტკიცე ხასიათმა, ბრძნულმა და წინდა-  
 ხედულმა მმართველობამ, ვაჟკაცურმა გულადობამ და შორს-  
 მჭვრეტელმა პოლიტიკამ, ამბობს ივ. ჯავახიშვილი, — სა-  
 ქართველო გააერთიანა და მის ძლიერებას მკვიდრი საფუძ-  
 ველი დაუდგა“. მართლაც, ძნელია გადაჭარბებულად შევა-  
 ფასოთ ამ 1000 წლას წინათ მომხდარი ეს დიდი მოვლენა.  
 საფუძველი ჩაეყარა დად და მტკიცე საერთო ქართულ სა-  
 ხელმწიფოს, რომელსაც, მართალია ჯერ კიდევ არაერთი

საფრთხე ელოდა მომავალში, მაგრამ რომელმაც სათავე დაუდო XI-XIII სს-ის ძლევამოსილ ქართულ სახელმწიფოებრიობას, დიდ კულტურულ აღმავლობას და ქვეყნის აყვავება-გაფურჩქვნას.

დაბოლოს, არ შეიძლება არ აღინიშნოს კიდევ ერთი მნიშვნელოვანი შედეგი, რომელიც მოჰყვა ამ მოვლენას — ესაა ერთიანი ქართველი ხალხის ჩამოყალიბების პროცესის დასრულება, ქართველური მოდემის ტომთა კონსოლიდაცია ერთიან ეთნო-სოციალურ ერთობად.

ერთგვარი პარადოქსია, რომ მიუხედავად იმისა — რომ ერთიანი ქართული სახელმწიფოებრიობის შექმნაში წამყვანი როლი უცნობლად დასავლურ-ქართულმა სახელმწიფომ („აფხაზთა სამეფომ“) შეასრულა, ერთიანი ქართველი ხალხის ფორმირების დამთავრება, რომელიც ამ პროცესს თან სდევდა, კვლავ აღმოსავლურ-ქართული ენისა და კულტურის დამკვიდრების ნიშნით მამდინარეობდა. ამ საქმეში იბერიული ფენომენის როლს ჩვენ ზემოთ ვაკვრიტ უკვე შევვებით. ანტიკური ხანის იბერია (ქართლის) სახელმწიფოებრივი და კულტურული სიმტკიცე და სიძლიერე ერთ-ერთი უმნიშვნელოვანესი ფაქტორია ერთიანი ქართველი ხალხის ჩამოყალიბების პროცესში. უკვე იმ ხანაში ჩაეყარა საფუძველი აღმოსავლეთ და დასავლეთ საქართველოს მოსახლეობის დაახლოების პროცესს.

შემდგომი ბიძგი ამ პროცესს IV-V სს-დან მიეცა, როდესაც აღმოსავლეთ საქართველოს მიწა-წყალზე დამკვიდრდა ქრისტიანობა, შეიქმნა ქართული ქრისტიანული ეკლესია და ქართული მწიგნობრობა. მომდევნო ხანაში ეს უკანასკნელნი უდიდესი ფაქტორები შეიქნენ დასავლეთ საქართველოს ახლო მონათესავე მოსახლეობის ქართლის მოსახლეობასთან დაახლოება-შერწყმაში. საქმე იმაშია, რომ დასავლეთ საქართველოში უცხოელთა ხანგრძლივი ბატონობის პირობებში მეტად ფეხმოკიდებული იყო კულტურის სფეროში დასავლური, ბერძნულ-რომაული გავლენა. პოლიტიკური დამოუკიდებლობისა და კულტურული თავისთავადობისათვის ბრძოლაში დასავლეთ საქართველოს მოსახლეობამ და მისმა მმართველებმა მძლავრი იარაღი ჰპოვეს ქართული ქრისტიანული ეკლესიისა და ქართული მწიგნობრობის სახით. ამ უკანასკ-

ნელთა მიერ ახალ-ახალი პოზიციების მოპოვება დასავლეთ საქართველოში სულ-ც არ უკავშირდება ძალის პოლიტიკას (აღმოსავლეთ საქართველოს ხელისუფალთ ამისათვის ამ დროს საჭირო ძალა არც გააჩნდათ). ამ მხრივ ინიციატორებად თვით დასავლეთ საქართველოს (VIII საუკუნის შემდგომი ნომენკლატურით „აფხაზეთის“) მმართველი წრეები გამოდიან. მათი პოლიტიკური მიზნების განხორციელება (ბიზანტიისაგან დამოუკიდებლობის მოპოვება და აღმოსავლეთ და სამხრეთ საქართველოს მიწების შემოერთება) მოითხოვდა ბერძნულისაგან კანსხვავებული ერთადერთი შესაძლებელი იარაღის — ქართული ეკლესიისა და ქართული მწიგნობრობის დანერგვას და ეს ასეც ხდებოდა. შემთხვევით არ არის ამიტომაც, რომ ტერმინი „ქართველის“ და „საქართველოს“ გაჩენა სწორედ X საუკუნეში ხდება სრულიად საქართველოსა და მისი მოსახლეობის აღსანიშნავად, ხალხის მთელი იმ წრის აღსანიშნავად, რომელიც ქართულ ქრისტიანობას, წირვა-ლოცვას ქართულ ენაზე მისდევდა. გავიხსენოთ X ს. ქართველი მწერლის გიორგი მერჩულეს ცნობილი გამოთქმა რომ „ქართლად ფრიადი ქვეყანაი აღირიცხების, რომელსაცა შინა ქართულითა ენითა ჟამი შეიწირვის და ლოცვაი ყოველი აღესრულების“ — ე. ი. ქართლია (საქართველო) ყველგან, სადაც ღვთისმსახურება ქართულ ენაზე სრულდება.

ამრიგად, საქართველო<sup>1</sup> გაერთიანებით დასრულდა დიდი ხნის წინათ დაწყებული პროცესი აღმოსავლეთისა და დასავლეთის ქართველთა შერწყმა-გაერთიანებისა. ამ დროიდან წარმოიქმნა ისტორიულად ჩამოყალიბებული ერთობა — ერთიანი... ქართველი ხალხი, მისი ერთიანი სახელმწიფოებრივი, სამწიგნობრო და საეკლესიო ქართული ენით. ერთიანი ქართველი ხალხის ჩამოყალიბების შედეგი იყო ამავე ხანებში ტერმინ „საქართველოს“ დამკვიდრება, რაც უკვე ერთ ხალხად ჩამოყალიბებულ ქართველთა ერთიან მიწაწყალს, სამშობლოს აღნიშნავდა“ (ნ. ბერძენიშვილი).

ეს გარემოებაც ჩვენი თაობის საპატიო მოვალეობად ხდის აღნიშნოს ერთიანი ქართული სახელმწიფოს ათასწლოვანი იუბილე.

მე-8-მე-10 საუკუნეებში ქართული სალიტერატურო ენის მნიშვნელობა ძალიან გაიზარდა. უკვე მე-9 საუკუნეში როგორც ტაო-კლარჯეთში, ისე კახეთში, ქართლსა და დას. საქართველოში ქართულ ენა იყო მწერლობის, სახელმწიფო მართვა-გამგეობის, სამოქალაქო ურთიერთობისა და ეკლესიის ერთადერთი ენა. ქრისტიანობის საშუალებით ქართული მწერლობის აყვავებამ იმდროინდელს ქართველ მოღვაწეებს ჩაუნერგა დედაენის დიდი ღირებულებისა და ღირსების შეგნება. მე-10 საუკუნის მწერალმა იოანე ზოსიმემ სპეციალური შესხმა, ოდა უძღვნა ქართულ ენას — „ქებაი და დიდებაი ქართულისა ენისაი“. ამ პიმნში ავტორი ქართულ ენას განსაკუთრებულ როლს აკისრებს მსოფლიოს ენათა შორის.

მე-9-მე-10 საუკუნეებშია დაწერილი ისეთი შესანიშნავი თხზულებები, როგორცაა „სერაპიონ ზარზმელის ცხოვრება“ ბასილი ზარზმელისა, ვიორგი მერნულის „გრიგოლ ხანძთელის ცხოვრება“ და სხვები. ეს ბიოგრაფიული თხზულებები დიდმნიშვნელოვანი ისტორიული წყაროებია. მათი საშუალებით ჩვენ ვსწავლობთ იმდროინდელ საქართველოს ყოფაცხოვრებას, მეურნეობას, საზოგადოებრივ წყობასა და კულტურის დონეს. ამავე დროს ამ ძეგლებში მაღალ განვითარებას მიაღწია ქართულმა სალიტერატურო ენამ. ამ მხრივ პირველ ადგილას დგას მერნულის ბრწყინვალე ლიტერატურული ნაწარმოები, დაწერილი 951 წელს.

იმდროინდელი ქართული ორიგინალური მწერლობიდან ცალკე აღსანიშნავია სასულიერო პოეზია ანუ ჰიმნოგრაფია, რომლის მთავარი წარმომადგენლები არიან მიქაელ მოდრეკელი, იოანე მინჩხი, იოანე მტბევალი და იოანე ზოსიმე. ეს მწერლები თავის ლექსებს წერდნენ იამბიკოსა და შაირის საზომებით. შაირის საზომი, როგორც ცნობილია, შემდეგში მწვერვალამდე აიყვანა რუსთაველმა. საყურადღებოა ისიც, რომ ამ ლექსებს ზოგჯერ თან ახლავს მუსიკალური ნიშნები ანუ ნოტები; ეს იმდროინდელი მუსიკაა, სასულიერო პოეზიისათვის დაწერილი.

ორიგინალური მწერლობის გვერდით ვითარდებოდა თარგმნილი მწერლობაც. ამ ხანაში სთარგმნიან უკვე არაბული ენიდანაც.

თარგმნილი მწერლობა მეტად მრავალფეროვანი იყო თავისი შინაარსით. მთარგმნელობის განვითარებას ხელს უწყობდა ის ვარემოება, რომ ქართველებს ამ დროს თავისი საკუთარი საზღვარგარეული კულტურული ცენტრები ჰქონდათ. უკვე მე-6 საუკუნეში ქართული ეკლესიები არსებობდა პალესტინაში, საბაწმინდის განთქმულ ლავრაში. ბევრი იყო ქართველი იმავე საუკუნეში შავ მთაზედაც, ანტიოქიის მახლობლად. მე-10 საუკუნეში დაარსდა განთქმული ქართული მონასტერი ათონის მთაზე, საბერძნეთში. თვითონ საქართველოშიაც სამონასტრო მოძრაობა დაიწყო მე-6 საუკუნეში, მაგრამ განსაკუთრებით გაიშალა იგი მე-8 საუკუნის დამლევებიდან. კერძოდ, ტალ-კლარჯეთში ამ ხანიდან ჩნდება ისეთი მნიშვნელოვანი საეკლესიო-კულტურული ცენტრები, როგორც იყო: ხანძთა, შატბერდი, თბილა, იშხანი, თშვი, წყაროსთავი, ბანა და სხვები. შინაურ ცენტრებს ცხოველი ურთიერთობა ჰქონდათ საზღვარგარეთულ ცენტრებთან.

თარგმნილ მწერლობაში აღსანიშნავია მეცნიერულ-ფილოსოფიური თხზულებები, როგორც, მაგალითად, გრიგოლ ნოსელის „კაცისა შესაქმნისათვის“, რომელიც მოთავსებულია განთქმულს შატბერდის კრებულში მე-10 საუკუნისა. ფილოსოფიის ცოდნა იმ დროს უკვე სავალდებულოდ ითვლებოდა განათლებული კაცისათვის. გრიგოლ ხანძთელს, მაგალითად, რომელიც ცნობილი ჩერსე ქართლის ერისთავის კარზე იზრდებოდა მე-8 საუკუნის სამოცდაათიან წლებში, ჯერ ზეპირი გზით შეუთვისებია ცოდნა („ხმითა სასწავლელი“ „ზეპირით მოიწვრთნა“, ამჟღის მისი ბიოგრაფი), შემდეგ ქართლის გარდა მრავალ სხვა ენაზედაც უსწავლია მწიგნობრობა და ამრიგად შეუძენია როგორც საეკლესიო, ისე საერო, კერძოდ – ფილოსოფიურა განათლება.

მაშინდელი მწერლები, დროის შესაფერისად, დიდად განათლებული ადამიანები იყვნენ. მოცემულ ხანაში წარმოიშვა ქართული ფილოსოფიური აზროვნების ისეთი შესანიშნავი ნაწარმოები, როგორცაა „სიბრძნე ბალავარისა“. „ბალავარის სიბრძნე“ არის ქართველი მწერლის მიერ და-



მუშავებული აღმოსაკლერი თქმულებები ბუდას შესახებ ქართული „ბალავარის სიძრძნე“ თავისი ღრმა აზრებისა და წარმტაცი მხატვრული ხერხების წყალობით ცნობილი გახდა მთელი ქრისტიანული სამყაროსათვის. განთქმულმა ქართველმა მოღვაწემ ექვთიმე ათონელმა მე-11 საუკუნეში ეს ნაწარმოები ბერძნულად გადაიღო, ხოლო ბერძნული ენიდან იგი იმავე მე-11 საუკუნის პირველსავე ნახევარში გადაითარგმნა ლათინურადაც და მთელ ევროპას მოედო.

ამავე დროს, საქართველოში, ჩანს, არსებობდა საერთო მხატვრული მწერლობა, კერძოდ — თარგმნილი პოეტური ძეგლები, მაგრამ მათგან მხოლოდ პატარა ნაწყვეტებია დარჩენილი. თვალსაჩინო გავლენა მოუხდენია ამ საერთო მწერლობას საისტორიო და საეკლესიო მწერლობაზე.

შესანიშნავ განვითარებას მიაღწია ამ ხანაში ქართულმა ხელოვნებამაც, კერძოდ — არქიტექტურამ. იმდროინდელი ქართული ხუროთმოძღვრების ძეგლები, როგორცაა ოშკი, ხახული და მრავალი სხვა ახლაც აკვირვებს მნახველს თავისი სიდიადითა და სილამაზით.

თ ა ვ ი IV

საქართველო ვე-11—მე-12 საუკუნეებში

§ 39. საქართველოს პოლიტიკური თავგადასავალი  
მე-11 საუკუნეში

საქართველოს გამაერთიანებელი მეფის — ბაგრატ მესამის მემკვიდრე მისი შვილი გიორგი იყო. გიორგი პირველიც მცირეწლოვანი გამეფდა. ქართლ-კახეთის დიდგვაროვანმა ბზნაურებმა ამ გარემოებით ისარგებლეს: კახეთიდან გააძევეს ბაგრატ მესამის მოხელეები და თავისი წინანდელი მმართველი მიიწვიეს. ამგვარად, კახეთ-ჰერეთი გაერთიენებულ საქართველოს ისევ ჩამოშორდა.

გიორგი პირველმა თავისი ყურადღება სამხრეთ საქართველოსაკენ მიმართა. მან ისარგებლა შემთხვევით, რომ ბიზანტიის კეისარი ბასალი 1014 —1016 წლებში ბულგარელებს ეომებოდა და, დავით კურაპალატის ყოფილი სამფლობელოს შემოსაერთებლად, ბიზანტიის საზღვარი გადალახა. ქართველებმა ტაო დაიპყრეს.

როცა კეისარმა მოიცალა, გიორგის ტაოს დაცლა მოსთხოვა, გიორგი მეფემ არამც თუ ეს წინადადება უარყო, არამედ მაჰმადიან მფლობელებთან საიდუმლო მოლაპარაკებაც კი დაიწყო, რომ შეერთებული ძალით ბიზანტიის წინააღმდეგ გაელაშქრათ. ბასილ კეისარს ეს არ გამოჰპარვია და 1021 წ. ის მრავალრიცხოვანი ჯარით უეცრად დაიძრა საქართველოსაკენ. გიორგიც იძულებული იყო მტრის წინააღმდეგ საჩქაროდ აშხედრებულყო. ბრძოლა ბასიანში უნდა მომხდარიყო, მაგრამ ქართველებმა უბრძოლველად უკან დაიხიეს ჯერ ოლთისში, ხოლო იქიდან კოლას. ბიზანტიის ჯარი უკან მოსდევდა. სოფელ შირიმში დიდი ბრძოლა მოხდა, რომელშიც ბევრნი დახოცნენ, მათ შორის გამოჩენილი ქარ-

თველი სარდლები რატი ლიპარტის ძე და ხურცი. ქართველები დამარცხდნენ.

გიორგიმ აქედანაც დაიხია, ჯერ არტაანში მოვიდა, შემდეგ სამცხეში. ბასილა ჯავახეთის გზით ცდილობდა დასწეოდა ქართველებს და გზადაგზა ქვეყანას აოხრებდა. გიორგი იძულებული იყო უკვე თრიალეთში გადასულიყო, სადაც მას მემკვიდრე ჯარი დახვდა. ახლა კი ბიზანტიის კეისარმა უკან დახვეა და შინ დაბრუნება გადაწყვიტა. საზამთროდ მან ქ. ტრაპიზონის მახლობლად დაიბანაკა და დასავლეთ საქართველოში შესასვლად ხომალდებს ამზადებდა.

ამავე დროს საზავო მოლაპარაკებაც წარმოებდა, მაგრამ გიორგი მეფე მოლაპარაკებას აჭიანურებდა და ხელსაყრელ დროს არჩევდა, რომ ბიზანტიისათვის დაერთყა. მაშინ კეისარმა დაასწრო — კვლავ ომი ატყდა, რომელშიაც ქართველები ისევ დამარცხდნენ. 1023 წ. გიორგი პირველი იძულებული იყო მეტად მძიმე ზავის პირობებს დასთანხმებოდა: მას დავით კურაპალატის სამფლობელო ტაოს, კოლა-არტაანსა და ჯავახეთში კეისრისათვის უნდა დაებრუნებინა და ამას გარდა თავისი მცირეწლოვანი შვილი ბაგრატიც სამი წლით მიჰვლად მიეცა ბიზანტიის მთავრობისათვის.

გიორგი პირველი გარდაიცვალა 1027 წ. და მის მავიერ სამეფო ტახტზე ავიდა მცირეწლოვანი ბაგრატი, რომელიც ბიზანტიიდან ახალი დაბრუნებული იყო.

ბაგრატს შინაურობაში აწეწილ-დაწეწილი საქმეები და დამარცხებული ქვეყანა ერგო მემკვიდრეობად. ყველაზე მეტად მეფეს საქმეს ურთულებდა დიდგვარიან აზნაურთა ორჭოფული და ვერაგული მოქმედება. ტაოელი აზნაურები სახელმწიფო ღალატსაც არ ერიდებოდნენ. 1027 წ. ისინი ბიზანტიელთა მხარეზე გადავიდნენ და თავისი ყველა ციხე მტერს გადასცეს.

1028 წ. საქართველოს ბიზანტიის ჯარი შემოესია და ქვეყნის აოხრება დაიწყო. ასეთ დროსაც აზნაურებმა თავისი ორჭოფული ქცევით ბიზანტიელებს საქმე გაუადვილეს. ქვეყანა დიდ განსაცდელში იყო ჩავარდნილი, მაგრამ მცირეწლოვან მეფეს ერთგული ხალხიც ჰყავდა. მათ შორის განსაკუთრებით თავი ის აქელა ეპისკოპოსმა საბა მტბევეარმა, რომელმაც ტბეთში (შაკუთშია) ციხე ააგო, მცხოვრებლები-

საგან ჯარი შექმნა და მტერს მედგრად დახვდა. მალე შესაძლებელი გახდა სამშვიდობო მოლაპარაკების დაწყება, რომელსაც საქართველოს მხრივ ბაგრატის დედა, მარიამ დედოფალი აწარმოებდა. ბიზანტიის კეისარმა ბაგრატ მეოთხეს თავისი ასული ელენე შიათსოვა ცოლად და მებრძოლი ქვეყნები დაზავდნენ.

მალე ბიზანტიამ ისევ დაიწყო მტრული მოქმედება საქართველოს წინააღმდეგ. 1032 წ. ბიზანტიელები შეუზღუდნენ ბაგრატის ნახევარძმას დემეტრეს; ისიც კეისართან გაიქცა და ანაკოფიის ციხე აუხაზეთში ბერძნებს გადასცა. ბაგრატს ამ დროს თბილისის ამირას წინააღმდეგ ჰქონდა ბრძოლა დაწყებული და აფხაზეთისათვის არ ეცალა.

1032 წ. ქართლის დიდმა ფეოდალებმა კლდეკარის ერისთავმა ლიპარიტ ლიპარიტის ძემ და ივანე აბაზას ძემ თბილისის ამირა ხელში შაივდეს და მას ბირთვისის ციხე წაართვეს. მაგრამ ლიპარიტის მოწინააღმდეგე დიდგვარიანთა წაგონებით მცირეწლოვანმა ბაგრატმა ამირა გაათავისუფლა. თბილისი ისევ ამირას დარჩა.

1037 წ. თბილისის დაპყრობა კვლავ საზრუნავი გახდა. ბაგრატ მეოთხემ, კახთა მეფის მეშველ ჯართან ერთად, თბილისს ალყა შემოარტყა. ეს გარემოცვა ორი წელი გაგრძელდა, რის გამოც ისეთი შიმშილობა მივინვარებდა ქალაქში, რომ, იმდროინდელი ისტორიკოსის თქმით, მოქალაქეები ერთ ლიტრა ვირის ხორცში ხუთას დრამას აძლევდნენ. (ლიტრა — წონის ერთეული, უდრიდა 300—400 გრამს).

თბილისის ამირამ უკვე გადაწყვიტა გაქცეულიყო, მაგრამ ამ შემთხვევაშიც ბაგრატმა მოულოდნელად, ლიპარიტისათვის შეუტყობინებლივ, 1039—40 წწ. ზავი დასდო ამირასთან. ამ ამბავმა ლიპარიტის უკმაყოფილება გამოიწვია მით უმეტეს, რომ ბაგრატ მეფის ხაჭიელი ლიპარიტის მოწინააღმდეგე დიდგვარიან აზნაურთა ოსინების შედეგად იყო.

დამოკიდებულება ბაგრატ მეფესა და ლიპარიტს შორის იმდენად გამწვავდა, რომ, თუმცა ამის შემდეგ ბაგრატმა კახეთში ძლევამოსილი ომი გადაიხადა, მაგრამ, შინაური მტრის შიშით, მეფე იძულებული გახდა კახეთიდან უკან დაეხია. სწორედ ამ დროს, 1044—5 წელს, მათ შორის უკვე აშკარა ბრძოლა ატყდა.



ლიბარტი ძლიერი პიროვნება და განთქმული სარდალი იყო, ცნობილი მთელს მახლობელ აღმოსავლეთში. ბიზანტიელებიც და მაჰმადიანი მმართველებიც მას დიდი პატივისცემით ეპყრობოდნენ. ბიზანტიის მთავრობა ცდილობდა, რომ ის საქართველოს მეფის წინააღმდეგ გამოეყენებინა და ამიტომ მის მხარეზე იყო.

ბაგრატ მეფე კარგად გრძნობდა ლიბარტის ძალას. შეურიგდა მას და ქართლის ერისთავადაც კი დანიშნა. ამ დროიდან მცირე ხნით მაინც მშვიდობა დამყარდა.

1045 წ. ქ. ანისის „ბერებმა“ (მოქალაქეთა უფროსებმა) ბაგრატს ანისი და ცხრა ციხე შესთავაზეს. ბაგრატმა სომხეთის სამეფოს ეს ყოფილი დედაქალაქი და ციხე ჩაიბარა და იქ თავისი მოხელეები ჩააყენა მეციხოვნე ჯარით.

1046 წ. თბილისის ამირას გარდაცვალების გამო, თბილისის „ბერებმაც“ ბაგრატ მეფეთზე თბილისში მიიწვიეს და საქართველოს ძველი დედაქალაქი გადასცეს მას, როგორც საქართველოს მეფეს. მაგრამ ლიბარტი მეფეს კვლავ აუჯანყდა. ლიბარტის მოლატურმა მოქმედებამ საქართველოს ანისიც დააკარგვინა და თბილისიც ხელიდან გამოაცალა.

ახლა უკვე მეფესა და ლიბარტს შორის გაჩაღდა დაუნდობელი ბრძოლა, რომელიც ათ წელიწადზე მეტი გაგრძელდა. ლიბარტი თვითონაც ძლიერი ფეოდალი იყო და კეისარიც მას დაულალავად მხარს უჭერდა. ამიტომ გამარჯვება მეტწილად კლდეკარის ერისთავის მხარეზე იყო. ლიბარტმა ბაგრატ მეფეს ბევრი ვნება მიაყენა, სხვათა შორის, თბილისი, რომელიც მეორეჯერ გადმოსცეს ქალაქის ბერებმა ბაგრატს, კვლავ დაუკარგა საქართველოს სამეფოს.

ღონეგამოღებული ბაგრატ მეფე 1054 წ. ბიზანტიაში გაემგზავრა და კეისარს შუამავლობა სთხოვა. მართლაც, კეისარმა ბაგრატ მეფე და მისი ურჩი ყმა დააზავა. ბაგრატს სახელად მეფობა შერჩა, ლიბარტი კი თუმცა მის ქვეშევრდომად, მაგრამ მთელი მესხეთის მთავრად აღიარეს.

სანამ ბაგრატ მეფე ბიზანტიაში იმყოფებოდა, ლიბარტის მეცადინეობით მცირეწლოვანი მეფისშვილი გიორგი ბაგრატის ძე მეფედ აკურთხეს, ლიბარტი კი მის მზრუნველად დანიშნეს. ამრიგად, საქართველოს მართვა-გამგეობა მთლიანად ლიბარტს ჩაუვარდა ხელში.



ლიპარიტის ასეთა განდიდება სხვა ფეოდალებმა ვერ  
 პიტანეს. კლდეკარის ერისთავი მესხმა აზნაურებმა შეიპყ-  
 რეს და ბაგრატ მეფეს მიჰკვარეს. მეფემ თავისი დაუძინე-  
 ბელი მტერი, რომელსაც ვერც ერთი აზნაური ვერ შეედრე-  
 ბოდა სიძლიერით, იძულებით მონასტერში ბერად შეაყე-  
 ნა.

ახლა ბაგრატ მეფე თავს უკვე თავისუფლად ვრძობდა.  
 1060 წ. მან კახეთის ღაპყრობაც მოახერხა და შემდეგ ბი-  
 ზანტიასთან ურთიერთობაც მოაწესრიგა.

ახლა განსაცდელი ქვეყანას უკვე სხვა მხრიდან მოადგა.  
 მე-11 საუკუნის პირველ ნახევარში ირანს აღმოსავლეთიდან  
 თურქული მოდგმის ტომები შემოესივნენ. მათ სათავეში  
 სელჩუკის საგვარეულო ედგათ და ამის გამო ამ თურქებმა  
 სელჩუკიანების სახელწოდება მიიღეს. მათ მალე ირანი და-  
 იპყრეს და სომხეთის უდიდესი ნაწილიც ხელში ჩაიგდეს.  
 1065 წ. თურქების სულთანი ალფარსლანი საქართველოს შე-  
 მოესია, ქვეყნის აოხრება დაიწყო, შემდეგ ჯავახეთის ახალ-  
 ქალაქი აიღო, გამარცხა და დიდძალი ხალხი ამოხოცა. 1068 წ.  
 სულთანი კვლავ შემოესია საქართველოს. თურქებმა ჯერ  
 ქართლი ააოხრეს, შემდეგ არგვეთიც. თუმცა ზამთრის სი-  
 ფიცხემ აიძულა სულთანი საქართველოდან გასულიყო, მაგ-  
 რამ წასვლის წინ თბილისი და რუსთავი მან განძის პატრონს  
 ფადლონს მისცა. ვარდა ამისა, ბაგრატ მეფეს კახეთის შე-  
 მოერთების საქმეც ჩაეშალა.

მეფე ბაგრატს გული არ გასტეხია. როგორც კი სულ-  
 თანი საქართველოს გარეო გაიგულა, ბაგრატ მეოთხემ სულ-  
 თანის მიერ აქ დატოვებულ ფადლონსა და მის ჯარს მუსრი  
 გაავლო, შემდეგ თბილისიც აიღო. მეფემ ქალაქი და საამი-  
 რო ჯადანსა თბილისის ძველი ამირების მემკვიდრეს იმ  
 პირობით, რომ როგორც ყმადნაფიცს მას საქართველოს შე-  
 ფისათვის წლიურად 44 000 დრაჰკანი უნდა ეძლია.

ბაგრატი 1072 წ. გარდაიცვალა.

ბაგრატ მეოთხის მაგიერ 1073 წ. მისი შვილი ვაჟიშვი-  
 ლი, გიორგი მეორე, გამეფდა. ის სუსტი ნებისყოფის ადამი-  
 ანი იყო და არც სახელმწიფოს მმართველად ვარგოდა: მას  
 უფრო ვართობა და წაღირობა იტაცებდა, ვიდრე სახელმწიფო  
 საქმეებზე ზრუნვა.

გიორგი მეორის ხანისთვის სისუსტით ყველაზე ადრე საქართველოს დიდგვარიანმა აზნაურებმა ისარგებლეს. უკვე 1073 წ. ნიანია ქვაბულის ძე, ივანე ლიპარიტის ძე და ვარდან სვანთა ერისთავი გადაუდგნენ მეფეს და ქვეყანა არიეს. ნიანიამ ქუთაისიც კი დაიპყრო და სახელმწიფო საჭურჭლე (ე. ი. საგანძური, ხაზინა) ჩაიგდო ხელში. ვარდანმა სვანები ააჯანყა, მათთან ერთად ეგრისს შეესია და რბევას შეუდგა. გიორგი თავის ურჩ ყმებთან სხვას ვერაფერს გახდა, გარდა იმისა, რომ მათ წყალობა და მამულები გაუმრავლა.

დიდგვარიანთა ურჩობა და მოღალატეობა ამის შემდეგაც არ შეწყვეტილა. განსაკუთრებით თავი ისახელა ამ მხრივ კლდეკარის ერისთავმა ივანემ, იმ ლიპარიტის შვილმა, რომელმაც სიცოცხლე გაუმწარა ბაგრატ მეოთხეს.

თუმცა მალე გიორგი მეფეს ბიზანტიის გამოჩენილმა მოხელემ და ცნობილმა ქართველმა მოღვაწემ, გრიგოლ ბაკურიანმა, ძვირფასი საჩუქარი უძღვნა — კარის (ყარსის) ციხე-ქალაქი მისი მიმდგომი ქვეყნით, მაგრამ თითქმის იმავე წელს ეს დიდი შენაძენი თურქებმა გააქარწყლეს.

ამ ხანაში მახლობელ აღმოსავლეთში დაიწყო თურქების დიდი გაძლიერება. 1074 წ. ხელშეკრულებით ბიზანტიელებმა აღმოსავლეთის ქვეყნების უდიდესი ნაწილი, რომელიც მათ მფლობელობაში იმყოფებოდა, თურქ სელჩუკიანებს დაუთმეს. ახლა საქართველო მარტო დარჩა თურქების ამ უდიდესი სამეფოს პირისპირ.

მართლაც, თურქებმა ჯერ კარის ციხე-ქალაქი ჩაიგდეს ხელში, შემდეგ კი საქართველოს შინაგანი თემების რბევა დაიწყეს.

1080 წ. „დიდი თურქობა“, თურქების დიდი შემოსევა დაიწყო. ამ დროს კლარჯეთი, შავშეთი, აჭარა, სამოქალაქო, არგვეთი და ქართლი დორბეული და აონრებულ იქნა. მტერთან ბრძოლაში დიდძალი ხალხი დაიხოცა. სოფლები და ქალაქები განადგურდა. გიორგი მეფემ გადაწყვიტა, დამორჩილების ვარდა სხვა გზა არ არისო და თურქების სულთანთან წავიდა.

სულთანმა მელიქ-შაჰმა გიორგი მეფე ყოველწლიური ხარკის გადახდაზე დაითანხმა, სამაგიეროდ მას კახეთი და პერეთი მისცა. მშვიდობას შეჰპირდა, სამშობლოში დიდე-



ბით გამოისტუმრა და თან ჯარიც გამოატანა კახეთის დასაპყრობად.

მტრისა და ქართველთა შეერთებული ჯარი კახეთს შეესია და ვეჟინის ციხეს გარშემოადგა. მაგრამ სანამ ვეჟინის ციხეს ებრძოდნენ, გიორგის მთავონდა, აჯამეთში (იმერეთში) ნადირობის დრო დადგაო, ვეჟინისა და კახეთის დარდი უკვე აღარ ჰქონდა, მტრის ჯარს საჭმელად ივრისპირა კახეთი დაანება და თვითონ დასავლეთ საქართველოში გაემუხრა.

კახეთის სამეფო სომ დაუპყრობელი დარჩა, მაგრამ ივრისპირეთიც ისე აუთხრებიათ მაშინ თურქებს, რომ ეს მხარე შემდეგშიც დიდხანს ვეღარ გამოიბრუნებულა.

შინაურსა და საგარეთ უმწუთ მდგომარეობას ზედ სტიქიური უბედურებაც დაერთო: 1088 წ. საქართველოში საშინელი მიწისძვრა დაიწყო, რომელიც მთელი წლის განმავლობაში გრძელდებოდა და რომელმაც დიდძალი ციხე-ქალაქი და სოფელი იმსხვერპლა. მთლიანად დაინგრა განთქმული ქ. თმოგვი ციხით. მრავალი ხალხიც დაიღუპა და უსახლკაროდ დარჩა. ამას მკაცრი ზამთარი, გაზაფხულზე კი საშინელი წყალდიდობა მოჰყვა. 1089 წ. გიორგი მეორე იძულებული გახდა ტახტიდან ვალამდგარიყო.

§ 40. საქართველოს კულტურული მემკვიდრეობა  
მე-11 საუკუნეში

მე-11 საუკუნეში ჩვენი ქვეყნის კულტურული განვითარებისათვის დიდი მნიშვნელობა ჰქონდათ მონასტრებს როგორც ადგილობრივს, ისე, განსაკუთრებით, საზღვარგარეთულს. სწავლა-განათლების კერა საზოგადოდ საშუალო საუკუნეებში ყველგან საშინასტრო დაწესებულებებში იყო მოთავსებული. უცხოეთში მყოფი მონასტრების წყალობით საქართველოს შეეძლო მშინდელი განათლებული ქვეყნების კულტურული წარმატებისათვის თვალყური ედევნებინა.

უცხოეთის ქართულ სავანეებს შორის ყველაზე დიდი დეაწლი ამ ხანაში ათონის (საბერძნეთში, ბალკანეთის ნახევარკუნძულზე) მონასტერს მიუძღვის. ეს მონასტერი მე-10 საუკუნის დამლევს იოანე მთაწმინდელმა დააარსა. ათონ-



ნის მონასტერში მოღვაწეობდა, სხვა პირებთან ერთად, იოანეს შვილი, სახელკანთქმული ექვთიმე მთაწმინდელი. ექვთიმემ ზედმიწევნით იცოდა ბერძნულ ენა. ბერძნულ ენაზე მან ქართულიდან გადათარგმნა, „ბალავარის სიბრძნის“ გარდა, აგრეთვე „აბუკურა“.

ექვთიმე მთაწმინდელი შესანიშნავი მწერალი და მოაზროვნე იყო. ბერძნულიდან ქართულად მან ასამდე წიგნი გადმოთარგმნა.

ძველი დროიდან მოყოლებული, საქართველოს მონასტრებში ასეთი წესი იყო დამყარებული: მონასტრის მამასახლისი სამონასტრო დაწესებულებებში ყველა მოხელეს თვითონ ნიშნავდა, თვითონვე სიკვდილის წინ ასახელებდა იმ პირსაც, რომელიც მისი გარდაცვალების შემდეგ მონასტრის მამასახლისი უნდა გამხდარიყო.

თანდათან ეს წესი შეიცვალა. მონასტრის თანამდებობის პირთა დანიშვნის მაგაერ მათი არჩევა შემოვიდა. ჯერ სამკანდიდატს დაასახელებდნენ, შემდეგ მათ კენჭს უყრიდნენ. ამ წესით მონასტრის ხელმძღვანელობა უფრო ღირსეული ადამიანების ხელში გადადიოდა.

ამ საფუძველზე მოწყობილ ათონის ქართველთა სავანეში მოღვაწეობდა მე-11 საუკუნის მეორე შესანიშნავი პიროვნება, გიორგი მთაწმინდელი, რომელიც ექვთიმე მთაწმინდელის საქმიანობის გამგრძელებელი იყო როგორც სალიტერატურო, ისე სამონასტრო სარბიელზე.

გიორგიმაც ბევრი წიგნი გადმოთარგმნა ბერძნულიდან ქართულად, ბევრიც ძველად ნათარგმნი შეასწორა.

გიორგი იმ დროს მოწინავე კაცი იყო; ის მხურვალე მონაწილეობას იღებდა თავის შორეულ სამშობლოს საზოგადოებრივსა და სახელმწიფოებრივ ცხოვრებაშიაც. 1060 წ. გიორგი საქართველოში ჩამოვიდა. ამ დროს საქართველოში შიმშილობა მძვინვარებდა, შინაური ბრძოლაც მხოლოდ ოდნავ იყო მინელებული.

გიორგიმ გაბედულად დაუწყო მნილება დიდებულებსა და ეპისკოპოსებს, მათი სიხარბისა და გულქვაობისათვის, აგრეთვე იმ უწესოებისათვის, რომელიც მას საქართველოში დახვდა. მან ქადაგება დაიწყო, სამღვდელთ პირებად ღირსების მიხედვით უნდა ავირჩიოთ ხალხი და არა შთამომავლო-

ბის მიხედვით. ბაგრატი მეოთხის დახმარებით გიორგიმ ნა-  
ნაწილობრივ განახორცაულა კიდევაც თავისი მოთხოვნა: მან  
საეკლესიო თანამდებობებზე ბევრი უგვარო ხალხი დააწი-  
ნაურა. მეფე ხელს უწყობდა გიორგის ამ საქმეში, იმიტომ  
რომ ამით ბაგრატი თავის შინაურ მტრებს, დიდგვარიან აზ-  
ნაურებს ასუსტებდა.

ათონის სავანის გარდა მე-11 საუკუნეში სხვა მნიშვნე-  
ლოვანი საზღვარგარეთული კულტურული ცენტრებიც არსე-  
ბობდა — სირიაში (შავ მთაზე), პალესტინაში, ბალკანეთში  
(პეტრიწონში). შავმთელი მოღვაწეებიდან განსაკუთრებით  
სახელგანთქმულია ეფრემ მცირე, დიდი მთარგმნელი და ფი-  
ლოლოგი, რომელმაც 70-ამდე წიგნი გადმოიღო ქართულ  
ენაზე, მათ შორის ფილოსოფიური თხზულებები, და ორიგი-  
ნაღური ნაწარმოებებიც დაგვიტოვა — კერძოდ ისტორიული  
გამოკვლევები.

მე-11 საუკუნეში ქართული საისტორიო მწერლობა  
ძალიან დაწინაურდა. სწორედ ამ ხანაში არაერთი საუ-  
ცხოთ საისტორიო თხზულებაა დაწერილი. მათ შორის გი-  
ორგი მთაწმინდელის ნაშრომია აღსანიშნავი, რომელიც ათო-  
ნის სავანის დაარსებისა და საქმიანობის ისტორიას მოგვი-  
თხრობს, აგრეთვე თვით გიორგი მთაწმინდელის ბიოგრა-  
ფია, გიორგი ხუცეს-მონაზონის მიერ დაწერილი, ამავე ხა-  
ნიდან გადარჩენილი საერთო საისტორიო „მატიანე ქართლი-  
საი“ და ბევრი სხვა.

მაშინდელი ქართული მეცნიერების დიდი წარმატებას  
მოწმობს ექვთიმე მთაწმინდელის ფილოლოგიური ნაშ-  
რომებიც, მეტადრე კი მისი მოღვაწეობა სამართლის  
თეორიის დარგში. მას ეკუთვნის „მცირე სჯულის კანონი“,  
რომელიც საეკლესიო, სამთქალაქო და სისხლის სამართლის  
კანონმდებლობის ერთგვარ ენციკლოპედიას წარმოადგენს.  
ბოლოში იქ ექვთიმეს ზოგადი მოძღვრება აქვს დართული  
ბოროტმოქმედების შესახებ. ეს საყურადღებო ძეგლი იმდ-  
როინდელი ქართული აურიდიული აზროვნების მაღალი დო-  
ნისა და თვით ექვთიმეს დიდი ნიჭის ცხადი დამამტკიცებუ-  
ლია.

მე-10 საუკუნის დამლევს და მე-11 საუკუნეში შემდგომ  
წარმატებას მიაღწია ქართულმა ხელოვნებამაც. იმ



დროიდან შემონახულა ქართული სურთომოდვრების ბევრი საუცხოო ძეგლი, მათ შორის — ბაგრატ მესამის მიერ აგებული ქუთაისისა და ბედიის დიდებული ტაძრები, მცხეთის სვეტიცხოველი, ნიკორწმინდის, სამთავისისა და ბევრი სხვა ტაძარი.

#### § 41. დავით აღმაშენებელი

მე-11 საუკუნის 80-იან წლებში საქართველო მეტად მძიმე მდგომარეობაში იმყოფებოდა. თურქების გამუდმებული თავდასხმებისაგან აღმოსავლეთი საქართველო ათხრებული იყო, ქართლისა და კახეთის ბარის ზოგი თემი გაუკაცრიელდებულ, ტყით დაბურულ მხარედ გადაქცეულიყო. ამასთანავე საქართველო განაგრძობდა სელჩუკიან სულთანებისათვის დამამცირებელი ხარკის ქლევას.

ამგვარ ვითარებაში ქვეყნის წინაშე მდგარი, სასიცოცხლო მნიშვნელობის მქონე ამოცანებისათვის წარმატებით ბრძოლას სათავეში უნდა ჩასდგომოდა განსაკუთრებული პირადი ღირსებებით დაჯილდოებული სახელმწიფო მოღვაწე.

სწორედ ასეთი იყო გიორგი მეორის ძე, დავით IV, რომელიც 1089 წ. 16 წლის ჭაბუკი ავიდა სამეფო ტახტზე.

ბუნების მიერ მძლავრი გონებითა და რკინისებური ნებისყოფით დაჯილდოებული, თავისი დროისათვის ღრმად განსწავლული დავით IV ადრევე ჩამოყალიბდა ძველი საქართველოს ერთ-ერთ ყველაზე უფრო გამოჩენილ სახელმწიფო და სამხედრო მოღვაწედ. მას შეთვისებული ჰქონდა აღმოსავლურ-ქრისტიანული სამყაროს განათლება და თანაც საფუძვლიანად შესწავლილი არაბული და სპარსული ენები. არაბი ისტორიკოსები კადმოგვცემენ, რომ დავით მეფე კარგად იცნობდა ისლამსაც და ერთ დროს ვინმე განჯელ ყადისაც კი გამოჰკამათებია ყურანის წარმოშობის საკითხების გარშემო. დავითის გონებრივ ინტერესთა წრე მეტად ფართო იყო, მის ცნობისმოყვარეობას ვარსკვლავთმრიცხველობაც კი იზიდავდა.

მისი თანამედროვე მოღვაწე, შესანიშნავი ისტორიულ თხზულების, „ცხოვრება მეფეთ მეფისა დავითისი“-ს ავტო

რი, მრავალ ამბავს მოგვითხრობს დავითის მწიგნობრობით მუდმივი გატაცების შესახებ.

დავითის საყვარელი დარგი ისტორიული მწერლობა ყოფილა. მას გზაში და ლაშქრობაში სატარებელი წიგნთსაცავიც ჰქონია, რომელსაც იგი არასდროს არ იშორებდა. როცა მას კითხვისაგან თვალი დაეღლებოდა, დავითი სხვას აკითხებდა, დიდი ყურადღებით უსმენდა, განმეორებით გამოჰკითხავდა ხოლმე ჩვეულებრივ „თვით განუმარტავდა წანაკითხის ძალასა და სიღრმეს“.

დავით მეფე დიდბუნებოვანი, თავისი დროის მოწინავე აზროვნების კაცი იყო. იგი უნდობლად ეკიდებოდა მრავალს რასმე, რაც სამღვდელთა ურყევ ჭეშმარიტებად მიაჩნდა. იმავე დროს მან სახელი მოიხვეჭა თავისი საოცრად ღმობიერი მოპყრობით უცხო ტომებისა, ისევე როგორც უცხო სარწმუნოებათა მიმდევრების მიმართ.

დაულალავმა, დასაბუღი მიზნის განხორციელებისათვის შრომაში უდრეკელმა დავით მეოთხემ უკვდავყო თავისი სახელი შემოქმედებითი სახელმწიფოებრივი საქმეებით, რის გამოც მას „აღმაშენებელი“ ეწოდა.

დავითმა უწინარეს ყოვლისა, თავი მოუყარა აღმოსავლეთ საქართველოს ბარიდან გაქცეულ-დაფანტულ მოსახლეობას და ლტოლვილები თავ-თავის ადგილას დააბრუნა. შემდეგ იგი მისდგა ქვეყნის სისუსტისა და დამარცხების მთავარ დამნაშავეებს — პირველ რიგში დიდგვარიან აზნაურებს და მალე აგრძნობინა მათ, რომ სამეფო ტახტზე ახლა უკვე ძლიერი პიროვნება ზის, რომელიც თვითნებობასა და ურჩობას არავის აპატიებს.

ურჩ დიდგვარიან აზნაურებს ამ დროსაც კლდეკარის ერისთავები, ბაღვაშები მეთაურობდნენ. ბაღვაშების თავკაცი, ლიპარიტი, იმ ლიპარიტის შვილიშვილი ბაგრატ მეოთხეს რომ მტრობდა, არაერთგვის იყო მხილებული მეფის ორგულობაში. დავით აღმაშენებლის ისტორიკოსის ხატოვანი თქმამ რომ გავიმეორთ, მეფე დარწმუნდა, რომ ლიპარიტის გასწორება ისევე არ შეიძლება, როგორც ძაღლის კუდის გაჭრით ან კიბოს სწორი სიარულით, დავითმა საქართველოდან გააძევა ლიპარიტი და კლდეკარის საერისთავოც თვითონ დაიჭირა.

მე-11 საუკუნის დამლევს დასავლეთ-ევროპელმა ჯვარტსნებმა თურქებს სირიისა და პალესტინის რიგი მნიშვნელოვანი ქალაქი და მხარე წაართვეს. დავითმა ისარგებლა სელჩუკიანთა სამხედრო მარცხითა და შინაგანი განხეთქილებით და სულთანს ხარკის ხდაზე უარი უთხრა.

მაგრამ თვით საქართველოში ზოგიერთი ადგილი ჯერ კიდევ მტერს ეჭირა.

დავით მეფე შეუდგა საქართველოს ტერიტორიის გაწმენდას მოხეტიალე თურქული ურდოებისა და სელჩუკიანთა მეციხოვნეებისაგან. დავითის სამხედრო ტაქტიკა იყო მტერზე მოულოდნელი და სწრაფი თავდასხმა პატარ-პატარა რაზმებით. რაკი საქართველოს სამხედრო ძალა ჯერ კიდევ მცირე იყო, მხოლოდ ამგვარი ბრძოლით შეიძლებოდა მრავალრიცხოვანი მტრის გამკლავება. მაგრამ ამ ბრძოლაში სრული გამარჯვებისათვის კიდევ უფრო მნიშვნელოვან პირობას წარმოადგენდა ქართველი ერის ყველა ძალთა გაერთიანება ერთს ცენტრალიზებულ სახელმწიფოში.

დავითი უდიდეს მნიშვნელობას ანიჭებდა ჯერ საქართველოს მიწა-წყლის შემოკრების ამოცანას. მისი სამეფოს გარეთ იყო ამ დროს ხომ ისეთი უმნიშვნელოვანესი თემები, როგორც იყო კახეთი და თბილისის საამირო. დავითმა კახეთიდან დაიწყო. კახეთის მნიშვნელოვანი სიმაგრე დასავლეთით ზედაზნის ციხე იყო. 1101 წ. დავითმა წაართვა ეს ციხე კახთა მეფეს. სამი წლის შემდეგ პერეთის დიდებულებმა თვით კახთა მეფე აღსართანიც შეიპყრეს და დავითს გადასცეს. დავითმა ახლა უკვე საბოლოოდ შემოუერთა კახეთ-პერეთი საქართველოს სამეფოს.

დიდებულებთან ბრძოლამ დავით მეფე დაარწმუნა, რომ მეფის მოწინააღმდეგე ძალების, დიდგვარიანი აზნაურების ერთი მთავარი საბუდარი ეკლესია იყო.

ეკლესიის თავკაცები დიდგვარიან აზნაურთა წრის შვილები და წარმომადგენლები იყვნენ და საიდუმლოდ თუ დაუფარავად სხვა დიდგვარიან აზნაურებთან ერთად მეფეს ებრძოდნენ.

აუცილებელი იყო გადაჭრით გალაშქრება საეკლესიო ფეოდალების წინააღმდეგ. ნადაგი ამისათვის ნაწილობრივ კიორგი მთაწმინდელის საქმიანობით იყო მომზადებული,

მაგრამ ის, რაც გიორგი შთაწმინდელმა გააკეთა მხოლოდ პირველი ცდა იყო. დეკომა მტკიცედ მოჰკიდა ხელი ეკლესიას.



1103 წ. მეფემ მოიწვია საეკლესიო კრება, რომელსაც რუის-ურბნისის კრებას ეძახიან, რადგან იგი ქართლის ორ სოფელში, რუისსა და ურბნისში (საეპისკოპოსოს ცენტრებში) აწარმოებდა თავის სხდომებს. კრებამ დაადგინა, რომ ის ეპისკოპოსები, რომელნიც „მამულობით“, ე. ი. მემკვიდრეობით, ფლობდნენ საეკლესიო თანამდებობას და არა პირადი ღირსებისა და დამსახურების გამო, გადაყენებული ყოფილიყვნენ და მათ მაგიერ, შთამომავლობისა და მიუხედავად, ღირსნი და განსწავლულნი აერჩიათ, ესეცა და სხვა მნიშვნელოვანი გადაწყვეტილებანიც რუის-ურბნისის კრებისა მეფემ სწრაფად და გაბედულად განახორციელა. საეკლესიო არისტოკრატია განადგურებულ იქნა.

საეკლესიო რეფორმებს მოჰყვა უმნიშვნელოვანესი ცვლილებანი სახელმწიფოს წართვა-გამგებობაში, რომელთაც ჩაუყარეს საძირკველი ქართული სახელმწიფოს ძლიერებასა და მეფის შეუზღუდველ ღელისუფლებას, თვითმპყრობელობას.

როცა შინაურობაში დავითმა ზურგი გაიმავრა, ის კვლავ სამხედრო საქმეებზე გადავიდა, რათა აღმოსავლეთ საქართველოში მდგარი სელჩუკანთა მეციხოვნე რაზმებიც გაენადგურებინა და ამრიგად ბილომდე მიეყვანა საქართველოს გაერთიანების საქმე.

თურქებს ჯერ კიდევ ეჭირათ საქართველოს დედაქალაქი თბილისი და მისი თეწი, ისევე როგორც ქვემო ქართლის სხვა უმნიშვნელოვანესი ქალაქები და ციხეები, — მათ შორის ციხე-ქალაქები დმანასი, სამშვილდე, რუსთავი და სხვანი, რომელნიც ერთიანს მძლავრს თავდაცვის სისტემას ჰქმნიდნენ.

1110 წ. დავით მეფემ იერიში მიიტანა ამ სისტემაზე და კიდევაც გამოსტაცა თურქებს სამშვილდე. ფრიად მნიშვნელოვანი სავაჭრო ქალაქი და ძლიერი ციხე, რომელიც სამხრეთ-დასავლეთიდან იცავდა თბილისს. სამშვილდის აღება იმდენად დიდი გამარჯვება იყო ქართველებისა, რომ ამით

შეშინებულმა თურქებმა ქვემო ქართლის ციხეების უმეტესობა თვითონვე მიატოვეს და გაიქცნენ. მაგრამ არ გასულა დიდი ხანი, რომ სულთანმა სცადა დანაკარგის დაბრუნება, — საქართველოს სელჩუკიანთა მრავალრიცხოვანი ჯარი შემოესია. დავითმა სწრაფად შეუტია მტერს და სასტიკადაც დაამარცხა იგი თრიალეთში.

1115 წ. დავითმა თურქებს წაართვა კიდევ ერთი მნიშვნელოვანი ციხე-ქალაქი — რუსთავი, რომელიც თბილისის სამხრეთ-აღმოსავლეთის მისადგომებზე მდებარეობდა, მტკვრის ნაპირას.

1117 წ. დავით მეფემ ხელთ იგდო ჰერეთის ციხე-ქალაქი გიში (დღევანდელი აზერბაიჯანის სსრ ქალ, ნუნის მახლობლად). იმავე დროს იგი დაულაღვად სდევნიდა და სპობდა სელჩუკიანთა რაზმებს, რომელნიც აქა-იქ კიდევ ბოგინობდნენ, საქართველოს სამხრეთ განაპირა თემებში.

1118 წ. ქართველთა ჯარმა აიღო ლორის ძლიერი ციხე, რომელიც სამხრეთიდან მომავალ მტერს გზას უკრავდა და მეტად მნიშვნელოვანი მეწინავე სიმაგრე იყო იმ მთაგარეგზაზე, საქართველოს რომ სომხეთთან და სამხრეთის სხვა ქვეყნებთან აერთებდა.

ამ ძლევამოსილი ბრძოლებით დავითი თანდათან თბილისს უახლოვდებოდა. მაგრამ საქართველოს დედაქალაქის აღებისათვის საჭირო იყო ქვეყნის შეიარაღებულ ძალთა ორგანიზაციის არსებითი გაუმჯობესება. მეფეს ხელთ ჰყავდა მხოლოდ ბატონყმობაზე დამყარებული ჯარი. მართალია, მეფეს თავისი საკუთარი მამული ჰქონდა და ამ მამულიდან გამომავალი საკუთარი ლაშქარი ჰყავდა, მაგრამ თითოეულ დიდგვარიან აზნაურსაც მოეპოვებოდა თავისი ფეოდალური სამფლობელო, სადაც იგი თავს ბატონ-პატრონად გრძნობდა და რომლის მოლაშქრე ყმები ამ აზნაურის მეთაურობით გამოდიოდნენ ზრძოლის ველზე. ამგვარ პირობებში არ შეიძლებოდა, მეფე დამოკიდებული არ ყოფილიყო თავის ძლიერ ყმებზე. სანამ ეს უკანასკნელნი მეფის ერთგულნი იყვნენ, მათი მონაწილეობა ლაშქრობაში მეფეს უზრუნველყოფილი ჰქონდა, მაგრამ საკმარისი იყო მეფესა და დიდგვარიან აზნაურს შორის უთანხმოება, ჩამოგარდნილიყო, რომ ამ აზნაურისა და მისი ჯარის მეფისადმი ერთგულება

საეჭვო ან უიმედოც გამხდარიყო. უთანხმოების გამწვავება კი შეიძლებოდა შეტაკებითაც დამთავრებულიყო.

ამ გარემოებამ გადააწყვეტინა დავით აღმაშენებელს შეექმნა ისეთი შეიარაღებული ძალა, რომელიც მტკიცე შინაგანი ერთობით იქნებოდა შეკავშირებული, მუდამ მზად იქნებოდა ბრძოლისათვისა და სავსებით დაემორჩილებოდა მეფის ნება-სურვილს. საქართველოს შეიარაღებული ძალების შემადგენლობაში ამ ახალი ტიპის ჯარის გაჩენას უნდა შეეცვალა აგრეთვე ჩვეულებრივი საპატრონყმო, საჭიროების კვალობაზე მოწვეულა რაზმების ბუნება და მნიშვნელობა.

ამ მიზნით მეფემ გადაწყვიტა გადმოეყვანა საქართველოში ყივჩაყები. ყივჩაყები ძლიერი და მეომარი ტომი იყო, ჩრდილო კავკასიისა და სამხრეთ რუსეთის ველებზე მომთაბარე. მათ წინათაც არაერთგზის უმსახურიათ ქირით საქართველოს ლაშქარში. ამასთანავე დავით აღმაშენებელს ყივჩაყთა მეთაურის ასელი ჰყავდა მეუღლედ.

1118 წ. დავითი თავისი უახლოესი მრჩეველებისა და თანაშემწეების თანხლებით ჩრდილო კავკასიაში გადავიდა. იქ საქართველოსა და ყივჩაყებს შორის ოსები ესახლნენ, რომელნიც ყივჩაყებს ემტერებოდნენ და ცდილობდნენ ხელი შეეშალათ საქართველოში მათი გადმოსვლისათვის.

დავითმა დაიმორჩილა ოსები, დაიჭირა ოსეთის ციხეები და გზებიც გახსნა.

მეფემ 45.000 ყივჩაყის ოჯახი გადმოასახლა საქართველოში, მიუჩინა მათ მიწა და ყველაფერი, რაც სამხედრო სამსახურისათვის სჭირდებოდათ, მისცა.

დავითმა ახალი ორგანიზაცია მისცა ყივჩაყებს და ორი წლის გაძლიერებული წვრთნის შემდეგ, საქართველოს უკვე ჰყავდა 40 000 საუკეთესო ცხენოსნისაგან შემდგარი ლაშქარი.

გარდა ამისა, დავითმა შეადგინა კიდევ ერთი ცალკე რაზმი 5.000 კაცისაგან, რომელსაც „მონასპას“ ეძახდნენ და რომელსაც თვით მეფის დაცვა ევალებოდა.

რაკი დავითმა შინაურობაში მშვიდობიანობა დაამყარა და თავისი ძალაუფლება განამტკიცა, მას საშუალება მიეცა კვლავ შედგომოდა თურქებთან ბრძოლას. ცხადი იყო, რომ საქართველოს უშიშროების უზრუნველყოფა ვერ მოხერხ-



დებოდა, თუ საქართველოსაკენ მომავალი ყველა მნიშვნე-  
ლოვანი გზა შეკრულა არ იქნებოდა. ეს გზები იმავე დროს  
უმთავრესი სავაჭრო გზებაც იყო.

უკვე 1120 წ. დავითმა შარვანში გაილაშქრა და ციხე-ქა-  
ლაქი კაბალა აიღო. იგა თურქებს სულისმოთქმას არ აცლი-  
და: ხან ერთ ადგილას დაეცემოდა მათ, ხან მეორე ადგილას  
და მუსრს ავლებდა ყველგან, — საქართველოს სახელმწიფო  
საზღვრიდან ქალაქ ბარდავამდე და კასპიის ზღვამდე. ძალზე  
შევიწროებულმა კავკასიელმა თურქებმა საჩივრით მიმართეს  
სულთანს, რათა მათ დავითის წინააღმდეგ დახმარებოდა.

თურქების სულთანმა შემოიერთა ყველა მაჰმადიანი მთა-  
კარი და ამირა დამასკოდან და ერაყიდან, სამხრეთში, ვიდრე  
სომხეთამდე, ჩრდილოეთში, და საქართველოსაკენ უზარმა-  
ზარი ჯარი გამოგზავნა. იმდროინდელი უცხო მწერლების  
სიტყვით, მაჰმადიანთა გაერთიანებული ლაშქარი ვითომც  
400—600 ათასი კაცსაკან შედგებოდა. ამასთანავე ეს მწერ-  
ლები ერთხმად ამტკიცებენ, რომ ქართველთა ჯარი რიცხ-  
ვით რამდენჯერმე ნაკლები იყო თურქებისაზე.

მტრის ჯარმა სწრაფად იარა, მოულოდნელად შემოიჭრა,  
საქართველოში, მხარმარჯვნივ დასტოვა თბილისი და 1121  
წ. 12 აგვისტოს მოადგა ქალაქ მანგლისს. თურქებს განზრა-  
ხული ჰქონდათ ამ რაონში გადაელახათ თრიალეთის ქედი  
და მოეწყვიტათ დავით მეფე დასავლეთ საქართველოში მდებ-  
არე მისი ძირითადი პაზებისაგან.

შემოსევის მოულოდნელობამ ხელი შეუშალა დავითს  
სრულად გამოეყენებინა თავისი ძალები. მაგრამ დაყოვნება  
ალარ ივარგებდა და მეფემაც გადაწყვიტა დაესწრო მტრისათ-  
ვის, შეეტია მისთვის მთიან-ტყვიან ადგილებში, სადაც, მისი  
ანგარიშით, თურქ-არაბთა ცხენოსანი ლაშქრის სიმრავლეს  
უნდა დაებრკოლებინა მოწინააღმდეგის მოძრაობა და შე-  
ემცირებინა ბრძოლის უნარიანობა.

დავითმა დიდი სისწრაფით ატარა თავისი სამოცათასიანი  
ლაშქარი და მანგლისს ჩრდილოეთით, დ ი დ გ ო რ ი ს მ თ ა-  
შ ე შეაგება იგი თურქებს.

დიდგორის ბრძოლა მოხდა 1121 წ. 15 აგვისტოს. იგი  
დიდხანს არ გაგრძელებულა. ქართველთა ჯარს გამოეყო  
და მტრის ბანაკისაკენ გაემართა 200 მხედარი. თურქებს

ისინი მათ მხარეზე გადასული მოღალატენი ეგონათ და დაუბრკოლებლევ მიუშვეს რაზმი შუაგულ ბანაკამდე. მაგრამ გულადმა ქართველმა მეომრებმა უეცრად ხმლები იშიშველეს და დაერივნენ გაოცებულსა და დაბნეულ თურქებს, დავითმა ისარგებლა მტრას არევ-დარევით და ელვისებურად ეკვეთა მისი ლაშქარი ფრთებს. მაჰმადიანთა უზარმაზარი ჯარი სასტიკად დამარცხდა. თურქებმა ბრძოლის ველზე დატოვეს დიდძალი მოკლული და დაჭრილი და გაქცევით უშველეს თავს. ქართველებმა დიდხანს სდიეს ლტოლვილ მტერს და აურაცხელი სიზმდიდრე და მრავალი ტყვე წაიგდეს ხელში. დავითის ბრწყინვალე სამხედრო ნიჭმა და სამშობლოს დამცველთა მხნეობამ სრული გამარჯვება მოუპოვა საქართველოს.

დიდგორის ბრძოლამ დაამტკიცა, რომ საქართველო ახლო აღმოსავლეთის ერთი უძლიერესი სახელმწიფოთაგანი იყო უკვე.

დიდგორის ომიდან დიდი ხანი არ გასულიყო, რომ, 1122 წ. დავით მეფემ თბილისს ალყა შემოარტყა. თბილისში მყოფმა სელჩუკიან-მაჰმადიანთა მეციხოვნე ჯარმა სასტიკი წინააღმდეგობა გაუწია მას, მაგრამ ვერას გახდა; ქართველებმა თბილისი აიღეს.

მაჰმადიანი ისტორიკოსები მოგვითხრობენ, რომ გაჯავრებულ გულზე პირველ დღეს მეფემ მოწინააღმდეგენი სასტიკად დასაჯა, მაგრამ ძალიან მალე მოლბა და ბრძანება გასცა, რომ თბილისის მცხოვრებნი, ეროვნებისა და სარწმუნოების განურჩევლად, თანასწორ მდგომარეობაში ყოფილიყვნენ, მაჰმადიანებს ზოგიერთი უპირატესობაც კი მიენიჭა.

400 წლის განმავლობაში უცხოელთა ხელში ნამყოფი დედაქალაქის განთავისუფლების შემდეგ დავითმა სამეფო ტახტი ქუთაისიდან თბილისში გადმოიტანა. ამ გამარჯვებას, ცხადია, თვით საქართველოსათვის უაღრესი მნიშვნელობა ჰქონდა. ახლო აღმოსავლეთში მან დავითსა და ქართულ მხედრობას დიდი სახელი მოუპოვა.

ახლო აღმოსავლეთის სელჩუკიან-მაჰმადიანი მბრძანებლებისათვის ძნელი ასატანი იყო ასეთი მარცხი, როგორც იყო თბილისის დაკარგვა, და მათ ახალი, საპასუხო ლაშქრობის მოწყობა სცადეს. 1123 წ. სულთანი შარვანში შეიჭ-

რა, შეიპყრო შარვანის მფლობელი „შარვან-შაჰად“ წოდებული, შარვანის დედაქალაქი შ ა მ ა ხ ი ა აიღო და დავითს გამოუგზავნა მუქართა და დაცინვით სავსე წერილი, რომელშიც „ტყის მეფეს“ უწოდებდა მას: თუ გული გერჩის, მაგ შენ ტყიან ქვეყანაში ნუ კი იმალები, ველზე გამოდი და შემებრძოლეო.

დავითი თავისი ჯარით დაუყოვნებლივ შარვანისაკენ დაიძრა. გაივო თუ არა ეს ამბავი, სულთანმა ომს თავი მთარიდა და ბოლოს გაიქცა კიდევაც. დავითმა შამახიაც აიღო, შარვანიც თავის გავლენას დაუმორჩილა, ხოლო შემდეგ უფრო შორსაც გაიწია და დარუბანდის მმართველს ქალაქი შაბურანი წაართვა.

იმავე 1123 წ. დავითმა ხელთ იგდო სომხეთის მრავალი ქალაქი და ციხე. შემდეგ კოლასა და ბასიანში გაილაშქრა და გაანადგურა თურქები, რომელნიც საქართველოს ამ სამხრეთ თემებში ჯერ კიდევ მაგრობდნენ.

ბოლოს ჯერი მიდგა სომხეთის დედაქალაქ ანისზედაც, რომელიც ამ დროს მაჰმადიან მფლობელს ეჭირა. საქართველოს წარმატებით გამხსნევებულმა, ანისელი სომხების თავკაცებმა დავით მეფეს თავისი თავი და თავისი ქალაქი შემოავედრეს.

დავითმა სწრაფად შეკრიბა 60 000 ცხენოსანისაგან შემდგარ ჯარი, შემოეწყო ანისსა და, სომეხი მოსახლეობის დახმარებით, სამ დღეში აიღო ქალაქი. ანისი დავითმა სამეფოდ დაიჭირა, ქალაქას გამგედ თავისი კაცი დანიშნა, ხოლო მეციხოვნეებად კი მესხი აზნაურები ჩააყენა.

ანისის, სომეხთა ეროვნულ-კულტურული ცხოვრების ცენტრის, ახლო აღმოსავლეთის ერთ-ერთი უმდიდრესი სავაჭრო ქალაქისა და სამხედრო-სტრატეგიული თვალსაზრისითაც ფრიად მნიშვნელოვანი გამაგრებული პუნქტის აღებას ძალზე დიდი მნიშვნელობა ჰქონდა, და ამ ამბავს მთელი ხალხი ზეიმით შეხვდა. სომეხი ისტორიკოსი მათე ედესელი თავის თანამემამულეთა განწყობილებას გადმოგვცემს, როცა მოგვითხრობს, თუ როგორ „გაათავისუფლა დავით ქართველია მეფემ, სომეხი ერის მფარველმა და მეგობარმა, 60 წლის მონობისაგან სატახტო ქალაქი სომხეთისა ანისი, და მისი დიდებული, მენჩთად ქცეული ტაძარი. დავითმა დიდი ზეი-

მით კვლავ აკურთხებიან ტაძარი და სიხარული გამეფდა სომეხთა მთელ სახლში“.

ერთი ძველი ქართული ქრონიკა მათეს ამ ცნობას დასძენს, რომ დავითი მივიდა ანისის ტაძრის ამშენებლის, კატრონიტედე-დედოფლის საფლავზე და სამგზის ჩასძახა მას: „გინაროდეს, დედოფალო, რადგანაც იხსნა უფალმა ტაძარი შენი ურწმუნოთაგან“.

ანისის აღების შემდეგ დავითს დიდხანს აღარ უცოცხლია: 1125 წლის 24 იანვარს, ხანმოკლე ავადმყოფობის შემდეგ, იგი გარდაიცვალა ქ. თბილისში. მისი ცხოვრების აღმწერელი გვამცნობს, რომ „მეფეს განზრახული ჰქონდა კიდევ უფრო დიდი საქმეები და ლაშქრობანი“ და რომ იგი ენერგიულად ემზადებოდა კიდევაც მათთვის, მაგრამ სიკვდილმა აღარ დააცალა მას ამ გეგმების შესრულება.

§ 42. კულტურული მითარმბა დავით  
ალმაშენებლის მეფობაში

დავითის მეფობაში ქვეყანა დაწინაურდა კულტურულად.

დავითმა ააგო გელათის შესანიშნავი ტაძარი, დღემდე შემონახული და დააარსა იქ მონასტერი, რომელიც, მეფის განზრახვით, მეორე ათენად უნდა ქცეულიყო. მართლაც, დავითმა გელათში თავი მოუყარა თავისი დროის ყველაზე სწავლულ ქართველებს. მათ შორის იყო დიდი ქართველი ფილოსოფოსი იოანე პეტრიწი. გელათში ცხოველი სამწერლო და საგანმანათლებლო მუშაობა გაჩაღდა. დავითმა ააშენა აგრეთვე ცნობილი შიომღვიმის დიდი ტაძარი. აქ მოღვაწეობდა მწერალი არსენ იყალსოელი. დავითი მფარველობდა უცხოელ კულტურის მოღვაწეებსაც. გამოჩენილი მაჰმადიანი პოეტებისა და მეცნიერებისათვის მან თბილისში თავშესაფარი დააარსა.

საერთოდ, დავითი ყველა სარწმუნოებისა და ეროვნების წარმომადგენელს ერთნაირად ეპყრობოდა.

ასეთი წინდახედული პოლიტიკით დავით აღმაშენებელმა საერთო პატივისცემა და სიყვარული დაიმსახურა როგორც ქართველ, ისე სპარსელ, თურქ და სომეხ მოსახლეობაშიც.

არაბულ საისტორიო წყაროებში აღნიშნულია, რომ მაჰმადიანთა არც ერთ საბრძანებელში მაჰმადიანები ისე კარგად არ გრძნობდნენ თავს, როგორც საქართველოში დავითის დროს.

დიდ ყურადღებას აქცევდა დავით მეფე აღებ-მიცემის განვითარებას. დავითმა დააარსა ქალაქი გორი, რომელიც ამის შემდეგ მუდამ ქართლის მთავარი ქალაქი იყო. მიმოსვლის გასაადვილებლად დავითმა იქ, სადაც მანამდე მგზავრობა გაძნელებული იყო, გზები შეაკეთებინა და ქვებით მოაფენინა, ჩქარ მდინარეებზე ხიდები ააგებინა, გზებზე ფუნდუკები, ანუ სასტუმროები ააშენებინა.

დავით აღმაშენებელმა მოსახლეობის ჯანმრთელობასაც მიაქცია ყურადღება. ამცხათვის მან საავადმყოფოები ააგო, უზრუნველყო ყველაფრით და შიგ სხვადასხვა სნეულებით შეპყრობილი ავადმყოფები მოათავსებინა.

აღსანიშნავია, რომ დავითი თვითონაც მისდევდა მწერლობას. შემონახულია, მაგალითად, დავითის „გალობანი სინანულისანი“, რომელშიაც ავტორი მკაცრად აფასებს თავის საკუთარ ცხოვრებას.

### § 43 ბიორგი მისამის მეფობა

დავით აღმაშენებლას შემდეგ საქართველოს არაერთი შინაური და საგარეო გართულება შეემთხვა (ბრძოლა ტახტის გარშემო, მაჰმადიან მმართველთა ცდები დაებრუნებინათ დაკარგული ტერიტორიები და სხვ.) მხოლოდ გიორგი მესამის დროს დაუბრუნდა საქართველოს სამეფო დავით აღმაშენებლის აქტიურ საგარეო პოლიტიკას. გიორგიმ ყველაზე ადრე თავისი ყურადღება ს ო მ ხ ე თ ი ს ა კ ე ნ მიმართა.

გიორგი მეფეს არ სურდა, რომ ანისი ადგილობრივი მფლობელის, თუნდაც საქართველოს მეფის ყმადნაფიცის ხელში ყოფილიყო. მეფეს უნდოდა ეს მდიდარი და ძლიერი ციხე—ქალაქი საკუთარ სამფლობელოდ ჰქონოდა. 1161 წ. ზაფხულში, გიორგი თავისი ჯარით მოულოდნელად ანისისაკენ გაემართა, ბრძოლით გააძევა ანისის ძველი მფლობელები, ციხე-ქალაქი აიღო და საქართველოს ჯარის მხედართმთავარს, ამირსპასალარს იოანე ორბელს წააბარა. ორ-

ბელის თანაშემწედ მეფემ სარგის მხარგრძელი დანიშნა, ციხეში რჩეული მეციხოვნე ჯარი დატოვა, თვით ქალაქი და ანისის ოლქი კი უშუალოდ სამეფოს ტახტს დაუმორჩილა.

ამ ამბავმა მახლობელ მაჰმადიან მმართველებზე დიდი შთაბეჭდილება მოახდინა. შაჰ-არმენად წოდებული ხლათის მფლობელი, დიარბეჟირის მმართველი და არზრუმის მთავარი იმავე წელს დიდი შეერთებული ლაშქრით ანისს მიადგნენ, მაგრამ ანისთან მომხდარ ბრძოლაში საქართველოს ჯარმა ბრწყინვალედ გაიმარჯვა და დიდი ტყვე და ალაფი იშოვა.

ანისის გამო ბრძოლა შემდეგშიაც დიდხანს არ შეწყვეტილა, მაგრამ 1173 წლიდან მოყოლებული სომხეთის ძველი დედაქალაქი საქართველოს მეფეებს მტკიცედ ეჭირათ ხელში.

შემდეგ ჯერი უფრო სამხრეთით მდებარე მეთრე, ფრიად მნიშვნელოვან ქალაქ დვინზე მიდგა, რომელიც აგრეთვე სომხეთის დედაქალაქი იყო ძველად და მდიდარ სავაჭრო ცენტრად ითვლებოდა. 1162 წ. ქართველმა ჯარმა გიორგი მეფის მეთაურობით დვინიც აიღო.

საქართველოს სამეფოს ამ დამკვიდრებამ სომხეთში ახალი, კიდევ უფრო დიდი შეშფოთება გამოიწვია ახლო აღმოსავლეთის მაჰმადიან მფლობელებში. მათ გადაწყვიტეს, რაკი პირდაპირ ბრძოლაში ქართველ ჯარს ვეღარ უმკლავდებოდნენ, წვრილი თარეშებითა და მოულოდნელი თავდასხმებით დაესუსტებინათ საქართველოს სამეფო, მაგრამ საბოლოოდ მაინც ვერას გახლნენ.

დავით აღმაშენებლიდან მოყოლებული, შარვანი საქართველოს ყმადნაფიცი ქვეყანა იყო და მჭიდროდ იყო საქართველოსთან დაკავშირებული როგორც ეკონომიკურად, ისე კულტურულად. საქართველოს მეფეებსა და შარვან-შაჰებს მოყვრობაც ჰქონდათ ერთმანეთში. ახლა შარვანს ძალიან გაუჭირდა. ჩრდილოეთ კავკასიის მაჰმადიან მფლობელებს დარუბანდის გზით იერიში მოჰქონდათ შარვანზე. შარვან-შაჰად ამ დროს გიორგი მესამის დისწული აღსართანი იყო, რომელმაც თავის პატრონსა და ბიძას დახმარება სთხოვა. გიორგი მეფემ 1167 წ. გაალაშქრა; ქ. შაბურანი და დარუბანდი აიღო და შარვან-შაჰის სამფლობელო ჩრდილოეთიდან

უზრუნველყო. დარუბანდი მან საქართველოს ყმადნაფიც შარ-  
ვანშაჰს გადასცა.

1177 წ. საქართველოში შინაური ბრძოლა ატყდა. საქართველოს ჯარის ამირსპასალარმა იოანე ორბელმა აჯანყება დაიწყო. მიზნად მას გიორგი მეფის ტახტიდან ჩამოგდება და მის მაგიერ დემნა უფლისწულის გამეფება ჰქონდა დასახული. დემნა ანუ დემეტრე გიორგი მესამის უფროსი ძმის, დავით მეხუთის, შვილი იყო. გიორგის მტრები ამტკიცებდნენ, საქართველოა სამეფო ტახტი დემნას ეკუთვნის, როგორც უფროსი ძმის შვილსო. ნამდვილად, დიდგვარიან აზნაურებს არ მოსწონდათ გიორგი მეფე, იმიტომ რომ გიორგი მაგარი და მკაცრი იყო, და ფიქრობდნენ, ახალგაზრდა დემნას უფრო ადვილად ვათამაშებთ ჩვენს ნებაზეო. ამასთან, დემნა იოანე ორბელის სიძე იყო.

იოანე ორბელს დიდგვარიანი აზნაურებიდან ბევრი მიემხრო, ისე რომ მეაჩბოხეებს 30.000 მებრძოლი შეუგროვდათ.

მეფე არ დაიბნა, ერთგული ჯარები შეაგროვა და ლორეს ციხეს შეუტია, სადაც აჯანყებულები გამაგრებულიყვნენ. გიორგი მეფის ენერგიული მოქმედების გამო მისი მოწინააღმდეგეები დაიქსაქსნენ და გაითიშნენ. სხვებზე ადრე გამრეკელ-თორელმა მიატოვა დემნა, იგი მორჩილების მოსახსენებლად გიორგი მეფესთან გამოცხადდა. მას სხვებმაც მიჰბაძეს, მათ შორის — ჩარგრძელებმაც. მეამბოხეებმა მეზობელ მაჰმადიანთა სამფლობელოში თავისი კაცები მუშველი ჯარის სათხოვნელად აფრინეს, მაგრამ ეს ცდაც ამაო გამოდგა.

ლორეს ციხეში მომწყვდეულებს გაუჭირდათ. დემნა უფლისწულმა ველარ აიტანა, ციხიდან საბლით ჩამოეშვა და თავის ბიძას წარუდგა, პატიების მოთხოვნელი. შემდეგ თვით აჯანყების მომწყობი იოანე ორბელიც იძულებული იყო მეფეს დამორჩილებოდა. აკვარად აჯანყება ჩაქრობილ იქნა. გიორგი მესამემ დამნაშავენი სასტიკად დასაჯა, მათ შორის — თვით დემნაც (მას თვალები დასთხარეს და დაასაჭურისეს), ორბელები კი ძირიანად მოთხარეს.

ამ აჯანყებამ გიორგი დაარწმუნა, რომ დიდგვარიან აზნაურთა ურჩობას ბოლო არ ჰქონდა და გადაწყვიტა, ამ მარჯვე

მემთხვევით ესარგებლა. მეფემ შეთქმულებაში გარეული ყვე-  
ლა დიდგვარიანი მოხელე გადააყენა, მათ მაგიერ კი თავი-  
სი ერთგული, პირადი ღირსებით გამოჩენილი პირები და-  
ინიშნა. ივანე ორბელის მაგივრად საქართველოს ჯარის მხე-  
დართმთავრად ნაყივჩაყარი ყუბასარი დაინიშნა, რომელმაც  
გიორგი მესამეს დემნას აჯანყების დროს თავისი ერთგუ-  
ლებით განსაკუთრებული სამსახური გაუწია, ამგვარადვე  
მან აზნაურთა ყმობიდან აღზევებულ აფრიდონსაც მსახუ-  
რთუნუცესის თანამდებობა მისცა. ასეთივე დიდი თანამდე-  
ბობანი მიიღეს ყუთლუ-არსლანმა, ჭიაბერმა და სხვებმა.

ბევრი ამ ახალი მოხელეებიდან სრულიად უგვარო იყო,  
გიორგი მეფის ეს ღონისძიება მოუსვენარი დიდგვარიანი  
აზნაურობის წინააღმდეგ იყო აშკარად მიმართული.

მაგრამ დიდგვარიანი აზნაურობა ამით არ მოსპობილა,  
ძლიერი იყვნენ დიდგვაროვნები ეკლესიაში, სადაც მათ კვლავ  
მოიკალათეს დავით აღმაშენებლის შემდეგ, როცა გიორგი  
მეფე დემნას აჯანყების ჩაქრობის შემდეგ დედაქალაქში დაბ-  
რუნდა, აქ მას მოულოდნელად საეკლესიო კრება დახვდა,  
კრებამ მეფეს მოსთხოვა, რომ საეკლესიო ქონებაზე და მა-  
მულებზე დაწესებული სახელმწიფო გადასახადები მოსპო-  
ბილიყო და მეფეს ეკლესიის შეუვალობა აღედგინა, როგორც  
წინათ იყო. გიორგი მესამე იძულებული გახდა ეს მოთხოვნა  
შეესრულებინა.

ძველ საქართველოში სამეფო ტახტის მემკვიდრედ მეფის  
უფროსი ვაჟიშვილი ითვლებოდა. მაგრამ გიორგი მეფეს ვა-  
ჟიშვილი არ ჰყავდა და მას შემდეგ, რაც დემნა უფლისწუ-  
ლი მოკვდა, არც სხვა ვინმე იყო მეფის ახლობელი ნათესავი  
ვაჟი, რომ ტახტის მემკვიდრედ წამოეყენებინათ. ამიტომ ჯერ  
კიდევ თავის სიცოცხლეში, 1178 წ. გიორგი მესამემ თავისი  
ქალიშვილი თ ა მ ა რ ი მეფედ აკურთხა. ამით გიორგის  
უნდოდა დროულად განეიტყვიებინა თამარის უფლება სამე-  
ფო ტახტზე. მაშინ თამარი მხოლოდ თანამმართველი იყო  
მამისა, ფაქტიურად სამეფოს ისევ გიორგი განაგებდა 1184  
წლამდე. როდესაც ის გარდაიცვალა, ახალგაზრდა თამარს  
მრავალი ხალხით დასახლებული დიდი სახელმწიფო ღარნა.



## § 44. თამარის გამეფება. ბრძოლა სამეფოს კარზე

გარდაიცვალა თუ არა გიორგი მესამე, სამეფო კარზე ისევ ბრძოლა ატყდა. თუმცა თამარი მამის სიცოცხლეშივე იყო მეფედ ნაკურთხევი, მაგრამ სახელმწიფო დარბაზის წევრთა შორის, თამარის თვითმპყრობელობის საკითხი ახლა ისევ საცილობლად გადააქციეს.

უეჭველია, მოწინააღმდეგე ჯგუფი ამ შემთხვევაში უფრო ძლიერი იქნებოდა, ვიდრე თამარის მამის სიცოცხლეში, მაგრამ ბოლოს მაინც დარბაზმა, მსჯელობის შემდეგ, თამარს მეფობის დასტური მისცა.

საკითხი თამარის სასარგებლოდ გადაწყვიტეს. მეფედ კურთხევის წესი დიდი დიდებით შეასრულეს. სხვათა შორის თამარს წელზე ხმალი შემოართყვეს, როგორც სამეფოს მეთაურსა და უზენაეს მთავარსარდალს.

მაგრამ გათავდა თუ არა ეს ზეიმი, მაშინვე თავი წამოპყო ყველამ, ვინც უკმაყოფილო იყო.

მოწინააღმდეგენი უმთავრესად გიორგი მესამის მიერ დანიშნულ მოხელეებს მისდგნენ. იმ ცვლილებაზე, რომელიც გიორგიმ სახელმწიფო მართვა-გამგეობის სფეროში მოახდინა, როდესაც მან დიდგვარიან აზნაურ მოხელეებს ვაზირთა და სხვა თანამდებობანი წაართვა და მათ მაგიერ უგვარონი დანიშნა, მაშინაც დიდგვარიან აზნაურთა წრეში აღშფოთება გამოიწვია, მაგრამ დამარცხებულთ თავისი ბრძოლა და ბოღმა უნდა უნებლიეთ გულში ჩაეკლათ. ახლა კი, როდესაც სამეფო ტახტზე უკვე ახალგაზრდა ქალი იჯდა, დიდგვარიანებმა დრო იხელთეს და დაკარგული ადგილების დაბრუნება მოინდომეს. ისინი გაიფიცნენ და თამარ მეფეს განუცხადეს, რომ ამიერიდან უგვართ მოხელეების ბრძანებას აღარ დაემორჩილებოდნენ. ამასთანავე ყველაზე ადრე მოითხოვდნენ, რომ თამარს სამსახურიდან დაეთხოვნა უგვართ მოხელეები — ამირსპარსალარი ყუბასარი და მსახურთუხუცესი აფრიდონი, რომელნიც დიდგვარიანებს სხვებზე მეტად ეჯავრებოდათ.

ყუბასარი და აფრიდონი გიორგისა და თამარის ყველაზე ერთგული მოხელეები იყვნენ. მაგრამ თამარი იძულებული გახდა დიდგვარიანთა მოთხოვნა შეესრულებინა. ეს, რა თქმა უნდა, მეფის მარცხი იყო.

## § 45. ბრძოლა საქართველოს სახელმწიფო წესწყობილების შესაცვლელად

დიდგვაროვანთა გამოსვლა ჯერ დამცხრალი არ იყო, როცა მეჭურჭლეთუხუცესმა (ფინანსთა მინისტრმა) ყუთლუ-არსლანმა, რომელსაც ბევრი თანამგრძნობი ჰყავდა, თამარ მეფეს სრულიად ახალი მოთხოვნა წაუყენა.

ამ მოთხოვნით, ისანში, ახლანდელ ავლაბარში, ახალი სახელმწიფო დაწესებულება „კარავი“ უნდა დაარსებულიყო.

ისანში მეფის სასახლე იყო მოთავსებული და საქართველოს უმაღლესი დაწესებულება, სახელმწიფო დარბაზიც. დარბაზის მოწვევა მხოლოდ და მხოლოდ მეფის სურვილზე იყო დამოკიდებული, ახლა ყუთლუ-არსლანის დასი მოითხოვდა, რომ სასახლის გვერდით კარავი ყოფილიყო დადგმული. ამ კარავში, მეფისაგან დამოუკიდებლად და მეფის დაუსწრებლად, სახელმწიფო მართვა-გამგეობასა და უზენაეს მართლმსაჯულებასთან დაკავშირებული საქმეები უნდა განეხილათ. აქ „კარავი“ ჩვეულებრივი მნიშვნელობით კი არ არის ნახმარი, არამედ დარბაზის მსგავსს დაწესებულებას ნიშნავს. ყუთლუ-არსლანის დასის გვეგმით, კანონმდებლობითი უფლება მეფეს უნდა ჩამორთმეოდა და მთლიანად ამ ახალ დაწესებულებას უნდა გადასცემოდა. მეფეს ისინი მხოლოდ აღმასრულებელ ხელისუფლებას უტოვებდნენ.

ამრიგად, ყუთლუ-არსლანის დასს მიზნად დასახული ჰქონდა სახელმწიფო წესწყობილების იმნაირად შეცვლა, რომ ქვეყნის მართვა-გამგეობა და მართლმსაჯულება მარტო მეფის სურვილზე არ ყოფილიყო დამოკიდებული.

ამ დროს უკვე სახელმწიფო ძალა-უფლება ყუთლუს მონააღმდეგე დიდგვარიანებს ჰქონდათ ხელში ჩაგდებული და მათ ყოველი ღონე იხმარეს, რათა ეს დიდი მოძრაობა ჩაეშალათ. მათი რჩევით თამარმა ამ პოლიტიკური დასის მეთაური დააჭერინა. თამარის მრჩევლებს ეგონათ, რომ ყუთლუს დაჭერა მოძრაობას ჩააქრობდა და დასიც თავისთავად დაიშლებოდა, მაგრამ ეს მთლოდინი არ გამართლდა.

ყუთლუ-არსლანის თანამოაზრენი შეიკრიბნენ, მეფეს თავისი მეთაურის უვნებლობა და განთავისუფლება მოსთხოვეს

და თანაც იარაღი შეისხეს, შეთქმულნი მეფის სასახლეს ემუქრებოდნენ.

აჯანყებულებს მოსალაპარაკებლად თამარმა კრავაი ჯაყელი და ხვაშაქ ცოქალი, ორი გამოჩენილი ქართველი მანდილოსანი, მიუგზავნა. შეთანხმება ურთიერთდათმობით გახდა შესაძლებელი.

თუმცა „კარავის“ დაარსება უარყოფილ იქნა, მაგრამ თამარ მეფემ დარბაზის „თანადგომის“, ესე იგი სახელმწიფო საქმეების განხილვა-გადაწყვეტაში მონაწილეობის განსაკუთრებული უფლება აღიარა. ამ დროიდან მოყოლებული, დიდი თანამდებობის პირთა დანიშვნის შესახებ თამარის ისტორიკოსი ყოველთვის ასე ამბობს: „თანადგომითა და ერთნებობითა დიდებულთა“ თამარმა დაამტკიცა ესა და ეს პირო.

ამგვარად, საქართველოს მეფის ხელისუფლება სახელმწიფო დარბაზის „თანადგომითა და ერთნებობით“ თვალსაჩინოდ იქნა შეზღუდული. საქართველოს სახელმწიფო წესწყობილებაში მომხდარი ეს დიდად მნიშვნელოვანი ცვლილება იმ ცვლილების წინამორბედსა და ანალოგიურ მოვლენას წარმოადგენს, რომელიც მე-13 საუკუნის დამდეგს ინგლისში მოხდა, სადაც „თავისუფლებათა დიდი ქარტიის“ („მაგნა ხარტა ლიბერტატუმ“) შექმნით ინგლისის მეფის ხელისუფლება შეიზღუდა.

§ 46. შინაური მდგომარეობა თამარის მეფობის დასაწყისში

დიდგვარიანი აზნაურები და მათი ცალკე ჯგუფები ამის შემდეგაც არაერთხელ გამოსულან თამარის წინააღმდეგ. ისინი თამარის პირად ცხოვრებაშიაც ერეოდნენ. ასე, როცა თამარის ქმრის საკითხი დადგა, ისინი საქმროდ უფრო ისეთ კაცს ეძებდნენ, რომელიც მათთვის იქნებოდა მისაღები. პირველი ქმარი თამარს მისი სურვილის წინააღმდეგ მოუყვანეს. 1185-86 წელს, სახელმწიფო დარბაზის გადაწყვეტილებით, ჩრდილოეთ კავკასიიდან ჩამოიყვანეს და თამარს შერთეს სუზდალის რუსეთის მთავრის ანდრია ბოგოლუბსკის შვილი გიორგი, მაგრამ ცოტა ხნის შემდეგ გიორგის პიროვნების უარყოფითი თვისებები მოიმიზეზეს და იგი საქართველოდან გააძევეს. გიორგი ბიზანტიაში წავიდა.

1189 წ. თამარმა მეორედ იქორწინა. თამარის მეორე ქმარი იყო დავით სოსლანი. დავითი ოსეთის მეფისწული და ბაგრატიონთა შთამომავალი იყო და თამარის მამიდასთან, რუსუდანთან, იზრდებოდა. დავითისაგან თამარს ორი შვილი ეყოლა: უფროსი — გიორგი ლაშა და უმცროსი — რუსუდანი.

მაგრამ გიორგი ასე ადვილად არ შერიგებია თავის ბედს. მან ორჯერ მოაწყო აჯანყება თამარის წინააღმდეგ. პირველად გიორგი ერზერუმის გზით შემოვიდა საქართველოში. მაშინ მას ისეთი დიდი ფეოდალები მიემხრნენ, როგორც იყვნენ გუზანი, კლარჯეთისა და შავშეთის მმართველი, სამცხის სპასალარი ბოცო და მსახურთუხუცესი ვარდან დადიანი.

ამ დიდგვარიან აზნაურებს იმედი ჰქონდათ, რომ გიორგის თავის სათამაშო ბურთად გადააქცევდნენ.

მართალია, გიორგის მომხრეებმა თავდაპირველად საქართველოს დიდი ნაწილის დაჭერა მოახერხეს და გიორგი მეფედაც გამოაცხადეს დასავლეთ საქართველოში, მაგრამ შემდეგ მათ საქმე ცუდად წაუვიდათ. თამარის ერთგულმა ჯარებმა აჯანყებულთა მთავარი ძალა გაანადგურეს ჯავახეთში, თმოგვსა და ერუშეთს შუა. როდესაც ქართლში მყოფმა მეამბოხეებმა ჯავახეთის ჯგუფის დამარცხების ამბავი გაიგეს, უბრძოლველად გაიქცნენ. გიორგის მომხრე დიდგვარიანმა აზნაურებმა თამარს წინასწარ პატიება სთხოვეს, გადმოვიდნენ და გიორგიც მოიყვანეს. თამარმა გიორგი კვლავ გააძევა, აჯანყებაში გარეულს მის მომხრეებს კი თანამდებობა ჩამოართვა და მათ მაგაურ თავისი ერთგული ხელისუფლები დანიშნა.

1193 წ. გიორგიმ ხელმეორედ სცადა თავისი ბედი წაღმა მოეტრიალებინა: რანში მოვიდა ათაბაგთან და იქიდან კამბეჩოვანში, ე. ი. ქიზიყში, შემოიჭრა. მაგრამ უმაღლვე დამარცხებულ იქნა და უკვალთ გადაიხვეწა.

## § 47. საგარეო ომიანი თამარის მეფობაში

თხზმოცდაათიანი წლების დამდეგისათვის შინაური მდგომარეობა საქართველოში უკვე დაწყნარებული იყო. ახლა იწყებოდა ისეთი დიდი საგარეო ომები, რომ მათი მსგავსი საქართველოს ცოტა ახსოვდა.

მეზობელი მაჰმადიანი მმართველები დროგამთშევებით ცდილობდნენ, რომ საქართველოსაგან შემოერთებული ადგილები ისევ უკან დაებრუნებინათ. ირანის ადარბადაგანის ათაბაგი აბუბექრი შარვანს შეესია. ამ დროს შარვანში საშინელი მიწისძვრაც მოხდა, აღსართან შარვან-შაჰმა აბუბექრს წინააღმდეგობა ვერ გაუწია და თამარს დახმარება სთხოვა. რაკი ის საქართველოს ყმადნაფიცო იყო, საქართველოს მთავრობამ დახმარება საჭიროდ იცნო.

საქართველოსა და ათაბაგის ჯარებს შორის დიდი ბრძოლა მოხდა 1195 წ. ციხე-ქალაქ შამქორთან. მტერი საშინლად დამარცხდა და ათაბაგმა გაქცევით ძლივს უშველა თავს. ქართველებს დიდძალი საშოვარი ჩაუვარდათ ხელში, შამქორი კი თამარმა თავის ყმადნაფიცებს გადასცა.

შამქორის შემდეგ საქართველოს ჯარმა ქალაქი განძაც დაიმორჩილა.

დიდ ომებს შორის ქართველი ჯარები განუწყვეტლივ ლაშქრობდნენ საქართველოს მეზობელ თემებში, იქ მდგარ თურქებს ანადგურებდნენ, იბრუნებდნენ მტრისაგან მიტაცებულს უშორეულეს ქართულ ციხე-ქალაქებს და ახალ ქვეყნებსაც საქართველოს მეფეს უმორჩილებდნენ. ასე მოხდა გელაქუნისა (სევანის) და დვინის თემებში და ჭტოროსის ხეობის ზემო ნაწილში.

1204 წ. თამარი იძულებული გახდა საქართველოს ჯარის მოქმედება უფრო შორეულ მანძილზე გადაეტანა. იმ ხანებში უცხოეთიდან ჩამოსულ ქართული სავანეების წარმომადგენლებს თამარ მეფემ დიდი ქონებრივი შეწირულობა გადასცა, მაგრამ ბიზანტიის კეისარმა უკან დაბრუნებულ ქართველ ბერებს ეს ფული ჩამოართვა და დაისაკუთრა. ასეთი საჭიველის დასასჯელად, თამარმა საქართველოს მხედრობა ბიზანტიის იმ სანაპიროს შეუსია, რომელიც საქართველოს მოსაზღვრე იყო და რომელშიც ქართველი ტომები, ლაზები

ანუ ჭანები, ცხოვრობდნენ. ამ ლაშქრობის დროს საქართველოს ჯარმა დაიპყრო მთელი ლაზისტანი, ტრაპიზონი, სამსონი, სინოპი, კერასუნტი, აილო კოტიორა და ერაკლიამდე მიაღწია. დაპყრობილა სანაპირო საქართველოს მთავრობამ ბიზანტიას ჩამოართვა და ცალკე სამეფოდ („ტრაპიზონის სამეფოდ“) გადააქცია, რომელშიც თამარმა შთამომავლობით ბერძენი უფლისწული, დედის მხრით თავისი ნათესავი და საქართველოში გაზრდილი ალექსი კომნენოსი გაამეფა.

ამნაირად, ამ დროიდან მოყოლებული, საქართველოს მეზობლად თვით საქართველოს წყალობითვე შექმნილი დიდი სამეფო გაჩნდა, რომელიც ქართველი ტომთაგან იყო დასახლებული და პოლიტიკურადაც საქართველოს სახელმწიფოსთან იყო უმჭიდროესად დაკავშირებული. ტრაპიზონის საკეისროში (სამეფოში) საქართველოს გავლენა იყო გაბატონებული.

1204-1205 წელს საქართველოს ჯარმა ჯერ ხლათი დალაშქრა, შემდეგ მანაზკერტი და არჭეში. ამავე ხანებში თამარმა თავისი ჯარი კარის (ყარსის) ციხე-ქალაქის ასაღებად გაგზავნა. გარემოცვა კარგა ხანს გაგრძელდა, მაგრამ მაინც საქართველოს ჯარის სრული გამარჯვებით დამთავრდა. კარის ციხეს სამხედრო თვალსაზრისით უდიდესი მნიშვნელობა ჰქონდა, რადგანაც სამხრეთიდან საქართველოში მომავალს ერთ-ერთ მნიშვნელოვან გზას ჰკრავდა. თამარმა კარის ციხე-ქალაქი უშუალოდ სამეფო ტახტს დაუმორჩილა.

საქართველოს ძლევამოსილების ხმა მთელს მანგოლურ აღმოსავლეთს მოედო. ეს ამბები მაჰმადიან მფლობელებში დიდ შეშფოთებას იწვევდა. ყველაზე მეტად რუმის სულთანი რუკნადინი იყო აღშფოთებული. რუმის სასულთნო ძლიერი თურქული სამეფო იყო, რომელიც დღევანდელი თურქეთის ფარგლებში მდებარეობდა. რუკნადინმა მეზობელი ყველა მაჰმადიანური სამფლობელოს უფროსებთან გააბა მოლაპარაკება, რომ შერთებული ძალით საქართველოს წინააღმდეგ გამოელაშქრათ.

მოკავშირეებმა რომ 400 ათასი ჯარისკაცისაგან შემდგარ ლაშქარს მოუყარეს თავი, რუკნადინმა თამარ მეფეს მუქარით სავსე, ბრიყვული წერილი გამოუგზავნა, რომელშიც, წინადადებას აძლევდა იას, უბრძოლველად დამემორჩილეო.

საპასუხოდ თამარმა ბრძანება გასცა ჯარის შეყრის შესახებ. ეს განკარგულება სისწრაფით იქნა ასრულებული და რუკნადინის უკან მიმავალ ელჩს საქართველოს მთელი ლაშქარი კვალდაკვალ დაედევნა.

შეტაკება მოხდა საქართველოს ყველაზე სამხრეთით მდებარე თემში, ბასიანში (ერზერუმის მახლობლად). თავდაცვითი ბრძოლის მაგიერ ქართველებმა თავდასხმის ტაქტიკა არჩიეს და მტერს მეუტიეს. თურქები იმდენად ჭარბობდნენ რიცხვით ქართველებს, რომ პირველი სისხლისმღვრელი ბრძოლის შემდეგ ქართველების მოწინავე რაზმი, რომელსაც სახელგანთქმული სარდლები მეთაურობდნენ — ამირსპარსალარი ზაქარია მხარგრძელი, ძმები შალვა და ივანე ახალციხელება ჯა სხვები — შედრკა და უკან დაიხია. მაგრამ მალე ქართველებმა, მეფე დავით სოსლანისა და ზაქარია მხარგრძელის წინამძღოლობით, მოუარეს თურქებსა და გვერდიდან დაჰკრეს. მტრის უზარმაზარი ლაშქარი აირია და გაიქცა. თურქები ისე სასტიკად დამარცხდნენ, რომ თვით რუკნადინი ტყვეობას ძლივს გადაურჩა. მათი დროშები, მთელი ქონება, რაც კი თან ჰქონდათ, და მრავალი ტყვე საქართველოს ლაშქარს ჩაუვრდა ხელში.

ამ გამარჯვებამ საქართველოს ჯარის უძლეველობის სახელი განამტკიცა აღმოსავლეთში.

1207 წ. თამარის მეუღლე დავითი გარდაიცვალა და თამარმა სამეფო ტახტზე თანამმართველად თავისი თორმეტი წლის ვაჟი გიორგი ლაშა აიყვანა. საგარეო ლაშქრობანი ამის შედეგად გრძელდებოდა. 1208—1209 წელს არტეში აიღეს. 1208 წელსვე აღდგომა ღლეს, როდესაც რიჟრაჟზე ქალაქის კარები გაღებული იყო, არდაველის (ირანში) სულთანი ანისს შეესია, ეკლესიებში მყოფი ხალხი ამოხოცა და ისევე სწრაფად, როგორც შემოიჭრა, ირანში დაბრუნდა. მოახსენეს თუ არა თამარს ამ კადნიერი შემოსევის ამბავი, მან საპასუხოდ დამსჯელი ლაშქრობა ბრძანა. იმავე წესით, როგორც ანისი იყო დარბეული, დარბეულ და აწიოკებულ იქნა არდაველიც, ხოლო არდაველის სულთანი სიკვდილით დასაჯეს.

ამ ვალაშქრებამ ქართველ მხედართმთავრებს ირანის სრული უმწეობის სურათი გადაუშალა. ისინი დარწმუნდნენ, რომ ირანის დაპყრობა ძნელი საქმე აღარ იყო. 1210 წ. ამირ-

სპარსალარ ზაქარია მხარგრძელისა და სხვა მაღალი მოხელეების თხოვნით სახელმწიფო დარბაზმა და თამარ მეფემ ირანში ლაშქრობა დაასკვნეს.

საქართველოს მრავალრიცხოვანი მხედრობა ირანისაკენ გაემართა. ზედიზედ აღებულ იქნა ირანის ცნობილი ქალაქები მარანდი, თავრეჟი (თავრიზი), მიანა ზენგანი (ზენჯანი) და ყაზვინი. დასასრულ, ქართველმა ჯარმა როგ-გურსაც კი მიაღწია, მაგრამ ახლა პას იმდენი ნაშოვარი ჰქონდა დაგროვებული, რომ ლაშქრობას გაგრძელება შეუძლებელი შეიქნა.

§ 48. ქართული სახელმწიფოებრიობა თამარის მეფობაში, მთიელების აჯანყება

თამარის მეფობის სიათქმის ოცი წლის განმავლობაში განუწყვეტელი, დიდი და წვრილი, ომები, წარმოებდა. ამ ომებს დიდი საშოვარი სღევდა თან, ჯარი დავლითა და ალაფით დატვირთული ბრუნდებოდა შინ. გასაგებია, რომ მდიდრდებოდნენ უმთავრესად ფეოდალები და მათს ამყოლს შინაყმებსაც ცოტა რამ ერგებოდათ ხოლმე.

ქვეყნისათვის ამ ომებს ის მნიშვნელობა ჰქონდა, რომ მათ საქართველო და მისი მეზობელი მხარეები გაწმინდეს უფრო დაბალი კულტურის მქონე, მოძალადე უცხოელები-საგან — უმთავრესად, ლურქებისაგან, — და ხელი შეუწყვეს საქართველოს დიდი და ძლიერი სახელმწიფოს შექმნას. ამ სახელმწიფოში დამყარდა წესრიგი, რომელიც საჭირო იყო ვაჭრობისა და ხელოსნური წარმოების განვითარებისათვის, იმ ვრცელ ტერიტორიაზე, რომელიც საქართველოს მეფეს ემორჩილებოდა, მეურნეობის მრავალნაირი დარგი არსებობდა და სხვადასხვა რაიონები ერთმანეთს უკავშირდებოდნენ გაცვლა-გამოცვლის მიზნით.

თამარის მეფობის დასასრულისათვის საქართველოს სამეფოში უკვე ბევრი არაქართველი ეროვნება შემოდის. საქართველოსაგან დამოკიდებული გახდა მთელი ჩრდილოეთი კავკასია, აღმოსავლეთი ამიერკავკასია, სამხრეთის ანუ ირანის ადარბადაგანი, მთელი სომხეთი და შავი ზღვის სამხრეთი სანაპიროები.

არაქართველი მოსახლეობის მიწა-წყლის შემოერთებას-



თან ამ ქვეყნების სახელმწიფოებრივი მოწყობის საკითხი იყო დაკავშირებული. ამ ძირითად საქართველოში ორგვარი წესი არსებობდა: ან უშუალო შემოერთება, ან ყმადნაფიცობა (ვასალური დამოკიდებულება). პირველ შემთხვევაში შემოერთებული ქვეყანა საქართველოს მეფეს ემორჩილებოდა უშუალოდ, მეორე შემთხვევაში კი შემოერთებული ქვეყანა საქართველოს მეფის ყმას, ადგილობრივ მფლობელს ექვემდებარებოდა. ჩრდილოეთ კავკასიის სამთავროები საქართველოს სახელმწიფოს ყმადნაფიცები გახდნენ. თუმცა შარვანი და რანი თავდაპირველად უშუალოდ შემოერთებულ იქნენ, მაგრამ შემდეგ ეს ქვეყნებიც ყმადნაფიცობის წესზე იყვნენ მოწყობილნი, სამხრეთით მდებარე მაჰმადიანთა სამფლობელოებიც აგრეთვე საქართველოს ყმადნაფიცებად იყვნენ ქცეულნი, ყოფილი სომხეთის სამეფოს სომეხთა მიერ დასახლებული ტერიტორია კი საქართველოს ხელმწიფის უშუალო სამფლობელო და კუთვნილება გახდა.

სომხურ თემებში დამყარებული წესის განსხვავება იმით აიხსნება, რომ როდესაც იქ საქართველოს სახელმწიფოებრიობა შედიოდა, თითქმის მთელი საუკუნით ადრე იქ სომხური ხელისუფლება უკვე მოსკობილი იყო და საქართველოს ამ ტერიტორიას მაჰმადიან მმართველებს ართმევდა. ადგილობრივი სომხური ხელი უფლება, რომელთანაც ყმადნაფიცობით დამოკიდებულების დამყარება შესაძლებელი ყოფილიყო, არ არსებობდა. საქართველოს მთავრობა, მეტადრე თამარის ხანაში, სომხეთში მაინც ძალიან ფრთხილად და წინდახედულად მოქმედებდა: სომხური თემების მმართველად ისეთ პირებს ნიშნავდა, რომელნიც ადგილობრივ მოსახლეობასთან უფრო ახლო იყვნენ თავისი სარწმუნოებითა თუ წარმოშობით.

საქართველოს სამეფოში არა მარტო ბევრი სხვადასხვა ეროვნება, არამედ ბევრი სხვადასხვა სარწმუნოებაც იყრიდა თავს. მართლმადიდებელი ქრისტიანების გარდა, საქართველოს სახელმწიფოში იყვნენ მონოფიზიტი სომხებიცა და მაჰმადიანებიც — სპარსელები, თურქები და არაბები. ამიტომ იყო რომ საქართველოს მთავრობა, დავით აღმაშენებლიდან მოყოლებული, სარწმუნოებრივი შემწყნარებლობის (ლმობიერების) პოლიტიკას მისდევდა.

ამ პოლიტიკის ნიმუშია ერთი შემთხვევა, რომელიც სა-

შუალო საუკუნეებისათვის სრულიად უჩვეულო ამბავი იყო. ორ სომხურ მონასტერს წორის დავა ატყვდა ძვირფასი ოქროს ჯვრის გამო. ამ ღაცის გასარჩევად საქართველოს მთავრობის თავმჯდომარემ, იწიგნობართუხუცესმა, საგანგებო სასამართლო გამოიწყო, რომლის წევრებად მოწვეული იყვნენ როგორც სომეხი, ისე ქართველი სამღვდლო პირები. ესეც გაუგონარი ამბავი იყო, რამდენადაც საკითხი სომეხთა ეკლესიას ეხებოდა მხოლოდ. მაგრამ ამაზე უფრო საყურადღებო ის არის, რომ ამავე სასამართლოს სრულყოფლებიან მსაჯულ წევრებად დანიშნული იყვნენ თბილისისა და განძის ცნობილი ყადიები (მაჰმადიანთა სჯულის მეცნიერნი)!

ამიტომაც არის, რომ საქართველოში მყოფი მაჰმადიანები, თვით არაბულ-სპაჰსული იმდროინდელი ისტორიული წყაროების ცნობებით, თავის თავს ბევრ მუსლიმან სახელმწიფოს ქვეშევრდომებზე უკეთესად გრძნობდნენ.

მე-12 საუკუნის საქართველო, როგორც ვიცით, ფეოდალური ქვეყანა იყო. ფეოდალური ურთიერთობა აქ სულ უფრო და უფრო იზრდებოდა და სულ უფრო და უფრო მეტ ხალხს აბამდა თავის უღელში. სახელმწიფოც ხელს უწყობდა ფეოდალიზმის განმტკიცებას.

ფეოდალური ურთიერთობის ზრდა იწვევდა ხალხის ბრძოლას ფეოდალების წინააღმდეგ, თავისი ფეოდალური ვალდებულებების გადიდების წინააღმდეგ. ამ ბრძოლის ერთ-ერთი გამოხატულება იყო დიდი აჯანყება აღმოსავლეთ საქართველოს მთებში, თამარის მეფობის უკანასკნელ წლებში.

აქაური მთიელები, ფხოველები (დღევანდელი ფშავ-ხევსურების წინაპრები) და დიდოელები, გადასდგომიან საქართველოს მთავრობას და სრული ურწობა გამოუცხადებიათ. აჯანყება ისე გაფართოებულა, რომ თამარი იძულებული გამხდარა მთაში დიდი ჯარი გაეგზავნა ამირსპარსალარ-ათაბაგის ივანე მხარგრძელის შეთაურობით. ივანე ათაბაგმა სამი თვე მონადომა შეამბოხებთან ბრძოლას და დიდი სისასტიკით წააქრო იგი.

მე-12 საუკუნეში

საქართველოს სამეურნეო და სახელმწიფოებრივი გაძლიერება მე-12 საუკუნეში ის საფუძველი იყო, რომელზედაც აყვავდა ძველი ქართულა, ფეოდალური ხანის, კულტურა.

მე-12 საუკუნის ქართული კულტურა წინამორბედი პერიოდების ქართულივე კულტურის ბუნებრივი განვითარება იყო.

ამ საუკუნის გამოჩენილი ქართველი მწერლებისა და ფილოსოფოსების, როგორც იყვნენ იოანე პეტრიწი და არსენ იყალთოელი, მოღვაწეობა მე-12 საუკუნეს აკავშირებს მე-11 საუკუნესთან. ამ ფილოსოფოსების მიერ ჩატარებულმა ბრძოლამ აზროვნებისა და სამეცნიერო კვლევადიების თავისუფლებისათვის ღრმა კვალი დააჩნია იმდროინდელი ქართველი საზოგადოების შეგნებას. განსაკუთრებით დიდი ღვაწლი მიუძღვის ამ მხრივ იოანე პეტრიწს, რომლის მოღვაწეობა ჯერ ბიზანტიაში, პეტრიწონის ქართველთა მონასტერში დაიწყო, შემდეგ კონსტანტინოპოლში მიმდინარეობდა, სულ ბოლოს კი საქართველოში იყო გადმოტანილი. ღრმა ცოდნაზე დამყარებული სამაგალითო, ზედმიწევნითი თარგმანების გვერდით, მათ საუცხოო საკუთარი კომენტარები და ზოგადი მოძღვრების შემცველი დებულებებიც შექმნეს.

გაიფურჩქნა ამ ხანაში აგრეთვე ქართული საისტორიო მწერლობაც ამ დროს არის დაწერილი ისეთი წარჩინებული საისტორიო ნაშრომები, როგორცაა დავით აღმაშენებლის ისტორიკოსის ბრწყინვალე თხზულება და თამარ მეფის სამი ისტორიკოსის შესანიშნავი ნაწარმოებები. სახელმწიფო ამბებს გარდა, ამ ავტორებს საზოგადოებრივი და კულტურული ცხოვრების ამბებიც არ ავიწყდებოდათ. შინაარსის მრავალფეროვნება და თვით საისტორიო წერის მაღალი ტექნიკა ამ ნაშრომებს პირველხარისხიან საისტორიო ძეგლებად ხდის.

ძველი ქართული კულტურის გარდა, ფეოდალურ საქართველოს ელინური კულტურის მემკვიდრეობაც საკმაოდ ჰქონდა შეთვისებული. ბერძნულის საფუძველიანმა ცოდნამ ქარ-

თველ მეცნიერებს საშუალება მისცა ბერძნული თხზულებები დედანში წაეკითხათ.

მე-12 საუკუნის ქართული კულტურის თავისებურებას, დასავლეთის იმდროინდელ კულტურასთან შედარებით, ის წარმოადგენს, რომ როგორც აღმოსავლეთისა და დასავლეთის მიჯნაზე მდებარე ქვეყანას, საქართველოს საშუალება ჰქონდა დასავლური ქრისტიანული კულტურის გარდა, ისლამობის ნიადაგზე შექმნილს ახალს, მეტად თავისებურსა და მრავალფეროვანს, არაბულ-სპარსულ კულტურასაც გაეცნობოდა. ქართველი ერი სარწმუნოებრივად მისთვის ამ დაშორებულსა და თითქოს უცხო კულტურას, როგორც ცხოველმყოფელ წყაროს, დაეწაფა, შეითვისა და ამით თავისი მწერლობა და ხელოვნება გაამდიდრა.

ქართველ ხალხს უძველესი დროიდანვე თავისი მდიდარი ხალხური პოეზია და მრავალფეროვანი ხმიერი და საკრავიანი მუსიკა ჰქონდა, ისევე როგორც სახიობაც. მკაცრი ქრისტიანულ-ასკეტური მოძღვრება ხალხური შემოქმედების ამ დარგებს სდევნიდა, მაგრამ მათ თანდათანობით თავისი ძალა კვლავ მოიკრიფეს და უკვე მე-10 საუკუნისათვის ქართული საერო მწერლობის განახლების დასაწყისი მკაფიოდ საგრძნობი გახდა.

მე-11—მე-12 საუკუნეებში ამ საერო მწერლობის მნიშვნელობა და გავლენა სწრაფად იზრდება. პირველ ხანებში მაჰმადიანთა საერო მწერლობის ჰანგების მიმბაძველობით შეფარდებული, თანდათანობით ის დამოუკიდებელი შემოქმედების გზას ადგება. ამ მხრივ ქართული „ვისრამიანია“ საყურადღებო, რომელიც ამავე სახელწოდების მქონე ლექსად დაწერილს სპარსულ რომანს არაფრით ჩამოუვარდება, იმისდა მიუხედავად, რომ ქართველ ავტორს თავისი თხზულება პროზად აქვს დაწერილი. იოანე შავთელის „აბდულ მესია“ და ჩახრუხაძის სოტზანი ღომ მაშინდელი საქართველოს მაღალხარისხოვანი კულტურის გამომზატველია. ასეთ თხზულებათა გავება მხოლოდ ფართო და ღრმა განათლების მქონე საზოგადოებას შეეძლო. იმავე დროს უმაღლესი ლექსთაწყობა, რომლის მაგალითებიც მათი ნაწარმოების ყოველ სტრიქონში განსაცვიფრებელი ოსტატობით არის მიმოხსენიებული, მხოლოდ უაღრესად დახელოვნებული პოეტისათვის იყო მისაწვდომი.

მარტო შოთა რუსთაველის უკვდავი ქმნილება ვეფხისტყაოსანიც“, სხვაც რომ არაფერი გვექონოდა შემორჩენილი, მაშინდელი ქაროული მხატვრული მწერლობის მაღალი დონის საბუთად კმარა. შოთას „ვეფხისტყაოსანი“ არაჩვეულებრივი მოვლენაა იმდროინდელი როგორც ადმოსავლეთის, ისევე დასავლეთის მწერლობისათვის. პირველი სტრიქონიდან მოყოლებული დასასრულამდე, ეს ქმნილება მომაჯადოებელ შთაბეჭდილებას სტოვებს მკითხველზე სწორეუბოვარი ლექსის მუსიკალობით, სრულყოფილი აღნაგობით, მაღალმხატვრული შედარებებითა და ღრმა აზრებით. მთელი ნაწარმოები მარტო სიყვარულის გრძნობით კი არ არის გამსჭვალული, როგორც ეს ჩვეულებრივს რომანებში იყო ხოლმე, არამედ აქ მგოსანი და მისი გმირები დიდ საკითხებს დასტრიალებენ თავს.

შოთას მოქმედი პირები მარტო თავის ბედნიერებაზე მზრუნველი ჩვეულებრივი არსებანი არ არიან. „ვეფხისტყაოსნის“ ქალებიც ეროვნული და საზოგადოებრივი მოვალეობის შეგნებით დაჯილდოებული გმირები არიან და უკიდურესი განსაცდელის დროსაც მათ თავისი სამშობლოს ბედნიერება არ ავიწყდებათ.

საზოგადოებრივი ჰანგები, ადამიანის ბუნების იშვიათი ცოდნა და სიბრძნე განსაკუთრებით ამკობს „ვეფხისტყაოსანს“. ეს უკვდავი პოემა სამ ძირითად ჰანგზე არის აგებული: ქალისადმი რაინდული სიყვარული, გმირული თავგანწირულება, ეროვნებისა და სარწმუნოებისდა მიუხედავად ძმადნაფიცთა ერთგულება. ყოველივე ამან „ვეფხისტყაოსანი“ შოთას თანამედროვეებისთვისაც უებრო თხზულებად აქცია და ქართულ მწერლობაში იგი დღევანდლამდე სწორეუბოვარ მაგალითად დარჩა.

ქართულ მხატვრულ მწერლობას გვერდს ხელოვნების სხვა დარგებაც უმშვენებდა. იმდროინდელმა ხუროთმოძღვრებამ, კედლისა და ხელნაწერების მხატვრობამ, ჭედვითმა ხელოვნებამ თუ მინანქარმა, მუსიკამაც ბევრი პირველხარისხოვანი ნაწარმოები დაგვიტოვა.

საკმარისია დავასახელოთ ისეთი დიდებული ძეგლები, როგორც არის უბისის, ყინწვისის, გელათის კედლის მხატვრობა და მოზაიკა, ჯრუჭის თონთავი, წყაროსთავისა და ტბე-

თის სახარებათა, ხახულისა და ანჩის სატების მოჭედილობა, რომელიც იმდროინდელი შესანიშნავი ქართული თქრომქანდაკებლების ბეჭა და ბეშქენ ოპიზარების ნახელავია.

აღსანიშნავია აგრეთვე ქართულ მუსიკის დიდი დაწინაურებაც: მრავალხმიანობის გაჩენასა და განვითარებასთან ერთად, საკომპოზიცო სელოვნება ცალკე დარგად გამოიყო, ისე რომ ამ დროს საგალობლების სიტყვებისა და პანგის შემთხვევლნი საქართველოში სხვადასხვა პირები იყვნენ. მაშინდელი ქართველი კომპოზიტორებისაგან შეთხზული პანგები, საკუთარი საგალობო ნიშნებით ჩაწერილი, ნაწილობრივ ჩვენ დრომდეც არის მოღწეული.

მაღალ დონეს მიაღწია ქართულმა ხუროთმოძღვრებამაც. იკორთის, სამთავროს, ბერთუბნის, ბეთანიისა და სხვა ტაძრები ამ დიდი ხელოვნებას მრავალმეტყველი მოწმენი არიან, იმისდა მიუხედავად, რომ საუკუნეთა განმავლობაში ძალზე დაზიანდნენ და წინანდელი ბრწყინვალეებიდან მათ ბევრი რამ უკვე დაკარგული ჰქვით. მთლად კლდეში გამოკვეთილი ვარძიის მონასტერი, მრავალი სენაკებითა და საუცხოოდ მოხატული ეკლესიით, დაანახვებს ადამიანს, თუ რამდენად ძლიერი იყო ხელოვნების ეს დარგი მაშინდელ საქართველოში.

მე-11—მე-12 საუკუნეების ქართულ ხელოვნებას ანასიათებს მთელი რიგი ნიშნები, რომლებიც რამდენიმე საუკუნის შემდეგ, ევროპაში საფუკლად დაედო ევრეთწოდებულს „რენესანსის (აღორძინების) ხანას“.

ივლინო... მონღოლთა...  
 -...  
 -...  
 0530 V

საქართველო 60-13-80-14 სასაქონლო

§ 50. მონღოლთა გაბატონება საქართველოში

1122 წ. გარდაიცვალა ლაშა გიორგი და სამეფო ტახტზე მისი და რუსუდანი ავიდა. ამ უკანასკნელის დროს, 1125 წ., საქართველოს შემოესია შორეული ხორეზმის მმართველი ჯალალედინი და თბალისიცი კი აიღო, რომელიც სასტიკად დაარბია. სულ მალე, მე-13 საუკუნის 30-იან წლებში, საქართველოს უკვე მონღოლები შემოესიენ და დაიპყრეს იგი. რუსუდანიმა მათდამი ხარკის ხდა იკისრა.

მონღოლები ორ მოავარ ჯგუფად იყოფოდნენ: მონღოლებად და თათრებად. საქართველოში და სხვა ქვეყნებშიც მონღოლებს ჩვეულებრივად თათრებს ეძახდნენ. მათი სამშობლო ცენტრალური აზია იყო.

მონღოლები მომთაბარე ხალხი იყო. ერთი ადგილიდან მეორეზე გადადიოდნენ საკვებისა და სხვა საცხოვრებელი სახსარის შემოლევვის შემდეგ. ტყეში მობინადრე მონღოლთა ტომები უმთავრესად მონადირეობითა და მეთევზეობით ცხოვრობდნენ. ველად მოსახლე მონღოლები მხოლოდ მესაქონლეობას მისდევდნენ, რომელიც მომთაბარეობის პრინციპზე იყო დამყარებული: ზაფხულად ისინი მთაში ადიოდნენ, ზამთრად კი ბარად ჩამოდდიოდნენ. მიწათმოქმედება მათ არ ჰქონდათ, ხვნა-თესვას არ მისდევდნენ. მესაქონლეობის მთავარ დარგად მეცხენეობა ითვლებოდა, რადგანაც ცხენი მათთვის ძვირფასი იყო, როგორც საწველი ცხოველიც: ისინი ცხენის რძესა სვამდნენ და ამას გარდა, სხვა ხორცზე მეტად, უმთავრესად ცხენის ხორციით იკვებებოდნენ. მარტო მესაქონლეობა მათ არსებობისათვის საკმარის სახსარს ვერ



აწვდიდა. ამიტომ დანაკლისის შევსება მათ მონადირეობით უხდებოდათ. მაგრამ არც ეს იყო საკმარისი და მათი არსებობის მესამე, არაუმნიშვნელო, წყაროს შეკობრეობა და მტაცებლობა შეადგენდა.

მონგოლები გვაროვნული წესწყობილების მქონებული ხალხი იყო, მაგრამ მე-13 საუკუნის დამდეგისათვის მათი გვაროვნული წყობილება უკვე საკმაოდ შერყეული იყო და თავისებური ფეოდალიზმის ჩანასახი მათ ცხოვრებაში უკვე ჩანდა. მე-12 საუკუნის დამდეგისათვის მონგოლთა მეთაურებს შორის გაძლიერდა ერთი, სახელად თე მ უ ჩ ი ნ ი, რომელმაც თანდათან სძლია თავის მეტოქეებს და მონგოლები გააერთიანა. 1206 წ. მონგოლთა თავკაცების ყრილობამ თემუჩინი აღიარა თავის მპრბანებლად და თემუჩინმა ჩ ი ნ გ ი ზ ხ ა ნ ი ს ახალი სახელა მიიღო.

მალე ჩინგიზ-ხანმა მეზობელი ქვეყნების დაპყრობას მიჰყო ხელი და თავისი სამფლობელო ძალიან გააფართოვა.

ჩინგიზ-ხანმა ახალი სამხედრო ორგანიზაცია შემოიღო, რომელიც მთელს მონგოლურ მოსახლეობას ათეულებად, ასეულებად, ათასეულებად და ათიათასეულებად ანაწილებდა. ათეული შედგებოდა იმდენი ოჯახისაგან რამდენსაც ბრძოლის ველზე ათი შეიარაღებული მოლაშქრე უნდა გამოეყვანა. ასეულს, ათასეულს, ათიათასეულს (რომელსაც მონგოლურად დუმენი ეწოდებოდა), ასევე, როცა სალაშქროდ გამგზავრება იყო საჭირო, ასი, ათასი და ათიათასი მოლაშქრე უნდა მიეცა.

მალე ჩინგიზ-ხანმა მეზობელი ქვეყნების დაპყრობას მიჰყო ხელი და თავისი სამფლობელო ძალიან გააფართოვა.

აღსანიშნავია ისიც, რომ ჩინგიზ-ხანის სამფლობელო მის ოთხ შვილს შორის იყო გაყოფილი. უფროს შვილს, ჯუჩის, ჩრდილო-დასავლეთი ქვეყნები ერგო. აქ, კავკასიონისა და კასპიის ზღვის ჩრდილოეთით, თანდათანობით ჩამოყალიბდა ეგრეთწოდებული „ოქროს ურდო“ ანუ „ჯუჩის ულუსი“, რომელსაც რუსეთი ემორჩილებოდა. ჩინგიზ-ხანის შთამომავლობის მეორე შტო კი დამკვიდრდა ირანში; მათ ირანის ილხანებს ანუ ჰულაგიდებს ეძახიან. მე-13 საუკუნის მეორე ნახევარში ჯუჩიდებსა და ჰულაგიდებს შორის მწვავე და ხანგრძლივი ბრძოლა ატყდა.



ამრიგად, მონგოლურა წყობილება უმთავრესად სამხედრო ორგანიზაციის წესა დაემყარა. მთელს მათ ყოფა-ცხოვრებას სამხედრო ხელსუფლება განაგებდა.

საქართველოში, პირიქით, სამხედრო ხელისუფლება სამთავროს ემორჩილებოდა. მთავრობის სათავეში მწიგნობართუხუცესი იდგა, რომელიც „ვაზირთა უპირველესი“ იყო. მას სხვა ვაზირებთან ერთად ამირსპასალარიც ექვემდებარებოდა. საქართველო, ინტესიური მეურნეობისა და მაღალი კულტურული დონის სახელმწიფო იყო.

საქართველოში დამკვიდრების შემდეგ, მონგოლები საქართველოს იმავე წესით მოწყობას შეუდგნენ, როგორც თვითონ ჰქონდათ. მათ საქართველო დუმნებად დაჰყვეს. მთელი საქართველოს სახელმწიფო რვა ათიათასეულად ანუ დუმნად იყო დანაწილებული. პირველ დუმანს ჰერეთ-კახეთი და მისგან აღმოსავლეთით მდებარე თემები შეადგენდა; ამ დუმნის უფროსად ეგარსლან ბაკურციხელი დაინიშნა. მეორე დუმანს ქვემო ქართლი და მისა აღმოსავლეთით მოსაზღვრე თემები შეადგენდა; მის უფროსად ვარამ გაგელი ითვლებოდა. მესამე დუმნის, რომელიც სოზხური თემებისაგან შედგებოდა, უფროსი შანშე მხარგრძელი იყო. მეოთხე დუმანი, შიდა ქართლი, გრიგოლ სურამელს ექვემდებარებოდა. მეხუთე დუმანი, ჯავახეთი, გამრეკელ თორელის საგამგეთ იყო, მეექვსე კი — დანარჩენი მესხეთი ერზერუმამდე — ჯაყელისა, დასავლეთი საქართველო მონგოლებმა ორ დუმნად გაჰყვეს და ცოტნე დადიანსა და რაჭის ერისთავს დაუმორჩილეს. მაგრამ დუმნებად დანაწილებამ საქართველოში დიდხანს ვერ იბოვინა და მალე მოისპო.

§ 52. კოხტასთავის შემთხვევა, ცოტნე  
დადიანის გმირობა

ქვეყნის მძიმე მდგომარეობამ ქართველ თავკაცებში აჯანყების აზრი დაბადა. ჯავახეთში, კოხტასთავზე, შეიკრიბნენ ეგარსლან ბაკურციხელი, ცოტნე დადიანი, ვარამ გაგელი,

ყვარყვარე ჯაყელი — სამცხის სპარსალარი, შოთა კუპრი, გამრეკელ თორელი, სარგის თმოგველი, ფორღვა ჰანკელი და სხვები. თავკაცებმა ითათბირეს და დაასკვნეს თათრების წინააღმდეგ აჯანყების აუცილებლობა. პაემანიც იყო დანიშნული მოქმედების დასაწყებად. მაგრამ შეთქმულება, როგორც ჩანს, ვასცეს და შეთქმულთა უმეტესობა მონგოლებმა დააპატიმრეს. პატიმრები სომხეთში მდგომ ნოინს წარუდგინეს. რადგანაც პატიმრები კონტასთავზე შეკრების მიზეზად სათათრო ხარკის საქმეს ასახელებდნენ და აჯანყების განზრახვას უარყოფდნენ, ნოინის ბრძანებით პატიმრები გააშიშვლეს და მცხუნვარე მზებზე დასხეს იმ მიზნით, რომ ასეთი წამებით მათთვის სიძარბო ეთქმევიებინათ.

ცოტნე დადიანმა, რომელიც დაპატიმრებას შემთხვევით გადაურჩა, როგორც კი გაიგო თავისი ამხანაგების ამბავი, მაშინვე სომხეთს გაემგზავრა და ნებაყოფლობით მათი მწარე ბედი გაიზიარა: სამოსელი გაიხადა და თვითონაც იმ მოედანზე დაჯდა, სადაც მისი მხარგაკრული ამხანაგები მზებზე ეყარნენ. როცა ცოტნეს უცნაური საქციელით გაკვირვებულმა მონგოლებმა დაჰკითხეს იგი, ცოტნემ განაცხადა: ჩემი ამხანაგები უდანაშაულო არიან; და თუ უდანაშაულოთა დასჯა შეიძლება, დაე მათთან ერთად დავისაჯლო.

ცოტნეს თავგანწირუ-მ გაიმარჯვა. ძველი ქართველი ისტორიკოსი, რომელიც გვიამბობს ამ ამბავს, ამტკიცებს, რომ ცოტნეს კეთილშობილება-მ თათრები დააჯერა, ქართველები მართალი უნდა იყვნენო, და ყველა გაათავისუფლეს.

### § 53. დამიო ულუს და დავიო ნარინის მეფობა

რუსუდანი, საქართველოს მეფე, 1245 წ. გარდაიცვალა. მონგოლთა მმართველთან საქართველოს სამეფოს ტახტის ორი პრეტენდენტი აღმოჩნდა: რუსუდანის ვაჟი დავითი და ლაშა გიორგის უკანონო შვილი დავითი. მონგოლთა ყაენმა ორივე დავითი მეფედ დაამტკიცა — ლაშა-გიორგის ძე უფროსად (ამიტომ მას მონგოლურად დავით-ულუ (დავით-უფროსი) უწოდეს), ხოლო რუსუდანის ძე — უმცროსად (მას დავით-ნარინი (დავით-უმცროსი) შეერქვა).

საქართველო გმინავდა მონგოლთა მძიმე ხარკისა და სხვა ვალდებულებათა ქვეშ. 1259 წელს ჯერ დავით ნარინი, ხოლო 1260 წელს დავით ულუც, აუჯანყდნენ მონგოლებს. მონგოლებმა რამდენჯერმე დაამარცხეს აჯანყებულთა რაზმები, ბევრი ქართველი წარჩინებული, მათ შორის დავით ულუს მეუღლე გვანცა, ტყვედ იგდეს ხელთ და სიკვდილით დასაჯეს. ჯერ ნარინ-დავითმა, ხოლო შემდეგ ულუ-დავითმაც დასავლეთ საქართველოს შეაფარეს თავი. მაგრამ შემდეგ ულუ-დავითი შეურიგდა მონგოლებს და კვლავ დამკვიდრდა აღმოსავლეთ საქართველოში. მალე აქ მას შეტაკება მოუხდა სამცხის მმართველ სარგის ჯაყელთან. ამ უკანასკნელმა, მონგოლთა დახმარებით, ულუ-დავითისაგან დამოუკიდებლობა მოიპოვა და ამით საქართველოს ტერიტორიაზე უკვე არსებულ ორ ფაქტიურად დამოუკიდებელ სამეფოს (დასავლეთ საქართველოს და აღმოსავლეთ საქართველოს) მიერთება კიდევ მესამე დამოუკიდებელი ფეოდალური ერთეული — სამცხე (სამხრეთ საქართველო), რომლის სათავეშიც ათაბაგის ტიტულის მქონე მთავარი იდგა. ასე რომ საქართველო ფაქტიურად სამ ნაწილად გაიყო.

1272 წ. გარდაიცვალა ულუ-დავითი და აღმოსავლეთ საქართველოში ტახტზე მისი ვაჟი დემეტრე მეორე დაჯდა.

#### § 54. აღმოსავლეთ საქართველო დემეტრე მეორის (თავდაღებულის) მეფობაში

იმისდა მიუხედავად, რომ დემეტრე მეფე მცირეწლოვანი იყო, მასაც მონგოლთა ყველა ლაშქრობაში უხდებოდა მონაწილეობის მიღება.

ამ ხანაში მონგოლები უმთავრესად ეგვიპტის სულთანს ებრძოდნენ და აღმოსავლეთ საქართველოს ჯარიც ამ ომიანობაში მუდმივ იყო ჩაბმული.

1277 წ. ირანის ილხანის (მმართველის) ლაშქრობა ეგვიპტის წინააღმდეგ საშინლად დამარცხდა. ამ ომში ქართველთაგან ბევრმა შესწირა თავისი სიცოცხლე. 3.000 მებრძოლიდან ცოტაღა დაჰრუნდა საქართველოში. საგრძნობი

დამარცხებით დამთავრდა მონგოლთა ლაშქრობა იმავე ევ-ვიპტის სულთანის წინააღმდეგ სირიაში 1280 წელსაც. ამ ლაშქრობაში 50 ათასა თათარი და 30 ათასი ქართველი, სომეხი და ბერძენი მეთმარი იყო ჩაბმული. ამ ომშიც ქართველთა უმეტესობა დაიღუპა.

1281 წ. ქალაქ ამასიის მახლობლად მონგოლები კვლავ დამარცხდნენ და ამ ბრძოლაშიც დიდძალი ხალხი დაიღუპა, მათ შორის ქართველთა ლაშქრის ნაწილიც. თვით დემეტრე მეორე ძლივს გადაურჩა სიკვდილს.

ასეთ მარცხიანსა ჯა გაუთავებელ ლაშქრობას საქართველოს მოსახლეობა დიდ ქონებრივ გაჭირვებაშიც უნდა ჩაეგდო. ეს უპირველესად ქალაქებში, მაგალითად, თბილისში, იყო საგრძნობი: იქ მათხოვარ-დავრდომილების რიცხვი ძალიან გამრავლებულა. მაღალი წრეების წარმომადგენელნიც კი თავის უმწველ მდგომარეობას საჯაროდ ჩიოდნენ.

ამ გაჭირვებას ზედ დიდი მიწისძვრაც დაერთო. მრავალი საყდარი, მონასტერი, ციხე, სასლი და სხვა ნაგებობა დაიქცა, კლდეებიც კი მტვრის მსგავსად ჩამოიფშვნა და მიწა გაიპო.

ეს საშინელი მიწისძვრა მთელი ერთი თვის განმავლობაში გრძელდებოდა, დიდძალი ხალხიც დაიღუპა და უსახლკაროდ, უსახსროდაც ბევრი დარჩა. მიწისძვრის მთავარი ცენტრი სამცხეში იყო, მაგრამ მისი ანარეკლი ქართლში იმდენად ძლიერი იყო, რომ მცხეთის ტაძარიც კი დაიქცა.

ოთხმოციანი წლების დამლევს მონგოლებმა კვლავ ხალხის აღწერა მოახდინეს. ამ აღწერამ გამოარკვია, რომ ილხანების სამფლობელოს უმეტესი ნაწილი აოხრებული ყოფილა, მათ შორის საქართველოც, ხოლო საქართველოში ყველაზე მეტად კახეთი და ჰერეთი იყო გაპარტახებული, ბერქა ყაენსა და ირანის ილხანებს შორის წარმოებული ბრძოლის წყალობით.

როგორც სხვა შემთხვევაშიაც მომხდარა, ახლაც გაჭირვება უმთავრესად ხალხს დააწვა. გაბატონებული წრეები, დიდებულები და სამღვდელთა ყველა საშუალებას ხმარობდნენ, რომ თვითონ თავი დაეღწიათ ამ გაჭირვებისაგან და მისი ტვირთი სხვებისათვის, უმთავრესად მდაბიო ხალხისათვის, გადაეღობათ. ფეოდალებმა ისევ ეკლესია-

მონასტრების მიწების მიტაცება დაიწყო. სამღვდელთა ცხელმა ბრძოლამ აშკარა ყველგან არ თავიღობდა. ცხადია, გლეხობა ცდილობდა თავი დაეცვა, რამდენადაც შეეძლო.

აღსანიშნავია, რომ ფეოდალური წრეების ზნე-ჩვეულებათაშიც ამ დროს ბევრი ცვლილება ხდებოდა მონგოლების ზეგავლენით. ასე, მაგალითად, გაჩნდა მრავალცოლიანობის შემთხვევებიც, რაც ქართველი ხალხისათვის სრულიად უჩვეულო იყო.

მას შემდეგ რაც ჩრდილოეთისა და სამხრეთის ულუსებს შორის ბრძოლა ატყდა, უთანხმოება და შუღლი თვით ირანშიც ჩამოვარდა. ილხანების საყაენოში შეთქმულება შეთქმულებას მოხდევდა. იშვიათი შემთხვევა იყო, რომ ირანის ყაენებს ამ ხანაში თავისი სიცოცხლე ბუნებრივი სიკვდილით დაემთავრებინათ.

უნებლიედ ისეთი მღვთმარეობა შეიქმნა, რომ აღმოსავლეთ საქართველოს მეფე ირანის საყაენოში პირველობისათვის მებრძოლთა ან ერთ მხარეზე უნდა ყოფილიყო, ან მეორეზე.

ასე, როცა აბალა ყაენის ძმასა და მემკვიდრეს, გამაჰმადიანებულ აჰმად ყაენს წონები აუჯანყდნენ და მის მაგიერ აბალას შვილი არღუნი დასვეს ყაენად, აჰმადმა ჯარი შეაგროვა და საქართველოდანაც დემეტრე დაიბარა ქართველი ლაშქრით. 1284 წ. აჰმადმა არღუნი თავისი და საქართველოს შეერთებული ლაშქრით დაამარცხა, მაგრამ აჰმადის ძლევამოსილება მალე გაქარწყლდა. წონები თავისას არ იშლიდნენ და მათი წყალობით არღუნი კვლავ ყაენად დაჯდა. ამავე დროს დემეტრე მეორეს საქართველოში შემოუთვალეს, დახმარება აღარ გაეწია აჰმადისათვის. ეს მოთხოვნა მეფემ შეასრულა.

არღუნის ყაენობისას დემეტრე უკეთეს პირობებში ჩავარდა, პირველ ხანებში მაინც. არღუნის უმთავრესი მრჩეველი ბულა საქართველოს მეფესთან დაახლოებული პირი იყო და დემეტრე მეფეს მხარს უჭერდა ხოლმე.

მაგრამ მალე მდგომარეობა სრულიად გამოიცვალა. 1288 წ. არღუნ ყაენის საწინააღმდეგო შეთქმულება გამოემქლავნდა. ამ შეთქმულების მეთაურობა პირველ ვაზირს ბულას დაბ-

რალდა. ბულა სიკვდილით დასაჯეს. მის შვილს, ნათესავეებსა და მომხრეებსაც იგივე ბედი ეწიათ.

რადგანაც ცნობილი იყო, რომ საქართველოს მეფე შეთქმულეების მეთაურთან მჭიდროდ იყო დაკავშირებული, ამიტომ არღუნმა დემეტრე ირანში დაიბარა. დემეტრეს წინაშე წამოიჭრა საკითხი, როგორ მოქცეულიყო: წასულიყო, თუ მთებში გახიზვნით ეშველა თავისათვის. ამ განსაცდელის ვამს მან სახელმწიფო დარბაზი მოიწვია და შეეკითხა, რას ურჩევდნენ.

თვითონ მეფეს ყაენთან წასვლა თავის მოვალეობად მიიჩნდა, რადგანაც იცოდა, რომ თუ ის არ გამოცხადდებოდა, ყაენი შურის საძიებლად უეჭველად საქართველოს ააწიოკებდა. დარბაზის წევრები კი ფიქრობდნენ, რომ დემეტრეს შეუძლო თავი ისევე გადაერჩინა, როგორც სხვებმა, თვით მისმა მამამაც, არაერთხელ გადაირჩინეს, და ურჩევდნენ, საქართველოში დარჩენილიყო. დემეტრემ ეს წინადადება უარპყო. მან თავისი მრავალრაცხოვანი ოჯახი სხვადასხვა ალაგას დამალა და გზას გაუდგა. გზაშივე დემეტრე მეფეს ყაენის საგანგებო მოსვლედ დასვდა, რომელმაც მეფეს მთელი ქონება ჩამოართვა, თვითონ ის შეიპყრო და ასე წარუდგინა ყაენს.

ყაენს გადაწყვეტილი არ ჰქონდა დემეტრე მეორე უთუოდ სიკვდილით დაესაჯა, მაგრამ ზოგი იმდროინდელი ისტორიკოსი ამტკიცებს, რომ დემეტრე მეფე მონგოლების დროს დაწინაურებული ქართველის სადუნ მანკაბერდელის შვილმა, ხუტლუ-ბულამ, დაღუპაო. ხუტლუ-ბულა დემეტრეს ემდუროდა იმის გამო, რომ მან სადუნის სიკვდილის შემდეგ ათაბაგობა მას კი არა, არამედ ტარსაიჭ ორბელს უწყალობდა. ხუტლუ-ბულა არღუნს წარუდგა და მოახსენა: იმერეთის მეფის დავითის შვილს ვახტანგს გადმოვიყვან, მას მივიცი მეფობა და ამრიგად საქართველოს ორივე სამეფო შენს ხელში იქნებაო. არღუნ ყაენს ეს გეგმა მოეწონა და ამ გარემოებამ დემეტრეს ბედიც გადაწყვიტა საბოლოოდ.

სიკვდილით დასჯის წინ დემეტრე მეფეს წინადადება მისცეს, თვითონვე დაესახელებინა, სად და რა სიმდიდრე ჰქონდა კიდევ. ამ ცნობის თანახმად, მას მთელი ქონება ჩამოართვეს და 1289 წ. 12 მარტს საქართველოს მეფეს თავი მოჰკვე-

თეს უცხოეთში. ამ ამბის განთქმის დემეტრეს „თავდადებული“ დაერქვა.

დემეტრე თავდადებულის ისტორია აღწერილი აქვს ილია ჭავჭავაძეს თავის ცნობილ პოემაში.

თავის საშინაო საქმიანობაში იმდროინდელი ისტორიკოსის მტკიცებით, დემეტრე ცდილობდა აონრებული ქვეყანა განეახლებინა, ამოწვევითი მოსახლეობის მაგიერ სხვა მოეყვანა, მიწაზე დაესვა და ქვეყანა მოეშენებინა. დემეტრეს მშენებლობაც უწარმოებია, მის მიერ ისნის სამეფო სასახლის მახლობლად აგებული მეტეხის ტაძარი (ავლაბარში) დღემდეა შემონახული. იგი მნიშვნელოვანია როგორც მე-13 საუკუნის ქართული ხუროთმოძღვრების მაღალხარისხოვანი განვითარების დამამტკიცებელი ძეგლი. მდიდარი ჩუქურთმით შემკული, მშვენივრად შესრულებული მისი კარიბჭე და სხვა გადარჩენილი ნაწილები ცხადყოფს, რომ იმ დიდი გაჭირვებისა და უბედურების მიუხედავად, რომელიც მონღოლთა ბატონობის ხანაში საქართველოს თავს დაატყდა, ქართველ ხელოვანთა შემოქმედებითი ნიჭი დაშრეტილი არ ყოფილა.

§ 55. შიშნაური მღვთმარობა საქართველოში  
მე-14 საუკუნის დამდებვისათვის

თუ როგორი შედეგები მოუტანა მონღოლების ბატონობამ საქართველოს, ეს კარგად არის გამოხატული ყაენის ერთ ბრძანებაში, რომელიც 1319 წლის ახლო ხანაში იყო გამოცემული. ყაენს ამ თავის ბრძანებაში ნათქვამი აქვს, რომ საქართველოში თურმე სრულებით თვითნებურად და უკანონოდ მრავალი სხვადასხვა გადასახადი და გამოსაღებელი იკრიფებოდა. ამის გამო საქართველოს მოსახლეობა ისე ყოფილა შეწუხებული, რომ ხალხი, ნათქვამია ყაენის ბრძანებაში, ქალაქებიდან და სოფლებიდან გარბის და თავისი უძრავ-მძრავი ქონება და სახლ-კარი მიატოვავ. ყაენი ვითომ კრძალავდა ამ თვითნებობასა და უსამართლობას, მაგრამ ცარიელი ბრძანებით დარღვეული სახელმწიფოს აღდგენა შეუძლებელი იყო.

თათართა ბატონობის ხანაში საქართველოს საზოგადოებრივ წყობასა და ცხოვრებას დიდი ცვლილება დაეტყო.

ახლა წოდებრივ ფენათა შორის უმაღლესი საფეხური საქართველოში უკვე აზნაურებს აღარ ეკავათ, არამედ აზნაურებზე უფრო მაღლა დიდებულები იდგნენ. თავადობა, როგორც წოდება, მე-13 და მე-14 საუკუნეების განმავლობაში ჯერ ჩამოყალიბებული არ იყო, მაგრამ მაინც აზნაურობა ის პირველი წოდება, რომელსაც წინათ მთელი ქვეყნის ბატონობა ხელში ჩაგდებული, აღარ იყო.

თვალსაჩინოდ გამოიცვალა გაბატონებული საგვარეულოების შემადგენლობა. ძალიან ხშირად, ჟამთა სიავის წყალობით, ძველს დიდ საგვარეულოებსა და კერძო პირებსაც თავისი წინანდელი მდგომარეობის შენარჩუნება უძნელდებოდათ. რაკი წოდებრიობა დამყარებული იყო ეკონომიკურ საფუძველზე, გაღარიბება უნებლიეთ დაქვეითებას იწვევდა. ზოგი კიდევ თავისი ქონებრივი მდგომარეობისა და სამსახურებრივი დაწინაურების წყალობით აღზევებას ახერხებდა. ამრიგად, ბევრი ძველი და დიდი საგვარეულო მოისპო, მათ მაგიერ კი ახალი დაწინაურდა.

საგრძნობი ცვლილება მოხდა აგრეთვე სოფლის მოსახლეობის მდგომარეობაში. ირანის ილხანების მძარცველობამ და მოხელეთა ბოროტმოქმედებამ მიწის მუშა ისეთ მდგომარეობაში ჩააგდო, რომ მას მიწის დამუშავებას გაქცევა ერჩია. რაკი სოფლის მოსახლეობა თავის მიწა-წყალს მრავლად სტოვებდა კიდევ და ცდილობდა ამ საშინელებისათვის თავი დაეღწია. ყაზან ყაენმა, მე-14 ს. დასაწყისში, თავის მიწა-წყლის თვითნებურად მიტოვება და სხვაგან გადასახლება აკრძალა ირანში. ვინც ამას ჩაიდენდა, ის თავის ქვეყანაში და თემში იძულებით უნდა ყოფილიყო დაბრუნებული და ამას გარდა, უნდა დაესაჯათ კიდევ.

საქართველოში გლეხობის ერთი ნაწილი უკვე წინათც იყო მიწაზე მიმაგრებული. მონგოლურ ხანაში ასეთი გლეხების რიცხვი სულ უფრო და უფრო იზრდებოდა. ამასთანავე, რამდენადაც საქართველო ირანის ილხანების ყმადნაფიცი სამფლობელო იყო, ყაზან ყაენის კანონს საქართველოშიც უნდა მოეხდინა ერთგვარი გავლენა.

ამრიგად, მე-13—მე-14 საუკუნეში საქართველოში ყმა გლეხების მდგომარეობა დიდად გაუარესდა. ამ ნიადაგზე





კიდევ უფრო გამწვავდა დამოკიდებულება მემამულე აზნაურებსა და ყმა გლეხებს შორის და მათ შორის ხანგრძლივი, სასტიკი ბრძოლა გაჩაღდა.

იმ გლეხების მდგომარეობის გაუარესების გარდა, რომელნიც წინათაც ყმებად ცოვლებოდნენ, გაუარესდა აგრეთვე თავისუფალი გლეხობის მდგომარეობაც. ასეთი თავისუფალი გლეხობა იმ დროს ჯერ კიდევ საკმაო რაოდენობით იყო შემორჩენილი მთიან რაიონებში. ამ რაიონების მმართველმა დიდმა აზნაურებმა, რომელთაც სამოხელეო თანამდებობა მეფისაგან ჰქონდათ მიღებული, მოიწადინეს, რომ მათ ხელქვეით მყოფი მოსახლეობა ისეთ დამოკიდებულებაში ჩაეგდოთ, რა დამოკიდებულებაც მათსა და მათ პირად ყმებს შორის არსებობდა.

მთიანეთის მოსახლეობას თავისი უფლებების ასეთი შეზღუდვა მტკივნეულად უნდა ეგრძნო და მკაცრი წინააღმდეგობაც გაეწია. მართლაც, მე-13 საუკუნის მეორე ნახევარში და მე-14 საუკუნის დამდეგს ამ დიდ მოხელეებსა და ადგილობრივ მოსახლეობას შორის მთიანეთში ძალიან გამწვავებული ურთიერთობა ყოფილა.

მთელი სოფლის ან მთელი ხეობისა თუ თემის შეზრახვითა და მონაწილეობით მთიელები სოცავდნენ ერისთავ-გამგებლებს, ციხეებს უჭყვედნენ მათ, კარ-მიდამოს უწვავდნენ და, ამრიგად, შეუპოვრად იცავდნენ თავის უფლებებს.

**§ 56. გიორგი მთაწმიდის, ბრწყინვალის, მეფობა**

გიორგი მეხუთე, დემეტრე თავდადებულის ძე, ჯერ კიდევ მცირეწლოვანი იყო საქმფო ტახტზე აყვანილი, მაგრამ მასთან მას თავისი ხელისუფლების გამოყენება არ შეეძლო.

როცა 1314 წ. გიორგი მეხუთე, ბრწყინვალე დედოფელი, შეუდგა საქმფოს მართვა-გამგებობას ამ დროს ირანში მთელი ძალა-უგლება პირველ ვაზირს, ჩობანს ეპყრა. ყანი ჯერ კიდევ პატარა იყო.

ჩობანი საქართველოს მეგობრობდა, ის აფასებდა გიორგის ნიჭსა და ჭკუას და მას ეთათბირებოდა ხოლმე ირანის

საქმეებზე. მეფე გიორგი ჩობანისათვის ძვირფასი და საჭირო იყო მარტო როგორც პირადი მეგობარი კი არა, არამედ როგორც მისი თანამოაზრე და თანაგანმზრახი.

ირანის ილხანების ძლიერება ამ დროს შერყეული იყო. მონგოლთა ჯარი მათთვის სანდო სამხედრო ძალას უკვე აღარ წარმოადგენდა. საქართველოს ჯარს კი, მისი მაღალი სამხედრო თვისებების განო, ირანის მბრძანებლებისათვის განსაკუთრებული მნიშვნელობა მიენიჭა, საქართველოს სამხედრო ძალა მათთვის დასაყრდენი გახდა. ეს დამოკიდებულება ჩობანთან გიორგი მეფემ კარგად გამოიყენა თავის სამეფოს საქმეების მოსაგვარებლად. გიორგი მეფეს საშუალება ჰქონდა იმდენად თავისუფლად ემოქმედა თავის სამფლობელოში, რომ თუმცა ილხანების ბრძანება საქართველოშიც მოდიოდა, მაგრამ, თანამედროვე უცხოელი ისტორიკოსების ცნობით, მას საქართველოში ძალა აღარ ჰქონდა. ირანის მბრძანებლებს საქართველოში ამ დროს ლაშქარიც საკმაოდ შემცირებული ჰყავდათ: 10 ათას მეომარზე მეტი მათ აქ არ გააჩნდათ. ისინაც უმთავრესად საქართველოს საზღვრების დასაცავად იდგნენ.

ამრიგად გიორგი მეფემ გამაგრება და ქვეყნის გაერთიანება მოახერხა. მაგრამ, როცა ირანის ყენი სრულწლოვანი გახდა, ყენის კარზე ჩვეულებრივი ამბავი დატრიალდა: ჩობანი და მისი ოჯახი ყენის ბრძანებით ამოწყვიტეს, ირანში დიდი არეულობა ატყდა და ილხანების ხელისუფლების აღსასრულის დღეც მოახლოვდა. გიორგი მეფემ ეს მდგომარეობაც თავის სასარგებლოდ გამოიყენა.

გიორგი მეფის პირველ ამოცანას საქართველოში შინაური წესრიგისა და მშვიდობიანობის დამყარება შეადგენდა. შუაგულ ქართლში ისევ ოსთა რაზმები დადიოდა და ქვეყანას დიდ ვნებას აყენებდა. გიორგი მეხუთე მათ ალაგმვასა და საქართველოდან განდევნას შეუდგა. რადგან ოსების სამხედრო ძალა გორში იყო გამაგრებული, გიორგიმ გორს ალყა შემთარტყა და სამი წლის ბრძოლის შემდეგ აიღო.

გიორგი ბრწყინვალეს მეორე ამოცანას მთავართა თვითნებობისა და მათი დამოუკიდებლობისადმი მიდრეკილების მოსპობა წარმოადგენდა. თავისი ძალა-უფლების განსამტკიც-

ცებლად და ქვეყნის გასაერთიანებლად გიორგი მეხუთემ ჰერეთ-კახეთისა და სომხეთის ერისთავნი, რომელნიც წინათ თათრებს ემხრობოდნენ, კახეთში ცივის მთაზე მიიწვია და ამოაწვეტიანა.

დასავლეთ საქართველოს შემოსაერთებლად გიორგი ბრწყინვალე უფრო ფრთხილად იქცეოდა. ნარინ დავითის გარდაცვალების შემდეგ მისი ვაჟი კონსტანტინე რომ გამეფდა, მას ძმა აუჯანყდა, მიქელი. მათ შორის მტრობა კარგა ხანს გაგრძელდა და 1327 წ., კონსტანტინე რომ გარდაიცვალა, მიქელი ბოლოს ჰეგობას ეღირსა. მაგრამ მას ორ წელიწადზე მეტი არ უცოცხლია. მიქელს პატარა ბავშვი, ბაგრატი, დარჩა. გიორგი ბრწყინვალემ ამ შემთხვევით ისარგებლა, დასავლეთ საქართველოში გადავიდა, ქუთაისი აიღო და ბაგრატი თან წამოიყვანა. ამით საქართველოში არსებული ორმეფობა მოისპო და სახელმწიფოებრივი მთლიანობა აღდგენილ იქნა.

1334 წ. სამცხის მთავარი სარგის მეორე გარდაიცვალა და მისი ვაჟი ყვარყვარე ავითონ გიორგი მეფემ დაამტკიცა სამცხის მმართველად. ამრიგად, სამცხის მთავრის სამფლობელოც შემოუერთდა სრულიად საქართველოს.

გიორგი ბრწყინვალის მეფობას ცხოველი საკანონმდებლო მუშაობა ახასიათებს. მან განსაკუთრებული ყურადღება მიაქცია საქართველოს მთიანეთის თემებს, სადაც, როგორც ვიცით, მე-14 საუკუნის დამდეგისათვის დიდი საზოგადოებრივი ბრძოლა წარმოებდა. გიორგიმ საკანონმდებლო კრება მოიწვია და ამ მთიანეთისათვის სამართლის წიგნი, „ბეგლის დადება“, შეადგენინა. ამავე ხანაშია შედგენილი „ხელმწიფის კარის გარიგება“, რომელშიც მაშინდელი საქართველოს სახელმწიფო წესწყობილების მაღალი დონე და საგრძნობი ეკონომიკური მოღონიერება კარგად არის აღბეჭდილი.

გიორგი ბრწყინვალემ წინა ხანაში, ყაზან ყენის დროს, მოჭრილი ფულის მაგიერ, რომელიც ყაზანური თეთრის სახელით იყო საქართველოში ცნობილი, საკუთარი ფული მოჭრა. ეს იყო ახალი ქართული ფული, რომელიც გიორგაულ თეთრად იწოდებოდა.

მდგომარეობის გაუმჯობესება საქართველოს დედაქალაქ-

საც კარგად დაეტყო. გორგი ბრწყინვალის მეფობის ხანისათვის ევროპელები თბილისს სთვლიდნენ მთელი ახლო აღმოსავლეთის ერთ-ერთ საუკეთესო, ერმრავალ, მდიდარ და შესანიშნავ ქალაქად.

## § 57. თემურ-ლენგის პირველი შემოსევა საქართველოში

მე-14 საუკუნის ბოლოს საქართველოს ახალი სასტიკი დამპყრობელი მოევლინა, ეს იყო თემურ-ლენგი. თავდაპირველად თემური ერთა შუააზიელი მოთარეშე რაზმის მეთაური იყო. კოჭლობის ვაჟი თემურს მეტსახელად „ლენგი“ შეერქვა („ლენგ“ ანუ „ლანგ“ სპარსულად კოჭლს ნიშნავს).

მე-14 საუკუნის მეორე ნახევარში შუა აზიაში ჩინგიზ-ხანის შთამომავალი მეტად დასუსტებული და თითქმის მთლად გადაშენებული იყვნენ. ლანგ-თემურმა ანუ თემურ-ლენგმა ისარგებლა ამ გარკოებით და თავისი სამხედრო ნიჭის წყალობით 1360—1370 წლებში დიდი სამფლობელო შექმნა.

თავის საჯდომ ქალაქად მან სამარყანდი გაიხადა და იქიდან ახალ-ახალი ქვეყნების დასაპყრობად შეუნელებელს სამხედრო მოქმედებას აწარმოებდა. შუა აზიიდან თემურ-ლენგი მალე ირანშიაც გაღმოვიდა და ილხანების სამფლობელოს დიდი ნაწილი ხელში ჩაიგდო.

თემურ-ლენგის ასეთი სწრაფი გაძლიერება ჩრდილოეთის ოქროს ულუსის მბრძანებელმა, თოსთამიშ-ხანმა, თავისთვის სახიფათოდ ჩასთვალა და გადაწყვიტა საშიში მოწინააღმდეგისათვის დაესწრო.

1385 წ. ზამთარში თოსთამიშის ჯარი ადარბადაგანს შეესია და თავრიზი აიღო. მონღოლური ჩვეულების თანახმად აქ დიდძალი ხალხი იქნა დახოცილი-აწიოკებული. აუარებელი ნადავლით დატვირთულნი ჩრდილოეთის ულუსის მოლაშქრენი უკან გაეშურნენ და შინისაკენ მიმავალმა აღმოსავლეთ ამიერკავკასიის ოემებიც ააოხრეს.

თემურ-ლენგი ამ არსებმა საშინლად განარისხა. 1386 წ. მან თავრიზი აიღო, მ.გ.რამ ვიდრე ჩრდილოეთის ულუსზე გაემართებოდა, ჯერ საქართველოსაკენ იბრუნა პირი. თუმცა

თემურ-ლენგმა ხმა დაჰყარა, ვითომც მას საქართველოში მხოლოდ მაჰმადიანობის გავრცელება ჰქონდა განზრახული, ნამდვილად მისი შემოსევების მიზეზი სხვა იყო. თემურის აზრით, თონთამიშს არ შეეძლო ჩრდილოეთიდან ირანში შეჭრილიყო, საქართველოს მმართველებთან რომ წინასწარ შეთანხმება არ ჰქონოდა. მომავალში ჩრდილოეთის საზღვრის დასაცავად ოქროს ულუსის შემოსევისაგან, თემურს უნდოდა კავკასიონის გადმოსასვლელი გზები შეეკრა, პირველ რიგში — დარიალი და დარუბანდი.

ჩვეულებისამებრ, თემურ-ლენგი საქართველოს წინააღმდეგ მოულოდნელად დაიძრა. ჯერ მან სომხეთის ციხე სიმაგრეები აიღო და გაანადგურა, მათ შორის — გარნისი და კარი (ყარსი), შემდეგ ჯავახეთში შემოიჭრა. აქედან დიდი ყინვების მიუხედავად ლანგ-თემური საქართველოს დედაქალაქისაკენ გამოემართა. თბილისი ისედაც მაგარი ციხე იყო, ახლა კი ის საქართველოს ჯარს გულდაგულ ჰქონდა გამაგრებული და თავგანწირვითაც იცავდა მას.

თემურმა ყოველი ღონე იხმარა თბილისის ასაღებად. ალყა შემოარტყა და გზები შეუკრა ქალაქს, შემდეგ საგანგებო საომარი მანქანები და იარაღი გაამართვინა. 1386 წ. ნოემბრის 21-ს თათრებმა, რომლებსაც თვითონ თემური ხელმძღვანელობდა, თბილისზე იერიში მითიტანეს. თათრები ქართველი მეთომრების ისრებისაგან თავს დიდი ჩელტებით იფარავდნენ. სისხლისმღვრელი ბრძოლის შემდეგ თემურმა თბილისი აიღო და ამ დროს აქ მეფედ მყოფი გიორგი ბრწყინვალეს შვილიშვილი — ბაგრატიც ოჯახიანად ტყვედ იგდო სელში.

თბილისის აღებას მოჰყვა თანამედროვე საბჭოთა აზერბაიჯანის ტერიტორიის დალაშქვრა და აოხრება თემურის ჯარების მიერ.

შემდეგ თემურ-ლენგმა ბაგრატი მეფეს, რომელიც მას ტყვედ ჰყავდა, გამაჰმადიანება მოსთხოვა. ბაგრატი, დიდი ყოყმანის შემდეგ გარეგნულად დათანხმდა, რომ ამ მტარვალის ტყვეობისათვის როგორმე თავი დაეღწია. ამასთანავე ბაგრატიმ თემურ-ლენგს ძვირფასი საჩუქრები მიუძღვნა, მათ შორის — ერთი უცხო ჯაჭვის პერანგიც. თათართა მბრძანებელს ეს ძღვენი ძალიან მოეწონა და ბაგრატი, უხვად დასა-

ხუქრებული, საქართველოში დააბრუნა. შეთანხმება 1387 წ. მონდა.

ამ დღიდან მოყოლებული 1393 წლამდე საქართველოს საშუალება ჰქონდა ცოტათი მაინც დაწყნარებულიყო და მოყენებული ზარალის ვამოსწორება დაეწყო.

### § 58. საქართველოს ბრძოლა

#### დამოუკიდებლობისათვის თემურის წინააღმდეგ

1393 წ. ლანგ-თემური მეორეჯერ შემოესია საქართველოს, თითქოს ურჩების დასასჯელად. ამ დროს საქართველოს სამეფო ტახტზე ბაგრატის მაგიერ უკვე მისი შვილი ვითრგი მეშვიდე იჯდა. თემურის ლაშქარი სამცხის თემს მოედო და აქ თარეში დაიწყო. ციხეები ჩაიგდო ხელში და დაანგრია. თემურის ჯარს ყველგან მდგარ წინააღმდეგობას უწევდნენ: გზის გაკაფვა მას მხოლოდ ბრძოლით შეეძლო.

სამცხის, მტკვრის სათავისა და კარის (ყარსის) თემების მორბევის შემდეგ თემური თბილისში გადმოვიდა, მაგრამ აქ დიდ ხანს არ დარჩენილა და აღმოსავლეთ ამიერკავკასიისაკენ გაემართა.

მართალია, თემურის ჯარმა არაგვის ხეობაში ციხეები დაიპყრო, მაგრამ მაინც მისი მთავარი მიზანი, დარიალის კარის ხელში ჩაგდება, განუსრციელებელი დარჩა. თემურმა ახლა მთელი თავისი ძალა ოქროს ურდოს წინააღმდეგ მიმართა.

1395 წ. თემურ-ლენგმა თერგის პირას სამინლად დაამარცხა თოსთამიში, მისი სატახტო ქალაქიც აიღო, მთლიანად გაძარცვა და დაანგრია. მომდევნო წლებში თემური უკვე სხვა საქმეებში იყო გართული. 1398 წ. მან ინდოეთს გაილაშქრა.

იმ დროს, როცა მონღოლთა მბრძანებელი ინდოეთის ლაშქრობაში იმყოფებოდა, თემურის დაპყრობილმა ან ყმადნაფიცმა ქვეყნებმა თავისი დამოუკიდებლობის აღდგენა სცადეს.

საქართველო თავდასწრაფებდაც კი გადავიდა: ქართველმა ჯარმა ადარბადაგანი დალაშქრა, თემურის რაზმები დაამარცხა და ზოგი მნიშვნელოვანი იქაური სიმაგრე ხელში ჩაიგდო.

თემურ-ლენგი რომ ინდოეთიდან დაბრუნდა და ეს ამბავი გაიგო, საშინლად განრისხდა. მან გადაწყვიტა ასეთი კადნიერებისათვის საქართველო სამაგალითოდ დაესაჯა.

ამჟამად თემური საქართველოს აღმოსავლეთიდან შემოსია, კახეთისა და ჰერეთის თემებში. ამ თემების მმართველი მაშინ ხიმშია ყოფილა. თემურმა ბრძანება გასცა, რომ ტყით დაბურულ საქართველოს ამ თემებში სამხედრო მოქმედების გასაადვილებლად წინაწარ გზები გაეკაფათ. ოცი დღის განმავლობაში განუწყვეტლივ თოვდა და დიდი თოვლიც დასდო. საქართველოს ჯარი მტერს გააფთრებულ წინააღმდეგობას უწევდა. თემურ-ლენგის სპარსელი ისტორიკოსი ამბობს, ამ ბრძოლაში იმდენი სისხლი დაიღვარა, რომ თოვლით დაფარული ველები ლალისა და ბროწეულის ყვავილის ფერად იყო შეღებილიო. ბოლოს მაინც თემურის ურდომ სძლია და ქართველებმა უკან დაიხიეს. მიტოვებულ ქვეყანას მტრის ლაშქარი მოედო და ძარცვა-გლეჯას შეუდგა.

თემურ-ლენგის მრისხანებას საზღვარი არ ჰქონდა. მან თავის ჯარს უბრძანა, სადაც ხელი მიუწვდებოდათ ვენახები, ბაღები, ბოსტნები გაეჩეხათ, ეკლესიები, სამლოცველოები, სასახლეები, სხვა შენობები, რის დანგრევაც შესაძლებელი იყო, დაენგრიათ. თვით თემურ-ლენგის ისტორიკოსის სიტყვით, თემურს ინდოეთშიაც არ დაუნგრევია იმდენი შენობა, რამდენიც საქართველოშიო.

ერთი სიტყვით, თემურ-ლენგს განზრახული ჰქონდა ძირიანად მოეთხარა ქართველობა, მოესპო ხალხი და მთელი მისი კულტურა. თემურის სპარსელი ისტორიკოსი ამბობს, ქართველები უღვინოდ და უხილ-მწვანილოდ პურს არ ჭამენ და ცხოვრების სიამოვნებას ვერ გრძნობენო. თემური მარტო ცხოვრების სიამოვნებას კი არ უსპობდა ქართველობას, არამედ იმ საძირკვლის დარღვევას ლამობდა, რომელზედაც ქართული ხალხის მატერიალური დოვლათი იყო აშენებული.

მტარვალის ანგარიში არ გამართლდა: ომის დამთავრება ისე სწრაფად ვერ მოხერხდა. მთელი თვის განმავლობაში ბრძოლა მიმდინარეობდა, ხალხიც ბევრი დაიხოცა, ქვეყანაც აოხრდა, მაგრამ მაინც ვერც ამ თემის მთავარსარდალი, ხიმშია ჩაიგდო ხელში თემურმა, ვერც სხვა ვინმე, რომ ზავის ჰირობებზე ხელი მოეწერინებინა. რაკი ქართველი ხალხის

წინააღმდეგობა არ გატყდა და ძალიან მკაცრი ზამთარიც იდგა, თემურის ლაშქარს ზარალი დიდი მოსდიოდა, ცხენებსაც საჭმელი აღარ მოეპოვეუოდათ, ისე რომ იძულებული იყვნენ ხის ქერქით გამოეკვებათ. ამის გამო თათრებს დიდძალი საქონელი დაეხოცათ. მათი მბრძანებელი იძულებული გახდა საქართველოდან უკან დაესია და გამოსაზამთრებლად ყარაბაღში დაბრუნებულიყო.

1400 წ. თემურმა გიორგი მეფეს ელჩი გამოუგზავნა და გადაჭრით მოსთხოვა, რათა გიორგის მისთვის მიეცა ერთი მაჰმადიანი მფლობელი, თემურის მტერი, რომელიც საქართველოში იყო შემოხიზნული. გიორგი მეფემ ამაზე მკვახე პასუხი შეუთვალა. ამით გარისხებული თემურ-ლენგი კვლავ საქართველოში შემოიჭრა.

ახლაც თავის ჯარს მან უბრძანა, რომ მარტო ხალხი კი არ ეხოცათ, არამედ შენობები, ნათესები, მოსავალი, ვენახები და ხეხილიც გაენადგურებინათ. ასეთ პირობებში ბარად მტერთან ბრძოლა ქნელი იყო და საქართველოს სარდლობამაც გადაწყვიტა, ბრძოლის წესი შეეცვალა. ქართველებმა ბარიდან დაიხიეს და მთიანეთში დაიწყეს გამაგრება, რადგანაც ვიწრო ხეობებში დიდი მტრისათვის გზის შეკვრა მცირე ლაშქრის საშუალებითაც იყო შესაძლებელი. ამ ხეობებში ქართველებს სახიზარებიც ჰქონდათ: გამოქვაბულებში შედიოდნენ, შემოაეულ მტერს იქიდან ესროდნენ ისარსა და მუსრს ავლებდნენ. ასე გაამაგრეს, მაგალითად, არაგვის ხეობა.

თემურ-ლენგი სასტიკი ბრძოლით შევიდა არაგვის ხეობაში და გამოქვაბულებში შეხიზნული ხალხის მოსპობა სცადა. მან დიდი კალათები დააწვნივინა, შიგ თავისი მოლაშქრეები ჩასხა და აქ გამოქვაბულების გასწვრივ საბლუბით ჩამოუშვა, რომ მათ შეხიზნული მოლაშქრეებისათვის იქიდან აეტეხათ სროლა. სადაც წინააღმდეგობის დაძლევა ამითაც ვერ მოხერხდა, თემურმა ბრძანება გასცა, ისრის პირებზე ნაძენძი დაეჭვიათ, ნავთში ამოეველოთ და გამოქვაბულებში მყოფ ქართველ მებრძოლთათვის ცეცხლმოკიდებული ესროლათ.

ამრიგად არაგვის ხეობაში დიდძალი ხალხი დაიღუპა.



მონგოლებმა თხუთმეტამდე ციხეც აიღეს, მაგრამ თემურმა თავის მიზანს საბოლოოდ მაინც ვერ მიაღწია: ხეობა მთლიანად ვერ დაიპოვებინა და გიორგი მეფეც ხელში ვერ ჩაიგდო.

ამიტომ ლანგ-თემური აქედან გადმოვიდა ქართლში, დალაშქრა ის ბევრი მიმართულებით, ააწიოკა მოსახლეობა, დაანგრია, რის დანგრევაც შეძლო, აათხრა ქვეყანა, მაგრამ გულისწადილს ვერც აქ ეწია: თუმცა ზოგი ფეოდალი მიუვიდა თათრებს, მაგრამ გიორგი მეშვიდე მათ სულ ხელიდან უსხლტებოდა და ხალხიც არ ტყდებოდა.

გიორგი მეფე დასაკვლეთ საქართველოში გადავიდა და იქიდან გამართა მოლაპარაკება თემურ-ლენგთან. მაგრამ მტერი განაგრძობდა ქვეყნის ათხრებას. ახლა ის სამცხესა და ტაოს მისდგა.

1400 წლის დამლევისათვის მოხერხდა შეთანხმება თემურსა და გიორგი მეშვიდეს შორის. საქართველოს მეფე კისრულობდა ხარკს, მეშველი ჯარის გამოყვანასა და მაჰმადიანებისადმი კარგად მოპყრობის მოვალეობას.

1401 წ. თემურ-ლენგმა სამხედრო მოქმედება მაინც განაახლა. თორთუმის ციხეში ორასი ქართველი გამაგრებულიყო. ისინი არც ხარკს იხდიდნენ და მაჰმადიანებსაც მოსვენებას არ აძლევდნენ. თემურმა თორთუმის ციხეზე დიდი ჯარი გაგზავნა. რადგანაც შეცინოვნებმა დამორჩილებაზე უარი განაცხადეს, ციხე დიდი ბრძოლის შემდეგ თათრებმა აიღეს და ორასივე ქართველი მეთმარი შიგ ამოხოცეს.

ამავე დროს თვით საქართველოშიც განხეთქილება ჩამოვარდა: სამცხის მთავარი იოანე ალბუღას ძე და თვით გიორგი მეფის დვიძლი ძმა, კონსტანტინე ბატონიშვილი, მეფეს გადაუდგნენ, თემურ-ლენგს წარუდგნენ და საჩუქრები მიართვეს. გიორგი მეფე დარწმუნდა, რომ ასეთ პირობებში ბრძოლის განგრძობა უგუნურება იქნებოდა და თემურ-ლენგს მორჩილება შეუთვალა.

თემურ-ლენგი გიორგი მეფეს არ ენდობოდა და მისი ბრძანების თანახმად, თათრები საქართველოში მოსავლის მოშაკასა და აკრეფას შეუდგნენ, რომ ქართველებისათვის ბრძოლის წარმოების ყოველგვარი შესაძლებლობა მოესპოთ.

ამ ამბავმა გიორგი მეფეს შეთანხმების ხალისი დაუკარგა და ამგვარად, ამ შემთხვევაშიც დაზავება ვერ მოხერხდა, მაგრამ გიორგი მეფის შეპყრობაც მტრისათვის მოუღწეველ ოცნებად იქცა. ამის გამო თემურ-ლენგმა 1403 წ. თავისი ლაშქარი კვლავ საქართველოს მოუსია. მან ჯერ ისევ ქართლი დალაშქრა და აათხრა, აქაური ციხე-სიმაგრეები ხელში ჩაიგდო და შიგ. თავისი მეციხოვნე ჯარი ჩააყენა, რომელსაც უბრძანა, ქართველი ქრისტიანი მოსახლეობა დაეხთცა ან გაეძევნა და არცერთი ქართველისათვის ამიერიდან აქ დასახლების უფლება აღარ მოეცა.

შემდეგ თემური დასავლეთ საქართველოში გადავიდა. მისი ჯარი დაბურულ ტყეში გზას იკაფავდა და ასე ბრძოლით მიდიოდა წინ. თემურ-ლენგის ლაშქარმა ქუთაისამდე მოახერხა მიღწევა. თუმცა გააფთრებული ომი წარმოებდა, მაგრამ დასუსტებულ ქვეყანას უკვე აღარ შეეძლო ისე ხანგრძლივ ებრძოლა, როგორც მანამდე. იმერეთშიაც გამოქვაბულებში შეხიზნულ ხალხს თათრები ისეთივე საშუალებით ებრძოდნენ, როგორც აღმოსავლეთ საქართველოში. მტერმა იმერეთშიაც, სადაც კი ხელი მიუწვდა, ყველაფერი აათხრა და დაანგრია. დასავლეთ საქართველოში განადგურებული სოფლების რიცხვი, უცხოელი მწერლების ცნობით, 700-ს აღემატებოდა, იმის გარდა, რომ მრავალი ქვიტკირის ნაგებობა, ეკლესია-მონასტრები, ციხე დარბაზები და სხვა მიწასთან გასწორებული იყო.

## § 59. ზავის დადება თემურ-ლენგსა და საქართველოს შორის

ამ დაუნდობელი ომის მიუხედავად, 1403 წელს 12 დეკემბერს თემურ-ლენგმა უეცრად ბრძოლა შეაჩერა. მონღოლთა დიდი ლაშქრისათვისაც ადვილი არ იყო ასეთ მძიმე პირობებში ომის გაგრძელება: დაბურული ტყეები, ვიწრო ხეობები, ხალხის მედგარე წინააღმდეგობა მას დიდ ზარალს აყენებდა. ბრძოლას დასრული არ უჩანდა და მტრის ჯარში უკმაყოფილებამა და ნლოთმენლობამ იჩინა თავი, თვითონ თემურ-ლენგსაც გიორგი მეფის ხელში ჩაგდება იმედი აღარ



ჰქონდა, ხოლო ასევე ბრძოლით უფრო შორს შეჭრა სახიფათოდ მიაჩნდა. ამიტომ იყო რომ თემურ-ლენგმა სამხედრო მოქმედება შეწყვიტა და თუმცა გამარჯვებული, მაგრამ ძალზე დაზარალებული ჯარი აღმოსავლეთ საქართველოში გადმოიყვანა დასასვენებლად.

ამასთან ერთი საკუთრდღებო ამბავიც მოხდა. თემურ-ლენგს თავის ბანაკში გამოჩენილი ქართველი სარდლები ჰყავდა დატყვევებული. ამ სარდლებმა ვიორგი მეფეს მოსწერეს, რომ დამორჩილების გარდა მშვიდობიანობის დასამყარებლად სხვა არაკითარი საშუალება აღარ არის და, თუ ვიორგი მეფე თემურს არ დაეზავება, მას გადაწყვეტილი აქვს ახლა უკვე მთელი ხალხი ამოწყვიტოსო. ეს წერილი თვით თემურ-ლენგის მიერ უნდა ყოფილიყო ნაკარნახევი.

ვიორგი მეფეს თვითონაც კარგად ესმოდა, რომ ბრძოლის გაგრძელება აღარ შეიძლებოდა და თემურ-ლენგს ისევე ელჩები გაუგზავნა. თემური ვითომც დაზავების წინააღმდეგი იყო და ელჩებს ისე აჩვენებდა, რომ იგი თავისი სურვილის წინააღმდეგ მხოლოდ ნოინებისა და სამღვდელოების თხოვნას ეთანხმებოდა. ყველაფერი ეს მას იმ მიზნით ჰქონდა მოწყობილი, რომ ვიორგი მეფისა და ქართველებისათვის ეგრძნობინებინა, ვითომც ბრძოლის გაგრძელება ადვილად შეეძლო და დაზავება მხოლოდ ქართველებისათვის იყო საჭირო. ნამდვილად კი დაზავება თემურისთვისაც ისევე აუცილებელი იყო და მან დიდი ზეიმით იდღესასწაულა კიდევაც საქართველოსთან ომის დამთავრება.

ვიორგი მეფე პირადად თემურ-ლენგს არ ჰხლებია, ამრიგად პირველი პირობა, რომელსაც თემურ-ლენგი საქართველოს მეფეს უდებდა, მაინც აუსრულებელი დარჩა. თემური იძულებული იყო ამასაც შერიგებოდა.

ვიორგი მეშვიდემ თემურს მრავალგვარი საჩუქარი აახლა, მათ შორის თემურ-ლენგის სახელით შემკული ათასი ოქროს თანგა (ფულა), ათასი ცხენი, ბევრი ძვირფასი ქსოვილი, ოქროს, ვერცხლასა და ბროლის ფიალები, ერთი შესანიშნავი ძვირფასი ქვა — 18 მისხლიანი მანათობელი ლალი — და სხვა გახარებული თემურ-ლენგი აიყარა და თბი-

ლისში მოვიდა. ზავის მიუხედავად თემურმა თბილისის მიდამოებში ყველა ეკლესია-მონასტერი დაანგრევინა, ხოლო შემდეგ იგი ყარაბაღის გზით საქართველოდან წავიდა. ამის შემდეგ თემურს დიდი ზნის სიცოცხლე აღარ დასცლია — 1405 წელს იგი გარდაიცვალა. მისგან გაწამებულმა ქვეყნებმა ცოტათი ამოისუნთქეს.

## § 60. საქართველოს სამეფოს რღვევის პირველი ნიშნები

თემურ-ლენგის შემოსევებმა წელში გატეხა საქართველო. ქვეყანა გაპარტახდა და ეკონომიკურად მოუძღურდა. თანდათან შესუსტდა სამეფო ხელისუფლებაც და გაძლიერდნენ დიდგვაროვანი აზნაურები, დაიწყო ერთიანი საქართველოს სამეფოს რღვევა.

1446 წელს გიორგი მერვე გამეფდა. გიორგიმ მთელი თავისი მეფობა ხელისუფლებისა და ბატონობის გამო ამტყდარ ბრძოლას შეაღია. ამ ხანაში კვლავ მთავრებმაც წამოყვეს თავი, სხვებზე ადრე — სამცხის მთავარმა.

სამცხეში, ჯაყელების საგვარეულოში, ამ დროს შინაური ბრძოლა იყო: ყვარყვარე თავის ძმისწულს, აღბულას მთავრობას (ათაბაგობას) ეცილებოდა.

გიორგი მეფემ ძხარი აღბულას დაუჭირა და ყვარყვარე სამუდამოდ გადაიმტკრა. თუმცა შემდეგ, 1451 წელს, როცა აღბულა ათაბაგი გარდაიცვალა, გიორგი მეფემ ათაბაგობა ყვარყვარეს უწყალობა, მაგრამ ყვარყვარეს მეფისაგან დამოუკიდებლობის მოპოვება სურდა და მის წინააღმდეგ მოქმედებას განაგრძობდა.

ასე, მაგალითად, ყვარყვარემ თავისი სამთავროს ჩამოშორება სცადა საქართველოსაგან ეკლესიურადაც. ყვარყვარეს გეგმით, სამცხის მეფაური საეკლესიო სფეროში უნდა მაწყვერელი (ესე იგი აწყურის ეპისკოპოსი) ყოფილიყო, რომელიც მცხეთის კათალიკოსს არ უნდა დამორჩილებოდა.

მართალია, მცხეთას კათალიკოსმა ბოლოს და ბოლოს სძლია და საეკლესიო მთლიანობა აღდგენილ იქნა, მაგრამ

ეს ფაქტი მაინც მოწმობდა რღვევას, რომელსაც საქართველოს სამეფო ამ დროს უკვე განიცდიდა.

ამავე რღვევის მაჩვენებელი იყო ისიც, რომ ამ დროს სამცხის გარდა, რომელსაც განკერძოებისადმი მიდრეკილება უკვე მე-13 საუკუნეში გაუჩნდა, სხვა კუთხეებიც სამთავროების სახით იყო მოწყობილი. ასე, აფხაზეთი და სამეგრელო ერთ სამთავროს შეადგენდნენ, რომლის სათავეში ბედიანი იდგა. გურიაც ცალკე სამთავროს სახით იყო გამოყოფილი. მართალია, ეს მთავრები ჯერ კიდევ მეფის მორჩილად აცხადებდნენ თავის თავს, მაგრამ ძველი ერისთავებისაგან ისინი უკვე თვალსაჩინოდ განსხვავდებოდნენ თავისი ძალაუფლების გაზრდის მხრივ.

### § 61. შინაური ზავის შეპყრა და შემდგომი მისი ჩაშლა

მე-15 საუკუნეში ღიდად გაძლიერდა საქართველოს მეზობელი თურქ-ოსმალთა სახელმწიფო. თურქებმა 1453 წ. ბიზანტიის დედაქალაქი კონსტანტინოპოლიც აიღეს და ამით ბიზანტიის არსებობას ბოლო მოუღეს. საქართველო დიდი საფრთხის წინაშე აღმოჩნდა. 1459 წ. საქართველოს მეფე-მთავრებმა ერთმანეთში კავშირი შეკრეს თურქების წინააღმდეგ. დაიწყო დიპლომატიური კონტაქტები ევროპის სახელმწიფოებთან თურქების წინააღმდეგ ერთობლივი ბრძოლის ორგანიზაციის მიზნით, მაგრამ რეალური შედეგები ამას არ მოჰყოლია, მალე ცხადი გახდა, რომ დღემოკლე იყო საქართველოს მეფე-მთავრებს შორის დადებული 1459 წლის საზავო ხელშეკრულება. ამ-ზე უარესი ის იყო, რომ საქართველოს შინაურობაში ისეთი დაუნდობელი ბრძოლა ატყდა, რომელიც საქართველოს საზღვრებზე მოზღვავებული მტრის მოქმედებას ყოველნაირად უწყობდა ხელს.

ყვარყვარე ათაბაგი ერთი იმ პირველთაგანი იყო, რომელმაც საქართველოში შინაური ბრძოლის კოცონი კვლავ დაანთო. სამცხის მთავარმა კვლავ თმი. აუტეხა გიორგი მერვეს და საქართველოს მეფეს წინააღმდეგ ირანის მბრძანებელი უზუნ-ჰასანიც კი გამოიყენა. უზუნ-ჰასანი 1462 წელს სამ-

ცხეში მოვიდა, ათაბაგს საქართველოს მეფის წინააღმდეგ ბრძოლაში მიეშველა და კიდევაც გაამარჯვებინა.

ათაბაგის გამარჯვებამ საქართველოს შინაური მდგომარეობა წინანდელზე უფრო გაართულა. ახლა გიორგი მეფეს ახალი ურჩი ერისთავებიც გამოუჩნდნენ. მათ შორის ყველაზე აქტიური გამოდგა ბაგრატი, რომელიც, როგორც ჩანს, დავით ნარინის შთამომავალი და სამოქალაქოს, ესე იგი ქუთაისის ოლქის, ერისთავი იყო. გიორგი მეფემ რომ ამ ბაგრატს ორჭოფული ქცევასათვის ქუთაისის წაართვა, ის მეფეს უკვე ცნადად აუჯანყდა.

მეფესა და აჯანყებულ ბაგრატს შორის ქალაქ ჩინორთან (იმერეთში, ჩხარის აღმოსავლეთით) 1463 წელს დიდი ბრძოლა მოხდა, რომელშიც გიორგი მეფე დამარცხდა.

ამ ბრძოლაში ზოგი დიდგვარიანი აზნაური ბაგრატის მომხრე აღმოჩნდა. სწორედ ეს გარემოება იყო მიზეზი გიორგი მეფის დამარცხებისა ჩინორში.

მაგრამ ბაგრატმა ქუთაისის დაპყრობა მაინც ვერ შეძლო და ვერც აღმოსავლეთ საქართველოში მოიკიდა ფეხი. ამრიგად, ბრძოლის საბოლოო შედეგი ვერ კიდევ გამოურკვეველი იყო, როცა ყველაფერი ყვარყვარე ათაბაგის ახალმა განდგომამ გადაწყვიტა. ეს მოხდა 1465 წელს.

ახალი ბრძოლა მეფესა და ათაბაგს შორის სამცხეში მოხდა. ყვარყვარემ მეფეს ხბლია და ის ტყვედაც კი წაიყვანა.

## § 62. საქართველოს დაყოფა ცალკე

### სამეფოებად

შექმნილი მდგომარეობით ყველაზე უკეთესად ბაგრატმა ისარგებლა 1466 წელს. ის ქართლში გადმოვიდა და თავისი თავი მეფედ გამოაცხადა.

ახლა კი ყვარყვარე ათაბაგი მიხვდა, რომ ჭკუა წააგო: სუსტი გიორგი მერვის პატივით მეფობა. ჩაუგდო ძლიერსა და უფლებებისმოყვარე ბაგრატს. ეს ათაბაგისათვის სრულებით არ იყო ხელსაყრელი და მან გიორგი მეფე ტყვეობიდან გამოუშვა.

მართლაც, განთავისუფლებულმა გიორგი მეფემ თავის ხელისუფლების დასაბრუნებლად ქართლში ბრძოლა დაიწყო, მაგრამ დიდგვარიან აზნაურთა წრეში ბაგრატს უკვე ბლომად ჰყავდა მომხრენი და გიორგიმ ბრძოლა წააგო. გიორგიც შექმნილ ვითარებას შეურიგდა და კახეთში გადავიდა. ასე ჩაეყარა საძირკველი ცალკე კახეთის სამეფო შტოსა და თვით კახეთის სამეფოს.

ბაგრატი თავის თავს აფხაზთა, ქართველთა, რანთა, კახთა და სომეხთა მეფედ, შირვანშად და ყოვლისა აღმოსავლეთდასავლეთის მპყრობელ ხელმწიფედ ასახელებდა. ნამდვილად კი უკვე კარგა ხანია რაც ისტორიულად შექმნილი ეს წოდებულება რეალურ ვითარებას აღარ შეეფერებოდა, მით უმეტეს ბაგრატიანთათვის.

ბაგრატიანთა სამფლობელოს ვარეთ იდო კახეთი და სამცხე, მაგრამ თვით მისი საკუთარი სამეფოს შიგნითაც ერთი დიდი სამთავრო განკერძოების გზაზე იყო შემდგარი. ამ სამთავროს დასავლეთ საქართველოს შავი ზღვის სანაპირო ეჭირა და მაშინ ს ა ბ ე დ ი ა ნ ო დ იწოდებოდა.

საბედიანოში შედიოდა აფხაზეთი, სამეგრელო, გურია და სამი იმ დროისათვის ძნელმეწიფიანი ზღვისპირა ქალაქი — ცხუმი ანუ სევასტოპოლისი (ახლანდელი სოხუმი), ფოთი და ქაჯთა ციხე (ძველი პეტრა, ახლანდელ ციხისძირთან). საბედიანოსვე ეკუთვნოდა აგრეთვე ბათუმი.

საბედიანოს მთავარა ბაგრატს ემორჩილებოდა, როგორც უზენაეს ხელმწიფეს.

დამოუკიდებელ სამთავროდ ჩამოყალიბდა ამ დროისათვის ჯაყელების სამფლობელო, რომელიც ამიერიდან სამცხე-საათაბაგოდ იწოდებოდა. ჯაყელები თავისთავს „საქართველოს ათაბაგსა და სამცხის სპასალარს“ უწოდებდნენ, ჩვეულებრივად კი მათ სამცხის ათაბაგებს ეძახიან, მათი საჯდომი ადგილი ქალაქი ახალციხე იყო, თვით სამთავროს კი ვრცელი საზღვრები ჰქონდა, ბორჯომის ხეობიდან მოყოლებული ვიდრე ჭოროხის ხეობამდე და ერზერუმის მხარემდე.

ყვარყვარე ათაბაგს მეზობელთა შორის ძლიერი მბრძანებლის სახელი ჰქონდა დამსახურებული.

ბაგრატ მეექვსის საკუთარ სამფლობელოს საზღვრავდა: დასავლეთით — ცხენისწყალი, სამხრეთით — სამცხე-საათაბაგო, აღმოსავლეთით — კახეთის სამეფო, ხოლო სამხრეთ-აღმოსავლეთით — ლორეს მთელი მთიანეთი, რომელიც უზუნჰასანს, ირანის მფლობელს, ჰქონდა დაპყრობილი. ლორეს ციხეში უზუნს თავისი, თურქი მეციხოვნენი ჰყავდა.

ბაგრატის საბრძანებელში ორი დიდი ქალაქი, ქუთაისი და თბილისი იყო. თბილისი ისევე, როგორც წინათ, დედაქალაქად ითვლებოდა, ბაგრატიც იქ იმყოფებოდა. ქუთაისი უკვე ძალზე დაპატარავებულიყო. ქართლში ამ დროს ყველაზე დიდი მნიშვნელობა ჰქონდა ქალაქ გორს.

თბილისი, ძველად თ ვისი სიდიდით და სიმდიდრით განთქმული, მტრის შემოთაყვების წყალობით ამ ხანისათვის უკვე აგრეთვე დამცრობილა. მხოლოდ ზოგიერთი უბანი ჯერ კიდევ მჭიდროდ იყო დასახლებული. ისნის ციხე იმ დროისთვისაც კარგ სიმაგრედ ითვლებოდა.

მე-15 საუკუნიდან მოყოლებული დაიწყო გაუთავებელი ბრძოლა წინა აზიის ორ დიდ სახელმწიფოს — ირანსა და ოსმალეთს — შორის. ეს ბრძოლა ცალი მხრით ყოველთვის საქართველოსაც სწვდებოდა ხოლმე. ასე, ბაგრატის მეფობაში, ირანის მბრძანებელმა უზუნ-ჰასანმა საქართველოს მეფეს დახმარება სთხოვა თურქ-ოსმალების წინააღმდეგ, მაგრამ უარი მიიღო. ამ ომში უზუნ-ჰასანი დამარცხდა.

ირანის ბატონმა გადაწყვიტა საქართველო დაუხმარებლობისათვის სამაგალითოდ დაესაჯა. ■

1477 წელს უზუნ-ჰასანი სრულიად მოულოდნელად და ფარულად დიდი ჯარათ საქართველოში შემოიჭრა და თბილისს თავს დაესხა.

ქართველებმა მხოლოდ აყრა და გახიზნვა მოასწრეს. სპარსელებმა თბილისი და მის გარშემო მდებარე სოფლები ააოხრეს და შემდეგ გორაჰაკენ დაიძრნენ. იქაც ხალხი ყველგან გახიზნული დახვდათ. ამრიგად, უზუნ-ჰასანმა თბილისიცა და გორიც უბრძოლველად ზაივდო ხელში.

ბაგრატმა გადაწყვიტა უზუნ-ჰასანს დაზვებოდა. უზუნ-ჰასანი ზავის საფასურად 16 ათას დუკატსა (ოქროს ფულია) და თბილისის დათმობას მოითხოვდა. ეს ძალიან მძიმე საზ-



ლაური იყო და იმჯერად შეთანხმება არ მოხერხდა. უზუნ-  
ჰასანმა სამხედრო მოქმედება განაახლა. სპარსელები ახლა  
სამცხეს შეესივნენ და აწყურის მხარე ააოხრეს.

ახლა კი ბაგრატ მეექვსემ და ყვარყვარე ათაბაგმა ისევ  
დაზავება ირჩიეს ძველი პირობით. უზუნ-ჰასანი ამის შემ-  
დეგ საქართველოს საზღვრებიდან გავიდა, მაგრამ ლორეს  
ველი მაინც წინანდებურად თავისად დაიჭირა, არც თბილი-  
სი დასცალა, 5 ათასი ტყვეც წაიყვანა საქართველოდან.

საქართველოს ჯერ კიდევ გიორგი მეფის დროს 70 ათა-  
სი ჯარისკაცის გამოყვანა შეეძლო. უზუნ-ჰასანს კი 40 ათას-  
ზე მეტი მოლაშქრე არ მოუყვანია თან. საქართველოში რომ  
თანხმობა ყოფილიყო, იგი არამც თუ მტრის მოგერიებას,  
არამედ დამარცხებასაც შეძლებდა, მაგრამ შინაური ბრძო-  
ლით გაწამებული ხალხი და სახელმწიფოებრივად დაქუცმა-  
ცებული ქვეყანა მტრის თარეშის ასპარეზად ადვილად გადა-  
იქცა. საქართველოს მდგომარეობა ამ მარცხის შედეგად კი-  
დევ უფრო მძიმე გახდა, თუმცა მალე ირანში შინაური არე-  
ულობა დაიწყო და ბაგრატმა თბილისი და სომხითი უკან და-  
იბრუნა.

1478 წელს გარდაიცვალა ბაგრატ მეექვსე. ტახტის და-  
ჭერა მისმა შვილმა ალექსანდრემ სცადა, მაგრამ მეფობა  
ვერ შეინარჩუნა და რაჭა-ლეჩხუმში გამაგრდა. ბაგრატის მა-  
გიერ კი 1479 წელს კონსტანტინე ბატონიშვილი გამეფდა,  
რომელიც დიმიტრის (ალექსანდრე პირველის ძის) შვილი  
იყო.

კახეთში ამ დროს, 1476 წლიდან, გიორგი მერვის ძე  
ალექსანდრე მეფობდა. კონსტანტინე და ალექსანდრე კახთა  
მეფე ერთმანეთს დაეზავნენ და თავისი სამფლობელოების  
საზღვრებზე საბოლოოდ შეთანხმდნენ.

ახლა კვლავ ატყდა ბრძოლა კონსტანტინესა და სამცხის  
ათაბაგს ყვარყვარეს შორის. 1483 წელს არადეთთან ყვარყ-  
ვარე ათაბაგმა მეფეს სძლია. კონსტანტინე მეფის დამარცხე-  
ბით მაშინვე რაჭა-ლეჩხუმში გამაგრებულმა ალექსანდრე  
ბატონიშვილმა, ბაგრატის ძემ, ისარგებლა და იმერეთი ჩა-  
იგდო ხელში. ამნაირად, ლიხთ-იმერეთისა და ლიხთ-ამე-  
რეთის სახელმწიფოებრივ მთლიანობას უკანასკნელი საყ-  
რდენი გამოეცალა.

კონსტანტინე მეფე ალექსანდრეს ქუთაისიდან განსადევნად დასავლეთ საქართველოში გადავიდა. სამეგრელოს მთავარი, დადიანი, კონსტანტინე მეფეს მიემხრო და ალექსანდრე იძულებული იყო ქუთაისს გასცლოდა. მაგრამ სპარსელების ახალმა შემოსევამ აღმოსავლეთ საქართველოში კონსტანტინეს იმერეთი მიატოვებინა ისე, რომ ალექსანდრე ბაგრატის ძემ 1489 წელს ქუთაისი კვლავ ხელში ჩაიგდო.

სრული შინაური აშლილობა და გარეშე მტრის მძლავრობა — ასეთი იყო მდგომარეობა. მისი გამოსწორებისათვის კონსტანტინე მეფე უცხოელი მოკავშირეების ძეხნას შეუდგა. 1492—1496 წლებში კონსტანტინემ თავისი ელჩი გაგზავნა ეგვიპტის მბრძანებელთან, რომელმაც საქართველოს მეფის მოციქული ქაიროში კარკად მიიღო.

კონსტანტინე მეფის მიერ ელჩის გაგზავნა ეგვიპტეში შემთხვევითი ამბავი არ იყო. მიუხედავად თავისი დაქუცმაცება-დაკნინებისა საქართველოს ჯერ კიდევ ჰქონდა შენარჩუნებული აღმოსავლეთში თავისი ზოგიერთი ძველი საერთაშორისო კავშირი, თავისი ძველი სახელი და პატივი. განსაკუთრებით ეგვიპტის მმართველები ეპყრობოდნენ ქართველებს დიდი პატივისცემით. ამის შედეგი იყო ის უპირატესობანი, რომლებიც ქართველებს ეგვიპტის მბრძანებლებმა შეუნარჩუნეს პალესტინასა და იერუსალიმში.

ქრისტიანთა სათაყვანებელ ქალაქ იერუსალიმში შესვლისას ქართველები საზეიმოდ მოკაზმულ ცხენებსა და აქლემებზე ისხდნენ, გაშლილი ერთგული დროშებით თავისუფლად შედიოდნენ ქალაქში და სულთანს დაწესებულ გადასახადს არ აძლევენ. ეგვიპტის მბრძანებელთა განკარგულებით, ქართველთა იერუსალიმის ჯვარის მონასტრის უზრუნველყოფისათვის საგანგებო არაბი მოხელე იყო დანიშნული. ის ვალდებული იყო საქართველოდან მიმავალ მლოცვეებს ალეპოში დასვედროდა, იქიდან იერუსალიმამდე მიეცილებინა და უკან გაბრუნებისას ისევ ნავსადგურამდე გაჰყოლოდა.

ქაიროდან საქართველოს ელჩი იერუსალიმში მივიდა, სადაც ესპანეთის დედოფლის იზაბელას დესპანებისაგან ესპანეთიდან არაბთა საბოლოოდ განდევნის ამბავი შეიტყო. ამით გაზარებულია კონსტანტინე მეფის ელჩმა ესპანეთის დედოფლის დესპანი საქართველოში მოიყვანა.

ქართველმა პოლიტიკოსებმა იფიქრეს, რომ ისეთ „ძლევა“  
 გამოსილ სახელმწიფოს, როგორცაა ესპანეთი, შეუძლია  
 დახმარება გაგვიწიოსო. ამიტომ კონსტანტინე მეფემ იზაბელა  
 დედოფლის დესპანს თავისი ელჩი გააყოლა, რომელსაც თან  
 რომის პაპისა და ესპანეთის მბრძანებლისადმი წერილი გა-  
 ატანა. ქართველ ელჩს კიდევ უფრო საიდუმლო დავალება  
 სიტყვიერად მიჰქონდა.

ესპანეთის დედოფლისადმი გაგზავნილ წერილში კონ-  
 სტანტინე გამოსთქვამდა ქართველების უდიდეს სიხარულს  
 მაჰმადიანების განდევნის გამო ესპანეთიდან. აღმოსავლეთი  
 კი სულ სხვა დღეშიაო, წერდა კონსტანტინე, მოისპო ბიზან-  
 ტია, ტრაპიზონი, სერბია და სხვა ქრისტიანული სამეფოები  
 და ყველგან მაჰმადიანები არიან გაბატონებულიო. ახლა სა-  
 ქართველო მარტოდმარტო არის დარჩენილი და სპარსელე-  
 ბის, თურქების, არაბებს ურიცხვი ურდოებით გარემოცუ-  
 ლი. ჩვენც თავზე დიდი განსაცდელი დაგვტრიალებსო. ჩვენ  
 მტრებს ჩვენთვის ბევრი უბედურება აქვთ მოყენებული. ისი-  
 ნი ყოველთვის სამ რამეს გვთხოვენ: დიდი ხარკი გადაიხა-  
 დეთ, ჩვენთან ერთად აბრძოლეთ და გამაჰმადიანდითო. შემ-  
 დევ მეფე კონსტანტინე ესპანეთის დედოფალს სთხოვდა, რა-  
 თა მას დაუყოვნებლივ მოეწყო ლაშქრობა კონსტანტინოპო-  
 ლის განსათავისუფლებლად თურქებისაგან და თვითონაც პი-  
 რობას სდებდა, რომ თავისი ჯარით თურქების წინააღმდეგ  
 გამოვიდოდა.

კონსტანტინე მეფის გეგმა უნიადაგო ოცნება იყო და გა-  
 ნუხორციელებელი დარჩა. ესპანეთის დედოფალს არც ძალა  
 და არც ხალისი არ შესწევდა ასეთი შორეული და ძნელი  
 ლაშქრობისათვის.

საგარეო დახმარებაზე დამყარებული იმედების დაღუპვამ  
 კონსტანტინე მეფე აიძულა საქართველოში არსებულ გან-  
 ხეთქილებას შერიგებოდა. ეს განხეთქილება იზრდებოდა კი-  
 დევაც. მე-16 საუკუნის დამდეგს ურთიერთობა მეფესა და  
 სამცხის ათაბაგს შორის იმდენად გამწვავდა, რომ ათაბაგმა  
 ცოტა ხნით სამცხე მოსწყვიტა საქართველოს ეკლესიურად.

ამრიგად, მე-16 საუკუნის დამდეგისათვის საქართველო  
 საბოლოოდ დაიყო ქართლის, კახეთისა და იმერეთის სამე-  
 ფოებად და სამცხის საათაბაგოდ.

მე-15 საუკუნის სივრცეზე დიდი ცვლილებები მოხდა საქართველოს საზოგადოებრივ ცხოვრებაშიაც.

მე-12 საუკუნეში, როგორც ვიცით, საქართველოს ფეოდალები მხოლოდ ერთი გაბატონებული წოდების შიგნით იყვნენ მოქცეულნი. ეს იყო აზნაურთა წოდება. მე-13-მე-14 საუკუნეებში აზნაურობა გამოეყო დიდებულთა ცალკე ფენას.

დიდებულები დიდგვარიან აზნაურთა საგვარეულოების უფროს შტოს ეკუთვნოდნენ, „დიდგვართ თავადნი“ იყვნენ. როდესაც ამ დიდგვარიანი საგვარეულოების თავადების აღზევება მემკვიდრეობითი კუთვნილება გახდა, თავადობა უკვე წოდებრივად იქცა. მან აზნაურთა წოდებაზე უპირატესი მდგომარეობა მოიპოვა. აზნაურთა წოდების წიაღიდან თავადობის წარმოების პროცესი მე-15 საუკუნეში უკვე დამთავრებულია.

თავადებსაც, აზნაურებსაც და მომრავლებულ მეფე-მთავრებსა და მათ კარისკაცებსაც თავისი ძალზე შეთხლებული სახსრების გადიდებაზე უნდა ეზრუნათ. ეს კი მაშინ შესაძლებელი იყო მხოლოდ კლესკაცობაზე დაკისრებული გადასახადების გაძლიერებით, ყმების გადიდებული ყვლეფით.

მართლაც განვლილი პერიოდის სივრცეზე ქართველი ყმა გლეხობის მდგომარეობა დიდად გაუარესდა, მისი ფეოდალური ტვირთი ბევრად გაიზარდა და დამძიმდა. იმ გამოსაღების ზრდა, რომელიც მიწისმუშა გლეხს კისრად ედო მემამულე ფეოდალის სასარგებლოდ, ხდებოდა როგორც ახალი გადასახადების შემოღებით, ისე ძველი გადასახადების გადიდებით. იმისათვის, რომ ძველი გადასახადების გადიდება უფრო შეუმჩნევლად შეეპარებინათ ყმებისათვის, ქართველმა ფეოდალებმა საზომ-საწყაობი გაადიდეს. ნატურალური გადასახადები, მარცვლეულისა და ღვინის მოსავალზე, კაბიწითა (კოდი) და კოკით იყო განსაზღვრული. ამიტომ თუნდაც რომ გადასახადების ნორმები ძველებური, უცვლელი დარჩენილიყო, საზომ-საწყაოს გადიდებისას გადასახადები

დებიც ფაქტიურად მემამულეებს, ცხადია, წინანდელზე მეტო შეუვიდოდათ.

ამნაირად ახალი საზომები გაჩნდა. თავდაპირველ საზომებს პირველი საწყაო (საზომი) ეწოდებოდა ან ცოტა (ე. ი. ბატარა) საწყაო. ახალ საზომ-საწყაოებს კი დიდი ლიტრა, კოკა და კაბიწი (კოდი) ერქვა.

მე-16 საუკუნის დამდგვისათვის ლიტრა, ამ საზომის თავდაპირველ ოდენობასთან შედარებით, უკვე ექვსჯერ იყო გადიდებული. ლიტრაზე კი დანარჩენი საზომ-საწყაოები (კაბიწი-კოდი, კოკა და სხვა) იყო დამყარებული. მაშასადამე, მშრომელ სალხს ამ დროს ნატურალური გადასახადები წინანდელთან შედარებით ექვსჯერ მეტი უნდა გადაეხადა. მართო ეს გარემოებაც საკმარისია იმის გასათვალისწინებლად, თუ რამდენად მძიმე იყო ის ტვირთი, რომელიც მაშინ ყმებს, მიწის დამმუშავებელ მოსახლეობას, ჰქონდათ საზიდი, და რა საშინელ მდგომარეობაში იყვნენ ისინი ჩაცვივნილი.

ცხადია, გლეხობას არ შეეძლო ნუბაყოფლობით შერიგებოდა თავის ასეთ ჩაგვრასა და ყვლეფას ფეოდალების მხრით. გაჩაღდა ბრძოლა მემამულე ფეოდალებსა და მიწისმუშა ყმა გლეხობას შორის. ეს ბრძოლა ხანგრძლივი და სასტიკი იყო. გათავდა ის გლეხობის დამარცხებითა და ბატონყმობის საბოლოო გამარჯვებით.

## § 64. ბატონყმობა

მედგრად და თავგამოდებით იცავდა თავს ქართველი ხალხი საშიში მტრებისაგან, მაგრამ თავდაცვის უნარს დიდად ასუსტებდა ის, რომ ქვეყანა ახლა სახელმწიფოებრივად მთლიანი არ იყო. ქართლის, კახეთისა და იმერეთის სამეფოების გვერდით ჩამოყალიბდა სამთავროები: სამცხე-საათაბაგო, ოდიში, აფხაზეთი, გურია, რომელნიც მეფისაგან დამოუკიდებლობის მოპოვებას აღეუდნენ თავის ძალებს.

მთლიანი ფეოდალური საქართველოს დაშლა შედეგი იყო იმ სამეურნეთ და საზოგადოებრივი ვითარებისა, რომელიც შეიქმნა ჩვენში მე-15 საუკუნისათვის. ამ ვითარებაში განსაკუთრებული მნიშვნელობა ჰქონდა ბ ა ტ ო ნ ყ მ ო ბ ა ს და

ბატონყმობა იმას ნიშნავს, რომ თავისუფალი მიწისმუშე-  
ბის ფენა გამქრალია. მიწისმუშებს შორის არსებითი უფლებ-  
რივი განსხვავება აღარაა. ყველა ისინი ბატონის მიწაზე სახ-  
ლობენ, მას ამუშავებენ და ბატონის სასარგებლოდ ბეგარასა  
და მუშაობას ეწევიან. ამ მიწისმუშებს თავისუფლებიანა თით-  
ქმის აღარა შერჩენიათრა. ბატონის უნებართვოდ ისინი ვერ  
დატოვებენ მიწას, რომელსაც ამუშავებენ, ვერ დატოვებენ  
ძველ ბატონს და სხვას ვერ მიუვლენ. ბატონს კანონი ნებას  
აძლევს 30 წელიწადი ეძიოს მისდა უკითხავად წასული გლე-  
ხი და, სადაც მოახელეპს, უკან დააბრუნოს. საბატონო ბეგა-  
რა და მუშაობა უზომოდაა გაზრდილი. გარდა ამისა, გლე-  
ხი მოვალეა მრავალი სხვა გადასახადიც გაიღოს: სამეფო,  
სამოხელეო, საეკლესიო და სხვა. მასვე აწევს სამხედრო მო-  
ვალეობაც და მძიმე ხარკი უცხო დამპყრობელთა სასარგებ-  
ლოდ.

მებატონეები ამავე დროს სულ უფრო და უფრო თავი-  
სუფლდებიან სამეფო ხელისუფლების მხრით მეთვალყურე-  
ობისაგან. სამეფო ხელისუფლება სულ უფრო და უფრო ნაკ-  
ლებად ერევა ბატონისა და ყმის დამოკიდებულებაში. ბატონე-  
ბი საშვილიშვილოდ დაუფლებიან იმ ქვეყნებს, რომლებიც  
მათ ოდესღაც სამეფო ხელისუფლებისაგან სამამართველოდ  
მიიღეს. საბრლოოდ ჩიუსაკუთრებით მათ თავისუფალი მი-  
წისმუშებისაგან მონატაცები მიწა-წყალიც. ყოველივე ეს მინ-  
ათავისებ-მინატაცები მებატონის მამამაპაპეულ საკუთრებას-  
თან ერთად სათავადოს ქმნის. მრავალ ბატონს შეუვალბობის  
უფლება მოუპოვებია, ესე იგი, მეფეს ასეთი ბატონის ყმები  
ყოველგვარი სამეფო გადასახადებისაგან გაუთავისუფლებია.  
ასეთ გადასახადებს ამიერიდან ეს ყმები შეუვალბობის მქონე  
მებატონეს უნდიან. მოპოვებულ უფლებას ბატონები ადვილად  
არ თმობენ, პირიქით, კიდევ უფრო აფართოებენ მას, გადა-  
სახადები, ადმინისტრაცია და სამართალიც კი მეტნაწილად  
ამიერიდან ამ მებატონეთა ხელშია.

მთელი საქართველო თანდათან ასეთი სათავადოებით მო-  
იფინა. ერთადერთი, რაც ჯერ კიდევ აკავშირებდა, ამ ნახევ-  
რად „ხელმწიფებს“ მეფის ხელისუფლებასთან, ეს იყო მათი

სალაშქრო მთვალეთა: თავადები მოვალე იყვნენ მათზე შეწერილ მოლაშქრეთა რაოდენობით გამოსულიყვნენ მეფის მოწოდებაზე. მაგრამ რაც დრო გადიოდა, მით უფრო ეს ერთადერთი სახელმწიფო მოვალეობაც თავადებს ზედმეტ ტვირთად მიაჩნდათ. ისინა სულ უფრო და უფრო იფარგლებოდნენ თავისი სათავადოს ვაწრო ინტერესებით, მათ თანდათან უქრებოდათ საქვეყნო ინტერესების გაგება, სათავადოს ინტერესები კი ხშირად არ ეთანხმებოდა საერთო სახელმწიფოებრივს.

ყოველივე ამას ის გარემოება კვებავდა, რომ ქვეყანა დიდხანია ეკონომიკურა დაცემის გზას ადგა. კარნაკტილი მეურნეობა უცილობლად ბატონობდა. ასეთ პირობებში ვერ წარმოიშობოდა ახალა, ძლიერი საზოგადოებრივი ფენა, რომლისთვისაც ქვეყნის სამეურნეო და სახელმწიფოებრივი მთლიანობა საარსებო პირობა იქნებოდა და რომელსაც მეფის ხელისუფლება ამიერიდან დაეყრდნობოდა. კარნაკტილი მეურნეობისას მწარმოებელი საზოგადოება ნაკლებად ვრძობს ქვეყნის სახელმწიფოებრივი მთლიანობის ძლიერ საჭიროებას და სახელმწიფოს მთლიანობის დაშლისაკენ მიმართულ საქმიანობას გულგრილად უყურებს. ასეთ პირობებში ყოველმხრივ გაძლიერებული თავადები, რომელთა ხელში ხშირად მთელი ქვეყნებია, სრული ხელმწიფობისაკენ მიისწრაფვიან. უცხო დამპყრობლებიც ასეთ თავადებს მხარს უჭერენ და მეფის ხელისუფლებას გამდგარი თავადების დამორჩილების საშუალებას არ აძლევენ.

მაგრამ აღნიშნული ურთიერთობა არა მარტო ამ მხრით ასუსტებდა ქვეყანას. ბატონების უსამართლობა-გაუმაპლობისა და ძალადობა-გაუკითხობის შედეგად გაძარცული, ნახევრადმშიერი გლეხკაცობა განსაკუთრებულ ხალისსა და უნარს, ბუნებრივია, ვერ გამოიჩენდა ქვეყნის დაცვის საქმეში. ილაჯგაწყვეტილ გლეხს უცხო მოძალადე სძაგდა, მაგრამ არც შინაური მოძალადე უყვარდა.

მე-16 საუკუნეში ქართლი განსაკუთრებით იბრძოდა ირანელი დამპყრობლების წინააღმდეგ. ირანში ამ დროს ყიზილბაშების თურქული ტომები წარმოადგენდნენ მთავარ სამხედრო ძალას (ყიზილბაშებს, ე. ი. „წითელთავეებს“ მათ ეძახიან იმის გამო, რომ თეირი დოღბანდით გარშემოვლებული წითელი თავსაბურავი ეხურათ). საქართველო ამ დროს ბრძოლის ასპარეზი იყო ირან-ოსმალეთის ომებში, რომელიც მთელი ნახევარი საუკუნის მანძილზე მიმდინარეობდა. 50-წლიანი ომის შემდეგ, 1553 წ. დამპყრობლებმა ზავი შეკრეს, რომლის მიხედვით საქართველო გაინაწილეს: ქართლი, კახეთი და სამცხე-საათაბაგო ირანმა ირგუნა, ხოლო იმერეთის უპერენ და მეფის ხელისუფლებას გაძდგარი თავადების დასამეფო გურიისა და ოდიშის სამთავროებით — ოსმალებმა.

სპარსელებთან (ყაზალბაშებთან) გამიჯნულად იბრძოდა ქართლის მეფე ლუარსაბი (1537—1558), ხოლო შემდეგ სიმონ მეფე მამის პოლიტიკას განაგრძობდა და ყიზილბაშების წინააღმდეგ ბრძოლას არ ანელებდა.

მაგრამ რაც იარაღით ვერ მოახერხეს ყიზილბაშებმა, ის მოსყიდვა-შპიონაჟის გზით შეძლეს. მათ თანდათან მრავალი ფეოდალი გადაიბირეს, განსაკუთრებით ქვემო ქართლიდან, მოისყიდეს სიმონ მეფის ძმა დავითიც. ეს სულმოკლე და მოღალატე სხვა მოღალატეებთან ერთად 1564 წელს ირანის მბრძანებელ შაჰ-თამაზჯ ეზლას ყაზვინში.

დავითი თავისი ამალით ჩქარა გამაჰმადიანდა. შაჰ-თამაზმა ამ გადაგვარებულს ქვემო ქართლისა და თბილისის მეფობა დაუმტკიცა, ყიზილბაშთა ლაშქარი გამოატანა და საქართველოში გამოისტუმრა. ამიერიდან შაჰმა თვით ქართლებს შორის დასაყრდენი გაიჩინა. მიუხედავად ამისა, სიმონმა ორჯერ სასტიკად დაამარცხა დავითი, მისი მომხრე მოღალატეები და ყიზილბაშთა დამხმარე ჯარი.

ყენმა დავითის დასახმარებლად ახალი დიდძალი ჯარი გამოგზავნა, რომელიც ფარცხისს მოვიდა (აღგეთის ხეობაში). სიმონ მეფე თავისი ჯარით მტერს ვაჟაკურად ეპყვითა. მაგრამ ლალატმა აქაც თავი იჩინა, სამშობლოს გამყიდველმა აზნაურმა კახაბერ ყორღანაშვილმა, მტრის მეგზურმა, ომის



დროს მცირე რაზმით გამართებული სიმონ მეფე იცნობდა მტერს ანიშნა იგი. მეორე მოლაღატემ კი მეფეს მუხთელურად შუბი აძგერა და ცხენიდან გადმოაგდო. ყიზილბაშთა დიდი გუნდი სიმონს შესაპყრობად მოეტყუა. მეფის თანამებრძოლთაგან ბევრი მტერს შეაკვდა, სხვები მეფესთან ერთად ტყვედ ჩაიგდეს ყიზილბაშებმა. ქართველები დამაცხდნენ. ეს იყო 1569 წელს.

მეფე ირანში წაიყვანეს. შაჰ-თამაზი ბევრს ეცადა სიმონის გამაჰმადიანებას, მაგრამ ვერც პატივმა, ვერც მუქარამ სიმონი ვერ შეცვალა. გაპრაზებულმა შაჰმა ტყვე მეფე ალამუტის ციხეში გამოჰკეტა, სადაც მრავალი წლის განმავლობაში იტანჯებოდა სამშობლოს დამოუკიდებლობისათვის გაუტეხელი მებრძოლი.

სიმონის დატყვევება ირანის დიდი გამარჯვება იყო. ჩანდა, რომ ქართლი ხანგრძლივსა და უსწორო ბრძოლაში მოიქანცა. მიუხედავად ამისა ხალხი გულს არ იტეხდა და მტრისათვის სამაგიეროს გადახდას ღამობდა. ასეთ შურისმაძიებლებს აქებს ხალხური ლექსი:

„ბიდევაც დაიზრდებიან  
აღგეთს ლეკვები მგლისანი,  
ისე არ ამოწყდებიან,  
ჯავრი არ სჭამონ მტრისანი“...

მას შემდეგ რაც განახლდა ირან-ოსმალეთის ომი, ირანელებმა სიმონი ტყვეობიდან გაათავისუფლეს და 1578 წ. ქართლში ოსმალებთან საბრძოლველად გამოისტუმრეს. ოც წელზე მეტხანს იბრძოდა იგი გმირულად ოსმალებთან. ბოლოს, სიმონ მეფე ოსმალებმა ვოროთან ბრძოლაში ტყვედ ჩაიგდეს და 1601 წ. სტამბოლს გააგზავნეს, სადაც პატიმრობაში გარდაივალა. ქართლი XVI ს. ბოლოს ოსმალთა ხელში აღმოჩნდა.

კახეთი მე-16 საუკუნეში საკმაოდ მოშენებული ფეოდალური სამეფო იყო. აღმოსავლეთით მას აბრეშუმის წარმოებით განთქმული შაქი-შარვანი ესაზღვრებოდა. შაქი და შარვანის დიდი ნაწილი დიდხანს იყო საქართველოს მფლობელობაში და მხოლოდ მე-15 საუკუნის მეორე ნახევარში ჩამოშორდა მას. კახეთის მეფეები მე-16 საუკუნეშიაც მემოხებულ შაქს დასაპყრობად უყურებდნენ.

მე-16 საუკუნეში დაუსრულებელი ქიშპი იყო ატენილი კახეთსა და შამხალის სამთავროს შორის, რომელიც ჩრდილოეთ კავკასიაში მდებარეობდა, კასპიის ზღვის მხარეს. შამხალი კახეთს პირაქეთა დაღესტანს ეცილებოდა. კახეთს ამისი დათმობა ადვილად არ შეეძლო: საკუთარი საზაფხულო სამოვრები აღარ ექნებოდა და თვითონ კედელმორღვეული რჩებოდა.

ასეთ ხელსაყრელ პირობებში კახეთი მე-16 საუკუნეში დაწინაურდა, მოშენდა და ამ საუკუნის დასასრულისათვის სხვა ქართულ სამეფო-სამთავროთა შორის ის ყველაზე მდიდარ და კეთილმოწყობილ ფეოდალურ სამეფოდ იქცა.

კახეთის სიმდიდრე მის სოფლის მეურნეობაში იყო. მეცხოველეობა კახეთს უძველესი დროიდან მოსდევდა. მე-16 საუკუნეშიც ის განთქმული იყო თავისი ჯიშიანი ცხენებით. განსაკუთრებით ფართოდ მასდევდნენ კახეთში ამ დროს მებაბრეშუმეობას, რომლითაც უცხოელებთან დიდ ვაჭრობას აწარმოებდნენ. მევენახეობა არ ჩამოუვარდებოდა მებაბრეშუმეობას, ღვინო უხვად გაჰქონდათ ახლობელ თუ შორეულ ქვეყნებში, მნიშვნელოვანი გასატანი საქონელი იყო აგრეთვე ენდრო, მცენარე, რომლიდანაც საღებავი მზადდებოდა.

კახეთი ხელოსნობა-ხელსაქმობაშიაც დაწინაურებული იყო. სოფლის მეურნეობისა, ხელოსნობისა და ვაჭრობის ასეთი განვითარების ნიადაგზე იყო რომ მე-15 — მე-16 საუკუნეებში კახეთში ქალაქები კი არ მცირდებოდა და ქრებოდა, როგორც ეს საქართველოს სხვა ნაწილებში მოხდა ამ დროს, არამედ ჩნდებოდა და იზრდებოდა. ბაზარი, გრემი ამ გვიანფეოდალური ხანის ახალი ქალაქებია, რომელთაც დიდად გაუსწრეს ძველ თელავს, თიანეთს, ჟინვანს.

მე-15 საუკუნის მიწურულამდე კახეთი, ისე როგორც მთელი საქართველო, სამხედრო ადმინისტრაციულ ერთეულებად — ს ა ე რ ი ს თ ა ვ თ ე ბ ა დ იყო დაყოფილი. მთელი კახეთი შვიდი საერისთავოსაგან შედგებოდა. ერისთავები ძველად ფეოდალური მოხელეები იყვნენ, მაგრამ მე-15 საუკუნისათვის ისინი უფრო სახელად იყვნენ მოხელეები, ნამდვილად კი თავისი საგამგეო ქვეყნების საშვილიშვილოდ მფლობელობასა და ხელმწიფობას იჩემებდნენ.

მე-15 საუკუნის მიწურულში კახეთის მეფეებმა გააუქმეს ქვეყნის ეს ძველი დაყოფა საერისთავოებად. ამიერიდან კახეთი დაიყო გაცილებით უფრო მრავალ ტერიტორიულ საგამგეო ერთეულად — ს ა მ თ უ რ ა ვ თ ე ბ ა დ. მცირე ტერიტორიის მმართველი მოურავები ერისთავობას ვერ დაიჩემებდნენ, მეფის ურჩობას ისინი აგრე ადვილად ვერ გაბედავდნენ, მათ საამისო ძალა არ შესწევდათ. ამიტომაც მოურავი მხოლოდ სახელად კი არა, არსებითადაც მეფის ადგილობრივი ფეოდალური მოხელე იყო.

ამავე დროს კახეთში ერთი მნიშვნელოვანი ცვლილება მოხდა, რომელიც აგრეთვე მიზნად ისახავდა მეფის გაძლიერებას და დიდი თავადების დასუსტებას. ძველი ერისთავი დროშის მქონებელი იყო, ესე იგი საერისთავო ქვეყანა ცალკე სამხედრო ერთეულს წარმოადგენდა და აქედან გამოსული ლაშქრის სარდალიც ერისთავი იყო. სარდლობა ერისთავის გაძლიერების ერთი უმთავრესი საშუალებათაგანი იყო და მასზე დაყრდნობით აპირებდა განდიდებული ერისთავი საერისთავოში ხელმწიფობას.

ახლა კახეთი დაყოფილი იქნა ოთხ სამხედრო ტერიტორიულ ერთეულად — სადროშოდ, მაგრამ სადროშოების სარდლობა კახეთის მეფემ თავადთა გვარებს კი არ ჩააბარა, როგორც ეს ქართლში მოხდა, არამედ ეპისკოპოსებს. ეპისკოპოსობა კი სამემკვიდრეო თანამდებობა არ ყოფილა. ეპისკოპოსები მეფის მიერ ინიშნებოდნენ და საეკლესიო ყმებისა და მიწების გამოყენების საქმეში მეფის მფარველობას დიდად საჭიროებდნენ. ამის გამო ეპისკოპოსები მეფის უფრო ერთგული იყვნენ, ვიდრე საერო დიდბატონები. სარდლის უფლებებს მოკლებული და მცირე ტერიტორიული ერთეულების

მმართველი მოურავები კი „ხელმწიფობაზე“ ვერ იფიქრებდნენ. ამ ცვლილების გატარების დროს კახეთის მეფეების მთავარი დასაყრდენი იყო ფეოდალური საზოგადოების ფართო ფენები — აზნაურები, მოლაშქრეები.

მაგრამ თუ ეს ღონისძიება აძლიერებდა მეფესა და მის გავლენას, ამასთანავე იგივე ღონისძიება ზრდიდა დიდი ტონების უკმაყოფილო განწყობილებას კახთა მეფეებისადმი.

მე-16 საუკუნის შუა წლებში შორს საქართველოდან დიდმნიშვნელოვანი ამბავი მოხდა: მოსკოვის სამეფომ მდინარე ვოლგის აუზში მონგოლთა მფლობელობა მოსპო. ამიერიდან ვოლგის დიდი სავაჭრო გზა რუსეთის სამეფოს ხელში მოექცა. მალე ამის შემდეგ მოსკოვის მეფემ ჩრდილოეთ კავკასიის აღმოსავლეთ ნაწილში ფეხის მოკიდება სცადა, მდინარე თერგის შესართავთან ციხე ააგო და შიგ ჯარი ჩააყენა.

ამ დიდ ამბებს კახელები ახეივანე შეუმჩნეველად არ ჩაუვლია.

კახეთის მეფემ ჩქარა გააბა ურთიერთობა ჩრდილოეთიდან მომავალ ამ ახალ ძალასთან. 1564 წელს მოსკოვას მეფემ ივანემ „მფარველობის ხელი დასდო“ კახეთის მეფე ლევანს და მეციხოვნე ჯარიც კი ათხოვა მას (1564—1571).

ამ ამბებმა შეაშფოთა ირანი და ოსმალეთი. ოსმალეთმა ომის მუქარით აიძულა რუსეთი გაეყვანა ჯარი თერგის ციხიდან, ლევან მეფემ კი, შაჰის მოთხოვნით, რუსი მეციხოვნეები კახეთიდან დაითხოვა.

თავის მამის პოლიტიკას წარმატებით განაგრძობდა ალექსანდრე ლევანის ძე, კახთა მეფე (1574—1605).

ალექსანდრე მდიდარი და ძლიერი მეფე იყო. მისი ვაჭრები კახური საქონლით აზიასა და ევროპაში დადიოდნენ. მეფეს შეძლება ჰქონდა დიდი თანხებით შესწოლდა ქრისტიანულ სალოცავებს იერუსალიმსა თუ სხვა ადგილებში. ალექსანდრეს განზრახვა ჰქონდა მოლიანად აღედგინა კახეთში საქართველოს აყვავება-ძლიერების დროინდელი მატერიალური ნაშთები: ციხე-ქალაქები, ეკლესია-მონასტრები. მეფე ცდილობდა მოეყვანა უცხოეთიდან ოსტატ-ხელოსნები, სურათ-მომღვრები, მხატვრები, სწავლული მწიგნობრები.

ალექსანდრე ცდილობდა წესიერება დაემყარებინა თავის სამეფოში, ლაგამი ამოედო ფეოდალური მოხელეების ადვის-

ახსნილობისათვის. მის დროს თურმე მშრომელი ხალხი, გლეხები მოურავებისაგან „ბევრსა ძალსა და უსამართლობას ჩიოდეს“. ალექსანდრემ მკაცრად განსაზღვრა მოურავების უფლება-მოვალეობანი და ფხიზლად ადევნებდა თვალყურს ამ მოხელეთა საქმიანობას.

ალექსანდრე მეფეს 15 ათასამდე რჩეული მოლაშქრე ჰყავდა, „ქუდზე კაცი“ კი, ესე იგი საყოველთაო მობილიზაციით, მას ორჯერ მეტიც შეეძლო გამოეყვანა. აქედან მხოლოდ 3.000 იყო ქვეითი, სხვა ყველა — ცხენოსანი. ალექსანდრემ იცოდა, რომ შეიარაღებით მისი ლაშქარი ძალიან ჩამორჩებოდა მეზობელი ქვეყნების ჯარებს: 15000 კაცზე მას მხოლოდ 500 კაცი ჰყავდა ხელთოფით შეიარაღებული, ზარბაზნები კი სულ არ გააჩნდა. ამიტომაც ალექსანდრე ცდილობდა გაეჩინა არტილერია, მოეწყო თავის ქვეყანაში თოფისა და ზარბაზნის ჩამოსხმის საქმე, ეშოვა საამისო ოსტატები.

#### § 67. რუსეთ-საქართველოს ურთიერთობა მე-16 საუკუნის მიწურულში

ოსმალეთი და რუსეთი კავკასიაში უკვე მე-16 საუკუნის შუაწლებში დაუპირისპირდნენ ერთმანეთს.

რუსეთ-ოსმალეთის ურთიერთობა განსაკუთრებით გამწვავდა მე-16 საუკუნის ოთხმოციანი წლების შემდეგ, როცა ოსმალეთმა ამიერკავკასიაში გაბატონებასთან ერთად ჩრდიეთ კავკასიის დაუფლებაც სცადა.

ამ დროს განაზღვდა რუსეთ-საქართველოს შორის პოლიტიკური ურთიერთობა.

ოსმალეთთან მეტოქეობაში რუსეთი იმიერ და ამიერკავკასიაში მოკავშირეებს ეძებდა. მოსკოვის სამეფოს მესვეურებს აზრად მოუვიდათ კახეთთან პოლიტიკური კავშირის აღდგენა, ძალაუნებურად რომ გასწყვიტეს 1570-იან წლებში.

1585 წელს მოსკოვის მეფემ თევდორემ ალექსანდრე კახთა მეფეს თავისი ელჩის, დანილოვის ხელით სიგელი გამოუგზავნა. რუსეთის მეფე კავშირსა და მფარველობას სთავაზობდა საქართველოს.

მაშინდელ პირობებში ალექსანდრე მეფე ამაზე უკეთეს ვერაფერს მოიპოვებდა თავისი ქვეყნისათვის. ამიერკავკასია

თითქმის მთლიანად ოსმალეთს ჰქონდა იმჟამად დაჭერილი და ოსმალეთის მთავრობა გამალებით იბრძოდა მისი საბოლოო გათათრებისათვის.

რუსეთის დახმარებით კახთა მეფეს დაღესტნის ალაგმვა სურდა. დაღესტნელები მალულად თავს ესხმოდნენ კახეთს და მშვიდობიან სოფლებს აოხრებდნენ. ლეკებს ამ საქმეში მამხალი შეველოდა, ორივეს ერთად კი ოსმალეთი მფარველობდა.

მეფემ დარბაისლებთან მოითათბირა და დანილოვს მოსკოვის მეფესთან თავისი ელჩები გაატანა.

1586 წლის 9 ოქტომბერს ალექსანდრეს ელჩები მეფე თევდორეს წარუდგნენ. კახეთის მეფე მოსკოვის მეფისაგან „მფარველობას“ ითხოვდა. ეს მფარველობა შემდეგში უნდა გამოხატულიყო. რუსეთს კახეთი ყველა მტრისაგან უნდა დაეცვა, ამჟერად კი რუსეთის მეფეს თერგზე უნდა ციხე აეგო, აქ დიდი ჯარი დაეყენებინა და გზა თერგიდან კახეთამდე, დაღესტანზე რომ გადიოდა, საკუთრად დაეჭირა.

კახეთის მეფის წინადადება მოსკოვში ხელსაყრელი ეჩვენათ. ბოიარებმა თევდორე მეფეს მისი მიღება ურჩიეს.

1587 წელს ალექსანდრე მეფემ თავისი შვილებითა და დარბაისლებით ფიცი მიიღო მოსკოვის მეფის ერთგულებაზე, 1589 წელს კი მოსკოვის მეფემ მას წყალობის სიგელი გამოუგზავნა, სადაც დადასტურებული იყო როგორც „ხელდებულის“, ისე „მფარველის“ უფლება-მოვალეობანი.

რუსეთთან დაახლოების გამო კახეთის მეფე განსაკუთრებით რთულ მდგომარეობაში მოექცა: ერთი მხრით, მას მოსკოვთან კავშირისა და „ორგულობისათვის“ ოსმალეთი ემუქრებოდა, მეორე მხრით, ირანის შაჰიც „მოლაღატედ“ სთვლიდა ალექსანდრე მეფეს. ამავდროს ხელშესახები რამ სანუგეშო კახეთისათვის მოსკოვის მეფესთან კავშირს არ მოჰყოლია.

ალექსანდრე მოსკოვის მეფეს ნაკისრ ვალდებულებათა შესრულებას სთხოვდა, მაგრამ ვალდებულება უფრო ძნელი აღმოჩნდა, ვიდრე ის მოსკოვის სამეფოს შესვეურებს ჰქონდათ თავიდანვე წარმოდგენილი. რუსის ჯარმა დაღესტანი ვერ დაიმორჩილა და თერგ-კახეთის გზა ვერ დაიჭირა. 1604 წელს მოსკოვის მეფემ საგანგებო რაზმი გამოგზავნა, რომელ-

მაც დაიპყრო დაღესტნის ჩრდილოეთი ნაწილი. მაგრამ იქით საქმე არ წავიდა და ჩქარა სრული მარცხით დამთავრდა. დაღესტნელებს ოსმალეთი მიეშველა. შამახის ფაშა ოსმალთა ჯარით და დაღესტნელები თავს დაესხნენ სხენებულ რუსულ რაზმს და ერთიანად მოსპეს იგი 1606 წელს.

ამიერიდან რუსეთ-კახეთის ურთიერთობა კარგა ხნით შეწყდა. კახეთს შაჰ-აბასი დაეპატრონა, ხოლო რუსეთი გლეხების აჯანყებათა აღში გაეხვია.

### § 68. სამცხე-საათაბაგო მე-16 საუკუნეში

მე-16 საუკუნის პირველ ნახევარში სამცხის ათაბაგებმა გამარჯვებით დაასრულეს ხანგრძლივი ბრძოლა, რომელსაც ისინი საქართველოს მეფის ყმობისაგან განთავისუფლებისათვის აწარმოებდნენ. ამ ბრძოლის დროს ათაბაგებმა გაწმინდეს თავისი სამთავრო მეფის მომხრე ერისთავებისაგან — ზოგი ამოწყვიტეს, ზოგი განდევნეს და მათს მამულებსა თუ თანამდებობაზე თავისი მოხელეები დასხეს. ასეთივე დღე გაუთენეს მეფის მომხრე საეკლესიო ფეოდალებს — ეპისკოპოსებსაც, ისინიც გამოაძევეს და საეკლესიო ყმა-მამული თავის მომხრე თავადებს მრავლად უწყალობეს, ურჩი ეპისკოპოსების ადგილებზე კი თავისი მომხრე ბერძენი ეპისკოპოსები მოიწვიეს ოსმალეთიდან. ათაბაგებმა მიიტაცეს მეფის საკუთარი ყმა-მამულიც საათაბაგოში და თავის ერთგულებს გადასცეს; და, ბოლოს, მეფეს მოსტაცეს მთელი მხარე — ჯავახეთი და თავის სამთავროს შეუერთეს.

ათაბაგთა სამფლობელოს საქართველოს სხვა ნაწილებზე ნაკლებ ხელსაყრელი გეოგრაფიული მდგომარეობა ჰქონდა. დასავლეთიდან მას ოსმალეთი მოსდგომოდა, ხოლო სამხრეთიდან და სამხრეთ-აღმოსავლეთიდან ირანის ყაენის სამფლობელო ეკრა. სუსტ მეზობელს ორივე მტერი ჩასანთქავად უყურებდა. მხოლოდ საკუთარი ძალებით სამცხის მთავარს მათი გამკლავება არ შეეძლო და ამავე დროს იგი ვერც საქართველოს სხვა ნაწილებთან შეკავშირებას ახერხებდა. ათაბაგს ეშინოდა, რომ ვარეშე მტრის წინააღმდეგ დასახმარებლად მოწვეული ქართლის ან იმერეთის მეფე მას სამფლობელოს ჩამოართმევდა და ქვეყანას თვით დაიპყრობ-

და. ამიტომ სამცხის მთავარი უცხოელ თავდამსხმელებთან მოლაპარაკებას ირჩევდა, თავდამსხმელს მორჩილებას აღუთქვამდა და მდიდარი მისართმევლით მშვიდობიანობის ყიდვას ცდილობდა.

ათაბაგთა ასეთი პოლიტიკა დამლუპველი აღმოჩნდა. მათ ვერავის ასიაშოვნეს: რ.ნ. ერანი სწამებდა ათაბაგს ორგულობას, ხან ოსმალეთი და რიგრიგობით არბევდნენ გზადაბნეული ფეოდალის ქვეყანას. ამავე დროს ირან-ოსმალეთის სამსახურით ათაბაგები მთელი საქართველოს დამონების ძალაუნებური აგენტები ხდებოდნენ. მორჩილ სამცხეზე გამოვლით და ათაბაგთა შემოძლოლით ოსმალეები თუ ყიზილბაშები ხან ქართლს აოხრებდნენ, ხან ლიხთ-იმერეთს.

1553 წლის ირან-ოსმალეთის ზავის შედეგად სამცხე-სა-საათაბაგო ორად გაგლეჯილი აღმოჩნდა. ქვეყნის უდიდესი ნაწილი ირანს ხვდა. მაგრამ მის დასავლეთ მხარეს (ტაოს, შავშეთს, კლარჯეთს) ჩქარა ოსმალეთი წამოეჭიდა. აჭარა და ჭანეთი გურიელს ეჭირა, მალე ჭანეთი ოსმალეთმა წაართვა გურიელს, ხოლო აჭარა არაერთგზის დაურბია, თუმცა საბოლოოდ მტერმა ამ დროს ჯერ კიდევ იქ ფეხი ვერ მოიკიდა.

ოსმალთა წინააღმდეგ უძლური ქაიხოსრო ათაბაგი 1570 წელს ირანის მმართველ შაჰ-თამაზს ეახლა ყაზვინში და მას დახმარება სთხოვა. შაჰს ოსმალეთთან ზავის დარღვევა სასურველად არ მიაჩნდა და ათაბაგს ცარიელი დაპირებით კვებავდა. ქაიხოსრო დახმარებას ვერ ეღირსა, ისე გარდაიცვალა შაჰის კარზე 1573 წელს.

კიდევ უფრო მძიმე პირობებში მოექცა ქაიხოსრო ათაბაგის ძე ყვარყვარე. მას მტრად აღუდგა მესხი თავადების დიდი ჯგუფი შალიკაშვილთა მეთაურობით. გაიმართა დაუსრულებელი ფეოდალური ომი: ექვს წელიწადს არბევდნენ და ანგრევდნენ ერთიმეორის ციხე-ქალაქებს, სოფლებს და ერთმანეთის წინააღმდეგ დახმარებას ირანსა და ოსმალეთში ეძებდნენ.

მე-16 საუკუნე თავისი შედეგებით ყველაზე მძიმე სამცხე-საათაბაგოსათვის გამოდგა, გამოვლილ უბედურებათა შემდეგ მტრებთან ბრძოლაში სამთავროს აღარ შეერჩა იმდენი წინააღმდეგობის უნარი, რამდენსაც საქართველოს



სსვა ნაწილები იჩენდნენ. საქართველოს ფეოდალურმა დასა-  
ლილობამ აქ ყველაზე ცუდი ნაყოფი გამოიღო.

1590 წლის ირან-ოსმალეთის ზავის მიხედვით სამცხე-სა-  
ათაბაგო ოსმალეთს დარჩა. მტაცებელმა მსხვერპლი დაიმარ-  
ტოხელა. დახმარების იმედი აღარსაიდან იყო. თავგამოდე-  
ბით ცდილობდა მანუჩარ ათაბაგი, ხოლო შემდეგ მისი ქვრივი  
დედოფალი ელენე საათაბაგოში ქართველობის დაცვას, მაგ-  
რამ ყოველი ცდა ამაო აღმოჩნდა.

1587-1594 წლებში სამცხე-საათაბაგოში ოსმალებმა  
დამყარდა. სულთანის ბრძანებით ქვეყანა ასწერეს. მიწის-  
მფლობელობისა და მიწათსარგებლობის ოსმალური წესები  
შემოიღეს. გადასახადები ოსმალური სისტემით გააწესეს. ახა-  
ლი წესები არსებითად განსხვავდებოდა ფეოდალური საქარ-  
თველოს მიწისმფლობელობის ძველი წესისა და ქართული  
საგადასახადო სისტემისაგან. ოსმალური წესის თანახმად მხო-  
ლოდ სამხედრო პირი შეიძლებოდა ყოფილიყო მიწის მფლო-  
ბელი. სამხედრო თანამდებობისათვის კი მაჰმადიანობა იყო  
აუცილებელი. ამ წესის მიხედვით, ქართველი ფეოდალების  
მიწები ოსმალო მხედრების ხელში გადადიოდა. ქართველი  
თავადისა თუ აზნაურის წინაშე მთელი სიმწვავეით დადგა სა-  
კითხი: ან მაჰმადიანობის მიღება, ოსმალო სამხედრო სამსა-  
ხურში შესვლა და მიწისმფლობელობის შენარჩუნება (ახალი  
წესით), ან ამ მფლობელობის დაკარგვა, ქართველი ფეოდალე-  
ბი ან გამოიქცნენ, ან გამაჰმადიანდნენ. ამრიგად, ოსმალურ  
საათაბაგოში ქართველ გლეხს ბატონი გამოეცვალა. ქართვე-  
ლი მთავარი, თავადი, აზნაური და ეკლესია-მონასტერი ოს-  
მალო დივანმა (სახელმწიფო), ფაშამ, სანჯაყ-ბეგმა, ალაი-  
ბეგმა, სიფაჰმა და ჯამემ შესცვალეს. ოსმალურ სახელმწიფო  
და სამთხელეო გადასახადების გარდა ქრისტიანობაში დარჩე-  
ნილ გლეხობას ცალკე „ურწმუნოთა“ გადასახადიც დაკის-  
რეს.

ამ დროიდან დაიწყო სამხრეთ-საქართველოს „გათათრება“.  
ეს პროცესი ერთი ან ათეული წლების ამბავი არ ყოფილა.  
ათასწლოვანი ქართული კულტურის უცხო კულტურით შეცვ-  
ლა დიდ სიძნელეებს ხვდებოდა. ხალხი მხნედ იტანდა სიმ-  
ძიმეს და მედგრად იცავდა ქართველობას. თათრობა დიდი შე-  
ფერხებით იკვლევდა გზას გლეხობაში. მე-16 საუკუნის მი-

წურულში დაწყებული ეს პროცესი მე-19 საუკუნის დასაწყის-საც დასრულებული არ ყოფილა.

ოსმალეთის დამყარება სამცხე-საათაბაგოში ფეოდალური საქართველოს უდიდესი მარცხი იყო. საქართველოს მოსწყდა და მისი ერთნულ, კულტურის შემოქმედებაში აღარ მონაწილეობდა ქვეყანა, რომელიც საქართველოს ტერიტორიას ერთ მესამედს შეადგენდა. გადაგვარების გზას დაადგა ფეოდალური საქართველოს ერთი ყველაზე უფრო დაწინაურებული და კულტურული შემოქმედების უნარით დაჯილდოებული ნაწილი, — სამშობლო ექვთიმე და გიორგი მთაწმინდელებისა, ბექა ოპიზარისა და შოთა რუსთაველისა.

### § 69. ქართველთა ბრძოლა დამოუკიდებლობისათვის შაჰ-აბასის წინააღმდეგ 1617 საუკუნის დასაწყისში

მე-17 საუკუნის დასაწყისში ირან-ოსმალეთის ომი განახლდა, 1602 წელს ზავი ირანის მზრძანებელმა შაჰ-აბასმა დაარღვია.

ირანის შაჰი ოსმალეთს წინა ომებში მინატაცებ საზღვრებს ეცილებოდა. შაჰ-აბასმა დაამარცხა ოსმალები ადარბადაგანში და 16 ნოემბერს 1603 წელს უკვე ერევანს შემოადგა. ერევანი საგანგებოდ გამაგრებული ციხე-ქალაქი იყო და ამიტომაც მისი აღყა დიდხანს გაგრძელდა.

შაჰ-აბასმა ქართლისა და კახეთის მეფეებს ოსმალეთის წინააღმდეგ ომში მოუწოდა. გიორგი მეათეს, სიმონის ძეს, ქართლის მეფეს, და ალექსანდრე კახთა მეფეს ყოყმანი შეექნათ. მართლაც და ძნელი არჩევანი იყო: არავინ იცოდა, რომელი მოძალადე გაიმარჯვებდა. ბოლოს მაინც გამოცხადნენ შაჰთან. ერევნის ომში მონაწილეობისათვის ქართლისა და კახეთის მეფეები შაჰ-აბასმა ირანში სოფლებით დაასანუქრა და თითოეულ მათგანს თავისი ხაზინიდან ჯამაგირი გაუწინა. სამაგიეროდ, შაჰმა ქართლის მეფეს ციხე ლორე და მდინარე დებედას ხეობა გამოსთხოვა, ხოლო კახეთის მეფეს — ენისელის მხარე (საინგილოში). ლორე-დებედას ხეობა ქართლს სამხრეთიდან ჰკეტავდა, ენისელი კი კახეთის კედელი იყო

აღმოსავლეთის მხრიდან. ეს მხარეები შაჰმა საქართველოს ჩამოაცილა და თავის მოხელეებს (სულთნებს) ჩააბარა.

შაჰის მზაკვრობას ქართველები კარგად მიუხვდნენ და მომავლის მოლოდინში ბოლმას გულში ინახავდნენ.

თავის მხრივ, შაჰ-აბასს ქართველთა ერთგულებისა არაფერი სწამდა. ის კარგად ხედავდა, რომ ქართველებს ერთი საფიცარი ჰქონდათ: თავისუფლება. ცბიერი შაჰი სულ იმას ცდილობდა, რომ ქართველების ციხე შიგნიდან გაეტეხა. შაჰის აგენტები მოხერხებულად სარგებლობდნენ ქართველი ფეოდალების შინაური ქიშხით და შაჰისაგან დახმარება-წყალობის დაპირებით მის ერთგულთა დასეხს კმნიდნენ.

1605 წელს კახეთის მეფე ალექსანდრე მისმავე შვილმა კონსტანტინემ მოკლა. კონსტანტინე შაჰის კარზე იყო გზარდილი და გამაჰმადიანებული. ალექსანდრე მეფის მკვლელობაში შაჰის ხელი ერია. შაჰ-აბასს სურდა რუსთომოვკარე და ირანის ორგული ალექსანდრეს ნაცვლად კახეთის სამეფო ტახტზე მაჰმადიანი და ირანის ერთგული კონსტანტინე ჰყოლოდა, მაგრამ შაჰი შეცდა. გადაგვარებული და მამისმკვლელი კონსტანტინე კახელებმა მეფედ არ ისურვეს და აჯანყდნენ. აჯანყებულებს ქართლის ჯარიც მიეშველა. კონსტანტინე თავისი ყიზილბაშებით დამარცხდა და თმში მოიკლა.

შაჰ-აბასი კახელების ასეთი სიმტკიცის გამო იძულებული შეიქნა კახეთის მეფედ ალექსანდრეს შვილიშვილი ქრისტინი თეიმურაზი დაემტკიცებინა (1606 წელს). მაგრამ კახეთში კარგად იცოდნენ, რომ შაჰ-აბასი ისეთი მტერია, რომელსაც არ სძინავს. საჭირო იყო ფნიზლობა.

1606 წელს შაჰ-აბასმა ყარაბაღი და განჯა წაართვა ოსმალებს. აქედან შაჰი ქართლისაკენ წამოვიდა და ოსმალთა მეციხოვნეები ლორე-დმანის-თბილისიდან განდევნა.

თბილისში ყოფნის დროს შაჰ აბასმა ქართლის მეფობა 14 წლის ლუარსაბ გიორგის ძეს დაულოცა (გიორგი მეფე ამ ხანებში უეცრად გარდაცვლილიყო). აქვე შაჰს მთელი ქართლის თავადობა ეახლა. შაჰ-აბასმა დიდი წყალობა უფო „ერთგულებს“, მაგრამ არსებითად ქვეყნის მდგომარეობა იგივე დარჩა. ახლა მხოლოდ ოსმალთა ბატონობა ირანის ბატონობით შეიცვალა, თბილისი, აღჯაყალა, ლორე, დმანისი ისევ უცხოელთა ბატონობის იარაღად რჩებოდნენ. ოსმალთა მეციხოვნე-

ების ნაცვლად ამ ქალაქებში ასლა შაჰის ყიზილბაშები ჩადგნენ.

1612 წელს ირანსა და ოსმალეთს შორის ზავი დაიდო. ამ ზავის მიხედვით ძველი, 1553 წლის, საზღვრები უნდა აღდგენილიყო და შაჰ-აბასს წონთქრისათვის წლიურად 200 საპალნე აბრეშუმში ეძლია, მაგრამ ძილებულ პირობებს არც ერთი მხარე არ იცავდა: ოსმალეთი სამცხე-საათაბაგოსა და ქართლ-კახეთს არ ესწრებოდა, შაჰ-აბასს კი აბრეშუმის გადახდა ეძნელებოდა.

1614 წელს შაჰ-აბასს უკვე გადაწყვეტილი ჰქონდა ოსმალეთთან ზავის დარღვევა.

ასეთ პირობებში ქართველების პოლიტიკურ განწყობილებას დიდი მნიშვნელობა ეძლეოდა. შაჰმა კი დანამდვილებით იცოდა, რომ ამ მხრივ თეიმურაზი და ლუარსაბი მისთვის სანდო არ იყვნენ.

სახელმწიფოებრივი დაშლილობის მიუხედავად ქართლსა და კახეთში ბევრნი იყვნენ ქართული სამეფო-სამთავროების შეკავშირების მოსურნენი, რომელთაც კარგად ესმოდათ, რომ გარეშე მტრისაგან თავის დაცვა მხოლოდ ამ გზით შეეძლო ქვეყანას.

ასეთმა მოღვაწეებმა თეიმურაზი და ლუარსაბი ერთიმეორეს დაამოყვრეს.

ეს შეთანხმება შაჰ-აბასს ჭკუაში არ დაუჯდა. ცბიერი შაჰი ქართლისა და კახეთის მეფეებს შორის მტრობის ჩამოგდებას შეეცადა და თუ მთლად ვერა, რამდენიმედ მაინც მიზანს მიაღწია. თეიმურაზი და ლუარსაბი მიხვდნენ ბოლოს შაჰ-აბასის განზრახვას, მაგრამ ურთიერთშორის ძველი ნდობა და კავშირი მაინც ვერ აღადგინეს.

შაჰ-აბასი ენერგიულად ემზადებოდა ქართლ-კახეთის მეფეთა და მათი მომხრეების წინააღმდეგ გადამჭრელი ღონისძიების მისაღებად. 1614 წლისათვის, დიდი წინასწარი მუშაობის შედეგად, არა მარტო თავისთან ჰყავდა მრავლად შაჰ-აბასს ლუარსაბისა და თეიმურაზის მოწინააღმდეგე ქართველი ფეოდალები, არამედ თვით ქართლსა და კახეთშიაც ბლომად იყვნენ შაჰის წყალობის მოიმიედენი.

1614 წელს შაჰ-აბასი დიდი ლაშქრით წამოვიდა ქართლისა და კახეთის მეფეების დასასჯელად. შაჰს განსაკუთრებით თეიმურაზ მეფე ამოელო მიზანში.

ირანიდან წამოსული შაჰი ყარაბაღს დადგა და კახეთის მეფისაგან ერთგულების ნიშნად მძევლები მოითხოვა. თეიმურაზმა კახი თავადების რჩევით ერთგულების საწინდარი გაუგზავნა განრისხებულ მტერს: დედა, ორი შვილი და მრავლად თავადთა შვილები. შაჰმა, რაკი ესენი ხელთ იგდო, თვით მეფეს მოსთხოვა მის წინაშე გამოცხადებულყო. თეიმურაზი არ ენდო მტერს და შაჰიც კახეთზე წამოვიდა. გადამწყვეტი დღე დადგა. მოლაღატე-მოტყუებულნი ყოველი მხრით ამოქმედდნენ: ერთი ნაწილი შაჰს მოჰყვებოდა, მისი მრჩეველი და მტრის ლაშქრის მეგზური იყო, მეორე ნაწილი კი ციხეს შიგნიდან სტეხდა. მტრის ეს აგენტები არწმუნებდნენ თეიმურაზს, რომ წინააღმდეგობა უნაყოფოა და ურჩევდნენ დამორჩილებას, ამავე დროს ხალხში პროვოკაციულ ხმებს ავრცელებდნენ, რომ უძლეველი შაჰი კახეთის ხალხის მწყალბელია, რომ ის მხოლოდ თეიმურაზისა და მისი მომხრეების დასასჯელად მოდისო.

თეიმურაზმა წააგო. კახელები პროვოკატორების ანკეს წამოეგნენ და ომი არ ისურვეს. შაჰი კახეთს შემოვიდა, თეიმურაზი კი ერთგულთა რაზმით ქართლისაკენ გაიქცა. შაჰ-აბასის მდევარმა რაზმმა მეფეს გზა გადაუჭრა, მაგრამ ჟალეთს, მდინარე იორზე, თეიმურაზი დაამარცხა ეს რაზმი და ქართლს გავიდა. ლუარსაბი თეიმურაზს მუხრანს შეეყარა.

მეფეთა თათბირზე აღმოჩნდა, რომ ქართლის წინააღმდეგობაც წელში იყო გატეხილი. არაერთი დიდი თავადი უკვე შაჰს ჰსლგებოდა მორჩილების გამოსაცხადებლად, დანარჩენებმა კიდევ მეფეებს ომი არ ურჩიეს.

თეიმურაზი და ლუარსაბი იმერეთს გადავიდნენ. შაჰ-აბასმა კახეთის საქმეები მოაგვარა, აქ საკმაო ჯარი დატოვა და ქართლში შემოვიდა. შაჰი გორს დადგა და იმერთა მეფისაგან იქ შეხიზნული თეიმურაზი და ლუარსაბი მოითხოვა. გიორგი იმერთა მეფემ შაჰ-აბასს სტუმრების გაცემაზე უარი შეუთვალა. შაჰ-აბასი ოსმალეთთან ზავის დარღვევას მოერიდა და იმერეთს ომით აღარ გადავიდა. ამისდა მიუხედავად მან ლუარსაბის ხელში ჩაგდება ცბიერებით მაინც მოახერხა.

1614 წლის ლაშქრობაში შაჰ-აბასს თან ახლდა თბილისის ყოფილი მოურავი გიორგი სააკაძე.

ჩამომავლობით სააკაძე თავადთა წრეს არ ეკუთვნოდა, მაგრამ გიორგის მამა-ბიძეები უკვე სიმონ მეფის დროს ძალიან დაწინაურებული იყვნენ და სამეფო კარზე მათ მაღალი თანამდებობანი ეჭირათ.

1609 წელს გიორგი სააკაძე უკვე თბილისის მოურავი იყო და ლუარსაბ მეფესთან მეტად დაახლოებული პირი. ამ დროს ქართლს ომი ჰქონდა საათაბაგოში გაბატონებულ ოსმალებთან. 1609 წელს ოსმალთა ლაშქარი ახალციხის მხრიდან ქართლს შემოესია. მეფე ლუარსაბ საზაფხულო სადგომს იყო ცხირეთის ციხეში. ქართლის შემოსასვლელ გზებზე მას ყარაულები ეყენა. ოსმალთა ჯარმა გამოვლო ჯავახეთი, თრიალეთი, გაწყვიტა ქართული ყარაულები და მოულოდნელად მანგლისს მოატანა. აქედან მტერი მარჯვე გზით შიდა ქართლში ცხირეთის ციხეზე უეცრად მისვლას, ლუარსაბ მეფის ხელში ჩაგდებასა და შუქლეგ შიდა ქართლის დაპყრობას აპირებდა. მეფე მოულოდნელ თავდასხმას არ ელოდა და ციხეში მცირე ამალით იდგა.

ოსმალ-თათრებმა სოფელ კველთას თედორე ხუცესი დაიჭირეს და მეგზურობა უბრძანეს. გლეხი ვმირი აღმოჩნდა: ქვეყნისათვის თავი გასწირა, მტერი სულ სხვა გზით წამოიყვანა და ის ცხირეთის ციხეს ააცდინა. როცა თედორეს ეს ხერხი გამომჟღავნდა, მეგზური ხმლით აკუწეს თათრებმა, სამაგიეროდ განზრახვამ მტერს ფუჭად ჩაუარა, ლუარსაბმა ციხეში გამაგრება მოასწრო.

ამ დროს ცხირეთს მეფესთან იყო გიორგი სააკაძეც. სახიფათო ჟამს მოურავი არ დაიბნა. მან განსაკუთრებული სიმხნე, ნიჭი და სიმამაცე გამოიჩინა. ციხიდან ფიცხლავ შიკრიკები აფრინეს და ქართლის ჯარი იხმეს. სააკაძემ მეზობელი სოფლებიდან სახელდახელოდ ოთხასამდე მეთომარი შემოიყარა. მოვიდნენ ახლობელი თავადებიც თავისი ყმებით. გიორგი სააკაძე და ზაზა ციციშვილი მოთარეშე მტრის მცირე რაზმებს ეკვეთნენ და მუსრი გაავლეს მათ. მტერმა ძარცვა-რბევით მტკვრის მარჯვენა ნაპირი აიარა და გორს გასვლა სცადა — მას ქართლის გულის დაჭერა სურდა. გორელებმა მოასწრეს და მტკვარზე გადასასვლელი ხიდი აჰყარეს. იმ დროს ზაფ-

ხულის წყალდიდობა იყო და აქ მტკვარი არ გაისვლებოდა. მტერი ისევ მარჯვენა ნაპირს აპყვა, სოფლები არბია, ბრბონასთან მდინარის გადალახვა მოახერხა და ქვიშხეთის ბოლოს დაბანაკდა.

ამასობაში ქართველმა ჯარმა თანდათან მოდენა იწყო. თბილისიდან ყიზილბაშთა სარდალიც მოვიდა შვიდასი კაცით. გადამწყვეტი ომი ქვიშხეთის ბოლოს მოხდა. წინასწარ სამხედრო რჩევაზე ქართველებმა გიორგი სააკაძის საომარი გეგმა მიიღეს და სასტიკ ომში მათ ბრწყინვალე გამარჯვება ხვდათ.

ამიერიდან გიორგი სააკაძე კიდევ უფრო გავლენიანი და მეფის სანდო პირი შეიქნა. ჩქარა ლუარსაბ მეფემ სააკაძის და ცოლად შეირთო. სააკაძის ასეთ ამალგებას ძველი გავლენიანი თავადები ვერ ურიგდებოდნენ. მათ ძალიან არ მოსწონდათ ამ აზნაურის პოლიტიკაც: სააკაძის იდეალი მეფის ხელისუფლების გაძლიერება იყო. ეს კი თავადების უფლებების შეზღუდვის გარეშე ვერ მოხდებოდა. ასევე მიუღებელი იყო თავადებისათვის საქართველოს გაერთიანების აზნაურული იდეა. თავადებს საქართველოს გაერთიანება მეფე-მთავრების კავშირის სახით ჰქონდათ წარმოდგენილი. აზნაური სააკაძის გეგმა კი საქართველოს ერთ სახელმწიფოდ გაერთიანებას გულისხმობდა ძლიერი მეფის ხელქვეშ. გიორგის თავისი მომხრეებიცა ჰყავდა თავადიშვილთა და განსაკუთრებით აზნაურთა წრეებიდან. მაგრამ მოწინააღმდეგენი გაცილებით უფრო ძლიერი აღმოჩნდნენ. თავადები შემთადგნენ ლუარსაბს და იმდენი აბეზლეს მოურავი, რომ მეფე სააკაძის მოლაღატეობაში დაარწმუნეს.

ლუარსაბმა მოურავის მოკვლა გადაწყვიტა, მაგრამ მომხრეებმა სააკაძეს განსაცდელი შეატყობინეს. მოურავი თავის სიმამრისას გაიქცა, მისი ქონება კი მამბეზლარ-მოქიშპეებმა აიკლეს და დაიტაცეს.

გიორგი სააკაძის სიმამრი დიდი თავადი ნუგზარ არაგვის ერისთავი იყო. ლუარსაბ მეფის და ხორეშანი დიდხანს იყო ნუგზარის ვაჟზე დანიშნული, მაგრამ სწორედ ამ დროს თეიმურაზ კახთა მეფე დაქვრივდა და ლუარსაბმა, დარბაზის რჩევით, ხორეშანი მას მიათხოვა. ამით ამაყი ერისთავი მეტად შეურაცხყოფილი დარჩა.

ახლა სიძე-სიძამრი, ვიორგი და ნუგზარი, ირანს წავიდნენ და შაჰ-აბასს ეახლნენ. ქართველ მონივართა მისვლამ შაჰს შეტად ასიამოვნა: გავლენიანი ქართველების მიმხრობა საუკეთესო საშუალება იყო თეიმურაზისა და ლუარსაბის სიმტკიცის კასატენად და მათ დასამორჩილებლად. სააკაძეს კი შაჰის ძალის გამოყენება თავისი პოლიტიკური მოწინააღმდეგეების დასამარცხებლად სურდა.

შაჰ-აბასმა ნუგზარ ერისთავი დიდად შეწყალებული გამოისტუმრა, ვიორგი სააკაძე კი ირანში დარჩა. გონიერებით, მამაცობითა და ძალღონით მოურავმა ჩქარა გაითქვა სახელი და შაჰის დიდი პატივი დაიმსახურა.

და აი, 1914 წლის ლაშქრობაში შაჰ-აბასს თან მოჰყვებოდა ვიორგი სააკაძეც. ქართლში სააკაძის დაბრუნება მოსვენებას უკარგავდა მის მოსისხარებს — ისინი მოურავისაგან შურისძიებას ელოდნენ. მაშას აქეთ შიშს შაჰის კარიდან განზრან დარხეული ხმებიც აძლიერებდა: რადგან ლუარსაბს არ სურს შაჰს ეახლოს და შეწყალება ითხოვოს, შაჰი ქართლის მმართველად ვიორგი სააკაძის დასმას აპირებსო. სააკაძის მომხრეები გახიზნულ ხალხს მშვიდობას აუწყებდნენ, უკანვე მოუწოდებდნენ და ხელმწიფის სახელით წყალობა-გაკეთებას აღუთქვამდნენ.

შეშფოთებული თავადები გამოსავალს ეძებდნენ. ვიორგი სააკაძის მოსისხარმა შადიმან ბარათაშვილმა ლუარსაბის იმერეთიდან გადმოყვანა თავს იდვა. შაჰიც მხოლოდ ამას ელოდა. შადიმანმა ნაკისრი შეასრულა და მალე ლუარსაბ მეფე შაჰს ეახლა. შაჰ-აბასი ირანს გაბრუნდა და ლუარსაბი დიდი პატივით თან წაიკვანა. შაჰმა თან გაიყოლა ვიორგი სააკაძეც. თეიმურაზ მეფე კი იმერეთს დარჩა.

## § 71. აჰანყიბა კახეთში. კახეთის აღორბა

კახეთში ყოფნისას შაჰმა უხვი წყალობა უყო თეიმურაზის მოღალატეებს, შეურაცხყო კახთა სალოცავები — გრემი და ალავერდი — და სასტიკად ააოხრა საგურამო და ერწო-თიანეთი მეფის ერთგულებისათვის. აქ ყიზილბაშებმა ხელთ იგდეს ოცდაათი ათასამდე ტყვე. კახეთის მმართველად შაჰმა თეიმურაზის ბიძაშვილი, გამაჰმადიანებული ისა-ხანი დასვა და





ვან თავადებს მისი მორჩილება უბრძანა. ისე როგორც ქართლში თლიდან, შაჰმა კახეთიდანაც მრავლად წაიყვანა ხელმწიფის მოლაშქრედ თავდაწერილი მეომრები.

კახელებმა კარგად დაინახეს, თუ როგორი „მწყალობელი“ იყო ირანის შაჰი და აჯანყებაც სადღეისო საქმედ იქცა. ირანოსმალეთს შორის ომის განახლება ამ აჯანყება დაამტკიცა. იმერეთს ლტოლვილი თეიმურაზი ოსმალეთს დაუკავშირდა, ისა-ჩანი ამ დროს შაჰ-აბასთან იყო წასული, კახეთის საქმეები მას თავისი ორი უახლოესი კარისკაცის, ჯორჯაძის და ჯანდიერისათვის ჩაებარებინა. აჯანყება 1615 წლის 15 სექტემბერს დაიწყო. ჯორჯაძე და ჯანდიერი აჯანყების მოთავენი აღმოჩნდნენ. აჯანყებულებმა თეიმურაზი იხმეს და მეფეც სწრაფად წამოვიდა კახეთში. ყიზილბაშთა რაზმები განადგურებულ იქნენ და თეიმურაზმა ქვეყანა დაიჭირა. ახლა კახელების მაგალითს ქართლელებიც მრავლად აპყვნენ, აჯანყდნენ და თეიმურაზი ქართლის მეფეთაც მოიწვიეს. სააკაძის მტრებმა დრო იშოვეს და მოურავის მომხრეებს დაერივნენ. თვითონ მოურავი, რომელიც ამ დროს ირანიდან თავის მამულში მოსულიყო, სიკვდილს ძლივს გადაურჩა. მალე თეიმურაზმა კახეთის მოსაზღვრე შაქში ილაშქრა, ქალაქი არეში აიღო და იქ შაჰის მეციხოვნეები გაწყვიტა. შაქი-შარვანელებიც შაჰის წინააღმდეგ აჯანყდნენ. ამავე დროს თეიმურაზის აგენტები დაღესტანს ავიდნენ და ლეკებს ირანის წინააღმდეგ გამოსასვლელად მოუწოდებდნენ.

შაჰ-აბასი შეშფოთდა. ამ აჯანყებებში მას ოსმალეთის ხელი ეჩვენებოდა. შაჰმა სასწრაფოდ გამოგზავნა სარდალი ალიყულიხანი 15 ათასი მეომრით. ყიზილბაში სარდალი, რომელსაც თეიმურაზის შეპყრობა ჰქონდა დავალებული, თბილისს მოვიდა. მტრის ჯარმა კახეთიდან არაგვზე გადმოსასვლელი გზები შეჰკრა. თეიმურაზ მეფემ მორჩილების სიტყვებით ალიყული-ხანის სიფხიზლე შეანელა. ქართველმა მეგზურებმაც კახთა ლაშქრის მოძრაობის შესახებ სწორი ცნობები არ მიაწოდეს ყიზილბაშებს. ბაინდურ არაგვის ერისთვისშვილი კი თბილისიდან განუწყვეტლად ატყობინებდა თეიმურაზს მტრის ჯარის მოძრაობას. ამის შედეგად თეიმურაზი 6000 კაცით მოულოდნელად თავს დაეცა ყიზილბაშებს და სასტიკად დაამარცხა ისინი. მტერი თავზარდაცემული გაიქცა. გამარჯვე-

ბულებმა ხელთ იგდეს მტრის მთელი ბანაკი და მრავალი ტყვე.

შაჰ-აბასი გაცოფდა. აჯანყება საშიშ ხასიათს იღებდა და დაყოვნება აღარ შეიძლებოდა. შაჰი საგანგებოდ მოემზადა და 1616 წლის გაზაფხულზე მთელი თავისი ძალით კახეთის მოსასპობად წამოვიდა. მტრის ასეთმა ენერგიულმა და სწრაფმა მოქმედებამ აჯანყებულთა სიმტკიცე შეარყია. ვერც ოსმალეთი მოეშველა მათ.

აჯანყებულებმა საერთო საფრთხის წინააღმდეგ გაერთიანება ვერ მოახერხეს. ქართლის ფეოდალები კახელებს ვერ მიეშველნენ, მოძმის აოხრებას უცქეროდნენ და თავის ჯერს უცდიდნენ.

ბრძოლის ველზე შაჰ-აბასის დიდი ჯარის გამკლავების ღონე თეიმურაზს არ შესწევდა. კარზე მომდგარი განსაცდელის თავიდან ასაცილებლად კახელებმა ნაცად ხერხს მიმართეს. თეიმურაზ მეფე და მისი ერთგულები ისევ დასავლეთ საქართველოში გაიქცნენ, მთელი კახეთი კი დაიხიზნა, სიმაგრეებში ჩაიკეტა, თავდასაცავად მოემზადა და ამავე დროს შაჰს მორჩილება გამოუცხადა და დანაშაულის შენდობა სთხოვა. შაჰ-აბასს კახეთის სრული მოსპობა ჰქონდა გადაწყვეტილი და ამიტომ მან კახელების თხოვნა არ შეიწყნარა.

კახელებისათვის დახიზვნით გადარჩენის საშუალება რომ მოესპო, შაჰმა კახეთს მისასვლელი გზები თავისი ჯარებით წინასწარ დაიჭირა. ამავე დროს ის შეუთანხმდა დაღესტნელებს, რათა მათ მთებში შეჩიზნული კახელები ეჭლიტათ. ასეთი საგანგებო მომზადების შემდეგ მტერი შემოესია ქვეყანას.

ქართველი ხალხის ისტორიაში უმაგალითო შავი დღე დატრიალდა. საქართველოს ყოფნა-არყოფნის დღე იდგა, მაგრამ განაზრახის შესრულება მოძალადეს ძვირად დაუჯდა. ბრძოლამ ერთ წელიწადს გასტანა. ყოველი ციხე, ეკლესია-მონასტერი, სასახლე, ტყე, ხევი მტერს თმით უნდა აეღო. საკუთარი ბუდისა და თავისუფლების დამცველი ხალხი გმირი აღმოჩნდა, მაგრამ მტრის სიმრავლემ, ორგანიზაციამ და იარაღმა სძლია.

კახეთმა ამ შემოსევისას მთელი თავისი მოსახლეობის ორი მესამედი დაჰკარგა. ასი ათასამდე კაცი მტერს შეაკვდა, ამდენივე ტყვედ წაიყვანეს ყიზილბაშებმა. დაღესტნელებმაც

დრო იხელთეს და ხელი მოითბეს. მტერმა დასწვა, დაანგრია და გაანადგურა, რასაც კი მისწვდა. შაჰ-აბასის საგანგებო ბრძანებით არღვევდნენ სასახლეებს, ციხეებს, ეკლესია-მონასტრებს, სწავდნენ სოფლებსა და ყოველგვარ სამეურნეო შენობულებას, კაფავდნენ ზვრებსა და ვენახებს, სპობდნენ თუთისა და კაკლის ხეებს, არსად ტოვებდნენ ოთხფეხ საქონელს.

ნანგრევებად იქცა ქალაქები, სასახლეები, ფერფლად იქცა სოფლები. მშვიდობიან ქვეყანაზე საშინელმა გრიგალმა გადაიარა. დაიცალა და დაყრუვდა აყვავებული მხარე, დიდი ხნით შეწყდა აქ სიცოცხლის მაჯისცემა, ტყე და ნადირი დაუფლა ადამიანის ნასადგომევს.

კახელი ტყვეები ირანს გარეკეს. მათი ნაწილი შაჰ-აბასმა შიდა ირანის სხვადასხვა პროვინციაში დაასახლა. უცხოეთში, თვისტომს მოწყვეტილნი, ისინი თანდათან გადაგვარდნენ. მხოლოდ მცირე ნაწილმა ფერეიდანში შეინარჩუნა დღემდე დედაენა. კიდევ უფრო უარესი იყო დანარჩენი ტყვეების ბედი — ისინი ყიზილბაშმა მოლაშქრებმა დაჰყიდეს. ქართველი მონა და მხევალი ყიზილბაში დიდკაცების ჩვეულებრივი სამკაული გახდა.

აოხრებული კახეთი შაჰ-აბასსმა ორ ნაწილად გაჰყო: ივრის აღმოსავლეთი მხარე განჯის ხანს, ყიზილბაშ ფეიქარს ჩააბარა სამმართველოდ, დასავლეთი კი ქართლის ხანს ბაგრატს მისცა. დაცარიელებულ ქვეყანაში შაჰმა ხანებს თურქების დასახლება უბრძანა.

კახეთის მოთხრით შაჰ-აბასი რამდენიმე მიზნის მიღწევას ცდილობდა. საქართველოს წინააღმდეგობა საბოლოოდ უნდა გატეხილიყო, კახეთში ჩამოსახლებული თურქმანები კი შაჰის ერთგული დასაყრდენი უნდა გამხდარიყვნენ შორეულ კავკასიაში; ირანს გადასახლებული კახელები კულტურული სოფლის მეურნეები და შაჰის ხელის შემყურე ერთგული მეომრები იქნებოდნენ, — ასე ფიქრობდა შაჰი. მართლაც, ყულის ჯარში (ყულის ჯარი ეწოდებოდა ირანის შაჰის მცველ ჯარს), რომელშიაც ამ დროიდან 12 ათასი მხედარი და 10 ათასი ქვეითი ითვლებოდა, დიდი უმრავლესობა ქართველები იყვნენ.

როცა კახეთს მორჩა, შაჰი ქართლს ეწვია. მან აქ თეიმურაზის მომხრე თავადების მამულები დაარბია და ტყვეები მო-

აეროვა, ხოლო ქართლის თავადაზნაურთა შვილების დიდი უმრავლესობა ყულის ჯარში გაიწვია. ქართლის ხანად შაჰ-აბასს ჯერ კიდევ 1615 წელს გამოეგზავნა გამაჰმადიანებულ-გასპარსებული ქართველი ბაგრატი დავითის ძე.

ფეიქარ-ხანმა მრავლად ჩამოასახლა თურქმან-თათრები კახეთის ველებში, ლეკებიც ჩამოსხდნენ ნაოხარ კახურ სოფლებში. ქვეყნის უდიდესი ნაწილი მაინც ცარიელი რჩებოდა. ფეიქარ-ხანი იძულებული გახდა კახი ხიზნების დაბრუნებასაც ცდილიყო.

ირან-ოსმალეთის ომი გრძელდებოდა და თეიმურაზ მეფე იმედს არ ჰკარგავდა, რომ თავის ქვეყანას დაუბრუნდებოდა. ლტოლვილმა მეფემ ენერგიული პოლიტიკურ-დიპლომატიური მოქმედება გააჩაღა. ჯერ კიდევ 1615 წელს თეიმურაზის თაოსნობით საქართველოს ექვსივე მეფე-მთავარმა საერთო ელჩი გაგზავნეს მოსკოვს. ქართველები თავიანთი გაერთიანების შესახებ აუწყებდნენ რუსთა მეფეს და ერთმორწმუნე ხელმწიფეს საერთო მტრების წინააღმდეგ ბრძოლაში დახმარებისათვის მოუწოდებდნენ. ასეთივე მოწოდებით მიმართეს ქართველებმა რუს-ხელმწიფეს 1618 წელს. მეორე მხრით, თეიმურაზის ელჩები პოლონეთს და დასავლეთ ევროპის სხვა ქვეყნებსაც ეწვივნენ, თუმცა დახმარება შაჰ-აბასის წინააღმდეგ ვერსაიდან მიიღეს. ამავე ხანებში თეიმურაზი ოსმალეთის ხონთქარს ეახლა სტამბოლში და მას დახმარება სთხოვა. ოსმალეთს ამ დროს თვითონ უჭირდა: ყაზახ-რუსები სანაპიროებს ურბევდნენ, მცირე აზიაში აჯანყებები არ ნელდებოდა. ხონთქარმა თეიმურაზი მცირე იმედით გამოისტუმრა და მას საცხოვრებლად გონიის ციხე მიუჩინა (ჭოროხის შესართავთან). 1618 წელს თეიმურაზს თავისი საქმის წარმატების დიდი იმედი ჰქონდა. ოსმალთა დიდი ლაშქარი ირანში შეიჭრა და ქალაქ არდაველს მიუახლოვდა. თეიმურაზ მეფე თავისი კახელებით ოსმალთა ჯარის მეწინავეში იბრძოდა და თავზარდაცემულ შაჰს მუქარას უთვლიდა, რომ მას კახეთის აოხრების სამაგიეროს ჩქარა მიუზღავდა. კახეთის მეფეს იმედი არ გაუქმართლდა. ოსმალთა ლაშქრის უნიჭო სარდლობამ თავისი უპირატესობა ვერ გამოიყენა, ომი ვერ მოიგო და შაჰ-აბასი აშკარა საფრთხეს ამჯერადაც გადაურჩა.

თეიმურაზის მოქმედება ირანის შაჰს მოსვენებას უკარ-

გავდა. ბრძოთ გაცოფებული იგი უდანაშაულო მძევლებს სწვავდა. 1620 წელს შაჰ-აბასის ბრძანებით თეიმურაზის ორი ვაჟი საშინლად დაასახინრეს.

თეიმურაზმა თანდათან დაკარგა ოსმალთა დახმარებით წარმატების იმედი, 1623 წელს მან ერთხელ კიდევ გაგზავნა ელჩები მოსკოვს. მოსკოვის მეფემაც თეიმურაზს მეტად უიმედო პასუხი შემოუთვალა, მაგრამ ამასობაში საქმე ისე წავიდა, რომ პასუხის მომტანს თეიმურაზი უკვე ქართლ-კახეთის მეფედ დახვდა.

## § 72. ქართლ-კახეთი 1616–1622 წლებში

ქართლის მმართველმა ბაგრატ-ხანმა საქმეს თავი ვერ გაართვა. მრავალი თავადი შაჰის ამ მაჰმადიან მოხელეს არ ემორჩილებოდა, ზოგი ლუარსაბს ელოდა, ზოგს კიდევ თეიმურაზთან ჰქონდა საიდუმლო კავშირი.

1619 წელს ბაგრატ-ხანი გარდაიცვალა და შაჰმა ქართლის მმართველად მისი შვალი სიმონი დანიშნა. მაჰმადიანობაში დაბადებულსა და ირანში გაზრდილს ახალგაზრდა სიმონ-ხანს კიდევ უფრო ნაკლებ შეეძლო ლუარსაბისა და თეიმურაზის მეტოქეობა. ქართლი ანარქიამ მთიცივა. უღონო სიმონი შაჰს ეახლა და ქართლის აშლა მოახსენა.

ირანის შაჰის წინაშე ლუარსაბ მეფის საკითხი დაისვა, ქართლიდან წაყვანის შემდეგ შაჰ-აბასს ლუარსაბ მეფე კარგა ხანს ასტრბადში ჰყავდა. შაჰის სამსახურში მყოფი ქართლის თავად-აზნაურობა ხშირად შუამდგომლობდა შაჰის წინაშე ტყვე მეფის პატიებას. მოსკოვის მეფეც, თავის მხრით, სთხოვდა ირანის შაჰს ქრისტიანი მეფის შეწყალებას. შაჰს ძლიერ არ მოსწონდა მოსკოვის ასეთი შუამდგომლობა.

შაჰ-აბასს შეუძლებლად მიაჩნდა ლუარსაბის შეწყალება მანამ, სანამ იგი ქრისტიანობას თავს არ დაანებებდა, გამაჰმადიანების სურვილს კი ქართლის მეფე არ იჩენდა.

ჩქარა ლუარსაბი შუა ირანს წაიყვანეს და შირაზის ციხეში გამოჰკეტეს. ქართლში თავადების აშლაც უბედურ ტყვეს დაბრალდა. ამავე დროს შაჰის წინააღმდეგ შეთქმულება გამოჰქვავდა, რომლის მონაწილე ქართველებიც აღმოჩნდნენ. და

რომ ქართველები ირანში თუ ქართლში დაწყნარებულიყვნენ, შაჰ-აბასმა მათ იმედი გადაუწყვიტა: მისი ბრძანებით, ლუარსაბ მეფე შირაზის ციხეში მშვილდის საბლით ნოახრჩვეს 1622 წელს.

არც კახეთის საქმე მიდიოდა შაჰისათვის სასურველად. თეიმურაზ მეფის აჩრდილი მოსვენებას უკარგავდა ფეიქარხანს. კახელები იმედიან ცოცხლობდნენ: შაჰ-აბასი მოხუცებული იყო, საცა იყო გარდაიცვლებოდა და ირანში ტახტის მემკვიდრეებს შორის ჩვეულებრივი ომი გაჩაღდებოდა; თეიმურაზი კი ჯერ ახალგაზრდა და ენერგიით სავსე იყო; ირანოსმალეთის ომიც გრძელდებოდა და შესაძლებელი იყო ირანი დამარცხებულიყო.

ქართლისა და კახეთის საქმეების მოგვარება შაჰ-აბასმა გიორგი სააკაძეს უბრძანა. ამ დროისათვის მოურავი კიდევ უფრო სახელგანთქმული კაცი იყო, დიდა შკუის პატრონად და საქართველოს საქმეების საუკეთესო მცოდნედ მიჩნეული, დიდმა გონიერებამ, ბრწყინვალე სამხედრო ნიჭმა და არაჩვეულებრივმა ღონემ გიორგი სააკაძეს მქუხარე სახელი გაუქვეს არა მარტო ირანში, არამედ აგრეთვე ოსმალეთს, სხვა აღმოსავლეთის ქვეყნებსა და ევროპაშიაც.

ახალგაზრდა სიმონ-ხანს სააკაძე მრჩეველად მიუჩინეს. ამასთან ერთად შაჰ-აბასმა საქართველოში ყიზილბაშთა დიდი ლაშქარი გამოისტუმრა ყარჩისა-ხანის სარდლობით. სარდლის უახლოესი მრჩეველიც გიორგი სააკაძე იყო.

სააკაძის შუამდგომლობით შაჰ-აბასმა შეიწყალა და საქართველოში გამოისტუმრა მოურავის ცოლისძმა და მისივე გაზრდილი ზურაბი, ნუგზარ ერისთავის შვილი.

1620 წელს სიმონ-ხანი, გიორგი სააკაძე, ზურაბ ერისთავი და ყიზილბაშთა ჯარი ქართლს მოვიდნენ, ჩქარა ახალგაზრდა სიმონ-ხანი სავსებით სააკაძის გავლენის ქვეშ მოექცა.

ქართლ-კახეთის საქმეების მოგვარება შაჰ-აბასს ახლა ასე ჰქონდა განზრახული: კახელები, როგორც თეიმურაზ მეფის თავგადადებული მომხრეები, უნდა საბოლოოდ ამოეწყვიტა, კახეთი სულ ყიზილბაშებითა და სხვა თურქმან-თათრებით დაესახლებინა, ლუარსაბისა და თეიმურაზის მომხრე ქართლის თავადები ირანს ჩაურეკა.



შაპი შეცდა როცა სააკაძე საქართველოს თავისუფლების ჯალათად დაიგულა. შაპ-აბასს ქართველებს შორის სახელი კარგა ხანია გატეხილი ჰქონდა. შაპის კარზე ჩაყვანილი ქართველები, შაპის მეგობარ-მოლაშქრეებად თავდაწერილი მეომრები ვერ ეღირსნენ დაპირებულ წყალობას. თვალუწვდენი ირანის კიდით კიდებამდე განუწყვეტელი ლაშქრობა ათასობით იწირავდა შაპისგან გაკეთების მოთმედებს. ამავე დროს შაპის ეს „მეგობრებიც“ (სპარსულად — „შაპისეკანები“) თანდათან რწმუნდებოდნენ, რომ „მწყალობელი“ ხელმწიფე მათ სამშობლო ქვეყანას მეტს აღარ ახილებდა. უარესი ის იყო, რომ ცბიერმა მტერმა ირანს ჩატყუებულ ქართველებს წყალობის პირობად გათათრება დაუდო. ასე რომ სამართლიანობის, წყალობისა და გაკეთების ნაცვლად „შაპის მეგობრებმა“ თავისუფლების დაკარგვა, სამშობლოდან გადასახლება და გადაგვარება მიიღეს.

ვიორგი სააკაძე კარგად მიუხვდა მტერს მის ვერაგულ გეგმებს და დაინახა, რომ შეცდა. ირანის შაპის ინტერესები საქართველოში ყველაზე ნაკლებ სწორედ სააკაძის მიზნებს ეთანხმებოდა. ძლიერი, მთლიანი საქართველო შაპისათვის უფრო მიუღებელი იყო, ვიდრე საქართველო სუსტი, დაშლილი, თავადური. სააკაძე საქართველოს გაძლიერებისათვის, მისი თავისუფლებისათვის იბრძოდა, შაპი კი ჩვენი ქვეყნის დამონება-გადაგვარებას ცდილობდა და ამ საქმეში სააკაძის გამოყენებას ლამობდა. დიდი პატივითა და უხვი წყალობით მტერი სააკაძეს სამშობლოს მესაფლავედ გადაქცევას უპირებდა.

როცა სააკაძე ქართლს მოვიდა და საქმის ვითარებას ჩააკვირდა, მან ადვილად შეამჩნია, რომ ახლა ქართლშიაც მდგომარეობა სულ სხვა იყო, ვიდრე 1616 წლამდე. კახეთის განადგურებით შაჰმა საქართველოსადმი თავისი მგლური დამოკიდებულება გამოამჟღავნა. ქართლის მაჰმადიანურ სახანოდ გადაქცევა, ქვეყნის დახარკვა, თავადების მრავლად დარბევა და დასჯა-გადასახლება, ქართლის აზნაურ-მოლაშქრეთა ყულის ჯარში გაწვევა, ქრისტიანობის შეურაცხყოფა და მაჰმადიანობის გავრცელების ცდა, — ყველაფერი ეს შაპ-აბასის წინააღმდეგ აკავშირებდა ქართლის მოსახლეობის სხვადასხვა ფენების დიდ უმრავლესობას. სააკაძემ დაინახა,

რომ ქართლში ირანის წინააღმდეგ საყოველთაო აჯანყება მომწიფებულა და თვითონაც საჭირო სამზადისს შეუდგა. შურისძიების ნაცვლად სააკაძე შეურიგდა თავის ძველ მოქიშპეებს, მან დაიმოყვრა გავლენიანი თავადები და ხელი შეუწყო თავის ცოლისძმის ზურაბ ერისთავის გაძლიერებას. ამავე დროს მოურავმა საიდუმლო მოლაპარაკება გამართა ოსმალეთთან.

§ 73. გიორგი სააკაძის აჯანყება

1623 წელს, თითქოს იმერეთს სალაშქროდ, ყარჩიხა ხანმა კახი თავად-აზნაურობა და მოლაშქრენი მუხრანს მოიწვია. აქ აღიანის მინდორზე მათი ერთიანად გაწყვეტა იყო განზრახული.

ყიზილბაშებმა განაზრახი ვერ შეასრულეს. მართალია, მრავალი კახი დაიღუპა, მაგრამ ლაშქრის დიდმა უმრავლესობამ ხმლით გზა გაიკაფა და კახეთს გაიქცა. ასე რომ ყიზილბაშებს ვერაგული გეგმა გაუმჟღავნდათ, ხოლო კახეთის იხვე აჯანყებამ მოიცვა. შაჰ-აბასის მუხანათობამ ქართლიც შეაშფოთა. ეს მარცხი კარჩიხა-ხანმა და სხვა ყიზილბაშებმა სააკაძეს გადააბრალეს.

საკაძე შაჰ-აბასს კარგად იცნობდა, თავი ფრთხილად ეჭირა და ამავე დროს არაფერს კი არ იმჩნევდა, კვლავ ყარჩიხა-ხანის ბანაკში იდგა.

შაჰ-აბასმა საიდუმლო ბრძანება გამოუგზავნა ყარჩიხა-ხანს: შაჰი კახთა გაწყვეტას და ქართლის აყრას განმეორებით უბრძანებდა სარდალს და სააკაძის მოჭრილ თავსაც ითხოვდა. მაგრამ არც ნოურავს ეძინა. შაჰის ბრძანება ყარჩიხა-ხანის ნაცვლად სააკაძეს ჩაუვარდა ხელში.

გადამწყვეტი მომენტი დადგა. დრო აღარ ითმენდა, აჯანყების წარმატებისათვის საჭირო იყო, რომ ის მანამ დაწყებულიყო, სანამ ყიზილბაშთა სარდალი ჯერ კიდევ არ იყო გაფრთხილებული.

საკაძემ მისთვის ჩვეული ენერგიით, სიფრთხილითა და მოფიქრებით აჯანყება გეგმა დააწყო. შაჰ-აბასის საიდუმლო ბრძანებამ სააკაძეს დიდი სამსახური გაუწია აჯანყების წარმატებით მოწყობაში. ქართლის თავადებმა თვით შაჰის



ბრძანებაში ამოიკითხეს თავის შესახებ უღმობელი განაჩენი. აჯანყების გეგმა ბრწყინვალედ იყო შედგენილი. ყარჩიხა-ხანთან შეთანხმებით სააკაძემ ქართლის თავადები იხმო, თითქოს მათთვის შაჰის სურვილი უნდა ეუწყებინა. მოურავმა აქ თავადებს შაჰის საიდუმლო ზრანგები გააცნო და მათ აჯანყებისაკენ მოუწოდა, ქართლის თავადებმა აჯანყების გეგმა მიიღეს.

ყარჩიხა-ხანი თავისი ჯარით მარტყოფის მიდამოებში იყო, როცა ქართლის აჯანყებულთა ზვაგი მის წასალეკად დაიძრა. პაემანზე, როდესაც ქართლის ჯარი მარტყოფის ვიწროებში მტერს თავზე წამოადგა, გიორგი სააკაძემ ყიზილბაშთა სიმტიციე გაბედული დაკვრით ხერხემალში გადასტეხა. მოურავი აქამდე მტრის ბანაკში იყო და მოსაჩვენებლად შაჰის სამსახურზე ვითომც თავს არ ზოგავდა. ქართველ აჯანყებულთა ხმაურობაზე ის, ამხედრებული და იარაღასრული, ყარჩიხა-ხანის კარავში გამოცხადდა. მოურავის რჩევით სარდალმაც სასწრაფოდ იარაღი აისხა და ცხენზე შეჯდომა დააპირა. მაგრამ როცა ყარჩიხა-ხანმა უზანგში ფეხი შესდო და აღსაჯდომად წამოიწია, სააკაძემ მას ისე მძლავრად ატაკა შუბი, რომ ერთი გვერდიდან მეორეში გაუყარა. ყიზილბაშები ჯერ გონს ვერ მოსულიყვნენ, რომ სააკაძე შარვანის ხანის კარავს მიექრა და ელვის სისწრაფით ეს ხანიც ყარჩიხა-ხანის გზას გაუყენა. ამ დროს სააკაძის შვილმა ავთანდილმა ყარჩიხა-ხანის ვაჟი გაათავა. სააკაძის მხლებელ ვაჟკაცთა მცირე გუნდი დაბნეულ ყიზილბაშებს თავგამეტებით ეცა. ბანაკი საშინლად აირია. უსარდლოდ დარჩენილ მტერს გარს შემომდგარმა ქართველებმა გულსრულად შეუტიეს. ყიზილბაშები სასტიკად დამარცხდნენ. ვეება ჯარის მხოლოდ მეთედმა უშველა თავს გაქცევით. სიმონ-ხანი აღჯაყალას გადიხვეწა. ეს მოხდა იმავე 1623 წელს.

საკაძემ მტერს მოფიქრების საშუალება არ მისცა, თბილისის თავს დაეცა, ქალაქი აიღო და ციხეში გამაგებულ ყიზილბაშთა გარნიზონს ალყა შემოარტყა.

იმავე დღეს მოურავმა კახეთს გაილაშქრა, იქ შემოსახლებული თურქმანების გასაჟლეტად. მტკვარზე გადასავალს სააკაძე და ზურაბ ერისთავი მიეწივნენ გაქცეულ თურქმანთა ურდოებს! კახეთის მმართველმა ფეიქარ-ხანმა ძლივს

გაასწრო, თურქმანების დიდი ნაწილი კი ქართველებს ტყვედ ჩაუვარდათ ხელში, მოურავი გამობრუნდა, სწრაფად შეემზადა და განჯა-ყარაბადის ქვეყნებზე გაილაშქრა. ამ ლაშქრობაში მან დიდძალი ტყვე ხელთ იგდო, შემდეგ დაარბია მდიდარი ყარაბადი და ლტოლვილ ყიზილბაშებს ხუდაფირინის ხიდამდე (მდ. არაქსზე) სდია.

აქედან დაულალავი სარდალი კვლავ სწრაფად თბილისს დაბრუნდა. ციხის აღება მაინც ვერ მოხერხდა, სპარსელთა შეიარაღება ცხადად სჯობდა ქართველებისას. თბილისის ზოგიერთი მოქალაქის ღალატმაც საქმე გააძნელა. ამ დროს სააკაძემ ლაშქარი გაგზავნა სამცხეს და ახალციხე ხელიდან გამოგლიჯა ყიზილბაშებს.

ოსმალთა ჯარის სარდალს, რომელიც ამ დროს დიარბეჯირს იყო და ბაღდადისკენ სალაშქროდ ემზადებოდა, სააკაძემ დახოცილ ყიზილბაშთა დაჭრილი თავებით აუწყა მტერზე გამარჯვება. მოურავი თამალებს ამიერკავკასიაში სალაშქროდ ეპატიჟებოდა. მაგრამ ოსმალთა უნიჭო სარდლობამ უეჭველი წარმატება ხელიდან გაუშვა, მოურავის წინადადება არ მიიღო და ამით შაჰ-აბასი უდიდეს სიფათს გადაარჩინა.

მარტყოფის ომის უმაღლ აჯანყებულებმა თეიმურაზი მოიწვიეს და ქართლ-კახეთის მეფედ აღიარეს.

შაჰ-აბასმა კარგად შეაფასა მდგომარეობის სერიოზულობა და შესაფერი ღონისძიებაც სწრაფად მიიღო. საქართველოს წინააღმდეგ მოქმედი ჯარის უფროსად მან ისა-ხან ყორჩიბაში დანიშნა. შარვანის ხანსა და აგრეთვე ერევნისა და ადარბადაგანის ბეგლარბეგებს ებრძანათ, რათა თავისი ჯარებით ყორჩიბაშს ხლებოდნენ.

ქართველებმა მტერს თავისი ძალების სრული მობილიზაციით უპასუხეს. მათთანვე მოვიდა ოსმალთაგან გამოძევებული მანუჩარ ათაბაგი. მცირე რაზმით. ამ ომში მას უკანასკნელად მოუხდა ხმლის მოქნევა ქართველობის დასაცავად. ქართველთა ჯარი ოცი ათასამდე მეომრისაგან შედგებოდა. ყიზილბაშები მათ რიცხვით დიდად სჭარბობდნენ.

ქართველები კოჯორ-ჭაბახმელას იდგნენ, როცა მტერი ალგეთზე მოვიდა და მ ა რ ა ბ დ ი ს მიდამოებში გაიშალა.

ქართველთა ბანაკში თათბირი გაიმართა. ბჭობდნენ, თუ

სად და როდის შებმოდნენ მტერს. სხვადასხვა აზრი გამოითქვა, მაგრამ ომის დაწყების ბედი ფეოდალური ლაშქრის ორგანიზაციამ გადაწყვიტა. საბარათიანოს ლაშქარი ხვალი-სად შებას მოითხოვდა, თუ არა და, ბრძოლის ველს მივატოვებთო, იმუქრებოდნენ. საბარათიანოს ფეოდალების საამისო საბუთი ის იყო, რომ მტერი მათ „მამულში“ იდგა და მას აოხრებდა.

ასეთი ვიწრო იყო იმ დროს ქართველი თავადის თვალსაწიერი.

იმავე ღამით ქართველები მარაბდის ველისაკენ დაეშენენ. რიჟრაჟზე ომი დაიწყო. მტერმა თოფ-ზარბაზნით შემოუტია, მაგრამ ქართველი მხედრები მხნედ მიეჭრნენ მტრის შეწინავე რაზმს და გადაქელეს იგი. მხნედ იყვნენ ყიზილბაშებიც, თუმცა ბრძოლა მაინც ქართველთა გამარჯვებით მიდიოდა. ქართველებმა გააპეს მტრის ჯარი და მათი ბანაკი ხელთ იდგეს. ყიზილბაშები თავზარდაცემული გარბოდნენ. ივლისის პაპანაქება შუადღე იყო. ქართველები ომს მოგებულად თვლიდნენ, მაგრამ ყიზილბაშთა მთავარსარდალი ისა-ხან ყორჩიბაში ბრძოლის ველს ჯერ კიდევ არ თმობდა და გადარჩენილი რაზმებით საქმის გამოსწორებას ცდილობდა. ქართველთა სარდლობა კი მტრის ერთიანად გაწყვეტის გეგმას აწყობდა.

ამ დროს მოუსწრო თავრიზის ბეგლარ-ბეგმა ადარბაღანის ჯარით. დამხმარე ლაშქრის მოსვლით გამხსნევებულმა მტერმა ქართველებს ძლიერად შემოუტია. ამავე დროს მოლაღატეებმა ხმა გაავრცელეს: თვით შაჰი მოვიდაო. მეორე მხრით კი შექნეს თავში ცემა: თეიმურაზ მეფე მოკლესო. მოქანცულს ქართველთა ჯარს გული გაუტყდა და პირი იბრუნა. სარდლებმა ჯარი ვერ შეიკავეს. ყიზილბაშები აედევნენ და უწყალოდ ხოცავდნენ უკანდახეულთ. განსაკუთრებით მრავლად დაიღუპა გლეხობა — თმში ის ქვეითად იყო და ბრძოლის ველიდან სწრაფად გაცლის ღონე მას არ ჰქონდა. ცხენოსნების მიერ მიტოვებული გლეხები ჯგუფ-ჯგუფად შეგროვდნენ და თავგანწირვით იბრძოდნენ, სანამ უკანასკნელ კაცამდე არ შეაწყდნენ ყიზილბაშ მეთოფეებს. გაქცეულ მხედრებს კი ყიზილბაშებმა კოჯრის ძირამდე სდიეს. მოწინააღმდეგენი საღამოს ბინდმა გაყარა. ეს იყო 1624 წელს.

მარაბდის ომში ცხრა ათასი ქართველი და თოთხმეტი ათასი ყიზილბაში გაწყდა.

თავადთა პოლიტიკური სიბეცე – შეზღუდულობა, ფეოდალური ლაშქრის უდისციპლინობა და შეიარაღებაში ჩამორჩენილობა იყო მარაბდას ქართველთა დამარცხების უმთავრესი მიზეზები.

მეორე დღეს ომი კოჯრის მიდამოებში ვაგრძელდა. ქართველების მიზანი მტრის შეწერება იყო, რომ მოსახლეობას დახიზვნის საშუალება ჰქონოდა.

მეფე თეიმურაზ და გიორგი სააკაძე შიდა ქართლში მოვიდნენ.

#### § 74. მარაბდის ომის შემდეგ. სააკაძის დამარცხება

მართალია, მარაბდის ომში ქართველები დამარცხდნენ, მაგრამ მტერიც ისე ძლიერ დაზარალდა, რომ შაჰის დავალებათა შესრულების ღონე მას აღარ შესწევდა.

ქართველები საქმეს საბოლოოდ წაგებულად არ თვლიდნენ და შეუპოვარ ბრძოლას განაგრძობდნენ. ახლა ქართველებმა ბრძოლის ტაქტიკა შეცვალეს და პარტიზანულ ომს მიმართეს. ასეთი ბრძოლის მთავარი ორგანიზატორი მოურავი სააკაძე იყო.

დიდი თავგამეტებით იბრძოდნენ ქართველთა მცირე რაზმები. უკანასკნელ შესაძლებლობამდე იცავდნენ ისინი ვზის ვიწროებს, ზეკარებს, ფონებს თუ ხიდებს, რომ მტერი ქვეყნის შიგნით სწრაფად არ შემოჭრილიყო და სახიზარს მიმავალს მშვიდობიან მოსახლეობას არ დარეოდა. გმირებმა ათი დღე შეაკავეს მოზღვავებული მტერი, ყიზილბაშებმა დიდი გაჭირვებითა და ზარალით შეძლეს ბოლოს შიდა ქართლში შემოჭრა, მაგრამ ქვეყანა უკვე დახიზნული იყო და მტერმა ტყვე შედარებით მცირე იშოვა.

მეფე თეიმურაზ იმერეთს გადავიდა, გიორგი სააკაძე კი სამცხეს მივიდა და ოსმალეთის სულთანს ელჩი გაუგზავნა (1624 წ.)

ისა-ხან ყორჩიბაში დარწმუნდა, რომ თეიმურაზისა და მოურავის ხელში ჩაგდება მას არ შეეძლო. შაჰის მოხელე იმისი მოხარული იყო, რომ ირანის ეს მოსისხარი მტრები

ქართლ-კახეთს გაეცალნენ, თუნდაც დროებით. ისა-ხანი ქვეყნის შემომტკიცებას შეუდგა. ირანის აგენტები გამრავდნენ, ძველ მოღალატე თავადებს დამარცხების შემდეგ სულმოკლენიც შეემატნენ. მტერმა ყველა ამათ წყალობა უყო და ზურგად და იმედად ყიზილბაში მეციხოვნეები უჩინა. შაჰის ბრძანებით ქართლის იმართველად ისევ სიმონ-ხანი დასვეს, რომლის დანმარებაც, ყიზილბაშთა ჯარის გარდა, განჯის ხანს დაავალეს.

რაკი შაჰ-აბასი გულის წადილს ვერც ახლა ეწია — თეიმურაზი და სააკაძე ხელთ ვერ იგდო — გაბოროტებულმა მოხუცმა შურის ძიების წყურვილი ერთხელ კიდევ მოიკლა უდანაშაულო მძევლების სისხლით: საშინელი ტანჯვით აწამეს თეიმურაზ მეფას დედა ქეთევანი (1624 წ.), თავი მოსჭირეს აგრეთვე ვიორგი სააკაძის ვაჟს პაატას.

1625 წ. გაზაფხულზე თეიმურაზ მეფე და ვიორგი სააკაძე ისევ დაბრუნდნენ და ქედდაუდრეკელ მებრძოლ ქვეყანას სათავეში ჩაუდგნენ. მოურავი მხნედ შეუდგა სახელმწიფოებრივ მოღვაწეობას. მან დიდმინიშვნელოვანი ღონისძიებები დასახა ქვეყნის სამხედრო და ადმინისტრაციული წესწყობილების გაუმჯობესების მიზნით. ამავე დროს მოურავი თავგამეტებით იბრძოდა ქართლის ციხე-სიმაგრეებში შეყენებული ყიზილბაშებისა და მტრის მხარეზე გადასული მოღალატე თავადების წინააღმდეგ.

სამეფოს შევიწროებით ესარგებლა და აჯანყებულები დვალები. სააკაძემ ხმლით გასტეხა აჯანყებულნი და დვალები ისევ სამეფოს დაუმორჩილა. შაჰის ძველი აგენტი და ქვეყნის მოღალატე ლორის ნელიქი ახლაც თავადებს ვიორგის წინააღმდეგ მოუწოდებდა. სააკაძე მიუხტა ლორეს. მელიქი გადაიხვეწა. ბირთვისის ციხის პატრონი ქაიხოსრო ბარათაშვილი მტერს მიმხრობოდა. ბირთვისის ციხეში მას ხუთასი ყიზილბაში მეთოფე ჩაეყენებინა და თავს არხეინად გრძნობდა. სააკაძე მოულოდნელად თავს დაეცა ტბისში ქაიხოსროს სასახლეს, ხელთ იგდო მოღალატე თავადი და აიძულა ის ციხიდან ყიზილბაშები გამოეტყუებინა, სააკაძემ ყველა მათ თავები დააყრევინა, ხოლო ციხეში თავისი ხალხი შეაყენა.

ყიზილბაშები შეხუთულები ისხდნენ ციხესიმაგრეებში. სიმონ-ხანი თბილისიდან ვეღარ გამოდიოდა. არც მის დამ-

ხმარე განჯის ხანს ადგა მოურავისაგან კარგი დღე. 1626 წ. სააკაძემ გაილაშქრა განჯას, აიღო და დაარბია იგი. შაჰ-აბასს, უეჭველია, კვლავ განსაკუთრებული ღონისძიებები დასჭირდებოდა, რომ ქართველი ფეოდალების შინაურ შუღლს ის ამ გასაჭირისაგან არ ეხსნა.

გიორგი სააკაძე ამ დროს ქართლის ფაქტიური მმართველი გახდა, ოსმალეთთან თუ სხვა მეზობელ ქვეყნებთან მოლაპარაკებას მოურავი თეიმურაზისაგან დამოუკიდებლად აწარმოებდა. საქართველოში სააკაძეს უკვე ქართლის მოურავს ეპაზდნენ, ხოლო ოსმალეთის ხონთქარი მა'ა „ქართლის მპყრობელ მოურავხანს“ უწოდებდა და „თეიმურაზ-ხანის“ სწორად უყურებდა. თეიმურაზი ხონთქარს მხოლოდ კახეთის მმართველად მიაჩნდა. თეიმურაზ მეფე მოურავის ასეთ განდიდებას ვერ ითმენდა და მას ორგულობას სწამებდა. ამავე დროს შაჰ-აბასი თეიმურაზის შემორიგებას მოხერხებულად ცდილობდა. 1614—1616 წლებში ტყვედ წაყვანილი ხალხის დაბრუნებას და აღსრულებული კახეთის აშენებას პირდებოდა მას იმ პირობით, რომ მეფე ოსმალეთთან კავშირს შეწყვეტდა. ასეთ ვითარებაში სააკაძის მოქიშპეებმა მეფე და ქართლის მორუავი ერთი მეორეს ადვილად გადაამტკიცეს.

იმისათვის რათა თეიმურაზს ქართლზე ხელი აეღო, სააკაძემ წინ წამოსწია ქართლის ტახტის კანონიერი მემკვიდრე — ქაიხოსრო მუხრანბატონი. ეს ტახტის მემკვიდრე ქართლის მოურავის გავლენის ქვეშ იმყოფებოდა.

ჩქარა ქართლის თავადები ორ ჯგუფად გაიყვნენ: მუხრანბატონი და ქსნის ერისთავი სააკაძეს შერჩნენ, ამილახორი და ზურაბ ერისთავი თეიმურაზს მიემხრნენ. თეიმურაზმა ქართლი დატოვა და კახეთს გადავიდა. გაერთიანებული ქართლ-კახეთის სამეფო ისევ დაიშალა.

თეიმურაზსა და სააკაძეს შორის ომი აუცილებელი შეიქნა.

საკაძემ დახმარებისათვის იმერეთის მეფეს, გიორგის, და ახალციხის ფაშას საფარს მიმართა. საფარ-ფაშაც ოსმალთა ხონთქარის ნებართვით სააკაძეს მოეშველა. ოსმალეთის სახელმწიფო კარი სააკაძეს, როგორც შაჰ-აბასის შურდიგებულ მოწინააღმდეგეს, დიდად აფასებდა და თეიმურაზ-საკაძის ომში სააკაძის გამარჯვებას ირჩევდა.

საფარ-ფაშისა და იმერეთის მეფის ჯარები სააკაძეს მოუვიდნენ. 1626 წელს გვიან შემოდგომაზე, ბ ა ზ ა ლ ე თ ი ს ტ ბ ა ს თ ა ნ (დუშეთის მახლობლად), ომი მოხდა მორავსა და თეიმურაზ მეფეს შორის. სასტიკი ბრძოლა სააკაძის დამარცხებით დამთავრდა.

ჩაიშალა ის დიდი სუქმე, რომელსაც სააკაძემ თავისი უზარმაზარი ენერგია შეაღია და ურთმლისოდაც საქართველოს განთავისუფლება-გაძლიერება შეუძლებელი იყო. მოურავი, ქაიხოსრო მუხრან-ბატონი და სხვები ოსმალეთს გაიქცნენ, სტამბოლს მივიდნენ და ხონთქრისაგან დახმარებას ითხოვდნენ, მაგრამ დახმარება ვერ მიიღეს. 1627 წელს ირანსა და ოსმალეთს შორის ზავი დაიდო და აღმოსავლეთი საქართველო ისევ ირანის სამფლობელოდ იქნა ცნობილი.

მომავლის მოლოდინში ემიგრანტები ოსმალეთში დარჩნენ. კარგა ხანს მოურავი ოსმალეთში დიდ პატივში იყო: მას ფაშობა უწყალობეს და სამმართველოდ დიდი ქვეყანა ჩააბარეს. მაგრამ 1629 წელს მოურავსა და მის ორმოც მხლებელს დიდი ვეზირის ბრძანებით თავი მოჰკვეთეს. თვით ოსმალეთში ამ ბოროტმოქმედების მიზეზად დიდი ვეზირის შურსა და მტრობას სთვლიდნენ სააკაძის მიმართ. ასე დაიღუპა ეს დიდი პიროვნება, თავისი დროის უკულმართობის მსხვერპლი.

ბაზალეთის ომის შემდეგ კახეთი და შიდა ქართლი ისევე თეიმურაზს ეჭირა. თბილისში შაჰის მოხელე სიმონ-ხანი იჯდა, რომელსაც მხოლოდ სომხეთ-საბარათიანო ემორჩილებოდა.

1629 წლის დასაწყისს შაჰ-აბასი გარდაიცვალა და ირან-ოსმალეთის ომიც განახლდა. თეიმურაზ მეფემ ზურაბ ერისთავის დახმარებით სიმონ-ხანი დაღუპა და ქართლი მთლიანად დაიპყრო. ჩქარა თეიმურაზმა ზურაბ ერისთავიც მოაკვლევინა. განდიდებულ არაგვის ერისთავს ზურაბს თეიმურაზის ყმობა ემძიმებოდა და თვითონ აპირებდა ხელმწიფობას. ხევი და მთიულეთი ხომ ქართლის მეფეს მოსტაცა, ახლა იგი თიანეთსა და მუხრანს ეჭიდებოდა და თავისუფალი ფშავ-ხევსურეთის დამონებასაც ცდილობდა.

1631 წ. თეიმურაზი ირანის წინააღმდეგ შეტევაზე გადავიდა ოსმალეთის დახმარების იმედით. მან იმერთა მეფისა-

გან დამსმარე ჯარი იშოვნა და შეერთებული ლაშქრით განჯა-ყარაბაღის ქვეყნები დაარბია.

მეორე მხრით, თეიმურაზმა რუსეთთან ურთიერთობა კვლავ გააბა და მოსკოვის მეფეს მტრის წინააღმდეგ დახმარება სთხოვა. ამის საპასუხოდ ირანის შაჰმა ქართლი სიმონ-ხანის ბიძას, როსტომს უწყალობა, კახეთის ხანად კი ყიზილბაში სელიმი დანიშნა. როსტომი დიდი ჯარით გამოისტუმრეს. ქართლის ფეოდალების ერთი ნაწილი როსტომს მოუვიდა, სხვებმა კიდეც თეიმურაზს ყიზილბაშებთან ომი არ ურჩიეს. უჯაროდ დარჩენილი თეიმურაზი მცირე ამალით იმერეთს გადავიდა, ქართლი კი როსტომმა დაიჭირა (1632 წ.). შემდეგ შაჰმა კახეთაც როსტომს მისცა სამმართველოდ.

### § 75. პახეთის აჯანყება 1659 წლისა

თეიმურაზის საქმიანობა სპარსელებს არ ასვენებდა. ამავე დროს არც კახეთში გამოილივნენ თეიმურაზის მომხრეები. განსაკუთრებით შფოთავდა მთიანეთი. კერძოდ, თუშები, ფშავლები და ხევსურები თეიმურაზისადმი თავის ერთგულებას ეფიცებოდნენ მოსკოვის მეფეს ალექსის, მორაილებას უცხადებდნენ უკანასკნელს და მზად იყვნენ მტერზე სალაშქროდ. ასეთ პირობებში ირანში ერთხელ კიდეც გაცოცხლდა შაჰ-აბასის ძველი გეგმა: კ ა ხ ე თ შ ი თ უ რ ქ მ ა ნ მ ო მ თ ა ბ ა რ ე თ ა ჩ ა ს ა ხ ლ ე ბ ა. ამ საქმის შესრულება ეჭვიანმა შაჰმა არ მიანდო როსტომ-ხანს. ამიტომ კახეთი ჩამოართვეს როსტომს და ისევ განჯის ხანს სელიმს გადასცეს (1656 წ.).

სელიმ-ხანი დავალების შესრულებას ენერგიულად შეუდგა. სულ რაღაც ორი წლის განმავლობაში ადარბადაგანიდან მან თურქმანთა დიდი ურდოები ჩამოასახლა კახეთში. თურქმანებმა დაიჭირეს ბახტრიონი, ალავერდი და სხვა მნიშვნელოვანი ადგილები.

ეს საქმის დასაწყისი იყო. სელიმ-ხანი მთელი შიგნითა და გარე კახეთის ბარი ადგილების თურქმანებით დასახლებას აპირებდა. ამავე დროს დაღესტნელები სასტიკად არბევდნენ და ატყვევებდნენ კახეთის მშვიდობიან მოსახლეობას. სელიმ-ხანი ამ ლეკებში თავის მოკავშირეს ხედავდა. კახეთს



გადაშენება-მოსაზრება ელოდა – თურქმანები მთელ კახეთს თავის ყიშლად-იალალებად გადაქცევას უპირებდნენ, როგორც ამბობს ხალხი ლექსში:

„ბატრიონს სხედან თათრები,  
სიტყვას ამბობენ ძნელსაო:  
ახმეტას ჩავეჭრით ვენახსა,  
შიგ დავასახლებთ ელსაო“.

მაგრამ საფრთხე მხოლოდ კახეთის ბარში მცხოვრებთ როდი უდგა. კახეთის მთიანეთის მოსახლეობა სულითა და ხორციით ბართან იყო დაკავშირებული. კახეთის ბარი მთიანეთის მარჩენალი იყო: ბარის პურითა და ღვინით ირჩენდა თავს მწირი მთის მოსახლეობა; ბარის საზამთრო საძოვრებზე იყო დამოკიდებული მთიანეთის მეცხვარეობა; კახეთის ბარი იყო ის ადგილი, სადაც მთის ჭარბი მოსახლეობა სულ მუდამ ესახლებოდა.

კახეთში მრისხანე აჯანყება მომწიფდა. საყოველთაო საფრთხემ საყოველთაო აჯანყება შობა. მიწა-მამულის დასაცავად, სიცოცხლისა და თავისუფლების დასაცავად მთელი ქვეყანა წამოიშალა. კახი, თუში, ფშავ-ხევსური, მთიულ-მთხევე ზვავად მოსკდა და საშინელი დაკვრით ერთბაშად გასწმინდა ჩამოსახლებული უცხოელებისაგან სამშობლო მიწა-წყალი ბატრიონს, ალავერდს თუ სხვაგან შიგნით კახეთში არც ერთი თურქმანი არ გაუშვიათ. სელიმ-ხანი თავქუდმოგლეჯილი გადაიხვეწა (1659 წ.).

ეს აჯანყება ორ მთავარ მიზანს ისახავდა: კახეთის გაწმენდას ჩამოსახლებული თურქმანებისაგან და ქვეყნის განთავისუფლებას სპარსელთა ბატონობისაგან. პირველი მიზანი უახლოესი იყო. აქ აჯანყების ყველა მონაწილე, თავადი თუ გლეხი, მთიელი თუ ბარელი თანაბრად დაინტერესებული იყო და შეურიგებელი ბრძოლის აუცილებლობა სულ გამარჯვებამდე ყველასათვის უდავო იყო. მეორე მიზანი უფრო შორეული იყო და აჯანყებულთა ფეოდალურ ნაწილში მის შესახებ ერთსულოვნობაც არ არსებობდა.

ხალხის ამ საშინელმა რისხვამ ძლიერად იმოქმედა მტერზე. მტერმა დაინახა, რომ შაჰ-აბასეული გეგმის განხორციელება მას არ შეუძლია. ამიტომაც კახეთის თურქმანებით და-

სახლების გეგმა დროებით უარყვეს. მარცხის გამოსასწორებლად შაჰმა სელიმ-ხანის ნაცვლად სხვა მოხელე, მურთაზ-ალი-ხან, გამოგზავნა დიდი ლაშქრით.

რაკი შაჰმა კახეთში თურქმანების ჩამოსახლების გეგმა უარყო, ამით აჯანყების ერთი მთავარი მიზანი მიღწეული იყო. ამის შემდეგ მურთაზ-ალი-ხანმა აჯანყებულთა ფეოდალური ნაწილის გათიშვა და დაქსაკსვა ადვილად მოახერხა. აოხრების მუქართა თუ დაყვავება-მოსყიდვით ხანმა თავის მხარეს გადაიბირა აჯანყების ნაკლებ აქტიური მონაწილენი. თავადები მრავლად გადაუდგნენ თანამებრძოლებს და შაჰს დამორჩილდნენ.

აჯანყების მთავარი მომწყობი ზაალ არაგვის ერისთავი თავისი მომხრეებით დამორჩილებას არ ფიქრობდა. მაგრამ ზაალისა და მისი მომხრეების საქმე ცუდად წავიდა. 1658 წელს ქართლში როსტომი გარდაიცვალა და მისი ადგილი ვახტანგ მუხრან-ბატონმა დაიჭირა. ზაალი და ვახტანგი ერთმანეთს მტრობდნენ და ერისთავი მუხრანბატონის მეფობას არ ცნობდა. 1661 წელს შაჰ-ნავაზმა (ეს იყო ვახტანგის თათრული სახელი) ზაალი დალუბა — არაგვის ერისთავი მოსმავე ძმისწულებმა მოჰკლეს. ერთს მათგანს, ოთარს, შაჰ-ნავაზმა არაგვის ერისთავობა უწყალობა. ზაალის სიკვდილის შემდეგ მისი თანამებრძოლები გატყდნენ. შალვა ქსნის ერისთავი, მისი ძმა ელიზბარი და ბიძინა ჩოლოყაშვილი ეახლნენ ირანის შაჰს და დანაშაულის შენდობა ითხოვეს, შაჰმა ისინი თურქმანთა იმ ურდოებს გადასცა, რომელთა მეტომეები აჯანყებულმა კახელებმა გაჟლიტეს 1659 წელს. თურქმანებმა აჯანყების ეს სამივე მეთაური დახოცეს.

## § 76. დასავლეთი საქართველო მე-17 საუკუნეში

მე-16 საუკუნეში დასავლეთ საქართველოს ოსმალეთი უტევდა. ქვეყნის შიგნით ფეოდალური შუღლი მეფობდა. სამეგრელოსა და გურიის მთავრები — დადიანი და გურიელი ხშირად იმერეთის მეფის წინააღმდეგ ოსმალთა ძალას ეყრდნობოდნენ. გავრცელდა მახინჯი მოვლენა „ტყვის-სყიდვა“ — ადგილობრივი კაცის უცხოეთში გაყიდვა.

მე-17 საუკუნეში, განსაკუთრებით ამ საუკუნის მეორე ნახევარში, დასავლეთი საქართველო ასევე თანდათან დაცემის გზით მიდიოდა.

ქვეყნის სახელმწიფოებრივი დაშლა აღნიშნულ საუკუნეში კიდევ უფრო გაღრმავდა. გაიზარდა სამთავროების განცალკევება და განკერძოება. სამთავროთა შორის განსაკუთრებით გაძლიერდა ოდიში (სამეგრელო), რომლის მთავარი ლევან მეორე დადიანი (1611–1657), ხელმწიფობას იჩენებდა და თავისი ხელმწიფობის ქვეშ დასავლეთ საქართველოს ერთიანებასაც ლამობდა. სამეფო-სამთავროებს შორის უკვე გამუდმებული ომები იყო. ეს ფეოდალური ომები გამარჯვებულს იმდენად არ აძლიერებდა, რამდენადაც დამარცხებულს ანადგურებდა. საბოლოოდ კი, ქვეყნის მეურნეობა სასტიკად ეცემოდა და პოლიტიკურად ყველა სუსტდებოდა.

ფეოდალურად დაშლილ-დასუსტებულ სამეფო-სამთავროებს მტერი სულ უფრო და უფრო ეუფლებოდა. მე-17 საუკუნის დასაწყისიდანვე აფხაზთა მთავარმა, გურიელმა და დადიანმა, ხოლო უფრო გვიან იმერეთის მეფემაც, იკისრეს ოსმალთა ყოველწლიური ხარკი. ოსმალთა ხარკი ცალკეულ სამეფო-სამთავროებში სხვადასხვა იყო. მაგრამ ყველასათვის საერთო ის იყო, რომ ეს ხარკი თანდათან იზრდებოდა. ოსმალთა გაბატონებას თვით ფეოდალები უწყობდნენ ხელს. მე-17 საუკუნის სივრცეზე ოსმალთა ჯარი არაერთხელ შემოსულა დასავლეთ საქართველოს მთავრების ან სხვა თავადების ხელისშეწყობით. მეზობლის მიერ მიმძღავრებული მთავრების ან თავადის მოწვევით თურქები გადმოდიოდნენ დასავლეთ საქართველოში და საშინელი აოხრება-დარბევით „წესრიგს აღადგენდნენ“ ხოლმე.

მე-17 საუკუნის 60-იან წლებიდან მთელი დასავლეთ საქართველო საშინელმა აშლილობამ მოიცვა. მეფისა თუ მთავრების ხელისუფლება კიდევ უფრო დაეცა და ქვეყანა თავადების სათარეშოდ იქცა. დადიანი, გურიელი, ქართლის ბატონიშვილი თუ იმერეთის ბატონიშვილი თავადების სურვილით წარამარა ცვლიდნენ ერთიმეორეს სამეფო ტახტზე.

თავადებმა მიიტაცეს და გაისაკუთრეს სამეფო ყმა-მამული. ერისთავ-მოურავებმა ხელმწიფობა დაიწყო. მთავრები აუქმებდნენ საეპისკოპოსოებს, საწინამძღვროებს და იტაცებ

დნენ საეკლესიო მამულებს, საერო ფეოდალებმა მიითვისეს საკათალიკოსო სოფლები.

ბოლომოუღებელი ურთიერთთავდასხმები სავსებით ანაგებდა მშრომელ მოსახლეობას. მძვინვარებდა გამანადგურებელი ტყვის სყიდვა. ტყვის მსყიდველთა ბრბოებმა მოიცვეს არა მარტო განაპირა ადგილები, არამედ შიგნითა რაიონებიც. ტყვის გამყიდველები ჩვეულებრივად თავადები იყვნენ, მაგრამ ამ ველურ საქმეში თანდათან საზოგადოების სხვა წრის ხალხიც გაერია. მე-17 საუკუნეში, საერთოდ და განსაკუთრებით მის მეორე ნახევარში, ტყვის სყიდვამ დასავლეთ საქართველოში საშიშარი ხასიათი მიიღო.

ქვეყანაში გაუკითხაობა მეფობდა. გლეხი სავსებით ბატონის ანაბარა გახდა და საბატონყმო ურთიერთობა ყოვლად აუტანელი შეიქნა. გამხეცებული ბატონისაგან გლეხი თავს იცავდა, რითაც და როგორც შეეძლო, მაგრამ ჩამორჩენილ ფეოდალურ ქვეყანაში გლეხობა დაურაზმავი და გაუერთიანებელი იყო, მისი საერთო გამოსვლა არ ხერხდებოდა. დაქსაქსულად იბრძოდნენ ცალკეული გლეხები, ან ცალკეული მებატონის ყმები, ერთი კატეგორიის გლეხები ან კიდევ ცალკე სოფლები. აუტანელ პირობებში მოქცეულ გლეხობას მეურნეობის ხალისი აღარა ჰქონდა და ქვეყანა უფრო და უფრო ღარიბდებოდა. სიღატაკეს ხშირი შიმშილობა თანსდევდა. შიმშილობას ჭირი მოჰყვებოდა ხოლმე და ყველაფერი ეს ერთად ქვეყანას ავერანებდა.

ბუნებრივია, გლეხობა, ვისაც კი ამის შეძლება ჰქონდა, გარბოდა თავისი საცხოვრებელი ადგილებიდან. გაქცეულები ესახლებოდნენ აღმოსავლეთ საქართველოში, სადაც ამ დროს შედარებით, წესიერება სუფევდა.

მე-17 საუკუნეში, ამ მიზეზით, მოსახლეობის რიცხვი დასავლეთ საქართველოში ერთიორად შემცირდა. თანდათან ძლიერდებოდა უცხოელ დამპყრობელთა გავლენაც იმერეთის სამეფოში. მე-17 საუკუნის 70-იან წლებში იმერელმა თავადებმა ოსმალთა ჯარი ქუთაისის ციხეში შეიყვანეს. ამით გარეშე მტერმა ქვეყნის შუაგულში ფეხი მკვიდრად მოიკიდა.

5  
6



მე-17 საუკუნის მესამე მეოთხედში კახეთი შესამჩნევად მოშენდა. საგარეო მშვიდობა იყო. მმართველებმა (როსტომი, არჩილი) შეძლეს ლეკთა თავდასხმის ალაგმვა და ქვეყნის შიგნითაც შედარებით წესიერების დაცვა. ეს პირობა კი საკმაოდ აღმოჩნდა, რომ სიზან-ბოგანო გლეხები საქართველოს თუ სომხეთის სხვადასხვა კუთხიდან მრავლად მისულიყვნენ ამ ბუნებით მდიდარ მხარეში.

1677 წლიდან ამ საუკუნის დასასრულამდე ირანის შაჰი კახეთს სამმართველოდ ან განჯის ბეგლარ-ბეგებს ან ცალკე ხანებს აძლევდა. შაჰის ეს ყიზილბაში მოხელეები მტრულად უცქეროდნენ კახეთში ქართველთა კვლავ მომრავლებას და ამ ქვეყნის თურქმანებით დასახლების ცდებს განაგრძობდნენ.

ხანების ასეთი პოლიტიკის შედეგი იყო რომ მათ საკმაოდ დასაყრდენი ვერ გაიჩინეს კახეთის მოსახლეობის ვერც ერთ ფენაში, მათი წინააღმდეგი იყვნენ ფეოდალები (თავადები, ეკლესია) და სოფლის მშრომელი მოსახლეობა — გლეხ-კაცობა, თავისუფალი მთიელები. ამიტომაც ხანები უმთავრესად ყიზილბაშთა სამხედრო ძალასა და მოახალშენე თურქმანებს ემყარებოდნენ. შაჰის ეს მოხელეები მეზობელ ლეკებს შიდაც თავის მოკავშირეს ხედავდნენ. ისინი აშკარად ხელს უწყობდნენ ლეკთა მოსახლეობის გაძლიერებას კახეთის აღმოსავლეთ ნაწილში — ჭარში — და არც ლეკთა იმ რაზმების წინააღმდეგ იბრძოდნენ, რომელნიც კახეთის სოფლების სარბევად განუწყვეტლივ მოდიოდნენ. ჭარში ლეკები ჯერ კიდევ მე-16 საუკუნეში გაჩნდნენ. აქ ისინი კახთა მეფეების ნებართვით მათ ყმებად სხდებოდნენ. მე-17 საუკუნიდან, შაჰ-აბასის მიერ კახეთის აონრების შემდეგ, ლეკების ჭარში ჩამოსვლა განსაკუთრებით გაძლიერდა. აქ ამოწყვეტილი ან ირანში გადარეკილი კახური მოსახლეობის ადგილს დაღესტნიდან გადმოსახლებულნი იჭერდნენ. ყიზილბაში ხანებისავე მფარველობით ჭარი ჩქარა გაძლიერდა და ახლობელი სოფლების დაპყრობას ხელი მიჰყო. ამავე დროს ჭარი კახეთის მარბიელ ლეკთა სადგურადაც იქცა. მე-17 საუკუნის მანძილზე თანდათან ჩამოყალიბდა ჭარის, ბელაქნისა და თალას „უბატონო თემები“, კიდევ უფრო გაძლიერდა ლეკთა

შემოტევა მე-18 საუკუნის დასაწყისიდან. დაღესტნელები ჭარელებთან ერთად მუდამდღე არბევდნენ კახეთის სოფლებს.

კახეთის რბევას ლეკებს ზოგიერთი მკვიდრიც უადვილებდა, ისედაც ხდებოდა, რომ კახელ თავადს მოჰყავდა ლეკი მარბიელები თავისი მოქიშპე თავადის წინააღმდეგ. ზოგჯერ კიდევ მემატონეების მძარცველობით თავმოებზრებული გლეხებიც მიდიოდნენ ლეკებთან და მემატონის ავლადიდებას არბევიდნენ მათ. კახეთის გაღმა მხარეში ფეხის მოკიდების მიზნით ჭარელები კახელ გლეხებს კავშირს სთავაზობდნენ და თავადების წინააღმდეგ მოუწოდებდნენ. კახეთში მეტად მძიმე მდგომარეობა შეიქნა.

**სამართლებლო მ-18 საუკუნეში**

**§ 78. ვახტანგ მთაწკის მოღვაწეობა**

მე-18 საუკუნის პირველ წლებში ქართლის სამეფო ტახტზე ერეკლე პირველი ვახტანგ მეექვსემ შეცვალა.

ვახტანგის მოღვაწეობა მრავალფეროვანი და მეტად შინაარსიანი იყო. ქართლის საზოგადოებრივი თუ სახელმწიფოებრივი ცხოვრების არც ერთი მხარე არ დარჩენილა, რომელსაც ვახტანგი არ შეხებოდეს.

საქმე ერეკლე პირველის დროს „შეშლილი“, ესე იგი, შეცვლილი წესების აღდგენით დაიწყო. უპირველეს ყოვლისა ერეკლეს მომხრენი გადააყენეს. ერეკლეს მიერ დასჯილ თავადებს „უბრალოდ წართმეული“ ყმა მამულები უკან დაუბრუნეს.

შემდგომი ღონისძიება დარღვეული საეკლესიო სამართლის აღდგენა იყო. ვახტანგის თაოსნობით მოწვეულ იქნა საეკლესიო კრება, რომელმაც გადააყენა ერეკლეს მიერ დასმული კათალიკოსი და მცხეთის კათალიკოსად ვახტანგის ძმა დომენტი აირჩია. დომენტის სახით ვახტანგმა ქართლის ეკლესიაში ერთგული მომხრე გაიჩინა. ამას მალე მცხეთის ეკლესიის მემამულეობის აღდგენა მოჰყვა. თავადებს საეკლესიო ყმა მამული ბლომად ჰქონდათ მიტაცებული. 1707 წელს დომენტი კათალიკოსმა შაჰის ბრძანებით თავადებს მინატაცები უკან დააბრუნებინა.

1707 წელს შაჰმა ნება დართო ვახტანგსა და ქართლის თავადებს უკან მოეყვანათ ერეკლეს დროს ქართლიდან კახეთს გახიზნული ყმები. არც კახეთის მმართველსა და არც კახ ფეოდალებს გაქცეულ გლეხთა დაბრუნება არ სურდათ. კიდევ უფრო ნაკლებ ეხალისებოდათ თვით გლეხებს თავის

ძველ გულქვა მებატონეებთან დაბრუნება. საჭირო გახდა შაჰის მხრით საგანგებო ღონისძიება, რომ კახი თავადები ქართლელ ხიზნებს შელეოდნენ. შეიქნა „მყრელობა“, როგორც მაშინ ამბობდნენ. ვახტანგის მოხელეები და ქართლის ფეოდალები მოედვნენ კახეთს თავისი გლეხების ასაყრელად. მიუხედავად ამისა, ყველა გლეხის დაბრუნება შეუძლებელი შეიქნა. ხიზნები სარგებლობდნენ იმით, რომ თითოეული მებატონე ცალკე დაეძებდა თავის გლეხებს და თავს იცავდნენ: სუსტ მებატონეებს არ ნებდებოდნენ და იარაღით ხელში უშკლავდებოდნენ, ძლიერებს გაურბოდნენ, ემალებოდნენ. გაქცეულებს კახელი გლეხები და მთიელები იფარებდნენ.

ამავე ხანებში ვახტანგის კარზე საკანონმდებლო მუშაობა იყო გაჩაღებული.

ვიდრე საკუთარ სამართლის წიგნს გააჩნდა, ვახტანგმა შეაგროვა ძველი ქართული თუ უცხოური (ებრაული, ბერძნული, სომხური) სამართლის წიგნები და ერთ კრებულად შეჰკრა ისინი. ამ კრებულს შემდეგ მან საკუთარი „სჯულიც“ დაურთო.

თავისი სამართლის წიგნი ვახტანგმა დარბაისელთა (ესე იგი საერო და საეკლესიო მაღალი ფეოდალების) უშუალო მონაწილეობით შეადგინა. რა თქმა უნდა, ეს კანონმდებლობა უპირველეს ყოვლისა ქვეყნის ამ საზოგადოებრივი კლასის ინტერესებს ემსახურებოდა.

კანონთა წიგნი ვახტანგმა ქართლისათვის შეადგინა, მაგრამ ის ბუნებრივად გავრცელდა და ჩქარა მთელს ფეოდალურ საქართველოში მოქმედ სამართლის წიგნად იქცა.

ვახტანგის მოღვაწეობის ამავე ხანას ეკუთვნის მისი მეორე საკანონმდებლო ძეგლი — დასტურლამალი, დასტურლამალი სახელმწიფოს ძირითადი კანონის მაგიერი რამ იყო საშუალო საუკუნეებში.

ამრიგად, ამიერიდან სახელმწიფო და კერძო წერილობითი სამართალი კვლავ მტკიცედ მოწესრიგდა.

ქართლი ვახტანგის დროს ეკონომიკურად კიდევ უფრო დაწინაურდა. თვით ვახტანგი ამ მხრით ენერგიულად მუშაობდა. მან ხელახლა დაასახლა გლეხები დიდი ხნის წინ დაცლილ სოფლებსა და მთელ მხარეებში, აავსო სასახლეები, ქარვასლები. ვახტანგი ზრუნავდა გზებისა და ხიდების მოვ-



ლა-შენახვაზე, სახელმწიფო შემოსავლის მოწესრიგებაზე, ფულის მოჭრის საქმის გაუმჯობესებაზე. ვახტანგმა განაახლა დიდი ხნის წინ მოშლილი სარწყავი არხები.

ძველი არხების ეს განახლება დიდმნიშვნელოვანი საქმე იყო. გამოვლილ ჭამთასიავეში შეფერხებული სამეურნეო ცხოვრება კვლავ ადგილს უთმობდა უფრო მაღალსა და შემოსავლიან მეურნეობას, ველსა და ტყეს – ბალ-ვენახი, ხოლო მომთაბარე ურდოს კვლავ სოფელი და ქალაქი სცვლიდა.

სარწყავად ქვეულს მდიდარ ჭალებში ვახტანგს ბლომად მოჰყავდა ბამბა და თუთისხეც აშენებდა. მეაბრეშუმეობასა და ბამბის კულტურაზე ნაკლებ ყურადღებას არ აქცევდა ის მეურნეობის სხვა დარგებსაც: მევენახეობას, მემინდვრეობას (ხორბლეულის კულტურას), მესაქონლეობას.

მე-17 საუკუნის დამლევსა და მე-18 საუკუნის დამდეგს ასეთი ცხოველი სამეურნეო საქმიანობა მხოლოდ მეფის სახლს არ ახასიათებდა. ეს სამეურნეო აღმავლობა მთელ ქართლს დაეტყუო.

ქართლის სამეურნეო ცხოვრების გაცხოველების შესაბამისად თბილისი მნიშვნელოვანი სავაჭრო-სახელოსნო ცენტრი გახდა. ამ დროს ქალაქში ოცი ათასზე მეტი მცხოვრები ითვლებოდა. ვაჭარ-ხელოსნები მრავალ „რიგად“ იყოფოდნენ. თითოეული „რიგი“ ერთ რაიშე საქმიანობას ეწეოდა. აქ აკეთებდნენ სამხედრო იარაღს, თოფის წამალს, თქროსა და ვერცხლის სამკაულებს, მუსიკალურ საკრავებს, ჭურჭლეულს; ამზადებდნენ ბამბის ქსოვილებს, სამოსელს, ცხენაქლემის მოკაზმულობას. ვაჭრობდნენ პურს, ბამბას, აბრეშუმს, ბეწვეულს, ფარჩა-მაუდს, ღვინოს, მატყელს, ყოველგვარ წვრილმანსა და სანოვაგეს. კახური და ქართლური ღვინო თბილისიდან უცხოეთში ბლომად გაჰქონდათ. ირანსა და ოსმალეთს მიდიოდა თბილისიდან აგრეთვე ბეწვეული. ქართლ-კახეთიდან ოსმალეთისაკენ გაჰქონდათ აბრეშუმი და ენდრო დიდი რაოდენობით. ენდრო ქართლიდან ამ დროს ინდოეთშიაც მიჰქონდათ.

შემოჰქონდათ თბილისში უმთავრესად მზა საქონელი ირანიდან, ოსმალეთიდან. ამ ქვეყნებზე გამოვლით შემოდის ევროპული საქონელიც, რომელსაც მაშინ „ფრანგული“ ეწო-

დებოდა. თბილისში ამ დროს გარედან სანოვაგეც შემოდოდა. თევზი და ხიზილალა — შარვანის სახანოდან, თევზი და მარილი — ერევნის სახანოდან, ზეთუნის ზეთი — ოსმალეთიდან და სხვა.

ერთი სიტყვით, როგორც მოსახლეობის რაოდენობის მხრით, აგრეთვე სოფლის მეურნეობის, ხელოსნობისა და ვაჭრობის მხრით ქართლი მე-18 საუკუნის პირველ ოცეულში საქართველოს ყველა სხვა ნაწილს დიდად წინ უსწრებდა.

ამ სამეურნეო წინსვლის შესაბამისი იყო ცხოველი საქმიანობა კულტურის დარგში. ვახტანგი ამ საქმეში მარტო არ იყო, მას მხარს უჭერდა კულტურულ მოღვაწეთა მთელი დასი.

კულტურის დარგში ვახტანგის მოღვაწეობიდან განსაკუთრებით აღსანიშნავია სტამბის დაარსება. 1709 წელს თბილისში პირველად მოეწყო სტამბა. ეს მეტიად დიდი კულტურული საქმე იყო. მანამდე წიგნი მხოლოდ ხელნაწერად ვრცელდებოდა. ასე დამზადებული წიგნი ცოტა იყო და ძვირიც ღირდა. სტამბა წიგნს ადვილად ამრავლებდა და ფართო საზოგადოებისათვის ხელმისაწვდომს ხდიდა. ვახტანგის სტამბაში საეკლესიო წიგნების გვერდით მალე საერთო ხასიათის წიგნების ბეჭდვაც დაიწყო. ბეჭდვადნენ „ვეფხისტყაოსანს“, სასწავლო სახელმძღვანელოებს, სამეცნიერო თხზულებებს.

ვახტანგმა დიდი ამაგი დასდო საქართველოს ისტორიის დამუშავებასაც. ამ მიზნით ვახტანგმა შეადგინა „სწავლულ კაცთა“ კომისია ბერი ეგნატაშვილის ხელმძღვანელობით. კომისიამ თავისი დროისათვის ღირსეულად შეასრულა ეს რთული საქმე, — შეადგინა საქართველოს ისტორია მე-14 საუკუნიდან მე-18 საუკუნემდე.

ვახტანგის სკოლაში მიიღო აღზრდა და ამავე ხანაში დაიწყო მოღვაწეობა ქართული საისტორიო მწერლობის დიდმა წარმომადგენელმა, ვახუშტი ბატონიშვილმა, რომელიც ვახტანგის შვილი იყო.

ქართველ მეცნიერთა ამ დასს ეკუთვნოდა და სამართლიანად მის სიამაყეს წარმოადგენდა ვახტანგის აღმზრდელი სულხან-საბა ორბელიანი — დიდი მეცნიერი ლექსიკოგრაფი,

სახელგანთქმული იგავების მწერალი, მეცნიერი რედაქტორი, პოეტი და სახელმწიფო მოღვაწე. საბა-სულხანის მიერ შედგენილი ქართული ენის ლექსიკონი დღესაც ჩვენთვის დიდი საუნჯეა.

თვითონ ვახტანგიც მთელი ამ სამეცნიერო-სალიტერატურო მუშაობის მართო პრაქტიკული და იდეური ორგანიზატორი კი არ იყო, არამედ გვერდში ედგა ამ მოღვაწეებს, როგორც ლიტერატორ-რედაქტორი, ისტორიკოსი, პოეტი და მთარგმნელი. ვახტანგის წრის ღირსეული თანამშრომლები იყვნენ აგრეთვე მთელი გუნდი სხვა მეცნიერ-მწიგნობრები და პოეტები.

ვახტანგის ხანის უმცროს თაობას ეკუთვნის დავით გურამიშვილი (დაიბადა (1705 წელს), ფეოდალური ხანის ერთი უდიდესი პოეტთაგანი.

დავითი ჯერ კიდევ ახალგაზრდა იყო, როცა ქართლ-კახეთს მძიმე დღეები გაუთენა ახლო აღმოსავლეთის პოლიტიკურ ასპარეზზე სამი დიდი მეტოქის — რუსეთის, ირანისა და ოსმალეთის ურთიერთშორის დატაკებამ. დავითი მოწმე იყო სამშობლო ქვეყნის ოსმალთა მიერ აოხრებისა. თავისი ქვეყნის ეს უბედობა მან პირადადაც მწარედ იგემა. პოეტი ლეკმა აბრაგებმა დაატყვევეს და დაღესტანს წაიყვანეს. დავითი ტყვეობიდან გაიქცა და რუსეთს გადავიდა, სადაც ის სამშობლოდან გადახვეწილ ქართველებს შეუერთდა და მათი ბედი გაიზიარა. უცხოებაში დარჩენილმა პოეტმა, მხურვალე პატრიოტმა დავით გურამიშვილმა მუქი ფერებით დახატა მისი დროის საქართველოს თავს დატეხილი პოლიტიკური უბედურება და სწორად და პირუთვნელად აღნიშნა ამ უბედურების უმთავრესი მიზეზები.

განსაკუთრებით მოსახსენებელია არჩილის მოღვაწეობა, რომელიც წინ უსწრებდა „ვახტანგის სკოლას“.

არჩილის პოეზია იდეურობის ნიმუშია. დამპყრობელთა წინააღმდეგ შეუდრეკელი მებრძოლი ირან-ოსმალეთის წამლექავ გავლენასაც ებრძოდა. არჩილის პოეზია სამშობლოს სიყვარულისა და მისთვის თავდადებული ბრძოლისაკენ მოწოდებაა. არჩილი აკვირდება საქართველოს მარცხის მიზეზს და სამართლიანად ხედავს მას ქვეყნის საზოგადოებრივსა და სახელმწიფოებრივ ვითარებაში. არჩილი პირველი მწერა-

ღია საქართველოში, რომელმაც საზოგადოებრივი საკითხები წამოაყენა ქართულ პოეზიაში „ზოგთ ვაქებ და ზოგთ ვაძაგებ“, — აცხადებს პოეტი და მართლაც დაურიდებლად ამხელს აღვირახსნილ თავადებს, უგუნურ მეფეებს. არჩილმა პირველმა სთქვა: „თუ ამოსწყდეს გლეხი-კაცი, საქართველო დაძაბუნდა“. არჩილი კარგად ხედავდა, რომ გლეხთა ამოწყვეტის მიზეზი ფეოდალების ძალადობა იყო. არჩილი ფეოდალებს ლმობიერება-წესიერებისაკენ მოუწოდებდა. ასეთ განწყობილებამდე არჩილი გლეხთა ინტერესს არ მიუყვანია, არჩილი ფეოდალი (მეფე) პოეტი იყო. გლეხთა გამოსარჩლებამდე იგი ფეოდალური საქართველოს დაცვის ინტერესმა მიიყვანა. ამიტომაცაა რომ ის გლეხებს ბრძოლისაკენ კი არ მოუწოდებს, არამედ ფეოდალების მიმართ გამოთქმული საყვედურითა და რჩევით კმაყოფილდება. იმ დროის მწერლობაში ესეც დიდი ამბავი იყო.

თავის სახელმწიფო მოღვაწეობაში ვახტანგი მიზნად ისახავდა მეფის ხელისუფლების გაძლიერებას. ამ ნიადაგზე ჩქარა დაიბადა უკმაყოფილება. თავადები ვერ ითმენდნენ იმ მცირე შეზღუდვასაც კი, რომელსაც მათ ახალი წესები უქმნიდა, და მტრული უნდობლობით უყურებდნენ მეფის გაძლიერებას. დიდ თავადებს განსაკუთრებით აფიქრებდა, რომ ვახტანგმა „მცველთა ჯარი“ გაიჩინა. მცველთა ჯარი ჯამაგირზე იყო და ვახტანგის ერთგული თავადიშვილებისა, აზნაურიშვილებისა და მსახურებისაგან შედგებოდა. ეს ჯარი მეთოფეთა სამ გუნდად იყოფოდა, თითო გუნდს უზბაში (ასისტავი) სარდლობდა, ყველას ერთად — მეფის ყულარაღასი. მცველთა ჯარს მხოლოდ საშინაო დანიშნულება ჰქონდა და განუყრელად ახლდა ვახტანგს.

ვახტანგის უკმაყოფილო მხოლოდ ზოგიერთი თავადი როდი იყო. ის არც ქართლის ყიზილბაშ მეციხოვნეებს მოსწონდათ. ვახტანგმა სასტიკად აკრძალა ქართლში ტყვის სყიდვა, რომელიც ერეკლე პირველის დროიდან ყიზილბაში მეციხოვნეების დიდი შემოსავლის წყაროდ ქცეულიყო.

მე-17 საუკუნის შორე ნახევრიდან ქართლში კვლავ გაცოცხლდა ძველი მიდრეკილება დასავლეთ საქართველოს სამეფო-სამთავროთა საქმეებში ჩარევისა და მუდმივი ზეგავლენისადმი. ქართლის სამეფო კარი დაჟინებით ცდილობდა

საქართველოს ფეოდალურ ძალთა შეკავშირებას, საქართველოს სამეფოს — სამთავროების მეთაურობას.

ვახტანგი ირანს გაემგზავრა, მას შაჰისაგან ქართლის მეფობა უნდა მიეღო. ამოქმედდნენ ვახტანგის მტრებიც: ზოგიერთი თავადი ქსნისა და არაგვის ერისთავების მეთაურობით, ტყვიით მოვაჭრე გადაგვარებული ფეოდალები, ყველა მტაცებელი და ყიზილბაში მეცხოვნეები. შაჰმა ვახტანგს გამაჰმადიანება მოსთხოვა, მაგრამ ვახტანგი უარზე დადგა. მაშინ შაჰმა ქართლის მეფედ მაჰმადიანი იესე, ვახტანგის ძმა, დანიშნა, ხოლო ვახტანგი ირანს დარჩა ნახევრად პატიმარი (1714 წ.).

ქართლის ფეოდალების მოწინავე ნაწილი ვახტანგს ესმარებოდა და მის დახსნას ცდილობდა. ჯერ კიდევ 1713 წელს ამ მიზნით ევროპაში გაემგზავრა მეცნიერი ბერი საბა-სულზან ორბელიანი.

საბა ორბელიანი ეწვია რომის პაპს, შემდეგ საფრანგეთის მეფეს ლუი მეთოთხმეტეს და 20 ათასი თუმანი სთხოვა მას. ამ ფულით, იმედი ჰქონდათ, ყაენის კარს მოქრთამავდნენ და ვახტანგს ქრისტიანობათ ქართლის მეფობას აშოვნინებდნენ, ქართველი დიპლომატი ევროპაში დიდი პატივით მიიღეს, მაგრამ ხელცარიელი გამოისტუმრეს. ამ გარემოებამ მწარედ გაუცრუა ქართველ პოლიტიკოსებს დასავლეთ ევროპის იმედები.

ახლა ვახტანგის მომხრეებმა ისევ ნაცად გზას მიმართეს და დაყინებით ურჩევდნენ ვახტანგს მაჰმადიანობის მიღებას. ამასობაში იესე სასტიკად ავიწროვებდა ქართლში ვახტანგის მომხრეებს.

1716 წელს ვახტანგმა დასთმო, მიიღო მაჰმადიანობა და შაჰმაც მისცა მას ქართლი. მაინც 1719 წლამდე ვახტანგი ირანს დარჩა ყაენის სამსახურში, ქართლს კი მისი ძე ბაქარი მართავდა. 1719 წელს ვახტანგი დაბრუნდა სამშობლოში და თავისი უბედურად შეწყვეტილი სასარგებლო სახელმწიფო მოღვაწეობა განაახლა.

მე-18 საუკუნის მეორე ოცეულში ძველი ამბავი დატრიალდა ერთხელ კიდევ: ოსმალეთი, რუსეთი და ირანი კვლავ ერთმანეთს წაეკიდნენ ახლო აღმოსავლეთში. თითოეული მათგანის როლი და მნიშვნელობა ახლა სულ სხვა იყო, ვიდრე ასი წლის წინ. შედეგებიც მათთვის ახლა სხვა მოჰყვა ამ ჭიდილს, უცვლელი მხოლოდ ერთი რამ დარჩა: მთელი ბრძოლა ახლაც უმთავრესად ამიერკავკასიაში ვათამაშდა და აქაური ხალხებისათვის ისეთივე მძიმე შედეგებით, როგორც იყო შაჰ-აბასის დროინდელი სისხლიანი კატასტროფა.

ირანში უნებური ყოფნისას ვახტანგი საბოლოოდ დარწმუნდა ამ სახელმწიფოს უიმედო სისუსტეში. ქართლის მეფე ხედავდა, რომ საქართველოს განთავისუფლების ჭამი მონათლებულიყო. ვახტანგი ფრთხილად ემზადებოდა, მომხრე-მოკავშირეებს ეძებდა და საქმის დაწყებას აპირებდა. მაგრამ ირანის დასუსტებას ამჩნევდნენ მეზობელი დიდი სახელმწიფოებიც, ოსმალეთი და რუსეთი, რომელნიც მოსალოდნელი შემკვიდრების გასაყოფად ემზადებოდნენ და ეჭვის თვალთ ერთი მეორეს მტრულად ზვერავენ.

რუსეთიცა და ოსმალეთიც ირანის მიერ დაპყრობილ ხალხებში მომხრეებს ეძებდნენ. ოსმალეთმა კავკასიაში შარვან-დაღესტნის „მფარველობა“ დაიწყო. პეტრე პირველმა კი ჯერ კიდევ 1720 წელს გააბა კავკასიის ქრისტიან ხალხებთან დიპლომატიური მოლაპარაკება. რუსეთის მეფე ქართლის მეფეს თავის მხარეზე მოუწოდებდა და „ურწმუნოთა“ მონობისაგან განთავისუფლების იმედს აძლევდა.

ვახტანგ მეფეს სინამდვილედ ესახებოდა საოცნებო მდგომარეობა, როცა დიდი სახელმწიფოს დახმარებით ირანის მონობისაგან განთავისუფლებული საქართველო ოსმალთა მიერ ძალით ჩამოგლეჯილ სამცხე-საათაბაგოს უკან დაიბრუნებდა.

15 ივნისს 1722 წელს პეტრე პირველმა ირანს ლაშქრობის შესახებ მანიფესტი გამოაქვეყნა.

როგორც კი პეტრე თერგიდან დარუბანდისაკენ წამოვიდა, ვახტანგ მეფე ქართლის ჯარით განჯას ჩავიდა და შარვანს

ხელმწიფის მოვლას ელოდა. პაემნის თანახმად რუსთა და ქართველთა ჯარები ერთიმეორეს იქ უნდა შეეხებოდნენ.

ვახტანგი სამ თვეს იდგა განჯაში. ბოლოს, ნოემბერში, ვახტანგს მოუვიდა რუსეთის მეფის ელჩი, რომელმაც პეტრეს ლაშქრობის მოშლა და მისი მომავალი წლისათვის გადადება აცნობა.

მჭმუნვარე ვახტანგი განჯიდან თბილისს დაბრუნდა. ქართლის მეფის საქმე მეტად გართულდა: ირანის შაჰი ვახტანგ მეფეს ორგულობასა და ღალატს აბრალებდა; არც ოსმალეთი იყო ვახტანგის მადლიერი, — ხონთქარი ვახტანგს რუსთა მომხრეობას უსაყვედურებდა, თავის მხარეზე მოუწოდებდა, წინააღმდეგ შემთხვევაში დაპყრობით ემუქრებოდა.

ვახტანგი, რუსეთის მეფის აღთქმას მინდობილი, საქართველოს განთავისუფლების იმედს არ ჰკარგავდა. იგი მტრებთან მოლაპარაკებით და მოსაწვენარი მორჩილებით დროის მოგებას ცდილობდა და მომავალი გაზაფხულისათვის შარვანში პეტრეს გამოსვლას ელოდა.

ქართლის მეფემ ყველა მიმართულებით წააგო, განრისხებულმა შაჰმა „ორგულ ყმას“ ქართლი ჩამოართვა და კახეთის მიმართველს კონსტანტინეს გადასცა. მაგრამ კიდევ უფრო მძიმე იყო იმედის გაცრუება რუსთა მეფის დახმარებაზე. ოსმალეთმა და რუსეთმა ირანი გაინაწილეს: ხონთქარმა კასპიის ზღვის სანაპიროები რუსეთის საკუთრებად იცნო, პეტრემ კი სამაგიეროდ ოსმალეთს დაუთმო ირანის მთელი ჩრდილო-დასავლეთი ნაწილი, რომელსაც აღმოსავლეთი საქართველოც მიათვალეს.

1723 წლის ზაფხულზე კახეთის მიმართველმა კონსტანტინემ ლეკთა დიდი ჯარი დაიქირავა და თბილისს თავს დაესხა. ლეკებმა თბილისი აიღეს და ისე სასტიკად გაძარცვეს და ააოხრეს, რომ მთელი საუკუნის განმავლობაში ამის შემდეგ ქალაქი თავის ძველ კეთილდღეობას ვეღარ დაუბრუნდა. ვახტანგი შიდა ქართლში დადგა, კონსტანტინემ კი ქალაქი დაიჭირა. ამავე დროს ოსმალთა ჯარი აღმოსავლეთ ამიერკავკასიისაკენ დაიძრა. 1723 წელს ივნისში ოსმალთა ჯარმა თბილისი უომრად აიღო.

რაკი ქვეყანა ხელთ იგდო, დამპყრობელა ქართლმა მე-

ფობის გაუქმებასა და ოსმალური წესწყობილების შემოღებას შეუდგა.

ვასტანგს ქართლში აღარ ედგომებოდა და არც რუსეთს წასვლის გარდა სხვა გზა გააჩნდა. 15 ივლისს 1724 წელს ვასტანგი შვილებით, ძმით, უახლოესი თანამოღვაწეებითა და დიდი ამალით რაჭის გზით რუსეთს წავიდა. მეფე, მასი აზრით, ქართლიდან დროებით მიდიოდა და ჩქარა საქართველოს განსათავისუფლებლად რუსეთის ჯარით დაბრუნდებოდა, ასეთ იმედებს აძლევდა მას რუსეთის იმპერატორი.

ქართლში ამის შემდეგ ერთხანს ოსმალები ბატანობდნენ, მერე კი აქ ისევ ირანი გაბატონდა. 1744 წელს ქართლში თეიმურაზ II (ერეკლე I-ის ძე), ხოლო კახეთში მისი ვაჟი ერეკლე II გამეფდნენ.

## § 80. ოსური ახალშენები ქართლის მთიანეთში

XVIII ს. პირველ მესამედში საბოლოოდ ჩამოყალიბდნენ ოსური ახალშენები ქართლის მთიანეთში (მდინარეების: ჯეჯორის, დიდი და პატარა ლიახვის, ქსნის, არაგვის სათავეები). ეს მოვლენა საკმაოდ დიდხნოვანი ისტორიული პროცესის შედეგი იყო.

იმიერკავკასიის ველებსა და მთებში მცხოვრებ ოსებს საქართველოსთან იმთავითვე სამხედრო-პოლიტიკური და ეკონომიკური ურთიერთობა ჰქონდათ; უკვე XIII საუკუნეში, ორი მონგოლური სახელმწიფოს — „ოქროს ურდოსა“ და ილხანთა შორის ბრძოლის პერიოდში, შიდა ქართლის მიდამოებში საკმაოდ დიდხანს და საგრძნობი რაოდენობით იყვნენ დარუბანდის გზით აქ შემოსული ოსებისაგან შემდგარი სამხედრო რაზმები, რომლებიც მაშინ ილხანთა ბრძანებით მოქმედებდნენ.

მონგოლები თავიანთი პოლიტიკური მიზნებისათვის ბრძოლაში იძულებით იყენებდნენ დამორჩილებული ქვეყნების მეომრებს და მათ შორის განხეთქილებას თესდნენ. XIV ს. დამდეგს საქართველო მონგოლი დაპყრობლებისაგან გაიწმინდა. ჟამთააღმწერლის ცნობით, ქართლიდან ოსებიც „განასხნეს“ ამის შემდეგ ქართულ წყაროებში ოსთა კომპაქტური მასები დიდხანს არ იხსენიებიან.



ქართლის მთიანეთში, თანამედროვე „სამხრეთ ოსეთის“ რაიონებში, ოსური კომპაქტური მოსახლეობა წარმოიშვა არა ერთდროული ჩამოსახლების შედეგად, არამედ თანდათანობით, XVI—XVIII საუკუნეთა განმავლობაში, როდესაც საქართველოსა და ცენტრალური კავკასიონის მთის რაიონებში თავისებური სოციალურ-პოლიტიკური სიტუაცია, მიგრაციული მოვლენებისათვის ხელისშემწყობი ვითარება შეიქმნა.

ოსთა გადმოსახლებას ქართლში რა თქმა უნდა, თავისი არსებითი მიზეზი ჰქონდა. დამპყრობლებმა დაარბიეს და გაანადგურეს ჩრდილო კავკასიის ველებზე მცხოვრები ოსები. გადარჩენილთა ერთი დიდი ნაწილი ცენტრალური კავკასიონის მაღალმთიან რაიონებში შემოიხიზნა. იქ მათი არსებობის პირობები მეტად არახელსაყრელი იყო. მწირი მთა და სამეურნეო ტექნიკის დაბალი დონე მათი მოთხოვნილების მინიმუმსაც ვერ აკმაყოფილებდა.

სარჩო — საბადებლის მიმდებელი ოსები ქართველ მთიელთა სოფლებში იკვლევდნენ გზას, ხშირად კი აქაურ ფეოდალთა კუთვნილ მიწებზე ხოზინებად სახლდებოდნენ. ამას, ერთი მხრივ, ისიც უწყობდა ხელს, რომ ქართველი მოსახლეობა საგარეო მტრების შემოსევათა შედეგად ძალზე შემცირებული იყო ან კიდევ ბარის ეკონომიკური ზემოქმედების წყალობით დაბლობისაკენ ინაცვლებდა.

ოსური ახალშენების წარმოქმნას ქართლის მთიანეთში XVI საუკუნეში უნდა ჰქონოდა ადგილი. ამ დათარიღებას რამდენადმე მხარს უჭერს ის გარემოება, რომ ჩვენს განკარგულებაში არსებულ წერილობით წყაროებში ოსთა მეტ-ნაკლებად შესამჩნევი დასახლება — 200-მდე სული—XVII ს. დამდევისათვის ჩანს. ამის შესახებ გადმოგვცემს საქართველოში ნამყოფი რუსი ელჩი მ. ი. ტატიშჩევი (1604—1615).

მნიშვნელოვან ცნობას გვაწვდის XVII ს. მიწურულის თუ XVIII ს. დამდეგის თხზულება — ბესარიონ ქართლის კათალიკოსის (გარდ. 1735 წ.). „მარტვილობა ლუარსაბ მეფისა“. ავტორი ახასიათებს ლუარსაბის წამების პერიოდს (1622 წ.), როცა საქართველო უაღრესად რთულ საგარეო-პოლიტიკურ სიტუაციაში იმყოფებოდა და ამასთან დაკავშირებით ახასიათებს ქართლის ჩრდილოეთის საზღვრებთან შექმნილ ვითარებასაც. იგი იხსენიებს „მახლობელთა ჩუენთა მთიულთა

ოსთა“, რომლებიც „დამკვიდრებულ იყვნენ მახლობელად ჭუნსა“. ამავე წყაროდან მოჩანს, რომ ოსები იბრძოდნენ მიწებისათვის, ცხოვრების პირობების გაუმჯობესებისათვის და ამდენად უპირისპირდებოდნენ ადგილობრივ ქართველ მოსახლეობას. ეს ცნობა ეხმაურება ტატიშჩევის შემოაღნიშნულ გადმოცემას და ქართლში ოსური ახალშენების წარმოქმნას ადასტურებს. XVI ს. I ნახევარს განეკუთვნება აგრეთვე ერთი ნასყიდობის სიგელიც, საიდანაც ჩანს, რომ სოფელ ზემო ჯავის მოსახლეობა ამოწყვეტილა. შემდეგში ეს სოფელი მანაბლებს ოსებით დასახლებიათ. ვასაგებია, რომ ფეოდალი, დაცარიელებული სოფლების დასახლებით დაინტერესებული, ოსებს ხიზნობა-ყმობის წესით სვამდა თავის მიწებს.

დიდი ღიახვის სათავეებიდან ოსები თანდათანობით ვრცელდებიან სამხრეთისაკენ, გადადიან მდინარეების: მც. ღიახვისა და ქსნის ვიწროებში. ვახუშტის ცნობილი აღწერილობის მიხედვით, XVIII ს. პირველ ათეულ წლებში მათ უკვე უკავიათ მიწები სოფ. გუფთადან დიდი ღიახვის გასწვრივ მის სათავეებამდე, გერის ხეობა, ვანათს რომ ეკვრის, მც. ღიახვის ზემო დინება, ჟამური (ქსნის სათავე); ოსთა ცალკეული დასახლებანი ჩანან ჭურთას, ისროლის-ხევის, ქოლოთ-ქვითკირის სეობებში და სხვ. ამავე დროს ნაწილობრივ უკავიათ ოსებს კუდაროც. როგორც ჩანს, ქსნის სათავეებში მათ შეაღწიეს შედარებით უფრო გვიან, ვიდრე მც. ღიახვის სათავეებში. ვახუშტის რუკის მიხედვით, XVIII ს. 30-იან წლებში ოსურ ახალშენებს უკვე ეკავათ დვალეთი (ნარმამისონის ქვაბული), ჯუჯორის, ღიახვისა და ქსნის სათავეები. აღნიშნული რაიონების რიგ სოფლებში ოსები ადგილობრივ მკვიდრ ქართულ მოსახლეობასთან შერევით ცხოვრობდნენ, ეწაფებოდნენ და ითვისებდნენ ქართველთა განვითარებულ სამეურნეო და სამწერლობო კულტურას.

ჩამოსახლებული ოსები, როგორც წესი, ქართულ ქრისტიანულ სარწმუნოებას იღებდნენ და ამ გზით, ქართველთა მხარდამხარ, აქტიურად მონაწილეობდნენ ჩვენი ქვეყნის სოციალურ-პოლიტიკურ ცხოვრებაში. სულ უფრო და უფრო მტკიცდებოდა ერთობისა და მეგობრობის შეგნება ორი ხალხის წარმომადგენლებს შორის.

ოს მოახალშენეთა რიცხვი განსაკუთრებით გაიზარდა

XVIII ს. 40–50-იანი წლებიდან. ამავე საუკუნის მეორე ნახევარში უკვე ნათლად იგრძნობოდა ცვლილებები ქართლის მთიანეთის ახალმოსახლეთა ცხოვრებაში. თანდათანობით გამოვიდნენ ქართული საზოგადოებრივ-კულტურული ცხოვრების ასპარეზზე ოსი ხალხის შვილები. ქართული ასოების საფუძველზე მუშავდებოდა ოსური ანბანი. არა მარტო ქართლის, არამედ კავკასიონს გადაღმელი ოსების კულტურული ცხოვრება მოწინავე ქართველ მოღვაწეთა გულისხმიერი მზრუნველობის ობიექტი გახდა.

### § 81. ლეკიანობა მე-18 საუკუნის საქართველოში

ლეკები ქართველებთან პირისპირ შებმას გაურბოდნენ. ეს გასაგებიცაა: ისინი ხომ ქვეყნის დასაპყრობად არ მოდიოდნენ, მათი მიზანი ტყვისა და სხვა ნადავლის შოვნა იყო. ვერც შეიარაღებით, ვერც სამხედრო ორგანიზაციით ისინი ქართველებს ვერ უსწორდებოდნენ. ქართველებთან დიდ ბრძოლებში ისინი ჩვეულებრივ მარცხდებოდნენ ხოლმე.

მთებიდან ჩამოსვლის უმაღლესი წვრილ გუნდებად ნაწილდებოდნენ, უღრან ტყეებს, მიუვალ კლდეებსა და ვერანა ადგილებს ირჩევიდნენ ხოლმე სადგურებად და ასეთი სადგომებიდან მშვიდობიანი მოსახლეობის წვრილად ტაცებასა და ძარცვას ეწეოდნენ. სამოქმედოდ ლეკები სწორედ მაშინ გამოდიოდნენ, როცა ქართველი გლეხობა ციხე-გალავნებიდან თუ გამაგრებული სოფლებიდან სამუშაოდ უნდა გასულიყო. ხენა-თესვის, მკისა თუ რთველის დროს მოედებოდნენ ლეკები მინდვრებს და მიჰქონდათ და მიჰყავდათ ყველაფერი, რის მოტაცებაც კი შეიძლებოდა; ადამიანები, ოთხფეხი საქონელი, სასოფლო-სამეურნეო იარაღი, ამავე დროს მიუსტებოდნენ უკაცოდ დარჩენილ სოფლებს და მიერეკებოდნენ ქალებს, ბავშვებს, სოფლის ნახირს. ნაშოვნით დატვირთულები, ლეკები ტყის ბილიკებითა და უგზო ველებით ბრუნდებოდნენ დაღესტანში. მიდიოდნენ ღამით, დღისით კი მიუვალ ხევ-ხუვებსა და ტყეებში ბანაკდებოდნენ. ჭარბელაქანს გასულნი ისინი უკვე სამშვიდობოს იყვნენ. აქ ჩვეულებრივ სტოვებდნენ, ნატაცებს, როცა მას საკმაოდ არ სთვლიდნენ, და საშოვრისათვის ისევ ქართლ-კახეთს ბრუნ-

დებოდნენ. დაღესტანში გადაყვანილ ტყვეებს უმთავრესად ყირიმელი ვაჭრები იძენდნენ.

ქართლ-კახეთში ლეკიანობა განსაკუთრებით ძლიერი იყო 1754—1760 წლებში. მთელი ქართლი ლეკთა რაზმებით აივსო. მოსახლეობა ციხეებს იყო შეფარებული, მეურნეობა მიმქრალიყო.

გარდა წვრილ-წვრილი თავდასხმებისა, ლეკებმა ამ ხანებში რამდენიმეჯერ მსხვილი ლაშქრობაც მოაწყვეს. ამათგან ყველაზე მნიშვნელოვანი იყო ლეკთა ორგზისი ლაშქრობა ხუნძახის ბატონის ნურსალ-ბეგის მეთაურობით.

1754 წელს ხუნძახის ბატონი დიდი ჯარით გადმოვიდა და ქართლ-კახეთის ერთიანად აოხრებას იმუქრებოდა. კახეთის მოსახლეობა ერეკლემ სულ ციხეებში შეიფყანა და კახეთის ჯარი კი თვითონ შემოიყარა, ქართლიც თეიმურაზმა დახიზნა.

ნურსალ-ბეგმა ძარცვა-რბევით კახეთი გამოიარა, არაგვი გადმოლახა, ქართლში შემოვიდა და მჭადისჯვრის ციხე-გალავანს (მუხრან-დუშეთის გზაზე) გარს შემოადგა. დაღესტნელ სარდალს იქ შეხიზნული ხალხის დატყვევება სურდა. ჯარის სიმცირის მიუხედავად ერეკლე მხნედ შეება მტერს.

სასტიკი ომი გაიმართა, ლეკთა ქვეითობამ სიმრავლით სძლია ქართველების ქვეით ჯარს, მაგრამ ერეკლეს სიმხნემ და სამხედრო ნიჭმა იხსნა ქართველები დამარცხებისაგან. აი, როგორ ასწერს ამ ამბავს მისი ერთი მონაწილე: „რა გასჭირდა ომი, ბრძანა ბატონმა (ესე იგი ერეკლემ) დაქვეითება ჯარისა. გარდახდა თვით მეფე ერეკლე ცხენისაგან და უბრძანა გარდახდომა ყოველთა: — „ეს არის დღე ვაჟკაცობისაო და სიყვარული სჯულისაო“. — დაიქვეითეს ქართველთა და კახთა, შეიქმნა სროლა თოფთა, რომ კომლისაგან კაცი აღარა ჩანდა. მეფე ერეკლე ხან იქით და ხან აქა აძლიერებდა ჯარსა და პირდებოდა წყალობასა. შეუტივეს ქართველთა და კახთა გულსრულად, დაუშინეს ზამბურაკნი (ესე იგი, დიდრონი თოფები) და ზარბაზანნი, გააქცივეს ერთი დასი ჯარი ლეკისა, ჰკრეს ეს გაქცეული ჯარი მეორესა ჯარსა, აირივა ეს საშინელი ჯარი ლეკისა. გაიქცნენ შეუტივეს ხმალდახმალ (ქართველებმა), დაერივნენ შიგ, რომ ვითა კატა, ეგრე ხოცდნენ ლეკთა. თვითონ მეფე ერეკლემ ჩამოკაფა ლეკი ხმალდახმალ,

მიყვნიენ სოცით არაგვამდის“. ეს ბრძოლა 16 აგვისტოს მოხდა: „წავიდა, — განაგრძობს მწერალი, — ეს დამარცხებული ჯარი, გაიარა, დახვდნენ კახნი და დაუმარცხეს. მივიდა ხუნძახის ბატონის სირცხვილული დაღისტანში“.

ლექთა ეს დიდი ლაშქრობა დამარცხდა, მაგრამ გამარჯვების სინარულს ანელებდა ლეკების ბოლომოუღებელი თავდასხმები.

ამ წვრილ თავდასხმებს 1755 წელს კვლავ დიდი ლაშქრობა მოჰყვა. ხუნძახის ბატონს მჭადისჯვართან დამარცხების სირცხვილი ვერ მოენელებინა. ქართლ-კახეთის ერთი დაკვრით წახდენის აზრი მას მოსვენებას არ აძლევდა. წინა წლის გამოცდილების გამოყენებით ის ახლა საგანგებოდ ემზადებოდა. მისი კაცები მოედვნენ მთელ დაღესტანს და ყველას საქართველოში სალაშქროდ იწვევდნენ. ნურსალ-ბეგმა დიდძალი ლეკი შემოიყარა, დაღესტნის სხვა ბატონებიც კი გამოჰყვნიენ მას. ამ დიდი ლაშქრით ხუნძახის ბატონი ყვარლის თავს დაადგა. აქედან მან მოციქულები გაგზავნა ჭარს, კაკენისელს, განჯას და ყველას საქართველოს წინააღმდეგ მოეწოდებინა. ესენიც ხალხისით ეახლნენ დაღესტნელ სარდალს.

ქართველებისათვის ნურსალ-ბეგის ეს გამოლაშქრება მოულოდნელი არ ყოფილა. ამიტომ სათანადო ღონეც დროულად იხმარეს. მეფეებმა მთელი ქართლისა და კახეთის მოსახლეობა ოთხი თვის მარავით განსაკუთრებით სამეფო ციხეებსა და მიუვალ ხევებში დახიზნეს. ჯარიც ქვეყნიდან ქუდზე კაცი გამოიყვანეს და თან იახლეს.

ნურსალ-ბეგმა ამჯერად საქმე კახეთიდან დაიწყო. თავისი ოცი ათასი მეომრით ის ყვარლის დიდ ციხე-გალავანს შემოადგა, სადაც გაღმა მხრის მოსახლეობის დიდი ნაწილი იყო შეხიზნული.

ნურსალ-ბეგის ლაშქართან პირისპირ შეხება ქართველებმა შესაძლებლად ვერ დაინახეს: მტრის ჯარი რიცხვით დიდად სჭარბობდა ქართველებისას. ლექთა დამარცხება მხოლოდ ხერხით თუ შეიძლებოდა და ერეკლემაც ამ ძნელ საქმეს ბრწყინვალედ მოუარა. ციხის დამცველებს უჭირდათ. ლეკებს გაღავნის გარშემო ისეთი მაღალი საფრები შეეკრათ, რომ თოფს შიგ ციხეში ჩაისროდნენ. აუცილებელი იყო მეციხოვნეთა გამხსნევა. ერეკლემ მეშველი რაზმის შეგზავნა გადა-

წყვიტა. ვინც ამ სავაჟაკო საქმის მოხალისედ გამოვიდოდა, მეფე პირდებოდა თავადა და აზნაურს შესაფერი თანამდებობისა და მამულის წყალობას, ხოლო გლეხს — ბატონყმობისაგან განთავისუფლებას, ორ საკომლო მიწა-ადვილსა და ფულად ჯილდოს.

სავაჟაკო საქმეზე ორას კაცამდე გამოვიდა (ცხრა თავადი-შვილი, ორი აზნაური-შვილი, ერთი ხუცესი და დანარჩენი ყველა გლეხი, ამათგან ასოცდაათი ქიზიყელი). ვაჟაკები ღამით გავიდნენ ქიზიყიდან, გავლეს ალაზანი, მიეპარნენ ლეკთა ყარაულებს და ხმალდახმალ გაიკაფეს გზა ციხისაკენ. მეშველმა რაზმმა თოფისწამლის დიდი მარაგი შეიტანა ციხეში. იმედმოცემულმა მეციხოვნეებმა მოახერხეს ციხის გაღავნის გარშემო ლეკთა საფრების დაწვა. ნურსალ-ბეგის ლაშქარს მერყეობა დაეტყო: ციხის ჩქარა და ადვილად აღება საეჭვო ჩანდა.

ყვარლის ციხეში მეშველი რაზმის შეგზავნასთან ერთად ერეკლემ აარჩია გულადი და კარგი ცხენოსანი ქიზიყელები და ჭარის დასარბევად გაგზავნა. ამ რაზმმა კიდმალი საქონელი და ტყვე მორეკა დაუცველად დატოვა ჭარიდან. ყვარლის ციხის აღყაზე მდგომი ჭარელები შეშფოთდნენ და სახლში წასვლა დააპირეს. ხუნძასის ბატონმა ძლივს შეიმაგრა ისინი.

მაშინ ერეკლემ უკვე მოზრდილი ლაშქარი გაგზავნა ჭარისაკენ. ყვარელს მდგომი ჭარელები ფიცხლავ წავიდნენ ქართველებთან შესაბამელად, მაგრამ ქართველები, ერეკლეს ბრძანების თანახმად ბრძოლას მოერიდნენ, უკან გამობრუნდნენ და ქიზიყს დადგნენ. ჭარელებს საქმე გაურთულდათ. ქიზიყს მდგომი ქართველთა ლაშქარი ჭარს ასაოხრებლად ემუქრებოდა. ერეკლეს სამხედრო ხერხმა გასჭრა. ჭარელებმა გადაწყვიტეს ყვარლის ციხეს ჩამოსცლოდნენ და თავისი სახლებისათვის მიეხედათ. ამ ნიადაგზე ჭარელებსა და ნურსალ-ბეგის ლეკებს შორის მტრობა ჩამოვარდა და ბოლოს ისინი ერთმანეთს დაერივნენ კიდევაც, ჭარელები სახლში წავიდნენ. მათ ვაჰყვა კაკის სულთანიც: ქართველი მარბიელები არც მის ქვეყანას უქადდნენ მშვიდობას.

ამის დანახვაზე ნუხის ხანმაც თავის ქვეყანას მიაშურა. ასე

რომ მოაღვეთა ჯარის ერთი მხარე საცხებით მოიშალა. და-  
 ლესტნელებს ციხის აღების იმედი გადაეწურათ. კიდეც მეტი,  
 საჭირო ხდებოდა თავდაცვაზე ზრუნვა: გამხსნევებული ქარ-  
 თველები, საცა იყო, შეუტევდნენ დასუსტებულ მტერს. ასეთ  
 პირობებში დაღესტნელი სურხაი-ხანიც გამოეთიშა მოკავში-  
 რეს და შინისაკენ ვზას გაუდგა. 28 სექტემბერს ნურსალ-ბე-  
 გიცა და შამხალიც მოეცალნენ ყვარლის ციხეს.

ამრიგად, ნურსალ-ბეგმა ომი წააგო. ხუნძახელმა სარ-  
 დალმა ახლა ისევ ძველებური ქურდ-ავაზაკობა ირჩია. დარ-  
 ჩენილი ლეკთა ჯარი მცირე გუნდებად დაიშალა, ტყეებსა  
 და კლდეებს შეეფარა და აქედან რბევას შეუდგა.

დიდმა საფრთხემ გაიარა, საქართველოს ერთბაშად აოხ-  
 რების გეგმა მტერს ჩაეშალა. ლეკთა რაზმების მეთაურს, რა  
 თქმა უნდა, იმის შესრულება არ შეეძლო, რაც თვით შაჰ-  
 აბასმაც კი ვერ შეძლო. ცრუმოქადულ ნურსალ-ბეგს ყველა-  
 ზე უკეთ უხდება იმ დროს თქმული ხალხური ლექსი:

„პამპულაი შეიკაზმა თოფითა და ჯინჯილითა:  
 ცნობენ ოტბეგნი უნდა წაქაქსა მივადგე, ამოვხოცო შიმშილითა!  
 დემოტენ ლეფსტენ წმენდნენ ფრეკლემ შეიტყო, გადაბრუნდა სიცილითა...“

მაგრამ ლეკთა მიერ საქართველოს ერთი დაკვრით გაოხ-  
 რება თუ „პამპულაობა“ იყო, ლეკიანობა მისი ჩვეულებრივი  
 სახით მართლაც რომ მოთხრას უქადდა ქვეყანას.

აპრილში 1760 წელს მეფე თეიმურაზ მეორე რუსეთს გა-  
 ემგზავრა. ქართლის მეფეს რუსეთის იმპერატორისადმი გაბე-  
 დული გეგმა და მნიშვნელოვანი სათხოვარი ჰქონდა მოსახ-  
 სენებელი.

რუსეთის მეფეს თეიმურაზი ჯარს ან ჯარის დასაქირავებ-  
 ლად ფულს სესხად სთხოვდა. ამ ჯარით ქართველი მეფეები  
 ლეკებს ალაგმავდნენ და საგანგებო ლაშქრით ირანში შე-  
 ვიდოდნენ, იქ სპარსელი დიდებულების ყრილობას მოიწვე-  
 დნენ და რუსეთისათვის სასურველ პირს ირანის შაჰად აარ-  
 ჩევინებდნენ.

ქართველების გეგმა გაბედული იყო და გონივრული. თეი-  
 მურაზი და ერეკლე ამით წინადადებას აძლევდნენ იმპერა-  
 ტორს, რომ ისინი ირანში რუსეთის ინტერესების დამცვე-  
 ლებად გამოვიდოდნენ, ხოლო ამ საქმეში წარმატება, ფიქ-

რობდნენ ისინი, ირანის ბატონობისაგან საქართველოს განთავისუფლების მტკიცე საწინდარი იქნებოდა.

რუსეთში ქართველ მეფეთ წინადადებას ვერ გამოეხმაურნენ, რადგანაც ეს წინადადება რუსეთის ზრახვებს ახლა არ ეთანხმებოდა.

8 იანვარს 1762 წელს თეიმურაზ II იქვე, პეტერბურგს, გარდაიცვალა. იქიდან იგი წამოასვენეს და ასტრახანის მიძინების ტაძარში, აქვე ადრე დაკრძალული ვახტანგ მეექვსის გვერდით, დაკრძალეს.

## § 82. ქართლ-კახეთის ერთ სამეფოდ გაერთიანება. ბრძოლა სათავადოების წინააღმდეგ

თეიმურაზის გარდაცვალების უმალ ერეკლემ თავი ქართლ-კახეთის მეფედ გამოაცხადა. ამიერიდან ქართლ-კახეთი ერთ სამეფოდ იქცა.

თავისი მიზნებისათვის ერეკლე მეფე მართლაც ვარეშე მტრებს კი არ ებრძოდა, კიდევ უფრო მძიმე ტრეფილა ჰქონდა მას თავადებთან.

თეიმურაზისა და განსაკუთრებით ერეკლეს სახელმწიფო მოღვაწეობა პროგრესულ მიზანს ემსახურებოდა. დაუღალავი ბრძოლით მათ აღადგინეს ქართველობა და მის განმტკიცება-უზრუნველყოფას ალევდნენ ძალღონეს. მაგრამ სწორედ აქ ელოდათ მათ ყველაზე დიდი დაბრკოლება, რომლის გადაულახავად დასახული მიზნის სავსებით მიღწევა შეუძლებელი იყო. ეს დაბრკოლება იყო სათავადოების არსებული სისტემა.

სათავადოების სისტემა საქართველოს ჩამორჩენილობას ემყარებოდა და თავისი მხრით ამ ჩამორჩენილობას ემსახურებოდა. ამიტომაც საქართველოს აღდგენისათვის ანუ, როგორც მაშინ ამბობდნენ, „აღდგომისათვის“ ბრძოლა სათავადოების სისტემის წინააღმდეგ ბრძოლას მოითხოვდა. ერეკლე ამ ბრძოლის თავდადებული გმირი იყო.

თეიმურაზმა და ერეკლემ ჯერ კიდევ 1743 წელს შეუტინეს ერთ-ერთ უძლიერეს სათავადოს. ამ დროს აჯანყებულმა არაგველებმა ბეჟან არაგვის ერისთავი მოკლეს. თეიმურაზმა



არაგველები მიიმხრო და საერისთავო თავისთვის საკუთრად დაიჭირა.

1744 წელს თეიმურაზმა ქსნისხვევლებიც გადმოიბირა და საერისთავო გივი ამილახვარს წაართვა.

ასე რომ თეიმურაზისა და ერეკლეს ბატონობა არაგვის საერისთავოს გაუქმებითა და თავადებთან ბრძოლით დაიწყო. ქართლის თავადები მტრულად უყურებდნენ თეიმურაზსა და ერეკლეს. მათ არ მოსწონდათ ამ მეფეების პოლიტიკა, თავადების დამოუკიდებლობის წინააღმდეგ რომ იყო მიმართული. მათ არ სურდათ ქართლ-კახეთის გაერთიანება, მეფეს რომ აძლიერებდა. თეიმურაზისა და ერეკლეს მოღვაწეობამ სავსებით გამოააშკარავა თავადების ბრძოლის რეაქციული ხასიათი. თავისი თავადური მიზნებისათვის ბრძოლაში ეს რეაქციონერები ერთნაირი ხალისით უკავშირდებოდნენ საქართველოს ყველა მტერს: ყიზილბაშებს, ოსმალებს, ლეკებს.

1747—1748 წლებში ქართლის რეაქციონერი თავადების სამეფო განდიდები მამამადიანი აბდულა-ბეგ იესეს ძე იყო. მწვავე ბრძოლა ქრეკლეს გამარჯვებით დასრულდა. 1751—1756 წლებში თავადების სასოება აზატ-ხანი იყო. აზატ-ხანს მრავლად შეხიზვნოდნენ აბდულა-ბეგის შვილები, რომელნიც „ქართლის შოვნას“ საქართველოს ამ მოსისხარი მტრის დახმარებით ელოდნენ. ამავგე ხანებში ქართლის თავადებს თეიმურაზისა და ერეკლეს მოწინააღმდეგე ფალავნები რუსეთშიაც ეგულებოდათ. იქ ხომ ქართლის სამეფო ტახტის „ნამდვილი მემკვიდრეები“, ბაქარის ძმა და შვილები, ისხდნენ; ისინი ქართლში გაბატონებაზე ოცნებობდნენ და თეიმურაზისა და ერეკლეს მოქმედებას, რაც შეიძლებოდა ხელს უშლიდნენ.

1760-იანი წლებიდან მდგომარეობა არსებითად შეიცვალა. ქართლის თავადებს გარედან დახმარების იმედები თითქმის გადაეწურათ; ირანის მეფე ერეკლეს მეგობრობდა, რუსეთიდან დახმარების მოლოდინი აღარ იყო, ოსმალებითაც ახლა აღმოსავლეთ ამიერკავკასიის საქმეებში აღარ ერეოდა, ხოლო ანლობელი ხანები ერეკლეს ან ემორჩილებოდნენ, ან უსმენდნენ და მის წინააღმდეგ გამოსვლას ვერ ბედავდნენ.

ამ ასალ პირობებში რეაქციონერებსაც ბრძოლის ხერხი უნდა შეეცვალათ. რაკი გარედან შველის იმედი გადაუწყდათ, რეაქციონერი თავადები შეთქმულება-ტერორის გზას დაადგინენ, მათ მეფისა და მთელი მისი ოჯახის გაწყვეტა განიზრახეს. ამ საქმეს თავისი ხელმძღვანელი გამოუწინადა. ეს იყო პაატა ბატონიშვილი, ვახტანგ მეფის უკანონო შვილი. მალე პაატა ბატონიშვილის სადგომი, რომელსაც „მარკოზაშვილის დარბაზი“ უწოდეს თანამედროვეებმა, შეთქმულების ბუდედ იქცა. 1765 წელს, როცა შეთქმულები უკვე მზად იყვნენ განიზრახის სისრულეში მოსაყვანად, საქმე გასცა სამშვილდელმა გლეხმა დათუნა ფეიქარმა.

მეფემ სწრაფად დააჭერინა შეთქმულების მეთაურები. ერეკლეს კარგად ესმოდა ამ საქმის საზოგადოებრივი აზრი. მან იცოდა, რომ შეთქმულებს სხვა მომხრეებიც ჰყავდათ. მეფემ დარბაზის სხდომა მოიწვია, საქმე გასარჩევად მას გადასცა და თვითონაც კი მონივარის როლში გამოვიდა. დარბაზმა საქმე განიხილა, დამნაშავეებს ქონებზე, მამოართვა და მეფეს ნასისხლად მისცა (ნასისხლი საზღაურიც კაცის მოკვლიდანაა, თუ მოკვლის განზრახვისათვის), შეთქმულებსა და მეთაურებს კი კანონის თანახმად დასაჯეს.

ამ გამარჯვების შემდეგ მეფე კიდევ უფრო გაძლიერდა. „მარკოზაშვილის დარბაზელები“ ფიზიკურ დამარცხებასთან ერთად მორალურადაც დამარცხდნენ. რა თქმა უნდა, რეაქციონერები ამით არ გამქრალან და არც მეფის წინააღმდეგ მოქმედება შეუწყვეტილათ მათ. მაგრამ შექმნილი პირობების შესაფერისად მათ ბრძოლის ხერხი შეცვალეს და ამის შემდეგ მეფის წინააღმდეგ ტერორი აღარ უცდიათ.

ქვეყნის გაერთიანებისა და მეფის ხელისუფლების გაძლიერების გზაზე ერეკლეს ამ დროს სხვა წარმატებებიც ჰქონდა. 1755 წელს მან ყაზახში ხანობა გააუქმა და ეს ქვეყანა სამოურავოდ აქცია. 1765 წლისათვის კი ბორჯალო-ბაიდარსაც მეფის მოურავები განაგებდნენ.

გარეშე თუ შინაურ მტრებთან ბრძოლაში მოპოვებულ გამარჯვებათა მიუხედავად ერეკლე მეფე კარგად ხედავდა, რომ საქართველო ჯერ კიდევ სამშვიდობოს არ იყო გასული, რომ ქვეყნის თავისუფალი მომავალი ჯერ კიდევ უზრუნველყოფილი არ იყო. მტრები მოყვრებად არ იყვნენ გადაქცეულნი, ისინი მხოლოდ მიყუჩებული იყვნენ და ხელსაყრელი ტართოსის მოლოდინში შეტევაზე გადმოსასვლელად ემზადებოდნენ. აუცილებელი იყო ქვეყნის ყოველმხრივი განმტკიცება, რომ მოსალოდნელი განსაცდელი საბედისწერო არ გამხდარიყო.

მაგრამ ქვეყნის განმტკიცება, მისი ეკონომიკური და სახელმწიფოებრივი გაძლიერება გლეხთა საკითხის მოგვარების გარეშე შეუძლებელი იყო.

გვიანი შუა საუკუნეების საქართველოში გლეხთა საზოგადოებრივი და ქონებრივი მდგომარეობა სულ უფრო და უფრო უარესდებოდა. მებატონე არ ცნობდა ყმა გლეხის რაიმე უფლებას და როგორც ყმას, ისე მის ნაჭირნახულებსაც თვითსაყვრებში მდგნოვლიდა.

ბატონისა და ყმის ურთიერთობას მწვავე კლასობრივი ბრძოლის ხასიათი ჰქონდა. ნებითა და სიამტკბილობით ქართველი გლეხი თავის მებატონეს არაფერს უთმობდა. გლეხები თავგამოდებით ებრძოდნენ ბატონების უსამართლობას, ნიოდნენ მეფესთან და მისგან სამართალს ითხოვდნენ, ეურჩნებოდნენ უპართებულო ზეგარას და იარაღით იცავდნენ თავის უფლებებს, ხოცავდნენ გამხეცებულ მებატონეებს, სტოვებდნენ გაუმაძღარ მძარცველებს, აბრაგად დადიოდნენ ანუ, როგორც მაშინ ამბობდნენ, „ყაზახობდნენ“. სხვაგან გარბოდნენ. აყრა-გაქცევა გლეხთა ბრძოლის მეტად ფართოდ გავრცელებული სახე იყო, მაგრამ აყრა საქართველოს ინტენსიურ მეურნეობასთან სრულიად შეუთავსებელი იყო. აყრა გლეხის ეკონომიურ განადგურებას ნიშნავდა. აყრილი გლეხი, ან ასაყრელად მზადყოფი ინტენსიურ მეურნეობას (ესე იგი, მიწის გაპატივებასა და მრავალწლიან კულტურებს — მებაღეობას, მევენახეობას, აგრეთვე მეაბრეშუმეობას და სხვ.) ხელს ვერ მოკიდებდა. მისი ხვედრი ღარიბობა და ბოგანობა იყო. აყრილთა, ხიზანთა და ბოგანოთა სიმრავლე

ცხადად მოწმობდა ჩვენი ქვეყნის იმდროინდელი ცხოვრების სიდუხჭირეს.

ასეთ პირობებში მყოფი ვლესობა მტრების წინააღმდეგ ძველებური მხნეობით ვერ იბრძოდა. ლატაკს, დაბეჩავებულს, ნახევრად უიარაღოს, მას თავდაცვის მცირე უნარი შესწევდა, ხოლო მძარცველი მებატონისა და მისი ქონების დაცვის ხალისი ვლესს არ ჰქონდა. ქართველ ვლესს რომ უცხოელ მტრებთან ბრძოლის უნარი დაბრუნებოდა, მას უნდა დაბრუნებოდა ბატონების მიერ მიტაცებული უფლებები, რომელნიც ყმას მონისაგან განასხვავებდნენ.

ქვეყანა ძალზე დაზარალებული იყო და ვლესთა რიცხვი მნიშვნელოვნად შემცირებული. ისინი გაწყვიტეს ან დაატყვევეს ყიზილბაშებმა, ოსმალებმა, ლეკებმა, მაგრამ კიდევ უფრო მეტად ისინი აუტანელმა ბატონყმურმა პირობებმა გადააშენა.

ერეკლეს კარგად ესმოდა ეს გარემოება. იგი ხედავდა, რომ ვლესები მხოლოდ ლეკიანობამ კი არა, არამედ კიდევ უფრო „უსამართლობამ გარეკა საქართველოდან“ როგორც თვითონ ვლესები ჩიოდნენ, და მეფეც მთელს რიგი დონისო ძიებებით ცდილობდა ვლესობის გადარჩენას, რადგანაც კარგად ამჩნევდა, რომ საქართველოს დაძაბუნების უმთავრესი მიზეზი „გლესი-კაცის ამოწყვეტა“ იყო.

ერეკლეს საგლესო კანონები მიზნად ისახავდა ვლესთა უფლებრივი მდგომარეობის გაუმჯობესებას. ამ კანონებით ვლესს უნდა დაბრუნებოდა უფლებები, რომლებიც მათ მებატონეებთან ბრძოლაში დიდი ხანია დაკარგეს. მონის მდგომარეობიდან, რომელშიაც ვლესი იყო მოქცეული, ის ისევ „ნახევრად თავისუფალი ადამიანის“ (ლენინი) მდგომარეობას უნდა დაბრუნებოდა.

ერეკლე მეფე ენერგიულად ერეოდა ბატონისა და ყმის დამოკიდებულებაში. იგი როგორც ბატონისაგან, ისე ვლესისაგან სასტიკად მოითხოვდა „ბატონყმობის რიგის“ დაცვას, ესე იგი ძველადვე შემუშავებულ საბატონყმო უფლება-მოვალეობათა შესრულებას. ერეკლე ამ საქმეში მებატონეებისადმი დათმობას არ აპირებდა. „რომელიც ამათი დებულება არ არის და არა სდებიან, იმის გარდა თუ მეტი რამ მონდომეთ, ჩვენგან მოსაკითხავი იქნება. ამათ სამართლიანის

საქმით მოექცეით, თორემ თუ კიდევ ამათ ჩვენთან გინი-  
ლესთ, იცოდეთ რომ გიწყენთ“, ასე აფრთხილებდა ერეკლე  
მებატონეს, რომლის გლეხებიც მეფესთან ჩიოდნენ „არასა-  
მართლიანის საქმით“ ბატონის მიერ თავის შვეიწროებას.

კიდევ უფრო მნიშვნელოვანი ჩანს ერეკლეს ბრძანება  
სხვა თავადებისადმი; „თუ რომ თქვენი მამულიდან მემკვიდ-  
რე კაცი აიყარა და წავიდა სადმე, ერთი კაცი რომ აიყაროს,  
იცოდეთ, დიად ავად მოგეპყრობით და გარდავახდევინებთ“.  
ასეთი ბრძანებით მეფე გლეხთა აყრისათვის პასუხისმგებლო-  
ბას ბატონს აკისრებდა. ერეკლემ აკრძალა აგრეთვე გლეხ-  
კაცის ოჯახის წევრების ცალ-ცალკე გაყიდვა. მისი კანონით,  
უცხოეთიდან, ტყვეობიდან დაბრუნებული გლეხი თავისუფ-  
ლდებოდა ძველი მებატონის ყმობისაგან. ყველაფერ ამით  
ერეკლე, რა თქმა უნდა, ბატონყმური დამოკიდებულების მო-  
წესრიგებას ესწრაფოდა და არა მის გაუქმებას.

#### § 84. დასავლეთი საქართველო მე-18 საუკუნის

#### პირველ ნახევარში

##### ოსმალეთის ფარგლებში

დასავლეთ საქართველოში მე-18 საუკუნის პირველ ნახე-  
ვარში ფეოდალური არეულობა შეუნელებლად გრძელდებო-  
და. სათავადოების სისტემა აქ შეუზღუდველად ბატონობდა.  
მეფის ხელისუფლება უკიდურესად დაცემულიყო. სამეფო-  
სახასო ქვეყნები, ციხე-სიმაგრეები მთავრებსა და თავადებს  
მიეტაცათ. ძლიერდებოდა ოსმალთა გავლენა იმერეთში.

1723 წელს ოსმალებმა ფოთი დაიპყრეს, აქ ფაშა დასვეს  
და ზღვის სანაპიროს მმართველად დანიშნეს. დაანგრეს ძვე-  
ლი რუხის ციხე და ანაკლიის ციხე ააშენეს. ოსმალთა ხელში  
იყო ამავე დროს ბათუმი, ციხისპირი, სოხუმი.

ოსმალთა ეს გაძლიერება მეტისმეტად სახიფათო გახდა.  
ციხეები ტყვისმსყიდველთა ბუნაგებად გადაქცეულიყო. ცი-  
ხისა და მის გარშემო მდებარე სოფლების მოსახლეობა თან-  
დათან მაჰმადიანდებოდა. ოსმალები ამ ციხეებიდან ადვილად  
ერეოდნენ ფეოდალების ურთიერთობაში და ქვეყნის საბო-  
ლოდ დასაპყრობად თანდათან გზას იკვლევდნენ.

1751 წელს იმერეთში ახალგაზრდა სოლომონ ალექსან-  
დრეს ძე გამეფდა. ამ დროს იმერეთში უძლიერესი თავადები

იყვნენ ლევან აბაშიძე და როსტომ რაჭის ერისთავი. ხსენებული თავადები მთავრობას იწემებდნენ, აბაშიძე — არგვეთისას, ერისთავი — რაჭისას, და ამ ნიადაგზე მათ სასტიკი მტრობა ჰქონდათ სოლომონის მამასთან მეფე ალექსანდრესთან. ახალგაზრდა სოლომონი მამის ნაკვალევს გაჰყვა და ამ თავადების დამორჩილებას ცდილობდა. საერთოდ, სოლომონს ფართო სამოქმედო ვეგმა ჰქონდა: მტკიცე სამეფო ხელისუფლების შექმნა, დასავლეთ საქართველოს გაერთიანება და ოსმალთა ბატონობის მოსპობა. ამ მხრით სოლომონის მოღვაწეობა ერეკლესას ჰგავდა.

სოლომონის მდგომარეობა მეტად მძიმე იყო. სამეფო ქონება დიდხანია თავადებს ნიეტაცათ და წვრილი ფეოდალებიც ძლიერი თავადების გავლენის ქვეშ იყვნენ. საჭირო იყო ფრთხილი და მოხერხებული მოქმედებით ძალების თანდათან შეშოკება. თავისი მოღვაწეობა მეფემ მაჰმადიანობის გავრცელებისა და ტყვის — სყიდვის წინააღმდეგ ბრძოლით დაიწყო. ორივე უაღრესად მტკივნეული საკითხი იყო და იმერეთის ფეოდალური საზოგადოების მოწინავე ნაწილს აღნიშნულ მოვლენებთან ბრძოლა საჭირო საქმედ მიაჩნდა. ამიტომ ამ საკითხების გარშემო ძალების გაერთიანება ყველაზე მეტად იყო შესაძლებელი. მეფემ თავის მოღვაწეობას ამით მტკიცე იდეური დასაყრდენი მოუპოვა: ის ქართველობისათვის ბრძოლის მეთაურად გამოდიოდა.

მეფემ წვრილი თავადები თანდათან შემოიკრიბა. ამავე დროს სოლომონმა მოხერხებულად შემოირიგა უძლიერესი ფეოდალები, — ოტია დადიანი და მამია გურიელი. ამით მეფემ მტერი გაიმარტოვა: ერისთავსა და აბაშიძეს ძლიერი მომხრეები შემოაცალა.

მეფე-მთავრების ეს შეთანხმება ოსმალეთს არ ესიამოვნა. მისთვის განსაკუთრებით უსიამოვნო იყო მეფისა და მისი მომხრეების ბრძოლა ტყვეთა სყიდვის წინააღმდეგ. თანდათან სოლომონმა თავის სამეფოში თითქმის სავსებით მოსპო ეს საშინელი სენი. ახალციხის ფაშამ არაერთგზის შემოუთვალა მეფეს, რათა ტყვის სყიდვა იმერეთში ძველებურად ნებადართული ყოფილიყო. სოლომონმა ეს მოთხოვნა არ შეასრულა და ტყვის სყიდვა საერო და საეკლესიო სასჯელით სასტიკად აკრძალა.

მაშინ ოსმალეთის ხორთქარმა სოლომონის დასჯა ბრძანა. ლევან აბაშიძესა და როსტომ ერისთავს თავისი დრო დაუდგათ. აბაშიძე ახალციხეს გაჩნდა და მტერს სოლომონისა და მის მომხრეთა წინააღმდეგ იმერეთზე შემოუძღვა. მეფეს დადიანისა და გურიელის ჯარები მოეშველნენ.

დეკემბერში 1757 წელს ოსმალთა დიდი ჯარი იმერეთში შემოვიდა. ქვეყნის შოღალატეები თავისი რაზმებით მტერს მიუვიდნენ. ახალგაზრდა სოლომონი შესანიშნავი სარდალი და ყოვლად უშიში მეთმარი აღმოჩნდა. მან ადვილად შეიტყუა თავის სიმრავლით დაიძულებული ოსმალები მოხერხებულ ადგილში, ოკრიბაში, ხრესილის მინდორზე, და ისე გაბედულად დაესხა მტერს თავს, რომ სულ ერთიანად მოშალა იგი. ოსმალთა სარდლები დაატყვევეს, ან დახოცეს.

მათი ჯარის დიდი ნაწილი გაწყდა. მრავალიც ტყვედ იგდეს ხელში. ამ ომში მოკლულ იქნა ლევან აბაშიძე, ხოლო როსტომ რაჭის ერისთავმა და ოსმალთა ჯარის მცირე ნაშთმა თავს გაქცევით უშველეს.

მეფემ აბაშიძის სათავადო საბოლოოდ დაიმორჩილა, ამ სათავადოდან თვითონ ლევან აბაშიძის წილი სამეფო საკუთრებად გამოაცხადა, სხვა აბაშიძეები კი ფიცით შემოიმტკიცა და სააბაშიოს ნაწილი მათ წყალობად მისცა. ასევე ჩამოართვა მეფემ ყმა-მამული სხვა დამნაშავე ფეოდალებსაც. როსტომ ერისთავი ამ ჯერობაზე დაუსჯელი გადარჩა: ფეოდალებმა შემოარიგეს სოლომონს ეს ძლიერი თავადი, რომელმაც მეფეს ერთგულება შეჰფიცა.

ამრიგად, ხრესილის ომის შედეგად მეფე შესამჩნევად გაძლიერდა, მისი ავტორიტეტიც დიდად გაიზარდა.

1758 წელს იმერეთისა და ქართლ-კახეთის მეფეებმა ერთმანეთთან სამხედრო კავშირი დადეს: „რომელსაც ქვეყანაში მტერი შემოვიდესო, ერთმანეთს მივეშველნეთ“. ეს კავშირი ერეკლესა და სოლომონს შორის 1779 წლამდე არ დარღვეულა.

ოსმალეთს ხრესილთან დამარცხება ვერ მოენელებინა და იმერეთის მეფის დამორჩილებას დაჟინებით ცდილობდა. 1758 წელს სოლომონ მეფისა და ოსმალთა ჯარებს შორის ომი ორჯერ მოხდა. პირველად ოსმალებმა გაიმარჯვეს, მეორედ

კი ისინი სასტიკად დამარცხდნენ. სოლომონ მეფის სახელი და გავლენა ამით დასავლეთ საქართველოში კიდევ უფრო გაიზარდა.

მეფემ ისარგებლა ამ გამარჯვებით და სამეფო ხელისუფლების გაძლიერებისა და იმერეთის გაერთიანების ვზით ახალი ნაბიჯები გადადგა. 1759 წელს, დეკემბერში, სოლომონმა დასავლეთ საქართველოს საეკლესიო და საერო ფეოდალების საგანგებო კრება მოიწვია. ეს კრება მთელი თვე გაგრძელდა და მან განსაკუთრებით მნიშვნელოვანი გადაწყვეტილებები მიიღო. მსჯელობის საგანი მთელი დასავლეთ საქართველოს საერთო საკითხები იყო.

ამ კრების განსაკუთრებით მნიშვნელოვანი დადგენილება იყო ტყვის სყიდვის აკრძალვა დასავლეთ საქართველოში.

1759 წლის კრებაზე სოლომონ მეფე მთელი დასავლეთ საქართველოს საერთო საქმეებში ხელმწიფედ გამოდიოდა, ხოლო მთავრები (დადიანი, გურიელი) და თავადები მისი „მორჩილი და ბრძანების აღმასრულებელი“ იყვნენ. ეს მოვლენა სოლომონ მეფისა და იმდროინდელი ქართველი საზოგადოების მოწინავე ნაწილის დიდი გამარჯვება იყო.

მთავრები და, კიდევ უფრო, იმერეთის თავადები, ვასაგებია, შიშნარევი ეჭვით უცქეროდნენ მეფის ასეთ გაძლიერებას. განსაკუთრებით მოუსვენრად იყო როსტომ რაჭის ერისთავი. მას ამის საბუთიც ჰქონდა. აბაშიძის სახლის დამდაბლების შემდეგ ჯერი ერისთავზე იყო მიმდგარი. ამის პირველი ნიშანი ის იყო, რომ ერისთავის წინააღმდეგ რაჭაში მეფემ ერისთავის მოქიშპე წულუკიძეები დაიახლოვა. ამავე დროს დამდაბლებულ აბაშიძეთა ადგილზე სოლომონმა წერეთლის სახლი წამოსწია.

1763—1768 წლებში იმერეთის ხალხი სოლომონ მეფის მეთაურობით გმირულად ებრძოდა ოსმალთ დამპყრობლებს და მათს დამხმარე თავადებს. სოლომონმა არაერთგზის დამარცხა ოსმალთა რაზმები, არაერთი ორგული თავადი დასაჯა. შეუდრეკელი ბრძოლით იმერეთის ხალხმა აიძულა ოსმალეთი ხელი აედო ქვეყნის საბოლოოდ დაპყრობის განზრახვაზე. მტერმა მეფესთან საზავო მოლაპარაკება დაიწყო. სოლომონმა კარგად იცოდა მტრის ვერაგობა და მასთან ზა-



ვის სიმტკიცე არა სწამდა. მეფე შემდგომში ბრძოლისათვის ემზადებოდა და ძლიერ მოკავშირეს ეძებდა.

იმერეთში კარგად იცოდნენ რუსეთ-ოსმალეთის ძველი-დანვე მტრობის ამბავი და სოლომონ მეფეც თავის გეგმას ამბზე აგებდა. 23 ივნისს 1768 წელს სოლომონმა საგანგებო ელჩი მაქსიმე ქუთათელი, გაგზავნა რუსეთს. სოლომონი რუსთ ხელმწიფეს მფარველობას სთხოვდა, სამაგიეროდ რუსეთ-ოსმალეთის ომის დროს დახმარებას აღუთქვამდა.

## § 85. მორიგი ჯარი

საქართველოში აქამდისაც კარგად იცოდნენ, ხოლო 1769—1771 წლებში რუსთა ჯარის გაცნობით კიდევ უფრო დარწმუნდნენ ფეოდალური ლაშქრის ჩამორჩენილობაში და „რეგულის“, ესე იგი, მოსახლეობიდან გაწვეული, მუღმივი ჯარის უპირატესობაში. მაგრამ ქართველი მოღვაწეები იმასაც კარგად ხედავდნენ, რომ იმ დროის საქართველოში ასეთი ჯარის მოწყობა შეუძლებელი იყო, არც მეფეს გააჩნდა ასეთი ლაშქრის იარაღ-სანოვაგითა და ტანისამოსით მომარაგების საშუალება და არც თავადები მისცემდნენ მეფეს თავის ყმებს ამ ლაშქრისათვის.

1773 წლის მიწურულში ერეკლემ დარბაზის სხდომა მოიწვია. მსჯელობა შეეხებოდა ისეთი ჯარის შექმნას, რომელიც ლეკთა თავდასხმებს საბოლოოდ მოსპობდა და ქართველ გლეხკაცობას მშვიდობიანი შრომის საშუალებას მისცემდა. დარბაზმა შეიმუშავა „მორიგის ლაშქრობის განაჩენი“, რომელიც მან „ყველასაგან უკეთესად და უმჯობესად გამოარჩია“, როგორც თვით ამ განაჩენშია ნათქვამი.

მორიგე ლაშქრის რაობა შემდეგი იყო: ქართლ-კახეთის მამაკაცი მოსახლეობა აღწერილ იქნა. ყველა ლაშქრობის შემძლე მამაკაცი მოვალე იყო წელიწადში ერთი თვით ლაშქარში გასულიყო. ლაშქარში მორიგე თავისი ხარჯით მიდიოდა. ამისათვის მეფემ ქართლ-კახეთის მთელი გლეხობა სურსათის გადასახადისაგან („სურსათი“ ეწოდებოდა ყოველწლიურს სახელმწიფო გადასახადს ხორბლეულით) გაათავისუფლა.

იარაღიც საკუთარი უნდა ჰქონოდა. მორიგე ლაშქარში ხალხის უკლებლად გამოცხადებისათვის სოფლის მებატონე და მოხელე იყვნენ პასუხისმგებელი. ბატონო მოვალე იყო მორიგედ მიმავალი გლეხი მოემარაგებინა, როცა უკანასკნელს საკუთარი საშუალება არ გააჩნდა. მორიგე ლაშქარი ცალკე ერთეულებად იყოფოდა და თითოეულს მეფის მიერ დანიშნული მეთაური უფროსობდა. პირველ ხანებში მორიგეში თვიურად ხუთი ათასი მეომარი გამოდიოდა.

მორიგე ლაშქრის მიზანშეწონილობა, მისი დიდი სარგებლიანობა ჩქარა აშკარა შეიქნა. ლეკების თავდასხმები სავსებით შეწყდა, ქვეყანა ნორმალურ ცხოვრებას დაუბრუნდა, მიტოვებული სოფლები ისევ მოშენდა, გლეხებმა ციხე-გალავნები დასტოვეს, მინდვრად გავიდნენ და მშვიდობიან სოფლისმეურნეობას შეუდგნენ. მორიგე ლაშქრის მთავარი ხელმძღვანელი ერეკლეს ვაჟი ლევან ბატონიშვილი იყო. ამ ახალი ლაშქრის ასეთი სარგებლიანობის მიუხედავად თავადებმა მას შეურიგებელი ბრძოლა გამოუცხადეს: მორიგე ჯარს მეფის ხელისუფლებას აძლიერებდა, ეს კნ თავადებისათვის არ იყო სასურველი.

მორიგე ლაშქარი ბრძანებით არასოდეს გაუუქმებიათ, მაგრამ თავადებმა მოახერხეს მისი თანდათანო შესუსტება და ბოლოს სავსებით გაქრობა. უდიდესი ზიანი მოუვიდა მორიგე ლაშქარს მისი ხელმძღვანელის, ლევან ბატონიშვილის, მოულოდნელი სიკვდილით (1781 წ.). სხვა ბატონიშვილები აგრე რიგად არ ზრუნავდნენ მორიგე ჯარზე და მალე ეს საქმე ანგარი მოხელეების ხელში მათი საკუთარი შემოსავლის წყაროდ იქცა. ქრთამით ესა თუ ის თავადი სულ უფრო და უფრო ადვილად ახერხებდა თავისი ყმებით მორიგეში გასვლისაგან თავის დაღწევას. მორიგეთა რიცხვმა თანდათან იკლო და ბოლოს სულ გაქრა.

მორიგე ჯარის გაუქმება იყო თავადების გამარჯვება და ერეკლე მეფის პოლიტიკის უდიდესი მარცხი.

§ 86. რუსეთ-საქართველოს ურთიერთობა.  
საქართველოს თავგადასავალი 18 საუკუნის  
უკანასკნელ ათეულ წლებში

1768—1774 წლებში რუსეთსა და ოსმალეთს შორის ომი წარმოებდა. 1769 წელს რუსთა ჯარი გენერალ ტოტლებენის სარდლობით საქართველოში შემოვიდა ქართველთა ჯარებთან ერთად ოსმალეთის წინააღმდეგ სამოქმედოდ. მაგრამ ტოტლებენმა აშკარად მეფეების (ერეკლესა და სოლომონის) წინააღმდეგ კურსი აიღო და რეაქციონერ თავადებს უკავშირდებოდა და უფრო სწყალობდა, განსაკუთრებით გამწვავდა ურთიერთობა ერეკლესა და ტოტლებენს შორის ა ს პ ი ნ ძ ი ს ო მ ი ს შემდეგ (1770 წ. მარტი), როდესაც ერეკლესა და ტოტლებენის ჯარებმა აწყურის ციხეს ალყა შემოარტყეს, მაგრამ ტოტლებენი რუსთა ჯარით უეცრად უკან გაბრუნდა. ერეკლე ა ს პ ი ნ ძ ი ს ა კ ე ნ გ ა ე მ ა რ თ ა, სადაც შეეტაკა ოსმალთა და ლეკთა რაზმებს. ერეკლემ ამ ბრძოლაში ბრწყინვალედ გაიმარჯვა, მაგრამ ამ გამარჯვების შედეგებით მთლიანად ვერ ისარგებლა ტოტლებენის უკანდახევის გამო და თვითაც სასწრაფოდ თბილისში დაბრუნდა. ტოტლებენს საერთოდ, ერეკლეს ტახტიდან ჩამოგდება სურდა და შეუდგა ციხე-ქალაქების დაჭერას და ხალხის რუსთ ხელმწიფის ერთგულებაზე დაფიცებას. მაგრამ ერეკლეს ენერგიულმა ჩარევამ იძულებული გახადა ამ საქმეს მოშვებოდა და იმერეთში გადასულიყო. სოლომონის ჯარებთან ერთად რუსთა ჯარმა აქ არაერთხელ გაიმარჯვა თურქებზე და 1770 წლის 6 აგვისტოს ქუთაისის ციხეც წაართვა მათ. მალე ტოტლებენმა ალყა შემოარტყა ფოთს, მაგრამ იგი ვერ აიღო. ამასობაში ადგილობრივ საერთოდ სახელგატეხილი ტოტლებენი რუსეთის სამეფო კარმა საქართველოდან გაიწვია და აქ მის ნაცვლად სხვა სარდალი გამოგზავნა.

ერეკლე მიხვდა, რომ რუსეთთან უფრო მჭიდრო კავშირის გარეშე ქვეყნის აღდგომა-გამოხსნის მიზანს ვერ განახორციელებდა და რუსეთის მთავრობას საქართველოს რუსეთის მფარველობაში შესვლა შესთავაზა. ერთხანს რუსეთი ამაზე თავს იკავებდა ირან-ოსმალეთთან ურთიერთობის ნაადრევად გაუარესების შიშით. ერეკლე ცდილობდა კავშირის დამ-

დნენ საეკლესიო მამულებს, საერო ფეოდალებმა მიითვისეს საკათალიკოსო სოფლები.

ბოლომოუღებელი ურთიერთთავდასხმები სავსებით ანაგებდა მშრომელ მოსახლეობას. მძვინვარებდა გამანადგურებელი ტყვის სყიდვა. ტყვის მსყიდველთა ბრბოებმა მოიცვეს არა მარტო განაპირა ადგილები, არამედ შიგნითა რაიონებიც. ტყვის გამყიდველები ჩვეულებრივად თავადები იყვნენ, მაგრამ ამ ველურ საქმეში თანდათან საზოგადოების სხვა წრის ხალხიც გაერია. მე-17 საუკუნეში, საერთოდ და განსაკუთრებით მის მეორე ნახევარში, ტყვის სყიდვამ დასავლეთ საქართველოში საშიშარი ხასიათი მიიღო.

ქვეყანაში გაუკითხაობა მეფობდა. გლეხი სავსებით ბატონის ანაბარა გახდა და საბატონყმო ურთიერთობა ყოვლად აუტანელი შეიქნა. გამხეცებული ბატონისაგან გლეხი თავს იცავდა, რითაც და როგორც შეეძლო, მაგრამ ჩამორჩენილ ფეოდალურ ქვეყანაში გლეხობა დაურაზმავი და გაურთიანებელი იყო, მისი საერთო გამოსვლა არ ხერხდებოდა. დაქსაქსულად იბრძოდნენ ცალკეული გლეხები, ან ცალკეული მებატონის ყმები, ერთი კატეგორიის გლეხები ან კიდევ ცალკე სოფლები. აუტანელ პირობებში მოქცეულ გლეხობას მეურნეობის ხალისი აღარა ჰქონდა და ქვეყანა უფრო და უფრო ღარიბდებოდა. სიღატაკეს ხშირი შიმშილობა თანსდევდა. შიმშილობას ჭირი მოჰყვებოდა ხოლმე და ყველაფერი ეს ერთად ქვეყანას ავერანებდა.

ბუნებრივია, გლეხობა, ვისაც კი ამის შეძლება ჰქონდა, გარბოდა თავისი საცხოვრებელი ადგილებიდან. გაქცეულები ესახლებოდნენ აღმოსავლეთ საქართველოში, სადაც ამ დროს შედარებით, წესიერება სუფევდა.

მე-17 საუკუნეში, ამ მიზეზით, მოსახლეობის რიცხვი დასავლეთ საქართველოში ერთიორად შემცირდა. თანდათან ძლიერდებოდა უცხოელ დამპყრობელთა გავლენაც იმერეთის სამეფოში. მე-17 საუკუნის 70-იან წლებში იმერელმა თავადებმა ოსმალთა ჯარი ქუთაისის ციხეში შეიყვანეს. ამით გარეშე მტერმა ქვეყნის შუაგულში ფეხი მკვიდრად მოიკიდა.



მე-17 საუკუნის მესამე მეოთხედში კახეთი შესამჩნევად მოშენდა. საგარეო მშვიდობა იყო. მმართველებმა (როსტომი, არჩილი) შეძლეს ლეკთა თავდასხმის ალაგმვა და ქვეყნის შიგნითაც შედარებით წესიერების დაცვა. ეს პირობა კი საკმაოდ აღმოჩნდა, რომ სიზან-ბოგანო გლეხები საქართველოს თუ სომხეთის სხვადასხვა კუთხიდან მრავლად მისულიყვნენ ამ ბუნებით მდიდარ მხარეში.

1677 წლიდან ამ საუკუნის დასასრულამდე ირანის შაჰი კახეთს სამმართველოდ ან განჯის ბეგლარ-ბეგებს ან ცალკე ხანებს აძლევდა. შაჰის ეს ყიზილბაში მოხელეები მტრულად უცქეროდნენ კახეთში ქართველთა კვლავ მომრავლებას და ამ ქვეყნის თურქმანებით დასახლების ცდებს განაგრძობდნენ.

ხანების ასეთი პოლიტიკის შედეგი იყო რომ მათ საკმაოდ დასაყრდენი ვერ გაიჩინეს კახეთის მოსახლეობის ვერც ერთ ფენაში, მათი წინააღმდეგი იყვნენ ფეოდალები (თავადები, ეკლესია) და სოფლის მშრომელი მოსახლეობა — გლეხკაცობა, თავისუფალი მთიელები. ამიტომაც ხანები უმთავრესად ყიზილბაშთა სამხედრო ძალასა და მოახალშენე თურქმანებს ემყარებოდნენ. შაჰის ეს მოხელეები მეზობელ ლეკებშიაც თავის მოკავშირეს ხედავდნენ. ისინი აშკარად ხელს უწყობდნენ ლეკთა მოსახლეობის გაძლიერებას კახეთის აღმოსავლეთ ნაწილში — ჭარში — და არც ლეკთა იმ რაზმების წინააღმდეგ იბრძოდნენ, რომელნიც კახეთის სოფლების სარბევად განუწყვეტილად მოდიოდნენ. ჭარში ლეკები ჯერ კიდევ მე-16 საუკუნეში გაჩნდნენ. აქ ისინი კახთა მეფეების ნებართვით მათ ყმებად სხდებოდნენ. მე-17 საუკუნიდან, შაჰ-აბასის მიერ კახეთის აოხრების შემდეგ, ლეკების ჭარში ჩამოსვლა განსაკუთრებით გაძლიერდა. აქ ამოწყვეტილი ან ირანში გადარევილი კახური მოსახლეობის ადგილს დაღესტნიდან გადმოსახლებულნი იჭერდნენ. ყიზილბაში ხანებისავე მფარველობით ჭარი ჩქარა გაძლიერდა და ახლობელი სოფლების დაპყრობას ხელი მიჰყო. ამავე დროს ჭარი კახეთის მარბიელ ლეკთა სადგურადაც იქცა. მე-17 საუკუნის მანძილზე თანდათან ჩამოყალიბდა ჭარის, ბელაქნისა და თალას „უბატონო თემები“, კიდევ უფრო გაძლიერდა ლეკთა

შემოტევა მე-18 საუკუნის დასაწყისიდან. დაღესტნელები ჭარებლებთან ერთად მუდამდღე არბევდნენ კახეთის სოფლებს.

კახეთის რბევას ლეკებს ზოგიერთი მკვიდრიც უადვილებდა, ისედაც ხდებოდა, რომ კახელ თავადს მოჰყავდა ლეკი მარბიელები თავისი მოქიშპე თავადის წინააღმდეგ. ზოგჯერ კიდევ მებატონეების მძარცველობით თავმოებზრებული გლეხებიც მიდიოდნენ ლეკებთან და მებატონის ავლადიდებას არბევინებდნენ მათ. კახეთის გაღმა მხარში ფენის მოკიდების მიზნით ჭარელები კახელ გლეხებს კავშირს სთავაზობდნენ და თავადების წინააღმდეგ მოუწოდებდნენ. კახეთში მეტად მძიმე მდგომარეობა შეიქნა.

საქართველო 18-19 საუკუნეში

§ 78. ვახტანგ მამიაშვილის მოღვაწეობა

18-19 საუკუნის პირველ წლებში ქართლის სამეფო ტახტზე ერეკლე პირველი ვახტანგ მეექვსემ შეცვალა.

ვახტანგის მოღვაწეობა მრავალფეროვანი და მეტად შინაარსიანი იყო. ქართლის საზოგადოებრივი თუ სახელმწიფოებრივი ცხოვრების არც ერთი მხარე არ დარჩენილა, რომელსაც ვახტანგი არ შეეხო.

საქმე ერეკლე პირველის დროს „შემლილი“, ესე იგი, შეცვლილი წესების აღდგენით დაიწყო. უპირველეს ყოვლისა ერეკლეს მომხრენი გადააყენეს. ერეკლეს მიერ დასჯილ თავადებს „უბრალოდ წართმეული“ ყმა მამულები უკან დაუბრუნეს.

შემდგომი დონისძიება დარღვეული საეკლესიო სამართლის აღდგენა იყო. ვახტანგის თაოსნობით მოწვეულ იქნა საეკლესიო კრება, რომელმაც გადააყენა ერეკლეს მიერ დასმული კათალიკოსი და მცხეთის კათალიკოსად ვახტანგის ძმა დომენტი აირჩია. დომენტის სახით ვახტანგმა ქართლის ეკლესიაში ერთგული მომხრე გაიჩინა. ამას მალე მცხეთის ეკლესიის შემამულებობის აღდგენა მოჰყვა. თავადებს საეკლესიო ყმა მამული ბლომად ჰქონდათ მიტაცებული. 1707 წელს დომენტი კათალიკოსმა შაჰის ბრძანებით თავადებს მინატაცები უკან დააბრუნებინა.

1707 წელს შაჰმა ნება დართო ვახტანგსა და ქართლის თავადებს უკან მოეყვანათ ერეკლეს დროს ქართლიდან კახეთს გახიზნული ყმები. არც კახეთის მმართველსა და არც კახ ფეოდალებს გაქცეულ გლეხთა დაბრუნება არ სურდათ. კიდევ უფრო ნაკლებ ეხალისებოდათ თვით გლეხებს თავის

ძველ გულქვა მებატონეებთან დაბრუნება. საჭირო გახდა შაჰის მხრით საგანგებო ღონისძიება, რომ კახი თავადები ქართლელ ხიზნებს შეელოდნენ. შეიქნა „მყრელობა“, როგორც მაშინ ამბობდნენ. ვახტანგის მოხელეები და ქართლის ფეოდალები მოედვნენ კახეთს თავისი გლეხების ასაყრელად. მიუხედავად ამისა, ყველა გლეხის დაბრუნება შეუძლებელი შეიქნა. ხიზნები სარგებლობდნენ იმით, რომ თითოეული მებატონე ცალკე დაეძებდა თავის გლეხებს და თავს იცავდნენ: სუსტ მებატონეებს არ ნებდებოდნენ და იარაღით ხელში უშკლავდებოდნენ, ძლიერებს გაურბოდნენ, ემალებოდნენ. გაქცეულებს კახელი გლეხები და მთიელები იფარებდნენ.

ამავე ხანებში ვახტანგის კარზე საკანონმდებლო მუშაობა იყო განაღებული.

ვიდრე საკუთარ სამართლის წიგნს გააჩნდა, ვახტანგმა შეაგროვა ძველი ქართული თუ უცხოური (ებრაული, ბერძნული, სომხური) სამართლის წიგნები და ერთ კრებულად შეკრა ისინი. ამ კრებულს შემდეგ მან საკუთარი „სჯულიც“ დაურთო.

თავისი სამართლის წიგნი ვახტანგმა დარბაისელთა (ესე იგი საერო და საეკლესიო მაღალი ფეოდალების) უშუალო მონაწილეობით შეადგინა. რა თქმა უნდა, ეს კანონმდებლობა უპირველეს ყოვლისა ქვეყნის ამ საზოგადოებრივი კლასის ინტერესებს ემსახურებოდა.

კანონთა წიგნი ვახტანგმა ქართლისათვის შეადგინა, მაგრამ ის ბუნებრივად გავრცელდა და ჩქარა მთელს ფეოდალურ საქართველოში მოქმედ სამართლის წიგნად იქცა.

ვახტანგის მოღვაწეობის ამავე ხანას ეკუთვნის მისი მეორე საკანონმდებლო ძეგლი — დასტურლამალი. დასტურლამალი სახელმწიფოს ძირითადი კანონის მაგიერი რამ იყო საშუალო საუკუნეებში.

ამრიგად, ამიერიდან სახელმწიფო და კერძო წერილობითი სამართალი კვლავ მტკიცედ მოწესრიგდა.

ქართლი ვახტანგის დროს ეკონომიკურად კიდევ უფრო დაწინაურდა. თვით ვახტანგი ამ მხრით ენერგიულად მუშაობდა. მან ხელახლა დაასახლა გლეხები დიდი ხნის წინ დაცლილ სოფლებსა და მთელ მხარეებში, აავო სასახლეები, ქარვასლები. ვახტანგი ზრუნავდა გზებისა და ხიდების მოვ-



ლა-შენახვაზე, სახელმწიფო შემოსავლის მოწესრიგებაზე, ფულის მოჭრის საქმის გაუმჯობესებაზე. ვახტანგმა განაახლა დიდი ხნის წინ მოშლილი სარწყავი არხები.

ძველი არხების ეს განახლება დიდმნიშვნელოვანი საქმე იყო. გამოვლილ ჯამთასიავეში შეფერხებული სამეურნეო ცხოვრება კვლავ ადგილს უთმობდა უფრო მაღალსა და შემოსავლიან მეურნეობას, ველსა და ტყეს — ბაღ-ვენახი, ხოლო მომთაბარე ურდოს კვლავ სოფელი და ქალაქი სცვლიდა.

სარწყავად ქვეულს მდიდარ ჭალებში ვახტანგს ბლომად მოჰყავდა ბამბა და თუთისხეს აშენებდა. მეაბრეშუმეობასა და ბამბის კულტურაზე ნაკლებ ყურადღებას არ აქცევდა ის მეურნეობის სხვა დარგებსაც: მევენახეობას, მემინდვრეობას (ხორბლეულის კულტურას), მესაქონლეობას.

მე-17 საუკუნის დამლევსა და მე-18 საუკუნის დამდეგს ასეთი ცხოველი სამეურნეო საქმიანობა მხოლოდ მეფის სახლს არ ანახაითებდა. ეს სამეურნეო აღმავლობა მთელ ქართლს დაეტყო.

ქართლის სამეურნეო ცხოვრების გაცხოველების შესაბამისად თბილისი მნიშვნელოვანი სავაჭრო-სახელოსნო ცენტრი გახდა. ამ დროს ქალაქში ოცი ათასზე მეტი მცხოვრები ითვლებოდა. ვაჭარ-ხელოსნები მრავალ „რიგად“ იყოფოდნენ. თითოეული „რიგი“ ერთ რაიმე საქმიანობას ეწეოდა. აქ აკეთებდნენ სამხედრო იარაღს, თოფის წამალს, ოქროსა და ვერცხლის სამკაულებს, მუსიკალურ საკრავებს, ჭურჭლეულს; ამზადებდნენ ბამბის ქსოვილებს, სამოსელს, ცხენაქლეშის მოკაზმულობას. ვაჭრობდნენ პურს, ბამბას, აბრეშუმს, ბეწვეულს, ფარჩა-მაუდს, ღვინოს, მატყელს, ყოველგვარ წვრილმანსა და სანოვაგეს. კახური და ქართლური ღვინო თბილისიდან უცხოეთში ბლომად გაჰქონდათ. ირანსა და ოსმალეთს მიდიოდა თბილისიდან აგრეთვე ბეწვეული. ქართლ-კახეთიდან ოსმალეთისაკენ გაჰქონდათ აბრეშუმის და ენდრო დიდი რაოდენობით. ენდრო ქართლიდან ამ დროს ინდოეთშიაც მიჰქონდათ.

შემოქონდათ თბილისში უმთავრესად მზა საქონელი ირანიდან, ოსმალეთიდან. ამ ქვეყნებზე გამოვლით შემოდიოდა ევროპული საქონელიც, რომელსაც მაშინ „ფრანგული“ ეწო-

დებოდა. თბილისში ამ დროს გარედან სანოვაგეც შემოდოდა. თევზი და ხიზილალა — შარვანის სახანოდან, თევზი და მარილი — ერევნის სახანოდან, ზეთუნის ზეთი — ოსმალეთიდან და სხვა.

ერთი სიტყვით, როგორც მოსახლეობის რაოდენობის მხრით, აგრეთვე სოფლის მეურნეობის, ხელოსნობისა და ვაჭრობის მხრით ქართლი მე-18 საუკუნის პირველ ოცეულში საქართველოს ყველა სხვა ნაწილს დიდად წინ უსწრებდა.

ამ სამეურნეო წინსვლის შესაბამისი იყო ცხოველი საქმიანობა კულტურის დარგში. ვახტანგი ამ საქმეში მარტო არ იყო, მას მხარს უჭერდა კულტურულ მოღვაწეთა მთელი დასი.

კულტურის დარგში ვახტანგის მოღვაწეობიდან განსაკუთრებით აღსანიშნავია სტამბის დაარსება. 1709 წელს თბილისში პირველად მოეწყო სტამბა. ეს მეტად დიდი კულტურული საქმე იყო. მანამდე წიგნი მხოლოდ ხელნაწერად ვრცელდებოდა. ასე დამზადებული წიგნი ცოტა იყო და ძვირიც ღირდა. სტამბა წიგნს ადვილად ამრავლებდა და ფართო საზოგადოებისათვის ხელმისაწვდომს ხდიდა. ვახტანგის სტამბაში საეკლესიო წიგნების გვერდით მალე საერო ხასიათის წიგნების ბეჭდვაც დაიწყო. ბეჭდავდნენ „ვეფხისტყაოსანს“, სასწავლო სახელმძღვანელოებს, სამეცნიერო თხზულებებს.

ვახტანგმა დიდი ამაგი დასდო საქართველოს ისტორიის დამუშავებასაც. ამ მიზნით ვახტანგმა შეადგინა „სწავლულ კაცთა“ კომისია ბერი ეგნატაშვილის ხელმძღვანელობით. კომისიამ თავისი დროისათვის ღირსეულად შეასრულა ეს რთული საქმე, — შეადგინა საქართველოს ისტორია მე-14 საუკუნიდან მე-18 საუკუნემდე.

ვახტანგის სკოლაში მიიღო აღზრდა და ამავე ხანაში დაიწყო მოღვაწეობა ქართული საისტორიო მწერლობის დიდმა წარმომადგენელმა, ვახუშტი ბატონიშვილმა, რომელიც ვახტანგის შვილი იყო.

ქართველ მეცნიერთა ამ დასს ეკუთვნოდა და სამართლიანად მის სიამაყეს წარმოადგენდა ვახტანგის აღმზრდელი სულხან-საბა ორბელიანი — დიდი მეცნიერი ლექსიკოგრაფი,

სახელგანთქმული იგავების მწერალი, მეცნიერი რედაქტორი, პოეტი და სახელმწიფო მოღვაწე. საბა-სულხანის მიერ შედგენილი ქართული ენის ლექსიკონი დღესაც ჩვენთვის დიდი საუნჯეა.

თვითონ ვახტანგიც მთელი ამ სამეცნიერო-სალიტერატურო მუშაობის მართლ პრაქტიკული და იდეური ორგანიზატორი კი არ იყო, არამედ გვერდში ედგა ამ მოღვაწეებს, როგორც ლიტერატორ-რედაქტორი, ისტორიკოსი, პოეტი და მთარგმნელი. ვახტანგის წრის ღირსეული თანამშრომლები იყვნენ აგრეთვე მთელი გუნდი სხვა მეცნიერ-მწიგნობრები და პოეტები.

ვახტანგის ხანის უმცროს თაობას ეკუთვნის დავით გურამიშვილი (დაიბადა (1705 წელს), ფეოდალური ხანის ერთი უდიდესი პოეტთაგანი.

დავითი ჯერ კიდევ ახალგაზრდა იყო, როცა ქართლ-კახეთს მძიმე დღეები გაუთენა ახლო აღმოსავლეთის პოლიტიკურ ასპარეზზე სამი დიდი მეტოქის — რუსეთის, ირანისა და ოსმალეთის ურთიერთშორის დატაკებამ. დავითი მოწმე იყო სამშობლო ქვეყნის ოსმალთა მიერ აღხრებისა. თავისი ქვეყნის ეს უბედობა მან პირადადაც მწარედ იგემა. პოეტი ლეკმა აბრაგებმა დაატყვევეს და დადესტანს წაიყვანეს. დავიცი ტყვეობიდან გაიქცა და რუსეთს გადავიდა, სადაც ის სამშობლოდან გადახვეწილ ქართველებს შეუერთდა და მათი ბედი გაიზიარა. უცხოობაში დარჩენილმა პოეტმა, მსურვალე პატრიოტმა დავით გურამიშვილმა მუქი ფერებით დახატა მისი დროის საქართველოს თავს დატეხილი პოლიტიკური უბედურება და სწორად და პირუთვნელად აღნიშნა ამ უბედურების უმთავრესი მიზეზები.

განსაკუთრებით მოსახსენებელია არჩილის მოღვაწეობა, რომელიც წინ უსწრებდა „ვახტანგის სკოლას“.

არჩილის პოეზია იდეურობის ნიმუშია. დამპყრობელთა წინააღმდეგ შეუდრეკელი მებრძოლი ირან-ოსმალეთის წამლევკავ ვავლენასაც ებრძოდა. არჩილის პოეზია სამშობლოს სიყვარულისა და მისთვის თავდადებული ბრძოლისაკენ მოწოდებაა. არჩილი აკვირდება საქართველოს მარცხის მიზეზს და სამართლიანად ხედავს მას ქვეყნის საზოგადოებრივსა და სახელმწიფოებრივ ვითარებაში. არჩილი პირველი მწერა-

ღია საქართველოში, რომელმაც საზოგადოებრივი საკითხები წამოაყენა ქართულ პოეზიაში „ზოგთ ვაქებ და ზოგთ ვაძაგებ“, — აცხადებს პოეტი და მართლაც დაურიღებლად ამხელს აღვირახსნილ თავადებს, უგუნურ მეფეებს. არჩილმა პირველმა სთქვა: „თუ ამოსწყდეს გლეხი-კაცი, საქართველო დაძაბუნდა“. არჩილი კარგად ხედავდა, რომ გლეხთა ამოსწყვეტის მიზეზი ფეოდალების ძალადობა იყო. არჩილი ფეოდალებს ღმობიერება-წესიერებისაკენ მოუწოდებდა. ასეთ განწყობილებამდე არჩილი გლეხთა ინტერესს არ მოუყვანია, არჩილი ფეოდალი (მეფე) პოეტი იყო. გლეხთა გამოსარჩლებამდე იგი ფეოდალური საქართველოს დაცვის ინტერესმა მიიყვანა. ამიტომაცაა რომ ის გლეხებს ბრძოლისაკენ კი არ მოუწოდებს, არამედ ფეოდალების მიმართ გამოთქმული საყვედურითა და რჩევით კმაყოფილდება. იმ დროის მწერლობაში ესეც დიდი ამბავი იყო.

თავის სახელმწიფო მოღვაწეობაში ვახტანგი მიზნად ისახავდა მეფის ხელისუფლების გაძლიერებას. ამ ნიადაგზე ჩქარა დაიბადა უკმაყოფილება. თავადები ვერ ითმენდნენ იმ მცირე შეზღუდვასაც კი, რომელსაც მათ ახალი წესები უქმნიდა, და მტრული უნდობლობით უყურებდნენ მეფის გაძლიერებას. დიდ თავადებს განსაკუთრებით აფიქრებდა, რომ ვახტანგმა „მცველთა ჯარი“ გაიჩინა. მცველთა ჯარი ჯამაგირზე იყო და ვახტანგის ერთგული თავადიშვილებისა, აზნაურიშვილებისა და მსახურებისაგან შედგებოდა. ეს ჯარი მეთოფეთა სამ გუნდად იყოფოდა, თითო გუნდს უზბაში (ასისთავი) სარდლობდა, ყველას ერთად — მეფის ყულარაღასი. მცველთა ჯარს მხოლოდ საშინაო დანიშნულება ჰქონდა და განუყრელად ახლდა ვახტანგს.

ვახტანგის უკმაყოფილო მხოლოდ ზოგიერთი თავადი როდი იყო. ის არც ქართლის ყიზილბაშ მეციხოვნეებს მოსწონდათ. ვახტანგმა სასტიკად აკრძალა ქართლში ტყვის სყიდვა, რომელიც ერეკლე პირველის დროიდან ყიზილბაში მეციხოვნეების დიდი შემოსავლის წყაროდ ქცეულიყო.

მე-17 საუკუნის მთორე ნახევრიდან ქართლში კვლავ გაცოცხლდა ძველი მიდრეკილება დასავლეთ საქართველოს სამეფო-სამთავროთა საქმეებში ჩარევისა და მუდმივი ზეგავლენისადმი. ქართლის სამეფო კარი დაჟინებით ცდილობდა

საქართველოს ფეოდალურ ძალთა შეკავშირებას, საქართველოს სამეფოს – სამთავროების მეთაურობას.

ვახტანგი ირანს გაემგზავრა, მას შაჰისაგან ქართლის მეფობა უნდა მიეღო. ამოქმედდნენ ვახტანგის მტრებიც: ზოგიერთი თავადი ქსნისა და არაგვის ერისთავების მეთაურობით, ტყვეთ მოვაჭრე გადაგვარებული ფეოდალები, ყველა მტაცებელი და ყიზილბაში მეციხოვნეები. შაჰმა ვახტანგს გამაჰმადიანება მოსთხოვა, მაგრამ ვახტანგი უარზე დადგა. მაშინ შაჰმა ქართლის მეფედ მაჰმადიანი იესე, ვახტანგის ძმა, დანიშნა, ხოლო ვახტანგი ირანს დარჩა ნახევრად პატიმარი (1714 წ.).

ქართლის ფეოდალების მოწინავე ნაწილი ვახტანგს ემხარებოდა და მის დახსნას ცდილობდა. ჯერ კიდევ 1713 წელს ამ მიზნით ევროპაში გაემგზავრა მეცნიერი ბერი საბა-სულხან ორბელიანი.

საბა ორბელიანი ეწვია რომის პაპს, შემდეგ საფრანგეთის მეფეს ლუი მეოთხემეტეს და 20 ათასი თუმანი სთხოვა მას. ამ ფულით, იმედი ჰქონდათ, ყაენის კარს მოქრთამავდნენ და ვახტანგს ქრისტიანობათ ქართლის მეფობას აშოვნინებდნენ, ქართველი დიპლომატი ევროპაში დიდი პატივით მიიღეს, მაგრამ ხელცარიელი გამოისტუმრეს. ამ გარემოებამ მწარედ გაუცრუა ქართველ პოლიტიკოსებს დასავლეთ ევროპის იმედები.

ახლა ვახტანგის მომხრეებმა ისევ ნაცად გზას მიმართეს და დაჟინებით ურჩევდნენ ვახტანგს მაჰმადიანობის მიღებას. ამასობაში იესე სასტიკად ავიწროვებდა ქართლში ვახტანგის მომხრეებს.

1716 წელს ვახტანგმა დასთმო, მიიღო მაჰმადიანობა და შაჰმაც მისცა მას ქართლი. მაინც 1719 წლამდე ვახტანგი ირანს დარჩა ყაენის სამსახურში, ქართლს კი მისი ძე ბაქარი მართავდა. 1719 წელს ვახტანგი დაბრუნდა სამშობლოში და თავისი უბედურად შეწყვეტილი სასარგებლო სახელმწიფო მოღვაწეობა განაახლა.

## § 79. ვახტანგ მემკვიდრისა და პეტრე პირველის ურიიეროობა



მე-18 საუკუნის მეორე ოცეულში ძველი ამბავი დატრიალდა ერთხელ კიდევ: ოსმალეთი, რუსეთი და ირანი კვლავ ერთმანეთს წაეკიდნენ ახლო აღმოსავლეთში. თითოეული მათგანის როლი და მნიშვნელობა ახლა სულ სხვა იყო, ვიდრე ასი წლის წინ. შედეგებიც მათთვის ახლა სხვა მოჰყვა ამ ჭიდილს, უცვლელი მხოლოდ ერთი რამ დარჩა: მთელი ბრძოლა ახლაც უმთავრესად ამიერკავკასიაში გათამაშდა და აქაური ხალხებისათვის ისეთივე მძიმე შედეგებით, როგორც იყო შაჰ-აბასის დროინდელი სისხლიანი კატასტროფა.

ირანში უნებური ყოფნისას ვახტანგი საბოლოოდ დარწმუნდა ამ სახელმწიფოს უიმედო სისუსტეში. ქართლის მეფე ხედავდა, რომ საქართველოს განთავისუფლების ჟამი მოახლოვებულიყო. ვახტანგი ფრთხილად ემზადებოდა, მომხრე-მოკავშირეებს ეძებდა და საქმის დაწყებას აპირებდა. მაგრამ ირანის დასუსტებას ამჩნევდნენ მეზობელი დიდი სახელმწიფოებიც, ოსმალეთი და რუსეთი, რომელნიც მოსალოდნელი მემკვიდრეობის გასაყოფად ემზადებოდნენ და ეჭვის თვალთ ერთი მეორეს მტრულად ზვერავენ.

რუსეთიცა და ოსმალეთიც ირანის მიერ დაპყრობილ ხალხებში მომხრეებს ეძებდნენ. ოსმალეთმა კავკასიაში შარვან-დაღესტნის „მფარველობა“ დაიწემა. პეტრე პირველმა კი ჯერ კიდევ 1720 წელს გააბა კავკასიის ქრისტიან ხალხებთან დიპლომატიური მოლაპარაკება. რუსეთის მეფე ქართლის მეფეს თავის მხარეზე მოუწოდებდა და „ურწმუნოთა“ მონობისაგან განთავისუფლების იმედს აძლევდა.

ვახტანგ მეფეს სინამდვილედ ესახებოდა საოცნებო მდგომარეობა, როცა დიდი სახელმწიფოს დახმარებით ირანის მონობისაგან განთავისუფლებული საქართველო ოსმალთა მიერ ძალით ჩამოგლეჯილ სამცხე-საათაბაგოს უკან დაიბრუნებდა.

15 ივნისს 1722 წელს პეტრე პირველმა ირანს ლაშქრობის შესახებ მანიფესტი გამოაქვეყნა.

როგორც კი პეტრე თერგიდან დარუბანდისაკენ წამოვიდა, ვახტანგ მეფე ქართლის ჯარით განჯას ჩავიდა და შარვანს

ხელმწიფის მოვლას ელოდა. პაემნის თანახმად რუსთა და ქართველთა ჯარები ერთიმეორეს იქ უნდა შეერთდნენ.

ვახტანგი სამ თვეს იდგა განჯაში. ბოლოს, ნოემბერში, ვახტანგს მოუვიდა რუსეთის მეფის ელჩი, რომელმაც პეტრეს ლაშქრობის მოშლა და მისი მომავალი წლისათვის გადადება აცნობა.

მჭმუნვარე ვახტანგი განჯიდან თბილისს დაბრუნდა. ქართლის მეფის საქმე მეტად გართულდა: ირანის შაჰი ვახტანგ მეფეს ორგულობასა და დალატს აბრალებდა; არც ოსმალეთი იყო ვახტანგის მადლიერი, — ხონთქარი ვახტანგს რუსთა მომხრეობას უსაყვედურებდა, თავის მხარეზე მოუწოდებდა, წინააღმდეგ შემთხვევაში დაპყრობით ემუქრებოდა.

ვახტანგი, რუსეთის მეფის აღთქმას მინდობილი, საქართველოს განთავისუფლების იმედს არ ჰკარგავდა. იგი მტრებთან მოლაპარაკებით და მოსაჩვენარი მორჩილებით დროის მოგებას ცდილობდა და მომავალი გაზაფხულისათვის შარვანში პეტრეს გამოსვლას ელოდა.

ქართლის მეფემ ყველა მიმართულებით წააგო, განრისხებულმა შაჰმა „ორგულ ყმას“ ქართლი ჩამოართვა და კახეთის მმართველს კონსტანტინეს გადასცა. მაგრამ კიდევ უფრო მძიმე იყო იმედის გაცრეება რუსთა მეფის დახმარებაზე. ოსმალეთმა და რუსეთმა ირანი გაინაწილეს: ხონთქარმა კასპიის ზღვის სანაპიროები რუსეთის საკუთრებად იცნო, პეტრემ კი სამაგიეროდ ოსმალეთს დაუთმო ირანის მთელი ჩრდილო-დასავლეთი ნაწილი, რომელსაც აღმოსავლეთი საქართველოც მიათვალეს.

1723 წლის ზაფხულზე კახეთის მმართველმა კონსტანტინემ ლეკთა დიდი ჯარი დაიქირავა და თბილისს თავს დაესხა. ლეკებმა თბილისი აიღეს და ისე სასტიკად გაძარცვეს და ააოხრეს, რომ მთელი საუკუნის განმავლობაში ამის შემდეგ ქალაქი თავის ძველ კეთილდღეობას ვეღარ დაუბრუნდა. ვახტანგი შიდა ქართლში დადგა, კონსტანტინემ კი ქალაქი დაიჭირა. ამავე დროს ოსმალთა ჯარი აღმოსავლეთ ამიერკავკასიისაკენ დაიძრა. 1723 წელს ივნისში ოსმალთა ჯარმა თბილისი უომრად აიღო.

რაკი ქვეყანა ხელთ იგდო, დამპყრობელმა ქართლმა მკ.

ფობის გაუქმებასა და ოსმალური წესწყობილების შემოღებას შეუდგა.

ვახტანგს ქართლში აღარ ედგომებოდა და არც რუსეთს წასვლის გარდა სხვა გზა გააჩნდა. 15 ივლისს 1724 წელს ვახტანგი შვილებით, ძმით, უახლოესი თანამოღვაწეებითა და დიდი ამალით რაჭის გზით რუსეთს წავიდა. მეფე, მასი აზრით, ქართლიდან დროებით მიდიოდა და ჩქარა საქართველოს განსათავისუფლებლად რუსეთის ჯარით დაბრუნდებოდა, ასეთ იმედებს აძლევდა მას რუსეთის იმპერატორი.

ქართლში ამის შემდეგ ერთხანს ოსმალები ბატონობდნენ, მერე კი აქ ისევ ირანი გაბატონდა. 1744 წელს ქართლში თეიმურაზ II (ერეკლე I-ის ძე), ხოლო კახეთში მისი ვაჟი ერეკლე II გამეფდნენ.

## § 80. ოსური ახალშენები ქართლის მთიანეთში

XVIII ს. პირველ მესამედში საბოლოოდ ჩამოყალიბდნენ ოსური ახალშენები ქართლის მთიანეთში (მდინარეების: ჯეჯორის, დიდი და პატარა ლიახვის, ქსნის, არაგვის სათავეები). ეს მოვლენა საკმაოდ დიდხნოვანი ისტორიული პროცესის შედეგი იყო.

ომიერკაკაკასიის ველებსა და მთებში მცხოვრებ ოსებს საქართველოსთან იმთავითვე სამხედრო-პოლიტიკური და ეკონომიკური ურთიერთობა ჰქონდათ; უკვე XIII საუკუნეში, ორი მონღოლური სახელმწიფოს — „ოქროს ურდოსა“ და ილხანთა შორის ბრძოლის პერიოდში, შიდა ქართლის მიდამოებში საკმაოდ დიდხანს და საგრძნობი რაოდენობით იყვნენ დარუბანდის გზით აქ შემოსული ოსებისაგან შემდგარი სამხედრო რაზმები, რომლებიც მაშინ ილხანთა ბრძანებით მოქმედებდნენ.

მონღოლები თავიანთი პოლიტიკური მიზნებისათვის ბრძოლაში იძულებით იყენებდნენ დამორჩილებული ქვეყნების მეომრებს და მათ შორის განხეთქილებას თესდნენ. XIV ს. დამდეგს საქართველო მონღოლი დაპყრობლებისაგან გაიწმინდა. ჟამთააღმწერლის ცნობით, ქართლიდან ოსებიც „განასხნეს“ ამის შემდეგ ქართულ წყაროებში ოსთა კომპაქტური მასები დიდხანს არ იხსენიებია.



ქართლის მთიანეთში, თანამედროვე „სამხრეთ ოსეთის“ რაიონებში, ოსური კომპაქტური მოსახლეობა წარმოიშვა არა ერთდროული ჩამოსახლების შედეგად, არამედ თანდათანობით, XVI—XVIII საუკუნეთა განმავლობაში, როდესაც საქართველოსა და ცენტრალური კავკასიონის მთის რაიონებში თავისებური სოციალურ-პოლიტიკური სიტუაცია, მიგრაციული მოვლენებისათვის ხელისშემწყობი ვითარება შეიქმნა.

ოსთა გადმოსახლებას ქართლში რა თქმა უნდა, თავისი არსებითი მიზეზი ჰქონდა. დამპყრობლებმა დაარბიეს და გაანადგურეს ჩრდილო კავკასიის ველებზე მცხოვრები ოსები. გადარჩენილთა ერთი დიდი ნაწილი ცენტრალური კავკასიონის მაღალმთიან რაიონებში შემოიხიზნა. იქ მათი არსებობის პირობები მეტად არახელსაყრელი იყო. მწირი მთა და სამეურნეო ტექნიკის დაბალი დონე მათი მოთხოვნილების მინიმუმსაც ვერ აკმაყოფილებდა.

სარჩო — საბადებლის მძებნელი ოსები ქართველ მთიელთა სოფლებში იკვლევდნენ გზას, ხშირად კი აქაურ ფეოდალთა კუთვნილ მიწებზე ხიზნებად სახლდებოდნენ. ამას, ერთი მხრივ, ისიც უწყობდა ხელს, რომ ქართველი მოსახლეობა საგარეო მტრების შემოსევათა შედეგად ძალზე შემცირებული იყო ან კიდევ ბარის ეკონომიკური ზემოქმედების წყალობით დაბლობისაკენ ინაცვლებდა.

ოსური ახალშენების წარმოქმნას ქართლის მთიანეთში XVI საუკუნეში უნდა ჰქონოდა ადგილი. ამ დათარიღებას რამდენადმე მხარს უჭერს ის გარემოება, რომ ჩვენს განკარგულებაში არსებულ წერილობით წყაროებში ოსთა მეტ-ნაკლებად შესამჩნევი დასახლება — 200-მდე სული—XVII ს. დამდევისათვის წანს. ამის შესახებ გადმოგვცემს საქართველოში ნამყოფი რუსი ელჩი მ. ი. ტატიშჩევი (1604—1615).

მნიშვნელოვან ცნობას გვაწვდის XVII ს. მიწურულის თუ XVIII ს. დამდეგის თხზულება — ბესარიონ ქართლის კათალიკოსის (გარდ. 1735 წ.). „მარტვილობა ლუარსაბ მეფისა“. ავტორი ახასიათებს ლუარსაბის წამების პერიოდს (1622 წ.), როცა საქართველო უაღრესად რთულ საგარეო-პოლიტიკურ სიტუაციაში იმყოფებოდა და ამასთან დაკავშირებით ახასიათებს ქართლის ჩრდილოეთის საზღვრებთან შექმნილ ვითარებასაც. იგი იხსენიებს „მახლობელთა ჩუნთა მთიულთა

ოსთა“, რომლებიც „დამკვიდრებულ იყვნენ მახლობელად ჩუენსა“. ამავე წყაროდან მოჩანს, რომ ოსები იბრძოდნენ მიწებისათვის, ცხოვრების პირობების გაუმჯობესებისათვის და ამდენად უპირისპირდებოდნენ ადგილობრივ ქართველ მოსახლეობას. ეს ცნობა ეხმაურება ტატიშჩევის შემოაღნიშნულ გადმოცემას და ქართლში ოსური ახალშენების წარმოქმნას ადასტურებს. XVI ს. I ნახევარს განეკუთვნება აგრეთვე ერთი ნასყიდობის სიგელიც, საიდანაც ჩანს, რომ სოფელ ზემო ჯავის მოსახლეობა ამოწყვეტილა. შემდეგში ეს სოფელი მანაბლებს ოსებით დაუსახლებიათ. გასაგებია, რომ ფეოდალი, დაცარიელებული სოფლების დასახლებით დაინტერესებული, ოსებს ხიზნობა-ყმობის წესით სვამდა თავის მიწებზე.

დიდი ლიახვის სათავეებიდან ოსები თანდათანობით ვრცელდებიან სამხრეთისაკენ, გადადიან მდინარეების: მც. ლიახვისა და ქსნის ვიწროებში. ვახუშტის ცნობილი აღწერილობის მიხედვით, XVIII ს. პირველ ათეულ წლებში მათ უკვე უკავიათ მიწები სოფ. გუფთადან დიდი ლიახვის გასწვრივ მის სათავეებამდე, გერის ხეობა, ვანათს რომ ეკვრის, მც. ლიახვის ზემო დინება, ჟამური (ქსნის სათავე); ოსთა ცალკეული დასახლებანი ჩანან ჭურთას, ისროლის-ხევის, ქოლოთ-ქვითკირის სეობებში და სხვ. ამავე დროს ნაწილობრივ უკავიათ ოსებს კუდაროც. როგორც ჩანს, ქსნის სათავეებში მათ შეაღწიეს შედარებით უფრო გვიან, ვიდრე მც. ლიახვის სათავეებში. ვახუშტის რუკის მიხედვით, XVIII ს. 30-იან წლებში ოსურ ახალშენებს უკვე ეკავათ დვალეთი (ნარმამისონის ქვაბული), ჯეჯორის, ლიახვისა და ქსნის სათავეები. აღნიშნული რაიონების რიგ სოფლებში ოსები ადგილობრივ მკვიდრ ქართულ მოსახლეობასთან შერევით ცხოვრობდნენ, ეწაფებოდნენ და ითვისებდნენ ქართველთა განვითარებულ სამეურნეო და სამწერლობო კულტურას.

ჩამოსახლებული ოსები, როგორც წესი, ქართულ ქრისტიანულ სარწმუნოებას იღებდნენ და ამ გზით, ქართველთა მხარდამხარ, აქტიურად მონაწილეობდნენ ჩვენი ქვეყნის სოციალურ-პოლიტიკურ ცხოვრებაში. სულ უფრო და უფრო მტკიცდებოდა ერთობისა და მეგობრობის შეგნება ორი ხალხის წარმომადგენლებს შორის.

ოს მოახალშენეთა რიცხვი განსაკუთრებით გაიზარდა

XVIII ს. 40–50-იანი წლებიდან. ამავე საუკუნის მეორე ნახევარში უკვე ნათლად იგრძნობოდა ცვლილებები ქართლის მთიანეთის ახალმოსახლეთა ცხოვრებაში. თანდათანობით გამოვიდნენ ქართული საზოგადოებრივ-კულტურული ცხოვრების ასპარეზზე ოსი ხალხის შვილები. ქართული ასოების საფუძველზე მუშავდებოდა ოსური ანბანი. არა მარტო ქართლის, არამედ კავკასიონს გადაღმელი ოსების კულტურული ცხოვრება მოწინავე ქართველ მოღვაწეთა გულისხმიერი მზრუნველობის ობიექტი გახდა.

### § 81. ლეკიანობა მი-18 საუკუნის საქართველოში

ლეკები ქართველებთან პირისპირ შებმას გაურბოდნენ. ეს გასაგებიცაა: ისინი ხომ ქვეყნის დასაპყრობად არ მოდიოდნენ, მათი მიზანი ტყვისა და სხვა ნადავლის შოვნა იყო. ვერც შეიარაღებით, ვერც სამხედრო ორგანიზაციით ისინი ქართველებს ვერ უსწორდებოდნენ. ქართველებთან დიდ ბრძოლებში ისინი ჩვეულებრივ მარცხდებოდნენ ხოლმე.

მთებიდან ჩამოსვლის უმაღლესი ლეკები წვრილ გუნდებად ნაწილდებოდნენ, უღრან ტყეებს, მიუვალ კლდეებსა და ვერანა ადგილებს ირჩევდნენ ხოლმე სადგურებად და ასეთი სადგომებიდან მშვიდობიანი მოსახლეობის წვრილად ტაცებასა და მარცვას ეწოდნენ. სამოქმედოდ ლეკები სწორედ მაშინ გამოდიოდნენ, როცა ქართველი გლეხობა ციხე-გალავნებიდან თუ გამაგრებული სოფლებიდან სამუშაოდ უნდა გასულიყო. ზენა-თესვის, მკისა თუ რთველის დროს მოედებოდნენ ლეკები მინდვრებს და მიჰქონდათ და მიჰყავდათ ყველაფერი, რის მოტაცებაც კი შეიძლებოდა; ადამიანები, თოხფეხი საქონელი, სასოფლო-სამეურნეო იარაღი, ამავე დროს მიუხტებოდნენ უკაცოდ დარჩენილ სოფლებს და მიერეკებოდნენ ქალებს, ბავშვებს, სოფლის ნახირს. ნაშოვნით დატვირთულები, ლეკები ტყის ბილიკებითა და უგზო ველებით ბრუნდებოდნენ დაღესტანში. მიდიოდნენ ღამით, დღისით კი მიუვალ ხევ-ხუვებსა და ტყეებში ბანაკდებოდნენ. ჭარბელაქანს გასულნი ისინი უკვე სამშვიდობოს იყვნენ. აქ ჩვეულებრივ სტოვებდნენ, ნატაცებს, როცა მას საკმაოდ არ სთვლიდნენ, და საშოვრისათვის ისევ ქართლ-კახეთს ბრუნ-

დებოდნენ. დაღესტანში გადაყვანილ ტყვეებს უმთავრესად ყირიმელი ვაჭრები იძენდნენ.

ქართლ-კახეთში ლეკიანობა განსაკუთრებით ძლიერი იყო 1754—1760 წლებში. მთელი ქართლი ლეკთა რაზმებით აივსო. მოსახლეობა ციხეებს იყო შეფარებული, მეურნეობა მიმქრალიყო.

გარდა წვრილ-წვრილი თავდასხმებისა, ლეკებმა ამ ხანებში რამდენიმეჯერ მსხვილი ლაშქრობაც მოაწყვეს. ამათგან ყველაზე მნიშვნელოვანი იყო ლეკთა ორგზისი ლაშქრობა ხუნძახის ბატონის ნურსალ-ბეგის შეთაურობით.

1754 წელს ხუნძახის ბატონი დიდი ჯარით გადმოვიდა და ქართლ-კახეთის ერთიანად აოხრებას იმუქრებოდა. კახეთის მოსახლეობა ერეკლემ სულ ციხეებში შეიყვანა და კახეთის ჯარი კი თვითონ შემოიყარა, ქართლიც თეიმურაზმა დახიზნა.

ნურსალ-ბეგმა ძარცვა-რბევით კახეთი გამოიარა, არაგვი გადმოლახა, ქართლში შემოვიდა და მჭადისჯვრის ციხე-გალავანს (მუხრან-დუშეთის გზაზე) გარს შემთადგა. დაღესტნელ სარდალს იქ შეხიზნული ხალხის დატყვევება სურდა. ჯარის სიმცირის მიუხედავად ერეკლე მხნედ შეება მტერს.

სასტიკი ომი გაიმართა, ლეკთა ქვეითობამ სიმრავლით სძლია ქართველების კვეით ჯარს, მაგრამ ერეკლეს სიმხნემ და სამხედრო ნიჭმა იხსნა ქართველები დამარცხებისაგან. აი, როგორ ასწერს ამ ამბავს მისი ერთი მონაწილე: „რა გასჭირდა ომი, ბრძანა ბატონმა (ესე იგი ერეკლემ) დაქვეითება ჯარისა. გარდახდა თვით მეფე ერეკლე ცხენისაგან და უბრძანა გარდახდომა ყოველთა: — „ეს არის დღე ვაჟკაცობისაო და სიყვარული სჯულისაო“. — დაიქვეითეს ქართველთა და კახთა, შეიქმნა სროლა თოფთა, რომ კომლისაგან კაცი აღარა ჩანდა. მეფე ერეკლე ხან იქით და ხან აქა აძლიერებდა ჯარსა და პირდებოდა წყალობასა. შეუტივეს ქართველთა და კახთა გულსრულად, დაუშინეს ზამბურაკნი (ესე იგი, დიდრონი თოფები) და ზარბაზანნი, გააქცივეს ერთი დასი ჯარი ლეკისა, ჰკრეს ეს გაქცეული ჯარი მეორესა ჯარსა, აირივა ეს საშინელი ჯარი ლეკისა. გაიქცნენ შეუტივეს ხმალდანხმალ (ქართველებმა), დაერივნენ შიგ, რომ ვითა კატა, ეგრე ხოცდნენ ლეკთა. თვითონ მეფე ერეკლემ ჩამოკაფა ლეკი ხმალდანხმალ,

მიყვანენ ხოცით არაგვამდის“. ეს ბრძოლა 16 აგვისტოს მოხდა: „წავიდა, — განაგრძობს მწერალი, — ეს დამარცხებული ჯარი, გაიარა, დახვდნენ კახნი და დაუმარცხეს. მივიდა ხუნძახის ბატონის სირცხვილეული დაღისტანში“.

ლექთა ეს დიდი ლაშქრობა დამარცხდა, მაგრამ გამარჯვების სიხარულს ანელებდა ლეკების ბოლომოულებელი თავდასხმები.

ამ წვრილ თავდასხმებს 1755 წელს კვლავ დიდი ლაშქრობა მოჰყვა. ხუნძახის ბატონს მჭადისჯვართან დამარცხების სირცხვილი ვერ მოენელებინა. ქართლ-კახეთის ერთი დაკვრით წახდენის აზრი მას მოსვენებას არ აძლევდა. წინა წლის გამოცდილების გამოყენებით ის ახლა საგანგებოდ ემზადებოდა. მისი კაცები მოედგნენ მთელ დაღესტანს და ყველას საქართველოში სალაშქროდ იწვევდნენ. ნურსალ-ბეგმა დიდძალი ლეკი შემოიყარა, დაღესტნის სხვა ბატონებიც კი გამოჰყვანენ მას. ამ დიდი ლაშქრით ხუნძახის ბატონი ყვარლისათვის დაადგა: „აქედან მან მოციქულები გაგზავნა ჭარს, კაკუნისელებს, გინჯას და ყველას საქართველოს წინააღმდეგ მოუწოდეს: ესუნთცხალისით ეახლნენ დაღესტნელ სარდალს.“

ქართველებისათვის ნურსალ-ბეგის ეს გამოლაშქრება მოულოდნელი არ ყოფილა. ამიტომ სათანადო ღონეც დროულად იხმარეს. მეფეებმა მთელი ქართლისა და კახეთის მოსახლეობა ოთხი თვის მარაგით განსაკუთრებით საიმედო ციხეებსა და მიუვალ ხევებში დახიზნეს. ჯარიც ქვეყნიდან ქუდზე კაცი გამოიყვანეს და თან იახლეს.

ნურსალ-ბეგმა ამჯერად საქმე კახეთიდან დაიწყო. თავისი ოცი ათასი მეომრით ის ყვარლის დიდ ციხე-გალავანს შემოადგა, სადაც გაღმა მხრის მოსახლეობის დიდი ნაწილი იყო შეხიზნული.

ნურსალ-ბეგის ლაშქართან პირისპირ შებმა ქართველებმა შესაძლებლად ვერ დაინახეს: მტრის ჯარი რიცხვით დიდად სჭარბობდა ქართველებისას. ლექთა დამარცხება მხოლოდ ხერხით თუ შეიძლებოდა და ერეკლემაც ამ ძნელ საქმეს ბრწყინვალედ მოუარა. ციხის დამცველებს უჭირდათ. ლეკებს გალავნის გარშემო ისეთი მაღალი საფრები შეეკრათ, რომ თოფს შიგ ციხეში ჩაისროდნენ. აუცილებელი იყო მეციხოვნეთა გამხსნევა. ერეკლემ მეშველი რაზმის შეგზავნა გადა-

წყვიტა. ვინც ამ სავაჟაკო საქმის მოხალისედ გამოვიდოდა, მეფე პირდებოდა თავადსა და აზნაურს შესაფერი თანამდებობისა და მამულის წყალობას, ხოლო გლეხს — ბატონყმობისაგან განთავისუფლებას, ორ საკომლო მიწა-ადგილსა და ფულად ჯილდოს.

სავმირო საქმეზე ორას კაცამდე გამოვიდა (ცხრა თავადი-შვილი, ორი აზნაურიშვილი, ერთი ხუცესი და დანარჩენი ყველა გლეხი, ამათგან ასოცდაათი ქიზიყელი). ვაჟაკები ღამით გავიდნენ ქიზიყიდან, გავლეს ალაზანი, მიეპარნენ ლეკთა ყარაულებს და ხმალდახმალ გაიკაფეს გზა ციხისაკენ. მეშველმა რაზმმა თოფისწამლის დიდი მარაგი შეიტანა ციხეში. იმედმოცემულმა მეციხოვნეებმა მოახერხეს ციხის გაღვნიის გარშემო ლეკთა საფრების დაწვა. ნურსალ-ბეგის ლაშქარს შერყობა დაეტყო: ციხის ჩქარა და ადვილად აღება საეჭვო ჩანდა.

ყვარლის ციხეში მეშველი რაზმის შეგზავნასთან ერთად ერეკლემ აარზია გულადი და კარგი ცხენოსანი ქიზიყელები და ჭარის დასარბევად გაგზავნა. ამ რაზმმა დიდძალი საქონელი და ტყვე მორეკა დაუცველად დატოვებულ ჭარიდან. ყვარლის ციხის ალყაზე მდგომი ჭარელები შეშფოთდნენ და სახლში წასვლა დააპირეს. ხუნძახის ბატონმა ძლივს შეიმაგრა ისინი.

მაშინ ერეკლემ უკვე მოზრდილი ლაშქარი გაგზავნა ჭარისაკენ. ყვარელს მდგომი ჭარელები ფიცხლავ წავიდნენ ქართველებთან შესაბამელად, მაგრამ ქართველები, ერეკლეს ბრძანების თანახმად ბრძოლას მოერიდნენ, უკან გამობრუნდნენ და ქიზიყს დადგნენ. ჭარელებს საქმე გაურთულდათ. ქიზიყს მდგომი ქართველთა ლაშქარი ჭარს ასაოხრებლად ემუქრებოდა. ერეკლეს სამხედრო ხერხმა გასჭრა. ჭარელებმა გადაწყვიტეს ყვარლის ციხეს ჩამოსცლოდნენ და თავისი სახლებისათვის მიეხედათ. ამ ნიადაგზე ჭარელებსა და ნურსალ-ბეგის ლეკებს შორის მტრობა ჩამოვარდა და ბოლოს ისინი ერთმანეთს დაერივნენ კიდევაც, ჭარელები სახლში წავიდნენ. მათ ვაჰყვა კაკის სულთანიც: ქართველი მარბიელები არც მის ქვეყანას უქადდნენ მშვიდობას.

ამის დანახვაზე ნუხის ხანმაც თავის ქვეყანას მიაშურა. ასე



რობდნენ ისინი, ირანის ბატონობისაგან საქართველოს განთავისუფლების მტკიცე საწინდარი ექნებოდა.

რუსეთში ქართველ მეფეთა წინადადებას ვერ გამოეხმაურნენ, რადგანაც ეს წინადადება რუსეთის ზრახვებს ახლა არ ეთანხმებოდა.

8 იანვარს 1762 წელს თეიმურაზ II იქვე, პეტერბურგს, გარდაიცვალა. იქიდან იგი წამოასვენეს და ასტრახანის მიძინების ტაძარში, აქვე ადრე დაკრძალული ვახტანგ მეექვსის გვერდით, დაკრძალეს.

## § 82. ქართლ-კახეთის ერთ სამეფოდ გაერთიანება. ბრძოლა სათავადოების წინააღმდეგ

თეიმურაზის გარდაცვალების უმაღლეს ერეკლემ თავი ქართლ-კახეთის მეფედ გამოაცხადა. ამიერიდან ქართლ-კახეთი ერთ სამეფოდ იქცა.

თავისი მიზნებისათვის ერეკლე მეფე მარტო ვარეშე მტრებს კი არ ებრძოდა, კიდევ უფრო მძიმე ბრძოლა ჰქონდა მას თავადებთან.

თეიმურაზისა და განსაკუთრებით ერეკლეს სახელმწიფო მოღვაწეობა პროგრესულ მიზანს ემსახურებოდა. დაუღალავი ბრძოლით მათ აღადგინეს ქართველობა და მის განმტკიცება-უზრუნველყოფას ალევდნენ ძალღონეს. მაგრამ სწორედ აქ ელოდათ მათ ყველაზე დიდი დაბრკოლება, რომლის გადაულახავად დასახული მიზნის სავსებით მიღწევა შეუძლებელი იყო. ეს დაბრკოლება იყო სათავადოების არსებული სისტემა.

სათავადოების სისტემა საქართველოს ჩამორჩენილობას ემყარებოდა და თავისი მხრით ამ ჩამორჩენილობას ემსახურებოდა. ამიტომაც საქართველოს აღდგენისათვის ანუ, როგორც მაშინ ამბობდნენ, „აღდგომისათვის“ ბრძოლა სათავადოების სისტემის წინააღმდეგ ბრძოლას მოითხოვდა. ერეკლე ამ ბრძოლის თავდადებული გმირი იყო.

თეიმურაზმა და ერეკლემ ჯერ კიდევ 1743 წელს შეუტყვის ერთ-ერთ უძლიერეს სათავადოს. ამ დროს აჯანყებულმა არაგველებმა ბეჟან არაგვის ერისთავი მოკლეს. თეიმურაზმა



არაგველები მიიმხრო და საერისთავო თავისთვის საკუთრად დაიჭირა.

1744 წელს თეიმურაზმა ქსნისხეველებიც გადმოიბირა და საერისთავო გივი ამილახვარს წაართვა.

ასე რომ თეიმურაზისა და ერეკლეს ბატონობა არაგვის საერისთავოს გაუქმებითა და თავადებთან ბრძოლით დაიწყო. ქართლის თავადები მტრულად უყურებდნენ თეიმურაზსა და ერეკლეს. მათ არ მოსწონდათ ამ მეფეების პოლიტიკა, თავადების დამოუკიდებლობის წინააღმდეგ რომ იყო მიმართული. მათ არ სურდათ ქართლ-კახეთის გაერთიანება, მეფეს რომ აძლიერებდა. თეიმურაზისა და ერეკლეს მოღვაწეობამ სავსებით გამოაშკარავა თავადების ბრძოლის რეაქციული ხასიათი. თავისი თავადური მიზნებისათვის ბრძოლაში ეს რეაქციონერები ერთნაირი ხალისით უკავშირდებოდნენ საქართველოს ყველა მტერს: ყიზილბაშებს, ოსმალებს, ლეკებს.

1747—1748 წლებში ქართლის რეაქციონერი თავადების სამეფო კანდიდატი შაჰმადიანი აბდულა-ბეგ იესეს ძე იყო. მწვავე ბრძოლა ერეკლეს გამარჯვებით დასრულდა. 1751—1756 წლებში თავადების სასოება აზატ-ხანი იყო. აზატ-ხანს მრავლად შეხიზნოდნენ აბდულა-ბეგის შვილები, რომელნიც „ქართლის შოვნას“ საქართველოს ამ მოსისხარი მტრის დახმარებით ელოდნენ. ამავე ხანებში ქართლის თავადებს თეიმურაზისა და ერეკლეს მოწინააღმდეგე ფაღვანები რუსეთშიაც ეგულებოდათ. იქ ხომ ქართლის სამეფო ტახტის „ნამდვილი მემკვიდრეები“, ბაქარის ძმა და შვილები, ისინი ქართლში გაბატონებაზე ოცნებობდნენ და თეიმურაზისა და ერეკლეს მოქმედებას, რაც შეიძლებოდა ხელს უშლიდნენ.

1760-იანი წლებიდან მდგომარეობა არსებითად შეიცვალა. ქართლის თავადებს გარედან დახმარების იმედები თითქმის გადაეწურათ; ირანის მეფე ერეკლეს მეგობრობდა, რუსეთიდან დახმარების მოლოდინი აღარ იყო, ოსმალეთიც ახლა აღმოსავლეთ ამიერკავკასიის საქმეებში აღარ ერეოდა, ხოლო ახლობელი ხანები ერეკლეს ან ემორჩილებოდნენ, ან უსმენდნენ და მის წინააღმდეგ გამოსვლას ვერ ბედავდნენ.

ამ ახალ პირობებში რეაქციონერებსაც ბრძოლის ხერხი უნდა შეეცვალათ. რაკი გარედან შვედის იმედი გადაუწყდათ, რეაქციონერი თავადები შეთქმულება-ტერორის გზას დაადგინენ, მათ მეფისა და მთელი მისი ოჯახის გაწყვეტა განიზრახეს. ამ საქმეს თავისი ხელმძღვანელი გამოუჩნდა. ეს იყო პაატა ბატონიშვილი, ვახტანგ მეფის უკანონო შვილი. მალე პაატა ბატონიშვილის სადგომი, რომელსაც „მარკოზაშვილის დარბაზი“ უწოდეს თანამედროვეებმა, შეთქმულების ბუდედ იქცა. 1765 წელს, როცა შეთქმულები უკვე მზად იყვნენ განაზრახის სისრულეში მოსაყვანად, საქმე გასცა სამშვილდელმა გლეხმა დათუნა ფეიქარმა.

მეფემ სწრაფად დააჭერინა შეთქმულების მეთაურები. ერეკლეს კარგად ესმოდა ამ საქმის საზოგადოებრივი აზრი. მან იცოდა, რომ შეთქმულებს სხვა მომხრეებიც ჰყავდათ. მეფემ დარბაზის სხდომა მოიწვია, საქმე გასარჩევად მას გადასცა და თვითონაც კი მოწივარის როლში გამოვიდა. დარბაზმა საქმე განიხილა, დამნაშავეებს ქონება ჩამოართვა და მეფეს ნასისხლად მისცა (ნასისხლი საზღაურია კაცის მოკვლისა, თუ მოკვლის განზრახვისათვის), შეთქმულებს მეთაურები კი კანონის თანახმად დასაჯეს.

ამ გამარჯვების შემდეგ მეფე კიდევ უფრო გაძლიერდა. „მარკოზაშვილის დარბაზულები“ ფიზიკურ დამარცხებასთან ერთად მორალურადაც დამარცხდნენ. რა თქმა უნდა, რეაქციონერები ამით არ გამქრალან და არც მეფის წინააღმდეგ მოქმედება შეუნებლებიათ მათ. მაგრამ შექმნილი პირობების შესაფერისად მათ ბრძოლის ხერხი შეცვალეს და ამის შემდეგ მეფის წინააღმდეგ ტერორი აღარ უცდიათ.

ქვეყნის გაერთიანებისა და მეფის ხელისუფლების გაძლიერების გზაზე ერეკლეს ამ დროს სხვა წარმატებებიც ჰქონდა. 1755 წელს მან ყაზახში ხანობა გააუქმა და ეს ქვეყანა სამოურავოდ აქცია. 1765 წლისათვის კი ბორჩალო-ბაიღარსაც მეფის მოურავები განაგებდნენ.

გარეშე თუ შინაურ მტრებთან ბრძოლაში მოპოვებულ გამარჯვებათა მიუხედავად ერეკლე მეფე კარგად ხედავდა, რომ საქართველო ჯერ კიდევ სამშვიდობოს არ იყო გასული, რომ ქვეყნის თავისუფალი მომავალი ჯერ კიდევ უზრუნველყოფილი არ იყო. მტრები მოყვრებად არ იყვნენ გადაქცეულნი, ისინი მხოლოდ მიყუნებული იყვნენ და ხელსაყრელი ტართოსის მოლოდინში შეტევაზე გადმოსასვლელად ემზადებოდნენ. აუცილებელი იყო ქვეყნის ყოველმხრივი განმტკიცება, რომ მოსალოდნელი განსაცდელი საბედისწერო არ გამხდარიყო.

მაგრამ ქვეყნის განმტკიცება, მისი ეკონომიკური და სახელმწიფოებრივი გაძლიერება გლეხთა საკითხის მოგვარების გარეშე შეუძლებელი იყო.

გვიანი შუა საუკუნეების საქართველოში გლეხთა საზოგადოებრივი და ქონებრივი მდგომარეობა სულ უფრო და უფრო უარესდებოდა. მებატონე არ ცნობდა ყმა გლეხის რაიმე უფლებას და მხოლოდ ყმას, ისე მის ნაჭირნახულებსაც თავის საკუთრებად მთვლიდა.

ბატონისა და ყმის ურთიერთობას მწვავე კლასობრივი ბრძოლის ხასიათი ჰქონდა. ნებიოთა და სიამტკებოლობით ქართველი გლეხი თავის მებატონეს არაფერს უთმობდა. გლეხები თავგამოდებით ებრძოდნენ ბატონების უსამართლობას, ნიოდნენ მეფესთან და მისგან სამართალს ითხოვდნენ, ეურჩებოდნენ უმართებულ ზეგარას და იარაღით იცავდნენ თავის უფლებებს, ხოცავდნენ გამხეცებულ მებატონეებს, სტოვებდნენ გაუმაძღარ მძარცველებს, აბრაგად დადიოდნენ ანუ, როგორც მაშინ ამბობდნენ, „ყაზახობდნენ“. სხვაგან გარბოდნენ. აყრა-გაქცევა გლეხთა ბრძოლის მეტად ფართოდ გავრცელებული სახე იყო, მაგრამ აყრა საქართველოს ინტენსიურ მეურნეობასთან სრულიად შეუთავსებელი იყო. აყრა გლეხის ეკონომიურ განადგურებას ნიშნავდა. აყრილი გლეხი, ან ასაყრელად მზადყოფი ინტენსიურ მეურნეობას (ესე იგი, მიწის გაპატივებასა და მრავალწლიან კულტურებს — მებაღეობას, მევენახეობას, აგრეთვე მეაბრეშუმეობას და სხვ.) ხელს ვერ მოკიდებდა. მისი ხვედრი ღარიბობა და ბოგანობა იყო. აყრილთა, ხიზანთა და ბოგანოთა სიმრავლე

ცხადად მოწმობდა ჩვენი ქვეყნის იმდროინდელი ცხოვრების სიდუხჭირეს.

ასეთ პირობებში მყოფი გლეხობა მტრების წინააღმდეგ ძველებური მხნეობით ვერ იბრძოდა. ღატაკს, დაბეჩავებულს, ნახევრად უიარაღოს, მას თავდაცვის მცირე უნარი შესწევდა, ხოლო მძარცველი მებატონისა და მისი ქონების დაცვის ხალისი გლეხს არ ჰქონდა. ქართველ გლეხს რომ უცხოელ მტრებთან ბრძოლის უნარი დაბრუნებოდა, მას უნდა დაბრუნებოდა ბატონების მიერ მიტაცებული უფლებები, რომელნიც ყმას მონისაგან განასხვავებდნენ.

ქვეყანა ძალზე დაზარალებული იყო და გლეხთა რიცხვი მნიშვნელოვნად შემცარებული. ისინი გაწყვიტეს ან დაატყვევეს ყიზილბაშებმა, ოსმალებმა, ლეკებმა, მაგრამ კიდევ უფრო მეტად ისინი აუტანელმა ბატონყმურმა პირობებმა გადააშენა.

ერეკლეს კარგად ესმოდა ეს გარემოება. იგი ხედავდა, რომ გლეხები მხოლოდ ლეკიანობამ კი არა, არამედ კიდევ უფრო „უსამართლობამ გარეკა საქართველოდან“, როგორც თვითონ გლეხები ჩიოდნენ, და მეფეც მძიმედ რიგს ღონისაგან მიებებით ცდილობდა გლეხობის გადარჩენას, რადგანაც კარგად ამჩნევდა, რომ საქართველოს დაძაბუნების უმთავრესი მიზეზი „გლეხი-კაცის ამოწყვეტა“ იყო.

ერეკლეს საგლეხო კანონები მიზნად ისახავდა გლეხთა უფლებრივი მდგომარეობის გაუმჯობესებას. ამ კანონებით გლეხს უნდა დაბრუნებოდა უფლებები, რომლებიც მათ მებატონეებთან ბრძოლაში დიდი ხანია დაკარგეს. მონის მდგომარეობიდან, რომელშიაც გლეხი იყო მოქცეული, ის ისევ „ნახევრად თავისუფალი ადამიანის“ (ლენინი) მდგომარეობას უნდა დაბრუნებოდა.

ერეკლე მეფე ენერგიულად ერეოდა ბატონისა და ყმის დამოკიდებულებაში. იგი როგორც ბატონისაგან, ისე გლეხისაგან სასტიკად მოითხოვდა „ბატონყმობის რიგის“ დაცვას, ესე იგი ძველადვე შემუშავებულ საბატონყმო უფლება-მოვალეობათა შესრულებას. ერეკლე ამ საქმეში მებატონეებისადმი დათმობას არ აპირებდა. „რომელიც ამათი დებულება არ არის და არა სდებიათ, იმის გარდა თუ მეტი რამ მონდომეთ, ჩვენგან მოსაკითხავი იქნება. ამათ სამართლიანის

საქმით მოექცეით, თორემ თუ კიდევ ამათ ჩვენთან გინივ-  
ლესთ, იცოდეთ რომ გიწყენთ“, ასე აფრთხილებდა ერეკლე  
მებატონეს, რომლის გლეხებიც მეფესთან ჩიოდნენ „არასა-  
მართლიანის საქმით“ ბატონის მიერ თავის შევიწროებას.

კიდევ უფრო მნიშვნელოვანი ჩანს ერეკლეს ბრძანება  
სხვა თავადებისადმი; „თუ რომ თქვენი მამულიდან მეშვიდ-  
რე კაცი აიყარა და წავიდა სადმე, ერთი კაცი რომ აიყაროს,  
იცოდეთ, დიად ავად მოგეპყრობით და გარდაგანდევინებთ“. ასეთი ბრძანებით მეფე გლეხთა აყრისათვის პასუხისმგებლო-  
ბას ბატონს აკისრებდა. ერეკლემ აკრძალა აგრეთვე გლეხ-  
კაცის ოჯახის წევრების ცალ-ცალკე გაყიდვა. მისი კანონით,  
უცხოეთიდან, ტყვეობიდან დაბრუნებული გლეხი თავისუფ-  
ლდებოდა ძველი მებატონის ყმობისაგან. ყველაფერ ამით  
ერეკლე, რა თქმა უნდა, ბატონყმური დამოკიდებულების მო-  
წესრიგებას ესწრაფოდა და არა მის გაუქმებას.

#### § 84. დასავლეთი საქართველო მე-18 საუკუნის

პირველი ცხდომილი პირველ ნახევარში

„თემის ფენის“

დასავლეთ საქართველოში მე-18 საუკუნის პირველ ნახე-  
ვარში ფეოდალური არეულობა შეუნელებლად გრძელდებო-  
და. სათავადოების სისტემა აქ შეუზღუდველად ბატონობდა.  
მეფის ხელისუფლება უკიდურესად დაცემულიყო. სამეფო-  
სახასო ქვეყნები, ციხე-სიმაგრეები მთავრებსა და თავადებს  
მიეტაცათ. ძლიერდებოდა ოსმალთა გავლენა იმერეთში.

1723 წელს ოსმალებმა ფოთი დაიპყრეს, აქ ფაშა დასვეს  
და ზღვის სანაპიროს მმართველად დანიშნეს. დაანგრეს ძვე-  
ლი რუხის ციხე და ანაკლიის ციხე ააშენეს. ოსმალთა ხელში  
იყო ამავე დროს ბათუმი, ციხისძირი, სოხუმი.

ოსმალთა ეს გაძლიერება მეტისმეტად საზიფათო გახდა.  
ციხეები ტყვისმსყიდველთა ბუნაგებად გადაქცეულიყო. ცი-  
ხისა და მის გარშემო მდებარე სოფლების მოსახლეობა თან-  
დათან მაჰმადიანდებოდა. ოსმალები ამ ციხეებიდან ადვილად  
ერეთდნენ ფეოდალებას ურთიერთობაში და ქვეყნის საბო-  
ლოდ დასაპყრობად თანდათან გზას იკვლევდნენ.

1751 წელს იმერეთში ახალგაზრდა სოლომონ ალექსან-  
დრეს ძე გამეფდა. ამ დროს იმერეთში უძლიერესი თავადები

იყვნენ ლევან აბაშიძე და როსტომ რაჭის ერისთავი. ხსენებული თავადები მთავრობას იჩემებდნენ, აბაშიძე — არგვეთისას, ერისთავი — რაჭისას, და ამ ნიადაგზე მათ სასტიკი მტრობა ჰქონდათ სოლომონის მამასთან მეფე ალექსანდრესთან. ახალგაზრდა სოლომონი მამის ნაკვალევს გაჰყვა და ამ თავადების დამორჩილებას ცდილობდა. საერთოდ, სოლომონს ფართო სამოქმედო გეგმა ჰქონდა: მტკიცე სამეფო ხელისუფლების შექმნა, დასავლეთ საქართველოს გაერთიანება და ოსმალთა ბატონობის მოსპობა. ამ მხრით სოლომონის მოღვაწეობა ერეკლესას ჰგავდა.

სოლომონის მდგომარეობა მეტად მძიმე იყო. სამეფო ქონება დიდხანია თავადებს მიეტაცათ და წვრილი ფეოდალებიც ძლიერი თავადების გავლენის ქვეშ იყვნენ. საჭირო იყო ფრთხილი და მოხერხებული მოქმედებით ძალების თანდათან შემოკლება. თავისი მოღვაწეობა მეფემ მაჰმადიანობის გავრცელებისა და ტყვის — სყიდვის წინააღმდეგ ბრძოლით დაიწყო. ორივე უაღრესად მტკივნეული საკითხი იყო და იმერეთის ფეოდალური საზოგადოების მოწინავე ნაწილს აღნიშნულ მოვლენებთან ბრძოლა საჭირო საქმედ მიაჩნდა. ამიტომ ამ საკითხების გარშემო ძალების გაერთიანება ყველაზე მეტად იყო შესაძლებელი. მეფემ თავის მოღვაწეობას ამით მტკიცე იდეური დასაყრდენი მოუპოვა: ის ქართველობისათვის ბრძოლის მეთაურად გამოდიოდა.

მეფემ წვრილი თავადები თანდათან შემოიკრიბა. ამავე დროს სოლომონმა მოხერხებულად შემოირიგა უძლიერესი ფეოდალები, — ოტია დადიანი და მამია გურიელი. ამით მეფემ მტერი გაიმარტოვა: ერისთავსა და აბაშიძეს ძლიერი მომხრეები შემოაცალა.

მეფე-მთავრების ეს შეთანხმება ოსმალეთს არ ესიამოვნა. მისთვის განსაკუთრებით უსიამოვნო იყო მეფისა და მისი მომხრეების ბრძოლა ტყვეთა სყიდვის წინააღმდეგ. თანდათან სოლომონმა თავის სამეფოში თითქმის სავსებით მოსპო ეს საშინელი სენი. ახალციხის ფაშამ არაერთგზის შემოუთვალა მეფეს, რათა ტყვის სყიდვა იმერეთში ძველებურად ნებადართული ყოფილიყო. სოლომონმა ეს მოთხოვნა არ შეასრულა და ტყვის სყიდვა საერო და საეკლესიო სასჯელით სასტიკად აკრძალა.

მაშინ ოსმალეთის ხორთქარმა სოლომონის დასჯა ბრძანა. ლევან აბაშიძესა და როსტომ ერისთავს თავისი დრო დაუდგათ. აბაშიძე ახალციხეს განჩნდა და მტერს სოლომონისა და მის მომხრეთა წინააღმდეგ იმერეთზე შემოუძღვა. მეფეს დადიანისა და გურიელის ჯარები მოეშველნენ.

დეკემბერში 1757 წელს ოსმალთა დიდი ჯარი იმერეთში შემოვიდა. ქვეყნის მოლაპატეები თავისი რაზმებით მტერს მიუვიდნენ. ახალგაზრდა სოლომონი შესანიშნავი სარდალი და ყოვლად უშიში მეთმარი აღმოჩნდა. მან ადვილად შეიტყუა თავის სიმრავლით დაიბედებული ოსმალები მოხერხებულ ადგილში, ოკრიბაში, ხრესილის მინდორზე, და ისე გაბედულად დაესხა მტერს თავს, რომ სულ ერთიანად მოშალა იგი. ოსმალთა სარდლები დაატყვევეს, ან დახოცეს.

მათი ჯარის დიდი ნაწილი გაწყდა. მრავალიც ტყვედ იგდეს ხელში. ამ ომში მოკლულ იქნა ლევან აბაშიძე, ხოლო როსტომ რაჭის ერისთავმა და ოსმალთა ჯარის მცირე ნაშთმა თავს გაქცევით უშველეს.

მეფემ აბაშიძის სათავადო საბოლოოდ დაიმორჩილა, ამ სათავადოდან თვითონ ლევან აბაშიძის წილი სამეფო საკუთრებად გამოაცხადა, სხვა აბაშიძეები კი ფიცით შემოიმტკიცა და სააბაშიოს ნაწილი მათ წყალობად მისცა. ასევე ჩამოართვა მეფემ ყმა-მამული სხვა დამნაშავე ფეოდალებსაც. როსტომ ერისთავი ამ ჯერობაზე დაუსჯელი გადარჩა: ფეოდალებმა შემოარიგეს სოლომონს ეს ძლიერი თავადი, რომელმაც მეფეს ერთგულება შეჰფიცა.

ამრიგად, ხ რ ე ს ი ლ ი ს ო მ ი ს შედეგად მეფე შესამჩნევად გაძლიერდა, მისი ავტორიტეტიც დიდად გაიზარდა.

1758 წელს იმერეთისა და ქართლ-კახეთის მეფეებმა ერთმანეთთან სამხედრო კავშირი დადვეს: „რომელსაც ქვეყანაში მტერი შემოვიდესო, ერთმანეთს მივეშველნეთო“. ეს კავშირი ერეკლესა და სოლომონს შორის 1779 წლამდე არ დარღვეულა.

ოსმალეთს ხრესილთან დამარცხება ვერ მოენელებინა და იმერეთის მეფის დამორჩილებას დაჟინებით ცდილობდა. 1758 წელს სოლომონ მეფისა და ოსმალთა ჯარებს შორის ომი ორჯერ მოხდა. პირველად ოსმალებმა გაიმარჯვეს, მეორედ

გი ისინი სასტიკად დამარცხდნენ. სოლომონ მეფის სახელი და გავლენა ამით დასავლეთ საქართველოში კიდევ უფრო გაიზარდა.

მეფემ ისარგებლა ამ გამარჯვებით და სამეფო ხელისუფლების გაძლიერებისა და იმერეთის გაერთიანების გზით ახალი ნაბიჯები გადადგა. 1759 წელს, დეკემბერში, სოლომონმა დასავლეთ საქართველოს საეკლესიო და საერო ფეოდალების საგანგებო კრება მოიწვია. ეს კრება მთელი თვე გაგრძელდა და მან განსაკუთრებით მნიშვნელოვანი გადაწყვეტილებები მიიღო. მსჯელობის საგანი მთელი დასავლეთ საქართველოს საერთო საკითხები იყო.

ამ კრების განსაკუთრებით მნიშვნელოვანი დადგენილება იყო ტყვის სყიდვის აკრძალვა დასავლეთ საქართველოში.

1759 წლის კრებაზე სოლომონ მეფე მთელი დასავლეთ საქართველოს საერთო საქმეებში ხელმწიფედ გამოდიოდა, ხოლო მთავრები (დადიანი, გურიელი) და თავადები მისი „მორჩილი და ბრძანების აღმასრულებელი“ იყვნენ. ეს მოვლენა სოლომონ მეფისა და იმდროინდელი ქართველი საზოგადოების მოწინავე ნაწილის დიდი გამარჯვება იყო.

მთავრები და, კიდევ უფრო, იმერეთის თავადები, გასაგებია, შიშნარევი ეჭვით უცქეროდნენ მეფის ასეთ გაძლიერებას. განსაკუთრებით მოუსვენრად იყო როსტომ რაჭის ერისთავი. მას ამის საბუთიც ჰქონდა. აბაშიძის სახლის დამდაბლების შემდეგ ჯერი ერისთავზე იყო მიმდგარი. ამის პირველი ნიშანი ის იყო, რომ ერისთავის წინააღმდეგ რაჭაში მეფემ ერისთავის მოქიშვე წულუკიძეები დაიახლოვა. ამავე დროს დამდაბლებულ აბაშიძეთა ადგილზე სოლომონმა წერეთლის სახლი წამოსწია.

1763—1768 წლებში იმერეთის ხალხი სოლომონ მეფის მეთაურობით გმირულად ებრძოდა ოსმალთ დამპყრობლებს და მათს დამხმარე თავადებს. სოლომონმა არაერთგზის დამარცხა ოსმალთა რაზმები, არაერთი ორგული თავადი დასაჯა. შეუდრეკელი ბრძოლით იმერეთის ხალხმა აიძულა ოსმალეთი ხელი აეღო ქვეყნის საბოლოოდ დაპყრობის განზრახვაზე. მტერმა მეფესთან საზავო მოლაპარაკება დაიწყო. სოლომონმა კარგად იცოდა მტრის ვერაგობა და მასთან ზა-



ვის სიმტკიცე არა სწამდა. მეფე შემდგომში ბრძოლისათვის ემზადებოდა და ძლიერ მოკავშირეს ეძებდა.

იმერეთში კარგად იცოდნენ რუსეთ-ოსმალეთის ძველი-დანვე მტრობის ამბავი და სოლომონ მეფეც თავის გეგმას ამაზე აგებდა. 23 ივნისს 1768 წელს სოლომონმა საგანგებო ელჩი მაქსიმე ქუთათელი, გაგზავნა რუსეთს. სოლომონი რუსთ ხელმწიფეს მფარველობას სთხოვდა, სამაგიეროდ რუსეთ-ოსმალეთის ომის დროს დახმარებას აღუთქვამდა.

## § 85. მორიგი ჯარი

საქართველოში აქამდისაც კარგად იცოდნენ, ხოლო 1769—1771 წლებში რუსთა ჯარის გაცნობით კიდევ უფრო დარწმუნდნენ ფეოდალური ლაშქრის ჩამორჩენილობაში და „რევულის“, ესე იგი, მოსახლეობიდან გაწვეული, მუდმივი ჯარის უპირატესობაში. მაგრამ ქართველი მოღვაწეები იმასაც კარგად ხედავდნენ, რომ იმ დროის საქართველოში ასეთი ჯარის მოწყობა შეუძლებელი იყო, არც მეფეს გააჩნდა ასეთი ლაშქრის იარაღ-სანოვაგითა და ტანისამოსით მომარაგების საშუალება და არც თავადები მისცემდნენ მეფეს თავის ყმებს ამ ლაშქრისათვის.

1773 წლის მიწურულში ერეკლემ დარბაზის სხდომა მოიწვია. მსჯელობა შეეხებოდა ისეთი ჯარის შექმნას, რომელიც ლეკთა თავდასხმებს საბოლოოდ მოსპობდა და ქართველ გლეხკაცობას მშვიდობიანი შრომის საშუალებას მისცემდა. დარბაზმა შეიმუშავა „მორიგის ლაშქრობის განაჩენი“, რომელიც მან „ყველასაგან უკეთესად და უმჯობესად გამოარჩია“, როგორც თვით ამ განაჩენშია ნათქვამი.

მორიგე ლაშქრის რაობა შემდეგი იყო: ქართლ-კახეთის მამაკაცი მოსახლეობა აღწერილ იქნა. ყველა ლაშქრობის შემძლე მამაკაცი მოვალე იყო წელიწადში ერთი თვით ლაშქარში გასულიყო. ლაშქარში მორიგე თავისი ხარჯით მიდიოდა. ამისათვის მეფემ ქართლ-კახეთის მთელი გლეხობა სურსათის გადასახადისაგან („სურსათი“ ეწოდებოდა ყოველწლიურს სახელმწიფო გადასახადს ხორბლეულით) გაათავისუფლა.

იარაღიც საკუთარი უნდა ჰქონოდა. მორიგე ლაშქარში ხალხის უკლებლად გამოცხადებისათვის სოფლის მებატონე და მოხელე იყვნენ პასუხისმგებელი. ბატონო მოვალე იყო მორიგედ მიმავალი გლეხი მოემარაგებინა, როცა უკანასკნელს საკუთარი საშუალება არ გააჩნდა. მორიგე ლაშქარი ცალკე ერთეულებად იყოფოდა და თითოეულს მეფის მიერ დანიშნული მეთაური უფროსობდა. პირველ ხანებში მორიგეში თვიურად ხუთი ათასი მეომარი გამოდიოდა.

მორიგე ლაშქრის მიზანშეწონილობა, მისი დიდი სარგებლიანობა ჩქარა აშკარა შეიქნა. ლეკების თავდასხმები სავსებით შეწყდა, ქვეყანა ნორმალურ ცხოვრებას დაუბრუნდა, მიტოვებული სოფლები ისევ მოშენდა, გლეხებმა ციხე-გალავნები დასტოვეს, მინდვრად გავიდნენ და მშვიდობიან სოფლისმეურნეობას შეუდგნენ. მორიგე ლაშქრის მთავარი ხელმძღვანელი ერეკლეს ვაჟი ლევან ბატონიშვილი იყო. ამ ახალი ლაშქრის ასეთი სარგებლიანობის მიუხედავად თავადებმა მას შეურიგებელი ბრძოლა გამოუცხადეს. მორიგე ჯარი მეფის ხელისუფლებას აძლიერებდა, ეს კნ თავადებთანაა და არ იყო სასურველი.

მორიგე ლაშქარი ბრძანებით არასოდეს გაუუქმებიათ, მაგრამ თავადებმა მოახერხეს მისი თანდათან შესუსტება და ბოლოს სავსებით გაქრობა. უდიდესი ზიანი მოუვიდა მორიგე ლაშქარს მისი ხელმძღვანელის, ლევან ბატონიშვილის, მოულოდნელი სიკვდილით (1781 წ.). სხვა ბატონიშვილები აგრე რიგად არ ზრუნავდნენ მორიგე ჯარზე და მალე ეს საქმე ანგარი მოხელეების ხელში მათი საკუთარი შემოსავლის წყაროდ იქცა. ქრთამით ესა თუ ის თავადი სულ უფრო და უფრო ადვილად ახერხებდა თავისი ყმებით მორიგეში გასვლისაგან თავის დაღწევას. მორიგეთა რიცხვმა თანდათან იკლო და ბოლოს სულ გაქრა.

მორიგე ჯარის გაუქმება იყო თავადების გამარჯვება და ერეკლე მეფის პოლიტიკის უდიდესი მარცხი.

§ 86. რუსეთ-საქართველოს ურთიერთობა.  
საქართველოს თავგადასავალი 18 საუკუნის  
უკანასკნელ ათწლეულ ფლებში



1768—1774 წლებში რუსეთსა და ოსმალეთს შორის ომი წარმოებდა. 1769 წელს რუსთა ჯარი გენერალ ტოტლებენის სარდლობით საქართველოში შემოვიდა ქართველთა ჯარებთან ერთად ოსმალეთის წინააღმდეგ სამოქმედოდ. მაგრამ ტოტლებენმა აშკარად მეფეების (ერეკლესა და სოლომონის) წინააღმდეგ კურსი აიღო და რეაქციონერ თავადებს უკავშირდებოდა და უფრო სწყალობდა, განსაკუთრებით გამწვავდა ურთიერთობა ერეკლესა და ტოტლებენს შორის ასპინძის ომის შემდეგ (1770 წ. მარტი), როდესაც ერეკლესა და ტოტლებენის ჯარებმა აწყურის ციხეს ალყა შემოარტყეს, მაგრამ ტოტლებენი რუსთა ჯარით უეცრად უკან გაბრუნდა. ერეკლე ასპინძისაკენ გაემართა, სადაც შეეტაკა ოსმალთა და ლეკთა რაზმებს. ერეკლემ ამ ბრძოლაში ბრწყინვალედ გაიმარჯვა, მაგრამ ამ გამარჯვების შედეგებით მთლიანად ვერ ისარგებლა. ტოტლებენის უკანდახევის გამო და თვითაც სასწრაფოდ თბილისში დაბრუნდა. ტოტლებენს საერთოდ, ერეკლეს ტახტიდან ჩამოგდება სურდა და შეუდგა ციხე-ქალაქების დაჭერას და ხალხის რუსთ ხელმწიფის ერთგულებაზე დაფიცებას. მაგრამ ერეკლეს ენერგიულმა ჩარევამ იძულებული გახადა ამ საქმეს მოშვებოდა და იმერეთში გადასულიყო. სოლომონის ჯარებთან ერთად რუსთა ჯარმა აქ არაერთხელ გაიმარჯვა თურქებზე და 1770 წლის 6 აგვისტოს ქუთაისის ციხეც წაართვა მათ. მალე ტოტლებენმა ალყა შემოარტყა ფოთს, მაგრამ იგი ვერ აიღო. ამასობაში ადგილობრივ საერთოდ სახელგატეხილი ტოტლებენი რუსეთის სამეფო კარმა საქართველოდან გაიწვია და აქ მის ნაცვლად სხვა სარდალი გამოგზავნა.

ერეკლე მიხვდა, რომ რუსეთთან უფრო მჭიდრო კავშირის გარეშე ქვეყნის აღდგომა-გამოხსნის მიზანს ვერ განახორციელებდა და რუსეთის მთავრობას საქართველოს რუსეთის მფარველობაში შესვლა შესთავაზა. ერთხანს რუსეთი ამაზე თავს იკავებდა ირან-ოსმალეთთან ურთიერთობის ნაადრევად გაუარესების შიშით. ერეკლე ცდილობდა კავშირის დამ-

ყარებას და თავისი მიზნებისათვის ოსმალეთის, ხოლო შემდეგ დასავლეთ ევროპის ქვეყნების გამოყენებას, მაგრამ ეს იმედები ამით გამოდგა. ამასობაში რუსეთს ისევ გაუცხოველდა ინტერესი ამიერკავკასიისადმი და 1783 წლის 24 ივლისს ციხე გეორგიევსკში (ჩრდ. კავკასიაში) ხელი მოაწერეს რუსეთ-საქართველოს „მეგობრობის პირობას“ (ტრაქტატს). ერეკლეს მხრით ხელმოწერას დაესწრნენ იოანე მუხრან-ბატონი და გარსევან ჭავჭავაძე, ხოლო რუსეთის ხელმწიფის ეკატერინე II-ის მხრით — გენერალი პავლე პოტიომკინი. 6 თვის შემდეგ, 1784 წლის 24 იანვარს რუსეთ-საქართველოს ამ ტრაქტატს ხელი მოაწერა ერეკლემ და იგი ძალაში შევიდა. ტრაქტატით ერეკლე უარყოფდა ირანთან და ყველა სხვა სახელმწიფოსთან დამოკიდებულებას და რუსეთის მფარველობაში შედიოდა. ქართლ-კახეთის ტახტზე ახლადგამეფებული პირი ამიერიდან რუსეთის იმპერატორს უნდა დაემტკიცებინა. საგარეო ურთიერთობა ქართლ-კახეთს რუსეთთან უნდა შეეთანხმებინა, შინაურ საქმეებში კი დამოუკიდებელი რჩებოდა. თავის მხრივ რუსეთი ქართლ-კახეთის დაცვას კისრულობდა. ტრაქტატით რუსეთი კისრულობდა ქართლ-კახეთში ჯარის ყოლას. მართლაც რუსთა ორი ბატალიონი 1783 წ. 3 ნოემბერს თბილისში შემოვიდა, ხოლო 1784 წ. 23 იანვარს ერეკლემ რუსეთის იმპერატორისადმი ერთგულების ფიცი მიიღო.

ქართველები ამ ტრაქტატით ლეკიანობის ალაგმვას და დაკარგული ტერიტორიების დაბრუნებას ლამობდნენ. მაგრამ ტრაქტატმა საშინლად ააფორიაქა და დარაზმა კავკასიის მაჰმადიანი მფლობელები. ირან-ოსმალეთმაც უდიდესი საფრთხე იგრძნეს. განახლდა ლეკიანობა. 1785 წელს ხუნძახის ბატონი ომარ-ხანი 20.000 კაცით კახეთის საზღვარს მოადგა და ერეკლე იძულებული შეიქნა მისთვის ყოველწლიური „ჯამაგირის“ სახით 5000 მანეთის მიცემის პირობა დაედო. ამასობაში რუსეთში შენულდა ინტერესი ამიერკავკასიისადმი, ხოლო თვით ქართლ-კახეთის სამეფოშიც ბევრი წარჩინებული რუსეთთან კავშირის წინააღმდეგი იყო. 1791—1792 წლებში დარეჯან დედოფალმა და უფლისწულებმა ერეკლეს დიდი დათმობა გამოსტაცეს: შეაცვლევინეს მეფობის წესი — ამიერიდან მეფობა უნდა გადასულიყო არა მამიდან შვილზე,

არამედ გვარში უფროსზე. ერეკლეს მრავალი შვილი ჰყავდა, უფროსი — გიორგი სხვა დედის შვილი იყო, ყველა დანარჩენი კი დარეჯან დედოფლისა. ამასთანავე მეფემ თავის შვილებს გაუყო სამეფო მამული საუფლისწულოებად და ამრიგად საფუძველი ჩაუყარა წინანდელზე უფრო უარეს სათავადოებს. ბატონიშვილებს ამ საუფლისწულოებში თავი ხელმწიფედ მოჰქონდათ.

ამასობაში, 1784 წ. გარდაიცვალა იმერეთის მეფე სოლომონ პირველი. ამ დროს წარმოიშვა იდეა ერეკლეს გამეფებისა იმერეთშიც, მაგრამ ეს აზრი თვით მან უარჰყო. იმერეთის ტახტზე აიყვანეს მისი შვილიშვილი დავითი (იგი სოლომონ პირველის ძმისწული იყო), რომელმაც სოლომონ მეორის სახელით დაიწყო მეფობა იმერეთში. ამასთანავე 1790 წელს საქართველოს მეფე-მთავრებმა (ერეკლემ და სოლომონმა, გრიგოლ დადიანმა და სიმონ გურიელმა) დადეს სამოკავშირეთ ხელშეკრულება და საერთო მტრის წინააღმდეგ კავშირი შეკრეს. 1793 წელს ამ ხელშეკრულების მონაწილენი საერთო მფარველობას სთხოვდნენ რუსეთის იმპერატორს.

## § 87. პრწანისის ომი

ამასობაში ირანში მრავალწლოვანი შინაური ომებიდან საბოლოოდ გამარჯვებული გამოვიდა ალა-მაჰმად-ხან ყაჯარი, რომელმაც თავისი თავი ირანის შაჰად გამოაცხადა. ალა-მაჰმად-ხანმა ჯერ კიდევ 1786 წელს მოაგონა თავი ერეკლეს: „ძმობისა და სიყვარულის“ სიტყვები შემოუთვალა „გურჯისტანის“ მეფეს. ალა-მაჰმად-ხანი ქართლ-კახეთში ირანის ძველი ბატონობის აღდგენას ცდილობდა. ერეკლესაგან ის რუსეთ-საქართველოს კავშირის გაუქმებასა და ქართლ-კახეთის ირანისადმი დამორჩილებას მოითხოვდა. სამაგიეროდ ხანი დიდ წყალობასა და პატივს ჰპირდებოდა ერეკლეს.

ალა-მაჰმად-ხანის წინადადება ერეკლესათვის ყოვლად მიუღებელი იყო, რადგანაც მეფემ დიდი ხანია საქართველოს მომავალი პროგრესულ ევროპას სამუდამოდ დაუკავშირა. ამ პირობებში ომი ირანსა და საქართველოს შორის აუცილებელი ჩანდა.

1793 წელს ერეკლემ უკვე იცოდა, რომ ალა-მაჰმად-ხანს

საქართველოზე ლაშქრობა გადაწყვეტილი ჰქონდა. აქეთკენ ეპატიუებოდნენ შაჰს ქართლ-კახეთის მეფის მეტოქე ხანებიც. ერეკლე რუსეთს ჯარითა და არტილერიით დახმარებას სთხოვდა.

ხელშეკრულების თანახმად რუსეთის მთავრობა მოვალე იყო ერეკლეს დახმარებოდა, მაგრამ მოკავშირე-მფარველის ეს დახმარება არ ჩანდა. მენაპირე-უფროსი გუდოვინი ერეკლეს დაუსრულებლად აიძულებდა, მაგრამ საქმით არაფერს აკეთებდა.

1795 წლის აგვისტოს ბოლო რიცხვებში ალა-მაჰმად-ხანის ჯარები შუშასა და ერევანს შემოსდგომოდნენ. ენშიაძინის სომეხთა კათალიკოსმა თავი დიდი ქრთამით დაიხსნა. სექტემბრის დამდეგს ალა-მაჰმად-ხანი უკვე თბილისისაკენ წამოვიდა.

მრავალშეგადახდილი ერეკლე სრულიად მოუმზადებელი აღმოჩნდა. საჭირო თადარიგი მან თავის დროზე დაიჭირა, მაგრამ თავადური რეაქცია ქვეყანას ისე მოსდებოდა, რომ 40.000 მეომრის ნაცვლად მეფეს 4.000 ძლივს მოუვიდა. ბატონიშვილებიც კი საჭიროდ არ თვლიდნენ თავისი საუფლისწულოებიდან დაძრულიყვნენ. ზოგი კიდევ სულ მცირე ამალით მოდიოდა. „მარკოზაშვილის დარბაზელები“ დაძრწოდნენ სოფლიდან-სოფლად, მეფის სახელით ხალხს მტრის წინააღმდეგ ბრძოლის უიმედობას ატყობინებდნენ და შორს დახიზვნას უბრძანებდნენ. ერეკლეს სიძემ, ქიზიყის მოურავმა ზაქარია ანდრონიკაშვილმა 2.000 ქიზიყელი ომის წინა ღამეს სოღანლულის ბანაკიდან გააპარა. გიორგი ბატონიშვილი სიღნაღში იჯდა, ხოლო გიორგის მომდევნო ძმა, იულონ ბატონიშვილი, ქართლში ნებივრობდა იმ დროს, როცა სამშობლოს თავისუფლებისა და მომავლის ბედი წყდებოდა.

საქართველოს ასათირებლად ალა-მაჰმად-ხანმა 35 ათასი კაცი წამოიყვანა. 10 სექტემბერს მტერი თბილისს მოუახლოვდა. ერეკლეს მხოლოდ ხუთი ათასი კაცი ჰყავდა. აქედან სამი ათასი მეომარი სოლომონ მეორის, იმერთა მეფის, მიერ მოყვანილი დამხმარე ჯარი იყო. სიმცირის მიუხედავად მეფემ ომი გადაწყვიტა. ალა-მაჰმად-ხანმა საქართველოს ვითარება არ იცოდა და ერეკლესაგან ძლიერ წინააღმდეგობას მოელოდა. 10 სექტემბერს ქართველებმა დაამარცხეს მტრის

მოწინავე რაზმი და დიდი ზარალით უკუაქციეს. მტერი შეფიქრდა და თავისი საქმის წარმატებაში შეეჭვდა. ამ დროს მოლაღატეებმა თბილისიდან მტრის ელჩი გააპარეს. მან მეფის სისუსტე ხანს აცნობა. მტერს იმედი მოეცა და 11 სექტემბერს ერეკლეს გულსრულად შემოუტია. კრწანისის მიინდორზე, თბილისის კარებთან, გადამწყვეტი ომი მოხდა. მიუხედავად თავგანწირული ბრძოლისა, ქართველები დამარცხდნენ, მაგრამ ერეკლეს შვილიშვილის იოანე ბატონიშვილისა და სხვა ერთგულთა თავდადებაში იხსნა მეფე: მებრძოლი მოხუცი გამოიყვანეს ომის ცეცხლიდან. ერეკლე მთიულეთში წავიდა, სოლომონი კი თავისი ჯარით იმერეთს გადავიდა.

გამარჯვებული ალა-მაჰმად-ხანი თბილისში შემოვიდა. მტერმა ქალაქი გაძარცვა, დასწვა, დაანგრია. ხანი მეფის სასახლეში შევიდა, ჯერ გაძარცვა ის, შემდეგ დაანგრევინა. მისივე ბრძანებით საგანგებოდ დაანგრიეს ზარბაზნების ჩამოსასხმელი ქარხანა, იარაღის საწყობი, აბანოები, ზარაფხანა (სახელმწიფო დაწესებულება, სადაც ფულს ჭრიდნენ). ამავე დროს ხანმა ქვეყანას მარბიელი რაზმები გაუსია. ერთი ასეთი რაზმი ახტალას ავიდა, იქ ვერცხლისა და სპილენძის ქარხნები, რომელნიც ომარ-ხანის შემდეგ აღედგინა ერეკლეს, გაძარცვა და დაანგრია. აქ სპარსელებმა მრავლად დაატყვევეს მადნის მუშები. მარბიელთა რაზმებმა შიდა ქართლიც მოითარეშეს გორი-ცხინვალამდე, მაგრამ მოსახლეობა დახიზნულიყო და ბევრი ვერაფერი იშოვეს. არაგვზე მარბიელებს 300 კაცისაგან შემდგარი ხევსურთა რაზმი გადაეყარა. ხევსურები ერეკლეს მოწოდებაზე წამოსულიყვნენ, ქართველთა დამარცხება მათ ჯერ არ შეეტყოთ და თბილისში მეფესთან მიდიოდნენ. ხევსურებმა მარბიელთა ეს რაზმი თითქმის სულ გაწვევითეს.

ვიდრე ალა-მაჰმად-ხანი საქართველოში იყო, მასა და ერეკლეს შორის მოლაპარაკება გაიმართა. ერეკლე, რომელიც აწანურს იდგა, დროის მოგებას ცდილობდა, მტერთან მოლაპარაკებას აწარმოებდა, მაგრამ ამის შესახებ რუსთა მენაპირე-უფროსს გუდოგინს ატყობინებდა და მისგან სასწრაფოდ დახმარებას მოითხოვდა. არც ალა-მაჰმად-ხანს სწამდა ერეკლეს გულწრფელობა.

საქართველოში მტერი დიდხანს ატ დარჩენილა. ჯერ კიდევ მოლაპარაკება გრძელდებოდა, რომ სექტემბრის მიწურულში ხანი აიყარა და სასწრაფოდ ირანს წავიდა. იქ, ხორასანში, მდგომარეობა გართულებულიყო.

ალა-მაჰმად-ხანის საქართველოში ლაშქრობამ სიხარული და კმაყოფილება გამოიწვია არამარტო ზოგიერთ მეზობელ ხანში. სიხარულით ცას ეწია ოსმალეთი. ხონთქარმა ხანს საგანგებოდ მიულოცა გამარჯვება და კავშირი შესთავაზა. დიდად კმაყოფილი იყო საფრანგეთიც. ხსენებული სახელმწიფოები ამ ფაქტში რუსეთის დამარცხებას ხედავდნენ და ამიერკავკასიიდან თავისი მეტოქის, რუსეთის, საბოლოოდ გასადევნად ალა-მაჰმად-ხანს კვლავ საქართველოში ლაშქრობას ურჩევდნენ.

საქართველოს გასაჭირით სარგებლობა ლეკებმაც მოინდომეს. ლეკთა რაზმები წამოიშალნენ და ქართლ-კახეთის დაუცველ სოფლებს მოედნენ.

#### § 88. ქართლ-კახეთის სამეფოს რუსეთთან შეერთება

რუსეთის მთავრობამ კარგად დაინახა თავისი შეცდომა. გასაჭირში მიტოვებული და მტრის პირში მიცემული მოკავშირე მას ეკარგებოდა, ხოლო საქართველოს დაკარგვით რუსეთი იძულებული ხდებოდა მთელს ახლო აღმოსავლეთში ფეხი ამოეკვეთა. ამიტომაც რუსეთის სამეფო კარზე სულ უფროდაუფრო ფეხს იკიდებდა საქართველოს უშუალოდ შეერთების იდეა. ალა-მაჰმად-ხანის ლაშქრობის მომდევნო წლებში რუსთა ჯარი შემოვიდა და კარგა ხანს იმყოფებოდა აღმოსავლეთ საქართველოში. მოეწყო რუს-ქართველთა ერთობლივი ლაშქრობებიც განჯის ხანის, აგრეთვე ლეკი მფლობელების წინააღმდეგ. ამასობაში ირანი და ოსმალეთი ემუქრებოდნენ ერეკლეს და რუსეთთან კავშირის გაუქმებას მოითხოვდნენ. საქართველოზე ხელმეორე ლაშქრობა წამოიწყო ალა-მაჰმად-ხანმაც, ყარაბაღამდე მოვიდა, მაგრამ აქ 1797 წ. 4 ივნისს მოკლულ იქნა.

1798 წელს 80 წლის ასაკში გარდაიცვალა ერეკლე მეორე. ქართლ-კახეთის სამეფო ტახტი მისმა ვაჟმა გიორგი მეორემეტემ დაიკავა. ეს უკანასკნელი ფიქრობდა შეეცვალა ტახტის



მემკვიდრეობის წესი, რომელიც ერეკლეს დაადგინინეს დარეჯან დედოფალმა და მისმა ვაჟებმა, და იგი თავისი ვაჟისათვის დაეტოვებინა. მაგრამ უფლისწულებისა და სხვა თავადების წინაშე იგი უძლური იყო. მის ერთადერთ იმედს უცხო ძალა წარმოადგენდა. ერთხანს მან ლეკების 1200-კაციანი დაქირავებული რაზმი გაიწინა მცველად, თან რუსეთში თხოვნას თხოვნაზე აგზავნიდა და რუსეთის მთავრობას ახალ-ახალ დათმობებს სთავაზობდა, ოღონდაც მისთვის და მისი მემკვიდრეებისათვის შეენარჩუნებინათ სამეფო ტახტი და სხვა პრივილეგიები. გიორგი მეფე ჯერ კიდევ ცოცხალი იყო, როდესაც რუსეთის მთავრობამ 1800 წ. 22 დეკემბერს უკვე მიიღო გადაწყვეტილება ქართლ-კახეთის სამეფოს გაუქმებისა და ქვეყნის რუსეთთან შეერთების შესახებ. ექვსი დღის შემდეგ გიორგი მეფე გარდაიცვალა. თბილისში მყოფ რუსის ჯარის სარდალს კარგა ხანია საიდუმლო განკარგულება ჰქონდა მიღებული, რათა გიორგის ვაჟის, სამეფო ტახტის მემკვიდრედ დასახული დავით ბატონიშვილის მეფედ გამოცხადება არ დაეშვა. 1801 წლის 16 თებერვალს სიონის ტაძარში, რომელსაც წინასწარ ძლიერი სამხედრო რაზმი შემოარტყეს, წაიკითხეს რუსეთის იმპერატორის პავლეს მანიფესტი. 1801 წელს, 12 სექტემბერს, პავლეს მემკვიდრის, იმპერატორ ალექსანდრე პირველის ხელისმოწერით გამოქვეყნდა მანიფესტი ამავე საგნის შესახებ. ქართლ-კახეთის სამეფო „საქართველოს გუბერნიად“ გამოცხადდა, მთავარ-მმართველად გენერალი კნორინგი დაინიშნა, ხოლო სამოქალაქო საქმეების მმართველად — კოვალენსკი.

ამრიგად მეფის რუსეთმა ქართლ-კახეთი უშუალოდ შეიერთა. დაიწყო ახალი ხანა საქართველოს ისტორიაში.

**საქართველო მე-19 ს. პირველ მესამედში**

**§ 89. საქართველოს სხვადასხვა ნაწილების  
თანდათანობითი შვიერთება რუსეთთან**

1801 წელს, როგორც ზემოთ ითქვა, მეფის რუსეთმა ქართლ-კახეთის სამეფო შეიერთა. ამის შემდეგ იგი შეუდგა ზრუნვას საქართველოს და, საერთოდ კავკასიის სხვა ნაწილების შემოსაერთებლად, რომელნიც ნაწილობრივ დამოუკიდებელ სამეფო-სამთავროებს წარმოადგენდნენ, ნაწილობრივ კი მეზობელი ირანისა და ოსმალეთის (ე. ი. თურქეთის) მფლობელობაში იმყოფებოდნენ.

დასავლეთი საქართველო, კერძოდ, ამ დროს ცალკეულ სამეფო-სამთავროებად დაქსაქსულ მხარეს წარმოადგენდა. აქ არსებულ იმერეთის სამეფოს, გურიის, სამეგრელოს, აფხაზეთისა და სვანეთის სამთავროებს ურთიერთშორის მუდმივი შუღლი და მტრობა ჰქონდათ. ამასთანავე, საკმაოდ ღონემიხდილი ოსმალეთი ამ დროს მაინც ახერხებდა დასავლეთ საქართველოზე თავისი გავლენის შენარჩუნებას. მის ხელთ იყო საქართველოს ზღვისპირა ქალაქები ბათუმი, ფოთი და სოხუმი. სწორედ ამ ქალაქებში მისი წაქეზებით ადგილი ჰქონდა საქართველოდან მოტაცებული ტყვეებით გაცხოველებულ ვაჭრობას.

განსაკუთრებით ძლიერი იყო ოსმალეთის გავლენა აფხაზეთის სამთავროში. მთავარ შარვაშიძეთა სახლი იმ დროს მაჰმადიანობას აღიარებდა და სულთანის ბატონობას სცნობდა. აფხაზეთის მოსახლეობაშიაც იკაფავდა გზას გათურქების პროცესი, მაგრამ ხალხის დიდი ნაწილი მაინც მტკიცედ იკავდა ქრისტიანობას და საქართველოს მოსახლეობასთან მჭიდრო კავშირს ინარჩუნებდა. ამ დროს სამეგრელოს დროებითი მთავარი ნინო ბაგრატიონი სწერდა რუსეთის მთავრობას,

რომ აფხაზეთში „გლეხნი... უმეტესნი ქრისტიანობენ და სწამთ ჯვარი და ხატი ჩვენით“.

საქართველოს პოლიტიკურ ერთეულებს შორის იმერეთი შედარებით დაწინაურებული ქვეყანა იყო. იმერეთის მეფე სოლომონ II ენერგიულად იბრძოდა დასავლეთ საქართველოს გაერთიანებისათვის. იგი არ სცნობდა ოსმალეთის სულთანის ხელისუფლებას და შავი ზღვის საქართველოს ნაპირებიდან ოსმალთა სავსებით განდევნისათვის ემზადებოდა. მაგრამ გამაერთიანებელი ძალების ბრძოლას ქვეყნის მოღალატე მთავრები აბრკოლებდნენ. თავიანთი დამოუკიდებლობის შენარჩუნების მიზნით ისინი იმერეთის მეფის წინააღმდეგ გამოდიოდნენ და საქართველოს საგარეო მტერს უკავშირდებოდნენ. აფხაზეთის, სამეგრელოს, გურიისა და სვანეთის მთავრები, სხვა თავადებთან ერთად შიგნიდან ანგრევდნენ ქვეყანას და ხელს უწყობდნენ ოსმალეთის მტაცებლურ სახელმწიფოს საქართველოს დამონების საქმეში.

მე-19 ს. დამდეგს სოლომონ მეორემ შეძლო გურიელის დამორჩილება და რამდენიმეჯერ დაამარცხა და ტახტიდან ჩამოაგდო სამეგრელოს მთავარი დადიანიც, მაგრამ ეს უკანასკნელი, ხან აფხაზეთის მთავრის დახმარებით და ხან სხვა თავადთა ხელისშეწყობით, მაინც ახერხებდა სამთავრო ხელისუფლების დაბრუნებას. იმერეთის მეფის მიერ დიდად შევიწროებული დადიანი რუსეთის მთავრობას სთხოვდა შეეღწასა და მფარველობას. დადიანის ეს მოთხოვნა მეტად ხელსაყრელი იყო რუსეთისათვის, რომელსაც სამეგრელოს მოპოვებით გაუადვილდებოდა იმერეთის მეფის დამორჩილება და მთელი დასავლეთ საქართველოს შემოერთება.

რუსეთის მთავრობამ 1803 წ. დეკემბერში სამფარველო ხელშეკრულება დაუდო სამეგრელოს მთავარს გრიგოლ დადიანს, დაიცვა მისი ხელისუფლება და იგი იმერეთის მეფეს დაუპირისპირა. მას შემდეგ დადიანი რუსეთის ერთგული, მორჩილი და დასავლეთ საქართველოში თვითმპყრობელობის პოლიტიკის თავწამკვდარი მსახური გახდა.

იმერეთის მეფე სოლომონი ხედავდა, რომ მეფის რუსეთის მიერ ქართლ-კახეთში სამეფო ხელისუფლების გაუქმება მის დამოუკიდებლობასაც უქადდა საფრთხეს და ამიტომ ცხოველ მონაწილეობას იღებდა ბაგრატიონთა მიერ დაკარგული

ტახტის აღდგენისათვის ბრძოლაში. რუსეთთან ურთიერთობაში იმერეთის მეფე მთელი დასავლეთ საქართველოს მეფობას იჩემებდა. მაგრამ რუსეთი მხარს არ უჭერდა დამოუკიდებლობისათვის მებრძოლი მეფის ხელისუფლების გაფართოებას. ამიტომ სოლომონის ბრძოლას მარცხი მოელოდა. მას შემდეგ, რაც რუსეთმა დადიანის დაცვა იკისრა, იმერეთის მეფის დამოუკიდებლობას კიდევ უფრო მეტი საფრთხე შეექმნა.

სოლომონ II თავის საშინაო დამოუკიდებლობას იცავდა და რუსთ ხელმწიფეს მხოლოდ საგარეო-პოლიტიკურ მბრძანებლობას სთავაზობდა. მაგრამ მეფის რუსეთი ამას არ სჯერდებოდა, საქართველოს მთავარსარდალი ციციანოვი იმერეთის მეფისაგან უსიტყვო მორჩილებას მოითხოვდა. მეფისადმი ციციანოვის მედიდურმა დამოკიდებულებამ უფრო მას შემდეგ იჩინა თავი, როცა რუსთა ჯარმა, 1804 წ. იანვარში, დაიპყრო განჯის სახანო აზერბაიჯანში და შიშის ზარი დასცა ირანს, იმავე წლის აპრილში რუსის ჯარი იმერეთშიაც შევიდა და სოლომონ მეფე უკვე იძულებული შეიქნა მიეღო ციციანოვის მიერ ნაკარნახევი სამფარველო პირობები.

1804 წ. 24 აპრილს დადებული ტრაქტატის საფუძველზე იმერეთის მეფე საქართველოს მთავარსარდალის ბრძანებათა აღმასრულებელი და მეფის რუსეთის მთავრობის მსახური ხდებოდა. მაგრამ ეს იყო იმერეთის მეფის დროებითი უკანდახევა. მიუხედავად ამ ხელშეკრულებისა, სოლომონ II დამოუკიდებლობის შენარჩუნებისათვის ბრძოლას განაგრძობდა. ტრაქტატის საფუძველზე რუსეთის მფარველობა გავრცელდა გურიის სამთავროზედაც. იმერეთში მუდმივ სამყოფელად შეიყვანეს რუსის ჯარის მცირე რაზმი, რომლის რიცხვი შემდგომ თანდათან იზრდებოდა.

დასავლეთ საქართველოს მეფე-მთავართა მფარველობაში მიღებითა და მათი ამგვარი დამორჩილებით საფუძველი ეყრებოდა ფეოდალური შინა ომების მოსპობას და საქართველოს გამთლიანებას რუსეთის მფლობელობაში.

რუსეთის მთავრობასა და იმერეთის მეფეს შორის ურთიერთობა წლითიწლობით მწვავედებოდა. სოლომონ მეფისათვის სავსებით ცხადი გახდა, რომ რუსეთს განზრახული ჰქონდა იმერეთის სამეფოს გაუქმება. ამიტომ იგი უნდობ-

ლად უყურებდა იმერეთში შეყვანილ რუსთა რაზმებს და ქუთაისიდან მათ გაყვანას მოითხოვდა, მაგრამ ამოდ. მართალია, რუსეთ-ოსმალეთის ომის დროს სოლომონი რუსეთის წინააღმდეგ არ გამოსულა, მაგრამ არც არაფრით დახმარებია მას. დამოუკიდებლობისათვის მებრძოლი იმერეთის მეფე ამ ომის ვითარებაში რუსეთს უპირისპირდებოდა და უნებლიედ ექცეოდა მტრული ოსმალეთის ბანაკში. რუსი მოხელეები, თავის მხრივ, ნიადაგს ამზადებდნენ სოლომონის თავიდან მოსაცილებლად. ისინი ცდილობდნენ, მეფე მოტყუებით ეგდოთ ხელთ და რუსეთში გადაესახლებინათ. 1810 წ. მათ ესეც მოახერხეს, სოლომონ II დაატყვევეს და თბილისში ჩაიყვანეს, მაგრამ იმავე წლის 11 მაისს იგი გაექცა მათ და ოსმალთა ხელში მყოფ. ქ. ახალციხეში ჩავიდა.

იმერეთის მოსახლეობის უკმაყოფილება თანდათან მატულობდა. აქაც იჩინა აკვი მეფის რუსეთის სამხედრო მოხელეების ძალადობამ. იმერეთშიაც ისინი იძულების წესით მოითხოვდნენ გლეხთაგან ჯარებისათვის საჭირო სურსათს, ურმებს, ცხენებს, სამსახურს. იმერეთის გლეხობის ძველ ბატონყმურ უღელს ახლა კოლონიური ჩაგვრაც დაემატა. ბორგავდნენ მეფის მომხრე თავადაზნაურებიც, რომლებმაც ძველი პოლიტიკური უპირატესობა დაკარგეს. ამრიგად, ქვეყანაში საყოველთაო უკმაყოფილება შეიქნა და 1810 წ. ივნისში დაიწყო შეიარაღებული აჯანყება, რომელსაც სამეფო ტახტის დაბრუნებისათვის მებრძოლი სოლომონ II მეთაურობდა.

1810 წ. ზაფხულში იმერეთში რუსთა ჯარის წინააღმდეგ გაჩაღებულ სისხლისმღვრელ ბრძოლას მეტად საწიფათო სასიათი ჰქონდა. იგი დიდ საფრთხეს უქადდა მეფის რუსეთის ბატონობას საქართველოში.

რუსეთის მთავრობამ, სამეგრელოსა და გურიის მთავართა მიერ გამოყვანილი რაზმების დახმარებით, შეძლო აჯანყების ჩაქრობა და კრიტიკული მდგომარეობიდან თავის დაღწევა. სოლომონ მეფე ოსმალეთში დაიქცა. იმერეთში დამყარდა დროებითი მმართველობა, რომლის სათავეშიც რუსი მოხელეები ჩააყენეს.

ამრიგად, მეფის რუსეთმა გააუქმა იმერეთის სამეფოც, რომელიც საქართველოში სახელმწიფოებრივი დამოუკიდებლობის აღდგენისათვის ბრძოლის დასაყრდენს წარმოადგენ-

და. სამაგიეროდ რუსეთმა თავისი მიზნებისათვის ხელსაყრელად სცნო დასავლეთ საქართველოში ცალკეულ მთავართა შეზღუდული ხელისუფლების შენარჩუნება, რადგან მისთვის ცხადი გახდა, რომ იმჯერად მთავრები ხელს შეუწყობდნენ ცარიზმის კოლონიური პოლიტიკის განხორციელებას საქართველოში.

გურიის მთავარს, რომელიც 1804 წ. იმერეთის მეფესთან ერთად რუსეთის მფარველობაში მიღებულად გამოაცხადეს, ახლა (1810 წ.) დამოუკიდებლად დაუდეს სამფარველო ხელშეკრულება. ამით დაუკმაყოფილეს პატივმოყვარეობა გურიელს, რომელიც დადიანთან შედარებით თავს დამცირებულად გრძნობდა, და მას შემდეგ იგიც მეფის რუსეთის ბრძანების მორჩილ შემსრულებლად გადააქციეს.

აფხაზეთის სამთავრო სახლი XIX ს. დამდეგიდანვე ხედავდა, რომ ოსმალეთის გავლენა დასავლეთ საქართველოში სულს დაფავდა, ხოლო რუსეთი ძლევამოსილად მოიწევდა აქეთკენ. სამეგრელოს მთავრის მიბაძვით აფხაზეთის მთავარი, სულთანის ყმა ქელეშ-ბეგ შარვაშიძე, ახლა რუსეთის საფარველ ქვეშ ფიქრობდა თავისი პრივილეგიების დაცვას. რუსეთიც, თავის მხრივ, დიდად იყო დაინტერესებული აფხაზეთის ხელში ჩაგდებით. მაგრამ სოხუმში ოსმალთა საკმაოდ ძლიერი მეციხოვნე რაზმი იყო გამაგრებული და აფხაზეთის მშვიდობიანი გზით შემოერთება საძნელო ჩანდა. 1808 წლიდან აფხაზეთის რუსეთთან შეერთების საქმის მოთავედ გამოდიოდა სამთავრო ხელისუფლების მემკვიდრე, გაქრისტიანებული გიორგი შარვაშიძე.

1810 წ. 10 ივლისს რუსთა რაზმებმა ფიცხელი ბრძოლით აიღეს სოხუმის ციხე. იმავე წლის ოქტომბერში დადიანისა და გურიელის მსგავსად მიღებულ იქნა რუსეთის მფარველობაში აფხაზეთის მთავარი გიორგი შარვაშიძე. ამ მოვლენას დიდი მნიშვნელობა ჰქონდა აფხაზი და ქართველი ხალხების კულტურულ-პოლიტიკური ერთიანობის აღდგენა-განმტკიცებისა და აფხაზი მოსახლეობის სოციალურ-ეკონომიკური აღმავლობისათვის. დაიწყო ოსმალთა ბატონობის მძიმე შედეგების აღმოფხვრა და, საერთოდ, დასავლეთ კავკასიის მთიანეთიდან მათი განდევნის ხანა.

შემდეგში თანდათან მეფის რუსეთმა გააუქმა დასავლეთ

საქართველოს მთავრების ასეთი „დამოუკიდებლობა“ და მათი სამფლობელოები უშუალოდ შეუერთა იმპერიის მიწა-წყალს. 1828 წ. გააუქმეს გურიის სამთავრო, 1857 წ.— სამეგრელოს, 1857 — 1859 წლებში სვანეთის, ხოლო 1864 წ. — აფხაზეთის სამთავროები.

ამასობაში რუსეთი ოსმალეთთან და ირანთან ბრძოლაში კავკასიის ახალ-ახალ რაიონებს იერთებდა. ქართლ-კახეთის სამეფოს შემოერთების შემდეგ რუსეთმა განჯის სახანო შემოიერთა და უშუალოდ დაემუქრა ირანის ჩრდილო პროვინციებს. მალე დაიმორჩილეს აგრეთვე შაქისა და შუშის სახანოები აზერბაიჯანში. ირანის ჯარებთან შეტაკების შემდეგ 1806 წ. რუსეთის ჯარები ბაქოშიც შევიდნენ. რუსებთან ერთად ამ ბრძოლებში ქართველებიც იღებდნენ მონაწილეობას.

ბევრი წარმატება იქნა მიღწეული ოსმალეთთან ბრძოლაშიც. რუსეთის ჯარებმა ქართველთა რაზმების აქტიური მონაწილეობით 1809 წ. 15 ნოემბერს აიღეს ქალაქი ფოთი, თუმცა 1812 წ. დადებული ზავით ფოთი კვლავ ოსმალეთს დარჩა; 1810—1811 წლებში ბრძოლები წარმოებდა ახალციხისა და ახალქალაქისათვისაც, მაგრამ აქაც ჯერჯერობით წარუმატებლად.

ოციან წლებში ბრძოლა ირანთან და ოსმალეთთან ახალი ძალით განახლდა.

რუსეთთან ომში დამარცხებული ირანი სამაგიეროს გადასახდელად ემზადებოდა. ირანს აქეზებდა და რუსეთის წინააღმდეგ საომრად ამზადებდა ინგლისი, რომელიც თავგამოდებით ცდილობდა რუსეთის ამიერკავკასიიდან გაძევებას. 1826 წ. ზაფხულში დაიწყო რუსეთ-ირანის ახალი ომი. მოულოდნელად შემოსულმა ირანელებმა დაიკავეს ყარაბაღი, განჯა, მიადგნენ ბაქოს და საქართველოში შემოჭრით საშიშროება შეუქმნეს თბილისსაც.

საქართველოს მშრომელი მოსახლეობა ამ ომშიაც რუსთა ჯარს ამოუდგა მხარში და მასთან ერთად ებრძოდა ირანელ დამპყრობლებს, მიუხედავად იმისა, რომ თვითმპყრობელურმა ტყუილმა ბევრი სიმწარე აგემა გლეხობას.

ქართველ ხალხს იმდენად სძულდა ირანელი დამპყრობლები, რომ მან საკუთარი თაოსნობით, სულ რაღაც ერთი კვირის განმავლობაში, 6.000 მოხალისე გამოიყვანა. ეს რაზ-

მი და მასთან ერთად მრავალი ქართველი მეთაური (გენერალ-ლეიტენანტი გ. ერისთავი, პოლკოვნიკი ლ. სავარსამიძე, გ. ორბელიანი, ზ. ანდრონიკაშვილი და სხვები) წარმატებით მონაწილეობდნენ ომში, ფრონტის სხვადასხვა უბნებზე.

ქართველებმა თავი ისახელეს სომხეთის დედაქალაქ ერევანის განთავისუფლებისას 1827 წ. იმავე წლის 13 ოქტომბერს რუსთა რაზმებმა გენერალ გ. ერისთავის სარდლობით დაიკავეს სამხრეთ აზერბაიჯანის ცენტრალური ქალაქი თავრიზი.

თავრიზის აღებამ დააჩქარა ზავის დადება (1828 წ. 10 თებერვალს). ამ ზავის საფუძველზე რუსეთმა შემოიერთა ერევანისა და ნახჭევანის სახანოები და ამრიგად გაათავისუფლა ამ სახანოების სომხურ-აზერბაიჯანული მოსახლეობა ირანელთა ბატონობისაგან. მოძმე სომხური მოსახლეობის რუსეთთან შემოერთების შედეგად საქართველოს სამხრეთ საზღვრის ეს ნაწილიც უვნებელყოფილ იქნა.

მნიშვნელოვანი შედეგი მოჰყვა 1828 წ. დაწყებულ რუსეთ-ოსმალეთის ომსაც — კერძოდ კავკასიის ფრონტზე მიმდინარე ბრძოლას, რომელზედაც ქართველობა დიდ იმედს ამყარებდა.

ოსმალეთთან 1806—1813 წწ. ომში „ახალციხის საფაშოს“ სახელით მონათლული ქართული მიწა-წყლის შემოერთების ცდები უშედეგოდ დასრულდა. ოსმალთა უღელ ქვეშ მგმინავი ქართველი მოსახლეობა კვლავ ოცნებობდა იმ ბედნიერ დღეზე, როცა ამ უღლისაგან განთავისუფლდებოდა და თავის ღვიძლ ძმებს შემოუერთდებოდა.

ახალციხის საფაშო წარმოადგენდა ოსმალეთის აგრესიის პლაცდარმს ამიერკავკასიაში. XIX ს. დამდეგიდან ახალციხე ანტირუსული საქმიანობის კერად იქცა. აქედან უკავშირდებოდა ოსმალეთი დაღესტნელ ერთმორწმუნე ფეოდალებს და აბრაგთა რაზმებს, რომლებსაც საქართველოს უსევდა. აქედანვე მყარდებოდა კავშირი ჭარულ აბრაგთა საბუდართან. ჭარში მოკალათებული აბრაგები კი, ოსმალეებთან შეთანხმებით, ზურგიდან ურტყამდნენ ქართლ-კახეთს და იქ განლაგებულ რუსთა ჯარებს.

ქართველობა ოსმალეთის წინააღმდეგ ომში დიდი ერთუზიანობით ჩაება და კვლავ წარმატებით იბრძოდა თავისი მიწა-წყლის შემოერთებისათვის.



რუსთა რაზმების მიერ ყარსის აღების შემდეგ გაჩაღდა ბრძოლა ახალციხის მიმართულებითაც. 1828 წ. 24 ივლისს აღებულ იქნა ახალქალაქი, ხოლო 16 აგვისტოს, ქართველთა რაზმების ენერგიული მონაწილეობით — ქ. ახალციხეც. იმავე დროს რუსთა რაზმებმა გენერალ ალ. ჭავჭავაძის სარდლობით დაიპყრეს ბაიაზეთის საფაშოც.

ახალციხე-ახალქალაქის აღებამ საქართველოში ნამდვილი ზეიმი გამოიწვია. თანამედროვეთა გადმოცემით, „უდიდესმა აღტაცებამ მოიცვა მთელი მოსახლეობა“, „ახალციხის აღება იყო საქართველოს სახალხო დღესასწაული... საქართველო ზეიმობდა დიდი ხნის წინათ დაკარგული... ახალციხის დაბრუნებას თავის მშობლიურ წიაღში“. ასე უყურებდა ქართველი ხალხი რუსეთის მფლობელობაში საქართველოს ტერიტორიათა გაერთიანებას.

1828 წ. ქართველმა რაზმებმა, ისევე როგორც 1809 წ., გადამწყვეტი როლი შეასრულეს ქ. ფოთისათვის ბრძოლაში. ფოთი აღებულ იქნა 15 ივლისს. ამის შემდეგ ქართულ-რუსულმა რაზმებმა ქობულეთ-ბათუმის მიმართულებითაც შეუტიეს მტერს. რუსებთან ერთად მარტო დასავლეთ საქართველოდან იბრძოდა 6 ათასი ქართველი. მიუხედავად მოპოვებული წარმატებისა, იმჯერად ქობულეთ-აჭარის განთავისუფლება ვერ მოხერხდა.

ამ ომში მონაწილე ჯარის სურსათით მომარაგების მთელი სიმძიმე კვლავ ქართველ ხალხს აწვა კისრად. „შეიძლება თამამად ითქვას, — წერდა დიდი რუსი პოეტი გრიბოედოვი, — რომ 1825 წლიდან დღემდე (1828 წ. სექტემბერი) საქართველომ პური, სასაპალნე და შესაბმელი პირუტყვით, მეხრეებითა და ა. შ. საერთო ანგარიშით, მეტი დახარჯვა თავისი ქონებიდან, ვიდრე ამას შეძლებდა რუსეთის რომელიმე ყველაზე უფრო ღონიერი ოლქი, მაშინ როცა სივრცითა და მოსახლეობით იგი ველიკორუსული გუბერნიის მხოლოდ სამ მახრას თუ უდრის“. 1827—1831 წლებში საქართველომ გაიღო რუსთა რაზმებისათვის საჭირო პურის 40,3%, ბურღულის 46,2%. ქერის 76% და თივა-ჩაღის 96,5%. იმ დროს აქ მყოფი ჯარის რაოდენობა კი 20 ათას კაცს აღემატებოდა. სამაგიეროდ, ქართველი ხალხის მიერ გაღებულ დიდ მსხვერპლს უშედეგოდ არ ჩაუვლია.

1829 წ. სექტემბერში ოსმალეთთან დადებული ზავის ძალით რუსეთმა, სხვა წარმატებასთან ერთად, შემოიერთა ძველი ქართული ქალაქები ფოთი, ახალციხე და ახალქალაქი და აგრეთვე ძველი სამცხე-საათაბაგოს ათი რაიონი — ახალციხისა, ახალქალაქისა, ასპინძისა, აწყურისა, ხერთვისისა, კვაბლიანისა, აბასთუმნისა, ჭაჭარაქისა, ფოცხოვისა და ჩილდირისა. მაგრამ ეს მაინც მცირე ნაწილი იყო იმ დიდი მიწაწყლისა, რომელიც ოსმალეთმა საქართველოს XVI საუკუნეში წავლიჯა.

1829 წ. ზავმა დაადასტურა მეფის რუსეთის ბატონობის განმტკიცება საქართველოსა და ამიერკავკასიაში. ოსმალეთი საბოლოოდ განიდევნა მდ. ყუბანსა და მდ. ჩოლოქს შუა მდებარე სანაპიროდან. ოსმალეთის სახელმწიფო ძველებურად უკვე ველარ დაემუქრებოდა კავკასიის ხალხებს.

ომის დასრულების შემდეგ, 1830 წ., რუსთა და ქართველთა რაზმებმა საბოლოოდ შემოიერთეს ჭარ-ბელაქანი, სადაც აგრეთვე რუსული მმართველობა გავრცელდა. ამით ბოლო მოეღო ჭარის გზით დადესტნელი ფეოდალების მტაცებლურ თავდასხმას ქართლ-კახეთზე. ჭარ-ბელაქანში რუსეთის მთავრობამ დიდად შეამსუბუქა ლეკური მუსლიმანური ზედაფენის მიერ დამონებული ქართველი ტომის, ინგილოების მდგომარეობა. მათ ცხოვრებაში ახალი ხანა დაიწყო.

ამრიგად, ქართლ-კახეთის სამეფოს გაუქმების დღიდან გასული თითქმის მესამედი საუკუნის მანძილზე საქართველოს მიწა-წყალი და ქართველობა ძირითადად გაერთიანდა რუსეთის იმპერიის მფლობელობაში. გაირღვა საქართველოს მტრული გარემოცვა და, უდიდესი მსხვერპლის ფასად, ჩვენი ქვეყანა თანდათანობით გაჩოვიდა მშვიდობიანი განვითარების გზაზე. საქართველოს ცხოვრებაში მომხდარი აღნიშნული დიდმნიშვნელოვანი მოვლენები საუკეთესოდ გაიაზრა გენიალურმა ქართველმა პოეტმა ნ. ბარათაშვილმა, რომელიც თავის ლექსში — „საფლავი მეფის ირაკლისა“ — ამბობდა:

„აწ არღა ერჩის ქართლის გულსა კასპიის ლელვა.

ვურღა ურყევს მას განსვენებას მისი აღტყველვა.

შავი ზღვის ზვირთნო, ნაცვლად ჩვენთა მოსისხლე მტერთა.

აწ მოვვიგვირან მრავლის მხრით ჩვენთა მოძმეთა“.

ა) ეკონომიკური ვითარება

მე-19 ს. 1 მესამედში საქართველოში მეფის რუსეთის დამკვიდრების ხანგრძლივ პერიოდს თან სდევდა გაუთავებელი ომები, საშინაო მღელვარება და სტიქიური უბედურება, რომლებიც დიდ ზიანს აყენებდნენ ქვეყნის სამეურნეო ცხოვრებას. სოფლის მეურნეობა, უწინდებურად ფეოდალურ ბატონყმური ურთიერთობისა და საშინაო თუ საგარეო გართულების მძიმე ვითარების გამო, ვერ წინაურდებოდა. მე-ბატონეთა ძალადობა, რუს მოხელეთა თვითნებობა, ეგზეკუციები, სასურსათო და სატრანსპორტო ბეგარა, მოთარეშე აბრაგთა რაზმების განუწყვეტელი შემოსევა და გაუთავებელ ომიანობასთან დაკავშირებული მთელი საშინელება ერთობ აუტანელს ხდიდა გლეხთა ცხოვრებას და მათ ნორმალური შრომითი მოღვაწეობის საშუალებას არ აძლევდა.

საქართველოში მოსულ რუსთა რაზმების მოთხოვნილებას ოდნავაც ვერ დააკმაყოფილებდა ის პური, რომელსაც გლეხები ქართლ-კახეთის სახელმწიფოს ბეგარად უხდიდნენ. ამიტომაც იყო, რომ სასურსათო ბეგარის მოკრებას თან სდევდა თვითმყრობელობის მოხელეთა გაუგონარი ძალადობა და თავხედობა. 1801—1805 წლებში ქართლ-კახეთში მოიკრიბა 13 ათასამდე ჩეტვერტი (ჩეტვერტი 7-ლდე ფუთს უდრიდა) ბური, ხოლო რეკვიზიციის წესით მოსახლეობას წაართვეს 190 ათასი ჩეტვერტი და რუსეთიდან კი 54.580 ჩეტვერტი შემოზიდეს. რაც დრო გადიოდა და საქართველოში რუსის ჯარის რიცხვი მრავლდებოდა, მით უფრო იზრდებოდა როგორც საბეგრო, ისე სარეკვიზიციო პურის რაოდენობა, ხოლო ჩვენში პურის წარმოება კი ძალზე მცირედ მატულობდა. მწარმოებელ გლეხს თავის სარჩენად აუცილებელ მინიმუმსაც კი არ უტოვებდნენ.

მე-19 ს. პირველ მესამედში ვერც მევენახეობა-მებაღეობა განვითარდა ჯეროვნად და ვერც სოფლის მეურნეობის

სხვა დარგები. მეღვინეობის ძირითადი მხარე იყო კახეთი, კახური ღვინო ძველთაგანვე ფართო საშინაო და საგარეო ვაჭრობის საგანი იყო. მაგრამ იმხანად პურის მოთხოვნილების ზრდამ და ღვინის ბაზრის შესუსტებამ ეს მაღალი სამეურნეო კულტურა დააქვეითა.

ასეთივე მდგომარეობაში იმყოფებოდა მრეწველობაც, რომელსაც XVIII ს. მეორე ნახევართან შედარებით ნაწილობრივ დაქვეითებაც კი დაეტყო. იგი ჯერ კიდევ შინამრეწველობით, ხელოსნობითა და თითო-ორთლა საფაბრიკო-საქარხნო წამოწყებით იყო წარმოდგენილი. ახალი მთავრობა ნაკლებ, ან თითქმის სრულიადაც არ ზრუნავდა საქართველოს მრეწველობის განვითარებისათვის. მას მხოლოდ სოფლის მეურნეობის ნაწარმი და ისეთი ნედლეული აინტერესებდა, რომელიც რუსეთის ფაბრიკა-ქარხნებს გამოადგებოდა.

მე-19 ს. პირველ მესამედში საქართველოს მრეწველობაში წარმოების მარტივი ფორმები იყო გაბატონებული. ასეთი იყო შინამრეწველობა და ხელოსნობა.

საქალაქო მოსახლეობის ძირითად მასას იმ დროს ხელოსნები და ვაჭრები შეადგენდნენ. ვაჭარ-ხელოსნები იყვნენ თავისუფალნიც (მოქალაქეები) და არათავისუფალნიც. თავისუფალთა რიცხვი ჯერ კიდევ ძალზე მცირე იყო, მაგრამ თანდათანობით კი იზრდებოდა.

გამონაკლის შემთხვევებში, ქალაქებში ცდილობდნენ კაპიტალისტური წარმოების დანერგვას, მაგრამ, ბატონყმური წყობილების სიმტკიცის გამო ასეთი ცდები ჯერ კიდევ ვერ აღწევდნენ მიზანს.

მიუხედავად სოფლის მეურნეობისა და მრეწველობის განვითარების შეფერხებისა, მე-19 ს. პირველ ათეულ წლებში, მტრული გარემოცვის გარღვევის შედეგად, შემზადდა სათანადო ხელისშემწყობი პირობები მომავალი სამეურნეო წინსვლისათვის.

20-იანი წლებიდან ჩვენში შესამჩნევი გახდა საქალაქო ცხოვრების შედარებითი განვითარება. ყველაზე ადრე ეს დაეტყო თბილისს, რომელიც იმავე ხანაში არა მარტო საქართველოს, არამედ საერთოდ ამიერკავკასიის პოლიტიკურ ცენტრადც იქცა. მე-19 ს. დამდეგიდან ვიდრე 1826 წლამდე ქალაქის მოსახლეობის რიცხვმა მიაღწია იმავე დონეს, რო-

მელზედაც იგი მე-18 ს. 80-იან წლებში იყო (20.857 სული). თბილისის, ქუთაისის, გორის, თელავის, სიღნაღისა და სხვა ქალაქების განვითარებას ხელი შეუწყო 20-იანი წლებიდან ვაჭრობის გამოცოცხლებამ.

ჩვენი ქვეყნის გეოგრაფიული მდებარეობა დიდად უწყობდა ხელს ვაჭრობის განვითარებას. მას შემდეგ, რაც ოსმალებმა საქართველო ევროპას მოსწყვიტეს და შავი ზღვა ჩაკეტეს, ხოლო ირანი აღმოსავლეთ ამიერკავკასიაში გაბატონდა, საქართველოშიც ოსმალეთ-ირანის სავაჭრო მონოპოლია დამყარდა. ევროპული საქონელიც აქ ირან-ოსმალეთის გზით თუ შემოვიდოდა. XIX ს. პირველი 20 წლის განმავლობაში რუსეთმა ვერ შეძლო ამიერკავკასიის ბაზრის მონარაგება პირველი მოთხოვნილების საგნებით და საქართველოს ბაზარსაც კვლავ აღნიშნული ქვეყნებიდან შემოსული საქონელი ავსებდა. ფულის ნიშნებიც სხვადასხვაგვარი იყო.

მიუხედავად ამისა, რუსეთმა მაინც შეუწყო ხელი ჩვენში ვაჭრობის განვითარებას და ბაზრის დასაპყრობად გარკვეული ნაბიჯები გადადგა. აქ ძლიერი ცენტრალური ხელისუფლების დამყარება და საკუთრების დაცვის გარანტიის შექმნა ფართო პერსპექტივებს ულიდა ამ მიმართულებით. განვითარდა საგზაო მშენებლობაც, რომელსაც უკვე მარტო სტრატეგიული მნიშვნელობა როდიღა ენიჭებოდა. გამოიყო რაზმები სავაჭრო-საქარაგნო გზების დასაცავად. გადაიდგა ნაბიჯები შინაფეოდალური საბაჟოების ლიკვიდაციისათვის, დამყარდა საფოსტო კავშირი რუსეთის ცენტრალურ ქალაქებთან.

საშინაო ბაზრის შედარებით ზრდას ხელი შეუწყო საქართველოში რუსთა რაზმების ჩაყენებამ. ჯარის მომარაგების საჭიროება ადგილობრივი ვაჭრებისათვის ხელსაყრელი შეიქნა. ვაჭარ-მევახშეები ძველებურად სისხლს სწოვდნენ წვრილ მწარმოებლებს, მათგან ჩალის ფასად ყიდულობდნენ და ძვირად ჰყიდნენ მათ პროდუქციას.

ამიერკავკასიის ბაზარზე რუსული საქონელი ჯერ კიდევ ძალზე მცირე როლს თამაშობდა. ამას შედეგად მოსდევდა მმართველობისა და აქ განლაგებულნი ჯარის შესანახავად გამოყოფილი ფულის ნიშნების ვადინება ირან-ოსმალეთში. ეს კი დიდ ზიანს აყენებდა რუსეთის პოლიტიკურ-ეკონომიკურ მიზნებს ახლო აღმოსავლეთში, რომლის ბაზარი იმ დროს

ინგლისს ეპყრა ხელთ. ამიტომ რუსეთის მთავრობა სერიოზულად ფიქრობდა, საქართველო-ამიერკავკასიაში გაეხსნა გზა ფრანგულ-გერმანული საქონლისათვის და ამით შეესუსტებინა ყარს-არზრუმის გზით მომავალი ტრანზიტი, რომელიც ინგლისის ხელთ იყო. გარდა ამისა, რუსეთის მაშინდელი მესვეურები ფიქრობდნენ ამიერკავკასიაში თავიანთი მფლობელობის განმტკიცებაზე, რაც იმ ვითარებაში შეუძლებელი იქნებოდა, თუ მოსახლეობის მძიმე ეკონომიკური მდგომარეობა ოდნავ მაინც არ შემსუბუქდებოდა. ყველა ამის გამო საჭიროდ მიიჩნიეს უცხოურ საქონელზე 10 წლის ვადით ბაჟის ძლიერ შემცირება. ამასთანავე ნებადართულ იქნა ევროპული საქონლის უბაჟოდ ზიდვა ამიერკავკასიის გზით ირანისაკენ. ეს ღონისძიება განხორციელდა 1822 წ. 1 ივლისიდან.

დაიწყო უცხოური იაფი საქონლის მრავლად შემოზიდვა საქართველოში. ევროპული საქონელი მოჰქონდათ ყულევში, აქედან ცივის არხის მეშვეობით ამოჰქონდათ მდ. რიონამდე, ხოლო შემდეგ — რიონს ამოღმა, ვიდრე სოფ. ორპირამდე. აქედან კი იწყებოდა სახმელეთო გზა, თბილის-ბაქოსაკენ და უფრო შორსაც მიმავალი.

შეღავათიანმა და თითქმის თავისუფალმა ვაჭრობამ ხელი შეუწყო ადგილობრივი ვაჭრების გამდიდრებას. მათ ხელში დაგროვდა ფულადი კაპიტალი, რომელიც საერთოდ წარმოადგენს წარმოების ახალი წესის გაჩენის ერთ-ერთ პირობას. მაგრამ ეს ვაჭრები უმთავრესად უცხოურ საქონელს ასაღებდნენ და ნაკლებ უწყობდნენ ხელს ჩვენი ქვეყნის სამრეწველო განვითარების, მისი ეკონომიკური წინსვლის საქმეს. გარდა ამისა, საგრძნობლად შესუსტდა ქართველ ვაჭართა კავშირი რუსეთის ცნობილ ნიჟინ-ნოვგოროდის ბაზართან. ამან კი რუსეთის ბურჟუაზიის უკმაყოფილებაც გამოიწვია. ამიტომ შეღავათიანი ბაჟით ვაჭრობა ვადამდე ერთი წლით ადრე შეწყდა. რუსეთის მთავრობა საკუთარი ბურჟუაზიის მფარველობის გზას დაადგა. მას შემდეგ ჩვენი ქვეყანა რუსული სამრეწველო საქონლის გასაღების ბაზრად უნდა გადაქცეულიყო.

მიუხედავად უარყოფითი მხარეებისა, შეღავათიანმა ვაჭრობამ ხელი შეუწყო სასაქონლო-ფულადი ურთიერთობის განვითარებას ჩვენ ქვეყანაში.

ბ) ცვლილებები საზოგადოებრივი კლასებისა და  
ფენების მდგომარეობაში



საქართველოს რუსეთთან შეერთების დროს რუსეთში ფეოდალ-მემამულეებს არ ჰქონდათ ისეთი დიდი პრივილეგიები, როგორც ქარაზველ თავადებს. რუსეთის ფეოდალები თავიანთ მამულებში მხოლოდ სამეურნეო დამოუკიდებლობით სარგებლობდნენ. ისინი პასუხს აგებდნენ მთავრობის წინაშე, რომ მათ გლეხებს დროულად და წესიერად შეესრულებინათ სახელმწიფო ვალდებულება. თავის მხრივ სახელმწიფო იცავდა მემამულეთა საკუთრებასა და უფლებას მათ მიწებსა და ყმა გლეხებზე, აიძულებდა გლეხებს, რომ მებატონეთა მონურად მორჩილნი ყოფილიყვნენ. ქართველ თავადებს კი თავიანთ სათავადოებში სამემკვიდრო მართვა-გამგეობისა და სამართლის უფლება ჰქონდათ. ამასთანავე, მათ განკარგულებაში იყო ყმა გლეხთა იძულებით დამორჩილების აპარატი.

რუსეთის ცენტრალიზებული სახელმწიფო ვერ შეურიგდებოდა ნახევრად ხელმწიფური უფლებებით აღჭურვილი თავადების არსებობას საქართველოში. ამიტომ მან იმთავითვე გამოუთხარა ძირი ქართლ-კახეთის სათავადოებს. დაიწყო ქართველი თავადების გადაქცევა რუსული ტიპის მემამულეებად („პომეშჩიკებად“). თავადებმა ჯერ საქვეყნო მართვა-გამგეობის სამემკვიდრო პრივილეგიები დაკარგეს. ხოლო შემდეგ, უფრო გვიან — აზნაურებზე ბატონობის უფლება. ეს პროცესი გრძელდებოდა მე-19 ს. მთელი პირველი ნახევრის განმავლობაში.

პროგრესულ შემოქმედებასთან ერთად რუსეთის სახელმწიფომ ჩვენში უაღრესად გააძლიერა მებატონეზე ყმის პირადი დამოკიდებულება. რუსეთის სახელმწიფო ბატონყმობას იცავდა, ძლიერი მთავრობა ახლა უწინდელზე გაცილებით უფრო მეტად იმონებდა მშრომელ მასებს. 1807 წ. კანონით ქართველ მემამულეებს უფლება მიეცათ საკუთარ გლეხებს შორის აღმოცენებული სამოქალაქო საჩივრები განეხილათ. 1832 წ. მთავრობამ ყმათა ფლობა მხოლოდ თავადაზნაურთა პრივილეგიად სცნო (მანამდე საქართველოში ყმები ჰყავდათ ვაჭრებსაც, მოქალაქეებსაც და გლეხებსაც კი). მათ უფლება

მიენიჭათ, დამწაშავე ყმები ჩრდილო კავკასიაში გადაესახ-  
ლებინათ.

მე-19 ს. პირველ მესამედში რუსეთის მთავრობამ ქართლ-  
კახეთში შექმნა თავადაზნაურთაგან განსხვავებული, პრივი-  
ლეგირებული საზოგადოებრივი ჯგუფი — სასულიერო წოდე-  
ბა. წინათ მალალ სამღვდელო პირებად თავადები და აზნაუ-  
რები იყვნენ, სოფლის დაბალი სამღვდელთა კი ყმა გლეხ-  
თა ბანაკს ეკუთვნოდა და თითქმის ისეთსავე ჩაგვრას განიც-  
დიდა, როგორსაც სხვა გლეხები. 1808 წ. 7 ივლისის კანონით  
დაბალი სამღვდელთა განთავისუფლდა ბატონყმური ექ-  
სპლუატაციისაგან. 20—40-იან წლებში ეს ღონისძიება დასავ-  
ლეთ საქართველოშიაც გატარდა. ამრიგად, მეფის მთავრობამ  
სასულიერო წოდების შექმნით ახალი და საკმაოდ ძლიერი  
დასაყრდენი გაიჩინა.

საქართველოში რუსეთის გაბატონებასთან დაკავშირებით  
გლეხთა ცხოვრებაშიაც მოხდა ცვლილება. უპირველეს ყოვ-  
ლისა, გამწვავდა მათი ექსპლუატაცია. ძველ საბატონყმო  
ბეგარა-გადასახადებს ზედ დაერთო ვალდებულება ახალი  
მმართველობისადმი. როგორც ზემოთ ითქვა, მეფის რუსეთის  
მოხელეები ოდნავაც არ უწევდნენ ანგარიშს გლეხთა ქონებ-  
რივ შემძლეობას და შეუძლებელს მოითხოვდნენ მათგან.

მშრომელთა მდგომარეობის გაუარესება გამოიწვია არა  
მარტო ექსპლუატაციის გაძლიერებამ, არამედ აგრეთვე მე-  
ფის რუსეთის მიერ დამყარებულმა ეროვნულმა ჩაგვრამ. უცხო  
მოხელეები აბუნად იგდებდნენ მათ მრავალსაუკუნოვან კულ-  
ტურულ ტრადიციებს.

გლეხები თავიანთ ბატონებს სამგვარ ბეგარა-გადასახადს  
უხდიდნენ: შრომით, ნატურალურსა და ფულად ბეგარას. და-  
ნარჩენებს ჭარბობდა ნატურალური ბეგარა. ქვეყანაში სასა-  
ქონლო-ფულადი ურთიერთობის განუვითარებლობის გამო  
ფულადი ბეგარა ჯერ კიდევ მცირე იყო.

საერთოდ ყმა გლეხებს მცირემიწიანობა ახასიათებდათ.  
აღმოსავლეთ საქართველოს საბატონო გლეხთა ყოველ კომ-  
ლზე საშუალოდ 3,5 დესეტინა მოდიოდა, ხოლო დასავლეთ  
საქართველოში — არა უმეტეს 2,5-სა. დიდად იყო დარღვეული  
პროპორცია მებატონეებსა და გლეხებს შორის. ქართლ-კახეთ-



ში ყოველ მებატონე კომლზე დაახლოებით 9 კომლი გლეხი მოდიოდა, დასავლეთ საქართველოში კი — 5-6. ამიტომ დასავლეთში ყმათა ჩაგვრას უფრო მწვავე ხასიათი ჰქონდა, ვიდრე აღმოსავლეთში.

ესპლუატაციის გაძლიერებას გლეხები კლასობრივი ბრძოლის სხვადასხვა ფორმით უპასუხებდნენ. ბრძოლის ყველაზე უფრო გავრცელებული ფორმა იმ დროს ბატონისაგან გაქცევა იყო. გლეხები „ცუდ“ მებატონეებს გაუბრძოდნენ და „კარგებთან“ მიდიოდნენ, ერთი კუთხიდან მეორეში გადადიოდნენ. ხშირი იყო გლეხთა გამოქცევა დასავლეთ საქართველოდან აღმოსავლეთში. გარდა ამისა, გლეხები უჩიოდნენ მოძალადე ბატონებს და უარს აცხადებდნენ ყმური მოვალეობის შესრულებაზე.

მაგრამ გლეხები უფრო აქტიურადაც იბრძოდნენ. წინანდეულთან შედარებით გახშირდა ყმათა მიერ ავი ბატონების დახოცვისა და ყაჩაღად გავარდნის შემთხვევები.

### ვ) გლეხთა აჯანყებები მე-19 ს. პირველ მესამედში.

მე-19 ს. პირველ მესამედში კლასობრივი ბრძოლის გამწვავების მანკენებელი იყო ის რამდენიმე აჯანყებაც, რომელიც ამ დროს მოხდა. გლეხები კოლონიურ რეჟიმს ებრძოდნენ და იმ წყობილებასაც უცხადებდნენ პროტესტს, რომელიც ისე თავგამოდებით იცავდა ბატონყმობას, ადამიანის მიერ ადამიანის ჩაგვრას. მაგრამ გლეხები სტიქიურად იბრძოდნენ და, კლასობრივი შეუგნებლობის გამო, მიზანს ვერ აღწევდნენ.

აჯანყება ქართლის მთიანეთში 1804 წ. აღმოსავლეთ ქართლის მთიანეთს შეადგენდა მთიულეთი, გუდამაყარი, თრუსო, ხანდო და ჭართალი, ქსნისა და არაგვის ზემო ხეობები, რომლებიც რუსული ადმინისტრაციული დაყოფის მიხედვით ჯერ დუშეთის მაზრაში შედიოდნენ, ხოლო 1803 წლიდან — ანანურის მაზრაში.

ამ მთიელთა სოციალური ცხოვრება არ ყოფილა ისე განვითარებული, როგორც ბარის მოსახლეობისა. მთაში შემორჩენილი იყო ძველი გვაროვნულ-თემური წყობილების ნაშ-

თები. ქართველ მეფეთა დროს მთიელები სახელმწიფო გლეხთა რიცხვს ეკუთვნოდნენ, ნახევრად ფეოდალურ მდგომარეობას ინარჩუნებდნენ და მსუბუქადაც იბეგრებოდნენ.

რუსული რეჟიმის დამყარება, მიუხედავად მისი უარყოფითი მხარეებისა, მთიელებს უფრო აახლებებდა საქართველოს ცენტრებთან, ხელს უწყობდა მთაში არსებული დრომოჭმული წეს-ჩვეულების რღვევას და მოსახლეობის კულტურულ დაწინაურებას. მაგრამ ეს ხდებოდა მშრომელთა ჩაგვრის გაძლიერება-გამწვავების ხარჯზე. ახალი მთავრობა მთიელთაგან ზოგჯერ ფულად მოითხოვდა იმ გადასახადებს, რომლებსაც ისინი წინათ ნატურით იხდიდნენ. მათ კი იქ სასაქონლო-ფულადი ურთიერთობის განუვითარებლობის გამო, ფული იშვიათად თუ მოეპოვებოდათ. განსაკუთრებით გაუარესდა იმ კუთხეების მდგომარეობა, რომლებიც დარიალის გზის გასწვრივ მდებარეობდნენ (მთიულეთი, ჭართალი, ხანდო, ხევი). დარიალის სამხედრო გზა კი იმ დროს ერთადერთი იყო, რომლითაც საქართველო რუსეთს უკავშირდებოდა. ამ გზაზე მიმომავალი რუსთა რაზმებისათვის მთავრობა მოსახლეობისაგან გზის ხშირად შეკეთებას, ტრანსპორტისა და სურსათის მიწოდებას და კიდევ არაერთ სხვა სამსახურს მოითხოვდა.

მთის მოსახლეობა ვერ აუდიოდა მთავრობის მოხელეთა მოთხოვნილებას. მოხელები კი ძალმომრეობდნენ. სცემდნენ გლეხებს და შეურაცხყოფას აყენებდნენ მათ ოჯახებს. ზამთრის სუსხიან ამინდში მათ გზის გასაწმენდად ერეკებოდნენ. თოვლში მუშაობის დროს ჩამოწოლილმა ზვავმა 4 კაცი მოკლა. მარტო მთიულეთში მეფის რუსეთის მოხელებმა ცემით მოკლეს 23 კაცი. იყო შემთხვევა, როცა ხარების მაგიერ უღელში დედაკაცები შეუბამთ.

არავის ხეობის აჯანყებული გლეხები აღნიშნავდნენ, რომ წინათ ისინი „ღმერთსა სთხოვდნენ“ საქართველოში რუსთა ჯარის გაძლიერებას, ახლა კი სიკვდილს ნატრულობენ და თავიანთ ცოლ-შვილთან ერთად თავების დახოცვა გადაწყვიტეს, რადგან მათ მეფის რუსეთის ჯარის გამკლავება არ შეუძლიათ. „ამ ტანჯვას და მათრახით სიკვდილს და ჩვენის ცოლებისას უწესო საქმით დანახვას ეს გვირჩევენია, ასე დავინოცნეთო“.

1804 წ. მთიანეთის აჯანყება დარიალის სამხედრო გზის შტკეტებაზე მომუშავე გლეხებში დაიწყო.

მთიელთა აჯანყება საქართველოში მეფის რუსეთის მთავრობისათვის უაღრესად კრიტიკულ ვითარებაში მოხდა. აქ მყოფი რაზმები ფაქტიურად უკვე ჩაბმული იყვნენ ირანთან ომში. მთავარსარდალი ციციანოვი რუსის ჯარის ძირითადი ნაწილით ერევნის ციხის ასაღებად იბრძოდა. გართულებული მდგომარეობით ისარგებლეს ტახტისათვის მებრძოლმა, იმერეთში გადახვეწილმა ბატონიშვილებმა, ქართლში გადმოვიდნენ და სცადეს გლეხთა აჯანყების გამოყენება თავიანთი მიზნებისათვის. კავშირი გააბეს რუსეთის წინააღმდეგ მებრძოლ ძალებთან. ბატონიშვილები და მათი მომხრე ფეოდალები აჯანყებულებს ვითომცდა მხსნელთა როლში მოეგლიწნენ. ამრიგად, მთიელი გლეხების ბრძოლა ცარიზმის პოლიტიკის წინააღმდეგ რუსთა რაზმების განდევნისა და ბაგრატიონთა სამეფო ტახტის აღდგენისათვის ბრძოლად გადაიქცა.

ივლის-აგვისტოში აჯანყება გაფართოვდა. აჯანყებულებმა ჩაკეტეს რუსეთთან დამაკავშირებელი დარიალის გზა. აჯანყება მოედო ოსეთს, ფშავ-ხევსურეთს, ბარის ზოგ კუთხეს და კახეთის ფეოდალთა ერთ ნაწილსაც. მთიანეთში მსხვერპლი დიდი იყო. რუსთა რაზმები სასტიკად უსწორდებოდნენ აჯანყებულებს, ანადგურებდნენ და სწვავდნენ მათ სოფლებს. აჯანყებულმა ოსებმა მთლიანად მოსაპეს როკის უღელტეხილით ლიახვის ხეობაში (სოფ. ჯავასა და კოშკთან) გადმოსული რუსთა ახალი პოლკი. საქართველოში მეფის რუსეთის ბატონობას დიდი საფრთხე შეექმნა. ამასობაში მთავარსარდალი ციციანოვი იძულებული გახდა ერევნისათვის ალყა მოეხსნა. ახლა მან თავისი რაზმები აჯანყებული მთიანეთისაკენ დაძრა.

1804 წ. ოქტომბერში ციციანოვმა აჯანყება ჩააქრო. შეიპყრეს და დასაჯეს აჯანყების 73 მოთავე და წამქეზებელი. აჯანყების შედეგად მეფის მთავრობა იძულებული გახდა ხარურმისა და სამხედრო გზაზე მუშაობისათვის სათანადო ქირა დაეწესებინა.

აჯანყება კახეთში 1812 წ. კახეთის აჯანყება თითქმის ისეთივე მიზეზმა გამოიწვია, რაც 1804 წ. მთიანეთის აჯანყება. ახალი აქის იყო, რომ ირან-ოსმალეთთან ომის

დროს უჩვეულო მოუსაგლობის, შიმშილობისა და შავი ჭირის ვითარებაში მეფის სამხედრო და სამოქალაქო მთხელები უკანასკნელ სარჩოს ართმევდნენ გლეხებს. ისინი ოდნავაც არ უწევდნენ ანგარიშს ხალხის ქონებრივ შემძლეობას: სურსათი ძალით, რეკვიზიციის წესით მიჰქონდათ, „ურჩ“ სოფლებსა და გლეხებს უყენებდნენ ჯარის ნაწილებს, რომლებიც მათ უნდა ერჩინათ, ხოლო თავზედი ოფიცრები მადლობის ნაცვლად შეურაცხყოფდნენ გლეხთა ოჯახებს.

კახეთის სოფლებიდან გამუდმებით გამოჰყავდათ ურმები და ცხენები თავიანთი მსლებლებითურთ. საერთოდ, ქართლ-კახეთს წელიწადში 112 ათასზე მეტი ურემი გამოჰყავდა. თმის დროს სურსათისა და საჭურვლის გადასაზიდად ურმებსა და ხარ-კამეჩებს უსასყიდლოდ ერეკებოდნენ შორეულ გზებზე — ფოთში, ახალციხეში, სომხეთში, ირანში. ურმებიც იმტვრეოდა და საქონელიც იღუპებოდა, გლეხი კარგავდა წარმოების იარაღს, დიდძალ დროს, შრომის უნარსა და ხალისს.

სასოწარკვეთილსა და საბრძოლველად განწყობილ გლეხებს ვითომცდა „მფარველთა“ როლში ევლინებოდნენ მათივე კლასობრივი მჩაგვრელები და მტრები, ადგილობრივი ფეოდალები, რომლებიც აგრეთვე უკმაყოფილო იყვნენ — უმთავრესად ძველი პოლიტიკური პრივილეგიების დაკარგვით. მაგრამ თუ მოძრაობის დასაწყისში მოწინააღმდეგე კლასთა ინტერესები რამდენადმე დაემთხვა ერთიმეორეს, ეს იყო დროებით, რადგან მათ შორის არსებული კლასობრივი შუღლი და გლეხთა ანტიბატონყმური მისწრაფება მოძრაობის განვითარების ბოლო საფეხურზე ფეოდალებს კვლავ ცარიზმის ბანაკისკენ ერეკებოდა.

ფეოდალებს სურდათ, რომ გლეხთა ბრძოლის გამოყენებით განეხორციელებინათ თავიანთი რეაქციული მიზანი — ძველი თავადური, პოლიტიკურად დაშლილი საქართველოს ადგენა, გლეხთა შეუგნებელი და სტიქიური ბრძოლა კი მიმართული იყო არსებული სოციალური და ეროვნული ჩაგვრის წინააღმდეგ. გლეხები იბრძოდნენ უკეთესი ხელისუფლებისათვის, „უკეთესი მეფისათვის“, რომელიც მათ მდგომარეობას შეუმსუბუქებდა და აღნიშნული ჩაგვრისაგან დაიხსნიდა.

აჯანყება დაიწყო 1812 წ. 31 იანვარს, სოფ. ახმეტაში. გლე-

სებმა განდევნეს სოფელში სურსათის შესაკრებად მისული რაზმი, თებერვალში აჯანყება მთელ კახეთს მოედო და ქართლის მთიანეთშიაც გავრცელდა. კახეთის სოფლებში სისხლისმღვრელი და დაუნდობელი ბრძოლა გაჩაღდა. აჯანყებულები შურს იძიებდნენ მათ შეურაცხყოფელ ოფიცრებზე და გულქვა მოხელეებზე, მაგრამ გარკვეული სიმპათიით ექცოდნენ რიგითს ჯარისკაცებს და ისეთ მოხელეებს, რომლებიც მათ ადრე თანაუგრძნობდნენ. გლეხებმა ალყა შემოარტყეს თელავის, ყარაღაჯის, ქოდალოსა და სხვა სიმაგრეებს; აიღეს თელავი და სიღნაღი; გაანაგურეს რუსთა საპოლკო შტაბები, გაძარცვეს და დასწვეს მათი სადგომები, დიდი იყო მსხვერპლიც, 6 თებერვალს ს. ბოდბისხევთან შეტაკებაში 200-ზე მეტი კაცი დაიხოცა.

აჯანყებულები დაუკავშირდნენ ტახტისათვის მებრძოლ ალექსანდრე ბატონიშვილს, რომელიც ირანში იმყოფებოდა და მაშველი ლაშქრით კახეთში შემოსვლას აპირებდა. მეორე მხრივ თანდათანობით თავი იჩინა კლასობრივმა შულმა მებატონეებსა და გლეხებს შორის. აჯანყებულმა გლეხებმა მთავრობის მომხრე ფეოდალთა სახლკარის დარბევაც იწყეს. მერყევი და თავგანწირვას უჩვეულო ფეოდალები მოძრაობას შორდებოდნენ და მთავრობის მომხრეთა ბანაკში გადადიოდნენ. მარტის დასაწყისში ცალკეულ ჯგუფებად მებრძოლი აჯანყებულები უკვე მარცხდებოდნენ.

იმ დროს საქართველოს მთავარსარდლად დანიშნული იყო რუსეთის სამხედრო სამსახურში მყოფი იტალიელი მარკიზი პაულუჩი, რომელიც პირადად ხელმძღვანელობდა აჯანყების ჩაქრობას. მან პირველმა ამართა სახრჩობელები კახეთის სოფლებში. ჩამოხრჩობილ გლეხთა რაოდენობა 13 უდრიდა, ხოლო მოკლულებისა — 520. დიდი ზარალი განიცადეს დამსჯელმა რაზმებმაც, რომლებმაც მოკლულ-დაჭრილთა სახით 1.140 კაცი დაჰკარგეს. 1812 წ. 10 მარტისათვის კახეთი „დამშვიდებულ“ იქნა.

1812 წ. აჯანყება წარმოადგენდა გრანდიოზულ გამოსვლას კოლონიური ჩაგვრის წინააღმდეგ. იგი სოციალური მონობის წინააღმდეგაც იყო მიმართული — იმდენად, რამდენადაც ცარიზმი სოციალურ ჩაგვრასაც ახორციელებდა.

აჯანყება იმერეთსა და გურიაში 1819—1820

წწ. 1811 წ. მეფის რუსეთმა მოუსპო დამოუკიდებლობა ქართულ ეკლესიას და ქართლის კათალიკოსის ხელისუფლება გააუქმა. ქართული ეკლესია, რომლის მეთაურად „საქართველოს ეგზარქოსი“ დაინიშნა, რუსეთის სინოდს დაუქვემდებარეს. 1817 წლიდან დაწესდა, რომ სიონის საკათედრო ტაძარში კვირაში სამჯერ წირვა-ლოცვა რუსულად უნდა ყოფილიყო. ეს ცარიზმის პოლიტიკას, მკვიდრთა გარუსების მიზანს ემსახურებოდა.

საქართველოში მეფის ხელისუფლების არსებობის დროს ეკლესია-მონასტრები ყმა-მამულებს ფლობდნენ და მაღალი სამღვდელეობა საეკლესიო ყმათაგან მოკრებილი ბეგარა-გადასახადით ცხოვრობდა. ახალი საეკლესიო რეჟიმის მიხედვით კი ეკლესიის მამულები სახაზინო მართვა-გამგეობაში უნდა გადასულიყო, ხოლო სასულიერო პირებს ჯამაგირი ენიშნებოდათ. ამრიგად, თანდათანობით ირღვეოდა ქართული საეკლესიო-ფეოდალური ორგანიზაცია აღმოსავლეთ საქართველოში. მსგავსი ცვლილება უნდა ჩაეტარებინათ დასავლეთ საქართველოშიაც. 1819 წ. ივნისში კიდევაც შეუდგნენ იმერეთში საეკლესიო ყმა-მამულების აღწერას.

იმერეთის ეკლესიაში გაბატონებული ფენები, რომლებიც ძველ პრივილეგიებს კარგავდნენ, მტრულად შეხვდნენ აღნიშნულ რეფორმას. მათ შეუერთდნენ ცარიზმის რეჟიმით საერთოდ უკმაყოფილო თავადები. მღვდელებმა და თავადებმა მოიმხრეს გაწამებული გლეხებიც, რომლებმაც მთავრობის ამ ღონისძიებაში დაინახეს თავიანთი ისედაც ბეჩავი და აუტანელი მდგომარეობის მოსალოდნელი გაუარესება. გლეხებმა გარეკეს ქონების აღსაწერად მოსული მოხელეები. უკმაყოფილება სწრაფად გავრცელდა. დაიწყო აჯანყება.

ამ აჯანყების დასაწყისშიაც, ისევე როგორც წინა აჯანყებათა დროს, მოხდა გაბატონებული და დამონებული კლასების დროებითი გაერთიანება საერთო ამოცანებისათვის ბრძოლაში.

აჯანყება დაიწყო, როგორც მეფის რუსეთის კოლონიური რეჟიმის წინააღმდეგ პროტესტის სტიქიური გამოვლინება. განვითარების შემდგომ საფეხურზე კი იგი იქცა გლეხთა ანტიბატონყმურ ბრძოლად. რაც შეეხება ფეოდალებს, ისინი მხოლოდ ცარიზმის რეჟიმის წინააღმდეგ და თავიანთი ძვე-

ლი პრევილევური მდგომარეობის აღსადგენად იბრძოდნენ. მათ სურდათ იმპერიაში ქართველი მეფის ხელისუფლების აღდგენა.

მეფის მთავრობამ სასტიკად ჩაახშო აჯანყება. აჯანყებულთა სოფლები გაანადგურეს და დასწვეს; ბალ-ვენახები გაჩენეს და ძირფესვიანად მოთხარეს; აჯანყებული მოსახლეობა ისე დასაჯეს, რომ თვით კავკასიის მთავარსარდლის გენერმოლოვის სიტყვით, ისინი „კიდევ ბევრ წელიწადს ვერ აღიდგენდნენ თავიანთ პირვანდელ მდგომარეობას, უკიდურესი სიღარიბე იქნებოდა მათი სასჯელი“.

### § 91. მმართველობის სისტემა. კოლონიური ჩაპკრა. ეროვნულ-განმათავისუფლებელი ბრძოლის პირველი ნაბიჯები

რუსეთი XIX ს. დამდეგს წარმოადგენდა ვრცელ იმპერიას, რომელსაც ეკავა მთელი აღმოსავლეთი ევროპა და აზიის ჩრდილო-დასავლეთი ნაწილი. მისი მოსახლეობა მაშინ 40 მილიონს — მთელი ევროპის მოსახლეობის ერთ მეოთხედს — უდრიდა.

იმ დროს ევროპის მოწინავე ქვეყნებში კაპიტალიზმი იმარჯვებდა; რუსეთი კი სოფლის მეურნეობის, ჩამორჩენილ ბატონყმურ ქვეყანას წარმოადგენდა, თუმცა ფეოდალიზმი აქაც უკვე შეუჩერებლად ირღვევოდა და მის წიაღში თანდათან ახალი, კაპიტალისტური წყობა ვითარდებოდა.

რუსეთის ცენტრალიზებული და ძლიერი სახელმწიფო XIX ს. დამდეგს დიდ როლს თამაშობდა მსოფლიო პოლიტიკაში. სახელმწიფოს სათავეში უდგნენ მეფე და მემამულეები, რომლებიც ჩაგრავდნენ არა მარტო რუს ხალხს, არამედ რუსეთის იმპერიაში შემავალ სხვა ხალხებსაც. მაგრამ, ცარიზმის ანტიხალხური პოლიტიკის მიუხედავად, ქვეყანა მაინც წინ მიდიოდა.

ეკონომიკური და სახელმწიფოებრივი განვითარების მხრივ რუსეთი დიდად უსწრებდა წინ საქართველოს მეზობელ მტაცებლურ აღმოსავლურ სახელმწიფოებს — ირანსა და ოსმალეთს. ასევე წინ უსწრებდა იგი საშინაო და საგარეო მტრების



მიერ დაუძღვრებულ-დაქსაქსულ საქართველოს, რომელიც XIX ს. დამდეგიდან მეფის რუსეთმა თავის პოლიტიკურ მიზნებს დაუმორჩილა.

ქართლ-კახეთში ჩამოყალიბებულ მმართველობას რუსეთის ხელისუფლება ფართო ამოცანებს უსახავდა. მმართველობას უნდა ებრძოლა რუსეთის მფლობელობის დამყარება-განმტკიცებისათვის მთელ საქართველოში და მის მეზობელ ქვეყნებში.

1802 წ. ქართლ-კახეთში შექმნილი ახალი მმართველობის სათავეში იდგა „საქართველოს მთავარსარდალი“, რომელსაც „მთავარმართველსაც“ უწოდებდნენ. იგი ჯერ ქართლ-კახეთის და შემდეგ კი მთელი საქართველოსა და ამიერკავკასიის საქმეებზე რუსეთის სახელმწიფოს წინაშე უმაღლესი პასუხისმგებელი პირი იყო და აერთიანებდა როგორც სამხედრო, ისე სამოქალაქო ხელისუფლებას.

ახალმა მმართველობამ მოსპო ძველი ქართული სახელმწიფოებრივი წყობილება და პოლიტიკური ცხოვრებიდან განდევნა ქართული ენა. მისი ადგილი ხალხისათვის უცხო ენამ, რუსულმა დაიკავა. რუსული ენის მცოდნეთა რაოდენობა მაშინ ჩვენში ძალზე ცოტა იყო. ახალი მმართველობის შეთაურებს — რუსებს და მათ მრჩეველ ქართველებსაც კი არა გაეგებოდათ რა ერთიმეორისა. ამიტომ ეს მმართველობა დასაწყისში უდიდეს წინააღმდეგობას აწყდებოდა.

რუსული მმართველობა გამოხატავდა მეფის რუსეთის მიერ საქართველოში დამყარებულ რეჟიმს, რომელიც, სოციალურ ჩაგვრასთან ერთად, ქართველი ხალხის ეროვნულ ჩაგვრასაც ეწეოდა.

ფეოდალთა მნიშვნელოვანი ნაწილი უკმაყოფილო იყო თავისი ძველი პოლიტიკური პრივილეგიების დაკარგვის გამო. განსაკუთრებით შეაშფოთა ისინი ქართველი მეფის ხელისუფლების დროს ნაქონ თანამდებობათა დაკარგვამ. წინათ მოხელეობა ამა თუ იმ ფეოდალური გვარის სამემკვიდრეო საკუთრებას წარმოადგენდა და მოხელეს დიდი შემოსავალიც ჰქონდა.

რეაქციონერი ფეოდალები სამეფო ტახტის აღდგენისათვის ბრძოლაში დახმარებისათვის მიმართავდნენ ქართველი ხალხის საუკუნოვან მტრებს — ირანისა და ოსმალეთის სახელ-



მწიფობებს, რომლებიც თავის მხრივ შემფოთებული იყვნენ ქართლ-კახეთში რუსეთის გაბატონებით.

რეაქციონერი თავადებისაგან განსხვავებით, პროგრესული დასის წარმომადგენლები ძველი, დრომოჭმული მმართველობის აღდგენას კი არ მოითხოვდნენ, არამედ განახლებულ-გაუმჯობესებული ქართული მმართველობის დამყარებისათვის იბრძოდნენ. ამ პროგრესულ მიმართულებას სათავე ერეკლეს ხანაში ჰქონდა.

ქართული თვითმმართველობისათვის მებრძოლი ეს დასი არ უკავშირდებოდა გარეშე, მტრულ ძალებს. იგი მეფის რუსეთის ძალადობას ქვეყნის შიგნითვე ებრძოდა. მას სურდა ცარიზმის პოლიტიკის იმგვარად შეცვლა, რომ იგი მისაღები ყოფილიყო ქართველი ხალხისათვის. ცარიზმმა ოსტატურ ხერხს მიმართა და უკმაყოფილო ქართველი ფეოდალების დასაწყენარებლად საქართველოში მთავარსარდლად 1802 წლის ბოლოს გამოგზავნა ქართველი, მაგრამ რუსეთში გაზრდილი და გარუსებული გენერალი პავლე ციციანოვი (ციციშვილი). ამით ცარიზმმა ნაწილობრივ უპასუხა მოწინავე ქართველობის მოთხოვნას, მაგრამ ქართული თვითმმართველობა მაინც არ აღადგინა.

ციციანოვმა მოკლე ხნის განმავლობაში შეძლო მეფის რუსეთის პოლიტიკური მფლობელობის გავრცელება მთელ საქართველოსა და ამიერკავსაკაიაში.

ქართულმა წარმომობამ ციციანოვს გაუადვილა გაბატონებული კლასის ფართო ფენებთან დაახლოვება. მან ანგარიში გაუწია ფეოდალთა ინტერესებს და სცადა არსებული მმართველობა ნაწილობრივ მაინც შეესამბებინა ძველი წეს-ჩვეულებებისათვის. რამდენადმე აილაგმა მოხელეთა ბოროტმოქმედებაც.

იმ დროს დიდი მნიშვნელობა მიენიჭა მეფის მთავრობის მიერ კარგად მომარჯვებულ ლოზუნგს ისტორიულად მთლიანი საქართველოს მიწა-წყლის შემოკრების შესახებ. ეს ლოზუნგი შეესაბამებოდა ქართველ პატრიოტთა ინტერესებს. ისინი რუსის ჯართან ერთად წარმატებით იბრძოდნენ როგორც აბრაგულად მოთარეშე მტრის რაზმების წინააღმდეგ, ისე ძველი ქართული მიწების დასაბრუნებლად და შემოსაერთებლად. ასე იყო, მაგალითად, 1803 წელს, როცა შემოერ-

თებულ იქნა საქართველოსაგან XVIII საუკუნის 20-იან წლებში ჩამოცილებული ჭარ-ბელაქანი, რამაც დიდი სიხარული გამოიწვია ქართველობაში. ჭარის ლაშქრობაში მონაწილეობა მიიღო 4.500-მა ქართველმა მეომარმა.

მოწინავე ქართველთა დასი უკვე ჩაება საქართველოს მიწაწყლის გაერთიანებისა და მტრული გარემოცვის გარღვევისათვის წარმოებულ, პროგრესულ ბრძოლაში. ამასთანავე იგი არც ცარიზმის კოლონიური პოლიტიკის წინააღმდეგ ბრძოლას წყვეტდა და ქართველი ხალხის ეროვნულ თვითმყოფობას იცავდა.

საქართველოს სამეფო სახლის მრავალრიცხოვანი წარმომადგენლების ყოფნა სამშობლოში სამეფო ტახტის აღდგენისთვის ბრძოლას ფართო გასაქანს აძლევდა. რუსეთის იმპერატორი მათ პეტერბურგში ეპატიუებოდა, მაგრამ ბევრი მათგანი ნებით არ ტოვებდა თავის ქვეყანას და მათ ძალით ასახლებდნენ, ამას კი ზოგჯერ სისხლიანი შეტაკებაც მოსდევდა. 1803 წ. აპრილში გენ. ლაზარევი კაზაკთა რაზმით შეიჭრა ვითრგი XII-ის მეუღლის მარიამ დედოფლის სასახლეში. შეურაცხყოფილმა დედოფალმა ხანჯლით მოჰკლა ლაზარევი. მიუხედავად ასეთი ინციდენტისა 1803—1805 წლებში ძველი სამეფო სახლის თითქმის ყველა წარმომადგენელი გადაასახლეს რუსეთის ცენტრალურ ქალაქებში. ბატონიშვილთაგან ყველაზე უფრო აქტიური მებრძოლი ალექსანდრე ირანის შაჰის კარს აფარებდა თავს და მისი დახმარებით ფიქრობდა ქართლ-კახეთში სამეფო ტახტის აღდგენას.

მე-19 ს. დამდეგს მოწინავე ქართველები ქართული თვითმმართველობისათვის იბრძოდნენ. საქართველოში ციციანოვის დანიშვნით ცარიზმი ნაწილობრივ გამოეხმაურა მათ ბრძოლას. ციციანოვის მოკვლის შემდეგ მის მაგიერ ცნობილ პეტრე ბაგრატიონის გამოგზავნას ფიქრობდნენ. მაგრამ ეს არ განხორციელდა და 1806 წლიდან საქართველოს მთავარსარდლებად მხოლოდ რუს გენერლებს ნიშნავდნენ. ერთი სიტყვით, ცარიზმმა ისიც კი არ სცნო სასურველად, რომ ქართველთა ხელით ემართა ქვეყანა. მიუხედავად ამისა, მოწინავე დასელები მაინც არ თანაუგრძნობდნენ რეაქციონერ ფეოდალებს და რუსეთისაგან ჩამოცილებას მხარს არ უჭერდნენ. მათთვის რუსეთი ამიერკავკასიაში თავისი სამფლობელოე-

ბიხ გაფართოებისათვის იბრძოდა. რუსეთის ბრძოლას. მოწინავე ქართველებმა თავიანთი პატრიოტული მიზნები შეუთავსეს. მტრული გარემოცვის გარღვევა, დაქუცმაცებული საქართველოს გაერთიანება და ფეოდალური შინაომების აღკვეთა ქართველებს სწორად ესმოდათ, როგორც სამშობლოს, საქართველოს უკეთესი მომავლისათვის ბრძოლა.

მე-19 ს. პირველი ათეული წლების განმავლობაში მომხდარმა მოვლენებმა ხელი შეუწყო რუსი და ქართველი ხალხების მოწინავე წარმომადგენელთა დაახლოებას. ქართული თავადაზნაურული ინტელიგენციის წარმომადგენლები მალე ჩაებნენ სამხედრო სამსახურში და დიდ როლს ასრულებდნენ რუსეთის ომებში. ბევრი ქართველი ახალგაზრდა სწავლობდა პეტერბურგსა და მოსკოვში. რუსეთის სამხედრო და სამოქალაქო სასწავლებლებში ისინი ეცნობოდნენ რუსულსა და ევროპულ ლიტერატურას და მოწინავე საზოგადოებრივ იდეებს. ბევრი მათგანი, როგორც, მაგალითად, სოლომონ დიდაშვილი, იაგორ ჭილაშვილი და სხვები, განათლების მიღების შემდეგ სამშობლოში ბრუნდებოდა და აქ ნაყოფიერ მოღვაწეობას ეწეოდა.

მე-19 ს. 20-იან წლებში მოწინავე ქართველთა პროგრესულ ჯგუფში ჩამოყალიბდა ქართველი ხალხის განთავისუფლების მიმდინარეობა, რომელიც საქართველოს საელმწიფოებრივი დამოუკიდებლობის მოპოვებისათვის სათანადო ნიადაგის შესამზადებლად საქმიანობდა.

განსაკუთრებული გავლენა მთახდინა ქართველ ინტელიგენციაზე თავადაზნაური რევოლუციონერების გამოსვლამ პეტერბურგს, 1825 წ. დეკემბერში. იქ მყოფი ქართველი ახალგაზრდები სენატის მოედანზე მომხდარი სისხლიანი ამბების მოწმენი გახდნენ. დეკაბრისტულ მოძრაობაში ორი ქართველიც კი მონაწილეობდა — ა. განგებლიძე და მ. ბარათაშვილი.

მეფის მთავრობამ სასტიკად დასაჯა დეკაბრისტები, ბევრი მათგანი გადმოასახლეს ამიერკავკასიაში, რომელსაც „თბილ ციმბირს“ უწოდებდნენ. გადმოსახლებულები — ნ. რაევსკი, ა. ოდოევსკი, სუხოროუკოვი, ა. ბესტუჟევ-მარლინსკი, ბურცევი და სხვები — უახლოვდებოდნენ მოწინავე ქართველებს, რომლებიც მაშინ რუსთა რაზმების მეთაურებად მსახურობდნენ. ასეთები იყვნენ პოეტი და გენერალი ალ. ჭავ-

ჭავჭავაძე, პოეტი და შემდეგ აგრეთვე გენერალი გ. ორბელიანი და სხვები.

აღ. ჭავჭავაძე მეგობრობდა დეკაბრისტ რაევსკის. შემდგომ ცნობილი დრამატურგი გ. ერისთავი დიდ პატივს სცემდა ბესტუჟევ-მარლინსკის. დეკაბრისტებს თანაუგრძნობდნენ გ. ორბელიანი და სხვა ქართველებიც. გ. ორბელიანმა 1831 წ. ქართულად თარგმნა ცნობილი დეკაბრისტი პოეტის რილევის ლექსი „ნალივიკოს აღსარება“, რომელიც სამშობლოს თავისუფლებისათვის თავდადებული ბრძოლისაკენ მოუწოდებდა.

ქართველი ახალგაზრდობისა და დეკაბრისტების ურთიერთობას ამჭიდროებდა საქართველოში მყოფი დიდი რუსი მწერლის აღ. გრიბოედოვის ნათესავური კავშირი პოეტ აღ. ჭავჭავაძის ოჯახთან.

მე 19 ს. 20-იანი წლების მიწურულში თბილისში, წინანდალსა და ყარაღაჯში (ამ უკანასკნელში პოლკს პქონდა ბინაჲ შეიქმნა პროგრესულ ძალთა თავშესაფარი პუნქტები, სადაც ერთიმეორეს ხვდებოდნენ მოწინავე რუსი და ქართველი ადამიანები. აღ. გრიბოედოვი და აღ. ჭავჭავაძე ამ შეხვედრათა ცენტრალურ ფიგურებს წარმოადგენდნენ. რუსებთან ერთად ქართველი ახალგაზრდებიც ცოცხლად ეხმარებოდნენ იმ დროერობისა და რუსეთის ახალ ამბებს. დეკაბრისტთა დამარცხების შემდეგ, მათი ყურადღების ცენტრში იყო 1830 წ. რევოლუცია ევროპაში და 1830-31 წწ. ეროვნულ-განმათავისუფლებელი ბრძოლა პოლონეთში. საქართველოში კი განხორციელდა რევოლუციური მოძრაობა, ევროპის რევოლუციური სიტუაცია და მისი გადაზრდა რევოლუციაში. რუსი და ევროპელი ხალხების განმათავისუფლებელი ბრძოლის ცეცხლი კიდევ უფრო აღვივებდა ამიერკავკასიელი ხალხების განმათავისუფლებელ ბრძოლას.

ს. დოდაშვილის მეთაურობით ქართველმა ინტელიგენტებმა 1832 წ. იანვარში დაიწყეს გამოცემა პირველი ქართული ჟურნალისა — „სალიტერატურონი ნაწილნი ტფილისის უწყებათანი“, რომელმაც გააჩაღა ბრძოლა ქართული ენის, მწერლობისა და საერთოდ კულტურის განვითარებისათვის. ჟურნალი ეწეოდა ერეკლე II-ის გამორულ საქმეთა პოპულა-

რიზაციას, იბრძოდა ხალხის განათლებისათვის და სამშობ-  
ლოსადმი თავდადებულ სიყვარულს ქადაგებდა. მაშინდელი  
მკაცრი ცენზურის პირობებში, როდესაც მეფის მსახურები  
ახშობდნენ ყოველგვარ მოწინავე აზრს, ჟურნალი შენიღბუ-  
ლად ახერხებდა კთლონიური ჩაგვრისაგან ქართველი ხალ-  
ხის განმათავისუფლებელი იდეების პროპაგანდას.

მე-19 ს. 20-იანი წლებიდან პეტერბურგში მყოფი ოქრო-  
პირ და დიმიტრი ბატონიშვილები იქ ჩასულ ქართველ ახალ-  
გაზრდებს პროპაგანდას უწევდნენ რუსეთის ბატონობის წი-  
ნაღმდეგ შეიარაღებული გამოსვლის მოსაწყობად. მოწინავე  
ინტელიგენტთა მომხრობის მიზნით ბატონიშვილები ჩვენში  
რესპუბლიკური თუ კონსტიტუციურ-მონარქიული სახელ-  
მწიფოებრივი წყობილების შექმნაზედაც ლაპარაკობდნენ.  
ასეთი პროპაგანდა თავდაპირველად მართლაც აერთიანებდა  
პროგრესული და რეაქციული ჯგუფების ბრძოლას, მაგრამ  
ეს გაერთიანება დროებითი იყო და წინაღმდეგობით აღსავ-  
სე.

პეტერბურგში აღმოცენებულმა თავადაზნაურული შეთ-  
ქმულების ცენტრმა 1829-1830 წლებში თბილისში გადმოი-  
ნაცვლა ადგილი. 1829 წ. აქ თავი მოიყარეს შეთქმულთა ხელ-  
მძღვანელებმა: ოქროპირ ბატონიშვილმა, ულიზბარ ერის-  
თავმა და იასე ფალავანდიშვილმა. აქტიურ შეთქმულებს შო-  
რის ერია ცნობილი სოლ. დოდაშვილიც. მაგრამ იგი დანარ-  
ჩენთა მონარქიულ მიზნებს არ იზიარებდა და საქართველო-  
ში რესპუბლიკური წყობილების მაგვარი სახელმწიფოს შექ-  
მნისათვის იბრძოდა.

შეთქმულები დიდ იმედს ამყარებდნენ პოლონეთის 1830 –  
1831 წწ. აჯანყებაზე. 1831 წ. სექტემბერში პოლონელთა  
მარცხმა მათ ეს იმედი გაუცრუა. შეთქმულები – ე. ერისთავი,  
ა. ორბელიანი, ი. ფალავანდიშვილი და სხვები – მაინც გა-  
ნაგრძობდნენ საქმიანობას. მათ შეადგინეს ე. წ. „პირველი  
ღამის განკარგულება“, რომლის მიხედვით, თბილისში გამარ-  
თულ საზეიმო ვახშამზე, 1832 წ. 20 დეკემბერს, უნდა მოეწ-  
ვიათ რუსი სამხედრო და სამოქალაქო მოხელეები და ამოე-  
წყვიტათ ისინი.

მთავრობამ შეიპყრო და გაასამართლა 38 შეთქმული. ისი-

ნი სხვადასხვა ვადით გადაასახლეს რუსეთის გუბერნიებში. შორეულ ქალაქ ვიატკაში გადაასახლეს ს. დოდაშვილიც.

სამშობლოსათვის თავდადებულმა დოდაშვილმა სასამართლო გამოძიებისას ამხილა თვითმპყრობელური მმართველობის უმსგავსოება. მან ცხადჰყო, რომ ეს მმართველობა, რომლის ენა და კანონები ხალხს არ ესმოდა ანტიხალხური და ფართო მასებისათვის მიუღებელი იყო. მიუხედავად ამისა, იგი არ იზიარებდა რეაქციონერ შეთქმულთა გეგმებს. სხვაგვარი იყო მისი ბრძოლის გზა და მიზანი. ეს ცხადი შეიქნა გამოძიების დროსაც, მაგრამ დოდაშვილი სხვებზე უფრო მკაცრად დასაჯეს. ამის მიზეზი, — გარდა იმისა, რომ იგი დაბალ წოდებას ეკუთვნოდა, — ისიც იყო, რომ დოდაშვილმ თვითმპყრობელური წყობილებისა და სოციალური უსამართლობის წინააღმდეგ იბრძოდა. ჭლექით დაავადებული ს. დოდაშვილი გარდაიცვალა ქ. ვიატკაში 1836 წ.

საქართველო მე-19 ს. 30-50-იან წლებში

§ 92. ცვლილებები ქვეყნის ეკონომიკურ ცხოვრებაში,  
ფეოდალურ ურთიერთობათა რღვევა

მე-19 ს. 30-40-იანი წლებიდან მოყოლებული, საქართველოს სამეურნეო-ეკონომიკური ცხოვრება დაწინაურების გზით წავიდა.

საქართველოში შეუჩერებლივ მატულობდა პურის მოხონილება. სასაქონლო პურის მთავარი მომხმარებელი კვლავ რუსის ჯარი იყო, პურს ფასი დაედო და გლეხებიც ცდილობდნენ, რაც შეეძლოთ, მეტი მოეყვანათ. საამისოდ ისინი მიწისმფლობელთაგან იჯარით იღებდნენ მიწებს და სახნავ-ხათეს მინდვრებს აფართოებდნენ. საქართველოს ცალკეულ მაზრებში პურის მთელი მოსავლის მეოთხედი ბაზარზე გადიოდა. 1821-1861 წლების მანძილზე მარცვლეულის რაიონებში ჭირნახულმა ერთი სამად იმატა. შესამჩნევად იზრდებოდა ღვინის საბაზრო წარმოებაც, 40-50-იან წლებში ღვინის მთელი მოსავლის მეოთხედი გადიოდა ბაზარზე. ბაზარზე მნიშვნელოვანი რაოდენობით გადიოდა აგრეთვე მეცხოველეობის ნაწარმი, ბოსტნეული, ხილი და სხვა საქონელი. ყოველივე ეს იმის მაჩვენებელი იყო, რომ საქართველოში მარტივი სასაქონლო მიწათმოქმედება განუხრელად იზრდებოდა.

გამოცოცხლება დაეტყო აგრეთვე მეაბრეშუმეობას, მებამბეობას, მეთამბაქოეობას და სოფლისმეურნეობის სხვა დარგებს, რომელთა განვითარებას 40-იანი წლებიდან სტიმულს აძლევდა რუსეთის მზარდი მრეწველობა.

40-იანი წლებიდან სასაქონლო-ფულადი ურთიერთობის განვითარება ფულადი რენტის ზრდაშიაც გამოიხატა. 1843-

1845 წლებში ჩატარებული საფინანსო რეფორმის შედეგად სახელმწიფო გადასახადში ფულადი ბეგარა გაბატონდა. მართალია, საერთოდ და უმთავრესად კი ყმა გლეხთა საბეგარო დამოკიდებულებაში ნატურალური რენტა ჭარბობდა, მაგრამ ფულადი ბეგრის ხვედრითი წონის მატება მაინც გამოხატავდა მნიშვნელოვან ნაბიჯს წინ, ფეოდალურ-ნატურალური მეურნეობის რღვევისა და ახალი ურთიერთობის აღმოცენებისაკენ.

40-იანი წლებიდან გაიზარდა სავაჭრო და სავაზმო კაპიტალის როლი საქართველოს ეკონომიკურ ცხოვრებაში. ვაჭარ-მევახშეები ყვლეფდნენ წვრილ მწარმოებლებს. 40-იან წლებში გლეხებს რამდენიმე წლის მოსავალი წინასწარ ჰქონდათ ვალში გაყიდული. ეს იწვევდა გლეხების დამონებას, მათი ექსპლუატაციის გამწვავებას. სავაჭრო კაპიტალი ჯერ კიდევ ძალზე ნაკლებად ებმებოდა წარმოებაში. მიუხედავად ამისა, ვაჭრობის ფართო გავრცელებასა და ფულის კულტის თანდათან გაბატონებას საგლეხო რეფორმის წინა ხანაში დიდი მნიშვნელობა ჰქონდა. სავაჭრო კაპიტალის ტიპური წარმომადგენელი დაგვიხატა მწერალმა ლ. არდაზიანმა თავის ნაწარმოებში „სოლომონ ისაკიძე მეფელანუაშვილი“.

40-იან წლებიდან სასაქონლო-ფულადი ურთიერთობის განვითარებამ ძლიერ შეარყია თავადაზნაურთა მიწისმფლობელობა — მათი ბატონობის საფუძველი. გახშირდა შეუძლო მოვალე თავად-აზნაურთა ყმებისა და მამულების საჯარო ვაჭრობით გაყიდვა ვალის დასაფარავად. სავაჭრო და სავაზმო კაპიტალმა ბევრ მემამულეს დააკარგვინა საკუთრება. ფეოდალთა ნივთიერი გაჩანაგების პროცესის შესაჩერებლად მთავრობამ იაფი კრედიტი მისცა მებატონეებს და ამით ხელი შეუწყო მათ მეურნეობრივი საქმიანობის გაუმჯობესებაში, სასაქონლო წარმოების მოწყობაში. ბევრმა მართლაც შეძლო კრიზისისათვის თავის დაღწევა და მეურნეობის რაციონალურად მოწყობა. ზოგი მებატონე დაქირავებულ შრომასაც კი იყენებდა

მიუხედავად აღნიშნული ზოგიერთი წარმატებისა, თავადაზნაურთა უმეტესობას არ აღმოაჩნდა მეურნეობის გარდაქმნის უნარი და შესაძლებლობა. იგი უწინდებურად უსაქმურსა და უდარდელ ცხოვრებას ეწეოდა, განცხრომასა და სია-



მოვნებაში ატარებდა დროს. 1863 წ. 1 იანვრისათვის საქართველოს ყმა გლეხთა 26% დაგირავებული იყო მებატონეების მიერ, ეს რაოდენობა გაცილებით უფრო მეტი იქნებოდა, მათი მიწები რომ გამოიწუნული ყოფილიყო. გაუმიჯნავ მიწებს კი ვერ აგირავებდნენ.

მე-19 ს. 40-იანი წლებიდან საქართველოში სულ უფრო და უფრო შესამჩნევი ხდებოდა ძველი ფეოდალურ-ამქრული ხელოსნობის რღვევა და კაპიტალიზმის საწყისების განვითარება. საშინაო ბაზრის ზრდა არყევდა მრეწველობის პატრიარქალურ ფორმებს.

თბილისში ევროპელებისა და ევროპული ცხოვრების მიმდევართა გამრავლება აჩქარებდა წარმოების ახალი დარგების წარმოქმნას. ძველი ჩოხების, უძირო მესტების, ქთმების, აზიური მუსიკალური ხელსაწყოების (ზურნა, დუდუკი, ჭიანჭური და ა. შ.) და სხვათა წარმოება სუსტდებოდა. თანდათან იზრდებოდა მოთხოვნილება ევროპულ ტანსაცმელსა და საგნებზე. ევროპულმა მოდამ შეასუსტა ადგილობრივი ხელოსნური და საშინაო მრეწველობის მნიშვნელობა. ხელოსნურ წარმოებას უნარი აღარ შესწევდა, რომ დაეკმაყოფილებინა ახალი დროის მოთხოვნილება. ამიტომ შეუჩერებელივ მატულობდა ბურჟუაზიული საფუფუნეო საგნების შემოზიდვა.

40-იანი წლებიდან იწყო გაღრმავება საქართველოს ხელოსან მრეწველთა დიფერენციაციამ. ამქრებში (ამქარი ხელოსანთა გაერთიანებას ერქვა) მომუშავე ზოგი ხელოსანი საკუთარი ნედლეულით მუშაობას და დაქირავებული შრომის გამოყენებასაც კი იწყებდა. ეს ნიადაგს უმზადებდა მარტივიდან დიდრონ სარეწაოებზე გადასვლას. იყო გამონაკლისი შემთხვევები, როცა სავაჭრო კაპიტალის წარმომადგენლები იმორჩილებდნენ წვრილ საქონელმწარმოებლებს და აწვდიდნენ მათ ნედლეულს; თვითონ კი გამოშვებულ ნაწარმს ასაღებდნენ და ამრიგად ითვისებდნენ მწარმოებელთა შრომას. წვრილ საქონელმწარმოებელთა მიერ ბაზართან უშუალო კავშირის დაკარგვა და შემსყიდველთა მიერ მათი დამორჩილება 50-60-იან წლებში ნელ-ნელა უკვე ვითარდებოდა. ეს კი კაპიტალისტური განვითარების დასაწყისს მთავსებდა.

მიუხედავად აღნიშნული და სხვა მრავალი წამოწყების მარცხისა, 40-50-იან წლებში ჩვენში, უმათავრესად თბილისში, გაჩნდა როგორც უცხოელი, ისე ადგილობრივი კაპიტალისტების მიერ დაარსებული ფაბრიკა-ქარხნები. 1848 წ. თბილისში ყორღანოვმა გახსნა თუჯნამომსხმელი ქარხანა; 1852 წ. გაიხსნა მეორე ასეთი ქარხანა. 60-იანი წლების დასაწყისში ინგლისელმა რაისმა ააშენა ორთქლისძრავიანი სახერხი ქარხანა და მოაწყო აგურის მანქანური წარმოება. 50-იან წლებში ადგილობრივმა ვაჭრებმა გახსნეს თამბაკოსა და ბამბის ფაბრიკები და სხვ. ამ ფაბრიკა-ქარხნებში გამოჩნდნენ პირველი კაპიტალისტები და პროლეტარები. მართალია, მათი რაოდენობა და როლი ქვეყნის საზოგადოებრივ-ეკონომიკურ ცხოვრებაში ჯერ კიდევ უმნიშვნელო იყო, მაგრამ მომავალი მათ ეკუთვნოდათ.

კაპიტალისტური წამოწყებანი გაჩნდნენ არა მარტო თბილისში, არამედ სხვა ქალაქებსა და დაბებშიაც. ასე იყო, მაგალითად, ჩათახში (ბოლნისის რაიონი, ფოლადაურის ხეობა), სადაც 1860 წ. კვლავ განახლდა ერეკლეს დროს წამოწყებული და შემდეგ შეწყვეტილი რკინის მადნის დამუშავება. 40-50-იან წლებში ქუთაისში, ორბირში, ზუგდიდსა და სხვა ადგილებში უცხოელმა კაპიტალისტებმა აბრეშუმის ძაფსახვევი ფაბრიკები მოაწყეს. ამ ფაბრიკებში ყმა გლეხთა შრომა ჭარბობდა. უპირატესად ყმათა შრომას ემყარებოდნენ აგრეთვე გორის მაზრასა და იმერეთში არსებული ფეოდალური მანუფაქტურებიც. განსაკუთრებით გამოირჩეოდა მებატონე ერისთავების მიერ სოფ. ღვარებში დაარსებული შუშის წარმოება, რომელსაც თავისი ნაწარმი საქართველოს გარეთაც კი გაჰქონდა.

ფაბრიკებსა და მანუფაქტურებში ყმა გლეხთა შრომა მომგებიანი არ იყო და აშკარად იგრძნობოდა თავისუფალ დაქირავებულ მუშათა უპირატესობა. მათი რიცხვი კი, ჩვენში ბატონყმობის ჯერ კიდევ სიმტკიცის გამო, ცოტა იყო, მაგრამ მრეწველობის ზრდასთან ერთად იზრდებოდა აგრეთვე მოთხოვნილება თავისუფალ მუშახელზე.

1846 წ. საქართველოს მიწა-წყალზე მოსახლეობის რაოდენობა 900 ათასს არ აღემატებოდა, ხოლო 1859 წ. იგი 1 მილიონამდე ავიდა. 13-წლის განმავლობაში ნამატი მთელი

რაოდენობის 10% -ს უდრიდა. მომდევნო წლებში მოსახლეობის ზრდის ტემპმა იმატა. ქვეყნის სოციალურ-ეკონომიკური განვითარების მაჩვენებელი იყო ქალაქის მოსახლეობის ზრდა სოფლის ხარჯზე. 1847 წ. თბილისში ცხოვრობდა 43.863, ხოლო 1862 წ. — 62.082 სული. ამრიგად 15 წლის განმავლობაში ნამატი 41% -ს უდრიდა.

საქალაქო ცხოვრება აღმოსავლეთ საქართველოში უფრო დაწინაურდა, ვიდრე დასავლეთში. ქართლ-კახეთის ქალაქებში, თბილისს გარდა, 35 ათასამდე მცხოვრები იყო, ხოლო დასავლეთ საქართველოს ქალაქებში — 20 ათასამდე. ეს მაშინ, როცა მოსახლეობის საერთო რიცხვი იქა და აქ თითქმის თანაბარი იყო. ასეთი განსხვავება იმით აიხსნება, რომ ქართლ-კახეთის ქალაქებზე ძლიერ ზემოქმედებდა თბილისის სიახლოვე.

საქართველოს დედაქალაქი თბილისი იმ დროს კვლავ იქცა საქართველოს ცენტრად. თანაც იგი მთელი ამიერკავკასიის ცენტრალურ ქალაქს წარმოადგენდა. 40-იანი წლებიდან თბილისში შესამჩნევად ვითარდებოდა ბურჟუაზიული ურთიერთობა, რომელიც ნელნელა უცვლიდა სახეს ძველ ფეოდალურ ქალაქს. წინანდელთან შედარებით დიდად გაიზარდა ქალაქის ბურჟუაზიული ელემენტი. 1862 წ. აქ თავისუფალ მოქალაქეთა რიცხვი მთელი მოსახლეობის 33% -მდე აღწევდა.

გაიზარდა თბილისის, როგორც საქართველოსა და ამიერკავკასიის კულტურული ცენტრის, მნიშვნელობაც, 40—50-იანი წლებიდან აქ გაჩნდა რუსული თეატრი და იტალიური ოპერა; აღდგა ქართული დრამატული თეატრი, დაარსდა კლუბები, საჯარო და სხვა ბიბლიოთეკები; გამრავლდა სასწავლებელთა რიცხვი; გამოდიოდა პერიოდული რუსული გაზეთები, ქართული ჟურნალი („ცისკარი“), მწიფდებოდა და იზრდებოდა საქართველოს მოწინავე საზოგადოებრივი ძალები. 50-იანი წლების დამდეგს თბილისში მყოფი ლ. ტოლსტოი, შემდგომ დიდი რუსი მწერალი, წერდა: „თბილისი მეტად ცივილიზებული ქალაქია, იგი ძალიან ბაძავს პეტერბურგს და ეს მას კარგადაც გამოუდის. საზოგადოება რჩეული და მრავალრიცხოვანია“.

თბილისთან ერთად 40-იანი წლებიდან იზრდებოდნენ

ჭალაქები ქუთაისი, გორი, თელავი, სიღნაღი, ახალციხე, ყულევი, ფოთი, სოხუმი, ცხინვალი, დუშეთი და სხვები. კერძოდ, ქუთაისს განსაკუთრებით დაეტყუო ზრდა 1846 წლიდან, როცა იგი საგუბერნიო ცენტრად იქცა.

საშინაო ბაზრის ზრდას, ფულადი რენტის გაფართოებას, მრეწველობისა და საქალაქო ცხოვრების განვითარებას თან სდევდა გლეხთა ექსპლუატაციის გამწვავება. გლეხთა შორის დიფერენციაციის გაღრმავება. დიდი უმრავლესობის გაღატაკება-გაჩანაგებასთან ერთად სოფლად შესამჩნევი ხდებოდა შეძლებულ გლეხთა ფენის გაძლიერება — განსაკუთრებით სახილმწიფო გლეხებს შორის, რომელთა რაოდენობა უკვე მთელი გლეხობის თითქმის ნახევარს აღწევდა. გაჩნდნენ მდიდარი მეურნეობის მქონე გლეხები, რომლებიც უკვე დაქირავებულ შრომას იყენებდნენ. ასეთები საკმაოდ ბევრი იყვნენ ჩამოსახლებულ კოლონისტებს შორის. სწორედ მათ ბანაკში წარმოიშვნენ პირველი კულაკური ელემენტები, რომლებიც ექსპლუატაციას უწევდნენ სოფლის ნახევრად პროლეტარებს და მათ ხარჯზე მდიდრდებოდნენ. ამრიგად, სოფლად, მკრთალად, მაგრამ მაინც, მიმდინარეობდა წარმოების საშუალებათაგან უშუალო მწარმოებლების თანდათან მოწყვეტის პროცესი და ისახებოდა სოფლის მუშათა კატეგორია, რომლის ძირითადი საარსებო წყარო სამუშაო ძალის გაყიდვა იყო. ასეთი პროცესი ახასიათებდა კაპიტალის დაგროვების პერიოდს.

ქირაზე გასული, საქალაქო ცხოვრების ფერხულში დროებით თუ მუდმივ ჩაბმული, გახელოსნებული და გავაჭრებული ყმა გლეხი კაპიკს კაპიკზე ადებდა და მიწისა და თავისუფლების გამოსყიდვისათვის იბრძოდა. მაგრამ ცოტანი თუ ახერხებდნენ, ისიც დიდი ვაი-ვაგლახით, თავის დახსნას, რადგან გამოსყიდვა ძალზე ძვირი ჯდება. ამასთანავე, თავისუფლებას მეტწილად ისინი ინარჩუნებდნენ, რომლებიც მიწიანად გამოსყიდდნენ თავს. უმიწოდ თავდახსნილ გლეხს კი ძალზე უჭირდა თავისუფლების შენარჩუნება. იგი იძულებული ხდებოდა ხაზინის ხელში გადასულიყო, თუკი ხაზინა მიწას გამოუყოფდა, თუ არა და ხიზნად უნდა დასდგომოდა რომელიმე სხვა მემამულეს. ბატონყმობის სიმტკიცის გამო ჯერ კიდევ ვერ იყო შექმნილი სათანადო პირობები თავდახსნილ-

თა თავისუფლების შენარჩუნებისათვის. განთავისუფლებულთ მხოლოდ მცირე ნაწილი ახერხებდა საქალაქო ცხოვრებაში ჩაბმას და ნამდვილი მოქალაქის უფლების მოპოვებას.

40-50-იანი წლებიდან გახშირდა ყმათა თავდახსნის შემთხვევები. 1846-55 წლებში მარტო ქუთაისის გუბერნიაში (სამეგრელო-სვანეთ-აფხაზეთის გამოკლებით) 100-მა კომლმა გამოისყიდა თავი. 1850-1864 წლებში იმავე გუბერნიაში აღრიცხულ იქნა თავდახსნის 1314 შემთხვევა; დაიწერა განთავისუფლების 468 აქტი, რომელთა უორის იყო 351 შემთხვევა, როცა გლეხური ოჯახები მიწიანად განთავისუფლდნენ. თავდახსნილებმა მებატონეებს საერთო ანგარიშით 200 ათას მანეთზე მეტი გადაუხადეს. ნაკლები არ ყოფილა თავდახსნილთა რაოდენობა თბილისის გუბერნიაშიც.

§ 93. მიწის რუსეთის კოლონიური ჩაბპრა. ქართველი ხალხის ბრძოლა სომხალური და ეროვნული ჩაბპრის წინააღმდეგ

საქართველოსა და ამიერკავკასიას მეფის რუსეთი უყურებდა როგორც თავის განაპირა კოლონიურ მხარეს, მაგრამ თვით რუსეთი ჯერ კიდევ არ იყო მზად ამ ქვეყნის კოლონიური ათვისებისათვის. იმ ვტაპზე რუსეთის სახელმწიფოს ჩამორჩენილობა განსაზღვრავდა მისი კოლონიური პოლიტიკის ხასიათს.

მეფის რუსეთის მთავრობამ, საქართველოში თავისი მმართველობის შემოღებიდანვე, მიზნად დაისახა ქვეყნის გარუსება და აქ საიმედო დასაყრდენის შექმნა.

რუსიფიკაციისა და ადგილობრივ საიმედო დასაყრდენის შექმნის პოლიტიკა საქართველოში სხვადასხვა სახით ვლინდებოდა. ერთ-ერთი სახე იყო სანდო ელემენტების ჩამოსახლება და მათი ყოველმხრივ უზრუნველყოფა. ამას ხელს უწყობდა ის, რომ მე-19 ს. პირველ მესამედში საქართველოს სამხედრო-ადმოსავლეთი საზღვრის პირას მდებარე რაიონები უცხო დამპყრობლებისა და ადამიანებზე მონადირეთა მრავალსაუკუნოვანი თარეშის შედეგად გაუდაბურებული და გაუკაცრიელებული აღმოჩნდა. განსაკუთრებით გატიალებული იყო თრიალეთი, სომხეთი, ლორე-ბამბაკი და ზოგიც სხვა

კუთხე. ადგილობრივ გადატრეწილ მოსახლეობას თავისუფალი მიწების დაკავების უფლება და საშუალება არ ჰქონდა. პირიქით, მთავრობა მკვიდრ ელემენტს ხშირად ერეკებოდა დასახლებული სოფლებიდან და მათ მიწა-ადგილს კოლონისტებს უყოფდა. ამ გზით ინერგებოდა შუღლი მოსულებსა და დამხდურებს შორის.

1817—1819 წლებში, უმთავრესად, აღმოსავლეთ საქართველოსა და ნაწილობრივ აზერბაიჯანშიც ჩამთასხლეს გერმანელთა 500-ზე მეტი ოჯახი. მაშინ, როცა ქართველ ყმა გლეხთა ყოველ კომლს 4-ოდე დესეტინა მიწა ძლივს ჰქონდა, კოლონისტების თითო კომლს 35 დესეტინა საუკეთესო მიწა გამოუყვეს. გარდა ამისა მკვიდრ მოსახლეობას აიძულებდნენ მიწები დაეხნათ და საბინაო-საშენი მასალა მთეწოდებიანთ ჩამოსახლებულ ახალმოშენეთათვის.

1828—1829 წლების ომის შემდეგ მეფის მთავრობამ საქართველოში ჩამოასახლა ოსმალეთიდან გადმოსვნილი ქრისტიანი სომხებისა და ბერძნების 6000-ზე მეტი ოჯახი, რომლებიც უპირატესად ახალციხე-ახალქალაქისა და წალკის რაიონებში დასახლდნენ.

1837 წლიდან საქართველოში არსდება რუსული სამხედრო კოლონიებიც. ეს კოლონიები შედგა იმ ჯარისკაცთაგან, რომელთაც 15 წლის სამსახურს შემდეგ დაოჯახების უფლება ჰქონდათ. ასე წარმოიშვნენ ჩვენში რუსული სოფლები თბილისის ახლოს, წალკაში, თეთრწყაროზე, წითელწყაროზე, გომბორში, მანგლისში, კოჯორში და სხვაგან. გარდა ამისა, მეფის მთავრობა ჩვენს ქვეყანაში ასახლებდა იმპერიის ქრისტიანული ეკლესიის მიერ დევნილ „მწვალებლებს“ ან სექტანტებს — დუხოზორებს, მოლაკნებს, სკოპცებსა და სხვებს. 1845 წ. მათი რაოდენობა 10 ათას სულს აღწევდა.

რუსეთის მთავრობა საქართველოს ეკონომიკური ათვისებისათვის იბრძოდა. მაგრამ გამუდმებული ომიანობის პირობებში ამ მიმართულებით ცალკეულ ცდებს შედეგი არ მოჰყოლია.

მიუხედავად ამ ცდებისა, ცარიზმი და რუსეთის ბურჟუაზია XIX ს. I ნახევარში საწადელს ვერ ეწივნენ. რუსეთმა ჯერ კიდევ ვერ შეძლო ქვეყნის ეკონომიკური დაპყრობა. ამის მთავარი მიზეზი რუსეთის ბურჟუაზიის სისუსტე იყო.

XIX ს. 30-იანი წლებიდან ცარიზმმა ამიერკავკასიაში ფართო ამოცანები დაისახა. იგი ქვეყნის კოლონიური ექსპლუატაციისათვის ემზადებოდა და ხედავდა, რომ არსებული მმართველობა მისი მიზნების განსახორციელებლად გამოუსადეგარი იყო, დაიწყო მმართველობის რეფორმის პროექტების შედგენა. 1840 წ. 10 აპრილს, როგორც იქნა, დაამტკიცეს სარეფორმო დებულებაც.

შემოღებულ იქნა ახალი ადმინისტრაციული დანაწილება. ამიერკავკასია გაიყო „საქართველო-იმერეთის“ გუბერნიად და „კასპიის ოლქად“, 1846 წელს საქართველო-იმერეთის გუბერნია გაიყო ორად — თბილისისა და ქუთაისის გუბერნიებად.

ამიერკავკასიის მმართველობის სათავეში კვლავ რჩებოდა მთავარმმართველი, ანუ მთავარსარდალი, რომელიც უფლებრივ გაუტოლდა რუსეთის გენერალ-გუბერნატორებს.

ახალი წესის მიხედვით, ცარიზმმა ამიერკავკასიაში დანერგა თითქმის ისეთივე მმართველობა, როგორც რუსეთის გუბერნიაში იყო და ამით სავსებით უარყო ადგილობრივ წესჩვეულებასთან შეხამების ის ელემენტები, რომლებიც ძველ მმართველობას ჯერ კიდევ ახასიათებდა. სავსებით განიდევნა მკვიდრთა მონაწილეობა მართვა-გამგეობაში. უარყოფილ იქნა საქართველოს მეფის ვახტანგ VI-ის ცნობილ კანონთა მოქმედება სამოქალაქო სამართლის დარგში. ყოველივე ეს კიდევ უფრო აშორებდა სახეშეცვლილ მმართველობას ფართო მასებისაგან. გამეფდა უმაგალითო ბიუროკრატიზმი. ერთი-ორად გაიზარდა მოხელეთა რიცხვი. ამიერკავკასიის საშტატო ხარჯებმა ერთნახევარი მილიონი მანეთით გადააჭარბა ქვეყნის ფულად შემოსავალს. გაცილებით მეტი გასაქანი მიეცა მოხელეთა ბოროტმოქმედებას.

ჩატარებული რეფორმის დედააზრი იყო ჩვენი ქვეყნის სწრაფი გარუსება და მისი შედუღება რუსეთის იმპერიასთან.

ქართველი ხალხი წინააღმდეგობას უწევდა სოციალური და ეროვნული ჩაგვრის ასეთ დამძიმებას. ეს წინააღმდეგობა სხვადასხვანაირად, სხვადასხვა ფორმით იჩენდა თავს.

40-იანი წლებიდან ძალზე გახშირდა ყმათა ურჩობის შემთხვევები. ისინი უარს ამბობდნენ ბატონის სამსახურზე, ბატონი კი დახმარებისათვის რუს მოხელეებს მიმართავდა და

გლეხებს სჯიდა. 1843—1846 წლებში აღირიცხა ყმათა ურ-  
ნობის 133 შემთხვევა. ამ „შემთხვევათა“ რიცხვში ცალკეულ  
სოფელთა აჯანყებაც შედიოდა. აღურიცხავ შემთხვევათა რა-  
ოდენობა გაცილებით მეტი იყო. ჩვეულებრივ მოვლენად იქ-  
ცა ყმის მიერ ბატონის მოკვლა და ყაჩაღად გავარდნა.

მე-19 ს. 30—40-იანი წწ. საქართველოსათვის დამახასია-  
თებელია „ყაჩაღ“ არსენა ოძელაშვილის ტიპი. არსენა გლეხ-  
თა განმათავისუფლებელი ბრძოლის მეტად პოპულარული და  
ხალხის ღრმა სიყვარულით მოსილი გმირი იყო. მისადმი  
მიძღვნილ სიმღერაში — „არსენას ლექსი“ — ხალხმა გამოხა-  
ტა არსებული უსამართლობისადმი შეურიგებელი სიძულვი-  
ლი. არსენა სდევნიდა ხალხის მჩაგვრელებს და ღარიბ-ღატა-  
კებს ეხმარებოდა. 1843 წ. მცხეთის ახლოს, მუხათგვერდთან,  
მეფის მსახურთა მიერ მოკლული არსენა გლეხებმა დიდი პა-  
ტივით დაასაფლავეს.

საქართველოში მოხდა არაერთი, დიდი თუ მცირე გლეხ-  
თა აჯანყება და გამოსვლა. ერთ ასეთ დიდ აჯანყებას  
ადგილი ჰქონდა გ უ რ ი ა შ ი 1841 წ.

გურიაში იმ დროს ნატურალური მეურნეობა ბატონობდა.  
ადგილობრივ ბაზრებზე მიმოქცევაში ოსმალური ფულის ნიშ-  
ნები სჭარბობდა, მთავრობა კი გადასახადს რუსული ფულით  
მოითხოვდა. რუსეთი ჯერ კიდევ იპყრობდა ბაზარს და გლე-  
ხებს რუსული ფული არ მოეპოვებოდათ. ამიტომ იყო, რომ  
1841 წ. მაისში, როცა გადასახადის აკრეფა დაიწყო, სოფ.  
ლანჩხუთის გლეხები აჯანყდნენ. მღელვარება თანდათან მო-  
ედო გურიას. რუსული რეჟიმით უკმაყოფილო ფეოდალებმაც  
დრო იხელთეს და აჯანყებას შეუერთდნენ. მოწინააღმდეგე  
კლასების წარმომადგენელთა დროებით-მიზნობრივ გაერთი-  
ანებას აქაც იგივე საფუძველი აღმოაჩნდა, რაც წინამორბედ  
აჯანყებათა დროს. ფეოდალების მიზანი აქაც რეაქციული იყო.  
ისინი ცდილობდნენ, გლეხთა აჯანყება თავიანთი ვიწრო კლას-  
ობრივი მიზნებისათვის დაემორჩილებინათ. მათ სურდათ  
აღედგინათ ძველი დაშლილ-დაქუცმაცებული საქართველო,  
სადაც ფეოდალის უფლება ნაკლებ შემზღუდული იყო. გლეხე-  
ბი კი იბრძოდნენ სოციალური და კოლონიური ჩაგვრის დამ-  
ცველი სისტემის წინააღმდეგ. ამიტომ იყო, რომ მოძრაობის  
განვითარების შემდგომ საფეხურებზე ფეოდალები ყოველ-



თვის ზურგს აქცევდნენ გლეხებს და მეფის მთავრობის მხარეზე გადადიოდნენ. ასე იყო გურიის 1841 წ. აჯანყების დროსაც.

მაის-ივლისის განმავლობაში აჯანყება ხან იფეთქებდა და ხან ისევ ქრებოდა ხოლმე. მემბოხენი დრო და დრო ებრძოდნენ რუსთა რაზმებს. ივლის-აგვისტოში მოძრაობა გაფართოვდა. დიდი ბრძოლა მოხდა სოფ. გოგორეთში, 1841 წ. 9 აგვისტოს. აქ გლეხებმა დაამარცხეს პოლკოვნიკ ბრუსილოვის რაზმი. ამ ბრძოლაში მოკლულ-დაჭრილთა რაოდენობა 77 კაცამდე აღწევდა. გათამამებულმა აჯანყებულებმა მალე ალყა შემოარტყეს სამაზრო ცენტრს ოზურგეთს. მეფის ჯარების საშველად ამოდრავდნენ იმერეთისა და სამეგრელოს ფეოდალები, მაგრამ აჯანყებულებმა მათი რაზმებიც დაამარცხეს. გურულ მებრძოლებს თანაგრძნობა გამოუცხადეს იმერეთ-სამეგრელოსა და აფხაზეთის მშრომელებმაც. მთავრობამ გურიისაკენ ჯარის ახალი ნაწილები დასძრა. აჯანყებულთა ბანაკშიაც დაიწყო შინაგანი განხეთქილება. მოძრაობას თანდათან ჩამოსცილდნენ დროებით ამგზავრებული ფეოდალები, რადგან გლეხთა ბრძოლა მათ წინააღმდეგაც იყო მიმართული. თავადაზნაურები მოეგებნენ ნასაკირალთან მოსულ რუსთა რაზმებს. 5 სექტემბერს მოხდა გადამწყვეტი ბრძოლა ოზურგეთთან, სადაც აჯანყებულები დამარცხდნენ. გლეხთაგან მარტო მოკლულთა რიცხვი 60-ს აღემატებოდა, ამის შემდეგ აჯანყება მალე ჩაქრა.

გურულ გლეხთა ამ ბრძოლას მიუძღვნა თავისი ნაწარმოებები „ჯანყი გურიაში“ ცნობილმა მწერალმა ეგნატე ნინოშვილმა.

1857 წ. დიდი აჯანყება მოხდა სამეგრელოში. აჯანყებულმა გლეხებმა, რომლებსაც მხნე მეთაურები აღმოუჩნდათ, თავიანთი რაზმები ასეულებად და პატარა ჯგუფებად დაანაწილეს. მალე მათ ფაქტიურად მოშალეს ბატონყმობა სამეგრელოში. გლეხები არბევდნენ და წვავდნენ მებატონეთა სახლ-კარს, ათავისუფლებდნენ მოახლეებს, უარს ამბობდნენ საბატონო დამოკიდებულებაზე. აჯანყებას მეთაურობდა მჭედელი უტუ მიქავა, რომელსაც ბევრი თანაშემწე ჰყავდა.

მიქავას პირადად იცნობდა პოეტი რ. ერისთავი. მისი გად-

ძოცემით, მიქავა იყო კარგი ვაჟკაცი და მჭერმეტყველი ადამიანი, რომელიც მებატონებთან კამათისას შესანიშნავად იცავდა თავის მოძმეთა ინტერესებს. მას სძულდა ბატონყმობა. რუს მოხელეებთან საუბარში მიქავამ ამხილა გიდევაჯ ბატონყმური დამოკიდებულების უმსგავსობა და მოითხოვა, გლეხი „კაცად ეცნოთ“. იგი ადამიანთა შორის თანასწორუფლებიანობის დამყარებას და წოდებათა მოსპობასაც კი მოითხოვდა. სხვა აჯანყებულთაგანაც ისმოდა ბატონყმობისაგან სრული განთავისუფლების მოთხოვნა.

მჭედელი გლეხის ესოდენ თამამი, მკვეთრი და შეგნებული გალაშქრება ბატონყმობის წინააღმდეგ არც თუ ისე ხშირი მოვლენა იყო ბატონყმობის დროის გლეხთა მოძრაობის ისტორიაში

აჯანყებულებმა მიქავას მეთაურობით გადაწყვიტეს არ დამორჩილებოდნენ ადგილობრივი ხელისუფლების წარმომადგენლებს და მიეღოთ რუსი მოხელეებისა და სარდლების დახმარება სახაზინო გლეხთა კატეგორიაში გადარიცხვისათვის. მათ იცოდნენ, რომ რუსული მმართველობის განკარგულებაში მყოფი სახაზინო გლეხები შედარებით უკეთეს მდგომარეობაში იმყოფებოდნენ. ამიტომ იყო, რომ აჯანყებულებმა ყური არ ათხოვეს სამეგრელოს უკანასკნელ მთავარს ეკატერინე დადიანს, რომელმაც მათ მოუწოდა, დაიშალეთ და აღუთქვა, მდგომარეობას შეგიმსუბუქებთ.

მთავრის ხელისუფლებისადმი გლეხთა ასეთი დამოკიდებულება რუსეთის მთავრობამ თავისი ინტერესებისათვის გამოიყენა. ქუთაისის გუბერნატორი დაჰპირდა გლეხებს, რომ „მართლმსაჯულება მალე განხორციელდებოდა“. მაგრამ გუბერნატორმა და კავკასიის მეფისნაცვალმა ეს დაპირება გააუქმეს. მას შემდეგ გლეხებს იარაღით აიძულებდნენ დამორჩილებოდნენ მებატონეებს და ხელი აეღოთ აჯანყებაზე. ასე რომ გლეხებს უკვე ბატონყმობის დამცველი რუსეთის მთავრობის წინააღმდეგაც მოუნდათ ბრძოლა, მრავალი წვრილი და ზოგჯერ დიდი შეტაკებაც. 1857 წ. სექტემბრის ბოლოსა და ოქტომბრის დამდეგს მომხდარი ორი შეტაკების შედეგად მოკლულთა და დაჭრილთა რიცხვი 40-მდე აღწევდა.

მეფის რუსეთის მთავრობამ დააპატიმრა და სხვადასხვა ვადით გააციმბირა აჯანყების 38 ხელმძღვანელი და აქტიური



მონაწილე. უტუ მიქავამ 9 წელიწადი დაჰყო შორეულ გადასახლებაში.

სამეგრელოს გლეხთა აჯანყება, რომელშიაც 10 ათასამდე გლეხი მონაწილეობდა, გამოხატავდა მასობრივ პროტესტს ბატონყმური ჩაგვრის წინააღმდეგ. ეს აჯანყებაც სტიქიურ-გლეხური მოძრაობა იყო, მაგრამ მას დიდი მნიშვნელობა ჰქონდა. ისა და მისი მსგავსი სხვა აჯანყებანი აიძულებდნენ მეფის რუსეთს საქართველოშიაც დაეჩქარებინა ბატონყმობის გაუქმება.

გლეხთა აჯანყებები საქართველოში 50-იანი წლების ბოლოს და 60-იან წლების დასაწყისში ბევრ სხვა ადგილასაც მოხდა.

ერთგვული ჩაგვრისა და, ნაწილობრივ აგრეთვე, ბატონყმობის წინააღმდეგ ბრძოლაში სულ უფრო და უფრო მეტად ებმებოდნენ აგრეთვე თვით ფეოდალთა კლასის ან უფრო დაბალი ფენებიდან გამოსული ინტელიგენციის მოწინავე წარმომადგენლები.

სწორედ ამ პროცესის შეკავებას ემსახურებოდა ცარიული ადმინისტრაციის ზოგი მანევრი, რომელიც ქართველი საზოგადოების ზედაფენებისა და ინტელიგენციის თავის მხარეზე გადმობირებისაკენ იყო მიმართული. ასე შეიძლება შევაფასოთ ჩვენ, მაგალითად, მეფისნაცვლად დანიშნული ვორონცოვის საქმიანობა 40-იან წლებში.

რუსეთის მეფის ერთგულ მსახურს, განათლებულსა და შორსმჭრეტელ ვორონცოვს მეფემ ნიკოლოზ პირველმა პირადად გააცნო თავისი მიზნები საქართველოსა და ამიერკავკასიაში: თავი და თავი იყო ამ ქვეყნის გარუსება და მისი შერწყმა რუსეთთან, შენარჩუნება რუსეთისაგან ამიერკავკასიის სრული პოლიტიკური და ეკონომიკური დამოკიდებულებისა. ვორონცოვი ხერხიანად შეუდგა აღნიშნული პოლიტიკის გატარებას. მან არჩია ადგილობრივი თავადაზნაურობის მოფერება-დაყვავებისა და რუსეთის მიზნებისადმი მათი საქმიანობის დაქვემდებარების გზა.

ვორონცოვმა ხელი გაუწოდა გალატაკების გზაზე დამდგარს, უდარდელსა და უქნარ თავადაზნაურობას. 1848 წ. დაარსებულმა ბანკმა მათ გრძელვადიანი სესხის მიღების სა-

შუალება მისცა. ამასთანავე, დაჩქარდა დიდი ხნის დაწყებული საქმე თავადაზნაურთათვის წოდების დამტკიცებისა. ამას მათთვის დიდი მნიშვნელობა ჰქონდა, რადგან უამისოდ სახელმწიფო სამსახურში მიღება გაძნელებული იყო. წოდება დაუმტკიცდა 30 ათასამდე კაცს. დიდი მუშაობა ჩატარდა სათავადო აზნაურთა გასათავისუფლებლად. არსებითად დასრულ და მათი ქონებრივი გამოიჯვნა თავადთაგან — ისე, რომ ორივე მხარის ინტერესები შეძლებისდაგვარად დაცული ყოფილიყო.

1849 წ. ვორონცოვის წინადადებით დაკანონდა, რომ გლეხს თავისუფლების ძიება შეეძლო მხოლოდ იმ შემთხვევაში, თუ მას თვითონ ექნებოდა თავისუფლების დასამტკიცებელი საბუთი. მანამდე კი, გლეხის მიერ ბატონისაგან თავდახსნის მიზნით, საჩივრის აღსაძრავად საკმარისი იყო, რომ ბატონს მისი კუთვნილების დამამტკიცებელი საბუთი არ ჰქონოდა შემორჩენილი.

გარდა აღნიშნულისა, ვორონცოვმა თავადაზნაურობას კლუბები და თეატრები მოუწყო. ერთგვარი გასაქანი მიეცა პროგრესული ინტელიგენციის პატრიოტულ მოღვაწეობასაც, თავადაზნაურთა შვილებს ფართოდ გაეხსნათ გზა რუსეთის სამხედრო სამსახურში და სხვადასხვა სასწავლებლებში სადაც ისინი ცოდნას ეუფლებოდნენ.

ამგვარი პოლიტიკის შედეგად დამყარდა მჭიდრო კონტაქტი ქართველი თავადაზნაურობის დიდ ნაწილსა და მეფის მთავრობას შორის.

ქართველი სამხედრო პირები აქტიურად მონაწილეობდნენ მეფის სამსახურში, მაგალითად, დაღესტნის დასაპყრობად. XIX ს. 50-იან წლებში შამილის წინააღმდეგ მებრძოლ ჯარს დაღესტანში ქართველი გენერალი, ცნობილი პოეტი გრიგოლ ორბელიანი სარდლობდა. რუსეთის ჯარებს აქ რუს გენერლებთან ერთად მეთაურობდნენ სხვა ქართველი გენერლებიც (ზ. ჭავჭავაძე, ლ. სავარსამიძე, დ. ორბელიანი და სხვ.). აღსანიშნავია, რომ შამილის წინააღმდეგ მიმართული ბრძოლის დამპყრობლური, კოლონიური ხასიათი ნაკლებ ესმოდა ზოგიერთ სხვა ქართველ მოღვაწეს, რომელიც ძველი ლეკიანობის ასოციაციით, ბრძოლას ქართულ პატრიოტულ მისწრაფებათა განხორციელებადაც კი თვლიდა.

სულ სხვა ხასიათი ჰქონდა ქართველთა მასობრივ მხარდაჭერას რუსეთისადმი ყირიმის ომში (1853-1856 წ.). ოსმალეთის წინააღმდეგ. ამ ომში საომარი მოქმედების ასპარეზად დასავლეთი საქართველოს მიწა-წყალიც იქცა. აქ მიმდინარე ბრძოლებში აქტიურად მონაწილეობდნენ ქართველთა სახალხო რაზმები. მათ მნიშვნელოვანი როლი შეასრულეს დასავლეთ საქართველოდან საძულველ ოსმალთა განდევნის საქმეში.

ფეოდალურ ყოფიერებაში ახალი საზოგადოებრივი ცხოვრების ელემენტთა შეჭრასა და მებატონეთა გალატაკებასთან დაკავშირებით, გაბატონებული კლასის იდეოლოგთა აზროვნებაში თავი იჩინა წინააღმდეგობამ. ისინი დეგრადაციის გზაზე მდგომ თავად-აზნაურებს მეურნეობის გაუმჯობესებასა და ბაზართან მჭიდრო კავშირის დამყარებას ურჩევდნენ, აღნიშნავდნენ, რომ ძველი „თოფისა და ხმლის“ მაგიერ ახლა საჭირო იყო სწავლა-განათლება და ვაჭრობა. ამ გზით ფიქრობდნენ ეს მოაზროვნეები ფეოდალთა კლასის ბატონობის შენარჩუნებას. ის კი არ იცოდნენ, რომ ვაჭრობა-მრეწველობის განვითარება და ბატონყმური დამოკიდებულების არსებობა ერთმანეთს გამორიცხავდნენ.

ჩვენში ანტიბატონყმურ იდეოლოგიას საწყისი ჰქონდა ჯერ კიდევ იოანე ბაგრატიონის, სოლომონ დოდაშვილის, ალექსანდრე ჭავჭავაძის, იაგორ ჭილაშვილისა და სხვ. ნააზრევში.

ანტიბატონყმური იდეოლოგიის პირველი სერიოზული წარმომადგენელი საქართველოში იყო ცნობილი მოთხრობის „სურამის ციხის“ ავტორი დანიელ ჭონქაძე, რომელმაც მწვავედ დავით არსებული სოციალური უსამართლობა, „სურამის ციხე“ გამოქვეყნდა 1859 წ., როცა საქართველოში ფართოდ იყო გაშლილი გლეხთა ანტიბატონყმური მოძრაობა. ფეოდალური რეაქცია მტრულად შეხვდა ამ მოთხრობას და მის ავტორს მოკვლასაც კი უპირებდნენ.

50-60-იანი წლების მიჯნაზე საქართველოში საზოგადოებრივი ცხოვრების ასპარეზზე გამოდიან კარგად ცნობილი მოღვაწეები ი. ჭავჭავაძე, ა. წერეთელი, ნ. ნიკოლაძე, რ. ერისთავი და სხვები, რომლებმაც უკვე მაშინდელ ნაწარმოებებში დაგმეს და გააკიცხეს ბატონყმობა.

არ შეწყვეტილა აგრეთვე პროგრესულ ქართველ მოღვაწეთა ბრძოლა, რომლის მიზანი იყო ქართველი ხალხის განთავისუფლება კოლთნიური ჩაგვრისაგან.

პროგრესული დასის საქმიანობა კვლავ ვერ ეკუთბოდა რეაქციულ თავადაზნაურობას, რომელიც ბაგრატიონთა ტახტის აღდგენაზე თცნებობდა. ისინი წარსულ „დიდებას“, გარდასულსა და დრთმთჭმულს, მისტიროდნენ, პროგრესისტები კი იბრძოდნენ საქართველოს განახლება-განათლებისათვის, რის საფუძველზედაც უნდა განხორციელებულიყო სოციალური და პოლიტიკური თავისუფლება.

1832 წ. შეთქმულების გამო გადასახლებული ბევრი მოღვაწე მალე დაუბრუნდა სამშობლოს. ბევრ მათგანს არსებობისათვის სხვა გზა არა ჰქონდა, თუ არა მთავრობის სამსახურში შესვლა, მაგრამ ასეთ ძნელ პირობებშიაც ახერხებდნენ ისინი პატრიოტული საქმიანობის გაგრძელებას.

მოწინავე ძალები განაგრძობდნენ იმ საქმიანობას, რომელსაც მე-19 ს. 20-30-იან წლებში ს. დოდაშვილი მეთაურობდა. დოდაშვილის წერილებს იმეორებდნენ თბილისის გიმნაზიის ქართველი მოსწავლეები თავიანთ ხელნაწერ ჟურნალებში. მისმა ყოფილმა მოწაფეებმა ნ. ბარათაშვილმა, მ. თუმანიშვილმა და სხვებმა 1835 წ. დაიწყეს ჟურნალ „თბილისის გიმნაზიის ყვავილის“ გამოშვება. ისევე, როგორც „სალიტერატურონი ნაწილნი ტფილისის უწყებათანი“, „გიმნაზიის ყვავილიც“ ქადაგებდა სამშობლოსადმი სიყვარულს და მიზნად ისახავდა მოსწავლეთა და საერთოდ ქართველი ხალხის გაათვითცნობიერებას. ნ. ბარათაშვილისა და მ. თუმანიშვილის მიერ 1836 წ. შედგენილ ანთოლოგიაში შეტანილ იქნა დ. მაჩაბლის ლექსები და გ. ერისთავის პოემა „ოსური მოთხრობა“. ამით მოწინავე ახალგაზრდობამ გამოხატა თანაგრძნობა პოლიტიკურ-განმათავისუფლებელი იდეებისადმი.

40-იან წლებში ერთვულ-პოლიტიკური თავისუფლებისათვის ბრძოლის მთქივეები თავს იჩენდა მოწინავე ანტელიგენციის მრავალმხრივ საქმიანობაში. ამ დროს გ. ერისთავის, დ. მაჩაბლისა და სხვათა თაოსნობით ამზადებდნენ ახალი ქართული ჟურნალის „სინათლის“ გამოცემას. ამ მიზნით გამოშვებულ მოწოდებაში ისინი აღვივებდნენ ხალხის პატრი-

ოტულსა და თავისუფლებისმოყვარულ მისწრაფებას. არსებული ჩამორჩენილობის შესახებ ჩივილში გამოსტვიოდა პროტესტი ცარიზმის კოლონიური პოლიტიკის წინააღმდეგ და დიდი ინტერესი მშობლიური ლიტერატურის აღორძინებისადმი: „აწ სადღა არიან ჩახრუხაძენი, გინა შავთელნი, რუსთაველნი და პეტრიწნი? სადღა ისმის ტკბილხმოვანება ბესიკისა? სად გამოიციემიან ფილოსოფიური და ღვთისმეტყველებითნი ტექსტნი ანტონისანი? ყოველივე დრომან მიპჭარა და სიბრძნეცა ქართველთა, ვითა აჩრდილნი, მათთანვე წარხდნეს“.

ცარიზმი ახშობდა ადგილობრივი მოსახლეობის საუკეთესო ადამიანთა ყოველივე ინიციატივას. ამიტომ იყო, რომ ჟურნალ „სინათლის“ გამოცემა ვერ განხორციელდა. მიუხედავად ამისა, ბრძოლა არ შეწყვეტილა.

40–50-იან წლებში ამოძრავდნენ ეროვნულ-კულტურული ძალები. გახშირდა წიგნების ბეჭდვა; გამოჩნდნენ სამშობლოს ისტორიის შესწავლით დაინტერესებული პირები: აღადგინეს ქართული თეატრი; დაიწყო გამოსვლა ჟურნალმა „ცისკარმა“. საქართველოში დაბრუნდა რუსეთის უმაღლეს სასწავლებელთა კურსდამთავრებულების საკმაოდ მრავალრიცხოვანი ჯგუფი. ახალგაზრდა ქართველმა მეცნიერებმა მჭიდრო კავშირი დაამყარეს პეტერბურგის მეცნიერებათა აკადემიასთან.

ქართველი მოღვაწეები ქართული თეატრის სცენიდან და პერიოდული პრესის ფურცლებიდან იბრძოდნენ — რამდენადაც ეს მაშინ ყოვლის ჩამხშობი ცენზურის პირობებში შეიძლებოდა — კოლონიური ჩაგვრისაგან განთავისუფლებისათვის. ასეთი ბრძოლა მიმდინარეობდა ლიტერატურულ სარბიელზედაც.

პოლიტიკური თავისუფლებისათვის ბრძოლაში იყენებდნენ საქართველოს ისტორიის გმირული ეპიზოდების პოპულარიზაციის ხერხს. 1846 წ. აღ. ორბელიანმა დაწერა დრამა „დავით აღმაშენებელი, ანუ უკანასკნელი ჟამი საქართველოსი“, რომელშიც აღმაშენებლის დროის ამბებს ამოფარებულმა ავტორმა გაატარა ამიერკავკასიის ხალხთა გაერთიანებისა და ცარიზმის წინააღმდეგ ერთობლივი ბრძოლის იდეა.



1861—1862 წლებში ჟურნალ „ცისკრის“ ფურცლებზე გამოქვეყნდა იოანე ბატონიშვილის „კალმასობა“. ამ ნაწარმოებს წინ უძღოდა ახალგაზრდა ისტორიკოსის დ. ბაქრაძის მიერ დაწერილი შესავალი წერილი, რომელიც სამშობლოს განთავისუფლებისათვის ბრძოლის ერთგვარ მოწოდებას შეიცავდა. ავტორი აღნიშნავდა, რომ საზოგადოებას უნდა „მისცემოდა მოძრაობა განათლებისა“, „თავისუფლების მოყვარეობისა და სულის სიმტკიცე“.

ეროვნულ-პოლიტიკური თავისუფლებისათვის ბრძოლას ქართველი მოღვაწეები წინანდებურად უკავშირებდნენ მოწინავე რუსი ადამიანების ბრძოლას ცარიზმის წინააღმდეგ. 1861 წ. პეტერბურგის უნივერსიტეტის ქართველი მოსწავლეები ნ. ნიკოლაძე, გ. წერეთელი, ბ. ლოლობერიძე და სხვები რუსებთან ერთად აქტიურად მონაწილეობდნენ სტუდენტთა რევოლუციურ მოძრაობაში.

§ 94. საქართველოს კულტურა მე-19 ს.  
პირველ ნახევარში

განათლება. თვითმპყრობელობის საგანმანათლებლო პოლიტიკის მიზანი იყო მეფის მთავრობის ერთგულ მსახურთა მომზადება. განათლება გაბატონებული კლასების პრივილეგიას წარმოადგენდა. ამასთანავე აღნიშნულ პოლიტიკას საქართველოში კოლონიური მიზანიც ჰქონდა: სკოლებს ადგილობრივი მმართველობისათვის საჭირო მოხელეთა მომზადებასთან ერთად უნდა ჰქონოდა ხალხის გარუსებისათვისაც.

მეფის მთავრობამ სავსებით უარყო ძველი ქართული ეროვნული სკოლები.

1804 წ. მთავრობამ თბილისში გახსნა რუსული სკოლა, რომელშიც მაღალი წოდების წარმომადგენელთა და რუს მოხელეთა შვილებს იღებდნენ. სწავლების კურსი ოთხწლიანი იყო. სკოლას არ ჰყავდა მომზადებული მასწავლებლები. მასში პოლიციური რეჟიმი იყო გამეფებული, მოწაფეებს მათრასითა და სახაზავით სცემდნენ. საგნებს გაზეპირების „მეთოდით“ ასწავლიდნენ.



სკოლაში ქართული ენისა და ლიტერატურის შესწავლა დაშვებული იყო, რადგან მთავრობას საჭიროდ მიაჩნდა, რომ აქაურ მოხელეებს, რუსულს გარდა, ქართული ენაც ცოდნობდათ.

მთავრობის სკოლის ასეთი მიზანდასახულობის მიუხედავად, 1804 წ. დაარსებულ სასწავლებელს მაინც დადებითი მნიშვნელობა ჰქონდა. ეს იყო პირველი ოფიციალური საერთო სკოლა ჩვენში.

აღნიშნული სასწავლებელი 1830 წ. გიმნაზიად გადაკეთდა. თბილისში იმავე წელს გაიხსნა ქალთა პირველი სკოლა-პანსიონი, რომელსაც თავადაზნაურთა ასულთათვის რუსეთის მთავრობისადმი ერთგულება უნდა ჩაენერგა. გარდა ამისა, გაიხსნა სამაზრო სასწავლებლებიც — თბილისში, გორში, თელავში, სიღნაღში, ქუთაისსა და სოფ. სუჯუნაში (სამეგრელოში).

40—50-იანი წლებიდან ოფიციალური სკოლების ქსელი შესამჩნევად გაიზარდა. 1840 წ. ქალთა სკოლა გადაკეთდა ამიერკავკასიის ქალთა ინსტიტუტად. 1850 წ. თბილისში მეორე გიმნაზიაც გაიხსნა და ამასთანავე ჩამოყალიბდა გიმნაზია ქუთაისში. გაფართოვდა გიმნაზიებთან არსებული პანსიონები.

სასკოლო ქსელის შედარებით გაფართოებასთან ერთად სულ უფრო მკაფიოდ იჩენდა თავს ცარიზმის გამარჯვებელი პოლიტიკა, რაც საწინააღმდეგო რეაქციას იწვევდა ქართველ მოსწავლეებში. ცარიზმის სურვილებისაგან დამოუკიდებლად, გიმნაზიებში იზრდებოდნენ ეროვნულ-განმათავისუფლებული ბრძოლის მომავალი მთვარეები. საკმარისია ითქვას, რომ მე-19 ს. 30—50-იან წლებში დაასრულეს თბილისის გიმნაზია ნ. ბარათაშვილმა, ი. ჭავჭავაძემ, ა. წერეთელმა, ნ. ნიკოლაძემ, გ. წერეთელმა, რ. ერისთავმა და სხვებმა.

ქრისტიანული ეკლესიის მოხელეთა მოსამზადებლად ცარიზმი ჩვენში სასულიერო სასწავლებლებს და სემინარიებსაც ხსნიდა. ეს სასწავლებლებიც რუსული იყო.

არსებული სკოლები მაღალი ფენების მოთხოვნებსაც კი ვერ აკმაყოფილებდნენ. ამის მიზეზი, უპირველეს ყოვლისა, ის იყო, რომ სწავლება უცხო ენაზე წარმოებდა და სკოლებ-

ში ჩაბმული მოსწავლეების 1-2% თუ ამთავრებდა სრულ კურსს. გარდა ამისა, სკოლათა რაოდენობა ძალზე მცირე იყო. 1856 წლისთვის საქართველოს სასწავლებლებში ირიცხებოდა 3000-მდე მოსწავლე, რაც მთელი მოსახლეობის 0,3% უდრიდა. მშრომელთათვის ეს სკოლები საერთოდ მიუწვდომელი იყო.

მიუხედავად ტარიზმის კლასობრივ-კოლონიური საგანმანათლებლო პოლიტიკისა, მშრომელთა მცირე ნაწილი დიდი გაჭირვებით, მაგრამ მაინც ახერხებდა დაწყებითი განათლების მიღებას. გაერცვლებული იყო ახალგაზრდების მოსაზრადებლად მიბარება სოფლის მასწავლებლებთან. იყო კერძო სასწავლებლებიც. ვლესთა თჯახებში, სასწავლო მონყობილობის უქონლობის გამო, ხშირად იყენებდნენ ხარის ბეჭის ძვალსა და ნახშირს, რომლებიც დაფისა და ცარცის მაგივრობას უწოდდნენ.

მოწინავე ქართველები 30-40-იან წლებიდან უკვე აყენებდნენ თბილისში უნივერსიტეტის განხრის საკითხს, მაგრამ მეფის მთავრობამ მხარი არ დაუჭირა მათ მოთხოვნას. ტარიზმს ემინოდა, რომ უნივერსიტეტი კიდევ უფრო გაუღვივებდა ქართველებს განმანათლებელ იდეებს და აქ იმპერიის ბატონობის საფუძვლებს შეარყევდა.

სახალხო განათლების საქმეში დიდი მნიშვნელობა ჰქონდა ბიბლიოთეკებს. ბიბლიოთეკათა ზრდას, თავის მხრივ, ხელს უწყობდა წიგნის ბეჭდვის საქმის განვითარება. მეფის მთავრობა, თავისი პოლიტიკის შესაბამისად, არ ზრუნავდა ქართული წიგნების ბეჭდვაზე. თუ 1782 წლიდან ვიდრე 1795 წლამდე, 13 წლის განმავლობაში, მარტო თბილისში 20-ზე მეტი ქართული წიგნი დაიბეჭდა, 1801-1815 წლებში არც ერთი არ დაბეჭდილა.

მე-19 ს. 40-იანი წლებიდან, როცა თბილისსა და სხვა ქალაქთა ქართველ მოღვაწეებს გასაკანი მიეცათ, ქართული წიგნის ბეჭდვას წინანდელთან შედარებით ფართო ასპარეზი გაეშალა. თანდათან გითარდებოდა საგანმანათლებლო მცენიერული ლიტერატურა.

მეფის მთავრობა არც საჯარო ბიბლიოთეკის განხრამე ზრუნავდა. წიგნთსაცავები იყო მხოლოდ სკოლებსა და რუ-

სული მმართველობის ზოგ დაწესებულებაში. ეს სამკითხველოები სრულიად ვერ აკმაყოფილებდნენ მოთხოვნილებას.

წიგნი მაშინ ძალზე ძვირად ფასობდა: საშუალო ზომის წიგნის ღირებულება აღწევდა 1,5 მანეთამდე, ოქროს კურსით, ისე რომ მისი შეძენა მდიდრებს თუ შეეძლოთ. ქართველმა მოღვაწეებმა ნ. ბარათაშვილმა, დ. ყიფიანმა, ვ. ორბელიანმა, ზ. ფალავანდიშვილმა და სხვ. გაითვალისწინეს ბიბლიოთეკათა მნიშვნელობა მასების გათვითცნობიერების საქმეში და საკუთარი თაოსნობითა და ხარჯით მოაწყვეს კერძო საჯარო სამკითხველო. 1846—1850 წლებში, აღნიშნული სამკითხველოსა და სხვა წიგნსაცავების საფუძველზე, თბილისში გაიხსნა სახელმწიფო საჯარო ბიბლიოთეკაც.

**მეცნიერება.** მე-18 ს. მეორე ნახევარში საქართველოში გაჩაღებული მეცნიერული მუშაობა მე-19 ს. პირველ მეოთხედში ველარ განვითარდა. მეცნიერების ბევრი მოღვაწე რუსეთში გადასახლეს და თბილისის სამეცნიერო ცენტრი თითქმის მოიშალა. სამაგიეროდ ქართველები სამშობლოს გარეთ, მოსკოვსა და პეტერბურგში განაგრძობდნენ მეცნიერულ საქმიანობას.

მე-19 ს. 20-იანი წლებიდან, საკმაოდ დიდი ხნით შეფერხების შემდეგ, თბილისში, ს. დოდაშვილის მეთაურობით, კვლავ ჩაიდგა სული მეცნიერულმა მოღვაწეობამ. მაგრამ, 1832 წ. შეთქმულებასთან დაკავშირებით, ჩვენი ქვეყნის კულტურის წარმომადგენლები კვლავ მოწყდნენ სამშობლოს. ასე გრძელდებოდა ვიდრე 40-იან წლებამდე, როდესაც დაფანტულმა და ისედაც სუსტმა ძალებმა მაინც მოიყარეს თავი და თბილისში მეცნიერულ-შემოქმედებითი მუშაობისათვის უკეთესი პირობები შეიქმნა.

პეტერბურგში მოღვაწე ქართველ მეცნიერთა შორის XIX ს. პირველ მესამედში გამოირჩეოდა იოანე ბაგრატიონი (1772—1830), რომელმაც 15 წლის დაულალავი შრომის შედეგად შექმნა დიდი ენციკლოპედიური ნაშრომი „კალმასობა“. ამ ნაშრომში ავტორმა დაგვიხატა მაშინდელი საქართველოს სინამდვილე და ჩამოაყალიბა თავისი ცოდნა იმ დროის მეცნიერების ყველა დარგში. ავტორი მიზნად ისახავდა საქართველოს ეროვნულ-კულტურული ტრადიციების დაცვას (არიზმის ბატონობის პირობებში).

პეტერბურგშივე ითანეს ძმამ დავითმა (1776—1819), თავისი დროისათვის დიდად განათლებულმა პიროვნებამ, 1818 წ. შეადგინა „შემოკლებული ფიზიკის“ სახელმძღვანელო. დავითმა, დედაენის გარდა, კარგად იცოდა რუსული და ევროპული ენებიც. ამ გარემოებამ მას საშუალება მისცა გაეთვალისწინებინა მაშინდელი მეცნიერების მონაპოვარი ფიზიკის დარგში. მის წიგნში იგრძნობა დიდი რუსი მეცნიერის მ. ლომონოსოვისა და ფრანგი მატერიალისტების გავლენა.

მე-19 ს. 40-იან წლებში რუსეთსა და ევროპაში საკმაოდ ცნობილი იყო წარმოსობით ქართველი მეცნიერის პეტრე რომანის ძე ბაგრატიონის (1818—1876) სახელი. იგი სახელოვანი გმირი სარდლის, პეტრე ბაგრატიონის ძმისწული იყო. მან შეიმუშავა ოქროს მოპოვება-დამუშავების ახალი ხერხი, რომელიც მიიღო და გამოიყენა მაშინდელმა მეცნიერულ-ტექნიკურმა სამყარომ. 1840—1844 წლებში ბაგრატიონი მუშაობდა პეტერბურგის მეცნიერებათა აკადემიის ფიზიკის კაბინეტში, გამოჩენილ რუს აკადემიკოს იაკობისთან. იქ მან გააოგონა ახალი გაღვანური ელემენტი, როგორც როგორც იაკობი ამბობდა, „მნიშვნელოვანი წვლილი შეიტანა ფიზიკის განვითარების ისტორიაში“. მანვე აღმოაჩინა მინერალ ორტიტის ახალი სახეობა, რომელსაც 1845 წლიდან „ბაგრატიონი“ ეწოდება.

ქართველი მეცნიერები დაინტერესებული იყვნენ ფილოსოფიის საკითხებითაც. ამან გამოხატულება პპოვა ს. დოდაშვილის „ლოგიკაში“ — იმ დროისათვის სერიოზულ ნაშრომში, რომელიც ფილოსოფიის კურსის შესავალს წარმოადგენდა.

განსაკუთრებით დიდ ინტერესს იჩენდნენ ქართველი მეცნიერები სამშობლოს ისტორიის, ენისა და ლიტერატურის საკითხებისადმი. მე-19 ს. პირველ ნახევრის ისტორიკოსთა შორის გარკვეული ადგილი უკავია ზემოხსენებულ დავით ბაგრატიონს. ძველ ისტორიკოსთაგან განსხვავებით, ბაგრატიონი ისტორიას არ უყურებდა, როგორც ზებუნებრივი ძალებისა თუ ცალკეულ პიროვნებათა ნება-სურვილის ნაყოფს. მას ყოველთვის აინტერესებდა ამა თუ იმ მოვლენის გამომწვევი რეალური მიზეზები. მან რამდენიმე მნიშვნელოვანი

ნაშრომი მიუძღვნა სამშობლოს ისტორიის შესწავლას. მისი თეზისი „საქართველოს ისტორია“, „ახალი ისტორია“ და სხვ.

დასავლეთ საქართველოდან გამოსული პირველი ისტორიკოსი იყო ნიკოლოზ დადიანი (1765—1834), რომელმაც დაწერა საქართველოს ისტორია ანუ „ქართველთა ცხოვრება“ აღსანიშნავია, რომ მან სცადა ქართველი ხალხის ისტორიის პროცესის ერთობლივად, მთლიანად გააზრება.

30—40-იანი წლების რუსეთისა და ევროპის ისტორიკოს-მეცნიერთა შორის საკმაოდ ცნობილი გახდა თეიმურაზ ბაგრატიონი (1782—1846). განსაკუთრებით საინტერესოა მისი ნაშრომი „ივერიის ისტორია“, რომელშიც ავტორმა იმ დროისათვის დიდი მეცნიერული მომზადება და ნიჭი გამოამჟღავნა. იგი პეტერბურგის მეცნიერებათა აკადემიის საპატიო წევრად აირჩიეს. მისი ხელმძღვანელობით დაიწყო საქართველოს ისტორიისა და ლიტერატურის შესწავლა ფრანგმა მეცნიერმა, შემდგომ რუსეთის მეცნიერებათა აკადემიის წევრმა, მ. ბროსემ.

ქართველი ისტორიკოსები პ. იოსელიანი, ს. ბარათაშვილი, მ. ბარათაშვილი და სხვები გულმოდგინედ აცნობდნენ საქართველოს გმირულ ისტორიას რუსსა და ევროპელ მკითხველებს.

ქართველთმცოდნეობით დაინტერესებული ქართველი ახალგაზრდების ზრდას ხელი შეუწყო თეიმურაზ ბაგრატიონის მოწაფემ აკად. მ. ბროსემ, რომელმაც ფრანგულად დაწერილი ნაშრომებით საქართველოს მდიდარი წარსული ევროპის მეცნიერებას გააცნო. მან, ქართველ მეცნიერ ზ. ფალავანდიშვილთან ერთად 1841 წ. გამოსცა შოთა რუსთაველის „ვეფხისტყაოსანი“. ეს იყო ამ უკვდავი ნაწარმოების მეორე გამოცემა, რომელსაც პირველი, ვახტანგ მეფის გამოცემისაგან 129 წელიწადი აშორებდა.

1845 წ. პეტერბურგის უნივერსიტეტის აღმოსავლურ ენათა ფაკულტეტზე დაარსდა ქართული ენისა და ლიტერატურის კათედრა, რომელზედაც ნაყოფიერი მუშაობა განაღდა. ამ კათედრაზე მუშაობდა გამორჩენილი ქართველი მეცნიერი, პროფესორი დ. ჩუბინაშვილი (1814—1891). ჩუბინაშვილმა დიდი შრომა გასწია და შეადგინა ქართულ-რუსულ-ფრანგუ-

ლი, ქართულ-რუსული და რუსულ-ქართული ლექსიკონები. მანვე 1846 წ. დაბეჭდა ქართული ლიტერატურის ქრესტომათია, ხოლო 1855 წ. — ქართული უნის გრამატიკა, რუსულად — მისივე რედაქციით 1860 წ. გამოიცა „ვეფხისტყაოსანი“.

**ლიტერატურა.** მე-19 ს. პირველი ნახევრის ქართულ ლიტერატურას უწინდებურად ახასიათებდა ცნობების ღრმა სიყვარული, სამშობლოსა და ხალხის ინტერესებისათვის თავდადება, ჰუმანიზმი, ხალხთა შორის მეგობრობის იდეა და მტერთან შეურიგებელი ბრძოლა. ამ ხანაში ჩვენი ლიტერატურის უმთავრეს პრობლემას ეროვნული ჩაგვრის წინააღმდეგ ბრძოლა წარმოადგენდა.

საქართველოში მეფის რუსეთის გაბატონების შედეგად ჩვენი ქვეყნის პოლიტიკურ-ეკონომიკურ ცნობრებაში მომხდარმა ცვლილებამ დიდი გავლენა მოახდინა ქართული ლიტერატურის განვითარებაზე.

მე-19 ს. პირველი ნახევრის ქართულ ლიტერატურაში რომანტიზმი გაბატონდა. ქართული რომანტიზმი წარმოადგენდა შექმნილი მდგომარეობით გამოწვეული უკმაყოფილების გამომსატველ მიმდინარეობას, რომელსაც იმავე დროს უკეთესი მომავლისათვის ბრძოლის პროგრესული იდეები ამოძრავებდა. რომანტიკოსთა შემოქმედებაში თავი იჩინა რეალისტურმა ტენდენციებმა და ყურადღებამ სოციალური პრობლემებისადმი.

ქართული რომანტიზმის მამამთავრად ითვლებოდა პოეტი ალექსანდრე ჭავჭავაძე (1786—1846). იგი ძველი ქართული პოეზიის გავლენას განიცდიდა, მაგრამ არც რუსეთისა და ევროპის რომანტიზმის გავლენისაგან იყო თავისუფალი. ა. ჭავჭავაძე ფართო განათლების მქონე და თავისი დროის პროგრესული იდეების მიმდევარი ადამიანი იყო.

ალ. ჭავჭავაძე ილაშქრებდა კოლონიური ჩაგვრის წინააღმდეგ. გარდა ამისა, მან, პირველმა ქართულ ლიტერატურაში, აიმაღლა ხმა მშრომელთა ინტერესების დასაცავად. ლექსში „ვამ სოფელსა ამას“ გამოხატულია იმედი, რომ წოდებთა შორის უთანასწორობა და მშრომელთა ჩაგვრა მოისპობოდა.

ალ. ჭავჭავაძე თავის ნაწარმოებებში ღიად უკმაყოფილებას

გამოთქვამდა საქართველოს მიერ სახელმწიფოებრიობის დაკარგვის გამო, მაგრამ მას ისიც კარგად ესმოდა, რომ რუსეთის გაბატონების შედეგად ჩვენს ქვეყანაში მშვიდობა დამყარდა და შემდგომი განვითარებისთვის პირობები შეიქმნა.

ალ. ჭავჭავაძე პატრიოტული ლირიკის ერთი წამომწყებთაგანი იყო. სამშობლოსადმი სიყვარულით აღსავსე ლექსებში პოეტი ამჟღავნებდა გულწრფელ მამულიშვილობას, მაღალ პატრიოტულ მისწრაფებას.

რომანტიზმის მეორე წარმომადგენელის გრ. ორბელიანის (1804—1883) შემოქმედებაში მთავარი ადგილი ეროვნულ საკითხს უჭირავს. მე-19 ს. 30-იან წლებამდე იგი ამჟღავნებდა საქართველოს პოლიტიკური თავისუფლებისათვის მებრძოლ სულიკვეთებას. 30-იანი წლებიდან კი, მას შემდეგ, რაც პოეტმა საქართველოს სახელმწიფოებრივი ცხოვრების აღდგენისათვის ბრძოლა წაგებულად ჩათვალა, მისი შემოქმედებისათვის დამახასიათებელი შეიქმნა მწუხარება-სევდის მოტივები. 60-იან წლებში იგი თავისი კონსერვატორული იდეოლოგიით დაუპირისპირდა ახალ, პროგრესულ-დემოკრატიული მიმართულების თაობას.

გრ. ორბელიანი ქართული ლექსის თვალსაჩინო ოსტატი იყო. მან დაწერა ძველი საქართველოსადმი სიყვარულით გამჭვალული მრავალი ლექსი. პოეტმა დაგვიტოვა აგრეთვე რეალისტური პოეზიის ნიმუშებიც. ასეთია ლექსები: „არავისთვის დღეს მე არა მცალიან“, „დიმიტრი ონიკოვის დარდები“, „მუხამბაზი“ და სხვ. იგი ოსტატურად უმღეროდა თავისი სამშობლოს თვალწარმტაც ბუნებას. ცალკე აღსანიშნავია მისი ლექსი „მუშა ბოქულაძე“, სოციალურ პრობლემისადმი მიძღვნილი.

რომანტიკოსმა პოეტმა ნიკოლოზ ბარათაშვილმა (1817—1845) ქართული პოეზია უმაღლეს მწვერვალზე აიყვანა. ახალგაზრდა მგოსანმა ღრმად მოფიქრებული პასუხი გასცა საქართველოს მაშინდელი ცხოვრების მიერ მწვავედ წამოყენებულ ურთულეს საკითხებს. თავისი შემოქმედებით იგი ენათესავებოდა რუსეთის პროგრესულ რომანტიზმს. მის პოეზიაში, ერთი მხრივ, მკაფიოდ მოჩანს ძიებისა და ბრძოლის მოტივები, ხოლო მეორე მხრივ — მწუხარება, პესიმიზმურ-სევდიანი

კოლო, რომელიც იმ დროის შავხნელი სამყაროს ანარქ-  
ლია.

კოლონიური რეჟიმითა და ფეოდალური გარემოთი უკმა-  
ყოფილო პოეტი უჩივის „სულიერ თბლობას“, ემიჯნება მო-  
წამლულ ატმოსფეროს, „ბოროტ სულს“ და ბუნებაში პოვებს  
შვებას. იმავე დროს პოეტი პროტესტს უცხადებს არსებულ  
უსამართლობას და ქართველ ხალხს უკეთესი მომავლისათვის  
ბრძოლისაკენ მოუწოდებს.

ნ. ბარათაშვილმა პოემაში „ბედი ქართლისა“ და ლექსში  
„საფლავი მეფის ირაკლისა“ ღრმად და სწორად შეაფასა სა-  
ქართველოს რუსეთთან შეერთების ისტორიული მნიშვნე-  
ლობა და მისგან გამომდინარე შედეგები. მისი მართებული  
აზრით, საქართველომ რუსეთის მფლობელობაში მოქცევის  
შემდეგ დაიბრუნა დაკარგული მიწა-წყალი და მშვიდობა მო-  
იპოვა. იმავე დროს იგი გამოთქვამდა იმედს, რომ პოლიტი-  
კურად დამონებული საქართველო მომავალში განთავისუფ-  
ლდებოდა და აყვავდებოდა.

მე-19 ს. ორმოცდაათიანი წლების ქართულ ლიტერატუ-  
რაში საფუძველი ჩაეყარა რეალიზმის განვითარებას, რაც  
გიორგი ერისთავის (1811–1864) შემოქმედებით დაიწყო. მის  
კომედიებში („გაყრა“, „დავა“, „ტუნწი“ და სხვ.) აისახა ქარ-  
თველი თავადაზნაურობის თანდათანობითი დეგრადაციის  
პროცესი და სავაჭრო კაპიტალის როლის ზრდა. ამასთანავე  
მან ნილაბი ახადა თვითმპყრობელობის მმართველი ბიურო-  
კრატიის ბოროტმოქმედებას და ამით პროტესტი გამოთქვა  
კოლონიური ჩაგვრის წინააღმდეგ.

გ. ერისთავის ლიტერატურულ ტრადიციებს მისდევდა  
დრამატურგი ზ. ანტონოვიც (1820–1854).

სოციალური უსამართლობის მოსპობისათვის ბრძოლას  
მიუძღვნა თავისი შემოქმედება ახალი ქართული რეალისტუ-  
რი პროზის ფუძემდებელმა დანიელ ჭონქაძემ (1830–1860).  
როგორც ზემოთ ითქვა, მწერალმა თავის „სურამის ციხეში“  
სააშკაროზე გამოიტანა ბატონყმობის მთელი სიმახინჯე, მწვა-  
ვედ დაგმო ბატონყმობა, ადამიანის მიერ ადამიანის ჩაგვრა  
და ფეხქვეშ გათელვა.

რეალისტური პროზის მეორე თვალსაჩინო წარმომადგე-



ნელია ლავრენტი არდაზიანი (1815—1870). არდაზიანმა თავის ნაწარმოებში „სოლომონ ისაკიან მევლანუაშვილი“ გვიჩვენა საქართველოში სასაქონლო-ფულადი ურთიერთობის ზრდის პროცესი. მან ცხადყო, რომ იმ „ხანაში“ (ე. ი. ბატონყუმობის გაუქმების წინ) ჩვენში სწრაფად ვითარდებოდნენ ვაჭრულ-ბურჟუაზიული ელემენტები, რომლებიც აჩქარებდნენ ახალი საზოგადოებრივი წყობილების წარმოქმნას და ჩამოყალიბებას.

გ. ერისთავის, დ. ჭონქაძისა და ლ. არდაზიანის შემოქმედებამ საფუძველი მოუზადა ჩვენში კრიტიკული რეალიზმის მძლავრ განვითარებას.

ხელოვნება. ფეოდალური საქართველოს სოციალურ-პოლიტიკურ ცნობრებაში მომხდარმა ცვლილებამ თავისებური გავლენა მოახდინა ხელოვნებაზედაც. XIX ს. პირველ ნახევარში თანდათან იდეენებოდა ქართულ ხელოვნებაში ძველად შემოჭრილი აღმოსავლურ-მაჰმადიანური ელემენტები, რომლებიც აქა-იქ იჩენდნენ ხოლმე თავს — ხუროთმოძღვრებაში თუ წიგნებისა და ხელნაწერების მორთულობაში და სხვ. არქიტექტურასა და სახვით ხელოვნებაში უკვე შესამჩნევი გახდა რუსული ხელოვნების გავლენა. სურათებს უკვე კერძო პირთა დაკვეთით ხატავდნენ. განსაკუთრებული გავრცელება პპოვა პორტრეტულმა მხატვრობამ, რომელშიაც აშკარად მოჩანდა ხელოვნების რეალისტური საწყისების ჩასახვა და განვითარება.

საგრძნობი ცვლილება განიცადა არქიტექტურამ. საქალაქო მშენებლობაში, შუა საუკუნეებისათვის დამახასიათებელი სტიქიურობის ნაცვლად, გეგმიანობა ინერგებოდა. დაქვეითებას განიცდიდა ქართული ხელოვნური არქიტექტურა, რომლის შესაბამისი მშენებლობა ფრიად შრომატევადი იყო, და გზას იკაფავდა უფრო მარტივი სტილის სამშენებლო ხელოვნება. თბილისში განჩნდა რუსული კლასიციზმის სტილის-სათვის დამახასიათებელი შენობები.

ქართული ხელოვნების მდიდარ ტრადიციებს ისევ მშრომელი მოსახლეობა ინარჩუნებდა, რომელიც განაგრძობდა თავისი სახლების შემკობას სხვადასხვაგვარი ქართული ჩუქურთმებით. ხალხის ფართო ფენებიდან ნიჭიერ ხელოვანთა გა-

მოვლინება-გაფურჩქვნას ახშობდა ბატონყმობა და ტარიზმის კალონიური რეჟიმი.

60-იანი წლებიდან მოწინავე ქართველებმა, ეროვნულ-განმათავისუფლებელი მოძრაობის განვითარებასთან დაკავშირებით, დაიწყეს ზრუნვა ქართული ეროვნული სახურთმოსძვრო ხელუწების უმდიდრეს ტრადიციათა აღდგენა-გამოცოცხლებაზე.

ქართველი მოღვაწეები გამუდმებით ცდილობდნენ მე-18 ს. 90-იან წლებში მოშლილი მუდმივი ქართული თეატრის აღდგენას. მე-19 ს. 20-40-იანი წლების მიჯნაზე სცენის-მოყვარე ახალგაზრდებმა, გ. ერისთავისა და ვ. ორბელიანის თაოსნობით, თარგმნეს და წარმოადგინეს კიდევაც ვრიბოუდოვის ცნობილი პიესა „ვაი ჭკუისაგან“. მუდმივი თეატრის აღდგენისათვის ნიადაგი უკვე მზად იყო, მაგრამ ამ საქმეს მთავრობა მხარს არ უჭერდა. იგი დიდი ხნით შეაფერხა 1832 წ. შეთქმულების გამომჟღავნებამაც.

40-იანი წლებისათვის თეატრით გატაცება იმდენად დიდი იყო, რომ, მაგალითად, სოფელ მეჯვრისხევშიც კი დაუდგამთ უცნობი პირის მიერ ინგლისურიდან ქართულად ნათარგმნი შექსპირის „ოტელო“. 1845 წ. იმერეთში, სოფ. გორისაში, დაუდგამთ ოქროპირ წერეთლის კომედია „ქორწილი იმერეთის თავადისა“. ასეთი შემთხვევები ძალზე ხშირი იყო იმ პერიოდში.

1845 წ. თბილისში მუდმივი რუსული თეატრის დაფუძნებამ მუდმივი ქართული თეატრის აღდგენისათვის ბრძოლას ძალ-ღონე შემატა. ამ საქმეს კვლავ გ. ერისთავი ჩაუდგა სათავეში.

1850 წ. 2 იანვარს თბილისის ქართული გიმნაზიის სცენაზე ქართველმა სცენისმოყვარეებმა დადგეს გ. ერისთავის კომედია „გაყრა“. იმ ერთი წლის განმავლობაში ქართველ მსახიობთა მუდმივი დასიც ჩამოყალიბდა და 1851 წ. პირველ იანვარს ქართული პროფესიული თეატრიც გაიხსნა. ეს იყო უაღრესად დიდმნიშვნელოვანი მოვლენა.

მეფისნაცვალი ვორონცოვი მხარს უჭერდა ქართველი ინტელიგენციის ამგვარ საქმიანობას. იგი ფიქრობდა, რომ ქართულ თეატრს მეფის მთავრობის მიზნებს დაუმორჩილებდა,

მაგრამ მისი იმედი არ გამართლდა. ქართულმა თეატრმა ამ-  
სილა ფეოდალური წყობილების სიდამპლე და პროტესტი გა-  
მოუცხადა კოლონიურ რეჟიმს. აშკარა გახდა, რომ ქართული  
თეატრი დიდ როლს შეასრულებდა სოციალური და კოლონი-  
ური ჩაგვრის ქვეშ მყოფი ხალხის გათვითცნობიერებისა და  
გამოფხიზლების საქმეში. ამიტომ იყო, რომ ქართულ თეატრს  
მთავრობამ საარსებო სახსარი მოუსპო და 1856 წ. იგი დაიხუ-  
რა კიდევაც.

თ ა ვ ი IX

საქართველო საგლეხო რეფორმის  
შემდგომ ხანაში

(მე-19 ს. 60-იანიდან 90-იან წლებამდე)

§ 95. 60-იანი წლების რეფორმები

XIX საუკუნის 50-იან წლებში აშკარა გახდა, რომ ბატონყმობის მოუსპობლად შეუძლებელი იყო რუსეთის ეკონომიკური და საზოგადოებრივი ცხოვრების წინსვლა. ყირიმის მარცხიანი ომი და გლეხთა მოძრაობის უმაგალითო ზრდამ თვით რუსეთის მთავრობა და გაბატონებული კლასებიც კი დაარწმუნა, რომ ბატონყმობის გაუქმების გადადება აღარ შეიძლებოდა.

1855 წ. გარდაიცვალა რუსეთის მეფე ნიკოლოზ I და მის მაგიერ ტახტზე ავიდა მისი შვილი ალექსანდრე II. ახალი მეფე ბატონყმობის მომხრე იყო, მაგრამ შექმნილი ვითარების გამო იძულებული გახდა რეფორმების გზას დასდგომოდა.

გლეხთა განთავისუფლების პირობების ირგვლივ რუსეთის თავადაზნაურთა შორის ცხარე კამათი გაიმართა. შემუშავდა სხვადასხვა პროექტები, რომლებიც ასახავდნენ თავადაზნაურთა რეაქციული და ლიბერალური ჯგუფების შეხედულებებს.

1861 წლის 19 თებერვალს ალექსანდრე II ხელი მოაწერა მანიფესტს ბატონყმობის გაუქმების შესახებ და გლეხთა მოწყობის დებულებას, რომელიც ცნობილია „19 თებერვლის დებულების“ სახელწოდებით. გაბატონებულმა კლასებმა მიადწიეს თავის მიზანს: „დებულება“ ითვალისწინებდა გლეხთა

განთავისუფლებას ისეთი პირობებით, რომლებიც უზრუნველყოფდნენ თავადაზნაურობის ეკონომიკური და პოლიტიკური ბატონობის შენარჩუნებას. გლენობის ინტერესები კი დავიწყებული იქნა. მართალია, ყმა გლენებმა პირადი თავისუფლება მიიღეს, მაგრამ მათი ეკონომიკური მდგომარეობა არა თუ არ გაუმჯობესებულა, არამედ კიდევ უფრო გაუარესდა.

საქართველოს ეკონომიკური და საზოგადოებრივი ცხოვრების განვითარება კვალდაკვალ მისდევდა რუსეთის ცხოვრების განვითარებას. ამიტომ ბატონყმობის გაუქმება საქართველოშიც უკვე გადაუდებელი ამოცანა გახდა.

1856—1862 წწ. კავკასიაში მეფისნაცვლად იყო ფელდმარშალი ალექსანდრე ივანეს ძე ბარიატინსკი, ხოლო 1862—1882 წწ. — დიდი მთავარი მიხეილ ნიკოლოზის ძე რომანოვი. ბარიატინსკის განკარგულებით რეფორმისათვის სამზადისს საქართველოში ჯერ კიდევ 1857 წელს შეუდგნენ, მაგრამ პეტერბურგიდან საამისო თფიციალური მითითება მხოლოდ 1861 წლის მარტში იქნა მიღებული. ამის შემდეგ შეიქმნა ცენტრალური საგლენო კომიტეტი, რომელსაც ევალეობდა რეფორმისათვის მზადების ხელმძღვანელობა და სათანადო პროექტის შედგენა.

1861 წლის განმავლობაში აღმოსავლეთ საქართველოს (თბილისის გუბერნიის) მაზრებში მიმდინარეობდა თავადაზნაურთა ყრილობები, რომლებზედაც უნდა შემუშავებინათ გლენთა განთავისუფლების პირობები, მაგრამ ამ ყრილობებმა კერავითარი შედეგი ვერ გამოიღო. რეფორმისათვის მზადება მეტისმეტად ჭიანურდებოდა, რადგან თავადაზნაურობა გააფთრებით იბრძოდა გლენების წინააღმდეგ, მათზე ეკონომიკური და პოლიტიკური ბატონობის შესანარჩუნებლად.

რაკი სამაზრო ყრილობები უშედეგო გამოდგა, 1862 წლის აპრილში თბილისში მოწვეული იქნა აღმოსავლეთ საქართველოს თავადაზნაურთა საგუბერნიო ყრილობა, რომელმაც მოახერხა ძირითადი სახელმძღვანელო პრინციპების შემუშავება საგლენო რეფორმის პროექტის შესადგენად. ამ პრინციპების საფუძველზე პროექტის შედგენა ყრილობამ დაავალა ცნობილ საზოგადო მოღვაწეს დიმიტრი ყიფიანს.

დ. ყიფიანის შედგენილი საგლენო რეფორმის პროექტი

მოიწონა თბილისის გუბერნიის თავადაზნაურთა უდიდესმა უმრავლესობამ — 536 მემამულემ. თავადაზნაურთა მცირე ნაწილმა (14 მემამულემ), რომელიც უმრავლესობის პროექტს არ მიემხრო, ცალკე პროექტი შეადგინა. ეს პროექტები ერთმანეთისაგან თითქმის არაფრით განსხვავდებოდა, შინაარსი ორივეს ბატონყმური და რეაქციული ჰქონდა — და ორივე ყმა გლეხების უმიწაწყლოდ განთავისუფლებას ითვალისწინებდა, ქართველ თავადაზნაურობას უნდოდა, რომ გლეხებისათვის სრულიად არ მიეცა მიწა და ხიზნების მდგომარეობაზე გადაეყვანა ისინი.

ლიბერალური თავადაზნაურობის ბანაკიდან მხოლოდ ორმა მოწინავე ინტელიგენტმა, სახელდობრ გენერალმა კონსტანტინე მამაცაშვილმა და მოსამართლე ნიკოლოზ ჭავჭავაძემ გამოიჩინეს ეპოქის სულისკვეთების შედარებით სწორი გაგება და მთავრობას წარუდგინეს ყმების განთავისუფლების საკუთარი პროექტები, რომლებიც მოითხოვდნენ გლეხებისათვის მიწის განსაზღვრული რაოდენობით მიცემას. მათი აზრით, ეს აუცილებელი იყო საქართველოს ეკონომიკური ცხოვრების შემდგომი წინსვლისათვის. მართალია, ეს პროექტები ზემოხსენებული პროექტებისაგან განსხვავდებოდა და მათზე უფრო პროგრესული იყო, მაგრამ გლეხთა მდგომარეობის მნიშვნელოვან გაუმჯობესებას არც ისინი ითვალისწინებდნენ.

დაჩაგრული ქართველი გლეხობის ინტერესთა ერთადერთი დამცველები იყვნენ ახალი თაობის წარმომადგენლები — თერგდალეულები, რომლებიც ჯერ კიდევ პეტერბურგში სწავლისას ჩაებნენ რევოლუციურ მოღვაწეობაში.

1861 წლის 19 თებერვლის რეფორმამ ვერ დააკმაყოფილა რუსეთის გლეხობა და მან მეფის მიერ ბოძებულ „თავისუფლებას“ მღელვარებით უპასუხა. გლეხობის გამოსვლას აქტიურად დაუჭირა მხარი რუსეთის „რაზნოჩინცულმა“ (ესე უწოდებდნენ ხალხის ქვედა ფენებიდან გამოსულ რევოლუციონერებს) ინტელიგენციამ, რომელსაც ნ. ჩერნიშევსკი და ნ. დობროლიუბოვი მეთაურობდნენ. ამ რევოლუციონერების გავლენით 1861 წელს პეტერბურგის სტუდენტებმა მთავრობის საწინააღმდეგო დემონსტრაციები მოაწყვეს. ამ მოძრაობაში აქტიურ მონაწილეობას იღებდა ქართველ სტუ-

დენტა დიდი ჯგუფი, რომლიდანაც ბევრი დაპატიმრებული იქნა და თავიანთ რუს მეგობრებთან ერთად რამდენიმე თვეს იჯდა კრონშტადტის ციხეში. დაპატიმრებულთა შორის იყვნენ გამოჩენილი თერგდალეულები: ნ. ნიკოლაძე, გ. წერეთელი, კ. ლორთქიფანიძე. ნ. ლოლობერიძე და სხვები.

თერგდალეულთა იდეური ბელადი ილია ჭავჭავაძე იმჟამად პეტერბურგში არ იმყოფებოდა და მას სტუდენტთა დემონსტრაციაში უშუალო მონაწილეობა არ მიუღია. მიუხედავად ამისა, მთავრობამ მასზედაც გაავრცელა რეპრესიები: 1861 წლის 12 ოქტომბერს ი. ჭავჭავაძე გამორიცხულ იქნა უნივერსიტეტიდან. საქართველოში ჩამოსვლისთანავე მან გარს შემოიკრიბა მოწინავე ახალგაზრდების ჯგუფი და უაღრესად ფართო ლიტერატურული და პოლიტიკური საქმიანობა გააჩაღა.

ილია ჭავჭავაძისა და მისი თანამოაზრეების — აკაკი წერეთლის, ნიკო ნიკოლაძის, ანტონ ფურცელაძის და სხვათა ანტიბატონყმურ ნაწარმოებებს უდიდესი მნიშვნელობა ჰქონდა იმ დროს ქართველი გლეხობის გამოფხიზლებისა და კლასობრივი გათვითცნობიერებისათვის. ბატონყმური წყობილებისა და იდეოლოგიის წინააღმდეგ ბრძოლაში განსაკუთრებით ფასდაუდებელი მნიშვნელობა ჰქონდა ი. ჭავჭავაძის უკვდავ ნაწარმოებებს: „აჩრდილი“, „კაკო ყაჩაღი“, „გლახის ნაამბობი“, „კაცია-ადამიანი?!. პოემაში „აჩრდილი“ ილია ჭავჭავაძე გაბედულად მოითხოვს „კაცთა ცხოვრების შემფერხებელი ბორკილის დამსხვრევას“ და „შრომისა ახსნას“, აქ იგი პირველად აყენებს ახალი თაობის მთავარ ლოზუნგს, „მშობა, ერთობა და თავისუფლება“. პოემაში „კაკო ყაჩაღი“ ილია ჭავჭავაძე სიყვარულით უმღერის XIX საუკუნის პირველი ნახევრის გლეხთა მოძრაობის ბელადს არსენა ოძელაშვილს და ხატავს მუამბოხე გლეხთა ისეთ ტიპებს (კაკო, ზაქრო), რომლებიც იარაღით ხელში უსწორდებიან საძულველ ბატონებს. მეგრძოლი გლეხის ასეთივე ტიპია დანატული მოთხრობა „გლახის ნაამბობში“ გაბრტს სახით.

მაგრამ ილია ჭავჭავაძე მარტო ლიტერატურულ მოღვაწეობას როდი სჯერებოდა, პრაქტიკულადაც იბრძოდა გლეხობის ინტერესთა დასაცავად. ამის გამო თავადაზნაურობამ შეიძულა ილია ჭავჭავაძე და სდევნიდა მას. თავადაზნაურ-

თა ერთი-ერთ კრებაზე ილია ჭავჭავაძე ძლივს გადარჩა სიკვდილს. ამ კრებაზე ილიამ მოითხოვა, გლეხებს მიწა უნდა მიეცესო. ამის გამო ერთმა თავადმა ხანჯალი იშიშვლა, ლანძღვა-გინებით ილიასაკენ გაიწია და ყვიროდა: „გამიშვით, გამიშვით! ეხლავე უნდა მოვკლა“. გამმაგებული თავადი ძლივს შეაკავეს.

ასევე სდევნიდა თავადაზნაურობა თერდალეულთა მეორე გამოჩენილ ბელადს, დიდ ქართველ პოეტს აკაკი წერეთელს. მებატონეთა განსაკუთრებული გულისწყრომა გამოიწვია აკაკის ლექსმა „მუშური“ და „გლეხის აღსარება“, რომლებშიც ბატონყმური წყობილების დაუნდობელი და უაღრესად მახვილი კრიტიკაა მოცემული. როცა „გლეხის აღსარება“ გამოქვეყნდა, თავადაზნაურთა აღშფოთებას საზღვარი არ ჰქონდა. თავადმა მიქელაძემ სასიკვდილოდ მიიწია პოეტზე, რომელიც ხალხმა ძლივს გადაარჩინა.

ასე თავდადებით იბრძოდნენ თერგდალეულები მშრომელი გლეხობის ინტერესთა დასაცავად. მათ ბრძოლას უდიდესი მნიშვნელობა ჰქონდა.

ქართველი თავადაზნაურობის სხვადასხვა ჯგუფების მიერ შედგენილი რეფორმის პროექტები განხილულ იქნა მთავრობის ორგანოებში. მეფის მთავრობა ყოველნაირად ცდილობდა დაეცვა მემამულეთა ინტერესები, მაგრამ იმავე დროს ის იძულებული იყო ანგარიში გაეწია, ერთი მხრივ, გლეხთა ბოდა რევოლუციად გადაზრდილიყო, ხოლო, მეორე მხრივ, მზარდი უკმაყოფილებისათვის, რომელიც ადვილად შეიძლება საზინის ინტერესებისათვის, ე. ი. იმისათვის, რომ გლეხს არსებობის მინიმალური პირობები მაინც ჰქონოდა, რათა საზინისათვის გადასახადების გადახდა შეძლებოდა. ამიტომ მთავრობამ უარყო ქართველი თავადაზნაურობის მოთხოვნა გლეხების სრულიად უმიწოდ განთავისუფლებისა და მათი ხიზნების მდგომარეობაზე გადაყვანის შესახებ. მთავრობამ თუმცა მთელი მიწა მებატონის საკუთრებად აღიარა, მაგრამ მაინც გადაწყვიტა დაეტოვებინა გლეხებისათვის მიწის მცირე ნაკვეთები, იმ პირობით, რომ ამ ნაკვეთებით სარგებლობისათვის გლეხებს გარკვეულ ვადამდე მემამულეებისათვის მიძიმე გადასახადი ეხადათ, ხოლო ამ ვადის გასვლის შემდეგ გამოესყიდათ მათგან ნაკვეთები და თვითონ გამხდარიყ-



ვნენ მისი მესაკუთრენი. ამ ნაკვეთების გამოსყიდვამდე განთავისუფლებულ გლეხებს „დროებით ვალდებული გლეხები“ ეწოდებოდათ.

1864 წლის 13 ოქტომბერს მთავრობამ დაამტკიცა „მთავარი დებულებები“, რომლებშიც ჩამოყალიბებული იყო თბილისის გუბერნიის გლეხთა განთავისუფლების პირობები. იმავე წლის 8 ნოემბერს ქალაქ თბილისსა და აღმოსავლეთ საქართველოს ყველა სამაზრო ცენტრში ერთდროულად იქნა გამოცხადებული ბატონყმობის გაუქმება. „13 ოქტომბრის დებულებები“, ზოგიერთი არაარსებითი ცვლილებით, შემდგომ გავრცელდა დასავლეთ საქართველოზედაც. ქუთაისის გუბერნიაში (იმერეთი, რაჭა და გურია) ბატონყმობის გაუქმება გამოცხადდა 1865 წლის ნოემბერში, ხოლო სამეგრელოში — 1867 წლის თებერვალში. აფხაზეთში ბატონყმობა გაუქმდა 1870 წელს, სვანეთში კი — 1871 წელს.

მთავრობის მითითებით, ბატონყმობის გაუქმება ყველგან ცხადდებოდა დიდი ზეიმით, რომლის ცერემონიალი წინასწარ იყო შემუშავებული. ამით მთავრობას უნდოდა გლეხობაზე შთაბეჭდილების მოხდენა, მისთვის თვალის ახვევა და საქმის ისე მოწვევება, თითქოს რეფორმა ბედნიერებას მოუტანდა გლეხობას. მაგრამ ზეიმობდნენ მხოლოდ მთავრობის მოხელეები და თავადაზნაურობა, რომლებიც რეფორმის „წარმატებით“ ჩატარებისათვის რუსეთის მეფემ ჯილდოებით აავსო. გლეხობას კი საზეიმო არაფერი პქონდა, რადგან იგი მალე მიხვდა, რომ მოტყუებული დარჩა. გლეხობის მასები რეფორმას აშკარა უკმაყოფილებით შეხვდნენ.

ქართველი გლეხობის მაშინდელ სულისკვეთებას კარგად გამოხატავს ხალხური ლექსი, რომელიც ბატონყმობის გაუქმების პირველ ხანებშივეა შექმნილი:

„ბატონყმობა გადავარდა,  
ასე როდი მეგონა.  
თუ ხელმწიფე ტყუილს იტყოდა,  
ასე როდი მეგონა!“

საგლეხო რეფორმა რუსეთშიც მემამულეთა ინტერესების სასარგებლოდ გატარდა და წარმოადგენდა ბატონყმური ხასიათის რეფორმას, მაგრამ საქართველოში რეფორმის ამგვარი ხასიათი კიდევ უფრო მეტად იგრძნობოდა. აი როგორ

მიატყუეს და გაძარცვეს გლეხობა: რეფორმის ვატარებამდე ყმა გლეხები სარგებლობდნენ 84.665 დესეტინა მიწით, რეფორმის შემდეგ კი მათ დაუტოვეს მხოლოდ 55.679 დესეტინა, დანარჩენი 28.986 დესეტინა ჩამოაჭრეს და მემამულეებს გადასცეს (ამას ეწოდებოდა „ჩამონაჭრები“). ამის შედეგად, თუ რეფორმამდე თითო ყმა გლეხი საშუალოდ 5.2 დესეტინა მიწით სარგებლობდა, რეფორმის შემდეგ თითოეულ დროებით ვალდებულ გლეხს საშუალოდ დარჩა მხოლოდ 3,4 დესეტინა (აქ შედიოდა როგორც კარმიდამო და ბალ-ვენახი, ისე სახნავ-სათესი მიწები). კიდევ უფრო მძიმე მდგომარეობაში იყვნენ დასავლეთ საქართველოს გლეხები. ქუთაისის გუბერნიაში თითოეულ დროებით ვალდებულ გლეხს საშუალოდ დარჩა მხოლოდ 2,5 დესეტინა მიწა. სამეგრელოს, აფხაზეთისა და სვანეთის გლეხობის მდგომარეობა კიდევ უფრო უარესი იყო.

კანონით გლეხებს არ მიეცათ არც ტყე, და არც საძოვრები და ასეთი ადგილებით სარგებლობისათვის მათ მემამულისათვის მძიმე გადასახადი უნდა ეძლიათ. სრულიად არ მიუღიათ მიწა იმ გლეხებს, რომლებსაც რეფორმამდე არა ჰქონდათ იგი, აგრეთვე შინაყმებსა და ხიზნებს. დროებით ვალდებულ გლეხებს მიწის იმ მცირე ნაკვეთებით სარგებლობისათვის, რომლებიც მათ კანონით გამოუყვეს (ამ ნაკვეთებს „ნადელებს“ ეძახდნენ), მებატონეთათვის გაცილებით მეტი გადასახადი უნდა ეძლიათ, ვიდრე ბატონყმობის დროს იხდიდნენ. გლეხების მდგომარეობას კიდევ უფრო ამძიმებდა ე. წ. „ურთიერთ თავდებობის“ წესის შემოღება, რაც იმას ნიშნავდა, რომ გლეხები თავიანთი ქონებით იყვნენ ერთიმეორისათვის პასუხისმგებელნი გადასახადის გადახდაზე. რეფორმამდე საქართველოში ასეთი წესი არ ყოფილა.

ამრიგად, გლეხობის ეკონომიკური მდგომარეობა რეფორმის შედეგად არათუ არ გაუმჯობესებულა, არამედ საგრძნობლად გაუარესდა კიდევაც. სამაგიეროდ, მემამულეთა ინტერესები სრულიად არ შელახულა. მათ გადაეცათ გლეხებისაგან ჩამოჭრილი მიწები, რომელთა ფართობი რამდენიმე ათეულ ათას დესეტინას აღწევდა. გარდა ამისა, მეფემ თავის ერთგულ თავადაზნაურობას გლეხებისათვის პირადი თავისუფლების მინიჭების საზღაურად „უწყალობა“ დიდი ფუ-

ლადი დახმარება: თითოეული ყმის განთავისუფლებისათვის ქართველმა თავადებმა და აზნაურებმა ხაზინიდან მიიღეს 25-დან 50 მანეთამდე, რაც საერთოდ რამდენიმე მილიონ მანეთს აღწევდა. გლეხებს, რომლებსაც თავიანთი სისხლითა და ოფლით მორწყული მიწები უნდა გამოესყიდათ, მემამულეები ყოველნაირად ავიწროებდნენ: უზომავდნენ მდარე ან სულ უვარგის მიწებს და აიძულებდნენ დათანხმებულიყვნენ მიწით სარგებლობის უმძიმეს პირობებზე: მემამულეები გლეხთა საკუთარი მიწების პირდაპირ მიტაცებასაც არ ერიდებოდნენ.

ასე მოატყუეს და შეავიწროეს ისედაც დაბეჩავებული გლეხები რეფორმის დროს. ამიტომ ამბობდა ლენინი, რომ „ყბადაღებული განთავისუფლება იყო გლეხების ყოველად უსინდისო გაძარცვა, იგი წარმოადგენდა მათ მიმართ მთელ რიგ ძალმომრეობას და პირდაპირ დაცინვას“.

მაგრამ, მიუხედავად თავისი ბატონყმური ხასიათისა, საგლეხო რეფორმა მაინც ბურჟუაზიული რეფორმა იყო და მას უდიდესი მნიშვნელობა ჰქონდა ჩვენი ქვეყნის საზოგადოებრივ ცხოვრების განვითარების ისტორიაში. რეფორმის შედეგად გლეხს პირადი თავისუფლება მიენიჭა, მემამულეს უკვე აღარ შეეძლო გლეხის არც ყიდვა და გაყიდვა, არც გაცვლა და გაჩუქება, ვერ ჩაერეოდა გლეხის პირად ოჯახურ ცხოვრებაში, ვეღარ აუკრძალავდა მას ქორწინებას, ვეღარ გაუყიდდა ქონებას. გლეხს უფლება მიეცა თავისი სახელით დაედო ხელშეკრულება, ჩაბმულიყო ვაჭრობა-მრეწველობაში, შეეძინა უძრავი თუ მოძრავი ქონება, გამოსულიყო სასამართლოში მომჩივნად თუ მოპასუხედ, მიეტოვებინა სოფელი, გლეხის წოდება და ჩაწერილიყო „მოქალაქედ“ ან ვაჭრად. ერთი სიტყვით, გლეხი იურიდიულად თავისუფალი ადამიანი გახდა.

საგლეხო რეფორმასთან ერთად რუსეთში გატარდა სხვა ბურჟუაზიული რეფორმებიც, მათ შორის: საეროობო, საქალაქო და სასამართლო.

1864 წელს რუსეთში შეიქმნა ე. წ. „ერობები“ ანუ ადგილობრივი (სამაზრო და საგუბერნიო) მმართველობის ორგანოები. ერობის ხმოსნებს ირჩევდნენ მიწისმფლობელები და გლეხები, აგრეთვე ქალაქის შეძლებული მცხოვრებნი.

არჩევნები ხდებოდა საადგილმამულო ცენზის საფუძველზე. ამას ისიც ემატებოდა, რომ მთავრობის ორგანოები გლეხებს აიძულებდნენ ხმოსნებად კულაკები აერჩიათ. ამის გამო ერობები მსხვილი მიწათმფლობელებისა და ბურჟუაზიის ორგანობად იქცნენ. მიუხედავად ამისა, ერობების შექმნას დადებითი მნიშვნელობა ჰქონდა. ერობები ხელს უწყობდნენ კაპიტალიზმის განვითარების დაჩქარებას; მათ გაჰყავდათ გზები და რკინიგზები, აარსებდნენ ბანკებს, აწყობდნენ სკოლებს, საავადმყოფოებს და სხვ.

საქართველოში საერთო რეფორმა არ გატარებულა. ერობების ნაცვლად აქ შემოიღეს ყოველგვარ უფლებას მოკლებული „სოფლის საზოგადოებანი“, რომლებიც აერთიანებდნენ ერთი სოფლის (ზოგჯერ კი რამდენიმე სოფლის) მიწა-წყალზე მცხოვრებ გლეხობას. სოფლის საზოგადოების მთელი მოსახლეობა კომლობრივ შეადგენდა სოფლის ყრილობას, რომელიც ირჩევდა სოფლის მამასახლისს. სოფლის ყრილობა და მის მიერ არჩეული სოფლის მამასახლისი, აგრეთვე სოფლის გლეხთა სასამართლო ერთად შეადგენდა „სასოფლო მმართველობას“, რომელსაც არსებითად არავითარი უფლება არ გააჩნდა. სასოფლო მმართველობის თითქმის მთელი საქმიანობა ამოიწურებოდა გლეხებში გადასახადების აკრებით და სახელმწიფო ბეგარა-სამუშაოთა შესრულების თვალყურის დევნებით.

1866 წელს თბილისში გატარდა ქალაქის მმართველობის ნაწილობრივი რეფორმა, რაც უშუალოდ შედეგი იყო თბილისის ღარიბი მოსახლეობის 1865 წლის აჯანყებისა. ამ აჯანყების შემდეგ მთავრობა იძულებული გახდა ქალაქის მსხვილი ბურჟუაზიის მიმართ ერთგვარ დათმობაზე წასულიყო და წინანდელი „ექვსმოსნიანი საბჭოები“ შეეცვალა ახალი საქალაქო მმართველობით, რომელსაც ირჩევდნენ გაცილებით უფრო ფართო საარჩევნო სისტემის საფუძველზე და მოქალაქეთა ქონებრივი ცენზის, ე. ი. მსხვილი ბურჟუაზიის ინტერესების გათვალისწინებით.

მაგრამ 1866 წლის სანახევრო რეფორმამ ვერ დააკმაყოფილა ქალაქის მსხვილი ბურჟუაზია და იგი კვლავ განაგრძობდა ბრძოლას თავადაზნაურობის წოდებრივი პრივილეგიების მოსპობისა და საკუთარ უფლებათა გაფართოებისათვის. ამით



აიხსნება, რომ რუსეთში გატარებული საქალაქო რეფორმის დებულება, რომელიც მეფემ 1870 წელს დაამტკიცა, 1874 წელს თბილისზედაც გაავრცელეს. ეს რეფორმა ახალი ნაბიჯი იყო თბილისის მმართველობის ბურჟუაზიულად გარდაქმნის გზაზე. ახალი რეფორმით სრულიად ისპობოდა წოდებრივი საარჩევნო სისტემა და არჩევნებში მონაწილეობის უფლება ეძლეოდა ქალაქის ყველა მცხოვრებს, ვინც კი გადასახადს იხდიდა, მიუხედავად მათი წოდებრივი კუთვნილებისა. არჩევნებში გადამწყვეტი მნიშვნელობა ჰქონდა ქონებრივ ცენზს; ერთი მუჭა მდიდარი მემამულეები და მსხვილი ბურჟუაზია ქალაქის ნამდვილი ბატონ-ბატრონები ხდებოდნენ.

საქალაქო მმართველობის რეფორმები საქართველოში მეტისმეტად გააჭიანურეს. ქუთაისსა და ბათუმში რეფორმა მხოლოდ 1888 წელს გატარდა, სოხუმსა და ფოთში — 1892 წელს, სოლო გორში, დუშეთში, ახალციხეში, ახალქალაქში, სიღნაღსა და თელავში — 1894 წელს. ამ ქალაქებში რეფორმა ბევრად უფრო კუდშეკვეცილი და გამარტივებული იყო, ვიდრე თბილისში.

თბილისის ბურჟუაზიას თავის უფლებათა გაფართოებისათვის ბრძოლა საქალაქო რეფორმის შემდეგაც არ შეუწყვეტია. მაგრამ ეს ბრძოლა მიმართული იყო უკვე არა იმდენად მეფის მთავრობის წინააღმდეგ, არამედ არსებითად მხოლოდ გაბურჟუების გზაზე შემდგარი, ქართველი თავადაზნაურობის წინააღმდეგ, რომელიც ცდილობდა თავისი წოდებრივი პრივილეგიები გამოეყენებინა და ქალაქის მართვა-გამგეობა ხელთ ეგდო.

მიუხედავად იმისა, რომ საქართველოში საქალაქო რეფორმა მოკლებული იყო ნამდვილი დემოკრატიულობის ნასახსაც კი, მას მაინც დადებითი მნიშვნელობა ჰქონდა ჩვენი ქვეყნის განვითარებისათვის. საქალაქო მმართველობის ახალი ორგანოები გაცილებით უფრო მაღლა იდგნენ წინანდელ წოდებრივ ორგანოებზე, უფრო შეეფერებოდნენ ახალ ვითარებას და ხელს უწყობდნენ საქართველოში კაპიტალიზმის განვითარებას.

რუსეთში გატარებულ ბურჟუაზიულ რეფორმებს შორის ყველაზე უფრო თანმიმდევრული იყო სასამართლო რეფორმა, რომელიც განხორციელდა 1864 წელს. ამ რეფორმით ძველი,

წოდებრივ-ბატონყმური სასამართლო, რომელიც ჯერ კიდევ კატერინე II-ის დროიდან არსებობდა, შეიცვალა ახალი, ბურჟუაზიული სასამართლოთი. თუ წინანდელი სასამართლო მთლიანად მთავრობის პოლიციურ-ბიუროკრატიული ადმინისტრაციის ხელში იყო და თვით მოსამართლესაც მთავრობა წინაგდა, სასამართლო რეფორმის შემდეგ მდგომარეობა საგრძნობლად შეიცვალა: ახალი დებულებით სასამართლო მთავრობის ორგანოებისაგან დამოუკიდებელი უნდა ყოფილიყო; საქმის გამოძიებას პოლიციის ნაცვლად აწარმოებდნენ სასამართლოს მოხელეები — გამოძიებლები, საქმის გადაწყვეტაში მონაწილეობას იღებდნენ მოსახლეობის მიერ არჩეული ნაფიცი მსაჯულები; ბრალდებულს იცავდნენ ვეკილები, ხოლო ბრალდებას ასაბუთებდა პროკურატურა. შემოღებული იქნა აგრეთვე მოსამართლეთა არჩევა. სასამართლოს სსდომები უკვე იმართებოდა საჯაროდ, ხალხის თანდასწრებით. ნებადართულ იქნა სასამართლო პროცესების ანგარიშთა გამოქვეყნება პრესაში. ერთი სიტყვით, ახალი სასამართლო ფორმალურად უახლოვდებოდა „კანონის წინაშე ყველას თანასწორობის“ ბურჟუაზიულ პრინციპს და თუმცა არსებითად შორს იყო ამ პრინციპისაგან და შეძლებული კლასების ინტერესთა სადარაჯოზე იდგა, მაგრამ მაინც წარმოადგენდა მნიშვნელოვან წინ გადადგმულ ნაბიჯს და შეესაბამებოდა რუსეთის სახელმწიფოში შექმნილ ახალ, კაპიტალისტურ ურთიერთობას.

მეფის მთავრობამ არ მოისურვა საქართველოსა და ამიერკავკასიაში სასამართლო რეფორმის იმგვარად გატარება, როგორც რუსეთში გატარდა. ამის მიზეზად ასახელებდნენ „მოსახლეობის მოუმზადებლობას“ და ადგილობრივ „სპეციფიკურ პირობებს“. ნამდვილი მიზეზი კი მეფის მთავრობის კოლონიური პოლიტიკა იყო; ცარიზმი ცდილობდა კოლონიებში თავისი ადმინისტრაციის შეუზღუდველი თვითნებობა შენარჩუნებინა და ფორმალური უფლებაც კი არ მიეცა კოლონიების ხალხთათვის, რომ კანონიერება ეძიათ. ამით აიხსნება, რომ საქართველოში სასამართლო რეფორმას თითქმის გამოცლილი ჰქონდა ის დადებითი შინაარსი, რომელიც რუსეთში გატარებულ რეფორმას ჰქონდა.

საქართველოში სასამართლო რეფორმა გატარდა 1867 წლის კანონის საფუძველზე, რომლითაც გაუქმდა წინანდელი

წოდებრივი სასამართლოები და შეიქმნა შემდეგი ახალი სასამართლოები: მომრიგებელი განყოფილებანი მომრიგებელი მოსამართლეებითურთ, საქალაქო სასამართლოები და სასამართლო პალატა. მომრიგებელი განყოფილებანი ითვლებოდნენ სასამართლოს ყველაზე დაბალ ინსტანციებად და არსდებოდნენ საქართველოს ყველა მაზრაში; შემდგომი, უფრო მაღალი ინსტანცია იყო საოლქო სასამართლოები, რომლებიც არსდებოდნენ თბილისისა და ქუთაისის გუბერნიებში; სასამართლო პალატა კი ითვლებოდა არა მარტო საქართველოს, არამედ მთელი ამიერკავკასიის უმაღლეს სასამართლო ორგანოდ. პალატის გადაწყვეტილების გასაჩივრება შეიძლება მხოლოდ პეტერბურგს, სენატში.

რუსეთისაგან განსხვავებით, საქართველოში არ გატარებულა სასამართლო რეფორმის რამდენიმე მნიშვნელოვანი პრინციპი, სახელდობრ: არ შემოუღიათ მოსამართლეთა არჩევა და მათ წინანდებურად მთავრობა ნიშნავდა; არ შემოუღიათ არც ნაფიც მსაჯულთა ინსტიტუტი, რასაც დიდი მნიშვნელობა ჰქონდა საქმის სწორად გადაწყვეტისათვის, ერთი სიტყვით, მოსახლეობის მიერ არჩეული სასამართლოს მაგიერ საქართველოში შეიქმნა მთავრობის მოხელეთა სასამართლოები, რომლებიც მთლიანად და სავსებით ცარიზმის ბიუროკრატიული აპარატის ხელში იყო. ამ სასამართლოს ერთ-ერთი ყველაზე დიდი და ხალხის განსაკუთრებით შემაწუხებელი ნაკლი ის იყო, რომ საქმეები ირჩეოდა რუსულ ენაზე, რომელიც ხალხის დიდი უმრავლესობისათვის სრულიად გაუგებარი იყო. ამიტომ სასამართლო რეფორმამ საქართველოში ძალიან მცირე დადებითი ნაყოფი გამოიღო, ხალხს წინანდებურად სძულდა და მისთვის გაუგებარი სასამართლო და იგი გულში იგროვებდა უსამართლობითა და ჩაგვრით გამოწვეულ უსაზღვრო ბოღმას.

ასეთია, მოკლედ, საქართველოს ბურჟუაზიული რეფორმების ისტორია. აქედან ჩანს, რომ რევოლუციური სიტუაციით შეშინებული მეფის მთავრობა იძულებული გახდა ანგარიში გაეწია რუსეთის სახელმწიფოში შექმნილი ახალი ვითარებისთვის და რამდენიმე რეფორმა გაეტარებინა როგორც რუსეთში, ისე საქართველოში. ეს რეფორმები, მიუხედავად მათი შეზღუდულობისა, მაინც მნიშვნელოვან წინგადადგმულ

ნაბიჯს წარმოადგენდა ჩვენი ქვეყნის ეკონომიკურსა და პოლიტიკურ ცხოვრებაში.

ვ. ი. ლენინი ამბობდა: „1861 წ. რუსეთშიც მოხდა გადატრიალება, რასაც შედეგად მოჰყვა საზოგადოების ერთი ფორმის შეცვლა მეორე ფორმით — ბატონყმობის შეცვლა კაპიტალიზმით“.

საქართველოში ეს გადატრიალება მოხდა 1864—1871 წლებში. მას შემდეგ კაპიტალიზმის განვითარება საქართველოში გაცილებით უფრო სწრაფად წავიდა წინ.

## § 96. კაპიტალიზმის განვითარება მრეწველობასა და სოფლის მეურნეობაში და მისი შედეგები

XIX ს. პირველ ნახევარში საქართველოში უკვე შესამჩნევად ვითარდებოდა მანუფაქტურული საწარმოები. ამ საწარმოებში მრავლად მზადდება საქართველოს ადგილობრივი ბაზრისათვის საჭირო საქონელი: ბამბის, აბრეშუმისა და შალის ქსოვილები, ფეხსაცმელი, ქუდები, რკინის სხვადასხვა იარაღი, სამშენებლო მასალა, თიხისა და მინის ჭურჭელი, საღვინე კასრები, ხის ავეჯი, საპონი და მრავალი სხვა. მარტო თბილისის გუბერნიაში 60-იან წლებში უკვე არსებობდა 450-მდე საწარმო, სადაც 5.000-ზე მეტი დაქირავებული მუშა მუშაობდა.

განსაკუთრებით 50-იანსა და 60-იან წლებში მანუფაქტურული საწარმოებიდან თანდათან გამოიყო ცალკეული დიდრონი საწარმოები, სადაც გამოჩნდა პირველი მანქანები, თუმცა იქ ხელით შრომა ჯერ ისევ გაბატონებული იყო.

საფაბრიკო-საქარხნო წარმოებაზე გადასვლის პროცესი საქართველოში ჯერ კიდევ XIX საუკუნის 50—60-იან წლებში ისახება, მაგრამ უფრო სწრაფად და ფართო მასშტაბით ეს პროცესი 70-იან წლებიდან მიმდინარეობს. ამ დროიდან ხელით შრომას, რაც გაბატონებული იყო წარმოებაში, თანდათან ცვლის მანქანა, რომელიც წარმოების წამყვანი ძალა ხდება.

70-იანი წლებიდან საქართველოს მრეწველობის განვითარებაში ახალი ხანა დაიწყო: ამ დროიდან სწრაფად განვითარდა ფაბრიკა-ქარხნებისა და რკინიგზების მშენებლობა, აგრეთვე სამთამადნო მრეწველობა და საფუძველი ჩაეყარა ქვეყნის კაპიტალისტურ ინდუსტრიალიზაციას.





1873 წლის მეორე ნახევარში დაიწყო მატარებლების რეგულარული მოძრაობა ფოთი-თბილისის რკინიგზის ხაზზე. 1877 წელს სადგურ რიონიდან გაყვანილ იქნა რკინიგზის ხაზი ქუთაისამდე და, ამრიგად, დასავლეთ საქართველოს უმნიშვნელოვანესი ცენტრი ქუთაისი რკინიგზით დაუკავშირდა, ერთი მხრივ, საქართველოს დედაქალაქს თბილისს, ხოლო მეორე მხრივ — შავ ზღვას. 1883 წელს დამთავრდა რკინიგზის გაყვანა ბათუმ-სამტრედიასა და თბილის-ბაქოს შორის და, ამრიგად, რკინიგზის ხაზი შავი ზღვიდან კასპიის ზღვამდე გადაიჭიმა. 1886 წელს გაყვანილ იქნა აგრეთვე ქუთაის-ტყიბულის რკინიგზა.

რკინიგზებმა დააახლოვა და ეკონომიკურად შეაკავშირა საქართველოს სხვადასხვა კუთხეები, დააჩქარა აღებ-მიცემის განვითარება და წიაღისეული სიმდიდრის მოპოვება-დამუშავება, გამოაცოცხლა ცხოვრება. რკინიგზების მშენებლობას თან სდევდა სამთამადნო მრეწველობის სწრაფი განვითარება, განსაკუთრებით ფართოდ 70-იან და 80-იან წლებში ქვანახშირისა და მანგანუმის მრეწველობა დაწინაურდა.

ქვანახშირის მრეწველობის უმნიშვნელოვანეს ცენტრად იქცა ტყიბულის საბადო. ჯერ კიდევ 50-იანი წლების დასაწყისში იქნა აღმოჩენილი მანგანუმის საბადო ჭიათურის მიდამოებში, მაგრამ მისი სამრეწველო დამუშავება მხოლოდ 1870 წელს დაიწყო. მანგანუმის წარმოება საქართველოს სამთამადნო მრეწველობის წამყვან დარგად იქცა.

ბაქოს ნავთის მრეწველობის განვითარებამ დიდად შეუწყო ხელი მრეწველობის ზრდას ქალაქ ბათუმში. მას შემდეგ, რაც ბათუმი რკინიგზით თბილისსა და ბაქოს დაუკავშირდა, იქ სწრაფად გაიზარდა ფაბრიკა-ქარხნების რიცხვი. განსაკუთრებით ფართოდ ვითარდებოდა მრეწველობის ის დარგები, რომლებიც დაკავშირებული იყვნენ ბაქოდან მიღებული ნავთის საზღვარგარეთ გატანასთან. ფართოდ განვითარდა კერძოდ, ნავთის საექსპორტო ჭურჭლის (ბიდონებისა და ყუთების) წარმოება.

იმ ხანებში საკმაოდ სწრაფად ვითარდებოდა ჩვენში მსუბუქი მრეწველობაც. 1870 წელს მდიდარმა ვაჭარმა მიორზოევმა თბილისში გახსნა ბამბის ქსოვილთა დამამზადებელი ფაბრიკა, რომელიც მოწყობილი იყო უახლესი ტექნიკის სა-

ფუძველზე. 1875 წელს თბილისში კაპიტალისტმა ადელ-ნისოვმა ააშენა ტყავის გადამამუშავებელი დიდი ფაბრიკა, რომელშიც ორთქლის ქვაბები მუშაობდა.

90-იან წლებში საქართველოში საფაბრიკო-საქარხნო და ს. მათამადნო მრეწველობის შემდგომი მნიშვნელოვანი გაფართოება და ქალაქების სწრაფი ზრდა ხდება.

1894 წელს გაიხსნა ხაშურ-ბორჯომის რკინიგზის ხაზი. 1895 წელს დამთავრდა რკინიგზის ვიწროლიანდაგიანი ხაზის მშენებლობა შორაპანსა და ჭიათურას შორის.

საქართველოს სამთამადნო მრეწველობამ 90-იან წლებში მნიშვნელოვანი ნაბიჯი გადადგა წინ. სულ ათიოდე წლის განმავლობაში ტყიბულში ქვანახშირის ამოღებამ რამდენიმეჯერ იმატა. თუ 1890 წელს ამოღებული იყო 600.000 ფუთი ქვანახშირი, 1900 წელს ამოღებამ უკვე 3.875.000 ფუთს მიაღწია. კ. დევე უფრო სწრაფად ვითარდებოდა მანგანუმის მრეწველობა. 1890 წელს მოპოვებული იყო 10.468.000 ფუთი მანგანუმი, 1900 წელს კი 40.363.000 ფუთი.

ამავე დროს მნიშვნელოვნად განვითარდა საქართველოში მსუბუქ და საშენ მასალათა მრეწველობა. განსაკუთრებით სწრაფად თამბაქოსა და ტყავის გადამამუშავებელი მრეწველობა განვითარდა. 1896 წელს საქართველოში მუშაობდა თამბაქოს 10 დიდი ფაბრიკა (თბილისში, ქუთაისსა და ბათუმში). თამბაქოს მრეწველობაში ხელის დაზგების ნაცვლად დაიდგა ორთქლისა და გაზის ძრავებით მომუშავე დაზგები. საშენ მასალათა მრეწველობაში განსაკუთრებით ფართოდ განვითარდა აგურის მექანიზებული წარმოება, აგურის ქარხნებში იდგმებოდა ორთქლის ქვაბები. საგრძნობლად განვითარდა იმ ხანებში ხე-ტყის მრეწველობაც; 1897 წელს საქართველოში 100-ზე მეტი სახერხი ქარხანა იყო.

მრეწველობის სწრაფმა განვითარებამ, სავაჭრო ბრუნვის გაფართოებამ და სოფლად კაპიტალისტური ურთიერთობის განვითარებამ საქართველოს ქალაქების არაჩვეულებრივად სწრაფი ზრდა გამოიწვია.

განსაკუთრებით გაიზარდა და განვითარდა საქართველოს დედაქალაქი თბილისი. ფაბრიკა-ქარხნების რაოდენობის ზრდასთან ერთად იზრდებოდა ქალაქის მოსახლეობის, კერძოდ სამრეწველო პროლეტარიატის რიცხვი. თუ თბილისის მცხოვ-

რებთა საერთო რაოდენობა 1865 წელს უდრიდა 71.051 სულს, 1897 წლისათვის 159.590 სულამდე ავიდა. თანდათან უმჯობესდებოდა საქალაქო მეურნეობა, კერძოდ, ტრანსპორტი. შენდებოდა ქვის დიდი სახლები და ახალი ხიდები, ფართოდებოდა წინანდელი ვიწრო ქუჩები.

დედაქალაქთან ერთად საგრძნობლად გაიზარდა და განვითარდა აგრეთვე საქართველოს სხვა ქალაქები; წარმოიშვა ბევრი ახალი ქალაქი, სარკინიგზო კვანძი და დაბა. თბილისის შემდეგ, განსაკუთრებით სწრაფად იზრდებოდა ქალაქი ქუთაისი, რომელიც საგუბერნიო ცენტრს წარმოადგენდა. დიდი სისწრაფით განვითარდა ქალაქი ბათუმი, რომელიც თურქეთის უღლისაგან აჭარის განთავისუფლების დროს სოფელს უფრო ჰგავდა, ვიდრე ქალაქს. იგი 90-იანი წლების ბოლოს საქართველოს ერთ-ერთ უმნიშვნელოვანეს სამრეწველო ცენტრად იქცა. მანგანუმის მრეწველობამ წარმოშვა ახალი მნიშვნელოვანი სამრეწველო ცენტრი ჭიათურა, ხოლო მანგანუმის ექსპორტის ზრდამ გამოიწვია ქალაქ ფოთის გადაქცევა ჩვენი ქვეყნის ერთ-ერთ უმნიშვნელოვანეს ნავსადგურად. წარმოიქმნენ მნიშვნელოვანი სარკინიგზო კვანძები: ხაშური, ზესტაფონი, სამტრედია, რომლებიც შემდეგ ქალაქებად იქცნენ.

სოფლის მეურნეობაში კაპიტალიზმის განვითარების პროცესი გაცილებით უფრო ნელი ტემპით მიმდინარეობდა, ვიდრე მრეწველობაში. მიუხედავად ამისა, საგლეხო რეფორმის შემდეგ საქართველოს სოფლის მეურნეობაში კაპიტალისტური ურთიერთობა მთელი სიღრმითა და სიგანით ვითარდებოდა.

საქართველოს სოფლის მეურნეობაში იმ დროს ყველაზე უფრო დიდი ადგილი მარცვლეულს (ხორბალს, სიმინდს) ეჭირა. ხორბალი განსაკუთრებით ბევრი ითესებოდა თბილისის გუბერნიაში. სიმინდი კი ქუთაისის გუბერნიაში. ჯერ კიდევ 60-იანი წლების დასაწყისში საქართველოს სოფლებიდან დიდალი მარცვლეული გადიოდა არა მარტო შინაურ, არამედ მსოფლიო ბაზარზედაც.

მარცვლეულის მეურნეობის შემდეგ საქართველოს მიწათმოქმედების უმნიშვნელოვანესი დარგი მევენახეობა-მელვინეობა იყო. მევენახეობა-მელვინეობის ძირითადი რაიონი იყო კახეთი. კახური ღვინო მთელს ამიერკავკასიაში იყო განთქმული და არა მარტო ადგილობრივ ბაზრებზე ბატონობდა, არა-

მედ რუსეთშიც საკმაოდ ბევრი იგზავნებოდა. 70-იანი წლებიდან სასაქონლო ღვინის წარმოება ფართოდ განვითარდა აგრეთვე ქართლსა და იმერეთში.

ფართო ვაჭრობის საგნად იქცა მეცხოველეობის ნაწარმიც. მეცხოველეობას საქართველოს, განსაკუთრებით მთიანეთის, სოფლის მეურნეობაში უაღრესად მნიშვნელოვანი ადგილი ეჭირა. ბაზარზე მრავლად გამოჰყავდათ სახორცე პირუტყვი, უმთავრესად ცხვარი, ღორი და თხა, აგრეთვე ფრინველი, გამოჰქონდათ კვერცხი და სხვ. ჩვენებური მეცხოველეობის ნაწარმი ბლომად გადიოდა არა მარტო ამიერკავკასიის სავაჭრო-სამრეწველო ცენტრებში, არამედ მსოფლიო ბაზარზედაც.

XIX საუკუნის მეორე ნახევრის საქართველოს სოფლის მეურნეობაში უაღრესად მნიშვნელოვან როლს თამაშობდა მეთამბაქოეობა, მებამბეობა და მებაბრეშუმეობა. სავაჭრო-სასაქონლო ხასიათს იღებდა აგრეთვე მეხილეობა. საგრძნობლად ვითარდებოდა მებოსტნეობა, მეფუტკრეობა და სოფლის მეურნეობის მრავალი სხვა დარგი, იმავე დროს ეკუთვნის საქართველოში ჩაის დანერგვის ცდები.

ჯერ კიდევ რეფორმამდე საქართველოში როგორც მემამულეთა, ისე გლეხთა მეურნეობაში კაპიტალისტური წარმოების წესი ისახებოდა. რეფორმის შემდეგ სოფლად კაპიტალიზმის განვითარების ხელსაყრელი პირობები შეიქმნა. მემამულეთა ერთი ნაწილი საგლეხო რეფორმების შემდეგ დიდი რაოდენობით იყენებდა სეზონურად დაქირავებულ მუშებს, რომლებიც მემამულეთა ინვენტარით ამუშავებდნენ დიდონ ლატიფუნდიებს. ამ გზით მემამულე უხვად აწარმოებდა სოფლის მეურნეობის პროდუქტებს ბაზრისათვის.

მაგრამ ყველა მემამულეს როდი შეეძლო თავისი მეურნეობის გარდაქმნა ახალი ვითარების შესაბამისად. უსაქმურობას მიჩვეული თავადაზნაურობის დიდი ნაწილი ვაჭრობისა და მევახშეების ხელში ჩავარდა, ვალებში ჩაეფლო; მეურნეობის განვითარებისათვის მას არც სახსრები გააჩნდა და არც საამისო უნარი ჰქონდა. ამიტომ ისინი ამჯობინებდნენ უფრო ადვილი გზით წასულიყვნენ: მიწა იჯარით გაეცათ ან გაეყიდათ. მემამულეთა მიწებს ხშირად იღებდნენ იჯარით ვაჭარ-მრეწველები და კულაკები, რომლებიც დიდ მიწებს იგდებდნენ ხელთ და დაქირავებული შრომის გამოყენებით მნიშვნელოვა-

ნი რარდენობით ამზადებდნენ სოფლის მეურნეობის ნაწარმს ბაზარზე გასატანად. კულაკებისა და ვაჭარ-მრეწველების მიერ იჯარით აღებულ მიწაზე მეურნეობა კაპიტალისტური გზით ვითარდებოდა.

მემამულეები მიწას იჯარით აძლევდნენ აგრეთვე უმიწაწყლო გლეხებსაც, რათა თავიანთი მეურნეობა უზრუნველყოთ იაფი მუშახელით. ასეთი გლეხები ნახევრადემურ მდგომარეობაში ცვიოდნენ.

ამრიგად, საქართველოს სოფლის მეურნეობაში ფეოდალურ სისტემას სულ უფრო და უფრო სწრაფად დევნიდა კაპიტალისტური სისტემა. კაპიტალიზმი თანდათან ულმობლად ანგრევდა ფეოდალური წყობილების თვით საფუძველს — ფეოდალურ მიწათმფლობელობას.

შრომის საზოგადოებრივი დანაწილებისა და სავაჭრო-სასაქონლო მეურნეობის განვითარებასთან ერთად მიმდინარეობდა გლეხთა კლასის სოციალური დიფერენციაცია, დაშლა მდიდრებად და ღარიბებად. ეს პროცესი განსაკუთრებით გაღრმავდა რეფორმის შემდეგ. გლეხობის ქონებრივი დიფერენციაციის შედეგად მარტო თბილისის გუბერნიაში იყო 2034 კომლი სახელმწიფო გლეხი, რომელთაც სრულიად არ ჰქონდათ მიწა. ისინი იძულებული იყვნენ იჯარით აეღოთ მემამულეთა მიწები. იმავე დროს იყვნენ ისეთი სახელმწიფო გლეხებიც, რომელთაც ბლომად ჰქონდათ შექმნილი ადგილმამული. ზოგიერთი მათგანი 15-დან 40 დესეტიანამდე მიწას ფლობდა.

მდიდარი გლეხები მიწასთან ერთად დიდძალ მუშა პირუტყვსა და სასოფლო-სამეურნეო ინვენტარს ფლობდნენ. ღარიბ გლეხებს კი არც მუშა პირუტყვი ჰყავდათ და არც სასოფლო-სამეურნეო იარაღი ჰქონდათ. ამრიგად, ერთი მხრივ, მიწა და სხვა საწარმოო საშუალებები თავს იყრიდა ერთი მუჭა მდიდრების ხელში, ხოლო, მეორე მხრივ, გლეხობის დიდი ნაწილი ღატაკდებოდა, მისი მეურნეობა სრულიად ჩანაგდებოდა. გადატაკებული გლეხი კარგავდა მიწას და სხვა საწარმოო საშუალებებს.

ასე განდნენ საქართველოს სოფელში ახალი სოციალური ფენები — სოფლის ბურჟუაზია, ანუ კულაკობა და სასოფლო-

ტამეურნეთა პროლეტარიატი, რომლებიც კაპიტალისტური საზოგადოების კლასებს წარმოადგენდნენ.

კულაკობასა და ღარიბ გლეხობას შორის შუალედ რგოლს წარმოადგენდა საშუალო გლეხობა, რომელიც მეურნეობას ჰირადი შრომითა და საკუთარი საწარმოო საშუალებით ეწეოდა. მაგრამ მისი მდგომარეობა არ იყო მტკიცე: საშუალო გლეხობის ნაწილი მდიდრდებოდა და კულაკად გადაქცევას ახერხებდა, დიდი ნაწილი კი ღარიბდებოდა, პროლეტარდებოდა, სოფელში თუ სოფლის გარეთ სამუშაოს საძებრად დადიოდა.

სოფლის პროლეტარული და ნახევრადპროლეტარული მასების ნაწილი ისევ სოფლის მეურნეობაში რჩებოდა და მოჯამაგირეებად დგებოდა ან დროებით დაქირავებულ მუშებად იქცეოდა, ნაწილი კი იძულებული ხდებოდა თავის სახლ-კარს მოშორებოდა და სამუშაო ქალაქებში, სამრეწველო ადგილებში, რკინიგზებსა და ნავსადგურებში ეძებნა. იმ დროს საშოვარზე წასულ ქართველ გლეხს ნახავდით არა მარტო საქართველოსა და ამიერკავკასიის ქალაქებში, არამედ რუსეთის ბევრ ქალაქსა და ნავსადგურშიც.

XIX საუკუნის 60-იანი წლების მეორე ნახევარში ვაჭრობა საქართველოში თვალსაჩინოდ გაფართოვდა. ამ დროს მარტო თბილისში ითვლებოდა სამი ათასამდე დუქანი და სავაჭრო დაწესებულება (მათ შორის 17 ქარვასლა). თბილისის საშინაო ვაჭრობის წლიური მოცულობა 8.251.000 მანეთს უდრიდა.

განუხრელად ვითარდებოდა ვაჭრობა საქართველოს სხვა ქალაქებშიც. ახალქალაქის, გორისა და სიღნაღის მაზრებიდან ბაზარზე გამოდიოდა უმთავრესად ხორბლეული და ფქვილი; ზუგდიდისა და სენაკის მაზრებიდან — ღვინო და მევენახეობის სხვა ნაწარმი; სოხუმის ოლქიდან — თამბაქო, გორისა და ახალციხის მაზრებიდან და მთიანეთის სხვა კუთხეებიდან — მეცხოველეობის ნაწარმი და ა. შ.

ამრიგად, XIX საუკუნის მეორე ნახევარში, განსაკუთრებით კი 70-იანი წლებიდან მოკიდებული, საქართველოში კაპიტალიზმის ზრდასთან ერთად სწრაფად ხდება როგორც საშინაო, ისე საგარეო ბაზრის გაფართოება და სავაჭრო მიმოქცევის გაძლიერება; საქართველოს ყველაზე მიყრუებული კუთხეებიც კი ებმებოდნენ ვაჭრობაში.

კაპიტალიზმის განვითარებამ შეაკავშირა და ეკონომიკურად გააერთიანა საქართველოს სხვადასხვა კუთხე. კაპიტალიზმის განვითარებამ საფუძვლიანად შეარყია საქართველოს სოფლის მეურნეობის საუკუნეობრივი უძრავობა.

§ 97. კოლონიური ჩაბვრის გაძლიერება და ეროვნულ-განმათავისუფლებელი მოძრაობის აღმავლობა  
80-90-იან წლებში

თვითმპყრობელობის კოლონიური პოლიტიკის გაძლიერებამ საქართველო უაღრესად მძიმე მდგომარეობაში ჩააყენა. ქართველი ხალხის ისედაც მძიმე ეროვნულ-კოლონიურმა ჩაგვრამ 80-90-იან წლებში უკიდურეს საზღვარს მიაღწია. მეფე ალექსანდრე III-ის მთავრობამ ზედიზედ გაატარა რამდენიმე მკაცრი ღონისძიება, რომელთა მიზანი იყო ქართული კულტურის საბოლოო მოსპობა და ქართველი ხალხის ძალით გარუსება.

1882 წელს შეცვლილ იქნა კავკასიის უმაღლესი ადმინისტრაციის ორგანიზაციული წყობა: გაუქმდა კავკასიის მეფისნაცვლის თანამდებობა და მის მაგიერ დაარსდა მთავარმმართველის თანამდებობა: მეფისნაცვლად ნამყოფი დიდი მთავარი მიხეილ რომანოვი რუსეთში გაიწვიეს, მთავარმმართველად კი დანიშნეს თავადი დონდუკოვ-კორსაკოვი, რომელიც ამ თანამდებობაზე 1890 წლამდე იმყოფებოდა. დონდუკოვ-კორსაკოვის შემდეგ მთავარმმართველად იყო თავადი შერემეტიევი, რომელიც 1896 წელს თავადმა გოლიცინმა შესცვალა. ყველა ეს ახლად მოვლენილი მმართველი უკიდურესი რეაქციონერი იყო.

80-იანი წლებიდან მოკიდებული, მთავრობამ გააძლიერა საქართველოს კოლონიზაცია. მიუხედავად იმისა, რომ ქართველი ხალხი, მშრომელი გლეხობა მიწის მწვავე სიმცირეს განიცდიდა, საუკეთესო მიწებზე ცარილში უცხო ელემენტებს ასახლებდა. განსაკუთრებით ფართო ხასიათი მიიღო კოლონიზაციამ საქართველოს შავი ზღვის სანაპიროს რაიონებში, სადაც მასობრივად ასახლებდნენ კოლონიზატორულ ელემენტებს რუსეთის შორეული ადგილებიდან და თან არ ანებებდნენ უმიწაწყლო ქართველ გლეხებს იმ ადგილებში დასახლებას.

იმავე დროს არაჩვეულებრივად გაძლიერდა ქართველი ხალხის მოწინავე ადამიანების დევნა. სასტიკი ცენზურა დაწესდა ჟურნალ-გაზეთებისა და წიგნების გამოცემაზე და გატარდა სხვადასხვა ღონისძიება ქართული ენის დასათრგუნავად. იმისათვის, რომ ქართველი ხალხის წინააღმდეგობის ძალა შეესუსტებინა და ქართველი ერის მოსპობა გაეადვილებინა, ცარიზმმა მიმართა ცდას გაეთიშა საქართველო ცალკე ნაწილებად და მისი სხვადასხვა კუთხეები ერთმანეთისათვის დაეპირისპირებინა, კერძოდ, ცარიზმის მოხელეებმა გააჩაღეს კამპანია საქართველოს დანარჩენი ნაწილისაგან აჭარის, სამეგრელოს, სვანეთისა და აფხაზეთის ჩამოსაშორებლად, მაგრამ მათი მზაკვრული გეგმები მთელი ქართველი ხალხის შეუპოვარსა და ერთსულოვან წინააღმდეგობას წააწყდა.

თვითმპყრობელობის უხეში კოლონიური პოლიტიკა განსაკუთრებით მკაფიოდ გამოიხატა მეფის მთავრობის მიერ ქართული სკოლების წინააღმდეგ გატარებულ ღონისძიებებში. ცარიზმის აგენტები, 60-იანი წლებიდან მოკიდებული, სულ უფრო და უფრო ავიწროებდნენ ქართულ ენას საქართველოს სკოლებში. 1878 წელს სასწავლო ოლქის მზრუნველად, ე. ი. კაკასიის სასწავლო უწყების ხელმძღვანელად, დაინიშნა რეაქციონერი მოღვაწე კ. იანოვსკი, რომელმაც სასტიკი იერიში მიიტანა ქართული ენის წინააღმდეგ. ცარიზმის მოხელეებს უნდოდათ სრულიად განედევნათ ქართული ენა სკოლიდან და კიდევაც მიაღწიეს თავის მიზანს. უკვე 80-იანი წლების ბოლოს ქართული ენა დაწყებითი სკოლებიდანაც განდევნილ იქნა და ბავშვებს სკოლაში შესვლის დღიდანვე რუსულად ასწავლიდნენ საგნებს. სკოლებში ქართული ლაპარაკი სასტიკად აიკრძალა. ქართველ მასწავლებლებს სამსახურიდან ითხოვდნენ და მათ მაგიერ ქართული ენის სრულიად უცოდინარ პედაგოგებს ნიშნავდნენ.

ცხადია, ასეთ ძალადობასა და ეროვნული უფლებების აბურხად აგდებას ვერ შეურიგდებოდა ქართველი ხალხი და მისი ინტელიგენცია.

მეფის თვითმპყრობელობის მიერ ქართველი ხალხის ეროვნულ-კოლონიური ჩაგვრის გაძლიერებამ გამოიწვია ეროვნულ-განმათავისუფლებელი მოძრაობის ახალი, მძლავრი აღ-





**მავლობა.** 80-იანი წლების დასაწყისში ამ მოძრაობის დროშის ქვეშ დადგა საქართველოს თითქმის ყველა საზოგადოებრივი ძალა.

დემოკრატები, რომლებიც უმთავრესად გაზეთ „ივერიის“ ირგვლივ იყვნენ შემოკრებილნი (ი. ჭავჭავაძე, ა. წერეთელი, ი. გოგებაშვილი, ვაჟა-ფშაველა, ა. ყაზბეგი, რ. ერისთავი და სხვები), დარჩნენ ეროვნულ-განმათავისუფლებელი მოძრაობის წამყვან ძალად საქართველოში.

მოწინავე ქართველმა მოღვაწეებმა 80—90-იან წლებში დიდი და მძიმე ბრძოლა ჩაატარეს ცარიზმის პოლიტიკის წინააღმდეგ. ქართველი ერის პოლიტიკური უფლებების დასაცავად, ხალხის ენისა და კულტურის გადასარჩენად, განსაკუთრებით თავგანწირვით და შეუპოვრად იბრძოდნენ ეროვნულ-განმათავისუფლებელი მოძრაობის მოღვაწეები საქართველოს სკოლებში მშობლიური ენის შენარჩუნებისათვის. მათ სასტიკი ბრძოლა გაუმართეს ცარიზმის აგენტებს. იანოვსკისა და მისი მიმდევრების წინააღმდეგ გამანადგურებელი კრიტიკული წერილები დაბეჭდეს ი. ჭავჭავაძემ, ი. გოგებაშვილმა, ს. მესხმა და სხვებმა. საქართველოს ინტელიგენცია, მძიმე ცენზურული პირობების მიუხედავად, 80-იან წლებში სისტემატურად აქვეყნებდა ქართულ და რუსულ პრესაში მებრძოლ წერილებს ქართველი ხალხის ეროვნული ინტერესების დასაცავად. ამავე მიზანს ემსახურებოდა მაშინდელი ქართული მხატვრული ლიტერატურა, რომელშიც განსაკუთრებით გამოირჩეოდა ა. წერეთლის, ვაჟა-ფშაველას და ალ. ყაზბეგის უკვდავი პოეტური და პროზაული თხზულებანი.

ცარიზმის პოლიტიკის წინააღმდეგ ბრძოლაში საქართველოს ეროვნულ-განმათავისუფლებელი მოძრაობის ხელმძღვანელები მარტოდენ იდეურ ბრძოლას არ დასჯერებიათ; მათ, გარდა ამისა, შეძლეს გაეტარებინათ მრავალი უმნიშვნელოვანესი ორგანიზაციულ-პრაქტიკული ღონისძიება, რომელთა მიზანი იყო ქართული კულტურის დაცვა და მისი შემდგომი განვითარება. ამ მხრივ განსაკუთრებით დიდი ღირებულება ჰქონდა სხვადასხვა საზოგადოებრივ და კულტურულ-საგანმანათლებლო დაწესებულებათა შექმნას და ქართული სკოლებისათვის მაღალხარისხიანი სახელმძღვანელოების გამოცემას.

ქართული სკოლებისათვის სახელმძღვანელოების შექმნისა და გამოცემის საქმეში განსაკუთრებული როლი ითამაშა დიდი ქართველმა პედაგოგმა, ეროვნულ-განმათავისუფლებელი მოძრაობის ერთ-ერთმა გამოჩენილმა მოღვაწემ იაკობ გოგებაშვილმა (1840—1912). მის მიერ შედგენილმა ბრწყინვალე სახელმძღვანელოებმა „დედაენამ“ და „ბუნების კარმა“ და აგრეთვე ქართველთათვის რუსული ენის სახელმძღვანელომ „რუსკოე სლოვომ“ ფასდაუდებელი სამსახური გაუწია ქართველ ხალხს. ამ სახელმძღვანელოებზე ქართველი ახალგაზრდობის მრავალი თაობა აღიზარდა, თავისი სამშობლოს სიყვარულისა და ერთგულების სულისკვეთებით.

თავადაზნაურული ლიბერალები, თერგდალეულებთან ბრძოლაში დამარცხების შემდეგ, თანდათან განდევნილ იქნენ საზოგადოებრივი სარბიელიდან. მათმა მოძრაობამ ერთხანს სრულიად დაჰკარგა საზოგადოებრივი მნიშვნელობა. მათი ჟურნალი „ცისკარი“, თუმცა ცდილობდა თავისი აზრების ახალი დროისათვის შეფარდებას, თანდათან ჰკარგავდა მკითხველებს. კინდებოდა შინაარსითაც და ფორმითაც და ბოლოს (1875 წელს) სულაც დაიხურა.

მაგრამ 80-იანი წლების დასაწყისში მდგომარეობა შეიცვალა. იმ დროს კვლავ შეიქმნა პირობები ლიბერალური მოძრაობის გამოცოცხლებისათვის. ალექსანდრე III-ის რეაქციამ და ქართველი ხალხის ეროვნულ უფლებათა უკიდურესმა შევიწროებამ ლიბერალური თავადაზნაურობა კვლავ გამოიყვანა საზოგადოებრივ ასპარეზზე. ლიბერალები ალაპარაკდნენ ქართველი ხალხის შელახულ ეროვნულ ინტერესებზე და მათ ხელი გაუწოდეს დემოკრატებს. მართალია, მეორე ხელით ისინი კვლავ მეფის მთავრობასა და მსხვილ მემამულურ არისტოკრატიასთან იყვნენ დაკავშირებულნი, მაგრამ, მიუხედავად ამისა, მათ მაინც საკმაოდ გაბედულად შეუერთეს თავიანთი ხმა ეროვნულ-განმათავისუფლებელი მოძრაობის მოღვაწეთა ხმას.

ლიბერალურ მოძრაობაში ქართული თავადაზნაურობის მრავალი განათლებული წარმომადგენელი იღებდა მონაწილეობას. მათ შორის იყვნენ: გამოჩენილი პოეტი გრიგოლ ორბელიანი, პოეტები ვიორგი შარვაშიძე, გრიგოლ დადიანი (კოლხიდელი) და სხვები. მაგრამ ამ მოძრაობის უმნიშვნელო-

ვანესი მოვლენა იყო ლიბერალური მოძრაობის ხელმძღვანელებისა და თვალსაჩინო საზოგადო მოღვაწის დიმიტრი ყიფიანის (1814—1887) გამოსვლა მეფის მოხელეთა წინააღმდეგ.

დ. ყიფიანმა ჯერ კიდევ 80-იანი წლების დამდეგს აიმაღლა ხმა ქართული ენის დასაცავად. მან მკაცრი წერილით მიმართა სასწავლო ოლქის მზრუნველ იანოვსკის, რომელმაც საქართველოს სკოლებიდან ქართული ენის განდევნა მოინდომა: „ვერც ჩინგის-ხანმა, ვერც თემურ-ლენგმა, ვერც შაჰ-აბაზმა და ვერც ნადირ-შაჰმა ვერ შემუსრეს ჩვენი ხალხის მეობა და ახლა თქვენ გინდათ შემუსროთ?!“ — სწერდა ყიფიანი იანოვსკის და მოუწოდებდა ხელი აეღო თავის უგუნურ განზრახვაზე. 1885 წელს დ. ყიფიანი არჩეულ იქნა ქუთაისის გუბერნიის თავადაზნაურთა წინამძღოლად. იმავე წელს მას მოუხდა შეტაკება კავკასიის მთავარმართებელ დონდუკოვ-კორსკოვთან. მთავრობამ არ მოუწონა თავადაზნაურთა წინამძღოლს დედაენის დაცვაზე ზრუნვა და ხელმწიფის მითითებით იგი ოფიციალურად გაკიცხა. მაგრამ დ. ყიფიანმა უკან არ დაიხია. 1886 წელს, როდესაც მოსწავლე ი. ლალიაშვილმა სასულიერო სემინარიის რექტორი ჩუდეცკი მოკლა, საქართველოს ეგზარქოსმა, უკიდურესმა რეაქციონერმა პავლემ საჯაროდ დასწყევლა ქართველი ერი. ეგზარქოსის ასეთმა თავხედობამ დიდი უკმაყოფილება გამოიწვია ქართველ ხალხში. ამ შემთხვევის გამო დ. ყიფიანმა მას გაუგზავნა მკაცრი წერილი, რომელშიც მოითხოვდა, რომ ეგზარქოსს დაეტოვებინა საქართველო.

მეფის მთავრობამ გადაწყვიტა სასტიკად დაესაჯა დ. ყიფიანი, რომელიც იმჟამად უკვე ღრმა მოხუცი იყო. იგი 1886 წელსავე გადააყენეს თანამდებობიდან და გადაასახლეს სტავროპოლში. ერთი წლის შემდეგ კი თვითმპყრობელობის აგენტებმა გადასახლებული მხცოვანი მოღვაწე მხეცურად მოკლეს.

დ. ყიფიანის დასაფლავებას უამრავი ხალხი დაესწრო. მისი დაკრძალვა ქართველმა ხალხმა თვითმპყრობელობის წინააღმდეგ მძლავრ საპროტესტო დემონსტრაციად გადააქცია.

როგორც უკვე ითქვა, ეროვნულ-განმათავისუფლებელი მოძრაობის ხელმძღვანელი მოღვაწენი არ სჯერდებოდნენ თვითმპყრობელობის რუსიფიკატორული პოლიტიკის წინა-

აღმდეგ იდეურ ბრძოლას პრესის ფურცლებზე და ამასთანავე ცდილობდნენ შეექმნათ ისეთი კულტურულ-საგანმანათლებლო თუ სამეურნეო დაწესებულებანი და საზოგადოებანი, რომლებიც უზრუნველყოფდნენ ქართული კულტურის დაცვას და შემდგომ განვითარებას, ქართველი ხალხის სამეურნეო წინსვლას. ასეთ დაწესებულებებსა და საზოგადოებებს ისინი ხალხის თვითმოქმედების ორგანოებს უწოდებდნენ.

თვითმოქმედების ორგანოებიდან ყველაზე მნიშვნელოვანი როლი ქართული ენის დაცვისა და ქართული კულტურის განვითარების საქმეში ითამაშა „ქართველთა შორის წერა-კითხვის გამავრცელებელმა საზოგადოებამ“. ეს საზოგადოება დაარსდა 1879 წელს. მისი დამაარსებლები და აქტიური ხელმძღვანელები იყვნენ ეროვნულ-განმათავისუფლებელი მოძრაობის ცნობილი მეთაურები და წარმომადგენლები: ი. ჭავჭავაძე, ი. გოგებაშვილი, ბ. ღოღობერიძე, ა. წერეთელი, ნ. ცხვედაძე, რ. ერისთავი, ა. ფურცელაძე, ი. მაჩაბელი, პ. უმიკაშვილი და სხვები. სწორედ ინტელიგენცია იყო ამ საზოგადოების სულისჩამდგმელი მისი არსებობის მთელ მანძილზე. მაგრამ იმისათვის, რომ საზოგადოება ცარიზმის აგენტების მიერ დევნა-შევიწროებისაგან დაეფარათ და მთავრობის ორგანოებში მისი წესების დამტკიცებაც გაეადვილებინათ, დემოკრატიამ მოღვაწეებმა საზოგადოების დაარსების საქმეში ჩააბეს (მის დამფუძნებელ წევრებად მიიწვიეს) ცნობილი ლიბერალები და ქართველი თავადაზნაურული არისტოკრატიის სხვა გამოჩენილი წარმომადგენლები, სახელმწიფო თანამდებობის პირები, გენერლები და ა. შ. საზოგადოების პირველი თავმჯდომარე დ. ყიფიანი იყო, ხოლო მისი „ამხანაგი“ (მოადგილე) ი. ჭავჭავაძე. 1885 წლიდან საზოგადოებას უცვლელად ი. ჭავჭავაძე თავმჯდომარეობდა.

„ქართველთა შორის წერა-კითხვის გამავრცელებელი საზოგადოება“ მიზნად ისახავდა ქართველ ხალხში წერა-კითხვისა და ცოდნის გავრცელებას; ძველი ქართული უნიკალური წიგნებისა და ხელნაწერების, არქეოლოგიური ძეგლების, ხალხური შემოქმედების ნიმუშების, ფოლკლორის შეგროვებასა და დაცვას; ქართველ ხალხში, განსაკუთრებით მოსწავლე ახალგაზრდობაში პატრიოტული სულისკვეთების გაღვივ-

ბას. ამ მიზნით საზოგადოება საქართველოს ქალაქებსა და სოფლებში, აგრეთვე საქართველოს გარეთ (სადაც კი ქართველები ცხოვრობდნენ) ქმნიდა სახალხო სკოლებს და აარსებდა ბიბლიოთეკა-სამკითხველოებს. ადგენდა და სცემდა სახელმძღვანელოებს, მასობრივი მკითხველისათვის განკუთვნილ პოპულარულ წიგნებს; აგროვებდა, იძენდა და შეძლებისამებრ ბეჭდავდა კიდევაც ძველ ქართულ ხელნაწერებსა და წიგნებს. აგროვებდა ზეპირსიტყვიერების მასალებს და ა. შ.

წერა-კითხვის გამავრცელებელი საზოგადოების მიერ გაწეულ მუშაობას დიდი საგანმანათლებლო მნიშვნელობა ჰქონდა ქართველი ხალხისათვის. მის მიერ დაარსებული სკოლები და სამკითხველოები, გამოცემული წიგნები ხელს უწყობდნენ ქართველი ხალხის გათვითცნობიერებას და გამოფხიზლებას, ამზადებდნენ პირობებს მასების ამოძრავებისათვის.

80-90-იან წლებში ქართველმა ხალხმა, ცარიზმის გააფთრებული წინააღმდეგობის მიუხედავად, არაერთხელ მოახდინა თავისი ეროვნული ინტერესების, შეგნებისა და ეროვნული სოლიდარობის აშკარა დემონსტრაცია. 1893 წელს განჯიდან თბილისში გადმოსვენეს გენიალური ქართველი პოეტის ნიკოლოზ ბარათაშვილის ნეშტი. ეს ფაქტი უდიდეს საზოგადოებრივ მოვლენად გადაიქცა. გადმოსვენებას უამრავი ხალხი დაესწრო. საქართველოს ყველა კუთხიდან ჩამოვიდნენ წარმომადგენლები, გაზეთი „კვალი“ წერდა: „ნიკოლოზ ბარათაშვილის ძვლებიც ამდგარიყო და მოდიოდა დიდებით სამშობლოში. ერმა მუხლი მოუყარა თავის მომავლის სვებედის წინასწარმეტყველსა. მას უშლიდნენ წინ მუხისა, დაფნისა და პურის თაველებისაგან შეკრულს გვირგვინებს“. გადმოსვენების დროს სიტყვები წარმოთქვეს ა. წერეთელმა, ი. ჭავჭავაძემ, გ. წერეთელმა. დამსწრე საზოგადოების აღტკინება და ერთსულოვნება უსაზღვრო იყო.

1895 წელს თბილისში არანვეულებრივი ზეიმით იქნა გადახდილი შესანიშნავი ქართველი დემოკრატი პოეტის რაფიელ ერისთავის სამწერლო-საზოგადოებრივი მოღვაწეობის 50 წლის იუბილე. ზეიმზე ჩამოვიდნენ ქართლ-კახეთიდან, იმერეთიდან, ფშავ-ხევსურეთიდან, გურიიდან და საქართველოს სხვა კუთხეებიდან ეროვნულ ტანსაცმელში გამოწყობი-

ლი მრავალრიცხოვანი სტუმრები. ზეიმზე მიმავალ, თეთრ-ცხენებიან ეტილში მჯდომ პოეტს, რომელსაც გვერდით ილია და აკაკი უსხდნენ, მთელი ქალაქი მიაცილებდა.

ასეთივე განსაკუთრებული ზეიმით აღინიშნა თბილისში კრწანისის ომისა და მეფე ერეკლე მეორის გარდაცვალების ასი წლის თარიღები. ალა-მაჰმად-ხანის ურდოების წინააღმდეგ ბრძოლაში დაღუპულ ქართველ გმირთა ხსოვნის პატივსაცემად კრწანისის მინდორზე მრავალმა ათეულმა ათასმა ადამიანმა მოიყარა თავი. ერეკლე მეფისა და თავდადებული გმირების ხსოვნას ხალხმა მუხლმოყრილმა სცა პატივი.

ასეთი ფაქტები დამახასიათებელია ქართველი ხალხის მაშინდელი სულისკვეთებისა და მისწრაფებისათვის. სწორედ აქ იჩენდა თავს ეროვნული თვითშეგნების ზრდა, რაც წარმოადგენდა პირდაპირ შედეგს ეროვნულ-განმათავისუფლებელი მოძრაობის მოღვაწეთა იდეური ბრძოლისა და ისეთ კულტურულ-საგანმანათლებლო დაწესებულებათა საქმიანობისა, როგორც იყო „წერა-კითხვის გამავრცელებელი საზოგადოება“.

საქართველოს მშრომელი ხალხი სრული თანაგრძობით ეპყრობოდა და მხარს უჭერდა ინტელიგენციის ბრძოლას ცარიზმის კოლონიური პოლიტიკის წინააღმდეგ და ქართველი ერის შელახული უფლებების დასაცავად, რადგან ეს მის საკუთარ, ღვიძლ საქმეს წარმოადგენდა. ეროვნულ-განმათავისუფლებელი მოძრაობის მოღვაწეებს წოდებათა შერიგების ქადაგებით ქართველი ხალხის ერთიანობა, ე. ი. გაძლიერება სურდათ.

## § 98. კლასობრივი ბრძოლის გამწვავება.

### ხალხოსნური მოძრაობა

საგლეხო რეფორმამ ვერ გაამართლა გლეხობის იმედი. რეფორმამ არსებითად ხელუხლებლად დატოვა მემამულეთა მიწათმფლობელობა. რეფორმის შემდეგ მიწების მნიშვნელოვანი ნაწილი დაისაკუთრეს აგრეთვე ვაჭარ-მრეწველებმა, მთავრობის მოხელეებმა და სხვა პარაზიტულმა ელემენტებმა, რაც შეეხება მიწის უშუალო დამმუშავებელს — გლეხობას, მას სრუ-

ლიად უმნიშვნელო რაოდენობით ჰქონდა საკუთარი მიწა. საქართველოს გლეხობის კუთვნილი მიწების რაოდენობა სულ 418.110 ჰექტარს უდრიდა, რაც სასოფლო-სამეურნეო მიწების საერთო ფართობის 6,4 პროცენტს შეადგენდა. ამ მიწების დიდი ნაწილიც გლეხთა ზედაფენის — კულაკების ხელში იყო.

გლეხობის გაჭირვებას კიდევ უფრო ამწვავებდა რეფორმის შემდეგ ყოველგვარი გადასახადის შეუნელებელი ზრდა. გლეხობისათვის განსაკუთრებით შემაწუხებელი იყო გადასახადები ტყითა და საძოვრით სარგებლობისათვის. გლეხობას მძიმე ტვირთად აწვა აგრეთვე საეკლესიო გადასახადები.

უმიწაწყლო და მცირემიწიანი გლეხობის გაჭირვებული მდგომარეობით სარგებლობდნენ ვაჭარ-მეკავშეები და კულაკები. ისინი ხშირად სულ მუქთად ითვისებდნენ არა მარტო გლეხის მონაგარს — პურს, ღვინოს, პირუტყვს, არამედ მისი მიწის პატარა ნაკვეთსა და სახლკარსაც კი.

რეფორმის შემდგომ საქართველოში სულ უფრო და უფრო ძლიერდებოდა გლეხთა უკმაყოფილება.

1876 წელს ზუგდიდის მაზრაში იფეთქა გლეხთა ამბოხება. ამბოხება დაიწყო სოფ. ლიას და ფახულანის დროებით-ვალდებულმა გლეხებმა. მათ უარი განაცხადეს თავად დადიანის სასარგებლოდ ყოველგვარ გადასახადზე. მალე აჯანყებულებს სხვა სოფლის გლეხობაც შეუერთდა და დაიწყო გლეხთა ფართო მოძრაობა. შეიარაღებულ გლეხებსა და მთავრობას ჯარს შორის მომხდარ შეტაკებაში მოკლეს 18 და დაჭრეს 30 კაცი.

დაახლოებით იმავე ხანებში დაიწყო გლეხთა დიდი აჯანყება სვანეთში. ამ მთიან მხარეში უფრო მეტად იგრძნობოდა მიწის სიმცირე, ვიდრე საქართველოს სხვა კუთხეებში. ახალი გადასახადების გაწერის მიზნით, 1875 წლის ზაფხულში მთავრობის მოხელეები სვანეთში მიწების აზომვას შეუდგნენ. ამ ღონისძიებამ გლეხობა მოთმინებიდან გამოიყვანა, დაიწყო მღელვარება. სოფელ ხალდეში ჯართან და პოლიციასთან შეიარაღებული შეტაკების დროს გლეხებმა მოკლეს მაზრის უფროსი და სამხედრო რაზმის უფროსი. ამის შემდეგ მთავრობამ სვანეთში გაგზავნა რეგულარული ჯარის ნაწილი და მილიციის დიდი რაზმი. მათ ნამდვილი საომარი წესების დაცვით შეუტიეს სვანეთის სოფლებს. სოფელი ხალდე იერიშით

აიღეს და მიწასთან გაასწორეს: სოფელში ყველა სახლი დაწვეს, ხოლო კოშკები ნაღმებით ააფეთქეს.

1878 წელს აჯანყდნენ ქიზიყელი გლეხები. მათი მძიმე მდგომარეობა კიდევ უფრო დაამძიმა რუსეთ-თურქეთის 1877-1878 წწ. ომთან დაკავშირებით ახალი ბეგარის შემოღებამ და დიდმა მოუსავლიანობამ. გლეხობამ ველარ აიტანა გაჭირვება, შეიარაღდა კეტებით, ხანჯლებით, ცულებით და დაიძრა სიღნაღის მაზრის თავადობისა და მეფის მოხელეების წინააღმდეგ. მაზრის უფროსი გრაფი ტიზენჰაუზენი, ჯარის სარდალი გენერალი ორბელიანი და სხვა მოხელეები იმ დროს ბაკურციხეში თავად ვაჩნაძის სახლში ნადიმობდნენ. 5 ივლისს ამ სახლს ალყა შემოარტყა ხუთი ათასზე მეტმა ამბოხებულმა გლეხმა. მათ დაარბიეს ვაჩნაძის სახლი და შეუბრალებლად სცემეს ტიზენჰაუზენს, ორბელიანსა და მათ თანმხლებ პირებს, ხოლო შემდეგ სოფლებს მოედგნენ და იწყეს მამასახლისების, კულაკების, მეღუქნეების, მეღვინეებისა და ყველა მათი რბევა, ვინც წურბელებივით ასხდნენ გლეხებს კისერზე.

მთავრობამ სამხედრო ძალის გამოყენებით ადვილად მოახერხა უიარაღო გლეხთა მღელვარების ჩაქრობა. ამბოხების აქტიური მონაწილენი (21 კაცი) გაასამართლეს და კატორღაში გაგზავნეს. მათ შორის იყო ორი ქალი — მელანია ხელაშვილი და საბედა გულხადარაშვილი, რომლებიც თავგანწირვით იბრძოდნენ გაჭირვებული ხალხის უფლებების დასაცავად.

მიუხედავად მეფის თვითმპყრობელობის მიერ მიღებული სასტიკი ზომებისა, 80-იანი წლების დასაწყისში გლეხთა უკმაყოფილება და მთავრობის საწინააღმდეგო გამოსვლები მთელ საქართველოს მოედო.

მშრომელი გლეხობის ინტერესთა დამცველად 70-იან წლებში გამოვიდა ქართველი დემოკრატიული ახალგაზრდობის ახალი ჯგუფი, რომელიც „ხალხოსნების“ სახელით არის ცნობილი. ხალხოსნები მეფის მთავრობის დამხობასა და გლეხობისათვის მიწისა და თავისუფლების მოპოვებას ისახავდნენ მიზნად. ისინი „გავიდნენ ხალხში“, რათა გაეჩაღებინათ რევოლუციური აგიტაცია და თვითმპყრობელობის წინააღმდეგ საბრძოლველად აემხედრებინათ გლეხობა.

ხალხოსნებს რევოლუციურად განწყობილ ქართველ ახალ-





გაზრდობაში ბევრი მიმდევარი გამოუჩნდა. მათ შექმნეს მრავალრიცხოვანი ფარული წრეები და ენერგიული არალეგალური მუშაობა გააჩაღეს. 1874—1876 წლების განმავლობაში საიდუმლო ხალხოსნური ორგანიზაციები საქართველოს ბევრ ქალაქსა და სოფელში შეიქმნა. საქართველოში ხალხოსანთა მოძრაობის გამოჩენილი ხელმძღვანელები იყვნენ ეგნატე იოსელიანი, ისიდორე ქიქოძე, მიხეილ ყიფიანი, სტეფანე ჭრჭლაშვილი, სოფრომ მგალობლიშვილი, შიო დავითაშვილი, გოლა ჩიტაძე და სხვები.

ქართველი ხალხოსნების სოციალურ-პოლიტიკური შეხედულებები ძირითადად ისეთივე იყო, როგორც რუსეთის ხალხოსნებისა, მაგრამ ქართველ ხალხოსნებს არ შეეძლოთ გვერდი აეველოთ ქართველი ხალხის ეროვნული ტკივილებისათვის და მათ კიდევაც შეიტანეს თავიანთ პროგრამაში ეროვნული საკითხი.

ქართველი ხალხოსნების რევოლუციურ აგიტაციას, მათ „ხალხში სიარულს“ რაიმე მნიშვნელოვანი პრაქტიკული შედეგი არ მოჰყოლია. ეს იმით აიხსნება, რომ ხალხოსნები ვერ იცნობდნენ გლეხების ცხოვრებას და მათ ვერ მიაგნეს იმ გზას, რომელსაც შეეძლო მშრომელი ხალხისათვის თავისუფლებისა და ბედნიერების მოტანა.

მას შემდეგ, რაც ხალხოსნების ფარული ორგანიზაციები მეფის პოლიციამ გაანადგურა, ხოლო „ხალხში სიარულის“ ტაქტიკას რეალური შედეგი არ მოჰყვა, ქართველი ხალხოსნების უმეტესმა ნაწილმა ხელი აიღო თვითმპყრობელობის წინააღმდეგ რევოლუციურ ბრძოლაზე და ქართველი გლეხობის მდგომარეობის გაუმჯობესებას კულტურულ-საგანმანათლებლო საქმიანობით, ამხანაგობათა დაარსებით და სხვა ამგვარი ლეგალური ღონისძიებებით ცდილობდა.

§ 99. თერგდალეულთა ჯგუფის დაშლა. ახალი დემოკრატიული მიმართულება

მუშათა კლასის გაჩენამდე მეფის კოლონიური პოლიტიკისა და მემამულეების წინააღმდეგ მთავარი მებრძოლი ძალა გლეხობა იყო. მას მხარში ედგა და აქტიურად ეხმარებოდა ქალაქის ღარიბი მოსახლეობა (მუშები, ხელოსნები, წვრილი ვაჭრები), ნაწილობრივ აგრეთვე ბურჟუაზია. გლეხობას, ქალაქის ვაჭარ-ხელოსნებს და ბურჟუაზიას, ე. ი. „მესამე წოდებას“, ერთი დროშის ვარშემო აერთიანებდა დრომოჭმული ბატონყმური წყობილებისადმი სიძულვილი. მაგრამ ბატონყმობის გაუქმების შემდეგ მათ შორის თავი იჩინა ეკონომიკურმა ანტაგონიზმმა, რასაც შედეგად მოჰყვა „მესამე წოდების“ დაშლა. მსხვილი ბურჟუაზია ქალაქისა და სოფლის წვრილი მწარმოებლებს დაუპირისპირდა.

ქონებრივი უთანასწორობის ზრდამ მკვეთრად გათიშა და ერთმანეთს დაუპირისპირა ბურჟუაზიისა და ღარიბი ხალხის ინტერესები ჯერ ეკონომიკურ, ხოლო შემდეგ პოლიტიკურ სფეროშიც. საზოგადოებრივი ცხოვრების ასეთ განვითარებას არ შეეძლო არ გამოეწვია თერგდალეულთა ჯგუფის, როგორც ერთიანი იდეური მიმდინარეობის დაშლა.

1876 წლის გაზაფხულზე თერგდალეულებმა დიდი ზეიმიით იძღესასწაულეს თავიანთი მთავარი ორგანოს გაზეთ „დროების“ არსებობის ათი წლისთავი. იმხანად თერგდალეულთა შორის ჯერ კიდევ ერთსულოვნება სუფევდა, მაგრამ მალე მდგომარეობა შეიცვალა.

ი. ჭავჭავაძე გავიდა „დროების“ რედაქციიდან და 1877 წელს დააარსა ახალი ორგანო — გაზეთი „ივერია“. ცოტა ხნის შემდეგ „დროების“ რედაქცია დატოვეს აგრეთვე ნ. ნიკოლაძემ და ვ. წერეთელმა. ნ. ნიკოლაძემ 1878 წელს დაიწყო რუსული გაზეთის „ობზორის“ გამოცემა. ახალ ორგანოთა შორის გაჩაღდა კამათი მწვავე პოლიტიკურ და ეკონომიკურ საკითხებზე.

ახალი იდეური მიმართულება, რომელიც თერგდალეულთა ჯგუფის დაშლის შემდეგ ქართველი ბურჟუაზიის იდეოლოგებმა შექმნეს, პროგრესულ-დემოკრატიული მიმართულება იყო და თავის არსებობის პირველ პერიოდში შედარებით აქ-

ტიურად იბრძოდა ცარიზმისა და რეაქციული თავადაზნაურობის წინააღმდეგ. ამ მიმართულების ხელმძღვანელები და თვალსაჩინო მოღვაწეები იყვნენ ნ. ნიკოლაძე, გ. წერეთელი, გ. ზდანოვიჩი (მაიშვილი) და სხვები.

პროგრესული ბურჟუაზიული მიმართულების წარმომადგენლები აკრიტიკებდნენ თავიანთი წინანდელი თანამოაზრეების თვალსაზრისს, რომლის თანახმად ქართველი ერის მესვეურობა კულტურულ თავადაზნაურობას უნდა კუთვნებოდა. ისინი ამბობდნენ: თავადაზნაურობამ, როგორც წოდებამ, დიდი ხანია დრო მოჭამა და ახლა იგი ვერ გამოდგება ერის მესვეურადო. „ერის და ქვეყნის გამოშფავანი სიღარიბისა და მონობისაგან, უშეცრებისა და უსწორმასწორობისაგან ყოველთვის და ყველგან მართო... ბურჟუაზია ყოფილა და იქნება“, — წერდა ნ. ნიკოლაძე. ასევე ფიქრობდა გ. წერეთელიც.

ბურჟუაზიულ-დემოკრატიული მიმართულების მიმდევრები საუბრით მართალი იყვნენ, როცა ქართველ თავადაზნაურობას დრომოჭმულ წოდებად თვლიდნენ.

მეორე უფრო მნიშვნელოვან მიმართულებას, რომელიც თერგდალეულთა ერთიანი ჯგუფის დაშლის შემდეგ წარმოიშვა, წარმოადგენდა ი. ჭავჭავაძისა და ა. წერეთლის ირგვლივ შემოკრებილი გვიანდელი თერგდალეულების ჯგუფი, რომელიც ამ დაჯგუფების იდეურ ხელმძღვანელთა აზრით, ქართველი ერის მშრომელი ნაწილის ინტერესებს გამოხატავდა. ამ ჯგუფში შედიოდნენ: ი. ჭავჭავაძე, ა. წერეთელი, ი. გოგებაშვილი, რ. ერისთავი, ს. მესხი და სხვები. ამავე ჯგუფს შეუერთდნენ მშ-იანი წლების დასაწყისში სამოღვაწეო ასპარეზზე გამოსული დიდი ქართველი მწერლები ვაჟა-ფშაველა და ალექსანდრე ყაზბეგი, რომლებმაც თავიანთ უკვდავ მხატვრულ ნაწარმოებებში ჩააქსოვეს სამოციანელების იდეები.

ილია ჭავჭავაძე და მისი თანამოსაგრენი ფიქრობდნენ, რომ ჩვენს ქვეყანაში კლასთა ბრძოლის გამწვავება დაასუსტებდა ქართველ ხალხს, ამას კი, მათი აზრით, ცარიზმი გამოიყენებდა და სრულიად მოსპობდა ქართველ ერს; სწორედ ამიტომ მოითხოვდნენ ისინი ქართველი ხალხის ერთიანობას, რათა მას შეძლებოდა უფრო მედგარი წინააღმდეგობა გაეწია მეფის თვითმპყრობელობის ნაციონალურ-კოლონიური პოლიტიკისათვის.

საქართველოში კაპიტალიზმის განვითარებას შედეგად მოჰყვა საზოგადოების ახალი კლასის, — სამრეწველო პროლეტარიატის გაჩენა.

მუშათა კლასის, ანუ პროლეტარიატის გაჩენა დაკავშირებულია კაპიტალიზმის განვითარების მაღალ სტადიასთან, საფაბრიკო-საქარხნო წარმოებაზე გადასვლასთან.

რეფორმის შემდგომ ხანაში, სამრეწველო კაპიტალიზმის ზრდასთან ერთად განუხრელად იზრდებოდა მრეწველობაში ჩაბმული მუშების რიცხვიც. თუ 61-იან წლებში მთელი აღმოსავლეთ საქართველოს მანუფაქტურულ წარმოებაში 5 ათასი მუშა ითვლებოდა, 90-იან წლების ბოლოს მარტო თბილისში ყველა კატეგორიის მუშათა რიცხვმა 20 ათასს გადაჭარბა. ამათგან 12 ათასი კაცი სამრეწველო პროლეტარიატს მიეკუთვნებოდა.

ახლად ჩამოყალიბებულ პროლეტართა კლასს უაღრესად მძიმე, თითქმის აუტანელ პირობებში უზრდებოდა ცხოვრება და მუშაობა. ხელფასი მეტისმეტად მცირე იყო, სამუშაო დღე კი 14 საათს გრძელდებოდა. მუშებს არ ჰქონდათ რიგიანი ბინები და ნესტიან ქოხმახეებში უზრდებოდათ ცხოვრება. ფაბრიკებსა და ქარხნებში ჭუჭყი და ანტისანიტარია იყო გამეფებული. განსაკუთრებით მძიმე პირობებში შრომობდნენ სამთა-მადნო მრეწველობის მუშები; მუშათა მძიმე საყოფაცხოვრებო და სამუშაო პირობებს კიდევ უფრო აუტანელს ხდიდა კაპიტალისტების განუსაზღვრელი თვითნებობა, უკანონო ჯარიმები და მუშების პირდაპირი მოტყუება. მუშები სრულიად უუფლებონი იყვნენ. ცარიზმის მთელი სახელმწიფო აპარატი კაპიტალისტების მხარეზე იყო.

კაპიტალისტების მხრივ ექსპლუატაცია და უაღრესად მძიმე საყოფაცხოვრებო პირობები იწვევდა მუშათა კლასის უკმაყოფილებასა და პროტესტს. მუშათა მოძრაობის ძირითად ფორმას გაფიცვა წარმოადგენდა.

მუშათა პირველი დიდი გაფიცვა მოხდა 1872 წელს თბილისში, მირზოევის ბაზმის ქსოვილთა დამამზადებელ ფაბრიკაში, სადაც 600-ზე მეტი კაცი მუშაობდა. გაფიცვა მთელ კვირას გრძელდებოდა, მაგრამ იმ დროს მუშებს არ გააჩნდათ თავიანთი ორგანიზაციები, გაფიცვას დარაზმულობა აკლდა და იგი მარცხით დამთავრდა.

გაცილებით უფრო დარაზმულად ჩატარდა თბილისში ზეცერის ავეჯის ფაბრიკის მუშათა გაფიცვა 1878 წელს. მუშათა ენერგიულმა ბრძოლამ თავისი შედეგი გამოიღო: გაფიცულთა თითქმის ყველა მოთხოვნა დააკმაყოფილეს.

80-იანი წლებიდან საქართველოს მუშათა კლასის საგაფიცვო მოძრაობის ავანგარდში რკინიგზელი მუშები ჩადგნენ; მუშათა მოძრაობის განსაკუთრებით მნიშვნელოვანი კერა იყო თბილისის რკინიგზის მთავარი სახელოსნოები, სადაც 3 ათასამდე კაცი მუშაობდა.

1898—1900 წლებში საქართველოს მუშათა მოძრაობის ისტორიაში მნიშვნელოვანი გარდატეხა მოხდა: ვათავდა მუშათა სტიქიური შეუგნებელი მოძრაობის ხანა და დაიწყო მუშათა მოძრაობის ახალი ეტაპი — ცარიზმისა და ბურჟუაზიის წინააღმდეგ მუშათა დარაზმული და შეგნებული პოლიტიკური ბრძოლის ეტაპი. ამ ახალი ეტაპის დასაწყისი იყო რკინიგზის მუშათა გამოსვლა 1898 წელს, რომელსაც მუშათა მარქსისტული, სოციალ-დემოკრატიული ორგანიზაციები ხელმძღვანელობდნენ.

მუშა-რევოლუციონერთა პირველი თაობის წარმომადგენლებს შორის, რომლებმაც უდიდესი შრომა გასწიეს მუშათა მოძრაობის გასაძლიერებლად 70—90-იანი წლების განმავლობაში, განსაკუთრებით უნდა აღინიშნოს მუშები: მიხა ჩოდრიშვილი, იოსებ დავითაშვილი, არაქელა ოქუაშვილი, ზაქრო ჩოდრიშვილი, ვანო სტურუა, მიხა ბოჭორიძე და სხვ.

რევოლუციონერი მუშები საქართველოს ჩაგრული კლასების — მუშებისა და ღარიბი გლეხების შვილები იყვნენ. თითოეულმა მათგანმა ძალიან ადრე, თითქმის ბავშვობიდანვე იგემა დაქირავებული მუშის მწარე ხვედრი. თბილისის, ბათუმის და საქართველოს სხვა ქალაქების ფაბრიკა-ქარხნებში მათ რევოლუციური აღზრდის მკაცრი სკოლა გაიარეს და მუშათა მოძრაობის ორგანიზატორებად იქცნენ. 90-იან წლებში მუშა-რევოლუციონერები გაეცნენ მუშათა კლასის მსოფლმხედველობას — მარქსიზმს და გადაჭრით დადგნენ მის მხარეზე.

§ 100. რევოლუციური მოძრაობა საქართველოში და მუშათა კლასის იდეოლოგიის – მარქსიზმის ბაზრელება

მარქსიზმის გავრცელებამდე საქართველოში რევოლუციურ მუშაობას როგორც თეორიულ, ისე პრაქტიკულ სფეროში, ეწეოდნენ თერგდალეულები და ხალხოსნები, აგრეთვე ნაწილობრივ – 80-იანი წლების ბურჟუაზიულ-პროგრესული და წვრილბურჟუაზიულ-გლეხური მიმართულების დემოკრატები.

საქართველოს მშრომელი მასების ცხოვრების პირობებმა ჯერ კიდევ XIX საუკუნის 60-იანი წლების დასაწყისში წარმოშვეს სოციალისტური იდეოლოგიის მნიშვნელოვანი ელემენტები, რომლებიც მაშინ დამოუკიდებელი მიმდინარეობის სახით კი არ არსებობდნენ, არამედ საერთო დემოკრატიული აზროვნებისაგან განუყოფელი იყვნენ. გაზეთი „დროება“, ჟურნალები „საქართველოს მოამბე“, „მნათობი“ და „კრებული“ სავსეა სხვადასხვა ელფერის სოციალისტური აზრებით, რომლებიც მეტწილად ევროპისა და რუსეთის უტოპისტ-სოციალისტებისაგან იყო ნასესხები.

განსაკუთრებით ფართოდ გააჩაღეს რევოლუციური მუშაობა ხალხოსნებმა. ქართველ ხალხოსნებს რუსი ხალხოსნების მსგავსად, თავი სოციალისტებად მიაჩნდათ, თავიანთ ნაწერებში ისინი პირდაპირ აღნიშნავდნენ, რომ მათი მიზანი სოციალისტური წყობილების დამყარებაა.

ნამდვილად კი თერგდალეულების, ხალხოსნების და სხვა ქართველი სოციალისტების მოძღვრება წვრილბურჟუაზიულ-უტოპიური სოციალიზმის სხვადასხვა ნაირსახეობას წარმოადგენდა.

როგორც თერგდალეულთა, ისე ხალხოსანთა მოძღვრება შეიცავდა ძვირფას კრიტიკულ ელემენტებს, რომელთაც დიდი მნიშვნელობა ჰქონდათ მშრომელი მასების გათვითცნობიერებისათვის.

საქართველოს ეკონომიკური ჩამორჩენილობის გამო წვრილბურჟუაზიულმა თეორიებმა ჩვენში დიდი გამძლეობა გამოიჩინეს და ისინი დიდხანს იყვნენ გაბატონებული საზოგადოებრივ სარბიელზე, მაგრამ 80-იანი წლების ბოლოს და 90-იანი წლების დასაწყისში მდგომარეობა შეიცვალა.

რუსეთში რევოლუციონერებმა უკვე 80-იანი წლების დასაწყისში დაინახეს ხალხოსნური კონცეფციის გაკოტრება, გამიჯნენ მას და აღმართეს მარქსიზმის დროშა. მარქსიზმის პროპაგანდისტმა გ. პლეხანოვმა, რომელიც წინათ ხალხოსანი იყო, გაწყვიტა კავშირი ხალხოსნებთან და 1883 წელს საზღვარგარეთ დააარსა პირველი მარქსისტული ორგანიზაცია „შრომის განთავისუფლების ჯგუფი“.

„შრომის განთავისუფლების ჯგუფის“ დაარსებამ და რუსეთში მარქსიზმის გავრცელებამ დიდი გავლენა მოახდინა საქართველოს საზოგადოებრივი აზრის განვითარებაზე. საქართველოში გაბატონებული წვრილბურჟუაზიული თეორიების მდგომარეობა შეირყა. დაიწყო ახალი გზების ძიება. ქართველმა რევოლუციონერებმა ზურგი შეაქციეს და ბრძოლა გამოუცხადეს როგორც ხალხოსნების, ისე გვიანდელი თერგდალეულების შეხედულებებს. თავიანთ ბრძოლაში ხალხის მომავლისათვის მათ თვალი მიაპყრეს პროლეტარიატის ბელადების — კარლ მარქსისა და ფრიდრიხ ენგელსის მეცნიერული სოციალიზმის მოძღვრებას.

საქართველოს საზოგადოებრივი აზრის განვითარების ეს უაღრესად მნიშვნელოვანი პერიოდი, ე. ი. მისი შემობრუნება წვრილბურჟუაზიული აზროვნებიდან მარქსიზმისაკენ, კარგად აისახა ქართველი რევოლუციონერი მწერლის — ევნატე ნინოშვილის მოღვაწეობასა და შემოქმედებაში.

თავის მოთხოვნებში ე. ნინოშვილმა ასახა ყოველმხრივ დაჩაგრული და შევიწროებული ქართველი გლეხების ცხოვრება. ე. ნინოშვილი არ დასჯერდა მარტო რევოლუციონურ-დემოკრატიული იდეების ქადაგებას. მან გარს შემოიკრიბა იმდროინდელი მოწინავე რევოლუციური ახალგაზრდობა, რომელსაც აღარ აკმაყოფილებდა წინანდელი დემოკრატიული და ხალხოსნური შეხედულებანი და ცდილობდა მარქსიზმის მიერ ნაჩვენები გზით წასულიყო, მაგრამ მწერალ-მებრძოლს აღარ დასცალდა სთავეში ჩასდგომოდა რევოლუციური მოძრაობის ახალ, მარქსისტულ ეტაპს. ე. ნინოშვილი გარდაიცვალა 1894 წლის მაისში.

მარქსიზმის, როგორც მუშათა კლასის იდეოლოგიის, გავრცელება საქართველოში იწყება 90-იანი წლების დამდეგიდან.

მარქსიზმის გავრცელებაში გადამწყვეტი როლი შეასრულეს, ერთი მხრივ, რუსეთიდან გადმოსახლებულმა სოციალ-დემოკრატებმა, ხოლო, მეორე მხრივ, დასავლეთ ევროპაში ნამყოფმა ქართველმა მარქსისტებმა.

რევოლუციური ქართველი ახალგაზრდობის იმ ჯგუფებმა, რომელმაც მწერალ ე. ნინოშვილის გარშემო მოიყარა თავი, პირველი თფიციალური კრება მოაწყო 1892 წლის 25 დეკემბერს (ძველი სტილით) დაბა ზესტაფონში, სადაც მაშინ მსახურობდა ე. ნინოშვილი. კრების მიზანი იყო რევოლუციონერთა მომავალი მოქმედების პროგრამის შემუშავება.

ზესტაფონის კრებას ესწრებოდნენ ე. ნინოშვილი, მ. ცხაგაია, ს. ჯიბლაძე, ნ. ჟორდანიას, კ. ჩხეიძე, ი. რამიშვილი და სხვები. ამ ჯგუფთან კავშირი ჰქონდა აგრეთვე ფ. მახარაძეს, რომელიც მაშინ ქ. ვარშავაში ცხოვრობდა.

1894 წლის მაისში ე. ნინოშვილის დასაფლავებისას წარმოთქმულ სიტყვაში ამ ჯგუფის წარმომადგენლებმა საჯაროდ გამოაცხადეს თავიანთი პროგრამა. იმავე ხანებში გაზეთ „კვალის“ ფურცლებზე დაიწყო მათი საპროგრამო წერილების ბეჭდვა.

ასე შეიქმნა (1893 წლიდან) პირველი მარქსისტული ორგანიზაცია „მესამე დასი“, რომელმაც დასაბამი მისცა სოციალ-დემოკრატიულ მოძრაობას საქართველოში (სახელწოდება „მესამე დასი“ შემოიღო მწერალმა გიორგი წერეთელმა).

რუსეთში მუშათა მასობრივი მოძრაობა 90-იანი წლების შუა ხანებამდე სტიქიურად ვითარდებოდა, თუმცა გ. პლეხანოვის „შრომის განთავისუფლების“ ჯგუფმა დაიწყო მარქსიზმის გავრცელება და დადგა პირველი ნაბიჯი მუშათა მოძრაობასთან დასაახლოებლად, მაგრამ სოციალიზმი და მუშათა მოძრაობა მაინც ჯერ კიდევ ერთმანეთისაგან დამოუკიდებლად არსებობდნენ. მუშათა მოძრაობასთან სოციალიზმის შეერთებისა და მუშათა კლასის რევოლუციური პარტიის შექმნის ამოცანა რუსეთში გადაწყვიტა ვ. ი. ლენინმა. დაიწყო მუშათა რევოლუციური მოძრაობის ახალი ეტაპი.

ლენინის რევოლუციურმა მოღვაწეობამ და მისმა ნაშრომებმა, აგრეთვე მის მიერ შექმნილმა პეტერბურგის „მუშათა კლასის განთავისუფლებისათვის ბრძოლის კავშირმა“



დიდი გავლენა მოახდინა მუშათა მოძრაობაზე მთელი რუსეთის იმპერიაში. იმ დროს მუშათა მოძრაობა ყველგან, მათ შორის ამიერკავკასიაშიც, აღმავლობას განიცდიდა.

90-იანი წლების მეორე ნახევარში საქართველოში მუშათა რევოლუციური მოძრაობის განვითარებამ დღის წესრიგში დააყენა საქართველოსა და ამიერკავკასიის მუშათა მოძრაობის მარქსიზმთან შეერთების ამოცანა. ამ ამოცანის შესრულება მოუხდა მესამე დასის ბირთვის, რომელსაც ეკუთვნოდნენ: ი. სტალინი, ლ. კეცხოველი, ა. წულუკიძე, მ. ცხაკაია და სხვები. „მესამე დასის“ რევოლუციური ბირთვი წარმოადგენდა პროლეტარიატის რევოლუციური პარტიის ჩანასახს საქართველოში.

1898—1900 წლებში „მესამე დასის“ რევოლუციური ბირთვის ხელმძღვანელობით საქართველოს მუშათა კლასი ვიწრო პროპაგანდიდან მასობრივ აგიტაციაზე გადავიდა.

## § 101. ძარბოული კულტურა მი-19 ს. მიორე ნახეპარში

მეცნიერება. კაპიტალისტური ურთიერთობის გამარჯვებამ XIX საუკუნის მეორე ნახევრის საქართველოში ხელსაყრელი პირობები შეუქმნა ეროვნული კულტურის სწრაფ განვითარებას.

ქართული კულტურის საერთო აღმავლობამ მკაფიო გამოხატულება ჰპოვა მეცნიერების განვითარებაში. XIX საუკუნის მეორე ნახევარში განსაკუთრებით ვითარდებოდა საზოგადოებრივი მეცნიერებანი. ქართული აზროვნება საგრძნობლად წახწია წინ და საზოგადოებრივი მეცნიერების მრავალი დარგი ნამდვილ მეცნიერულ ნიადაგზე დააყენა ისეთი გამოჩენილი მწერლებისა და მოაზროვნეების პუბლიცისტურმა ნაშრომებმა, როგორც იყვნენ: ი. ჭავჭავაძე, ნ. ნიკოლაძე, გ. წერეთელი, ა. წერეთელი, ა. ფურცელაძე, ს. მესხი, ი. გოგებაშვილი, რ. ერისთავი, ვაჟა-ფშაველა, ა. ყაზბეგი, გ. ზდანოვიჩი (მაიაშვილი). და სხვები. განსაკუთრებით თვალსაჩინო დონეს მიაღწია საზოგადოებრივ მეცნიერებათა ისეთმა დარგებმა, როგორცაა: ფილოსოფია, ენათმეცნიერება, ლიტერატურათმცოდნეობა, ისტორიოგრაფია და ეთნოგრაფია. საბუნების-

მეტყველო მეცნიერების დარგებიდან საქართველოს შვილებმა განსაკუთრებით გამოიჩინეს თავი ქიმიასა და ფიზიოლოგიაში.

XIX საუკუნის მეორე ნახევარში მნიშვნელოვანი მუშაობა ჩატარდა ქართული ენისა და ლიტერატურის საკითხების მეცნიერული შესწავლისათვის. მას შემდეგ, რაც თერგდალეულებმა, ი. ჭავჭავაძის მეთაურობით, ლიტერატურულ ქართულში საერთო-სახალხო ენა დაამკვიდრეს, საენათმეცნიერო საკითხებისადმი ინტერესი გაძლიერდა. ქართული ენისა და ლიტერატურის პრობლემათა დამუშავებას თვალსაჩინო ნაშრომები უძღვნეს ცნობილმა მეცნიერებმა დ. ჩუბინაშვილმა, ალ. ცაგარელმა, ნ. მარმა და ალ. სახანაშვილმა. ქართული ენის საკითხების დასამუშავებლად სერიოზული შრომა გასწიეს აგრეთვე დ. ყიფიანმა, თ. ჟორდანიამ, მ. ჯანაშვილმა, ი. გოგებაშვილმა, ს. ხუნდაძემ, პ. ჭარაიამ და სხვა მეცნიერმომღვაწეებმა.

იმის გამო, რომ საქართველოში არ არსებობდა უნივერსიტეტი და სამეცნიერო ინსტიტუტები, ქართველი მეცნიერებაიძულებული იყვნენ სწავლის დასრულების შემდეგ რუსეთის ქალაქებში დარჩენილიყვნენ და იქაურ უმაღლეს სასწავლებლებში ემუშავათ. პეტერბურგის უნივერსიტეტში ნაყოფიერად მოღვაწეობდა პროფესორი დ. ჩუბინაშვილი, რომელიც 1854 წლიდან განაგებდა პეტერბურგის უნივერსიტეტის ქართული ენისა და ლიტერატურის კათედრას. დ. ჩუბინაშვილის მრავალრიცხოვან ნაშრომთაგან განსაკუთრებით დიდი მნიშვნელობა აქვს მის მიერ შედგენილ საუცხოო ქართულ-რუსულ, ქართულ-რუსულ-ფრანგულსა და რუსულ-ქართულ ლექსიკონებს. მოსკოვის უნივერსიტეტში ასეთსავე ნაყოფიერ მუშაობას ეწეოდა პროფესორი ა. სახანაშვილი, რომელმაც ოთხტომიანი საყოველთაოდ ცნობილი ნაშრომი მიუძღვნა ქართული ლიტერატურის ისტორიას.

განსაკუთრებით მნიშვნელოვანი და მრავალმხრივი იყო პროფესორ ა. ცაგარელის (1844—1929) მოღვაწეობა ჯერ პეტერბურგის უნივერსიტეტში, ხოლო შემდეგ თბილისში. ქართლელი ღარიბი მღვდლის შვილმა ა. ცაგარელმა 1865 წელს დაამთავრა თბილისის სასულიერო სემინარია, შემდეგ გიმნაზიის სრული კურსი და 1867 წელს სწავლის გასაგრძელებ-

ლად გაემგზავრა პეტერბურგში. სწავლობდა პეტერბურგის უნივერსიტეტის ფილოლოგიურ ფაკულტეტზე. ცოდნის გასაღრმავებლად წავიდა ევროპაში. ისმენდა ლექციებს მიუნხენსა და ვენაში. დ. ჩუბინაშვილის შემდეგ (1871 წ.) ა. ცაგარელი მიიწვიეს პეტერბურგის უნივერსიტეტის ქართული ენისა და ლიტერატურის კათედრის ხელმძღვანელად.

ა. ცაგარელი თერგდალეულთა თაობის უშუალო გავლენას განიცდიდა. ის იყო გამოჩენილი ენათმეცნიერი, რომელიც დაუღალავად მუშაობდა ქართული ენის, ქართული ლიტერატურისა და საქართველოს ისტორიის შესწავლაზე. ა. ცაგარელის საენათმეცნიერო ნაშრომებიდან განსაკუთრებით მნიშვნელოვანია გამოკვლევა „მეგრული ეტიუდები“, რომლისთვისაც მას მეცნიერებათა დოქტორის ხარისხი მიანიჭეს. ქართული ლიტერატურის ისტორიისათვის დიდი მნიშვნელობა ჰქონდა ა. ცაგარელის სამტომიან ნაშრომს „ცნობები ქართული მწერლობის ძეგლების შესახებ“, ხოლო ქართულ ისტორიოგრაფიას ფასდაუდებელი სამსახური გაუწია მის მიერ გამოცემულმა დოკუმენტებმა, რომლებიც ასახავენ რუსეთ-საქართველოს ურთიერთობას XVIII საუკუნეში.

საქართველოს ისტორიისა და ეთნოგრაფიის დარგში უაღრესად ნაყოფიერ მუშაობას ეწეოდნენ ისტორიკოსები და ეთნოგრაფები: დ. ბაქრაძე, ს. ბარათაშვილი, მ. ჯანაშვილი, თ. ჟორდანი, ა. ყიფშიძე (ფრონელი), ნ. ხიზანიშვილი (ურბნელი), რ. ერისთავი, ე. თაყაიშვილი, თ. სახოკია, ს. ზვანბა და სხვები.

საქართველოს ისტორიის საკითხების მეცნიერულ დამუშავებაში განსაკუთრებით მნიშვნელოვანი ღვაწლი მიუძღვის დ. ბაქრაძეს (1827—1890).

დ. ბაქრაძემ უმაღლესი სასულიერო განათლება მიიღო მოსკოვში. სამშობლოში დაბრუნების შემდეგ მან უარი თქვა სასულიერო მოღვაწეობაზე და მთელი სიცოცხლე საქართველოს ისტორიის შესწავლას შესწირა. მის გამოკვლევათაგან განსაკუთრებით მნიშვნელოვანია: „კავკასია ქრისტიანობის ძველ ძეგლებში“, „ქართული პალეოგრაფია“ და „არქეოლოგიური მოგზაურობა გურიასა და აჭარაში“, „ისტორია სა-

ქართველსი უძველესი დროიდან X საუკუნემდე“ და სხვ. მეცნიერულ მუშაობასთან ერთად დ. ბაქრაძე დიდ საზოგადოებრივ მუშაობასაც ეწეოდა. მისი თათსნობით დაარსდა საეკლესიო მუზეუმი ქართული ისტორიული ძეგლების, უძვირფასესი ხელნაწერების დასაცავად. მისი უახლოესი მონაწილეობით ჩამოყალიბდა აგრეთვე „კავკასიის არქეოლოგიის მოყვარულთა საზოგადოება“, რომელმაც რუსეთის მეცნიერებათა აკადემიის წინაშე დასვა საკითხი არქეოლოგთა V ყრილობის საქართველოში მოწვევის შესახებ. ეს ყრილობა ჩატარდა თბილისში 1881 წელს. მან ხელი შეუწყო საქართველოს ისტორიისა და არქეოლოგიის გაღრმავებულ შესწავლას. ყრილობის მუშაობაში აქტიურად მონაწილეობდა დ. ბაქრაძე. მეცნიერებაში დიდი დამსახურებისათვის ის აირჩიეს რუსეთის მეცნიერებათა აკადემიის წევრ-კორესპონდენტად.

საქართველოს ისტორიის მეცნიერული შესწავლისათვის დაუღალავად იღწეოდა აგრეთვე პროფესორი მ. ჯანაშვილი. მან განსაკუთრებით დიდი შრომა გასწია ძველი ქართული მწერლობის ძეგლთა გამოცემაზე. 1884 წელს მ. ჯანაშვილმა გამოსცა საქართველოს ისტორიის სახელმძღვანელო.

საბუნებისმეტყველო მეცნიერების განვითარებისათვის XIX საუკუნის საქართველოში პირობები არ არსებობდა, რის გამოც ამ დარგის ქართველ მეცნიერებს სამშობლოს გარეთ უხდებოდათ მოღვაწეობა. რუსეთის უმაღლეს სასწავლებლებში მუშაობდნენ და გამოიჩინილ მეცნიერთა სახელი მოიხვეჭეს ფიზიოლოგმა ივანე თარხნიშვილმა და ქიმიკოსებმა ვასილ პეტრიაშვილმა და პეტრე მელიქიშვილმა.

განათლება. 60-იანი წლების რეფორმათა ხანაში მეფის მთავრობა, რომელსაც უკვე აღარ შეეძლო ანგარიში არ გაეწია რუსეთში კაპიტალიზმის განვითარების შემდეგ მომხდარი სამეურნეო და კულტურული აღმავლობისათვის, იძულებული გახდა გამერავლებინა საშუალო სკოლების (გიმნაზიების, რეალური და სასულიერო სასწავლებლების) რიცხვი, რომლებსაც „სახალხო სკოლები“ უწოდეს. ამ სკოლათა შენახვა მთლიანად ხალხს დაეკისრა, სწავლა კი მთავრობის მიერ დამტკიცებული პროგრამითა და პოლიციური აპარატის ზედამხედველობით წარმოებდა.

ქართველმა გლეხობამ სცადა ფართოდ გამოეყენებინა

სწავლის უფლება და ენერგიულად შეუდგა სკოლების გახსნას. 60-70-იან წლებში სახალხო დაწყებითი სკოლების რიცხვი საქართველოში საგრძნობლად გაიზარდა: თითქმის ყველა სასოფლო საზოგადოება ცდილობდა სკოლის გახსნას. გლეხები საკუთარი სახსრებით აშენებდნენ სკოლის შენობებს, იძენდნენ სასკოლო ინვენტარს და იხდიდნენ მასწავლებელთა ხელფასს, მაგრამ სახალხო სკოლებისადმი გლეხობის ინტერესი სულ მალე განელდა.

რეაქციის გაძლიერებასთან ერთად მთავრობა სულ უფრო და უფრო ავიწროებდა სკოლებს: სკოლის ხელმძღვანელობა მთლიანად პოლიციას დააკისრეს. მასწავლებლებად ნიშნავდნენ შეუფერებელ პირებს, რომელთაგან ბევრმა სრულიად არ იცოდა ქართული ენა; სწავლისა და აღზრდის ერთადერთი მეთოდი მოსწავლეთა განუკითხავი ცემა-ტყეპა იყო. ყოველივე ამას ისიც დაემატა, რომ 80-იან წლებში სახალხო სკოლებიდანაც სავსებით განდევნეს დედაენა. გლეხობამ დაინახა, რომ სკოლას მისთვის არავითარი სარგებლობა არ მოაქვს და ხარჯი კი დიდი სჭირდება, ამიტომ გლეხობამ შეიძულა სახალხო სკოლები. 80-იან წლებში ზოგიერთი სოფლის გლეხებმა ძალით დაანგრიეს მათ მიერვე აგებული სკოლის შენობები და ცეცხლს მისცეს სასკოლო ინვენტარი. ეს იყო ბუნებრივი შედეგი მეფის მთავრობის ანტიხალხური საგანმანათლებლო პოლიტიკისა.

მაგრამ, მიუხედავად იმისა, რომ მეფის თვითმპყრობელობა ხელს უშლიდა და აფერხებდა ქართველ ხალხში სწავლავანათლების გავრცელებას, XIX საუკუნის მეორე ნახევარში სახალხო განათლების საქმე მაინც საგრძნობლად გაუმჯობესდა. 90-იანი წლების ბოლოს წერა-კითხვის მცოდნეობის მხრივ საქართველოს ერთ-ერთი პირველი ადგილი ეჭირა რუსეთის იმპერიაში. საქართველოში განათლების შედარებით სწრაფი წინსვლა აიხსნებოდა, ერთი მხრივ, ქართველი ხალხის დიდი კულტურული ტრადიციებით, რომლებიც XIX საუკუნის მეორე ნახევარში არაჩვეულებრივი სისწრაფით გამოცნობდნენ და გაძლიერდნენ, ხოლო, მეორე მხრივ, თერგდალეულთა ენერგიული საგანმანათლებლო მოღვაწეობით, კერძოდ კი მათ მიერ შექმნილი „წერა-კითხვის გამავრცელებელი საზოგადოების“ აქტიური მუშაობით.

XIX საუკუნის მეორე ნახევარში ქართველმა ხალხმა წარმოშვა გამოჩენილ პედაგოგთა მთელი თაობა, რომელიც თავდადებით მუშაობდა ქართველი ახალგაზრდობის პატრიოტული სულისკვთებით აღსაზრდელად. განსაკუთრებით მნიშვნელოვანი ღვაწლი სახალხო განათლების დარგში მიუძღვის დიდ ქართველ პედაგოგს იაკობ გოგებაშვილს, რომლის სახელმძღვანელოები „დედაენა“ და „ბუნების კარი“ ქართველი მოსწავლეების უსაყვარლესი წიგნები გახდა. ი. გოგებაშვილთან ერთად სახალხო განათლების დარგში უაღრესად ნაყოფიერ მუშაობას ეწეოდნენ გამოჩენილი ქართველი პედაგოგები: ნ. ცხვედაძე, ი. წინამძღვრიშვილი, ზ. გულისაშვილი, ა. ჯუღელი, ლ. ბოცვაძე, ნ. ჯანაშია ა. ჭიჭინაძე, ივ. როსტომაშვილი და მრავალი სხვა.

ქართველი ინტელიგენციის მოწინავე ნაწილმა დიდი შრომა გასწია იმისათვის, რომ მეცნარამეტე საუკუნის მეორე ნახევარში თბილისში უნივერსიტეტი გახსნილიყო, მაგრამ მათი ყოველი ცდა ამით აღმოჩნდა. მიუხედავად იმისა, რომ უნივერსიტეტის არსებობისათვის პირობები ყოველმხრივ მომზადებული იყო, მეფის მთავრობამ გადაჭრით უარი თქვა საქართველოში უნივერსიტეტის გახსნაზე. მეფის თვითმპყრობელობის კოლონიური პოლიტიკა მიზნად ისახავდა სიბნელესა და უმეცრებაში ჰყოლოდა რუსეთის დაჩაგრული ხალხები და მათ შორის ქართველი ხალხი.

**ქართული პრესა.** ქართული კულტურის აღმავლობის ერთ-ერთი საუკეთესო მაჩვენებელი იყო XIX საუკუნის მეორე ნახევრის საქართველოში პრესის სწრაფი განვითარება. მეფის მთავრობა ყოველნაირად ავიწროებდა ქართულ ჟურნალ-გაზეთებს; ცენზურა უფლებას არ აძლევდა მათ დაებეჭდათ თუნდაც მცირედი სიმართლე ხალხის ჭირ-ვარამზე; ხშირი იყო გაზეთების დახურვა და „ურჩი“ რედაქტორების პასუხისგებაში მიცემა. მაგრამ, მიუხედავად ამისა, ინტელიგენციის დაუღალავი მეცადინეობის მეოხებით, განუხრელად იზრდებოდა ქართული ჟურნალ-გაზეთებისა და წიგნების რიცხვი და ტირაჟი. ქართულ პრესაში ამ დროს მთავარი ადგილი ეჭირა დემოკრატიულ გაზეთებსა და ჟურნალებს, რომლებიც ხალხის ინტერესებისათვის ზრუნვას ისახავდნენ მიზნად.

რეფორმის წინა ხანაში ერთადერთი ქართული ორგანო იყო

ლიბერალური თავადაზნაურობის ჟურნალი „ცისკარი“, რომელიც 1852 წელს დააარსა მწერალმა გიორგი ერისთავმა. 1853 წელს „ცისკარის“ გამოცემა შეწყდა, მაგრამ 1858 წელს მისი განახლება მოახერხა ივანე კერესელიძემ, რომლის რედაქტორობით ეს ჟურნალი 1875 წლამდე გამოდიოდა.

1863 წლის განმავლობაში ი. ჭავჭავაძის რედაქტორობით გამოდიოდა ახალი თაობის მებრძოლი ჟურნალი „საქართველოს მოამბე“. ამ ჟურნალით იწყება ქართული დემოკრატიული პრესის ისტორია. „საქართველოს მოამბეში“, ლერმონტოვის, პიუგოს და სხვა გამოჩენილ ავტორთა საუკეთესო ნაწარმოებთა თარგმანებთან ერთად, იბეჭდებოდა ქართველი მწერლების შესანიშნავი მხატვრული და პუბლიცისტური თხზულებანი. სწორედ აქ დაიბეჭდა პირველად ი. ჭავჭავაძის უკვდავი მოთხრობა „კაცია ადამიანი?!", აგრეთვე ნაწილობრივ, პოემები „ანრდილი“ და „კაკო ყაჩაღი“ და მოთხრობა „გლახის ნამბობი“. აქვე დაიბეჭდა ი. ჭავჭავაძის თანამებრძოლთა დემოკრატიული სულისკვეთებით გაჟღერებული მრავალი ნაწარმოები.

„საქართველოს მოამბეში“ სარკესავით აისახა რეფორმის წინანდელი საქართველოს მშრომელი მასების სულისკვეთება.

მას შემდეგ, რაც უაღრესად მძიმე ცენზურული პირობების გამო „საქართველოს მოამბე“ დაიხურა, თერგდალეულებმა დაიწყეს ზრუნვა საკუთარი გაზეთის გამოცემაზე. 1866 წელს მათ მოახერხეს დაეარსებინათ გაზეთი „დროება“, რომელიც 1885 წლამდე გამოდიოდა. თავდაპირველად „დროებას“ კვირაში ერთხელ უშვებდნენ, 1874 წლიდან — კვირაში სამჯერ, 1877 წლიდან კი ყოველდღიურად. „დროება“ თერგდალეულთა მთავარი ორგანო იყო და თითქმის ოცი წლის განმავლობაში წარმოადგენდა მოწინავე ქართული აზრის შესანიშნავ ტრიბუნას. გაზეთში იბეჭდებოდა გამოჩენილი ქართველი მწერლებისა და მოაზროვნეების მხატვრული და პუბლიცისტური ნაწარმოებები, რომლებშიც გაბედულად იყო წამოყენებული მწვავე სოციალური და ეროვნული პრობლემები.

1871—1873 წლებში „დროებას“ თან ერთვოდა სალიტერატურო ჟურნალი „კრებული“, რომელმაც აგრეთვე უაღრესად დიდი როლი შეასრულა თერგდალეულთა იდეების გავრცელების საქმეში. „კრებული“ მთლიანად „დროების“ იდეურ პო-

ზიციებზე იდგა. დაახლოებით იმავე დროს (1869—1872 წწ.) გამოდიოდა ჟურნალი „მნათობი“, რომელიც ძირითადად თერგდალეულთა შეხედულებებს იზიარებდა, მაგრამ ამასთანავე ხშირად ხალხოსნურ იდეებსაც ქადაგებდა. 1868—1880 წლებში თერგდალეულები უშვებდნენ აგრეთვე „სასოფლო გაზეთს“, რომლებშიც იბეჭდებოდა პოპულარული წერილები, უმთავრესად სოფლის მეურნეობის საკითხებზე.

1885 წელს მთავრობის საწინააღმდეგო მიმართულების გამო თვითმპყრობელობამ დახურა გაზეთი „დროება“. ამის შემდეგ მოწინავე ქართველმა მოღვაწეებმა თავი მოიყარეს ი. ჭავჭავაძის გაზეთ „ივერიის“ გარშემო. გაზეთი „ივერია“ დაარსდა ჯერ კიდევ 1877 წელს. როდესაც თერგდალეულთა ბანაკში განხეთქილება მოხდა და ი. ჭავჭავაძე გავიდა „დროების“ რედაქციიდან. მაგრამ შემდეგ, როცა „დროებას“ ჩამოშორდნენ ბურჟუაზიულ-პროგრესული მიმართულების მეთაურები ნ. ნიკოლაძე და გ. წერეთელი, ი. ჭავჭავაძე და მისი უახლოესი თანამოაზრენი კვლავ დაუბრუნდნენ „დროების“ რედაქციას, გაზეთი „ივერია“ კი ჟურნალად გადააკეთეს. „დროების“ დახურვის შემდეგ ი. ჭავჭავაძე იძულებული გახდა „ივერია“ კვლავ გაზეთად გადაეკეთებინა და მრავალი წლის განმავლობაში ის იყო ერთადერთი ყოველდღიური ქართული გაზეთი. ამ გაზეთის ირგვლივ იყვნენ შემოკრებილნი და მასში თანამშრომლობდნენ არა მარტო მაშინდელი დემოკრატი მოღვაწეები, არამედ თავადაზნაურული ლიბერალებიც. გაზეთმა „ივერია“ უაღრესად დიდი როლი ითამაშა 80—90-იანი წლების პერიოდში ცარიზმის რეაქციის წინააღმდეგ ბრძოლისა და ქართველი ხალხის ეროვნული ინტერესების დაცვის საქმეში.

90-იან წლებში ქართულ პრესას შეემატა გაზეთი „კვალი“ (დაარსდა 1893 წ.) და ჟურნალი „მოამბე“ (დაარსდა 1894 წ.). ორივე ეს ორგანო ბურჟუაზიული მიმართულებისა იყო. გაზეთი „კვალი“ მრავლად აქვეყნებდა აგრეთვე რევოლუციურად განწყობილი ქართველი ახალგაზრდობის წერილებს, რომლებშიც ავტორები კლასთა ბრძოლის იდეის პროპაგანდას ეწეოდნენ. შემდეგ „კვალი“ პირველი ქართული მარქსისტული ორგანიზაციის „მესამე დასის“ უმრავლესობის ორგანოდ იქცა. ქართულ გაზეთებთან ერთად XIX საუკუნის მეორე ნახე-



ვარში გამოდიოდა აგრეთვე სხვადასხვა მიმართულების რუსული და სომხური გაზეთები, მთავრობის ოფიციალური ორგანო იყო გაზეთი „კავკაზი“, რომელიც 1846 წლიდან არსებობდა. ამ გაზეთში, მთავრობის მოხელეებსა და რეაქციონერ მოღვაწეებთან ერთად, ქართველი ლიბერალებიც მონაწილეობდნენ. 1873 წელს იწყო გამოსვლა ბურჟუაზიულ-პროგრესული მიმართულების გაზეთმა „ტიფლისკი ვესტნიკმა“, რომელიც კ. ბებუთოვმა დააარსა და 1880 წლამდე გამოდიოდა, 1884 წელს დაარსდა იმავე მიმართულების გაზეთი „ნოვოე თბოზრენიე“, რომელიც ადგილობრივი ბურჟუაზიის ინტერესებს იცავდა. 1872 წელს შეიქმნა სომხური ბურჟუაზიულ-ლიბერალური მიმართულების გაზეთი „მშაკი“ (მუშაკი), რომელსაც გ. არწრუნი რედაქტორობდა.

პერიოდული პრესის ზრდასთან ერთად სწრაფად იზრდებოდა აგრეთვე ქართული წიგნის გამოცემა. თუ XIX საუკუნის პირველ ნახევარში რამდენიმე წლის განმავლობაში საშუალოდ თითო წიგნი გამოდიოდა, საუკუნის მეორე ნახევარში ეს საშუალო რიცხვი წელიწადში რამდენსამე ათეულ წიგნს აღწევდა. მაგალითად, 1868 წელს დაიბეჭდა 11 სახელწოდების ქართული წიგნი, 1878 წელს — 45, 1893 წელს — 93, ხოლო 1899 წელს — 112. განსაკუთრებული ყურადღება ექცეოდა ქართული ანბანისა და სხვა სახელმძღვანელოების გამოცემას. მარტო 1868—1892 წლების განმავლობაში დაიბეჭდა 100 ქართული სახელმძღვანელო.

რეფორმის მომდევნო ხანაში საგრძნობლად გაფართოვდა ქართული წიგნის მკითხველთა წრე. გაჩნდა ახალი, ხალხის დაბალი ფენებიდან გამოსული მკითხველი. საუკუნეობრივი ფეოდალური უძრობისა და ძილისაგან გამოფხიზლებული ხალხი ხარბად დაეწაფა წიგნს, ცოდნას. ამით აიხსნება, რომ რეფორმის შემდგომ ხანაში უადრესად გაძლიერდა მოთხოვნილება არა მარტო სასკოლო სახელმძღვანელოებზე, არამედ მხატვრულ ლიტერატურაზედაც. უკვე დიდი ტირაჟით იბეჭდებოდა ქართველი მწერლების ნ. ბარათაშვილის, გრ. ორბელიანის, ი. ჭავჭავაძის, ა. წერეთლის და სხვათა ნაწერები, აგრეთვე რუსეთისა და უცხოეთის მწერლების თხზულებათა თარგმანები. განსაკუთრებით გაძლიერდა ინტერესი შ. რუსთაველის უკვდავი პოემის „ვეფხისტყაოსნისადმი“, რომელიც რამდენიმე-

ჯერ დაიბეჭდა. მოწინავე ქართველი ინტელიგენცია ზრუნავდა იმისათვის, რომ „ვეფხისტყაოსანი“ იაფად გამოეცა და ხალხისათვის ხელმისაწვდომი გაეხადა. თუ რამდენად გაიზარდა ხალხში წიგნისადმი სიყვარული, ამას მოწმობს ხალხური „არსენას ლექსის“ არაჩვეულებრივი წარმატება. ამ პატარა წიგნაკს ხალხი ბაზარზე გამოსვლისთანავე იტაცებდა. 1872 წლიდან 1892 წლამდე „არსენას ლექსი“ ოცდახუთჯერ გამოიცა.

ქართული ლიტერატურა. ქართული ლიტერატურის წინსვლას განსაკუთრებით თვალსაჩინოდ ასახავდა მხატვრული ლიტერატურის განვითარება. XIX საუკუნის მეორე ნახევარში ქართული ლიტერატურის გამოჩენილმა კლასიკოსებმა ი. ჭავჭავაძემ, ა. წერეთელმა, ვაჟა-ფშაველამ, ა. ყაზბეგმა და სხვებმა შექმნეს ბრწყინვალე პოეტური და პროზაული ნაწარმოებები, რომლებშიც არაჩვეულებრივი სიძლიერით გამოვლინდა ქართველი ხალხის შემოქმედებითი გენია.

ქართული ლიტერატურის წარმატებას ხელი შეუწყო მისმა მჭიდრო კავშირმა ერთვრულ-განმათავისუფლებელ მოძრაობასთან. მოწინავე ქართველი მწერლები იმავე დროს იყვნენ მოწინავე მთაზროვნეები და საზოგადოებრივი მოღვაწენი, რომლებიც თავდადებით იბრძოდნენ სოციალური და ეროვნული ჩაგვრისაგან ქართველი ხალხის განთავისუფლებისათვის.

პირველი მნიშვნელოვანი ნაბიჯი ქართულ ლიტერატურაში რეალიზმის დამკვიდრებისათვის გადადგა დრამატურგმა გიორგი ერისთავმა (1811-1864), რომლის შემოქმედება 40-50-იან წლებში გაიფურჩქნა. მაგრამ მხატვრულ შემოქმედებაში რეალიზმის მეთოდის მომარჯვებამ მას საშუალება მისცა დიდი სიმართლით დაეხატა რეფორმის წინა ხანის საქართველოს ცხოვრების უმნიშვნელოვანესი მოვლენები. გ. ერისთავმა დაწერა შესანიშნავი კომედიები: „დავა“, „გაყრა“, „ძუნწი“, „წარსული დროების სურათები“ და სხვ., რომლებშიც ნიჭიერად არის ასახული, ერთი მხრივ, ფეოდალური წყობილების რღვევა და ქართველი თავადაზნაურობის გადაგვარება, სოლო, მეორე მხრივ, კაპიტალისტური ურთიერთობის განვითარება და საჯგვრო ბურჟუაზიის ზრდა.

გ. ერისთავის რეალისტური ხაზი დრამატურგიაში განაგრ-

ძეს ზურაბ ანტონოვი (1820—1854) და ავქსენტი ცაგარელმა (1857—1902). ზ. ანტონოვი დასწერა კომედიები: „მზის დაბნელება საქართველოში“. „განა ბიძიამ ცოლი შეირთო?“, „მე მინდა კნენა გავხდე“ და სხვ. ეს კომედიები, განსაკუთრებით კი „მზის დაბნელება საქართველოში“, წარმატებით იდგმებოდა ქართული თეატრის სცენაზე. ნიჭიერი დრამატურგის ა. ცაგარელის პიესებიდან განსაკუთრებული მოწონებით სარგებლობდა კომედიები: „რაც გინახავს, ვეღარ ნახავ“, „ხანუმა“, „ციმბირელი“ და სხვ.

ქართული რეალისტური ლიტერატურის განვითარებისათვის დიდი მნიშვნელობა ჰქონდა აგრეთვე ლავრენტი არდაზიანის (1815—1870) რომანს „სოლომონ ისაკიძე მეფედანუაშვილი“, რომელშიც დახატულია რეფორმის წინა ხანის საქართველოში ბურჟუაზიული ურთიერთობის განვითარების ტიპური სურათი.

განსაკუთრებით მკაფიო გამოხატულება ჰპოვა, 50-იანი წლების ბოლოს, კრიტიკულმა რეალიზმმა დანიელ ჭონქაძის (1830—1860) შემოქმედებაში. მისი შესანიშნავი მოთხრობა „სურამის ციხე“ არის ქართული ლიტერატურის პირველი დიდი პროზაული ნაწარმოები, რომელშიც აისახა ბატონყმური უფლისაგან გაწამებული გლეხობის დუხჭირი ცხოვრება და სულისკვთება.

60-იანი წლებიდან იწყება ქართული რეალისტური ლიტერატურის ნამდვილი აყვავების ხანა. იმ დროს დაიწყეს თავიანთი შესანიშნავი მხატვრული ნაწარმოებების გამოქვეყნება ქართული ლიტერატურის კორიფეებმა ილია ჭავჭავაძემ და აკაკი წერეთელმა. ილიას უკვდავი ლექსები, პოემები და მოთხრობები — „ყვარლის მთებს“, „გუთნის დედა“, „ნანა“, „მესმის, მესმის“, „კომუნის დაცემის დღე“, „აჩრდილი“, „კაკო ყაჩაღი“, „განდევილი“, „კაცია ადამიანი?“, „გლახის ნამბობი“. „ოთარაანთ ქვრივი“ და მრავალი სხვა; აკაკის ბრწყინვალე პოეტური და პროზაული ნაწარმოებები — „სალამური“, „მუშური“, „გლეხის აღსარება“, „ციცინათელა“, „განთიადი“, „ადმართ-აღმართ“, „გაზაფხული“, „ხანჯალს“, „თორნიკე ერისთავი“, „პატარა კახი“, „ნათელა“, „ბაში-აჩუკი“ და სხვ. უდიდესი სიღრმით და სიძლიერით აშუქებენ საქართველოს მაშინდელი ცხოვრების უმნიშვნელოვანეს მოვლენებს, გა-

მონატავენ ქართველი ხალხის სულიკვეთებას, მის აზრებს, ფიქრებსა და მისწრაფებებს. ილა ჭავჭავაძე და აკაკი წერეთელი ახალი ქართული ენისა და ლიტერატურის ფუძემდებლები არიან. ქართველი ხალხის ეს საამაყო მწერლები მრავალი ათეული წლის განმავლობაში მეთაურობდნენ ქართული ლიტერატურისა და საზოგადოებრივი აზრის წინსვლას.

XIX საუკუნის მთელი მეორე ნახევრის განმავლობაში, ილიასა და აკაკისთან ერთად, უაღრესად ნაყოფიერ შემოქმედებით მუშაობას ეწეოდნენ გამოჩენილი ქართველი მწერლები — პროზაიკოსი გიორგი წერეთელი და პოეტი რაფიელ ერისთავი (1824—1901).

გ. წერეთელი, ფართო საზოგადოებრივ მოღვაწეობასთან ერთად დაუღალავად მუშაობდა მხატვრული პროზის დარგში. მან დაწერა რომანები „პირველი ნაბიჯი“ და „გულქანი“, მოთხრობები „რუსი მგელი“, „მამიდა ასმათი“, „ჩვენი ცხოვრების ყვავილი“. „განწირულნი“ და სხვ. ამ ნაწარმოებებში, განსაკუთრებით კი რომანში „პირველი ნაბიჯი“, დიდი სიმართლითა და მხატვრული ძალით არის ასახული საქართველოში ფეოდალური წყობილების რღვევისა და კაპიტალიზმის განვითარების პროცესი.

რ. ერისთავის პოეზიის მთავარი თემა ქართველი გლეხის ცხოვრება იყო. პოეტი ჯერ კიდევ საგლეხო რეფორმამდე ბევრად ადრე გამოექსომაგა ჩაგრულ გლეხობას. შემდეგ მან გამოაქვეყნა მრავალი შესანიშნავი, დიდი გულწრფელობით დაწერილი ლექსი, რომლებშიც დარიბი გლეხობის ფიქრები და გრძნობებია გამოხატული. რ. ერისთავის პოეზია შეეხო ქართველი ხალხის ერთგული ჩაგრვის პრობლემასაც. მისი მშვენიერი პატრიოტული ლექსი „სამშობლო ხევსურისა“ მთელმა ქართველმა ხალხმა შეიყვარა.

60—70-იან წლებში განაგრძობდა ნაყოფიერ შემოქმედებით მუშაობას გამოჩენილი ქართველი პოეტი გრიგოლ ორბელიანიც. იმ ხანაში მისმა პოეზიამ განიცადა ახალი თაობის აზროვნების გავლენა.

80—90-იან წლებში ქართული ლიტერატურა ბრწყინვალე მხატვრული ნაწარმოებებით გაამდიდრეს დიდმა ქართველმა მწერლებმა ვაჟა-ფშაველამ და ალექსანდრე ყაზბეგმა. მხატ-

ვრული სიტყვის ამ გამოჩენილმა ოსტატებმა თავიანთ უკვე დაუპოვეთ და პროზაულ ნაწარმოებებში არანვეულებრივი ძლიერებით ასახეს ქართველი ხალხის სოციალური და ეროვნული წაგვრისაგან გამოწვეული ტკივილები. ვაჟა-ფშაველასა და ა. ყაზბეგის ნაწარმოებთა გმირების მოქმედება მთიან კუთხეებში მიმდინარეობს, მაგრამ მათი ფიქრი და სწრაფვა მთელი ქართველი ხალხის სულისკვეთებას გამოხატავს. ვაჟა-ფშაველას მრავალრიცხოვანი ლექსები და მოთხრობები განსაკუთრებით კი მთავრად უკვდავი პოემები „გოგოთურ და აფშინა“, „ალუდა ქეთელაური“, „ბახტრიონი“, „სტუმარ-მასპინძელი“, „გველის მჭამელი“ და სხვები, ქართული ლიტერატურის ფასდაუდებელი განძია. ქართული პროზის განვითარებისათვის უაღრესად დიდი მნიშვნელობა ჰქონდა ა. ყაზბეგის ისეთ შესანიშნავ მოთხრობებსა და რომანებს, როგორებიცაა „ელგუჯა“, „ელისო“, „მამის მკვლეელი“, „ხევისბერი გოჩა“, „მოძღვარი“ და სხვები.

70-80-იან წლებში ქართულ ლიტერატურაში თვალსაჩინო ადგილი დაიჭირეს ხალხოსნური მიმართულების მწერლებმა: ეკატერინე გაბაშვილმა (1851-1938), ანტონ ფურცელაძემ (1839-1913), ნიკო ლომოურმა (1852-1915), სოფრომ მგალობლიშვილმა (1851-1925), ზაქარია (შაქრო) გულისაშვილმა (1857-1913) და სხვებმა. მათ მრავალრიცხოვან მოთხრობებში დახატულია ქართველი გლეხობის ცხოვრება და მოცემულია მაშინდელი წყობილების კრიტიკა, ხალხოსნური იდეების თვალსაზრისით. ხალხოსანი მწერლები, განსაკუთრებით ა. ფურცელაძე და ე. გაბაშვილი, განიცდიდნენ თერგდალეულთა იდეების ძლიერ გავლენას. მხატვრობის თვალსაზრისით ყველა ხალხოსანი მწერლის ნაწარმოებები არ გამოირჩევა მაინცა და მაინც მაღალი ოსტატობით. გამონაკლისს წარმოადგენს ე. გაბაშვილისა და ნ. ლომოურის პროზა, რომელიც ქართული ლიტერატურის საუკეთესო ნიმუშების სიმალლეზე დგას.

90-იან წლებში სამწერლო სარბიელზე გამოვიდნენ ნიჭიერი მწერლები: ეგნატე ნინოშვილი, დავით კლდიაშვილი, იროდიონ ეგდოშვილი, ვასილ ბარნოვი, შიო არაგვისპირელი და სხვები. ამ მწერალთა მხატვრულ ნაწარმოებებში აისახა ის დიდი სოციალურ-პოლიტიკური ცვლილებები, რომ-

ღებაც იმ დროს მოხდა საქართველოს საზოგადოებრივ ცხოვრებაში.

ე. ნინოშვილმა (ინვოროყვამ) დაწერა მოთხრობები: „გოგია უიშვილი“, „პალიასტომის ტბა“, „მოსე მწერალი“, „განგარგულება“, „სიმონა“, „ქრისტინე“, „ნვენი ქვეყნის რაინდი“, და სხვ., აგრეთვე ისტორიული რომანი „ჯანყი ვურიაში“.

ი. ნინოშვილის ნაწარმოებთა უმრავლესობა მიძღვნილია დარბი გლეხების ცხოვრებისადმი.

ე. ნინოშვილი სწავლობდა მუშათა კლასის ცხოვრებას და გმზადებდა მოთხრობას მუშათა ცხოვრებიდან; მაგრამ მას ძღარ დასცალდა ამ განზრახვის შესრულება. მისი გზა წარმატებით განაგრძო პოეტმა იროდიონ ევდოშვილმა (ხოსიტაშვილმა) (1873—1915). თავის ლექსებში ირ. ევდოშვილმა ჯერ კიდევ 90-იან წლებში უმღერა საქართველოს მუშათა კლასს, რომელიც ემზადებოდა ცარიზმისა და ბურჟუაზიის წინააღმდეგ გადამწყვეტი ბრძოლისათვის.

დავით კლდიაშვილის (1862—1931) შემოქმედებაში განსაკუთრებით მკაფიოდ აისახა ქართველი თავადაზნაურობის დეგრადაციის პროცესი. მისი ნიჭიერად, ძლიერი იუმორით დაწერილი მოთხრობები და პიესები — „სოლომონ მორბელება“, „სამანიშვილის დედინაცვალი“, „ქამუშაძის გაჭირება“, „დარისპანის გასაჭირი“ და სხვები — არაჩვეულებრივი სიზუსტით და სიმართლით გადმოგვცემენ ეკონომიურად და სულიერად დაკნინებული წოდების, „შემოდგომის აზნაურების“ ცხოვრებას.

ქალაქისა და სოფლის ცხოვრების, აგრეთვე საქართველოს ისტორიული წარსულის სურათები დახატეს თავიანთ მხატვრულ ნაწარმოებებში მწერლებმა ვ. ბარნოვმა, შ. არაგვისპირელმა (დედაბრიშვილმა) ლალიონმა (არსენ მამულაიშვილმა), ანასტასია ერისთავ-ხოშტარიამ, დუტუ მეგრელმა (დიმიტრი ხოშტარიამ), საბავშვო მწერალმა შიო მღვიმელმა და სხვებმა, რომლებმაც 90-იან წლებში დაიწყეს თავიანთი შემოქმედებითი გზა.

თეატრი. ხანგრძლივი ისტორიის მქონე ქართული თეატრი აღდგენილ იქნა 1850 წელს, დრამატურგ გიორგი ერისთავის თაოსნობით. ეს თეატრი თავიდანვე რეალისტური ხე-

ლოვნების გზას გაჰყვა. მის სცენაზე იდგმებოდა გ. ერის-  
თავის და ზ. ანტონოვის შესანიშნავი პიესები, უმთავრესად  
კომედიები, რომლებშიც ავტორები სატირის შოლტით ამა-  
თრახებდნენ გადაგვარებულ თავადაზნაურობას, ვაჭარ-მევახ-  
შეებს, მეფის მოხელეებს.

მუდმივი თეატრის აღდგენა დიდი კულტურული მოვლენა  
იყო ქართველი ხალხის ცხოვრებაში. მაგრამ ახლად აღდგე-  
ნილ თეატრს უაღრესად ძნელ პირობებში უნდებოდა არსე-  
ბობა და განვითარება, მეფის მოხელეები ყოველნაირად დევ-  
ნიდნენ და ავიწროებდნენ ქართულ თეატრს: წაართვეს მას  
შენობა, სასტიკი ცენზურა დაუწესეს რეპერტუარზე და ა. შ.  
ყოველივე ამის გამო 1856 წელს გ. ერისთავის თეატრის და-  
სი დაიშალა. მას შემდეგ 70-იანი წლების ბოლომდე მუდმივი  
დასი აღარ ყოფილა და ქართული თეატრი მხოლოდ სცენის-  
მოყვარეთა ძალებით ახერხებდა არსებობის შენარჩუნე-  
ბას.

ქართული სათეატრო ზელოვნების განვითარების ახალი,  
მეტად ნაყოფიერი საფეხური იწყება 1879 წლიდან, როდესაც  
თბილისში, ი. ჭავჭავაძისა და ა. წერეთლის ხელმძღვანელო-  
ბით, ქართველ მოღვაწეთა ჯგუფმა მოახერხა პროფესიული  
დრამატული თეატრის ჩელახლა აღდგენა. ერთი წლის შემ-  
დეგ დრამატული თეატრი დაარსდა აგრეთვე ქუთაისში. იმ  
დროს ქართულ თეატრში მოღვაწეობდნენ გამოჩენილი მსა-  
ხიობები და რეჟისორები: ვ. აბაშიძე (1854—1926), ლ. მეს-  
ხიშვილი (1857—1930), ნ. გაბუნია (1859—1910), მ. საფარო-  
ვა-აბაშიძისა (1860—1940), კ. ყიფიანი (1849—1921), კ. მეს-  
ხი (1859—1914), ვ. გუნია (1862—1938). ესენი იყვნენ ქარ-  
თული სცენის უნიჭიერესი ოსტატები, რომლებმაც ქართუ-  
ლი თეატრალური ხელოვნება მანამდე არნახულ სიმაღლეზე  
აიყვანეს.

80-90-იანი წლების რეაქციის დროს ქართულმა თეატრ-  
მა უდიდესი პროგრესული როლი ითამაშა ქართველი ხალ-  
ხის ცხოვრებაში. თეატრის სცენაზე იდგმებოდა ორიგინალუ-  
რი და ნათარგმნი რეალისტური პიესები ისეთი გამოჩენილი  
ავტორებისა, როგორიც იყვნენ: გ. ერისთავი, ი. ჭავჭავაძე, ა.  
წერეთელი, ა. გრიბოედოვი, ნ. ვოგოლი, ა. ოსტროვსკი, უ.  
შექსპირი, ფ. შილერი და სხვები. თეატრის წარმატებას ხელს

უწყობდა მისი მჭიდრო კავშირი საქართველოს ეროვნულ-განმათავისუფლებელ მოძრაობის ხელმძღვანელებთან, რის შედეგადაც ქართული თეატრის სცენა განმანთავისუფლებელი იდეების პროპაგანდის ტრიბუნად გადაიქცა. მაყურებელთა შორის განსაკუთრებული მოწონებით სარგებლობდა შესანიშნავი პატრიოტული პიესები — დ. ერისთავის „სამშობლო“ და ა. სუმბათაშვილ-იუჟინის „ლალატი“, რომლებიც უშუალოდ ეხმაურებოდნენ ქართველი ხალხის ეროვნული თავისუფლების იდეებს.

ქართული თეატრი და მისი მოღვაწენი უაღრესად მჭიდროდ იყვნენ დაკავშირებულნი რუსული თეატრის, კერძოდ მოსკოვის სახელგანთქმული მცირე თეატრის მოღვაწეებთან. ბევრმა ქართველმა თეატრალურმა მოღვაწემ განათლება რუსეთში მიიღო. ქართული თეატრის კავშირს რუსეთის თეატრებთან დიდად შეუწყო ხელი ნიჭიერი დრამატურგის, რეჟისორისა და მსახიობის ალ. სუმბათაშვილ-იუჟინის ხანგრძლივმა და ნაყოფიერმა მოღვაწეობამ მოსკოვის მცირე თეატრში.

სახვითი ხელოვნება. XIX საუკუნის მეორე ნახევარში საქართველოში შეიქმნა ახალი ღრმად ეროვნული სახვითი ხელოვნება, რომელიც წარმოადგენდა ქართული სახვითი ხელოვნების განვითარების უაღრესად მნიშვნელოვან ისტორიულ საფეხურს. განსაკუთრებით თვალსაჩინო წარმატება დაეტყო ფერწერას. ქართველმა მხატვრებმა, რომლებიც მჭიდროდ იყვნენ დაკავშირებულნი ეროვნულ-განმათავისუფლებელ მოძრაობასთან და თავიანთ შემოქმედებაში ხალხურობის პრინციპით ხელმძღვანელობდნენ, შექმნეს მრავალი შესანიშნავი, ხალხის ცხოვრების რეალისტურად ამსახველი ტილო.

60—70-იან წლებში ნაყოფიერად მუშაობდა მხცოვანი მხატვარი გრიგოლ მაისურაძე (1814—1885), რომლის შემოქმედებაში სულ უფრო და უფრო იჩენდა თავს დემოკრატიული რეალისტური ხელოვნების სულიანკვეთება. გ. მაისურაძე პოეტ ალექსანდრე ჭავჭავაძის ყოფილი ყმა იყო. ის ჯერ კიდევ 1837—1844 წწ. სწავლობდა პეტერბურგის სამხატვრო აკადემიაში. მან მრავალი საუკეთესო პორტრეტი შექმნა და საგრძნობლად წასწია წინ ქართული პორტრეტული მხატ-



ვრობა, 60-იან წლებში დაიწყო მუშაობა ნიჭიერმა თვითნასწავლმა მხატვარმა-გრავიორმა გრიგოლ ტატიშვილმა (1838—1911), რომელმაც დიდი როლი ითამაშა ქართული ბეჭდვითი გრაფიკული ხელოვნების, გრავიურის განვითარებაში.

ახალი ქართული სახვითი ხელოვნება განსაკუთრებით სწრაფად განვითარდა 80-იანი წლების დასაწყისიდან. ამ დროს შემოქმედებით სარბიელზე გამოვიდნენ შესანიშნავი მხატვრები რომანოზ გველესიანი (1859—1884) და ალექსანდრე ბერიძე (1858—1917), რომლებმაც საგრძნობლად გააღრმავეს და გააფართოვეს ქართული ფერწერის ტრადიციები რ. გველესიანი და ა. ბერიძე პეტერბურგის სამხატვრო აკადემიაში სწავლობდნენ. არანგულებრივი ნიჭით დაჯილდოებულმა რ. გველესიანმა თავისი ხანმოკლე სიცოცხლის მანძილზე შექმნა საინტერესო რეალისტური ნაწარმოებები: „კახელი დოქით“, „უცნობის პორტრეტი“, „ქართველი მანდილოსანი“, „ალავერდის ხიდი“, „მოედანი“ და სხვ. ა. ბერიძის მრავალრიცხოვან ნაწარმოებთაგან საუკეთესოა: „მწყემსი“, „სალამურზე დამკვრელი ბიჭი“, „მოხუცი ქალი აივანზე“, „პატარა გოგონა წინდას ქსოვს“ და სხვ. ა. ბერიძემ დიდი როლი ითამაშა აგრეთვე ქართული თეატრალური მხატვრობის განვითარებაში.

ახალი ქართული ფერწერის ნამდვილი ფუძემდებელი და უდიდესი წარმომადგენელი იყო გამოჩენილი მხატვარი გიგო გაბაშვილი (1862—1936), რომელმაც მრავალი ბრწყინვალე მხატვრული ტილო შექმნა. გ. გაბაშვილი ახალგაზრდობიდანვე გატაცებული იყო მხატვრობით. 1886—1888 წლებში გ. გაბაშვილი სწავლობდა პეტერბურგის სამხატვრო აკადემიაში. აქ ის გულმოდგინედ დაეწაფა სახვითი ხელოვნების შესწავლას და განსაკუთრებით გატაცებული იყო ი. რეპინის შემოქმედებით. სამშობლოში დაბრუნების შემდეგ გ. გაბაშვილმა მთაწყო თავის ნაწარმოებთა გამოფენა (1891 წ.), რომელზედაც 70-მდე სურათი წარმოადგინა. ამ გამოფენამ გ. გაბაშვილს შესანიშნავი მხატვრის სახელი დაუმკვიდრა. 1894 წელს გ. გაბაშვილმა იმოგზაურა შუა აზიაში და მრავალი კოლორიტული სურათი შექმნა სამარყანდისა და ბუხარის ცხოვრებიდან. იმავე წელს ის გაემგზავრა ევროპაში სწავლის

გასაღრმავებლად, წარმატებით დაამთავრა მიუნხენის სამხატვრო აკადემია (1897 წ.), იმოგზაურა იტალიასა და საბერძნეთში.

გ. გაბაშვილმა ორი ათასზე მეტი სურათი დაგვიტოვა. მათი უდიდესი უმრავლესობა ასახავს ქართველი ხალხის ცხოვრების სხვადასხვა მხარეს და საქართველოს თვალწარმტაც ბუნებას. ღრმა იდეურ-მხატვრული ჩანაფიქრითა და შესრულების ოსტატობით განსაკუთრებით გამოირჩევა: „სამი მოქალაქე“, „მძინარე ხევსური“, „მთვრალი ხევსური“, „ბაზარი სამარყანდში“, „ალავერდობა“, „ტივეზზე“, „მუსიკოს დე როზას პორტრეტი“, „უცნობი ქართველი თავადის პორტრეტი“, „განთიადზე სასაფლაოს ეკლესიასთან“, „ჭიდაობა“ და მრავალი სხვა.

ახალი ქართული ფერწერის გამოჩენილი წარმომადგენელია აგრეთვე ალექსანდრე მრევლიშვილი (1866—1933), რომლის შემოქმედება 90-იან წლებში გაიფურჩქნა. ალ. მრევლიშვილმა 1890 წელს წარმატებით დაამთავრა მოსკოვის ფერწერის, ქანდაკებისა და ხუროთმოძღვრების სასწავლებელი. შემდეგ იგი სწავლობდა პარიზში, მოგზაურობდა იტალიასა და გერმანიაში. ა. მრევლიშვილი დიდხანს ცხოვრობდა გლეხებს შორის თავის სამშობლო მცხეთაში და თვითონაც ეწეოდა სოფლის მეურნეობას. მან ზედმიწევნით კარგად შეისწავლა სოფელი, და თავისი ხელოვნება ღარიბი და დაჩაგრული ხალხის ცხოვრების რეალისტურ ასახვას მიუძღვნა. ა. მრევლიშვილმა შექმნა ღრმად იდეური და დიდად მხატვრული სურათები: „დაბალა ღობე“, „სოფლის კანცელარიის წინ“, „დრამის აკრეფა“, „ჯვარედინ გზაზე“, „სოფლელი ბიჭი და მდიდარი ქალები“ და სხვ.

90-იან წლებში დაიწყო თავიანთი შემოქმედებითი გზა აგრეთვე ღარიბი ხალხის წრიდან გამოსულმა დიდად ნიჭიერმა მხატვრებმა ანტონ გოგიაშვილმა (1878—1907) და მოსეთოიძემ (1871—1954), რომელთა მრავალრიცხოვანი სურათები ქართული ხელოვნების შესანიშნავ ნიმუშებს წარმოადგენდნენ.

90-იანი წლების პოლოს იწყებს მოღვაწეობას გამოჩენილი ქართველი მოქანდაკე იაკობ ნიკოლაძე (1876—1951),

რომელიც ქართული რეალისტური ქანდაკების ფუძემდებელია. მისი პირველი მნიშვნელოვანი ქანდაკება „შოთა რუსთაველი“ გამოფენილ იქნა 1879 წელს. შემდეგ ი. ნიკოლაძემ შექმნა მრავალი შესანიშნავი რეალისტური ნაწარმოები.

ქართული მუსიკა. ქართველმა ხალხმა თავისი ხანგრძლივი ისტორიის მანძილზე შექმნა უაღრესად მდიდარი, მრავალფეროვანი და ლამაზი მუსიკა, რომელშიც ასახულია ხალხის ფიქრი და გრძნობა, განცდა და მისწრაფება. ქართული ხალხური მუსიკა სრულიად ორიგინალური და თავისთავადია. მისი დამახასიათებელი თავისებურებაა მრავალხმიანობა (ხალხური სიმღერა ძირითადად სამხმიანია). თუ წინათ ფოთლიზმის ხანაში ქართული პროფესიული მუსიკა უმთავრესად ეკლესიის ხელში იყო, მეცხრამეტე საუკუნის მეორე ნახევარში საფუძველი ჩაეყარა ახალ, საერთო პროფესიულ მუსიკალურ ხელოვნებას, რომელიც იზრდებოდა და ვითარდებოდა ხალხური მუსიკის საფუძველზე, განვითარებული მუსიკალური კულტურის ყველა მიღწევის ფართო გამოყენებით.

საქართველოს მუსიკალური ცხოვრება საგრძნობლად გამოცოცხლდა უკვე 50-60-იან წლებში. 1851 წელს თბილისში მოწვეული იქნა იტალიური დასი და გაიხსნა საოპერო თეატრი, რამაც ხელი შეუწყო მუსიკალური კულტურის ზრდა-განვითარებას. იმავე დროს გაძლიერდა ინტერესი ქართული ხალხური მუსიკისადმი. გამოჩნდნენ განათლებული ქართველი პროფესიონალი მუსიკოსები, რომლებმაც შეამზადეს ნიადაგი ახალი ეროვნული მუსიკალური ხელოვნების შესაქმნელად.

ახალი ქართული მუსიკალური კულტურის ერთ-ერთი პირველი გამოჩენილი მოღვაწე იყო ნიჭიერი მომღერალი ხარლამპი სავანელი (1845-1890), რომელიც მჭიდროდ იყო დაკავშირებული ეროვნულ-განმათავისუფლებელი მოძრაობის ხელმძღვანელებთან. ს. სავანელი სწავლობდა პეტერბურგის კონსერვატორიაში, მისი დამთავრების შემდეგ კი სამშობლოში დაბრუნდა და გატაცებით შეუდგა ქართული საერთო პროფესიული მუსიკის აღორძინების საქმეს. 1873 წელს მან დაარსა საგუნდო კურსები, რომელიც შემდეგ გაფართოვდა და იქცა მუსიკალურ კურსებად, ხოლო 1885 წელს გადაკეთ-

და პირველ ქართულ მუსიკალურ სასწავლებლად, რომლის საფუძველზედაც შეიქმნა შემდეგ საქართველოს სახელმწიფო კონსერვატორია.

ხ. სავანელთან ერთად 60—80-იან წლებში ნაყოფიერ მუშაობას ეწეოდა და მუსიკალურ კურსების დაარსებაშიც აქტიურად მონაწილეობდა შესანიშნავი ქართველი პიანისტი და კომპოზიტორი ალთიზ მიზანდარი (1838—1912). ა. მიზანდარი ჯერ პეტერბურგში სწავლობდა, შემდეგ რამდენსამე წელს პარიზსა და ვენაში მოღვაწეობდა. 1886 წლიდან კი თბილისში დასახლდა და მთელი თავისი სიცოცხლის მანძილზე ემსახურებოდა ხალხში პროფესიული მუსიკალური განათლების გავრცელების საქმეს.

80-იან წლებში ქართული მუსიკის მოღვაწეთა წრე მნიშვნელოვნად გაფართოვდა. 1885 წელს ლადო აღნიაშვილმა (1860—1904) დააარსა ქართული ხალხური სიმღერების გუნდი, რომლის ხელმძღვანელად მიიწვია ჩეხი მუსიკოსი ი. რატილი. გუნდი მოგზაურობდა საქართველოს სხვადასხვა კუთხეებში, აწყობდა ეთნოგრაფიულ კონცერტებს, ეწეოდა ქართული ხალხური მუსიკის პროპაგანდას. იმავე ხანებში სამოღვაწეო სარბიელზე გამოვიდა შესანიშნავი მუსიკოსებისა და კომპოზიტორების მთელი ჯგუფი, რომელთაგან ქართული მუსიკალური კულტურის განვითარებაში განსაკუთრებით თვალსაჩინო როლი შეასრულეს: ფილიმონ ქორიძემ (1830—1911), მელიტონ ბალანჩივაძემ (1862—1937), ილია კარგარეთელმა (1867—1939), ანდრია ყარაშვილმა (1857—1925), ზაქარია ჩხიკვაძემ (1862—1930), ანდრია ბენაშვილმა (1850—1908) და სხვებმა. ისინი სიყვარულით აგროვებდნენ ხალხურ სიმღერებს. ეწეოდნენ ქართული მუსიკის პროპაგანდას, ამზადებდნენ და ზრდიდნენ მუსიკოსთა ახალ კადრებს. მათვე გადადგეს პირველი სერიოზული ნაბიჯები კომპოზიციის (მუსიკის შეთხზვის) დარგში.

იმდროინდელი ჩვენი მუსიკის მოღვაწეები იბრძოდნენ ახალი, რეალისტური ქართული მუსიკალური კულტურისათვის. რუსეთის გამოჩენილი კომპოზიტორები დიდად აფასებდნენ ქართულ ხალხურ მუსიკას, ბევრი მათგანი (მაგალითად, მ. გლინკა, მ. ბალაკირევი, ა. რუბინშტეინი, პ. ჩაიკოვსკი, მ. იპოლიტოვ-ივანოვი და სხვები) საგანგებოდ სწავლობდა და

შემდეგ თავის ნაწარმოებებში იყენებდა ქართული ხალხური მუსიკის ჰანგებს.

80—90-იან წლებში ქართული მუსიკალური ხელოვნების განვითარება საგრძნობლად დაწინაურდა. შეიქმნა და ფართოდ გავრცელდა ქართველ კომპოზიტორთა რომანსები, მომწიფდა პირობები საოპერო ხელოვნების განვითარებისათვის. 1897 წელს პეტერბურგში დაიდგა ნაწყვეტები მ. ბალანჩივაძის ოპერიდან „თამარ ცბიერი“. ეს იყო ქართული ოპერის შექმნის პირველი ცდა.



წინასიტყვაობა . . . . .	8
<b>თავი I. საქართველოში უძველესი დროიდან ელენისტური ხანის დასაწყისამდე . . . . .</b>	<b>6</b>
§ 1. პირველყოფილი საზოგადოება საქართველოს ტერიტორიაზე . . . . .	6
§ 2. პირველყოფილ-თემური წყობილების დარღვევა. საზოგადოებრივი კლასებისა და სახელმწიფოს წარმოშობა . . . . .	9
§ 3. უძველესი რელიგიური და მითოლოგიური წარმოდგენები . . . . .	11
§ 4. სამხრეთ-დასავლეთ საქართველოს ტომთა უძველესი გაერთიანებები . . . . .	14
§ 5. საქართველოს მეზობელი ქვეყნები მე-7 და მე-6 საუკუნეებში ძველი წელთაღრიცხვით . . . . .	18
§ 6. ბერძნული ახალშენები შავი ზღვის სანაპიროზე . . . . .	19
§ 7. ძველი ბერძნული ცნობები საქართველოს შესახებ . . . . .	20
§ 8. იბერია-კოლხეთი და აქემენიდების სამეფო . . . . .	24
<b>თავი II. საქართველო ელენისტურ და რომაულ ხანაში . . . . .</b>	<b>27</b>
§ 9. ქართლის (იბერიის) სამეფოს წარმოქმნა . . . . .	27
§ 10. ქართლის სამეფო ჩვ. წ. აღ-მდე მე-3 საუკუნეში . . . . .	28
§ 11. საგარეო პირობების გაუარესება. საქართველო ჩვ. წ. აღ-მდე მე-2 საუკუნესა და 1-ლი საუკუნის დასაწყისში . . . . .	30
§ 12. რომის დაპყრობითი ომები აღმოსავლეთში . . . . .	32
§ 13. რომაელები საქართველოში . . . . .	33
§ 14. საქართველოს სამეურნეო მდგომარეობა პირველი საუკუნის დამდეგს ჩვ. წ. აღ-მდე . . . . .	35
§ 15. საზოგადოებრივი წყობილება საქართველოში პირველი საუკუნის დამდეგს ჩვ. წ. აღ-მდე . . . . .	37
§ 16. ქართლის სამეფოს გაძლიერება ჩვ. წ. აღ-ით 1-მე-2 სს-ში . . . . .	39
§ 17. კულტურული ვითარება ძველ საქართველოში . . . . .	41
§ 18. დასავლეთ საქართველო ჩვენი წელთაღრიცხვით პირველ საუკუნეში. ლაზიკის სამეფოს გაძლიერება . . . . .	46
§ 19. ქართლის სამეფო მე-3—მე-4 საუკუნეებში. ქრისტიანული რელიგიის დამკვიდრება ქართლში . . . . .	49
<b>თავი III. საქართველო მე-5 — მე-10 საუკუნეებში . . . . .</b>	<b>56</b>
§ 20. ფეოდალურ ურთიერთობათა განვითარება . . . . .	56
§ 21. ქართლი მე-5 საუკუნეში. ვასტანგ გორგასალი და მისი პრძოლა სპარსელების წინააღმდეგ . . . . .	58
§ 22. ქართლი სპარსელების ბატონობის ქვეშ . . . . .	61
§ 23. ეგრისი მე-6 საუკუნის დამდეგს. ქრისტიანობის სახელმწიფო სარწმუნოებად გამოცხადება ეგრისში . . . . .	63

§ 24. „საუკუნო ზავი“ და მისი შედეგები . . . . .	65
§ 25. ომის დაწყება ეგრისში, ომის მიზეზები . . . . .	65
§ 26. სპარსელების ნამდვილი განზრახვის გამოაშკარავება, ომის გაფართოება . . . . .	68
§ 27. მდგომარეობა აბაზგიაში . . . . .	71
§ 28. პეტრას აღება მოკავშირეების მიერ, გუბაზ მეფის მოკვლა . . . . .	73
§ 29. სახალხო კრება ეგრისში და ბჭობა ორიენტაციის საკითხის შესახებ . . . . .	74
§ 30. მისიმიელების აჯანყება, სპარსელების საბოლოო დამარცხება ეგრისში . . . . .	76
§ 31. კულტურა და იდეოლოგია მე-4—მე-6 საუკუნეებში . . . . .	78
§ 32. საქართველოს მეზობელი ქვეყნები მე-7 საუკუნეში . . . . .	83
§ 33. საქართველო მე-7 საუკუნის პირველ ნახევარში . . . . .	84
§ 34. არაბების შემოსვლა და გაბატონება საქართველოში, ბრძოლები მათ წინააღმდეგ . . . . .	85
§ 35. არაბების დასუსტება, ახალი ფეოდალური სამთავროების წარმოშობა საქართველოში . . . . .	89
§ 36. პირობების მომზადება ქართული სამეფო-სამთავროების გაერთიანებისათვის . . . . .	92
§ 37. საქართველოს გაერთიანება, ერთიანი ქართველი ხალხის ჩამოყალიბება . . . . .	96
§ 38. კულტურული ვითარება მე-8—მე-10 საუკუნეებში . . . . .	116
<b>თ ა ვ ი IV. საქართველო მე-11—მე-12 საუკუნეებში . . . . .</b>	<b>119</b>
§ 39. საქართველოს პოლიტიკური თავგადასავალი მე-11 საუკუნეში . . . . .	119
§ 40. საქართველოს კულტურული ვითარება მე-11 საუკუნეში . . . . .	125
§ 41. დავით აღმაშენებელი . . . . .	128
§ 42. კულტურული ვითარება დავით აღმაშენებლის მეფობაში . . . . .	137
§ 43. გიორგი მესამის მეფობა . . . . .	138
§ 44. თამარის გამეფება, ბრძოლა სამეფო კარზე . . . . .	142
§ 45. ბრძოლა საქართველოს სახელმწიფო წესწყობილების შესაცვლელად . . . . .	143
§ 46. შინაური მდგომარეობა თამარის მეფობის დასაწყისში . . . . .	144
§ 47. საგარეო ომები თამარის მეფობაში . . . . .	146
§ 48. ქართული სახელმწიფოებრიობა თამარის მეფობაში, მთიელების აჯანყება . . . . .	149
§ 49. საქართველოს კულტურული ვითარება მე-12 საუკუნეში . . . . .	152
<b>თ ა ვ ი V. საქართველო მე-13—მე-17 საუკუნეებში . . . . .</b>	<b>156</b>
§ 50. მონგოლთა გაბატონება საქართველოში . . . . .	156
§ 51. მონგოლური მმართველობის წესი საქართველოში . . . . .	158
§ 52. კოტაისათვის შეთქმულება, ცოტნე დადიანის გმირობა . . . . .	158

§ 53. დავით ულუს და დავით ნარინის მეფობა . . . . .	159
§ 54. აღმოსავლეთ საქართველო დემეტრე მეორის (თავდადებულის) მეფობაში . . . . .	160
§ 55. შინაური მდგომარეობა საქართველოში მე-14 საუკუნის დამდეგისათვის . . . . .	164
§ 56. გიორგი მეზუთის, ბრწყინვალის, მეფობა . . . . .	166
§ 57. თემურ-ლენგის პირველი შემოსევა საქართველოში . . . . .	169
§ 58. საქართველოს ბრძოლა დამოუკიდებლობისათვის თემურის წინააღმდეგ . . . . .	171
§ 59. შავის დადება თემურ-ლენგსა და საქართველოს შორის . . . . .	175
§ 60. საქართველოს სამეფოს რღვევის პირველი ნიშნები . . . . .	177
§ 61. შინაური შავის შუკვრა და შემდგომ მისი ჩაშლა . . . . .	178
§ 62. საქართველოს დაყოფა ცალკე სამეფოებად . . . . .	179
§ 63. ცვლილებები საზოგადოებრივ ურთიერთობაში . . . . .	185
§ 64. ბატონყმობა . . . . .	186
§ 65. სიმონ პირველის მეფობა ქართლში . . . . .	189
§ 66. კახეთი მე-16 საუკუნეში. პირველი კონტაქტები რუსეთთან . . . . .	191
§ 67. რუსეთ-საქართველოს ურთიერთობა მე-16 საუკუნის მიწურულში . . . . .	194
§ 68. სამცხე-საათაბაგო მე-16 საუკუნეში . . . . .	196
§ 69. ქართველთა ბრძოლა დამოუკიდებლობისათვის შაჰ-აბასის წინააღმდეგ მე-17 საუკუნის დასაწყისში . . . . .	199
§ 70. გიორგი სააკაძე . . . . .	203
§ 71. აჯანყება კახეთში. კახეთის აოხრება . . . . .	205
§ 72. ქართლ-კახეთი 1616-1622 წლებში . . . . .	210
§ 73. გიორგი სააკაძის აჯანყება . . . . .	213
§ 74. მარაბდის ომის შემდეგ. სააკაძის დამარცხება . . . . .	217
§ 75. კახეთის აჯანყება 1659 წლისა . . . . .	221
§ 76. დასავლეთი საქართველო მე-17 საუკუნეში . . . . .	223
§ 77. კახეთი მე-17 საუკუნის უკანასკნელ მეოთხედში . . . . .	226
<b>თ ა ვ ი VI. საქართველო მე-18 საუკუნეში . . . . .</b>	<b>228</b>
§ 78. ვახტანგ მეექვსის მოღვაწეობა . . . . .	228
§ 79. ვახტანგ მეექვსისა და პეტრე პირველის ურთიერთობა . . . . .	235
§ 80. ოსური ახალშერები ქართლის მთიანეთში . . . . .	237
§ 81. ლეკიანობა მე-18 საუკუნის საქართველოში . . . . .	240
§ 82. ქართლ-კახეთის ერთ სამეფოდ გაერთიანება. ბრძოლა სათავადოების წინააღმდეგ . . . . .	245
§ 83. ერეკლეს საგლეხო პოლიტიკა . . . . .	248
§ 84. დასავლეთი საქართველო მე-18 საუკუნის პირველ ნახევარში . . . . .	250
§ 85. მთრიგე ჯარი . . . . .	254



§ 86. რუსეთ-საქართველოს ურთიერთობა, საქართველოს თავა- გადასავალი მე-18 საუკუნის უკანასკნელ ათეულ წლებში	256
§ 87. კრწანისის ომი . . . . .	258
§ 88. ქართლ-კახეთის სამეფოს რუსეთთან შეერთება . . . . .	261
<b>თ ა ვ ი VII. საქართველო მე-19 წ. პირველ მესამედში . . . . .</b>	<b>263</b>
§ 89. საქართველოს სხვადასხვა ნაწილების თანდათანობითი შეერთება რუსეთთან . . . . .	263
§ 90. ცვლილებები საქართველოს ეკონომიკურ და საზოგადო- ებრივ ცხოვრებაში მე-19 ს. პირველ მესამედში . . . . .	272
ა) ეკონომიკური ვითარება . . . . .	272
ბ) ცვლილებები საზოგადოებრივი კლასებისა და ფენების მდგომარეობაში . . . . .	276
გ) გლეხთა აჯანყებები მე-19 ს. პირველ მესამედში . . . . .	278
§ 91. მმართველობის სისტემა, კოლონიური ჩაგვრა, ეროვნულ- განმათავისუფლებელი ბრძოლის პირველი ნაბიჯები . . . . .	284
<b>თ ა ვ ი VII. საქართველო მე-19 ს. 30-50-იან წლებში . . . . .</b>	<b>292</b>
§ 92. ცვლილებები ქვეყნის ეკონომიკურ ცხოვრებაში, ფეო- დალურ ურთიერთობათა რღვევა . . . . .	292
§ 93. მეფის რუსეთის კოლონიური ჩაგვრა, ქართველი სალხის ბრძოლა სოციალური და ეროვნული ჩაგვრის წინააღმდეგ . . . . .	299
§ 94. საქართველოს კულტურა მე-19 ს. პირველ ნახევარში . . . . .	309
<b>თ ა ვ ი IX. საქართველო საგლეხო რეფორმის შემდგომ ხანაში (მე- 19 ს. 60-იანიდან 90-იან წლებამდე) . . . . .</b>	<b>321</b>
§ 95. 60-იანი წლების რეფორმები . . . . .	321
§ 96. კაპიტალიზმის განვითარება მრეწველობასა და სოფლის მეურნეობაში და მისი შედეგები . . . . .	333
§ 97. კოლონიური ჩაგვრის გაძლიერება და ეროვნულ-გან- მათავისუფლებელი მოძრაობის აღმავლობა 80-90-იან წლებში . . . . .	340
§ 98. კლასობრივი ბრძოლის გამწვავება, სალხოსნური მოძ- რაობა . . . . .	247
§ 99. თერგდალეულთა ჯგუფის დაშლა, ახალი დემოკრატიული მიმართულებანი . . . . .	351
§ 100. რევოლუციური მოძრაობა საქართველოში და მუშათა კლასის იდეოლოგიის — მარქსიზმის გავრცელება . . . . .	355
§ 101. ქართული კულტურა მე-19 ს. მეორე ნახევარში . . . . .	358

გამომცემლობის რედაქტორი ნ. ავალიანი  
მხატვარი შ. ოტენი  
ტექნორედაქტორი ნ. პოკერია  
კორექტორები: დ. კლასონია, თ. კაკულია

გადაეცა წარმოებას 5.XII.89. ხელმოწერილია დასაბუჭდად 10.II..90. ქალაქ-  
დის ზომა 84×108<sup>1</sup>/<sub>32</sub> ქალაქული ღრმა ბეჭდვის. ბეჭდვა მაღალი. გარნი-  
ტურა ივერია. პირობითი ნაბეჭდი თაბახი 20.16. სააღრიცხვო-საგამომ-  
ცემლო თაბახი 17.25. ში 01040. ტირაჟი 70.000 შეკვეთა № 1340

ფასი 6 მან. 90 კაპ.

გამომცემლობა „მეცნიერება“, თბილისი 380060, კუტუზოვის ქ. 19.  
Издательство «Мецниереба», Тбилиси, 380060, ул. Кутузова, 19.

საქართველოს სსრ ბეჭდვითი სიტყვის სახელმწიფო კომიტეტის თბილისის  
ო. ჭავჭავაძის სახ. წიგნის ფაბრიკა, გრიგოლ რობაქიძის გამზირი № 7.  
Тбилисская книжная фабрика им. И. Чавчавадзе Государственного  
комитета по печати Грузинской ССР, пр. Гр. Робакидзе № 7.

საქართველოს ისტორია  
(საკითხავი წიგნი)

ИСТОРИЯ ГРУЗИИ  
КНИГА ДЛЯ ЧТЕНИЯ  
(На грузинском языке)

ქოვერატოვი „არმაზი 89“

